

CONTRORSIÆ
THEORICAE.
PRACTICÆ, IN PRI-
MAM APHORISMORVM
HIPPOCRATIS
SECTIONEM.

*Opus in duas partes diuifum, Philosophis ac
Medicis perutile ac periucundum, in quo
quacunque ad vena fectionem, purgationem,
& probam vietus rationem pertinent, non
minus accuratè, quàm acutè ac eleganter in
vtramque partem difputantur ac enodantur.*



Auctore CHRISTOPHORO CACHETO
Lotharingo, Sereniffimi Lotharingæ Ducis
Confiliario & Medico ordinario.

PARS PRIMÆ.




TVLLI.

Apud SEBASTIANVM PHILLIPPE
Typographum Iuratum.

1612.

Cum Privilegijs Cæsareo, & Regio.







HENRICO II.

DVCI MARCHISIO

LOTHARINGIÆ, CALABRIÆ,

Barri, Gueldriæ, Duci Serenissimo,
Potentissimo, Optimo. &c.

CHRISTOPHORVS CACHETVS

Lotharingus



Etus oratio est, nostris (si
aliàs vnquam) firmata tem-
poribus, quot capita, tot
sensus: diuersitas sensuum
tricas implicuit inexplica-
biles, dubia ferè reddidit omnia, & de
omnibus in vtramque partem dispu-
tandi occasionem dedit. Enimverò
(PRINCEPS SERENISSIME)
nihil tam altis fundatum principijs,
tanto rationum pondere stabilitum,
quin his opinionum quasi fluctibus,
non dicam concuti, sed euerti possit, &
funditùs dirui. Nihil tam absurdum ac
inauditum, tam ab humana mente alie-

EPISTOLA.

num, quin proprios auctores habeat, & fautores. De vocibus litigiosè inter se disceptant Grammaticuli, de illarum notatione, prolatione, scriptione, concordantia discordes, De varijs orationum pigmentis, varia impingunt Rhetores. Vix vllæ apud Philosophos demonstrationes tutæ: paucæ apud Iuriconsultos certæ leges incertum ius, iudicium incertius ex certa lege.

Quid in sanctis literis ratum sanctūque apud omnes? Ipsa diuina vox refractariorum non fugit voces, qui limpidissimo fidei lumini offundere tenebras obstinatè tentant, & inuiolabilem veritatis ideam ore mendaci foedissimè conspurcant.

*Persim
Satyra 1.*

O curas hominum! ò quantum est in rebus inane?

An verò ab ista labe sunt immunes Medici? Imò vel hoc nomine male præcæteris audiunt, quod, si quando plures corpore, nusquam animo simul conueniant, variè distrahātur, & varias in lites.

Δίκη δίκην ἔτικτε, καὶ βλάβην βλάβη.

Litemque lis, noxamque noxa parturit.

Hinc calumniam vsque adeò grauem patitur apud vulgus ars tota vt nullo

EPISTOLA.

pacto videatur medicina: quemadmo-
 dum enim mutua eorum concordia,
 qui eandem Palæstrā sunt ingressi ma-
 gnā cognitionis speciem exhibet, pari
 modo lis & controuersia iustam igno-
 rationis suspicionem iniicit. Equidem
 quod summo quondam Oratori de
 Poëtis, idem mihi de nobis ipsis effari
 licet: In hoc genere, nescio quo pacto
 magis quàm in alijs suum cuique pul-
 chrum est: Sic se res habet, te tua, me
 delectant mea. Pudet me quandoque
 (ingenue fateor) & piget, [PRINCEPS
 CLEMENTISSIME] coram tua Celsitu-
 dine vel cum paribus altercari, vel au-
 dire pares inuicem altercātes. Cesserim
 ego lubens, & vel victo dederim victas
 manus: obstat veritatis & propriæ exi-
 stimationis iustus, nec contemnendus
 amor. Huic si quo iure possum, detra-
 ham, instabit illa vehementiùs, & quo-
 dam veluti conscientiae stimulo ad lo-
 quendum impellet. Tanta est vis veri-
 tatis cui obluſtari nefas, cui primæ ubi-
 que deferendæ, tum præcipue apud
 Principes viros. Αλήθεια γάρ Θεῶν ὁμόπο-
 λης, μόνη Θεοῖς σιωδαῖσιν μένη. Veritas
 enim deorum conciuvis, sola cōnuictu
 fruitur deorum, hoc est principum, qui

EPISTOLA.

decorum filij antiquis dicti, veram, vi-
uamque in terris exprimunt imaginem
deorū. Verūm cūm rarò sub aspectum
cadat, internoque obtutu magis quàm
externo depræhendatur veritatis splen-
dor, quid mirum tot, tamque inter se
dissentientes opiniones inter nostros, tot
indè tragædias excitari? tantū quisque
iudicat, quantum videt: tantum videt,
quantum sapit: tantum denique sapit,
quantū in probatorum auctorū lectio-
ne [sed antiquorum maxime] quan-
tumque in Philosophicis Medicisque
Theorematis ac in artis operibus est
versatus: Antiquitas quidem quò pro-
piùs aberat ab ortu & diuina progenie,
eò meliùs ea fortassè quæ erant vera
cernebat.

Philosophiæ verò studium quantas
Hippocraticæ doctrinæ suppetias affe-
rat, satis manifestè docuit alter Hippo-
crates, cum optimum Philosophum,
optimum fore Medicum constituit. Præ-
cepta Medica certis rationibus consti-
tuta vim experientiæ indubitata tribuunt,
exercitatio demum artem per-
ficit; hac destituta experientia, ne ex-
perientiæ quidem nomen mereri potest:
quam qui temerè præter artem profiteri

*Cicero 1.
Tuscula.*

*Gal lib. si
optimus
Medicus.*

EPISTOLA.

audent, perpetua caligine suffusi, cæcutientes ægros in foueam, se ipsos in extremam animæ perniciem agunt. Neque enim vlla in terris statuta lex, [nulla saltem obseruata] quæ capitalem Medicorum inscitiam puniat: nulla ei inflicta pœna, præterquam ignominia, Vtinam reuiuisceret apud nos tandem aliquâdo illud Ægyptiorum decretum, quo, tanquam Adrastia lege cauebatur, ne quis præter normam à veteribus traditam aggrederetur curationem. Si quis sacrum sequutus librum restituere infirmum nequisset, omni carebat crimine: qui secus tractasset, morte plectebatur. Vtinam sub eiusmodi cōditione Iuri Talionis daretur locus: repressam momento temporis videremus pseudo-Medicorum insaniam atque audaciam. Sed quò rapior? Quorsum æquissimas tuæ Celsitudinis aures frustra querelis obtundo? cū recens iisdem dotibus & priuilegijs quibus amplissimum illud totius Galliæ Emporium [Luteriam intelligo] suis in ditionibus facultatem Hippocraticam cohonestarit? nempe, vt omnes intelligant, quantum in nobilissima medendi scientia momentum sit positum, quanta ex illius neglectu

*Plini⁹ lib.
29. cap. 1.*

*Hipp. in
sua lege.
Herodotus*

EPISTOLA.

immineat in singulos ruina. quæ tantò grauior est, quantò nobilius redundat in subiectum, quod vel admissio semel leui errore, destrui; destructum, nulla vnquam industria reparari potest. Hoc ego ita esse cùm pluries animaduertissem, in eo mihi maxime elaborandum duxi, (si & animæ, & nomini consultum vellem) vt me quocunque ingenio liceret difficultatū plexibus expedirem, illarum inter cœteras quæ in praxi frequentes, nec sine periculo obtingunt. Hoc nomine antiquum illud Ilium peragraui, diuinū illum senem Coum tantæ peregrinationi ductorem præfeci: fidelissimum illius interpretem Pergamenum comitem, aut ducem potius alterum adsciui, cœteros ab ipsis non aspernatus. Quæcunque occurrere aut non satis explicata, aut parum validis innixa fundamentis, erutis ex sapientiæ Medicinæq; studio argumentis firmioribus fulciui, quantum in me fuit, atque illustraui: sparsa vndique & vaga in vnum veluti fasciculum concinnaui, veterem & Socraticam rationem sectatus contra alterius opinionē differendi, nam ita facillime, quod verissimū esset, inueniri posse Socrates arbitrabatur.


EPISTOLA.

Mihi ista soli primùm conscripta neque enim aliò circa initi cœpta dirigebam, quã vt ad abditissimos difficillimæ sciẽtiæ recessus viam mihi facilem pararem: mox in progressu cogitavi attentius si quid esset quod cœterorum studia promoueret. Re postmodum vlteriùs producta clarissimos Collegas meos, tuæ Celsitudinis Medicos experientissimos in consilium adhibui, certò persuasus, quæcunque tam probis & laudatis viris proba viderentur & laudata, nisi improbis non posse non probari. Dedere animos singuli non reluctanti mihi, imò addidere sponte iam incitato, vt priuatas hasce lucubrationes palàm in publicam vtilitatem proferrem. Hoc aggredior modo [PRINCEPS POTENTISSIME] sub augustissimi Nominis tui foelicibus auspicijs & tutela, Leue ac exiguum istud opus non ex suprema, quam foeliciter sustines, dignitate metiêre, sed ex solita, tibi ab ipsis vitæ primordijs innata facilitate & clementia, quæ vix vlli, non dicam ex domesticis, sed etiam exteris ad Sere-
nissimam Celsitudinem tuam aditum intercludit. Tua sic illucescet liberalitas in munusculis id genus literarijs admit-

EPISTOLA.

tendis, vt magnificentia solet in regijs
erogandis. Bellicis trophæis, regioque
& supremo tuæ Celsitudinis imperio
non ignobilis accedet ex literis gloria,
annis succrescent anni, literatis honor
& fauor, dum literas, medicasque in
primis artes ea, quam tua fert humani-
tas, beneuolentia complectere. Ita faxit
DEVS immortalis, tibi ac tuis po-
steris perpetuam ex communi voto
foelicitatem largiatur, iuge imperium,
& firmissimam salutem.





AVCTORIS PROPO-
SITVM AD CANDIDVM
LECTOREM.

Nouum opus aggredior (studiose lector) imò vetus, & minimè nouum: à nemine quem sciam, imò à plerisque tractatum. Illustrare praxim vniuersam mihi est animus, dissentientes medentium conciliare animos, extricare difficultatum inuolucra, contro- uersias enodare.

Non istud nouum, non à nemine tractatum: versantur in eodem argumento non pauci, nec infœliciter, non meo tamen modo, non sub eodem argumento.

Scribo in Hippocratem commentaria: neque istud nouum: actum ago veriùs dixerim tritum. Sponte natas ex Hippocratis Aphorismis questionem agito & voluo in utramque partem, alienas opiniones ex professò confuto, proprias firmis, quantum in me est rationibus stabilio, vnicum ab Hippocrate Galenum mearum conclusionum (paucas excipio) ubique ferè auctorem astruo: &

hæc noua neque ab ullo, quem norim inchoata. Quanquam non defuere qui longis vel ad Nauseam commentarijs multa, haud multum à proposito meo dissita scripsere. Omnes, inquam aut certè potissimas in vniuersa Therapia dubitatione nec proponi solitas expono, at Hippocrate dictante, & meo peculiari modo. Suffusam undique tenebris, & ceca errorum caligine medendi methodum primo intuitu video, mox affulgente salutari nostri Appollinis radio emicat veritatis iubar. Vix quicquam aut in Pharmacia, aut in Chirurgia, aut in Diata difficile ac intricatum reperio, quod primus hic mihi ad interpretandum susceptus Aphorismorum liber facile non reddat & extricatum. Purgandi indicationem queris? Aut quid purgandum, & per quas vias, quibus in morbis, & quando conueniat, aut non conueniat purgatio? Habes distinctè omnia.

De sanguinis missione cogitas? Hic mensuram disces & modum intentionemque, & quæ ad ista referuntur singula. Heres in præscribenda victus ratione? Scrupulum omnem eximet hic unicus tractatus: quid, quale, quantumque cibi offerendum sit, hic inuenies, semelne, an pluries, longis an breuibus interuallis alimonia exhibenda, quo tempore abstinendum. An his potiora

PRÆFATIO

sunt alia præsidia, quibus mortiferis humana valetudinis hostibus mortale bellum inferas? Neque verò soli Therapia intenti à prognostico abstinemus, non etiā Philosophis, non literarum humaniorum cultoribus, non ipsis curiosis suus deest locus. Quæ curiose, longius eadem fortasse nonnullis videbuntur tractata: sed hi tetricos ponant vultus, suo libere perfruantur, non abutantur otio. Curiosis, quibus nihil videtur nimis quod curiosum, scripta ista sciant. Vnicum certè lepidioribus id genus quasiunculis, eumque primum dedimus Aphorismum, nec credo inutiliter, sed neque præter institutū Aphorismi. Suos hîc etiam Censores nostri modò ne pigeat, & sibi fortè loquentes audient Philosophos & medicos, & censores. Cætera quæ paulò antè proposuimus, ex intimis Hippocratica & Peripatetica doctrina fundamentis ac penetralibus eruta fere comperient omnia.

Amplissimus equidem huiusce decertationis campus totum hominem & cordatum requirit, tum in ipsa arte, cum in artis operibus apprimè exercitatum. At quantum priuatis studijs concedimus, tantum exercitio publico detrahimus: ipsum verò medèdî munus, vix ullas musis seuerioribus & adstrictioribus liberas horas esse sinît. Pera-

PRÆFATIO

granda urbes & pagi, extera etiam nationes sepe: platea discurrenda, nunc aulica agenda vita, nunc urbana, nunc rustica. Dies integra ferè danda egrotis, nobis nox hand semper integra: quicquid à diurnis occupationibus reliquum est temporis, in agendorum scriptione aut meditatione impendendum. Quid faciam? ab incæpto opere desistere turpe fuerit, sed principibus adstandum? egrotis seruiendum? seruiendum & musis: pensum absolvam, ita me DEVS adiuuet. Tu interim (Lector candide) priore ista parte fruiere, factum iudica, si me amas, candidè, ego tuum iudicium expecto, si rem improbas, mentem proba. Addam animos & veluti aculeos currenti mihi, cùm utrumque tibi probatum acceptumque esse intelligam. VALE.





INDEX GENERALIS

EORVM QVÆ ISTA PRIORE
PARTE CONTINENTVR.

Primus Aphorismus cum
commentario. folio 1.
Questionum series & ratio. f. 6.

Questio prima. Vtrum humana vita artis
collatione sit brevis. folio 8.

Problema. Cur prioribus seculis fuerit hu-
mana vita diuturnior.

Quest. 2. An iuuenis facienda Medicina sit
idoneus. folio 23.

Quest. 3. An praestet unicum habere Medi-
cum, an plures. 37.

Q. 4. Quae sint veri Medici vera nota? 55.

Q. 5. An detur fortuna Medica? 65.

Q. 6. Quales esse debeant assistentes. 73.

Aphorismus secundus cum com-
mentario. fol. 77.

Questionum series & ratio. 79.

Quest. 1. An de qualitate sola in presenti sermo sit Hippocrati? 82.

Q. 2. An purgationis definitio recte tradita sit à Galeno in commentario? 91.

Q. 3. Quae sint purgationū differentiae? 110.

Q. 4. Quomodo fiat purgatio? 119.

Q. 5. A quo indicetur purgatio? 125.

Q. 6. An à virtute indicetur purgatio. 140.

Q. 7. An institutum sit Hippocratis ex cōferentia & tolerantia recte instituta purgationis iudicium depromere? 149.

Q. 8. Quibus indicijs purgandi humoris species discernatur? 158.

Dubium 1. Vtrum ex insomnijs de humorib⁹ in corpore stabulantibus conijcere aliquid liceat?

Problema. Cur exigui humorum motus tanti in somnijs appareant?

Dubium 2. An & cur animi morēs humorum sequantur praeordinium. 186.

Aphorismus tertius cum commentario. 211

Questionū series & ratio. 217.

Questio 1. Vtrum dari possit summus Athleticus

- ticus habitus?* 121.
2. *Quid plenitudinis vox significet?* 234.
3. *Qua sit Plethora definitio?* 241.
4. *Quotuplex sit Plethora.* 249.
5. *Quibus indicijs Plethora species dignoscantur?* 258.
6. *Quae sint cuiusque Plethorae incommoda?* 265.
7. *Qua ratione soluendus sit Athleticus habitus?* 269.
8. *A quo indicetur euacuatio sanguinis?* 273.
9. *Quid indicent vires, habitus, regio, cæteraque id. genus.* 309.
10. *An atas sit verum indicans* 313.
11. *An à magno morbo indicetur venæ sectio? & qua magni morbi sint differentie?* 323.
12. *A quo indicetur euacuationis quantitas?* 330.
13. *Qua ex parte secanda sit vena in Athletico habitu?* 336.
14. *Vtrûm laudabili existente sanguine minor eius copia sit profundenda?* 357.
15. *An reseruanda sit in extremos usus prima venæ sectio? an vero statim soluendus bonus habitus.* 366.
16. *Quae sint commoda Phlebotomiae in Plethora? & utrûm nutritio duret tota*

vita?

375.

17. An extrema euacuationes & repletion-
nes sint periculose? 384.

18. An extrema euacuationis extremis
repletionibus sint periculosiores? 392.

Dubium. Vtrò facilius succurratur euacua-
tioni, an repletioni?

Problema. 1. Cur plures post summam anno-
næ caritatem quàm ipso famis tempore
moriantur?

Problema. 2. Cur potius post famem quàm in
fame generetur pestis.

Aphorismus quartus cum com-
mentario 407.

Questionū series & ratio. 416.

Q. 1. An rectè dictum sit ab Hippocrate ἐν
μακροῖσι πάθεσι? siue an morbus sit
passio? 417.

2. Sub quo genere contineatur morbus
423.

3. Quid sit longus morbus? quid acutus?
& de quo acuto in præsentī sermo sit?
436.

4. A quo indicetur victus tenuis? 448.

*Aphorismus quintus cum com-
mentario.* 463.

Questionũ series & ratio 467.

*Quest. 1. Quisnam sit genuinus verborum
Hippocratis sensus in hoc Aphorismo?*
468.

*Quest. 2. Quodnam ex Aphorismi verbis
eliciamus adproxim documentum?* 476.

*3. Vtrum præstet ad paulò pleniorẽ quàm
ad tenuiorem victum perpetuò incli-
nare?* 482.

*Aphorismus sextus cum com-
mentario.* 505.

Questionũ series & ratio. 506

*Quest. 1. Quid sit extremus morbus, & quæ
illius species?* 506.

*2. Quid extremum remedium & quæ
ipsius differentia?* 511.

*3. Vtrum extremis morbis extrema dum-
taxat remedia adhibenda?* 521.

*4. Vtrum fortius à debiliore pati possit ac
retundi?* 531.

*Aphorismus septimus cum com-
mentario.* 538.

Questionũ series & ratio. 543.

- Quest. 1. Quid πρὸς hoc est labor significet
hic & alibi apud Hippocratem?* 544.
2. *An à leuioribus inchoandum?* 552.
3. *An omni, & soli extremo morbo con-
ueniat victus tenuissimus?* 563.

*Aphorismus octauus cum com-
mentario.* 576.

Questionũ series & ratio. 578.

- Q. 1. Quid & quotuplex sit vigor?* 579.
2. *An in vigore morbi victu tenuissimo
semper utendum?* 590.
*Dubium. An à tempore petenda sit victus
indicatio?*

*Aphorismus nonus cum cōmen-
mentario.* 598.

Questionũ series & ratio 600.

- Q. 1. Quid sit difficultas?* 601.

- Q. 2. Quot sint facultates principes 609.
 Q. 3. De qua difficultate audiendus sit Aphorismus? 618.
 Q. 4. Vnde petenda sit facultatum principum coniectura? 629.
 Q. 5. Vndenam futuri virium status nota haurienda? 636.

Aphorismus decimus cum commentario. 643.

Questionũ series & ratio. 645.

- Q. 1. Quomodo intelligenda sint hæc verba καὶ τὸ ἐκείνου μικρὸν ἀφαιρέσειν? 646.
 2. Verũ in longorum morborum principijs victu pleniore utendum? 650.

Aphorismus II. cum commentario. 658.

Questionũ series & ratio 660.

- Q. 1. Quid & quotuplex sit accessio? 660.
 2. Quid periodus? quot eius, quot accessionis tempora? 668.
 3. Quæ sit recursus periodorum causa in genere? 680.
 4. Quæ sit definiti periodorum cursus

causa? 690.
5. Vtrum in accessionibus abstinendum?
708.

Aphorismus 12. cum commen-
tario. 713.

Questionũ series & ratio 721.

2. 1. An constitutiones morborum possint
prænosci? 724.

2. Quibus indicijs futura morborum con-
stitutiones & accessiones prænoscantur?
736.

3. An alia signa prater post apparentia
futuras morborum constitutiones deno-
tent? 750.

Dubitationes, 1. Quid morbi nomine intelli-
gamus in hoc Aphorismo? 757.

2. Quibus indicijs morbi speciem, magni-
tudinem, morem motumque distingua-
mus? 758.

3. Cur virtutem pratermiserit Hippocra-
tes; & an aliquid in rem præsentem
conferat? 760.

Dub. 4. In quo consistant circuituum incre-
menta; & quæ ipsorum causæ? 766.

5. Quomodo ex circuituum incrementis in
futura constitutionis notionem venia-

mus?

769.

6. *Quid portendant post apparentia?* 770.

7. *Quae dicantur signa coctionis & crudita-
tis? quae decretoria? & quotuplicia?* 771.

8. *Quomodo differant signa coctionis &
decretoria?* 773.

9. *Quid ex sputis praesagiendum?* 777.

10. *Quae signa ex urina liquore depro-
menda?* 779.

11. *Quae signa ex contentis petenda?* 786.

12. *Quae ex deiectionibus promenda?* 794.

13. *Quae signa ex sudoribus deducenda?*

786.





Auctor ad librum.

I Liber, ignotos tutus percurrere penates,
Celtas, Iberos, Theutonas, Italos, Scotos.
Peonias arces, Medica sacra templa catheruæ,
Lycea doctis vocibus sonantia.
Ingredere intrepidus. Quid te mens inuida
terret?
Petit alta liuor, amulos virtus parit.
Zoilus an Coö? anne tibi Galene pepercit?
Quemcumque liuor oppetit, magnum putat.

Ad Zoilum.

Magnus homo dici cupis, & cupis usque videri
Dum nostra dente scripta mordaci petis.
Non bene scis quid agas; vis dicam Zoile
qui sis?
Quemcumque liuor occupat, paruum putat.

Idem ad eundem.

Dictaque & acta ferus laceras mea dente ca-
nino,
Si scis, dic melius Zoile, fac melius.

Ad eundem.

*Zoile quod reliquis placeo tibi displicet: unum
Hoc mihi ego placeo, quod tibi displiceo.*



AD CLARISSIMVM
D. CHRISTOPHORVM CA-
chetum Serenissimi Lotharingæ
Ducis Consiliarium & Medicum
ordinarium, Bernardi Lordelij Vir-
dunensis Medici carmen.

Perge agendum musas decus immortale co-
lentum

Atque Machaonij, docte Cachete, Chori.

Nunc felix parias reliquos ex ordine fetus

Quos tibi mens dudum, turgida parturijs.

Hoc age, diuitias mentis, mysteria pande

Abdita, que paucis cudere multa potes.

Hoc age, nam Genij turgent tibi lacte papilla,

Et nobis partus-bis geminare potes.

Sic tuâ gemmato vinax rumore virefcet

Gloria, & eterna laude pœrennis eris.

AD LECTOREM.

Aggregatur methodo facili qui grandia,
vicit
Si simul & doctè vicerit ille magis.
Auctor utrumque facit: methodum si seruet
eandem
In Medicis scriptis, dic mihi quantus erit?

STEPHANVS REGNARD
Tullensis Medicus.

AD LECTOREM PARÆNETICVM AVCTORIS GRATIA CARMEN.

Suscipe, Lector, opus doctum, & simul arte
refertum,
Doctrinæ aut artis si videaris amans;
Attonitus studium Auctoris mirabere solers
Et vigiles curas, ingeniumque sagax.
Hoc ita perfectum est opus, (ut perfectus &
auctor)
Invidus ut nemo, quin sit & ipse auidus.

NICOLAUS GVIBERTVS
Lotharingus Doctor
Medicus.

AD EVNDEM
BERTHEMII SVÆ
CELSITVDINIS SERENIS-
SIMÆ CONSILIARII ET
MEDICI ORDINARIJ.

A Bditā cūm referes artis mysteria sacra
Cachetum dic qua te ratione vocant?
Forte quod in cryptis Peonis condita, pandis
Obscura illustrans hoc tibi nomen erit
Nam dudum latuere tua sub mente feraci,
Quæ nunc explanas ac in aperta trahis.
Difficiles tricas tam docta detegis arte
Fax ut magna breuī fulgeat Hippocrati.
Nescius hinc lethi vines, dum gloria Coi
Vinet, & à fausto hoc cmine nomen habes.

AD EVNDEM IOAN-
NIS MOVSINI SVÆ C.
CONSILIARII ET MEDICI
ORDINARIJ.

G Allia Fernelio celebris, Valesio Iberi,
Pergama Galeno, Thuscia Mercurio
His non ingenio inferior, non arte, Cachetus
Dicatur Lotharæ gloriâ prima toge.

ALIVD EIVSDEM.

*Hippocrates genio celebris, docta arte Galenus:
Nomine qui celsus, celsior eloquio.
Non tibi deest genius, non ars, non gratia
lingue,
Sunt illis laudi singula, cuncta tibi.*

AD EVNDEM IOANNIS LE
Feure eiusdem Celsitudinis suæ Con-
siliarij & Medici ordinarij.

M *Igrare in viuum (defuncto è corpore
corpus
Si credis mentes, nempe quia αὐτὸς ἐφ' ἃ
Mens in te docti redijt Cachete Galeni:
Diva in te Coi transijt aura senis.*

AD EVNDEM MATHÆI SE-
RENISSIMÆ PRINCIPIS CA-
tharinæ à Lotharingia Medici ordinarij.

L *Anguentes morbo, quid plebs, mirare,
Cachetus,
Quod mira stygijs eripit arte vadis?
Desine mirari, mirum magis illius arte
Quod moribunda arti lux rediuvina micat.*

Ad eundem Petri Lataxij
I. V. Doctoris.

Hippocrati quantum debet medicina pa-
renti,

Tantum à Cacheto debet & Hippocrates.

Ille usu, sophiaque artem lustravit, & arte

Hic usu, & sophia lustrat, & arte senem.

Ad eundem Africanus Cache-
tus Prior Rimocuriensis.

Lis erat è Medicis cui debita palma: Ca-
chetus

Listem è re Medica tollit, & è Medicis.

Ad eundem.

Ergone ex Fratrum nec ego corona,
Quis tua succurris ope usque gratis

Tam pio occurrens operi tot inter

Gratuler egros?

Ergone ingrati vitio laborem,

Marte quem gratis Sophico erudisti,

Saphico quin te hoc celebrare gratus

Carminè curem?

F. I. LOLIER Franciscanus.

A MONSIEVR CACHET
CONSEILLIER ET
MEDECIN ORDINAIRE
DE SON ALTESSE.

Madrigal en Paronomase ou allusion
à son nom.

Par vne fiction Poëtique de quelque
rencontre d'un Lecteur à lacheue-
ment de l'Impressiõ du present liure
en la Ville & cité de Toul.

QU'ACHÉPTE ce Lecteur, dont il
faict tant de feste?

Que CACHÉ il de secret? à mon sain
iugement,

Il est cher, ou nouueau, ou rare extreme-
ment

A le veoir tant cherir, pour le lyre en
CACHETTE.

Est-ce point d'un Inpin la Diphthere, ou ta-
blette,

Ou fucille de Sybille, Oracle, ou moniment
CACHETTE au grand Sêel d'un sacré
Parlement.

Vn Leucôme, ou depost de Vestale secrette?

Mon esprit en ce CAS CHET comme en
pasmoison,

Que songe-il transporté? Hé! prompte
guerison.

Propice Medecin , ie sens bien ta presence
(Cest toy, qui es CACHÉ) qui m'allege
le poulx.

Argument tres-certain, que rare en ta science,
Aux esprits, & aux corps seras heureux, &
doux:

Esculape nouveau, qui CACHÉ à la
France

As choisy de veoir Toul pour estre veu de
tous.

Cil qui n'ayant la monstre
CACHÉ de ton renom

Pour ample foid en monstre
Le CACHET de son nom.

Malgré toute }
Tout à mon } enuie.
Et rien par }

Maistre SEBASTIEN THIERY
Aduocat à Toul.

AV ZOILE SIXAIN.

T Oy, qui dans ton enuie aymes à te mirer,
Et tout œure enlaidir de ton haleine
ingrate.

N'approche ce miroir, que tu vois admirer
Représentât les traits de l'ancien Hippocrate.

*Narcis, soit ton miroir; ne vien cy t'empierren
Tu y verrois Meduse, & elle vn Harpocrate.*

Au mesme, Quatrain.

V *Eux-tu sçavoir ce QV'ACHEPTE
ta langue
En voulant vendre à faux pris ce CACHET:
Tu perds au trocq: QV'ACQVESTE ta
harangue,
Qu'un cademat à ton trop de CAQVET.*

Au mesme, Distiche.

L *Aisse nous dans nos doigts ce CACHET
par tous droicts;
Pour CACHET à tes dents nous te lais-
sons tes doigts.*

AD AVCTORIS NOMEN ET
Cognomen, opus & operam.

XΡΙΣΤΟΦΟΡΟΥ *ut nomen merito fers*
Christias, Auctor,
Χρησφόρος *sic fert utile nomen opus:*
Vult tuum idem Antiphrasi cognomen opusq;
ΚΑΧΗΤΕ,
Quod malus haud Auctor, nec κακὸνδες opus.

*Inuitis inuidis, nec
inuitus, nec inuid?*

*Sic alludebat M. Seb. Thiery
Leucus, causarum apud
Tullingos Patronus.*

CONTROVERSIÆ



CONTROVERSIÆ
THEORICÆ PRACTICÆ,
in primam Aphorismorum
Hippocratis Sectionem.

APHORISMVS PRIMVS.

Ο Βίος, βραχύς ἢ δὲ τέχνη μακρὴ, ὁ δὲ καιρὸς
ὀξύς, ἢ δὲ πείρα σφαλερὴ, ἢ δὲ κρίσις χαλεπὴ.
Δεῖ δὲ οὐ μόνον ἐωυτὸν παρέχεν τα δέοντα, ποιέ-
οντα, ἀλλὰ καὶ τὸν νοσέοντα καὶ τὰς παρέοντας,
καὶ τὰ ἐξωθεν.

Vita brevis, ars longa, occasio
præceps, experimentum peri-
culosum, iudicium difficile.
Neq; verò solum exhibere se-
ipsum oportet conueniëntia fa-
cientem, sed & ægrum, & assi-
stentes, & exteriora.

Commentarius.

Hic Aphorismus præsentis operis, atque adeò totius in vniuersum Medicinæ præfatiuncula est, quâ tum Aphoristicæ breuitatis tacitè vtilitatem commendat, tum etiam Medicum hortatur, vt non modò in suis partib⁹ exequendis gnauum se præbeat, atque in lustrum, verum etiam circa ægrotum ipsum, ministros, externaque omnia prudenter & singulari studio, mētis & corporis aciem, dirigat. Vitæ quidem humanæ ratio, in eas redacta est angustias, vt nec vel in triplum prorogata, singulis quæ ad artem faciunt exactè pertractandis satis esse queat. Vix enim numerando percenseat quispiam, quàm varia & multiplici rerum (penè dixerim omnium) disquisitione inuoluimur. Abditissimos terrarum recessus, & inaccessa Oceani penetralia subimus. Neq; in his inferiorib⁹ modò subsistimus; verum, & per sparsas aëris regiones discurrim⁹, & cœlestes globos, à quibus fouetur vis omnis sublunaribus impertita, curiosè perlustramus. Naturam deniq; omnem, ipsumq; naturæ Archetipum [hominem intelligo] ad cuius conseruationem ars tota componitur & refertur, nobilissimam (inquam) Diuinæ essentiæ imaginē, tanto labore,

*Gal. 3. de
diff. pulsuum
cap. 1.*

tanta animi contentione intuemur, vt nihil sit vnde quaque, aut tot difficultatum plexibus obuolutum, aut tanta caliginē suffusum, aut tam abstrusis sedibus reconditum, quin explicari magna ex parte, tandemq; in propatulum emitti nostræ artis beneficio possit. Vt verbo dicam, medico *ἀπὸν ἀπορον πόριμον*, Omne inuium peruium, vt meritò quam Ægyptiis Medicis tribuit scientiæ gloriam Poetarum Coriphæus, eandem cæteri quoq; Hippocratis sectatores sibi suo iure vendicent: *lib. 1. c. 1.*

Ἰησος δὲ ἕκαστος ἐπισώμενος πρὸς πάντων ἀνθρώπων (inquit ille)

Nullus non medicus, quo nemo doctior inter Mortales

*Homerus
Odyssea d.*

Iisdem certè finibus quibus naturæ imperium, non angustioribus, Medici cognitio circumscribitur. Longa igitur & planè ardua est ars medica; Id quod triplici medio confirmat Hippocrates. Primum est præceps occasiōis lapsus in materia præsertim fluxa & instabili, cuiusmodi humanum corpus. Alterum periculi grauitas in experiūdo, semel enim admissus error, corrigi amplius & resarciri sæpè numero non potest, & extremo malo in præstātissimi animalis interitum

APHORISMVS PRIMVS

terminatur. Tertium iudicij, hoc est rationis difficultas, quæ in distinguendis causarum differentiis, certòq; definendis ac dijudicandis euentibus, etiam experientissimos quosq; ita variè torquet, vt in maximè dissentientes abeant plerumque sententias, totq; inueniantur capita, quot sensus. Quamobrem compendiarie tractatione hæc artis prolixitas vitæ breuitati fuit adæquanda.

Ultimæ porro clausulæ, quam paræneticam paulò ante diximus, talis est intentio. Nisi summâ diligentia intendat animum Medicus vt ægrum habeat obsequentem multòq; minus cecæ patientis cupiditati quàm valetudini seruiant assidentes, sintq; externa ita composita, nullam vt ipsi vim, nullam molestiam, nullam perturbationem afferant, sua expectatione cadet, quantumvis peritè, & concinnè suas partes expleat, vanaq; ac irrita nonnunquam experietur documenta, breuib; hisce capitibus comprehendenda.

Porro quid per externa intelligatur, docet abundè in Commētario Galenus, Quæ, quanquā sic comparata esse decet, omnia nostrum vt iudicium non peruer-
tant, primæ nihilominus partes, pene

APHORISMVS PRIMVS

Medici prudentiam sunt positæ, neque quicquam vsquē adeò conferre censendum est [ipso Hippocratis testimonio] quàm vt is prudentem se se exhibeat, sedulòq; ad hoc se exerceat, morbis vt profit aut ne quid noceat, Sed de Medico non opus hîc pluribus; eius partes & notas abundè in controuersis expendemus. Secundum in curatione locum tenent ægroti, quorum certè pluris interest, nec minus ex officio incumbit ipsis quàm Medicis morbo reluētari.

1. Epid. p.
text. 50.

His namque tribus ars medica continetur, morbo, ægro, medicòq; artis & naturæ ministro. Si à morbi partibus stet ægrotus, ne Hercules cōtra duos, vitam propriam, & Medici nomen ac industriam ignominiosè prodit, cadit vterq; sua spe, cadit in turpissimam prædam maledicentiæ; Is affectatæ ruinæ: hic, malè institutæ curationis. Multa hîc multi agitant, plerique etiam ad nauseam, circa Aphorismi & artis appellationē, circa occasionem, & alia non pauca, quæ ego consultò prætermitto.

1. Epid. p. 2.
text. 51.

ἐχθρόν δέ μοι ἔστιν
ἀπὸς ἀειζήλως ἐρημμένα μυθολογέειν.

Homerus
Odysseas
μ

mibi namq, perosum,
Rectè dicta alijs iterum sermone referre.

Quæsitis aliquot contentus ero, quæ nostri doctoris instituto respondebunt, & lectorib⁹ futura sunt, nec inutilia, nec iniucunda. Horum seriem & rationem in singulis Aphorismis declarabo, tum vt primo obtutu propositum assequatur studiosus lector, cum etiam vt intelligat me liberè quacūque acceptâ occasione, extra Aphorismi terminos nusquam euagari, & quæstiones minimè ad rem faciētes quasi vi intrudere.

Quæstionum series & ratio.

ARs longa, vita breuis, inquit Hippocrates. An ita sit primum inquirimus. Ad hanc disquisitionem (quoniam in angustissimos limites coactam nostro auo vitam hominum pro confesso ponimus). Illud accedit non ingratum curiosis problema, cur prioribus seculis fuerit humana vita diuturnior? Addit Hippocrates, periculosam esse experientiam, & iudicium difficile, quorum utrumque cum longissima annorum serie, & multa canitie firmetur, cadere in iuuenilem ætatem non videtur posse. Hinc orta nobis occasio perquirēdi, utrū iuuenis faciēda medicina sit idone⁹? In quo explicandæ rationis, pariter & experientiæ vim, explicamus, & necessariam mutuam

utriusque coniunctionem. Quemadmodum etiam inferius questione quarta.

Pergit Hippocrates ulterius in artis difficultate proponenda, quæ eò progreditur, ut non solam medici industriam requirat, sed & agrorum quoque obsequium, assidentium operam & fidem, atque exteriorum influxū.

Nos presso pede Ducis vestigia sequuti, de medica industria primum differimus, & querim⁹, an unus sufficiat uni agroto medicus, an plures simul præstet addiscere. Hic nobis & cum medicis sermo est, & cum popularibus; utrosque sui officii monemus. Illos, quomodo mutuo, inter se, & circa agros gerere se se debeant; hos, quomodo circa medicos, & de recto medicorum faciendo delectu. In quo ne quis obtingat error, quo nihil frequentius, sequenti questione veras veri medici notas exprimimus. Questione quinta ad externa descendimus: medica fortuna, (cui acceptam referunt salutem magisquàm industria medica imperiti vulgares, atque inter peritos non pauci) quantum hac in parte valeat declaramus. Vltimam questionem assidentibus reseruamus, & breuibus quales ipsi esse debeant perstringimus.

*Vtrum humana vita, collatione
artis Medica sit brevis.*

QVÆSTIO PRIMA.

Vitam hanc nostram, si cum priore illa nascentis orbis ætate comparetur, breuē omninō atque exiguam esse nemini dubium est, ut quæ vix decimā illius partem, nisi quā rarissimē contineat. Apud Hypanim Fluvium, qui ab Europæ parte in pontum influit, Aristoteles ait bestiolas quasdam nasci, quæ vnum diem viuant. Confer longissimam illam ætatē cum æternitate, in eadem breuitate, qua bestiolæ illæ reperietur, imò verò in momentanea, ac ne momentanea quidem, (cum nulla finiti ad infinitum sit proportio). Eandem esse per breuem, si in se spectetur, quotidiana docet experientia, quam suo calculo comprobat cōmunis experiētissimorum virorum auctoritas, qui totius humanæ vitæ curriculum aut venti, aut aeris, vel vndarum fluctuumque celeritate & inconstantia depingunt: Plato currui comparauit.

Τροχὸς ἀεμαῖος γὰρ διὰ
βίοντος ἰρέχθ' κολοθεῖς

Rota nam velut curulis

Properat virilis ætas.

Id quod intuiti sapientissimi quondam ægyptii, parū de construendis palatiis solliciti, hu-

Cic. 1. Tus.
Aristoteles
5. Historia
animal. 6.
19.

Anacreon

mili tugurio, tanquam hōspites, reperto diuersorio contēti, certius & diuturnius æuum confectati, immensis sumptibus Pyramides & Colloſſos artis miracula, in perpetuam ſui memoriam pro tumulo erexerunt. Quanquam longē cum ijs actum eſt præclariuſ, quorum virtus, nec obliuione eorum, qui ſunt, nec reticentia poſteriorum, ſepulta eſſe poterit: non enim vita hæc dicenda eſt, quæ ſpiritus, & corpore continetur. Illa inquam, illa vita eſt, quæ viget memoria ſeculorum omnium, quā poſteritas alit, quā ipſa æternitas ſemper intuetur, quæ vitæ breuitatē poſteritatis memoria cōſolatur, quæ efficit, vt abſentes ad ſimus, mortui viuamus, cuius gradibus etiam homines in cœlum videntur aſcendere. Illud itaque apud nos ſerio perpendamus, tempus in curſu ſemper eſſe, fluere, præcipitari, atq; ante deſinere eſſe, quàm venire, nec magis moram pati. Optimè conſultum fore ſi eo non vtendo laxius, quaſi fortuito ſpem longam reſecaremus, & ſpatium quod natura currit ratione dilataremus, & deſtinaremus bonæ menti. Nullas admittamus laborum inducias, quando ne integrum quidem vitæ tempus in ſtudijs collocatum, noſtræ expectationi reſpondere, atque animo integrè ijs artibus excolendo, quibus noſtra continetur, ſatis uſquam eſſe poſſit. Et quæſo quoruſque ille eſt qui vel octogefimum ætatis annum attingat? Quor Simonidas hæc noſtra tempeſtate iactantes audias.

Cic. Philipp. 4.

Idem in Orat. pro Marcello & pro Milone.

Seneca de breuit. Vita.

Symonides

Μνήμην δ' οὐκ ἔχει Σιμωνίδης ἰσοφάει δ' ἔν.

Ο' γδοήκουσα ἔπει?

*Mente Leoprepidem memori nusquam alter
adequat.**Natum annos decies octo?*Cic. de se-
nest.

Quot eadem ætate Catones inuenias, qui
aut in Græcis, aut in Latinis literis non dicam
Philosophicis, aut alijs grauioribus studijs
cum primum aliquid consequi se posse confi-
dant? Quin potius iam effætis viribus, clan-
guida, fractaq; oculorū acie, disciplinæ sensu
prorsus obtuso, collapsa memoria, desperati
omnes discendi finem faciunt. Nostra ergo
ætas breuissimis terminis est circumscripta.

Cic. 1. sus-
cul.

Quæ verò ætas longa est? Aut quid omnino
homini longum? nonne modò pueros modò
adolescētes, in cursu à tergo insequens nec in-
opinatos affecuta est senectus? At heu! quan-
tò breuior futura, si partem infantie dederis,
decrepito senio alteram, somno, cibis, exerci-
tationibus, cæteris vitæ muniis obeundis
optimam, valetudini instaurandæ non mini-
mā, rebus fortasse ludicris quàm maximam?
vix ac ne vix quidem ad annum decimum ex-
curret. Ad hos veluti calculos humanam
reducens vitam Martialis,

*Iam nostri benè computentur anni (inquit).**Et quantum tetricæ tulere febres,**Aut languor grauis, aut mali dolores**A vita meliore separentur:**Infantes sumus, & senes videmur.**Quamobrem verè vt omnia Diuinus Hip-*

pocrates, vitam breuem, artem longam, facta
vtriusque comparatione, pronuntiauit.
Enimuero cum artis per se spectatæ amplitu-
do, præceptorum grauitas, rerum varietas,
experientiæ incertitudo, præceps occasionis
lapsus, iudicij difficultas, subiectæ materiæ
dignitas, atque instabilis motus, naturam
postulent, apprimè dispositam, indefessam
animi & corporis contentionem, memoriam
fœlicissimam, tersum nitidumque iudicium
nullis externis occupationibus interruptum,
nulla corporis affectuum contagione à suis
muniis distractum, cui contraria omnia eue-
nient, aut saltem plurima, in tam præcipiti
ætatum fluxu, anneis vnquam capeSSenda
difficillimæ scientiæ satis erit? Quid igitur
mirum si medicinam cum laude pauci, debita
& conuenienti methodo paucissimi exercent?
Vt omittam numerosam eorum turbam, qui
ipsius difficultate perterriti, quam sibi edis-
cendam proposuerant exorta desperatione
fuere auersati. Quo animaduerso maiores
nostri simulachro Æsculapij (quem medicinę
parentem ferunt) nodosum baculum apposu-
erunt; draconem subiecerunt; Illo plusquam
Gordianos scientiæ nodos, isto prudentiam
Medico necessariam non obscuro ænigmate
depingentes.

Verum obstabit fortassè quispiam, & com-
munem Doctorum omnium consensionem
in medium proferet, qui cum exacto quin-
quennij studio medicinę candidatos ad gradus

admittant, doctoralibus insignijs & priuilegijs
 cohonestent, huiusmodi consuetudine, tan-
 quam aperto suffragio, medicine perdiscendę,
 exercendęque satis esse quinquennium viden-
 tur approbare. Addo florentissimarum Italiae
 & Galliae, vno verbo melius dixerim Europae,
 Academiarum docendi morem, in quibus ter-
 tio quoque anno idem quasi Sisyphi saxum re-
 uoluitur, idem auctor de nouo proponitur:
 quo non aliud infertur quàm noui nihil ultra
 triennium afferri posse. Quin etiam artem
 vniuersam longè breuiori spatio quidam do-
 cere se profitentur, inter quos ipso galeni tem-
 pore Thessalus *ἰατρικὸν* hoc est medicorum
 victor, id enim cognomen impudenter assu-
 mebat.

Equidem concludunt aliquid hae rationes,
 quibus nos ducti fatemur liberè, medicam ar-
 tem nostris temporibus multorum opera ita
 excultam esse, vt longè breuior quàm Hippo-
 cratis ætate sit reddita, in illis enim primor-
 dijs veluti mox nata, densissimis errorum suf-
 fusa tenebris, incertis opinionum quasi pro-
 cellis agitata, dubijs successibus innixa, nec
 adhuc veris firmisque præceptionibus stabili-
 nullam artis speciem præ se ferebat, sed quam
 sibi quisque animo finxisset illius imaginem
 ipsa referebat. Nobis verò quibus post anti-
 quos illos nasci contigit, & ab iisdem artes
 plurimum prouectas accipere, non paulò plus
 commodi ad artes ipsas datum est, vt facilli-
 mum videatur, nos ea, quæ, vt inueniret, diu

*Gal. 1.
 methodi.
 Budaeus in
 Pandectas*

*Gal si opr.
 Med. opr.
 Philosopho*

elaborauit Hippocrates, breui tempore perdiscere. Quanquam vitam hanc nostram in pauciores iam annos contractam, fateamur quoque necesse est, vt merito, si artem cum vita conferamus, longa illa; hæc per breuis sit æstimanda.

Etsi verò quinquennio, vel breuiori tempore studiorum cursus absoluitur, nemo tamen inuenietur, qui si curiosè vti decet rerū euentus contempletur, dies noctesque Doctorum scripta perlustret, cum sui similibus assiduè conferat, non possit verè cum Socrate gloriari, se quotidie aliquid ediscendo senem fieri, vt immenso semper intervallo, mortis aduentus discendi finem præuertat. De Thessalo non est quod respondeam. Norunt qui Galeno student, illum à medicorum albo penitus obliterandū. Non desunt tamen hac nostra tempestate illius arrogantiae sectatores, qui Hippocratem, Galenum, cæterosq; ab ipsis maledictis lacesunt: cumque nec longas præceptiones, neque operum artis vsum desiderent, artem integram paucissimis mensibus tradere se gloriātur, nec minus quam Thessalus ipse medicorum victores dici ambiūt, & Fullones, Vespillones, tinctores, omnis ordinis imperitissimos quosque ad medicæ artis opera conuocant & adsciscūt, in quos, non malè torseris illud Martialis.

*Qui medicus fuerat nunc est Vespillo Dianlus:
Quod Vespillo facit, fecerat & medicus.*

Oritur hic nostrā disquisitione non indignū problema. *Cur prioribus sæculis fuerit humana vita diuturnior?*

An dicendum est (quod nonnulli autumant) parem reuera fuisse primorū parentum vitam nostræ, sed annos dispares? Menstruos scilicet, quales olim apud Ægyptios: aut trimestres ut in Arcadia? Fictitium est id responsum, sacrarum literarum monimentis & rationi è diametro contrarium. Ecquis quæso veritati consonum putet, si lunares admittamus, Adam, Æuam, cæterosque proximè ab ipsis procreatos, ne octogesimum quidem vitæ suæ annum attigisse, cum posterioribus sæculis centesimū pene innumeris, centesimum quinquagesimū ac etiam ducentesimū non pauci exceßerint.

Homerus.

Iliad. α.

Τῶ δ' ἤδη δύο μὲν γενεαὶ μερόπων ἀνθρώπων
ἐφ' ἔλαβ' οἱ σὶ πρὸ ὅθεν ἄμα ῥέξ' ἔν ἡδ' ἐγένοντο.

Illi bina hominum iam tunc effluerat ætas,

Quæ una victus fuit, & primordia vitæ.

Lib. 19.

Cap. 22.

Inquit Homerus de Nestore. Quod malè (meo iudicio) de sexaginta solum annis interpretatur Rhodiginus, quasi verò triginta annis ætas humana concludatur, melius ipso antiquior Ouidius in eiusdem Nestoris persona sic loquitur.

re. Metamorphos.

Uixi,
Annos bis centum, nunc tertia viuitur ætas.

An præterea ullus est (ut ad rem redeam) naturæ operum ita rudis & ignarus, qui sibi

persuadeat Caimum ante sextum ætatis annū
eos liberos genuisse quos septuagenarius edi-
dit? Dicent nihil absurdi consequi si trimestres
cōstituiamus. Inutilis hæc instantia. Nam in sa-
cris paginis, vbi de inundatione generali ser-
mo est, septimi, decimique mensis fit mentio,
imò si ad iustum calculum mensium dierūque
numerus reuocetur, annum illic integrum no-
stro haud inæqualē reperiemus. An ergo que-
madmodum genus omne hominum solo ex-
cepto Noë vnā cum familia.

Genes. 6. 3.

Genes. 8.

Ζεὺς κρονίδης ἐκρυψε χολούμενος οὐνέκα τιμὰς
Οὐκ ἐδίδω μακάρεσσι θεοῖς οἱ ὀλυμπονέχουσιν.
Insulit infensum numen, quia reddere honores
Nolebant superis qui solis in arce morantur.

Hesiodus.

ἔργον κί

ἡμερ: α.

Sic eandem ob causam imminutum vitæ
spatium fuit? Id quod ex sacra fortasse historia
mutuatus Hesiodus, hisce versibus præclare
decantauit.

Πανρίδιον ζῶεσκον ἐπὶ χρόνον ἀλγέ' ἔχοντες
Ἀφραδίαις, ὕβριν γὰρ ἀλάσθαλον οὐκ ἐδυῶντο
Ἀχίλων ἀπέχον, ἣδ' ἀθανάσιος θέραιπυεν
Ἡ' θέλον, οὐδ' ἐρδην μακάρων ἱεροῖς ἐπὶ βωμοῖς.
Ἡ' θέμις ἀνθρώποισι κατ' ἡθεα,
Ad breue degebant tempus mæroribus æsti
Insulsi, nec enim damnum exitiale valebant
Propulsare à se, neq; dys seruire volebant
Nec diuinum sacras incendere ibura per aras
Vt fas est, moresque ferunt.

Ibidem.

Et sanè (si Xenophonti credimus) ἐπεὶ τῇ ἡ
ἀρετῇ σώζεσθαι εἰς τὸν πλείων χρόνον, ἢ τῇ κακίᾳ.

Lib. de re-
publica
Lacademo-
num.

Virtute in longiorem ætatem quam vitio peruenitur. Stipendium enim peccati mors: vt iure vitæ Lycurgi breuitatem deorum vindictæ tribuerit Homerus.

ἔ δὲ γὰρ (inquit) ἔ δὲ Δρύαντος ἦος κράπετος
 Δυκόοργος

Iliad, 3.

Δὼ δὲ ὅς γὰρ θεοῖσιν ἐπουρανίοισιν ἔριζεν.

Namque dryantæo paucos protracta per annos

Vita est, dū temerè vocat in certamina, Diuos,

Et paulò inferius

Ἦν ἐπ' εὐθανάτοισιν ἐπήχετο πᾶσι θεοῖσιν

————— Neque amplius eum,

Produxit, postquam toti est exosus Olympo.

Quanquam humanæ vitæ breuitas non omninò necessarium (si ad particularia sermonē conferamus) nequitæ argumentum censerī debet: Quandoquidem longiore æuo persæpè fruuntur improbi.

Menander

Ὁν γὰρ Φλεῖ Θεὸς ἀποδνήσκει νέως.

Ætate prima moritur is quem amat Deus.

An verò non solum ob virtutis studium verum etiam ad vtilitatem scientiarum Qualis geometria & Astronomia (cuius inuentionem Seth eiusque successoribus deferunt) vita longior nascenti orbi concessa est? Harum enim artium ac potissimum Astrologiæ certitudinē nusquam illi fuissent adepti, nisi ad annum sexcentesium vitam prorogassent, quandoquidem sexcentis annis magnus annus absoluitur ait Iosephus. Habet equidē probabile aliquid hæc opinio, quanquam in magni anni termino cum Astrologiæ cultoribus ipsi non conuenit:

— Astroorum

*Ioseph^o lib.
 1. antiqui.
 Indat. c. 3.*

Astorum enim Planetarumque ad eundem cœli punctum, vnde vnà discesserant recursum, multi longè maiori temporis spatio definierunt. Inter cœteros diuinus Plato hunc ipsum triginta sex annorum millibus terminauit.

Sed hæc tanquam aliena missa faciamus, & ad Physica progressi dicamus, hanc, vnà cum morbis, calamitatem perniciosam, otij prolem venerem, & Bacchum intulisse. Enimuerò si verè Philosophicis Poëtarum figmentis fidem apud nos esse patimur.

Οἶνος καὶ τὰ λαιεῖρα, καὶ ἡ περὶ κύπριν ἐρωή
Οἷσι τέλει πέμπει τὴν ὁδὸν εἰς αἰδῶ.

In antiq.
Epigram.

*Balnea, Vina, Venus cæcæque Cupidinis artes
Accelerant gressus in Phlegetontis aquas.*

Prima namque omnium Pandora (cuius nomine voluptatem intelligimus)

— Ἀνθρώποισιν ἐμῆσατο κήδεα λυγρὰ

Hesiod. 1.
operum &
Dicum.

Difficiles peperit casus mortalibus aegris,

Hæc ipsa nobis acerbissimorum dolorum principium fuit.

Νέσων Τάρταλέων, αἱ τ' αἰνδράσι γῆρας ἔδωκαν
Αἵψα γὰρ ἐν κακότητι βροτοὶ καταγχεύουσιν.

Hesiodus
ibidem.

*Morborum & grauium per quos exorta senectus,
Namque repentinam accersunt aduersa senectā.*

Poëtarum sententiam sua auctoritate com- 2. delegib'.

probat Vniuersa medicorum & Philosophorum schola, Qua ratione motus diuinus Plato pueros ante annum duodevigefimum à vini potione arcebat: Et noster Hippocrates nec Eunuchos, nec ante Veneris usum pueros, neq; fluentibus menstruis mulieres affligi podagra scriptum reliquit: Podagræ causam in solam venerem mensiumque defectum referendam putans: Quo tempore nondum ab inferis euocata ingluuies, nondum instituti apparatus Perfici, sed conferuandæ salutis magis quàm prauæ libidinis explendæ studiosi homines, pro obsonio famem in summis delicijs habebant. Verùm si ab inferis excitaretur modò venerandus senex sententiam planè mutate cogeretur & cum Poëta dicere.

Virg. in
Epig.

*Vt Venus enernat vires sic copia Bacchi,
Et tentat gressum, debilitatque pedes.*

Celsus in
præfat. sui
operis.

Itaque verisimile est priscis illis temporibus inter nonnulla præsidia aduersæ valetudinis, plerùmque tamen eam bonam contigisse ob bonos mores, quos neque desidia neque luxuria vitiant, siquidem hæc duo corpora prius in Græcia, demùm apud nos affligerunt, Ideoque multiplex ista medicina, neque olim apud Græcos, neque apud alias gentes necessaria, vix aliquot ex bonis ad senectutis principia perducit. Tolerandum fortasse malum nisi tantas egisset radices vt promiscuè in mares & fœminas passim grassari audiat: neque verò id nouum quod ante mil-

le quingentos annos à frugalissimo Seneca deprehensum. Mulieres (inquit) cum viro-
rum licentiam æquarint, corporum quoque
virilium vitia æquarunt: neque enim minùs
peruigilant, non minùs potant, & oleo ac
mero viros prouocant, atque inuitis ingesta
visceribus per os reddunt, vinumque omne
vomitu reiiciunt, atque niuem rodunt sola-
tium stomachi æstuantis. Ex his ita conclu-
dit. Quid ergo mirandum est maximum me-
dicorum, ac naturæ peritissimum in menda-
cio prehendi, cum tot fœminæ podagricæ sint?
Beneficium sexus suis vitijs perdiderunt: Et
quia se fœminas exuerunt damnatæ sunt mor-
bis virilibus. Quidni modò in tantà morum
corruptela eandem nobis liceat huiusce Pro-
blematis causam prætexere? hinc enim prima
mali labes in parentibus vtriusque sexus al-
tiùs defixa, in posteris cõseruatur & pullulat.

Fortes creantur fortibus & bonis:

Horatius.

Est in iuuenis, est in equis patrum

Virtus, nec imbellem feroces

Progenerant Aquila Columbam.

Sic Canibus catulos similes, sic fratribus hædos. Virgilius.

Hinc etiam cum ne hilo quidem alieno peri-
culo sapientiores euadam⁹, verissimum illud
hactenus experti sumus, fortè olim [quod
omen Deus immortalis auertat] experientur
nepotes, quod pridem ab antiquo illo Arato
præuisum est atque prædictum.

Οἱ δὲ χεῦσαι πατέρες γένει' ἐλίποντο

χερσέων: ὑμεῖς δὲ κακώτερά τε ξείεσθαι.

Aratus.

Horat. 3.
Carminū.

Cuius sententiæ sectator Horatius, verba carmine Lyrico sic expressit.

*Ætas parentum peior auis, tulit
Nos nequiores, mox daturos
Progeniem vitiosiore.*

Virgilius.

*_____ sic omnia fatis
In peius ruere & retrò collapsa referri*

Liceat huc curas, odia, inimicitias, inuidiam, avaritiam, cæterosque animi vnà cum sæculis inueteratos affectus referre.

Τίλῃσι γὰρ τοῖς καὶ νόσους δυσθυμίας

Euripides.

Nam parere morbos tædia & cura solent.

Et hæc sæculis crescentibus crescunt, quibus crescentibus sæcula nostra decrescunt.

Non desunt qui decurtatæ vitæ causam rejiciant in maleuolos cælorum aspectus. At defineret tandem aliquandò hæc breuitas, atque vnà cum cæli facie mutaretur decursus annorum. Id quod in sæuissimis quibusdam affectibus visum est, quorum sola memoria ad nos peruenit, & in teterrimo illo scortorum flagello [quem morbum Hispanicum, aut Neapolitanum quidam vocant] cuius magna ex parte hoc tempore vis est extincta, quondam [ut spero] viderint posterì.

Alij demùm innatum rebus singulis calorem, aut (si ita mauis) virtutem quandam diuinitus infusam paulatim quasi defatigari & deficere autumant: ideoque terram pristi-

nam illam vim & gratiam non retinere, vt
auræa ætate quando

———— καὶ πον ἔφερε ζείδωρος ἄρουρα, *Horat.*
Ἀντομάη, πολλοῦτε, καὶ ἀφθνον —

Hoc est, Ouidiō interprete.

———— *Immunis, rastrōq₃ intacta, nec ullis*
Saucia vomeribus per se dabat omnia tellus.

Sed hi temerè vt hominum culpam tegant
rerum omnium parentem optimam accusant:
vt enim fateamur vniuersali diluuiō nonnihil
de illa procreatrix facultatis bonitate depe-
risse, illud peccati vindictæ tribuendum est.
Aliàs (vt in cæteris inundationibus fieri asso-
let) potuisset spatio temporis incommodum
instaurari. At consenescere terram quam cor-
ruptionis expertem docent Philosophi; Pro-
lificum ipsius calorem debiliorem reddi, quæ
ex cælestium corporum influxu totum pen-
dere profitetur naturæ genius Aristoteles:
Quam ob causam inferiorem hanc machinā
supernis lationibus contiguam esse prodidit
Eiusdem virtutem frangi atque hebetari quā
certis interuallis Aratro renouatam pares *1. Meteor.*
prioribus fruges quandoque præstantiores, &
antea inuisas generare norunt omnes; hoc qui
asserat non iam eum cum imperitis colloco,
sed aut stupidis aut cæcutientibus qui neque
rationi quicquam, neque sensui deferunt, quā
simillimum iudico. Nunquid verò alius est
mundus ab eo qui olim fuit? aut alium ser- *Gal. si ops.*
uant ordinem anni tempestates? Inquit Ga- *Med.*

lenus. Id Philosopho venire in mentem absurdissimum est, cum sol circuitus suos nulla ex parte mutatus percurrat, & astrorū quodlibet siue fixum siue errans eandem omnino status rationem teneat, quanquam negari nolim ingenitum hominibus calorem rerum quas non naturales vocant, ac potissimum prædictarum causarum violento occurſu sensim sine sensu in parentibus imminui atque deperdi, neque vlla vnquā medica industria aut alimentorum bonitate pares collapsis facultates resumere; Vnde tandem imminuto vitæ pabulo & fornite, (vel si ita nominare lubet) principio, aut primario animæ iustrumento & subiecto, vita pariter imminuitur. Et hanc quidem principem breuitatis vitæ causam statuo: Concludendum itaq; proprio hominum vitio diminutū fuisse humanæ vitæ tempus, eademque ratione magis magisque in dies decurtari. Quod si vnā imminutam terræ fœcunditatem cernimus, nostram pariter in culpam & negligentiam impingamus. Primis namque illis temporibus excolendorum agrorum cura penes Dominos fuit quam modò ad quemlibet è fœce vulgi transferrimus impatientes laborum. Hinc (vt perfunctoriè suas partes exequitur fallax plebecula) sensim neglecto cultu deperit vis terræ pristina, & quodammodo elanguescit. Non enim frustra a veteribus accepimus, agrum sui possessoris oculo, hoc est, labore, vigilia, industria, cultu impinguari. Hûc alludens

quidam rogatus, quorsum minorem hac ætate frugum copiam, quàm antea proferat tellus, faceret & acutè respondit indignari se in sordidissimorum homuncionum manus devenisse, cùm prius à nobilissimis viris, summis etiam Imperatoribus, à Curijs, à Catonibus vomere aureo coleretur, Ideoque detrimentum nobis pro ignominia ipsam rependere. Porro cùm vsque adeò commune sit vitium ut passim in omnes familias, iam inde ab immemoriali tempore (ut loquuntur Iurisperiti) irrepserit, hisce temporibus maximè si aliàs vnquam, verùm illud Euripidis communi malo sentimus, quod eleganter sic latinè reddidit Cicero.

Columella

*Nemo est mortalis quem non attingat dolor,
Morbusq₃, multi sunt humandi liberi,
Rursum creandi, morsq₃ est finis omnibus
Que generi humano angore nequaquam afferunt
Reddenda terre est terra, tum vita omnibus
Metenda ut fruges, sic iubet necessitas.*

3. Tuscul.
questionū.

*An iuuenis facienda medicina
sit idoneus.*

QVÆSTIO SECVNDA.

QVæstionem hanc ex præcedenti negatiuè concludendam primo intuitu discernemus. Atque hæc irrepfit in vulgus

opinio, Medicum suis partibus absolutum esse neminem, qui extremum senium non attigerit: ut in plerisque imperita multitudo doctrinam & prudentiam barba & canitie metiatur, quàm ex effectis melius, ex communi virorum experientium suffragio certius æstimaret. Huius opinionis auctores potissimos arbitror fuisse ignavos quosdam Medicos, aut potius Empiricos ex familia Charōtis.

Virgilius,

————— *cui plurima mento*
Canities inculta iacet —————

In quos non iniuria illud Phauorini detorqueas, pallium & barbam video, Medicum Philosophum non video. Hi captandæ popularis auræ gratia experientiam iactitant. longa annorum serie comparatam, impossibile dicunt eundem expertum esse & iuvenem. Plurimos iuniorum erroribus collapsos, sua demum industria restitutos. Atque hi quantum auctoritati suæ ignoratio detrahit, tantum sibi falsa rerum à se gestarum cōmemoratione tribui volunt. Qui si virtutis illius quàm maximè profitentur [prudentiam intelligo] vel umbram sectarētur, iuniorum potius studia spe adaucta excitarent, suis animadversionibus promouerent, iuvenes ipsos apud amicos insinuarent, ut ijs confidentius credere se se assuescerent, quibus si utendum foret terroris fortasse & detrimenti non parum diffidentia esset allatura. Ne cui verò æmulationis nomine suspecta eorum reddatur oratio, testes citemus aliquot hac in parte omni

exceptione maiores qui iuuenili ætati prudentiam denegarunt.

Prodeat in primis queribundus ille apud Stobæum Pherecrates cuius hæc est de senectute querimonia.

ὦ γῆρας ὡς ἀπεχθές ἀνθρώποισιν εἶ
 Καὶ πανταχοῦ λυπηρόν, οὐ καθ' ἐν μένον!
 Ἐνῶ γὰρ οὐδὲν δινώμεθ' οὐδ' ἰσχύομεν
 Σὺ Ἰωνικῆ αὐτὴ μᾶς διδάσκεις ἐν φρονεῖν.

*O quàm molesta es, quàmq, mortali gravis
 Senilis etas, undiq, ac in omnibus?
 Nam quando fractus corporis languet vigor,
 Tum recta demum sapere nos primū doces.*

Neque verò alia ratione motus Euripides, utramque ætatem inter se conferens iuuentuti senium anteponit.

ὦ τέκων (inquit) οὐκ ἄπαντα ἴω γῆρα κακὰ
 Ἐλεοκλεές πρόσστιν, ἀλλ' ἡ μπειρία
 ἔχει τοι λέξαι ἴω νέων σοφώτερον.

Quam sententiam ita transtulit Ovidius.
 ————— *Non omnia grandior etas
 Quæ fugiamus habet, seris venit usus ab annis.*

Μετὰ τῆς ἡλικίας ἐμπειρία, ἀπὸ δὲ τῆς ἐμπειρίας ἡ φρόνησις.

Ætatem enim experientia, experientiam sequitur prudentia. Id quod suo calculo

1. *Tuscul.
quest.*

comprobat eloquentiæ Parens, nihil est profectò (inquit) hominis prudentia dulcius, quàm ut cætera auferat affert senectus, & idem Euripides his verbis.

ἔργα μὲν νεωτέρων
Βουλαιὶ δ' ἔχουσι τῶν γεροντέρων κρείστος.

Opera iuniorum quidem
Verum senectæ consilia vim possident.

Hoc ipsum propria doctus experientia, Græcorum ætate simul & prudentia prouectissimus Nestor Agamennonem in Iliade sic alloquitur.

*Homerus
Iliad. 4.*

Ἀλκείδῃ μάλ' αὖ μὲν κεν ἔγων ἐθέλοιμι ἢ ἄνθρωπος
ὧς ἔμεν, ὥς ὅτε δῖον Εὐρυθαλίῳνα κατέκταν
Ἀλλ' ὅπως αἶμα πάντα θεοὶ δόσαν ἀνθρώποισιν.
Εἰ γότ' ἐκούρος ἔα, νῦν αὖτ' ἐμὲ γέρας ἱκάνει.
Ἀλλὰ καὶ ὧς, ἐπ' ἐνέουσι μελέεσσ' αἶμα, καλεσσάω.
Βουλὴν καὶ μύθοισι, τὸ γὰρ γέρας ἐστὶ γέροντων.

*Atrides o quantus amor mihi, quanta cupido est
Esse iterum quod eram tum cum hæc mea
Ereuthalionem*

*Dextera confecit, sed non simul omnia nobis
Dant superi, tum prima fuit, nunc me occu-
pat etas*

*Ultima; consilio sed adhuc, nec inut ilis armis
Interero, nostros decorat prudentia canos,*

Hinc meritò apud persas rei bellicæ munu-
penes iuniores fuit. Ii verò qui annum quin

quagesimum exceſſerant, quos *μεγίστους* hoc *Xenophon*
 eſt ſeniores vocabant, cū inculpatè ſe ſe an- *lib. 1. de*
 teãctis ætatib⁹ geſſiſſēt, tum demū iudicijs & *educ. Cyri.*
 forenſib⁹ negotijs quæ ſola auctoritate & pru-
 dencia geruntur, fuere præfecti, norant enim
 policti & ſapientes viri, vt in ſenectute cor-
 poris vires ſic ætate iuuenili prudentiam de-
 ſiderari.

— αἱ νεώτερες (inquit Poſidippus)
 Ἄφρονες, αἱ πηλικαὶ δὲ μπαλιν ἀδράνεις

— *Adoleſcentibus*
Prudentia, ſeni virium robur deeſt.

Qua ratione ducti antiquorum omnium
 doctiſſimi Ægyptij, iuuenili ſenilique forma
 Mercurium eadem tabella depinxerunt, vt
 ſignificarent alterum alterius adminiculo in-
 digere, eum ſcilicet qui cæteris præeſſe vellet
 (quem Mercurius referebat) corporis animi-
 que dotibus quas gemina illa effigies expri-
 mebat inſtructum eſſe oportere. Quid quod
 in rebus bellicis, quæ totæ videntur à cor-
 pore pendere, animi quam corporis viribus
 longè ampliùs tribuit Achilles, dum vnicum *Iliad. 6*
 Neſtorem & imbecillum & ſenem, pluribus
 & iunioribus, & validiſſimis antepoſuit. Qua-
 re Agamemnoni Achillem reconciliaturus iſ
 ipſe Neſtor, ſuo quaſi iure ætatis ratione per-
 ſuadendi ſibi auctoritatem vendicat.

Ibid. α.

Οἱ περὶ μὲν βουλῇ Δαναῶν, περὶ δ' ἐστὲ
 μάχεσθαι (inquit)
 Ἀλλὰ πῶς αὖτε δὲ νεωτέρω ἐστὶν ἐμεῖο

*Consilio primi Græcorū & Martæ, sed ambo
 Iussa capeffite, me iuniores estis uterque.*

Et hæc quāto magis in re medica locum
 habent quæ non viribus agitur, sed consilio
 auctoritate prudentia? Quorsum verò externa
 suffragia tanto labore conquirimus? Nunquid
 ab Ethices schola iuniores arcet Philosophiæ
 parens? At hanc atque in vniuersum Philoso-
 phiam omnem perlustrarit necesse est, quis-
 quis medicinæ se se applicat, Optim^o enim Me-
 dic^o qui optim^o Philosoph^o. Galen^o verò palàm
 disertis verbis profitetur, se in pulsum doc-
 trina consequenda diu multumq; magno stu-
 dio versatum esse. Et hæc quidem medicinæ
 pars est exigua, nec præcipua, imò à summo
 Hippocrate planè deserta, fortè etiā neglecta.
 Quanto ergo annorum decursu ars tota ex-
 coletur? Nemini itaque mirum videri debet,
 quod Auerrhoës vnicum se peritum nosse
 Medicum scriptis reliquerit, magnū scilicet
 Auenzoarem qui annos quadraginta sub pa-
 tris disciplina rei Medicæ operam nauarat.

Hactenus multorum auctoritate stabilitum
 est suspectum de iunioribus Medicis seniorū
 quorundam iudicium: Quorum imitatione ne
 quid temerè sibi persuaderi sinant cæteri quid
 iuuenis nomine intelligamus audiendum. Iu-

uentutem vti cæteras ætates solent medici certo annorum numero circumscribere ab ipso vitæ humanæ primordio exorsi: Ætatum differentias ab ea quæ in calore nativo accidit mutatione depromunt: Quod in plurimis euenire longo vsu compertum est, pro regula constituunt, ita tamen vt vltra citraque hos terminos annorum numero definitos, consistere quamlibet ætatem posse non negent: nos medicorum ætatem, non ex calore innato, nõ ex pube, aut barba & canitie, aut annorum defluxu, sed ex cuiusque industria metiemur: Eumque iuuenem seruata cum ætate corporis proportionem, vocabimus, qui in artis operib⁹ ita versatur, vti iuuenes plerique omnes in civilibus negotijs: Eum vetò ætate maturum qui maturo genio sic aggreditur singula, vt experientiam rationi nusquam non comitem adiungat. Ex quo consequitur vt quâto quisque altius in vtriusque cognitionem promouetur tantò putandus sit ætatè prouectior.

Sed sunt aliqui inuita quasi Minerva nati, quidam aliquantò seriùs, mentem studijs applicant, quidam Philosophiæ Theoremata prorsus ignari, nonnulli hac nostra ætate (quæ morum est corruptela) Lupanaria sibi & popinas pro Academia constituunt pro Academicis Helluones, alij contra iam inde ab incunabilis Lycæum terunt, cum Peripateticis obambulant, genio sunt ad præclara omnia prompto atq; expedito, vt non mirum sit hos etiam in ætate iuuenili maturos esse medicos

imò dixerim senes : illos ne in decrepita quidem iuuenes , neque integro vitæ curriculo Medici vnquam nomen & dignitatem iure merito sustinere , quibus apprime quadrat illud Anacreontis.

Τεῖχος γέρων μὲν ἐστὶ
Τὰς δὲ Φρένας νεάζει.

*Senem sapit capillus
Sed mens refert iuuenicum.*

Isocrates roganti cuidam ex discipulis suis, nunquid si se triēnio in Rhetorica exercuisset, de re quacunque proposita vti ipse solebat posset dicere : ne vel pluribus, inquit, annis id quod postulas assequere. Disciplinæ namque anni pro discentium natura multi ac pauci redduntur. Itaque quod de canitie cecinit Poeta Lyricus, de doctrina & prudentia licet proportionē affirmare.

Φύνονται δὲ καὶ νέοις
Ἐν ἀνδράσι πολιαί
Θαμὰ καὶ παρὰ τῆς ἡλικίας
Εἰκόλα χρόνον.

*Nascuntur etiam Iuuenibus
In viris cani
Sepe & præter ætatis
Congruum tempus.*

Gal. 2. 4.
cmt. comment.
ment. 36.

Vt enim malitia supplet ætatem, sic ingenium & studium senes Medicos facit. Experientia certè quotidiana comprobatur, cum me-

liores tum deteriores inueniri, quanquam eandem Palæstram sub ijsdem Gymnasiarchis sint ingressi, nempe qui perspicaci ratiocinio præpollent, ijs qui hebetiore sunt præditi fiunt perspicaciores; Laboris item amantes segnioribus, exercitatiores minus exercitatis, qui firmiore sunt memoria, ijs qui minus hac ipsa valent. Equidem si quis hoc robore animi est, atque hac indole virtutis ac continentiae, ut respuat omnes voluptates, omnemque vitæ suæ cursum in labore corporis atq; in animi contentione conficiat, quem non quies, non remissio, non æqualium studia, non ludi, non conuiuia delectent, magni præclariq; aliquid vel exiguo tempore in Medicina cōsequetur, eoq; magis si Philosophiæ in primis se se gnauiter applicuerit. Ut enim ager quamuis fertilis, sine cultura fructuosus esse non potest, sic sine doctrina animus, ita est vtraq; res sine altera debilis. Cultura autem animi Philosophia est quæ præparat animos ad satus accipiendos, eaq; mandat his & (ut ita dicam) serit, quæ adulta fructus vberimos ferant.

Cic. 2. Tuscul. quest.

Quare meritò Galenus noster industrium negat esse quenquam posse, qui se vino obruat, aut cibus expleat, aut Veneri dedat, denique qui ventri pudendisq; indulgeat. Ex quo efficit, ut si quis verus est Medicus, idem sit ut veritatis, sic temperantiæ amicus, ac præterea methodi rationalis studiosus, Atq; id longa satis oratione prosequitur, in qua perlegēda, utinam qui se verè Medicos autumant, tan-

Gal. lib. si opt. med.

tilluna temporis impenderet. Illud hoc loco prætermitti nolim iuuenem Medicum hoc est [vt ego aliter explico] eum qui è scholis recens in vulgus emanarit, hæsurum in multis dubium, multa non animaduersurum, multa etiam planè ignoraturum, quæ iuncta postmodum cum ratione experientia in propatulum emittet. Rationi (inquam) innixa experientia: hæc enim duo sunt in quibussibet artibus inuentionis organa, & horum alterum si quis medicinæ detraxerit, Solem ipsum è mundo sustulisse videbitur. Claudicat altero pede quisquis alteri duntaxat innititur. Incerta oberrat experientia, errorum caligine vndequaq; obducta, nisi rationem sequatur ducem, eiusq; veluti radijs illustretur, neq; tuta se sola ratio, quàm magistra rerum experientia non confirmarit. Neque enim Medici, non Imperatores, non Oratores quamuis artis præcepta perceperint; quicquam magna cum laude dignum sine vsu & exercitatione consequi possunt.

*Gal. lib. de
cur. rat.
per sang.
miss. C. 3.*

*Gal. 9.
Meth 6.*

*Cic. 1. offici-
orum.*

*Gal. lib. si
opt. Med.*

Quemadmodum igitur si vel innata corporis habitudine careant Athletæ, aut sine exercitatione languescere ipsam sinant, brauium nusquam reportarint: sic horum altervtro destitutus Medicus, certam sibi in humanos affectus victoriam, non dicam polliceri, sed ne sperare quidem potest. Leuem sanè alteri defectum, cumulata vnius possessio compensat, vt is meritò ad Medicinæ munia admittatur qui mediocriter artis, & Philosophiæ præceptionibus instructus, longa sit pragmatia con-

confirmatus: vel qui in artis operibus medio-
criter versatus Philosophicis Medicisque stu-
dijs & præceptionibus sit apprime excultus,

Quamobrem explodendi Sepiasarij, atque
id genus impostores, qui longa cum ægrotis
agendi consuetudine, ne delibutis quidem
nobilissimæ scientiæ eiusdemque difficillimæ,
elementis faciendæ rei medicæ se se idoneos
putant. Et cõusque progrediuntur sola vsus
confidentia inexplebili quadam lucri cupidi-
tate, & arrogãtia perculsi, vt non modò quid
agendum sit intrepidè & imperiosè præscri-
bant, sed & probatorum virorum consilia (si
dijs lubet) corrigant, immutent, atque per-
uertant: cæcam illam, dubiam, ac plerumque
falsam, & imaginariam opinionem suam ac-
curatò iudicio præferentes. Neque mirum id
videri debet, summa enim ignorantia, insi-
gnem comitem habet imprudentiam.

*Gal. 1. de
diff. Feb.
Cap. 2.*

Equidem quanta in ignoratione versentur
ipsi, is facilè intelliget, qui experiẽtiæ ab arte
separatæ vires nouerit, quæ neque vera à fal-
sis discernere, nec proprios effectus in gemi-
nas causas referre, nec quò progrediendum
sit internosse, nec vllis rebus modum adhibe-
re nisi rationis beneficio potest.

Maytialis.

Habeas licebit alterum pedem Leda

Insulse, nunquid crure ligneo curres?

*Gal. meth.
Cap. 6.*

Quam sæpe videas huius farinæ homines
cum aut ijs quæ citra demonstrationem sunt
enunciata credant, aut falsis demonstrati-
onibus eludantur, non solum boni nihil ex-

cogitare posse, sed etiam ea quæ per experientiam sunt cognita corrumpere. Magna scilicet rationis vis est, & magna in utramque partem, tum ad ornandū tum ad labefactandam empiriam, quantumque recta ratio lucis adiscit, tantum vel amplius vitiosa detrahit. Vera ergo ratione destituti non tam remedia conferre, quàm dubio euentu remediorum materiam tentare solent: Vt longè capeSSenda huic scientiæ sit aptior, qui ne ipsam quidem à limine salutarit, quàm qui deprauare gerere omnia iam inde à primordijs assueuerit. Id ego sexcentis confirmatè exemplis (plena enim, magno cum dolore loquor, exemplorū sunt omnia) si extra propositum latius excurrere liceret. Solos Erasistrataeos testes appellabo (quorsum enim nostrorum Empiricorum fieret mentio, qui semel impressas animo ineptias ita mordicis tenent, ut non modo non rationum pondere, sed ne sensu quidem ipso ab ijs diuelli se patiantur) illi sic firmiter Erasistrati de non secunda vena sententiam amplexabantur, ut suadente etiamnum naturali & communi ratione, aduersa ægrotantium valetudine Chirurghi manum implorante, publica multorum perniciē sectæ hæresim penitus detestāte, in contrarium nihilominus torqueri nullomodo possent. De Diatritaria abstinentia, quid opusest dicere? qua confecti miserè quam plurimi eandem cum precedentibus calamitatem longè prius incurrerunt, quàm ab instituto desiste-

*Gal. libris
aduersus
Erasistr.*

*lib. 1. cap. 10.
lib. 2. cap. 10.
lib. 3. cap. 10.*

*Gal. 10.
method. 3.
& alibi.*

rent, qui eam imperabant.

Non igitur cani, non rugæ repente aucto- *Cic. de se- nest.*
ritatem afferre debent, sed ratione stabilita
experientia fructus auctoritatis præbet ex-
tremos.

Modò (vt aduersariorum tela retundam⁹)
fatemur quidem in iunioribus Medicis abso-
lutissimam illam diuturna praxi confirmatam
experientiam non inueniri, Eam tamen ines-
se posse dicimus, quæ muneribus probè ob-
eundis sufficiat, maximè si in Theoria, vt
nobilis solent ingenia, se se accuratè exer-
cuerint, Etenim vt Poëtice respondeam.

Διπλοῦν ὁρῶσιν οἱ μαθόντες γράμματα.

Duplum intuentur, quæis iubar Sophia emicat. i. pradiſt.

Cœcutit è contrario quisquis ex obserua- *comm. 15.*
tione tantum medicam speculationem con-
gerit, nec modò centum, sed mille annis opus
habet (inquit Galenus) ob id paruum humili-
mamque eam plurimum adauxit Hippocra-
tes, ijs quæ ex historia didicit & ipse conf-
pexit logicam adiiciens censuram. Non ita-
que annorum canities est laudanda, sed sci-
entiæ, quando vt optimè Menander.

Οὐχ αἱ λεῖχες ποιοῦσιν αἱ λευραὶ φρονεῖν.

Canis capilli sapere faciunt nomenem.

At quæsierit fortè quispiam, nunquid se-
eum putes eorum fidei & industriæ iacen-
tes exponere, qui mox è scholis tanquam ex
equo Troiano prodeunt, integram licet Hip-
pocratis & Galeni doctrinam absorpserint,
cum omni sint usu destituti, & prorsus (vt

communiter loquuntur) inexperti? Imo verò quandoque in ipsis primordiis visuntur non parum exercitati, qui pari prudentia & vigilātia praxim cum speculatione iunxerunt non enim (vt perperam fortasse arbitrantur nonnulli) circa initia statim proprio Marte practicæ se se applicant, qui rectæ conscientiaæ stimulis, & veræ laudis cupiditate incitantur (temerarium id nimis foret Icarī Phaethontis supplicio dignum) sed assidua seniorum, hoc est eruditorum vna atque experientium consuetudine, quorum opera exacto continuoque studio intuentur, & à quibus si quæ occurrunt ardua, rationem curiosè perquirunt. Hac methodo debile adhuc & tenellis defixum radicibus iudicium progrediente tempore continua præceptionum investigatione firmatur, fideli observationum memoria accrescit, ac demum magisque in dies exemplorum imitatione perficitur. Hæc itaque exordia rei medicæ sceleriter & cum gloria exercendæ satis esse possunt, rudia tamen ipsa, solumque inchoata si cum ea quæ consequitur, perfectione conferantur. Ethæc quidem atque hactenus supposita ad Aristotelis & Auerrhois auctoritatem satis esse possunt. Ad Galenum dicimus longè diuersum esse medicinam à maioribus excultam & traditam capeßere, & eandē aut aliquam eius partem ab alijs ignoratā aut contemptam propria industria elaborare & perficere. Illud à iunioribus obtineri potest, istud ne

sperari quidem nisi ab ijs qui ab ineunte statim ætate ad extremum usque senium pragmatix simul & Philosophix se se grauitè applicuerint.

An præstet unicum habere Medicum an plures.

QVÆSTIO TERTIA.

Quæ παρρησιᾶς locum tenet.

Quæstionem hanc uti & postremam popularibus erroribus inseruit doctissimus Ioubertus, quare populariter utramque pertractauit, nobis verò res erit cum vulgaribus, at cum Medicis maximè, ut quod tacitè in Aphorismo propositum est, expressis verbis intelligant, proprio quandoque vitio sæpius etiam alieno sua se expectatione falli, legitimum medendi ordinem inuerti, sursum deorsum ferri omnia, magno sanè artis & ægrorum dispendio,

Equidem cum accuratè singula perpendo, quæ circa propositum vtrò citròque afferri possunt, non pauca inuenio, quæ ægros pluribus Medicis cōmittendos suadeant, plurima, quæ dehørentur. Illinc se se offert vasta illa ac pene immensa scientiæ amplitudo quæ vno cerebro quasi ergastulo conclusa detineri & comprehendere nequit. Non enim

omnia possumus omnes; Itaque vt diuersa sunt hominum ingenia, defectum vnius fortasse alter compensabit. Hic Anatomicos explicabit nodos, ille occultas stirpium vires in lucem proferet, & quæ circa ipsarum cognitionem & differentias orientur difficultates, enodabit. Alter in Theoria subtilior, alter in morborum distinctione perspicacior. Addo praxim vniuersam à cōiecturis pendere atque has ipsas à sensibus. Putredinem à fœtore nares arguunt: Tussis vehementia auditu discernitur. Cadunt in eundem sensum Borborigini singultus, stertor, stridor, alijque soni è corpore erumpentes magni certè ad plurimorum affectuum dignotionem momenti: Distinguntur tactus beneficio arteriarum pulsationes, primæque qualitates atque ex his fluentes, illæ quas tactiles vocant, à quibus in corporis habitus in singularum partium temperaturæ, atque adeò in humoris redundantis affectusque cognitionem non rarò deducimur. Suus quoq; gustui non deesset vsus, sed verat obiectorum turpitudine, ne quæ aliorum sensuum iudicio in diagnoscendis morbis relinqui possunt honestiùs ad ipsum referantur, quanquam in explorandis medicamentorum facultatibus primas huic partes inter cæteros sensus tribuimus. Oculis verò quid non deferimus? Quid tutius in praxi? Quid vtilius aut quid magis necessarium *οὐκ ὁφθαλμῶν*? Oculis deprehenditur Hippocratica illa facies rudiorum sermonibus decantata,

& eorum omnium quæ educuntur è corpore, ipsiusq; in vniuersum corporis color. Eiusdem opera ex respirationis motu, ex decubitu, ex gestulatione manuum, ex membrorum situ & conformatione certissima depromuntur argumenta. Ita non obiecti proprii arbitrer est visus, sed & circa communia aut solus versatur, aut de ipsis quam aliorum quispiam certius iudicium facit. Leuia fortasse alicui videbuntur ista vel extranea, sed quæ tamen vim hac in parte habent non leuem. Et quæso quotusquisque ille est omnibus hisce naturæ dotibus ita fœliciter instructus non modò vt non aberraret, sed ne parem quidem alium in singulis agnoscat? Aurea Antiquorum dicta omnia vti & illud, Plus vident oculi quàm oculus, quo mouemur ne vltra quàm par est proprijs viribus confisi, alieno captui fidem atque auctoritatem denegemus. Quamobrem quod in forensibus negotijs fieri solet, debet & longè accuratiùs aduersa valetudine obseruari. Illic cùm de vi, de mutuata pecunia, de retinenda possessione, aut acquirendo dominio lis est exorta, rem non vnius, at plurium quos fama inter cœteros commendat arbitrio subiiciunt. Quantò quæso nos cautiores esse decet in perniciosissimis morborum propulsandis insultibus, restituenda in integrum sanitate, deniq; in conseruando admirabili illo ac pene diuino immortalis animæ domicilio? Itane de cœteris anxij quæ tota subiaccēt imperio fortunæ, ipsum naturæ Archetipum

collabi nostrâ incuriâ finem? Itane de accessorio solliciti, id quod princeps & primarium est, & cuius gratia sunt omnia neglecto consilio destruem? Hoc omen Deus immortalis auertat.

At sunt inter Medicos nonnulli (dicam aliorum pace) aut tam arrogantes & morosi, aut ita ignorantes & inuidi, nullum ut nisi coacti socium admittant, nullû in consilium vocent. Cœterorum contemptu id facere arrogantiae est: peculiari quodam naturæ vitio familiari consuetudine se subtrahere, rusticitatis. Hanc ipsam pertimescere, ruditatis: æqua lemnon perferre, inuidentiæ: leuis sanè abiectiq; animi non leuia argumenta. Verùm agite boni viri, resipiscite tandem aliquando, cœterosque vobiscum vnâ in consilium adhibete, si prudentiores erunt, vestra non aspernabuntur, at resperso sale temperabunt: si rudiores eadem opinione sua confirmabunt, id quidem laboranti frugiferum, istud vobis etiam gloriosum, sed de his postea. Neq; enim sic desideranda penitus Medicorum vrbalitas ut plebeios homines ab omni errore vindicem, imo verò quicquid aberratur hac in parte, ad ipsos aut omnino, aut maximè videtur pertinere. Sunt enim, sunt fermè innumerabiles quorum ut cum Poeta loquar.

*Horatius
s. Epistol.*

Fernet Avaritia miseraq; Cupidine pectus.

Hi diuitias ad vsum comparatas deprauato iudicio ita salutis propriæ anteponunt, ut si quando morbi violentia oppetiti iaceant af-

flicti, elanguidi, miseri, non modò non plures experientes viros, tanquam auxiliarias copias ad se conuocent, sed ne vnus quidem periti artificis industriæ se cômittant. Cumq; non agrum, non fundum, non suppellectilem, imò ne exiguam assis partem imperiti rabulæ importunæ loquacitati credant: domesticos, liberos, charam coniugem, proprium caput, fallacibus vagatorum imposturis, violentis cursantium quorundam fumis, rationis expertibus Empiricorum experimentis, vanis aui-
cularum superstitionibus, ipsis sortilegorum præstigijs & incantationibus (Dæmonum audax atque horrendum facinus) etiam scientes exponant.

Audite Anacreontem miselli, eiusq; sententiam verè auream animis vestris altiùs impressam tenete. Hæc ille iocosè, seriò à vobis accipienda.

ὁ πλεῖστος εἶχε χειρὸν
τὸ ξύμ' παρήγε θνητοῖς,
Ἐκαρτέρωω Φιλότητων.
Ἰν' αἶν θανεῖν ἀπέλθῃ.
Δάβῃ τι καὶ παρέλθῃ
εἰ δ' οὐδὲ τὸ πείλαισθαι
τὸ ζῶν ἐνεστὶ θνητοῖς,
τί καὶ μαίω σενάζω;
τί καὶ γούβας προπέμπω;
θανεῖν γὰρ εἰ πέρωλαι,
τί χρυσὸς ὠφελεῖ με;

Si prorogare vitam
Mortalibus valeret
Seruare nitar aurum
Vt parca dum veniret
Accepto abiret auro
Sin emptam habere vitam
Mortalibus nefas est
Quid conquerār? quid usque
Lamenta vana fundam?
Nam si mori necesse est
Quid me iuuabit aurum?

Ecce quàm probè & eleganter diuitias ad
 vitæ conseruationem & prorogationem, tan-
 quam ad proprium vsum retulit. Vos contra
 vitæ propriæ dispendio fortunas vestras in
 arculis & fiscellis curiosè reconditis in ves-
 tram perniciem asseruatis. miseri nec modò
 miseri sed in summa quoque rerum affluen-
 tia, ipso diuini Socratis testimonio summè
 inopes æstimandi: Οὐ γὰρ ἔφη Σωκράτης εἶναι
 πλεῖν ὑπερμέτρον κτήσιν πλούτου, τὸ ὃ ὅσως προσήκει
 χρῆσθαι.

Non enim immensas possessiones diuitias
 vocabat, sed tantum, quantum requiritur ad
 vsum decentē. πένητας ἀπεκάλεσεν, ἢ ἀνίατον
 αὐτοῖς ἐφασκε πένειαν, πένεσθαι, ψυχῆς ἐστὶ
 εἶναι τὸ ἀρρεόστημα οὐ κτήσεως. Hoc est, paupe-
 res appellabat, & incurabili ipsos paupertate
 premi dicebat, animi scilicet infirmitate
 non possessionis.

Xenophon
epistola ad
Lápractē.

Απολοῖτε πρῶτος αὐτοῖς
 Ὁ τὸν ἀργυρον φιλήσας

Διὰ τοῦτον οὐκ ἀδελφός
 Διὰ τοῦτον οὐ τοκῆς:
 Πόλεμοι, φόνοι δὲ αὐτῶν.
 Το δε χεῖρον, ἐκλύμεθα
 Διὰ τοῦτον οἱ φιλοῦντες.

*Pereat is expetendi
 Qui primus auctor auri:
 Iubet id negare fratres,
 Et negligi parentes,
 Ob hoc cruenta bella,
 Quod pessimum perimus,
 Tandem per hoc amantes.*

Pereant & malè pereant miserrimi id gen⁹ homines, rerū omniū indigni, stolidi, sordidi, Titij supplicio dignissimi, cuius emeritas pœnas continuis prauæ cupiditatis quasi morribus laceffiti, ne in hoc quidem orbe effugiunt grauiora apud inferos (ni ad mētem redeant) experturi. Vt interim taceam quam dirè nonnunquam à suis terroribus excarnificati, auaritiæ, & imprudentiæ suæ penas in omni vita luant.

Est alterum quoddam hominum genus, qui crassa ignorantia occæcati Pseudoiatros discernere à legitimis, ac eius qui maximè expedit delectum facere non possunt. Isti (vt sunt in errorem proni) inanibus ludiorum fabulis persuasi, fictis pollicitationibus tanquam Crocodili lachrymis illecti, turpissimè ipsorum libidini, temulentiae, impuritati, sedant in prædam. Horum equidem deploran-

da calamitas, & commiseratione prosequenda: illorum comprimenda audacia, tolerantia Magistratus accusanda. Enimuerò cum in prædones, in sicarios, in veneficos multa sit capitis æquissimis legib⁹ constituta, perditissimis hominibus nobilissimam scientiam eementitis, plebeculæ crumenas emungere, atque in ipsius vitam nefariè grassari impunè licet. Magna illecebra peccandi impunitatis spes, in probam indolem cum irrepserit, periculosa: cum in sceleratam inciderit, pestifera. At quorsum obsecro sapientissimorum principum decreto priuilegia facultati medicæ amplissima liberalissimè concessa, horum infractoribus pœnæ decretis irrogatæ, si Myropolis, tonsoribus & cuiuscunque farinae homuncionibus Medicinam factitare conceditur? Quorsum ignorantia & vulgitudine qui tales pro Medicis iudicat & habet, iam eò res deuenit, vt omnium artium longè vilissima censeatur medicina? Ignominia namque pœna, quæ sola medicis videtur reseruata, eos non contingit, aut afficit, qui ex composito personam ipsius induerunt, sed artem ipsam verosque artis ministros. Quorsum Academia ipsæ immensis sumptibus constructæ atque sustentatæ, conquisiti hinc inde summo honorario viri excellentissimi studio si iuuenes magnis impensis, diurnis nocturnisque laboribus & vigilijs, diuturnis peregrinationibus hisce artibus instituti atque educati, si cuiuslibet sortis & conditionis ho-

*Cic. pro
Milone.*

*Hippoc. in
sua lege.*

mines quæ ἀλόγη ἱερῶν hoc est irrationabili
 vfu compararunt, vel ab alijs acceperunt,
 palam circa ægrotos experiri à nemine pro-
 hibentur? Sanctum illud quondam apud Æ-
 giptios fuit, & pro Adrastia lege habitum, vt
 quicumque Medicinam profiteretur iuxta
 normam ab antiquis, & probatis auctoribus
 traditam, aggredereetur curam. Si quis sacrum
 sequutus librum restituere infirmum nequif-
 set, omni carebat crimine, qui secus tractas-
 set, morte plectebatur. Nulla apud nos lege
 punitur ignorantia atque impudentia capi-
 talis. Circulatoribus & minus ius est sua pro
 rostris edicendi, misellos eludendi, Pharma-
 ca aut veneficia potius (quod probat exitus)
 venditandi, & (quod infamia non vacat) si
 quis (vt casu accidit) à morbo, aut ab ip-
 sorum potius manibus immunis euaserit, cum
 non paucos, quandoque etiam plures eadem
 in ciuitate confecerint, quam seruarint, fœ-
 liciter magis quàm prudenter ab illis acta
 longè latèque ab ipsis primatibus commen-
 dantur, sigilloque publico insignita exteris
 nationibus magnificè exhibentur; quæcūque
 funestè perpetrata silentio obtecta dissimu-
 lantur: si quæ inde exorta querimonia mini-
 me excusationis prætextu refellitur. Taceo
 innumeras obseruationes superstitiosas, ca-
 racteres, cæteraque id genus ex intimis Auerni
 penetralibus hausta præsidia, à quibus ne pru-
 dentiores quidem vulgò æstimati dum dolens
 abstinent.

Atheniensis Senatus decreto obruta lapidibus est muliercula, quod præter deorum & naturæ institutum solis verbis & incantamenti nullo adhibito remedio morbos profligaret: Nos dæmonum inuenta præter naturæ ordinem, in diuini numinis despectum tanto studio amplectemur? Illa nos salutari-
bus præsidij ex ipsis naturæ fontibus erutis ignominiose anteponemus? Dicam, equidem de Medicina idem quod de iustitia Hesiodus nostræ quam suæ ætati conuenientiùs hisce versibus decantauit.

Νῦν δὲ ἐγὼ μὴτ' ἀνὴρ ἐν ἀνθρώποις δίκαιος.

Εἴλω μήτ' ἐμὸς ἦος, ἐπ' ἧ κακὸν αὐδρα δίκαιον

Εὔμεναι, εἰ μέζω γε δίκην ἀδίκωτερος ἔξῃ.

Nunc verò nec ego mortales equior inter

Esse velim natusquæ meus: nā iuris amantem

Esse malum, si plus iniustus iuris habebit.

Atque utinam possem eadem spe fretus verè quod subiicit vsurpare.

Ἀλλὰ γὰρ οὐπω ἔοικα θέλει Δία τερπικέροντον.

Sed reor hæc non ferre Deum qui fulmine gaudet.

Verum (proh malitiam hominum) eò de- uecta res est modò, vt indubitatum illud o-
raeulum, seni de filio suo inquirenti reddi-
tum hac tempestate magno bonorū omnium
mœrore, & luctu experiri liceat, οἷς σφόδρ'

ἐστὶ συμφέρον τὸ μηδὲν ἀσκεῖν ὑγιὲς ἐν τῷ νῦν χρόνῳ

Impendio commodum existere, recti nihil

hoc tempore exercere. Hæc quidem Diuino

arbitrio finientur: Nos interim medendi me-

Aristopha-
neas

-Gal. meth
cap. 2.

rhodum quæ veteribus exculta, modo iacet neglecta, pro virili restituemus.

Tertium præter hos reperitur genus hominum qui quanquam Medicis non aduersantur, eorumq; auctoritati & doctrinæ tantum deferunt, quantum humana necessitas & virtutis splendor deferri iubent, perhorrescunt tamen congressum plurimum: vnius, quem fide & eruditione præstantem putant, regulis subijci malunt. Et hi quidem tanto rationū pondere suffulti sunt, vt in trutinam potius reuocanda sit ipsorum sententia quam penitus reiicienda.

Proferunt in primis hæc ex Poeta Ascræo quæ licet in omnes qui in eadem versantur arte, iactari solent Medicis ante cæteros quadrare volunt.

Ζηλοῖ δὲ τὴν γειττονὰ γείτων
Καὶ κεραμεὺς κεραμεῖ κολέει, καὶ τέκτωνι τέκτων,
Καὶ πλωχὸς πλωχῷ φρονέει, καὶ αἰοιδὸς αἰοιδῷ

Hesiod⁹
ἐργῶν καὶ
ἡμερῶν α

*Æmulus est vicini oculus, figuloq; perosus
Est figulus, fabroq; faber, nec egenus egeno
Est fidus, nec Cantorem Cantor amicum.*

Hæc consueta inter pares æmulatio discordiam, discordia contentionem, contentio confusionem parit: Et sanè, dum hic reprehendendi studio bellè alioqui proposita Sophisticis argutijs conuellit, alter ostentationis gratiâ, in Logicis aut ἀλογίσεις potius quæstionculis versatur: Tertius noua quædam &

48 *APHORISMVS PRIMVS,*
 inusitata à nemine (si dijs lubet) animaduersa
 comminiscitur, manet interim indecisa pro-
 cedendi ratio, status morbi plerumque longè
 quàm antea obscurior, difficilior exitus, spes
 salutis incertior.

Interim occasio labitur ea peragendi, quæ
 fortè diutius protracta incommodi non mi-
 nus quàm vtilitatis sunt allatura. At demus
 inter Medicos (quod rarò accidit) priore con-
 gressu optimè conuenisse si quid in posterum
 noui symptomatis accessio innouari iubet,
 oportunū non est omnibus idem denuò con-
 ueniendi tempus, accedit iste maturius, ille
 serius, en abrepta deliberandi via, ab hoc ne
 si æger postulet inscio altero quicquam decer-
 ni nefas. Patitur interim afflictus, distorquetur
 variè corpore & animo, angitur, excandescit,
 clamat; clamoribus & perturbationibus
 ingrauescit malum, fit vigilia contumacior,
 febris ardentior, sitis arefcentibus faucibus
 asperior. Ille tum obtestari assidentes, si quid
 facere recusant, si tantillum remorantur, ob-
 iurgare, increpare. Premittit hoc ipso dolor ve-
 hementius. Quemadmodum igitur euenit
 non rarò.

*Hesiodus
 ibidem.*

ὁ Φράσιον

Δῆμος αἰαοθαλίας βασιλῶν οἱ λυγρὰ νοεῶντες
 Ἀλλ' ἢ παρὴν οὐσι δίκας σκολιῶς ἐνέποντες.

Ut patiatur

Plebs regum delicta, animo qui praua volutant
Atq; alio flectunt; oblique iura ferentes.

Sic

Sic Medicorum vitia plerūque in ægrorum caput retundere solent. Quid faciant interim assistentes blanda oratione nihil promouent, nec enim,

Sunt verba & voces quibus hunc lenire dolorem Possis, & magnam morbi deponere partem. Horat. 1. Epist.

Non eloquentia sed remedijs curantur grauiores affectus. At nondum de præsidijs apud Medicos definitum. Prociastinandum est. Celsus.

Quam longè cras istud ubi est? aut unde petēdū? Nunquid apud Parthos, Armeniosq; latet? Martial. 9. Epigr.

Iam cras istud habet Peleus vel Nestoris annos.

Tali Ethopeia, hisce Dialogismis, concludunt numerosam Medicorum turbam ægrosis penitus exitialem. Ac veluti nullo obstaculo superstitite, certa victoria potiti, triumphum emeriti, ita tandem imperiosè concludunt, Quæ igitur causa fuit, vt sapientissimi Legisla-
tores vnico tutore contenti à pluribus abstinerent, eadem in constituenda valetudinis tutela locum habeat necesse est. Verū non hi solum sed & Philosophi quoq; vnius principatum Polyarchiæ anteposuerunt. Inter cæteros Pythagoras cum rerum omnium causas ad numeros referret, bonorum principum constituit vnitatem. Cuius sententiam Poetarum Principes suo calculo confirmarunt, sic enim in Andromache Euripides.

Plot. l. 1. ff. de tut. & cur. se- gni expe- diunt cō- missa nego- tia plures.

Ενός αἱ διαίσεις, ἀνά τε μέλαθρα καὶ ἄν τε πόλεις
Domi, ac in vrbe sit potestas vnica

Sic in Iliade Vates Heroicus in Vlyssæ

50 APHORISMVS PRIMVS

persona quem Διογενῆς, ἢ πολυμήκανον vocat,
hoc est diuinum & industrium.

Iliad. β. Οὐκ ἀγαθὸν πολυκαιρύνει, εἰς κοίρανος ἔσω,
Εἰς βασιλεὺς

*Haud multos regnare bonum est, rex unicus
esto.*

*Plutarch⁹
in Camillo.*

Tantum virorum auctoritatem multo-
rum seculorum experientia confirmavit. No-
bis instar omnium Romanorum exemplum
esse potest, qui cum nullis antea viribus, nullis
machinis debellari potuissent, Gallorū armis
insignj prælio deuicti atque prostrati tandem
cesserunt, ob id potissimum quod pluribus
tribunis militaribus rei bellicæ cura fuisset
commissa, quæ vnus imperio subijci debuif-
set. Dent modò victas manus tot tantisque
rationibus euicti contrariæ opinionis asser-
tores. Sapiant Adriani malo periculum non
experti, is iam morti proximus, imprudentiæ
sibi tum demum conscius, in perpetuam rei
memoriam suo hæc monumento insculpi
iussit. *Turba Medicorum perijt.* Quo testimo-
nio quid grauius dici, aut excogitari potest?
Erat is summus Imperator, non deerat libe-
rali mercede conducta ministrorū fides, nihil
in omni apparatu mancum aut imminutum
proprijs se (quod in tali Principe admiratio-
nem augeat) voluptatibus abdicarat, aliena vi-
nebat quadra, perijt nihilominus, & perijt
conquisitis omni ex parte Medicis, longiori
æuo fruiturus, si vnus dumtaxat industriæ
se se penitus addixisset. Magnam sanè persua-

dendi vim habet hæc oratio, sed vetât priore loco posita ne ante in ipsius partem abeamus quam discussa fuerint singula. Quoniã tamen id foret longiùs quàm postulet necessitas, Lectori forsan importunum (iam enim aliquantò latiùs opinione nostra progressi sumus) consultius arbitror sententiam propriam brevibus declarare. Sic itaque cõstituo. Expedit oblato difficili casu plurium iudicio negotium committere, eius verò quod definitum est executionem vnus fidei & vigilantia relinquere: si quid denuò se se difficultatis offeret, iterata consultatione perquirere, ac postmodum ei, cui antea, exequendi partes demandare. Hac vnica methodo scrupulum omnẽ eximemus, & quæ hætenus in vtramque partem fuere obiecta, dubitandi occasione quacunque abrepta etiam taciti conciliabimus & diluemus.

Illud de Adriano non tacendum (ne cui temerè in posterum vitam credant principes viri) cum Medicis artib⁹ nihil is promoueret, ad Magicas confugit; moxq; incantamētis quæ in abdomine cõtinebatur aqua, recidiuã pass⁹, restitui ampliùs nõ potuit. Non igitur perijt Medicorum turba, sed impostorum culpa, Imò (vt veriùs loquar) sua propria, cum sceleratorum hominum nugis & præstigijs id tempus daret, quod creatæ è cœlo Medicinæ quod verè diuinis Hippocraticorum remedijs debebatur, Miserandum hac nostra ætate [lubethoc repetere & sæpius inculcare] Mi-

*Dion in
Adriani
Vita.*

serandum (inquam) passim cōmune vulgi [ne quos grauioris ordinis immisceam] ad sortilegos id genus, ad auiculas, ad quemlibet è fæce plebeculæ, tanquam ad sacram anchoram refugium. In hac tanta morum corruptela, in hac tam effrenata, efferata potius licentia, quæ in humanum caput redundat, ne sacerdotes quidem ipsi non monachi seuerioribus legibus adstricti (absit inuidia verbo) tam parum in Theologia, quàm in Medicina versati, non inscijs Antistitibus & superioribus palam à faciendâ Medicina abstinent: multos (quæ artis est libertas) interficiunt, plures in summum vitæ discrimen adducunt: plurimos, cū non multum adhuc prouecto malo seruari potuissent, tandē desperatos relinquunt infinitos (omnes penè dixerim) falsis persuasionibus ad se conuocant: aperto etiam clarissimorum Medicorum contemptu, quos sancta & religiosa prædicatione commendare, cæteros eruditis & serijs coniectionibus à tam leui, periculosa, exitiali & pestifera opinione & ignorantia deberent auocare. Sed quid de Medicis dicam, qui salutaribus artis præceptionibus posthabitis & neglectis, has etiam vulgi nugas, terunt: pro indubitatis & nunquam fallentibus coniecturis, umbratiles quosdam fucos, & aniles fabulas consuectantur? Digni sunt equidē cū Medicinam deserant, qui à Medicorum albo subtrahantur, & æterna infamia notati, à suis etiam deserti, ad infimos ordines relegentur.

Tam nunc tandem Coronidis loco obsecro
obtestorque vos amantissimi collegæ (vos
enim vos mea potissimum spectat oratio)
ne ullis vnquam contentionum fluctibus, sic
à proposito vestros animos diuelli patiamini
vt proprij muneris quasi obliti ad aliena de-
flectatis. Absit à cordatis viris perniciofa id
gen^o æmulatio. Verùm quos ægroti fides, & re-
mediorum expectatio conuocauit, diuersitas
in iudicando, libertas in proponendo, con-
stantia in consulendo, in discordiam rapuit
eosdem salutis afferendæ cupiditas, virtutis
amor, ratio firmior, veritatis studium ad
concordiam reuocet, Honeſta sanè conten-
tio, quæ veritate perspecta conquiescit, Tam-
diu ea æſtimanda, quandiu aut proficit aliquid
aut si non proficit non obest. Trahimur qui-
dem omnes laudis studio, & optimus quisq;
maximè gloria ducitur, omnes incendimur
ad studia gloriâ.

*Cic pro La-
lio.*

*Idem pro
Arch. Poë-
ta.*

*Hesiodus
lib citato.*

*Cic in Pi-
sonem.*

ἀγαθὴ δ' ἐστὶ καὶ ἡ τοῦ βολοῦ

Et hec homini contentio honesta est.

Vt enim leuitatis est inanem aucupari
rumorem, & omnes umbras etiam falsæ glo-
riæ consecrari. Sic leuis est animi lucē splen-
doremque fugientis iustam gloriam, qui est
fructus veræ virtutis honestissimus, repudiare.
Est gloria solida quædam res, & expressa non
adumbrata. Ea est consentiens laus bonorum
incorrupta vox benè iudicantium de excel-
lente virtute: Ea virtuti resonat tanquā im-
ago gloriæ, quæ quia rectè factorum plerum-

*Idem 3.
Tusc. quæst.*

que comes est, non est à bonis viris repudienda. Illa autem quæ se eius imitatricem esse vult, temeraria atque inconsiderata, & plerumque peccatorum vitiorumque laudatrix

*Idem de se-
nectute.*

*3. de Ora-
tore.*

fama popularis, simulatione honestatis formam eius pulchritudinemque corrumpit; itaque viri sapientes & perfecti, atque excellentibus ingenijs prædicti excitantur spe gloriæ quæ habet formam honestatis & similitudinem.

At virtutis gloriam præmium haud prædam putant. Præmium virtutis est honor iudicio studioque prudentium delatus ad aliquem, non sophisticis captionibus, aut vana ac inutili ostentatione conquisitus. Is est virtutis fomes,

1. Officiorum

hanc ambitio peperit, æmulatio confirmavit. Miserrima omnium ambitio, honorisque contentio, à qua (ut difficile est cum cæteris præstare volueris seruare æquitatem) iurgia, similitates, inimicitiae etiam inter amicissimos (quales inter se Medicos esse par est) oboriuntur. Ut meritò ἀλγος ἐμφανές hoc est malum euidēs à Pindaro vocetur. Et Δεινὸν κακὸν, graue malum ab Euripide. Cuius grauissimam sententiam nostra omnium memoria dignissimam, utinam tum maximè cum circa ægritudines ineunda deliberatio, mentis oculis defixam teneremus. Is Iocastam filio suo Eteocli ita loquentem introducit.

Τὶ τῆς κακίης δαιμόνων ἐφίεσσι
Φιλοπρίας παῖ, μὴ σύγ' ἄδικος ἢ θεός
Πολλὰς δ' ἔς δίκους, καὶ πόλεις εὐδαίμονας
Εἰσηλθε, καξήλθεν ἐπ' ὀλέθρῳ χρωμέναν.

*Ecquid Dearum pessimam amplexu foues
O fili inanem gloriam? Nequam est Dea
Caueto; multas prosperas adije domos,
Vrbesque, & abijt, inferens cladem suis.*

Ex huiusmodi namque futili & inani concertatione, quid boni, quid præclari vnquam sperari in Medicina potest? Cadmæa fortasse victoria, victoribus & victis, Medicis nimis & ægrotis, atque adeo præclarissimæ scientiæ ignominiosa, infamis, lugubris, pestifera.

*Quæ sint veri Medici vere
note?*

QVÆSTIO QVARTA.

SI ex vulgarium calculo decernenda foret quæstio, tot fortè veras veri Medici notas proponi audiremus, quot Medicos: Externas quidem illas, quibus ad viuum exprimendis, ne appellis quidē opera satis esset. Nonnullis promissa barba satis ad iustā boni Medici opinionem videretur. Alijs sine canitie non satis. Quibusdam placet curiosus torius corporis ornatus, placet Medicus qui.

*Non nisi vel cocco madida, vel murice tincta Martialis.
Veste nitet.*

Ex aliorum suffragio magis ad pompam facit nitor is, quàm ad doctrinam, quæ sub sordido palliolo plerumque delitescit. Non desunt qui Medicum ex diuitijs æstiment, ex

36 *APHORISMVS PRIMVS,*
numero seruorum & stipatu, ex domestico
apparatu, eum extollunt.

Martialis.

*Cui diffusi iugera campi
Urbanique tenent prœdia multa lares
Et seruit domine numerosus debitor arce
Sustentatque suas aurea mensa dapes.*

Sunt qui ista melius ad fortunam quàm ad
animũ referenda putent. Denique (quid enim
opus est in singulis diutius morari?) Plerique
Athenienses atque Asiaticos non ferunt, La-
cædæmonios quærunt, aut Cretenses. *Τοὺς μὲν
βραχυλόγους, ἵες ᾧ πολυλόγων μάλλον ἢ πολυλογί-
αν αἰσκήσαντας,* Illos quidem breuitatis studio-
sos, hos verò referta sententijs magis quàm
verbis, Oratione uti solitos (ut inquit Plato)
Non pauci contrà longa oratione delectan-
tur, imò fabulis; Curas verborum Lenociniò
falli asserunt & dolores leniri.

*Euripides
in Hippoki-
to Corona-
to.*

*Εἰσὶν δὲ πωδαί, καὶ λόγοι, θελήσεις
φαίνεσθαι πὶ τῆς δὲ φάρμακον νόσου.*

*Sunt cautiones, blanda verba suppetunt
Quibus medelam languidis membris pares.*

Sermonis copiam scientiæ tribuunt & co-
mitati; ignorantiæ, aut rusticitati, paucitatem.
Facundus comes in via pro vehiculo est [in-
quiunt] facundus Medicus in morbo pro re-
medio: quem alij silentij & grauitatis ama-
tores. Alterum morbum vocant. Has omnes
Medici notas quanquam externas, minimèq;
ad Medicum, quàm Medicus est, spectantes,

noſter Hippocrates annotauit, paucis vt ſolet, at multum ſignificantibus his verbis: introitus, ſermones, figura, veſtis, ægrotati, tonſura, vngues, odores. Quæ ita copioſe ſuo commentario illuſtrauit Galenus, vt alio non ſit opus. Et hæc ſanè ad Medici commendationem, & dignitatem conferunt aliquid, ad eſſentiam, ne hilum quidem.

6. Epid.
parte 4.
c. 2. libro
de Medici.

Itaque qui rem arctius intuentur, ex intimioribus Medici partibus intimiores legitimi Medici notas depromunt, non vno tamen modo. Quidam ex euentu de Medici præſtantia iudicium ferri volunt: Alij ex vſu, & remediorum ſelectiſſimorum copia, & delectu: Tertij ex diſcurſu innituntur omnes ſuis & probabilibus argumentis, ſingulos ſeiunctim audiamus.

Qui ex effectis iudicant, communi ſe ſe proverbio tuentur, quod pro axiomate conſtituunt, ex vngue leonem, ex opere operantem. Vt enim optimus es dicendus Architectus qui affabrè elegantem conſtruit domum: Pictor optimus, qui rem optimè ſuis coloribus depingit; Optimus muſicus, qui æqua vocis commodatione ad concentum & Harmoniam vtitur; Et in cæteris artibus quarum finis actio, earundem laus in opere conſiſtit: Sic profeſſo, neque optimum iure appellaueris Medicum, qui ad deſcribendam exactius totam morbi idæam, integrum Hippocratem allegarit, omnes promiſcuè, (quod faciunt nonnulli) omnis generis herbas, radices, ſo-

res, ligna, semina in vnâ patinâ congesterit, mox elanguida, atque imbecilla vitæ fundamenta tam insigni congerie oppresserit: Eum potius optimi nomine donaris, qui propè exhalantem animam suâ industriâ sustentarit, salutem attulerit. Et quæso (si ad experientiam prouocemus) quot agrotos videas magnificis eorum verbis & receptis, quorum magnifica apud omnes commemoratio, depressos magis quàm adiutos, ab alijs postmodum quibus agere prudenter, quàm loqui disertè, faciliùs, paucis præsijs restitutos? Quis verborum aut receptatum vsus nisi intentum expleas? Si ex Theoria & discursu metiris hominem, en tibi literatissimum iuuenem mox è scholis erumpentem offero, quem, si dijs placeat, senioribus anteponas, quibus longa desuetudine ista defluxerunt. Sin ex longo vsu, Pharmacopæum aliquem produco, qui plures solus potiones propinarit, quam decem Medici præscripserint: Cuinam horum palmam detuleris, nisi ei qui optimè sanarit? siue enim in experientia, siue in discursu vim maiorem collocaris nulla ytriqûe maior, quàm à reddita sanitate gloria comparatur, quocunque tandem diuerteris exitus acta probat. Equidem qui ex verbis hominem non ex gestis probant, pluris in re militari fecerint Philosophû illum coram Hannibale de re militari grauitè & copiosè differentem quàm ipsum hannibalem. Ac Vlyssis loquacitati potius quàm Ajacis fortitudini toties exploratæ Achillis arma adiu-

dicarint, at Philosophum illum exploferit Hannibal. Verboſitatem cum abiecti animi nota Vlyſſi exprobarit Ajax,

*Ouid. in
Metamor.*

Sed nec mihi dicere promptum,

*Nec facere eſt iſti, quantumque ego Marte
feroci,*

Inque acie valeo tantum valet iſte loquendo.

Pari ratione, Medicum reiecerit Medicinæ parens qui ſuam induſtriam oratione non opere confirmarit. Διλόω δὲ ἡ ἰψὴς inquit, oſtendit autem ſanatio: nempe ijs quæ ſingulis artibus ſolenter ſunt inuenta ipſumetiã ab euentu rei teſtimonium accedit.

*2. Aphoriſ.
17. & Gal.
in Cōment.*

Retundunt harum rationum ſpicula, ſua etiam retorquent Empirici, prodeunt in publicum tabulas, Chirographos, ſigilla, à Rebus publicis & Ciuitatibus à Magnatibus in rerum à ſe preclarè geſtarum fidem conceſſa magnificè oſtentant, palam Venditaria ſecreta iactitant, multorum ſeculorum experientia à ſe, ſuiſque maioribus comprobata, quæ nunquam euentus fallat. Addunt & qui quotidie circum ægrotos verſantur, cauſarum obſcurarum, & naturalium actionum quæſtiones quas dogmatici agitant, aut ſuperuacaneas eſſe, aut incomprehenſibiles: comprehendendi non poſſe patet ex mutua eorum qui de his diſputarunt diſcordia, imò nec inter eos etiamnum conuenit qui vnius auctoritati ſe ſe deuouët. Duo ſimul aduoces vniueuſdemque vtrumque ſectæ, mox diſſidia, mox ambages, probabiles vtrinque rationes, at

*Celſus in
praſat.*

quas secteris? Quis ægroto portus in tam vasto difficultatum pelago, tot, tam varijs, tam inter se dissidentibus opinionibus concusso? Quis earum certus vsus, si omnes incertæ? Quamobrem à certis potius & exploratis petendum præsidium, id est his quæ experientia in ipsis curationibus docuerit, sicut in cæteris omnibus artibus. Non ne Agricolam quidem aut Gubernatorem disputatione, sed vsu fieri videmus.

Aliàs Medici omnium optimi forent sapientiæ studiosi, quibus non ratiocinatio, non verba desunt, at medendi scientia, experientia (inquam) & praxis, An verò his rationibus morbus tollitur? An eloquentia se persuaderi finit? An remedijs cedit potius experimento, cognitis? Hæc ergo quàm illa longè pluris interest didicisse quibus ars tota construitur, atque terminatur, à quibus pendet laus potissima medentis, & ægotantis salus. In his vera medentis nota, neq; expetendus exitus vt sententiam feras: Id in bonis perpetuò habendum, quamuis aliquândo non succedat quod plurib⁹ simili casu contulerit. Nam neque Galenus, neque ipse Hippocrates, aut quicunq; alius eiusdem sortis, ægrotos omnes ab orco reuocauit. Qui rationi primus & discursui tribuunt, vrgent hos vtrosq; rationib⁹ & discursu, ne verò ambigua discursus significatione implicetur anim⁹, discursus nomine, rerum circa ægrotos agendarum imaginem, prout mente concepta est, & ratiociniò deducta, represen-

tatam volunt intelligi; non ipsam verborum
 seriem Oratorijs flosculis adumbratam, ad-
 ornatam, ad titillandas aures, ad concitandos
 animorum motus compositam: quo sensu de
 discursu loqui videntur, qui morbos non elo-
 quentia, sed remedijs curari, obijciunt: à qui-
 bus audierim lubens quid remedium vocent?
 An Syrupos, an Electuaria, an Simplicia, an
 composita in Pharmacopæorum arculis curi-
 osè recondita? Hæc, remedium materiam
 nuncupat Galenus, at quanam erit forma?
 Quæ? nisi conueniens eorum vsurpatio? Quæ?
 porrò recta & legitima applicatio, nisi quæ ex
 iudicationibus nascitur? Et hæc quidem ex ra-
 tiocinio, seu tertia mentis operatione, cuius
 artificiosam inuentionem prodit hic quo de
 loquimur discursus. Itaque non aliter à Me-
 dico procedit sanatio quam per discursum, vt
 porè cuius hæ solæ partes agendorum materi-
 am scripto aut verbo definire: Quare non
 aliundè melius aut certius de Medici præstan-
 tia, quam ex eius Oratione iudicium depromi
 potest. Antu quæso præter hoc aliud Medici
 munus agnoscis, nempe vt curet appositè ad
 sanandum? Tu si ita censes medentis officium
 cum fine confundis, vt ergò optimus is Medi-
 cus, qui optimè suum munus exequitur; &
 optimè is suas gerit vices qui appositè curat;
 hoc est, debita quantitate, & modo præsidia
 adhibet (optatum licet non sortiatur finem)
 Sic profectò neque ex euentu, neque ex Em-
 piria, aut concinnè elaborata medicamentis

*In consilio
 p Epilepsia
 co.*

formula, sed ex intentione, quæ per discursum innotescit, de Medici bonitate iudicandum.

Equidem non vna ac eadem omnibus natura, quæ vnus eiusdemq; medicamento vim innoxie perferat, imminuta etiam quantitate: non vna morbi essentia quam vnico veluti Collyrio eluas: eiusdem morbi causæ plures, ac plerumque contrariæ; hanc si tuo præsidio eximis, pullulat vberius altera: nisi pro causarum varietate, & affectuum complicatione, varias intentiones elicis, & varia pro intentionum varietate remedia, trahis ægrotantem in ruinam. At quotusquisque ille est, qui tam infirmæ censuræ existimationem suam commiserit, ut velit à secretis nescio quibus, aut à sola quantumuis diuturna experientia probus Medicus æstimari? Hæc ambobus laus cum fordidissimæ fæce vulgi, cum Seplasiarijs saltem aut Tonforibus plerumque communis. Quis tam dubiæ aleæ famam ac dignitatem suam credat, ut illam ab affectu solo pendere patiatur? ut enim in multis fuerit apud vulgus pro perito fuerit in non paucis fortè pro imperito. Agenti quod debes sæpe pro arbitrio non succedit, neque quisquam est rerum Medicarum vsque adeò gnarus, quin sæpe sapius, (si ad hanc trutinam reuocetur) non possit videri non gnarus. Verè inquebat Ion Poeta, fortunam, quanquam longissimè à prudentia distitam, primos nihilominus prudentiæ effectus frequenter exercere: Quæ licet in prudentes nullum (si sapientiæ fides est) dominium ex-

ercent, Medicinam tamen nostram, quæ præ cæteris artibus prudentia nititur, ab eius imperio non excludit prudentissimus Hippocrates, quemadmodum sequenti quæstione elucescet. Quamobrem consentaneum est, ut rem firmiore lance ponderemus, id quod stabile est ac perpetuum, vix ac ne vix quidem in errorem primum intuiti, potius quam vaga, lubrica, & fallaci innixi coniectura fortunæ & popularis auræ ludibrio volentes exponamur, summo nobilissimæ scientiæ dedecore, proprii nominis tantillo momento naufragium facturi.

Hæc vltro citroque iactari intelligas, quorum effugere aciem non difficile fuerit illi, qui, eorum quæ secunda quæstione dicta sunt, recordabitur, ubi satis profusè & dilucidè necessariam inter rationē & experientiam coniunctionem esse docuimus. Cuius enim rei non est certa notitia, eius opinio certum reperire remedium non potest, verumque est ad ipsam curandi rationem nihil plus conferre quam experientiam. Ratione verò opus est ipsi Medicinæ, & si non inter obscuras causas, neque inter naturales actiones, tamen sæpe. (inquit Celsus) Est enim hæc ars coniecturalis, neque respondet ei plerumque; non coniectura, sed etiam experientia. Et interdum non febris, non cibus, non somnus subsequitur, sicut assuevit.

*Celsus in
præfatio.*

Eum certè optimè curaturū fatemur, quem primæ causæ non fefellerit, at non ideo pro-

batissimorum remediorum selectum, multò
 minùs vsua experientiamq; relegamus. Non
 vna vis omnium, non pauca alijs, ad affectus
 quosdam tutiora, plerumque etiam potiora.
 Ita confirmat vsus, quæ tamen ad rationem
 tanquam ad Polycleti normam reuocanda,
 cum simul conspirarint omnia, de exitu du-
 bitari non potest, nisi fortè aut morbi cog-
 nitio humanum superet captum, atq; peritiam:
 eiusdem nouitas, nullum experientiæ dederit,
 aut vsitatis præsidij locum: eius denique vis
 & contumacia Medicam eludat industriam.
 Aut industriæ Medicæ nullam cõferat operam
 facultas naturalis: vel fortuito quicquam in-
 tercidat ab euentu quotidiano alienum: aut
 demùm ægrotus ipse in propriam salutem con-
 spiret, vel à ministris, siue blandimenti specie,
 siue nequitia, seu temeritate, aut ignorantia
 prodatur: minimè negandum interim ea quæ
 ex arte sunt instituta, suo postmodum successu
 quodam veluti corollario confirmati. Quan-
 quam non ex successu, sed ex ratiocinio seu
 discursu, cum probatis remedijs & experien-
 tia coniuncto, de Medici bonitate & præstan-
 tia concludendum. Quemadmodum ergo his
 tribus medici præstantia continetur, ab ijsdem
 simul præstantis Medici notæ legitimæ sunt
 eruendæ. Num qui in Medicina fortunæ sit
 locus, ne quis dubio ex præcedensibus
 supersit, inquirendum.

* * *

* *

An deat

An detur fortuna Medica?

QVAESTIO QUINTA.

Soleo sæpe ante oculos ponere, & crebris
 inter familiares vsurpare sermonibus, verè
 miserrimam præ omnib⁹ Medicorum sortem,
 ut quæ non à fortuna modò, sed à vilissimis
 quoque mancipijs & sordidissimis mulierculis
 non rarò dependeat, quarum errore aut
 incuria grauissimorum virorum iudicia inter
 turbari, atque expectationem falli in dies
 cernimus. Ut illud silentio prætermittam ad
 ægros plerumque accersiri Medicos, ad moribundos
 (inquam) qui aut barbitonforum, aut nescio
 quorum vilium & nouorum hominum culpa,
 aut ipsius morbi violètia mox animam reddituri,
 Deo poti⁹ indigeant senimortuos excitante,
 quàm homine, naturam non omninò
 collapsam subleuante. Ut enim gubernatores
 optimi vim tempestatis, sapientes fortunæ
 impetū, sic Medici præscriptam naturæ
 legem superare non possunt. Et quoniam
 de veris, falsisque Medicis facta à nobis
 in superioribus commemoratio, consentaneum
 videtur de fortuna, & assidentibus
 consecutione quadam orationem instituere,
 quo faciliori negotio Medicos conuicijs
 lacerandi, & apud ægrotos malè agendi,
 omnis præripiatur assistentibus occasio.

Plato in
Gorgia.

Aristot. 1.
Metamor.

Sed iam video circa ea quæ diximus in ec-
tum lectoribus scrupulum, atque in contra-
rium obijci Platonem & Aristotelem, qui for-
tunam imperitiæ sociam, & artis inimicam
esse asseruerunt, ideoque prudētes viros à for-
tunæ ditione subtraxerunt. Quorum aucto-
ritati subscripsit Poëta quidam non ignobilis
hoc disticho.

Iuuenalis.

*Nullum numen abest, si sit prudentia, sed nos
Te facimus fortuna Deam, cœloque locamus.*

Cic. 5. Tus-
cul.

Nam si verè ab Aristotele est proditum
circa obiectum idem versari fortunam & in-
tellectum, omninò consequitur ab huius im-
becillitate & defectu illam exoriri: eatenus
enim fortuitus est effectus, quatenus ab intel-
lectu minimè præuisus. Qua forsan ratione
motus oratorum φιλοσοφώτατος, & Philoso-
phorum eloquentissimus: Hæc verè aurea suo
in Tusculo literis consignauit. Sapientis pro-
prium est, nihil quod pœnitere possit facere,
nihil inuitum, splendide, constanter, graui-
ter, honestè omnia: nihil ita expectare quasi
certò futurum, nihil cùm acciderit, admirari
vt inopinatum ac nouum accidisse videatur.
Omnia ad suum arbitrium referre, suis stare
iudicijs, quò quid sit beatius mihi certè in
mentem venire non potest. Vnde iure meri-
to vexatur Theophrastus & libris & scholis
omnium Philosophorum, quod in Callisthe-
ne suo laudarit illam sententiam.

Cic. ibid.

Victum regit fortuna, non sapientia.

Negant ab vlllo Philosopho quicquam

dictum esse languidius. Absonū itaque Medicos sapientissimos homines (Medicinę namque sapientiam Democritus sororem vocat) absonum,

In Epistola ad Hippocratem.

ἐμπαιμένους τὰ ἴα δούλα

Orphans.

ὁσούτε πρ' ὅθεν ἔην, ὅσ' ἔσσεσθαι ὕστερον αὐτοῖς.

Scientes

Que sunt, que fuerint, que mox ventura trahantur.

Imò turpe est tantos & tales viros fortunę ludibrio submittere, vt enim constans ac firma est tota Medicina (ait Hippocrates) & doctrinę optimę in ipsa compositę minimę fortuna egere apparent. Nam fortuna sui iuris est, nec vllius subest imperio, neque est optantis ad illam peruenire; scientis verò imperatu facere cogitur, & facili est ipsam fœliciter assequi, si quis sciens vti velit.

*Lib. de lae-
tis in ho-
mine.*

Deinde quid opus est Medicinę fortunę? si enim morborum Medicamēta clara sunt & perspicua (velut equidem arbitror) non expectant sanē fortunam ad sanandos morbos, si quidem sunt medicamenta, si verò cum fortuna exhibere ipsa prodest, non magis medicamenta quam quę medicamenta non sunt vna cum fortuna adhibita sanos faciunt. Hęc Apollo noster, vbi tandem concludit. Mihi fortunatē soli hi assequi, vel infortunatē non assequi videntur, qui rectē quid & malē facere sciunt, fortunatē enim assequi, est rectē facere, hoc autem hi qui sciunt faciūt. Non assequi autem hoc est, si quis non sciat,

hoc non rectè faciat. Quam hæc communiter accepto fortunæ nomini dissentanea : Alibi idem naturæ genius dum aduersus eos disputat qui à morbis liberatos fortunæ ope non artis beneficio euasisse autumant, interrogo [inquit] qui fieri possit, vt sanati aliquid præter artem ignorent, cuius vsu & ministerio sint sanati? Nudam enim fortunæ speciem respicere ac sequi noluisse eos ex hoc apparet quod se arti crediderunt, quare à gratia fortunæ referenda liberi sunt, ab ea verò quæ arti debetur, minimè se vindicare possunt, quò minùs ipsi sanitatem acceptam ferant. In hoc enim quod se ei commiserunt, palam est ipsos speciem eius esse contemplatos, cuius vim patrato opere cognouerunt. Iam si exemplis agendum est, prodeat in medium Asclepiades, qui eò processit artis suæ confidentia, vt auderet sponsionem facere cum fortuna (Mureti verbis loquor) ne Medicus haberetur si vlla vnquã vi morbi toto vitæ tempore tangeretur, demùmque ad extremum senium victor permanfit, dum tandem scalarum lapsu exanimatus est, hisce auctoribus his rationibus Medici à fortunæ Tyrannide se subducunt. At cōquiescat tantisper animus, dum ego me singulis difficultatum plexibus expedio.

Duo in Medicina inuenio fortunæ dominio quodammodo subdita, non artem quidem non artificis industriam quæ est ad iudiciũ penitus referenda: Quid ergo? reme-

diorum exitum & Medici famam. Enimvero prosperis virorum ἀννυμένων hoc est integrorum & irreprehensibiliū, inuida reb⁹ fortuna, inuida nomini ignorationis parēs, mille struit dolos (vtor communi loquendi consuetudine) quibus nostra plerumque nobis inscijs labefactatur intentio, mille artes adinuenit quibus illa funditus evertitur Medicus (exempli gratia) viso ægroto, se se atque vnā ægrotum ipsum ægrotique dōmesticos & familiares in certā fœlicis euentus spem erigit, quod ægritudo postulat decernit: sedulo ægrotum monet à falsis, ab acribus, à vino abstineat: vetat serio ne quid à ministris exhibeatur, quod recuperandæ pristinæ valetudini obstare possit, fastidiūt illico rectè præscriptas viuendi regulas cōtrario modo fiunt omnia. Si vinum neges (inquiunt) vires non ferent, elanguescet ventriculi robur; si alimenta detrahas, ipsam partium substantiam depopulabitur malefica vis morbi. Interim defertur ad Pharmacopæum Medica præscriptio, addit is de suo aliquid, aut fortasse detrahit, aut aliud pro alio falso substituit, aut inualidis atque obsoletis medicamētis vtitur. Hisce non offenditur mediocriter, aut non multum equidem subleuatur ægrotus. Admittitur interea creditor importun⁹ aut alius quispiam non admodum laborāti gratus fortè etiam suspectus, is exhibiti medicamenti remoratur eius timore concitato aut verecundia, vel vim promouet iracundia com-

mota. Mox symptomatum exasperatur furor, accenduntur spiritus, febris toto corpore vehementior, inexpectata omnia: Quid multa? moritur æger, notatur inscitia Medicus, infamis ars redditur in præscriptũ Pharmacum mortis occasio detorquetur: Negat quicquam præter Medici præscriptum à se aut suis actum Pharmacopæus iurat, imò peierat. Quò te veritas Medice? Tua hæc prima fortuna, sed non vltima. Miror equidem (& cum Hippocrate miror) quam memorabili ratione moti vulgares morientium intemperantiam aut externos errores mortis causam non statuunt, scientiam verò eorum qui medentur accusant. Quasi verò Medici ea quæ non conueniunt imperare possint, ægri verò & qui assident imperata transgredi non possint. Atqui longè magis rationi consentaneum est exequi non posse ægros quæ imperantur, quàm Medicos non conuenientia iubere. Medici namque sana mente, sanoque corpore rem aggredientes & præsentia considerant, & de preteritis similiter iuxta prælætia ratiocinantur; Ægri verò neque qua parte laborēt, neque ob quam causam, neque quid ex præsentibus futurum sit scientes Medicorũ imperio subiacent, dolentes quidem ob præsentia, timentes ob futurā; Et pleni morbo, ciborumque inanes, ea quæ morbo grata sunt, quàm quæ ad sanitatem faciunt, assumere malunt quibus assentiuntur & applaudunt qui subseruiunt.

*Hippocr.
lib. de arte*

Altera fortuna est ad eum vocari qui ægritudine leuari non possit, quando suus cuique constitutus est terminus in ipsis vitæ primordiis, in quibus posita corruptionis necessitas, sed & eò magis ignominiosus est Medico patiētis interitus, si delitescat intus mali fomes, & quasi per cuniculos adoriatur hominem (id quod in malignis & pestilentibus affectibus fieri assolet) meretur enim ex apparentibus indicijs morbi magnitudinem vultus ignarum facileque dum interitus coniectura euidens non cadit in externos sensus Medicam peritiam arguit, & pro laboribus impensis conuicia, pro mercede rependit infamiam.

Addo etiam in morbis, si quæ necessitate quadā oboriantur mala, culpam in Medicum reijci, neque necessitatem vllam quæ fieri id cogit agnosci. Nam si ad febricitantē aut vulneratum ingressus admotis quamprimum remedijs non opituletur, sed postera die peius habeat æger, Medicus accusatur.

Hipp. v. de morbis.

Sunt præterea quædam quæ nulla Medicorum ignorantia aut scientia euenire fatendum est, sed sua spontē & fortuito profuntque & nocent iuxta eandem rationē. Quemadmodum si mulieri exhibito quod bilem aut pituitam deorsum purget medicamento menses alias non fluentes erumpant; aut alteri quod superne euacuet propinato Pharmaco mota infernè aluo foetus propellatur.

Ecce tibi ipso Hippocratis testimonio cōfir-

matam duplicem quam statuimus fortunam de qua vtraque intelligendus Celsus dum non minus arte valere fortunā asserit. Illa quam in remediorum successu positam diximus vel ab ægrotante pender vel assistentium & externorum imprudētiæ ac erroribus imputenda, infortunique nomine donanda videtur, non fortunę. Vel denique forte fortuna obrepit præter intentionem operamque agentis vel præter iudicium; prosperaque esse potest vel aduersa; Quanquam imperitis qui toto ipsius legibus seruiant cedit in fauorem crebrius quàm peritis. Vt minimè mirandum sit, succedere illis quandoque ex animo, ijs etiam casibus qui aut admodum difficiles aut à peritioribus sunt pro neglectis habiti, & pro desperatis. Alteram Medici fortunam in opinione vulgi collocauimus quæ sanè plurimis è sapientibus (si ab ea pendendum foret) parum tuta: paucis beneuola & amica. Vt enim in maledicentiam naturæ impetu fertur plebecula scientiæ hostis infensissima leui momento in experientissimorum hominum famam inuolat. Equidem si auctoritati experiētiæ lubet annectere, paucos omnino reperiemus qui plures non sint experti præclare & artificiosè à se gesta fortunæ tribui: infelicè valerudinis exitum, cum ex arte peracta sunt omnia sibi malitiosè à plerisque imputari. Nihil enim tam volucre quàm maledictum, nihil facilius emittitur, nihil latius dissipatur, interea homines opinione non mi-

nus famæ quam certa aliqua ratione commoueri solent. Quanquam apud probatos & sapientes viros ne tantillum auctoritatis habent maleuolæ id genus plebeiorum aut his similibus calumniæ: At quemadmodum ignis in aquam coniectus continuo restinguitur, & refrigeratur, sic referuens falsum crimen in purissimam & castissimam vitam collatum statim concidit & extinguitur. Hæc de fortuna Medica, nunc de assistentibus promissum breuibus exoluamus,

Cice.
Cluentio.

Idem pro
leg. Mani.

Idem pro
Roscio

Quales esse debeant assistentes.

QVÆSTIO SEXTA.

Multa hic quæri possent, illud vnum disquiremus, vtrum ministrare ægris expediat eum qui in Medicina nouerit aliquid, an prorsus ignarum? Quæ res meritò apud Doctos in dubitationem cadit, neque defunt probabiles hinc & inde rationes, quæ nos variè commoueant.

Qui pro peritis disputant, varios ægritudinum motus in medium proferunt, qui plerumque adeò sunt anxij, vt dies intermissus vnus aut nox interposita sæpe perturbet omnia, & totam expectationem præripiat nonnunquã repentina mutatio. Quam igitur utile est habere te absente qui huiusmodi perturbationibus non præuisis illico


mederi possit. Addunt præterea affici variè circa cibos ægrorum appetitus: His absente Medico legem præscribit minister non imperitus. Deniq; referet is ad Medicum longè fidelius omnia, quæ patientes afficiunt & curationem remorantur, aut promouent, quàm ignari.

Alia retorquent incommoda qui rudiorum partes tuentur. Fallit (inquiunt) plerumque similitudo rerum eos, qui adumbratam solum cognitionē sunt adepti, quamobrem hi, quàm prorsus ignorantes, magis sunt in errorem proni. Dum enim sibi assumūt aliquid, labuntur in ijs facilè quæ propriæ sibi ignorantiae conscij non essent aggressuri. Et progreditur ipsorum audacia plerūq; latius, vt non modò præstitutis terminis se se non contineant, sed & Medicum ipsum absentem in multis arguant, eius decreta, per imprudentiam, impudenter conuellant, omnemq; remediorum ordinem & processum, ac vitæ præscriptum pessundent & suspecta reddant. Ex quibus inferunt, quemadmodum nihil sentire melius est quàm praua sentire: ita quoq; foret tutius illum ægroto præficere qui nihil sciat, quàm qui aliquid, sed imperfectè. Nam quicquid ab altero nobis absentibus dubio in casu speratur auxilij, planè infidum est ac dubium. Securius omninò inconsultò Medico in grauioribus præsertim affectibus, nihil moliri, quem si rogaueris, exigente necessitate, vel intempestate nocte accedere non pigebit.

Ego vero ne quis factam sibi iniuriam queratur, utrosque admitti velim. Gnaros non recuso, modo ne temerarij sint, arrogantes, adulatores, maledici, perfidi. Neque reijcio imperitos, modo ne præceptionum immemores, stolidi, importuni, ignavi, sordidi. Vtrique præmio fuerint & laude digni, si neque in necessarijs deficiant, neque in leuioribus ultra præscriptum Medicum seueriores laborantem plus æquo torqueant, neque in grauioribus faciliores, nimium indulgeant, aut ultra quàm par est deprauatis aut curiosis ægrorum cupiditatibus blandiantur. Talibus efformandis nostra omnium interest mentem ac studium adhibere.

Hæc circa primum Aphorismum.





Εν τῇσι λαρχαῖσι τῆς κοιλίας, καὶ τοῖσιν ἐμέλοις, τοῖσιν αὐτομάτως γινομένοιςιν, ὡς μὲν οἷα δεῖ καθαίρεσθαι, καθαίρονται, συμ-
 φερει τε καὶ εὐφόρως φέρουσιν. ὡς δὲ μὴ
 τουναντίον. δούτω ἡ καὶ ἡ κενεαγγέμι, ὡς
 μέλα οἷα εἴ γίνεσθαι γίγνοιτο συμφέρεται
 καὶ εὐφόρως φέρουσιν, ὡς ἡ μὴ τουναντίον.
 Επιδέπειν οὖν δεῖ καὶ χῶρην, καὶ ὥρην,
 καὶ ἡλικίην, καὶ νόσους ἐν ἧσι δεῖ ἢ οὐ.

In perturbationibus ven-
 tris & vomitibus spontè factis,
 si qualia purgari decet, purgen-
 tur, cōfert & facilè ferunt; sin
 minùs, contra: Ita quoque si
 vasorum fiat euacuatio qualis
 fieri debet, confert & facilè to-
 lerant; sin minùs contra. Con-
 siderare igitur oportet, & regi-
 onem, & tempus, & ætatem, &
 morbos in quibus conueniat
 aut non.

Commentarius.

Quanquam ars dux certior quàm natura æstimari solet, illa enim experientiæ & rationis ductu, hæc innata solùm propensione, cognitione nulla ad opus dirigitur : huius tamen probæ actiones, illi pro norma constituendæ sunt, à quibus vel latum vnguem recedere, imperiti sit artificis. Hanc viam secutus prudentissimus naturæ non solùm contemplator, sed etiam imitator, Hippocrates, deducto à spontaneis, hoc est, naturalibus purgationibus argumento, Qua ratione Medico ineunda, & quibus coniecturis æstimanda sit debita euacuatio, breuiter & luculenter edocet. Ritè quidem instituendæ vacationis modus ab humoris eiiciendi qualitate petitur, frustra siquidem flaua bile infestâte, pituitam detraheris, illam ne attigeris quidem, imo verò fortassè non sine detrimento : Hoc enim quasi freno excusso quo arctiùs repressa tenebatur, bilis efferatur vehementiùs, grauiorémq; ruinam concitat. Rem verò ex voto & arte cessisse, quæ consequuntur indicabunt, conferentia nimirum & tolerantia quæ ambo Criticam & legitimam euacuationē à symp-

tomatica & extraordinaria discernunt. Horum quidem duorum illud ad effectus corporis, hoc ad vires refertur, quæ primarias constituunt in omni actione Medica intentiones. Nimirum vt præter naturam affectus præueniantur atq; profligentur : virtus, ne opprimatur. Hinc tolerantia oritur, inde conferentia.

8. *Aph.* 3.

Quæ Coronidis loco adscribuntur [considerare igitur oportet &c.] distinguendis singulorum humorum differentiis accommodantur. Quemadmodum enim Auctore diuino Hippocrate, morborum alij ad alia benè vel malè se habent. Et ætatum quædam ad tempora, & loca, & viuendi rationes : sic & humores pro morborum, ætatum, regionum & temporum varietate, varii in nobis cumulantur : Quæ singula non oscitanter examinanda erunt, quò certiori methodo peccatis humoris species dijudicetur. Quod in Controuersijs faciemus.

2. *Aph.* 21.

1. *Aph.* 22.

Ad huius porrò Aphorismi veritatem supponendę sunt conditiones nonnullę, quæ passim ab Hippocrate recensentur, in praxi diligenter obseruandę, cuiusmodi sunt istę : Quò natura vergit per loca conferentia, eò ducendum. Concocta medicanda non cruda, neque in principiis

purgandum, nisi materia turgeat. Corpora, vbi purgare voles, reddenda fluxilia. Sub cane & ante canē difficiles purgationes. Tabidi per superiora non purgandi, vti neque illi qui ad vomendum sunt difficiles. Et aliæ id genus quibus neglectis licet talia euacuentur qualia euacuari decet, anxia nihilominus difficilis & nocua plerumque euadit purgatio, nec sine insigni virium dispendio.

3. Aph. 9.

4. Aph. 5.

4. Aph. 7.

8.

Questionum series & ratio.

Nonnulli presentem Aphorismum ordine primum inscribendum putant, & Praefationis nomine donandum præcedentem: Nos secundum inscripsimus maximam sectati maximorum interpretum partem: Galenum in primis cui præcæteris addicti sumus. Continet porro primus hic Aphorismorum liber quem explicandum aggredimur, Tria potissimum Therapiae partium capita; Purgationem, Sanguinis missionem, ac Dietam ferè vniuersam. Non simul quidem & distinctè, sed sparsim & confusè nulla habita ordinis doctrina ratione. Purgationi præter istum secundum Aphorismum dicatus est vicesimus, & qui hunc sequuntur quinque postremi. Soli sanguinis euacuationi, solus tertius: Re-

liqui sexdecim, Dieta. Nos Hippocratis vestigijs pressò insistemus pede, neq³ aliam inibimus viam, quam quæ ab ipso trita: non alias difficultates asseremus, quam quæ ad eius mētem; Denique non ubiq³ tractabimus quæ ad subiectam materiam facere videbuntur singula, sed quæ ad singulorum Aphorismorum intellectum.

In hoc agitur de purgationis ritè instituta coniecturis, & rectè instituenda modo. Rectè instituta indicia ab humoris expurgati qualitate siue differentia petuntur, itemq³ à coniferentia & tolerantia. Rectè instituenda media ex regione, etate, tempore, depromuntur, & morbis à quibus peccantis humoris hauriuntur nota, & ad quæ proportionē adhibita reuocanda cætera parem cōditionem sortita. Versabimur nos in eodem argumento, & Controuersiam omnem in octo veluti Classes digeremus.

Prima disputabitur, utrū de qualitate sola sermo sit in presenti, ubi quid qualitatis nomine significetur audiemus.

Altera purgationis essentiam (quæ prefatam qualitatem tanquam rationem formalem includit) mutuata ex Galeni commentario definitione aperiet; definitionem ipsam, ut quæ dicendorum est basis, quàm accuratissime expendet, & à mordacibus contradicen-

APHORISMVS SECVNDVS, 81
tium spiculis & vocibus illesam, quantum
fieri poterit, vindicabit.

Tertia, ne qua supersit difficultas, purgationem in sua membra distribuet: Definitione quippe & Diuisione integra rei natura continetur, quamobrem mutuo se ambo consequuntur.

Quarta breuiter, ac veluti consecutione quomodo purgatio fiat declarabo, multa consulto pratermittens, ne extra proprios Auctoris terminos latius euagetur.

Quinta postmodum id quod in praxi princeps est, atq; apprimè necessarium (indicationem intelligo) ex antedictis, ex Hippocrate ipso & Galeno, ex ratione vanabitur. Binas huic inuestigationi dabimus questiones.

Prima Purgationis indicationem proferet. Altera, occasione verborum Hippocratis, qui tolerantia, hoc est, virtutis mentionem facit, inquireret numquid à virtute indicetur purgatio. Docebit septima, nunquid ex Conferentia & tolerantia recti iudicij vel erroris testimoniū ferat Hippocrates, An quod aliud ad praxim documētum inferat. Et quoniam, ut palam res ipsa facit, actorum potius quam agendorum notas exhibent *συμφορία* & *εὐφορία*, cum ex humoris qualitate purgationis depromatur intentio, redundantiam in corpore singulorum humorum indicia pro-

82 APHORISMVS SECVNDVS
ponet Classis vltima, eaq; ex Galeno congeret
quæ ab Hippocrate prætermiffa : Inter alia
fomniorum meminerit & animi morum, de
quibus pulcherrima infurgit dubitatio, digna
fanè curiofo Lẽctore, quam duplici quæfito
enucleabit.

Primum erit, An ex infomnijs de humo-
ribus in corpore ftabulantibus conijcere ali-
quid liceat?

Alterum, An, & cur animi mores humorũ
fequantur prædominium.

Accingamus nos ad fingulas quæftiones à
prima exorfi quæ eft.

An de qualitate fola in præfenti
loquatur Hippocrates?

QVÆSTIO PRIMA.

DE qualitate fola Hippocrati fermonem
effe ex ipfomet loquendi modo colligit
Galen⁹, eofq; coarguit qui aut de quantitate,
aut de Inedia, aut venæ fectione fententiam
iftam audiendam contẽdunt, in quos huiuf-
modi iactat Enthymema. Qualia inquit
Hippocrates non quanta, ergo de qualitate
agit non de quantitate. Rem confirmat ver-
bum καθαρῶς hoc eft purgari: Eft enim
purgatio humorum non quantitate fed qua-

litate peccantium euacuatio, quam definitionem sequenti quæstione illustrabimus, ex qua hæc quoque fiet illustrior.

Nunc quò facilius omnium difficultatum plexibus nos extricemus notandum venit qualitatis nomine haud qualitatem nudam significari ut puta calorem, frigus, humiditatem, siccitatem, aut earum aliquam quæ secundæ vulgò appellantur, siue solitariam, siue cum alia complicatam; Non accidens aliquod de prædicamento qualitatis sed ipsam humoris speciem, aut differentiam, quæ harum vna, vel pluribus qualitatibus molesta esse solet.

Talem fuisse Galeni mentem palam indicat commentarius, cum inquit purgationem esse humorum non autem qualitatum euacuationem; Ideoque pituitam, si redundet, modis omnibus vacuandam; sin atra bilis infestet, à pituita abstinendum. Idem alibi docet expressis his verbis. Non solum ratione euacuationis Hæmorrhoides melancholicis & renum vitio laborantibus subueniunt, sed & ipsa qualitate humoris vacuati, ut quæ humorem faci similem exhaustire natura aptæ sunt. Vbi per qualitatem humoris vacuati non solam frigiditatem aut siccitatem, aut crassitatem aut hæc omnia simul, sed melancholiam ipsam intellexit. At quorsum Galeni mentem scrutamur exemplis, cum ipse rem aperte definierit. Qualitas (inquit) siue differentia [hæc enim ambo licet ut libet appellare] motus velocitas sunt & tarditas. Idem ergo à

6. aphorif.
Comm. 11.

2. de sanitate tuenda C. 16.

Galeno πειρίτης & διάφορα. Verum ne illius auctoritati in Hippocrate explicando magis quam rationi deferre videamur, hanc quoque proferamus.

Qualitas nuda (si de primis secundisque accipiatur) præter naturam aucta, ad iustam moderationem contraria qualitate inducta reuocatur. Neque vnquam qualitati per se tribuitur euacuatio, sed tantum attemperatio: Quanquam ex accidenti dici potest purgari, quando vnà cum humore à quo ipsa fouebatur, è corpore extruditur, quo modo Rhubarbarum siccum natura sua & calidum refrigerat & humectat, cum bilem calidam & siccā suis qualitatibus interiora molestantem, ventris solutione, aut vrinis deijcit. Itaque cum ab Hippocrate dicitur si qualia purgentur humorum purgandorum differentia significantur,

Verum hac in parte sibi ipsi & rationi dissentanea commentus videtur Galenus. Nam ex verbo purgari, de qualitate infert pertractari, cum tamen sigillatim humorum euacuandorum exempla profert, sanguinis modum excedentis vti cæterorum mentionem facit. Qua in re duplici modo lapsus videri potest tum quod redundanti sanguini purgationem attribuat (aliàs enim frustra purgationis meminisset, neque cum præcedentibus cohærent consequentia) tum etiam quod peccantis quantitate humoris, non qualitate (quod probandum erat) sanguis sit exemplum. Ut

indè consequatur potius contrarium, nempe Hippocratē de quantitate non minùs quàm de qualitate pertractasse. At Galeni nomine responderit fortasse quispiam sanguinem si naturæ suæ limites sit prætergressus aut in bilem aut in melancholiam degenerare, atque hac ratione purgationem exposcere. Verùm implicatur magis hac solutione nodus, non dissolvitur, sic enim spectatus sanguis vti naturam, ita & nomen sanguinis amittit: Neque amplius ipsi vt sanguini, sed vel vt bili, aut vt melancholiæ purgatio adhibēda. Prætereà huic eidem sententiæ repugnant è diametro quæ alicubi in Galeno scripta reperiuntur, hunc in modum: Nobis dedit Hippocrates de quantitate iudicandi viam ex facilitate tolerantia: sed facilitatis & tolerantia mentio fit in hoc Aphorismo, ergo fieri debet & quantitatis.

*1. Aphorif.
Com. 23.*

Non minùs quoque experientia aduersatur interpretatio Galeni, neque enim id quod Hippocrates pollicetur, proferet vnquam purgatio, quamuis humores sua qualitate molestiam afferentes expurgentur, nisi quibusdam ipsa terminis & limitibus septa teneatur. Nam si pauca è corpore excludantur nullum affatu dignum emolumentum afferet, sin copiosa admodum, violētā forsan erit deiectio quam sine graui aliqua iactura virium corpus non feret. Addo etiam largam profusamque excretionem, magnam necessariò spirituum dissolutionem cōsequi, à qua

exolutio : Igitur quantitati aptius conuenit hæc dictio, Postremò pars illa Aphorismi vltima, (*inspicere oportet & regionem, & tempus, & ætatem, & morbos, in quibus conueniat aut non*) quam Galenus de qualitate sola interpretatur, quantitati longè melius & accommodatius applicatur. Quocunque enim tempore & ætate quocunque in morbo & regione expedit nullo discrimine humorem noxium exturbare, at in quantitate decernēda, diuersitas est, tanta ferè, quanta & ætatum, & regionum, & temporum, & morborum, & personarum, non enim eandem omnes, nec vbiq; nec quauis tempestate, nec in acutis & Chronicis æqualiter tolerant. Quamobrè ad hoc institutum videtur omninò pertinere quod alibi admonet Hippocrates sub cane & ante canem difficiles fieri purgationes, nam quæ ex purgantis medicamenti violentia peritescitur exolutio virium, eadem non minùs ex euacuationis quãtitate provenire consuevit. Diligenti ergo & accurata animaduersione perpendi debent atque æstimari præfata omnia, quo medicamenti vis & quantitas, humorum quantitati & patientis viribus respondeant, ne aut exigua quædam nullo emolumento repurgentur : aut largiore euacuatione principibus facultatibus vis inferatur.

Hæc atque huius generis alia commodò definiri poterunt si intelligamus, ad conuenientem remediorum vsurpationem non ip-

forum qualitatem dumtaxat, sed & quantitatem, & vtendi modum sedulo attendenda. Neque enim modo qui quis affectus, aut quid præter naturam in corpore reperiatur, sed & eius copia & magnitudo spectari debet, & quam præcipuè partem obsideat: Ab illo præsidij genus, ab altero quantitas, ab ultimo vtendi ratio desumitur. In his omnibus discernendis ab iisdem ferè principijs cōiecturas mutuamur. Eminuerò ad præsidij inuentionem attinet contemplari, simplexne sit affectus an compositus, an ab vna, an à pluribus causis sustentetur tumque ad humoris qualitatem siue speciem deuenitur, in qua tam qualitates primas, quàm ab his fluentes secundas perpendimus.

Humoris porrhò differentiã distinguimus, partim ex naturali ægrotantis habitu, partim ex affectu ipso, naturalem habitum demonstrant temperies corporis, partium conformatio, situs atque insita constitutio, ætas & consuetudo, ad quam vitæ institutum & victus rationem referimus, nec non & regionem & anni tempus & cœli statum, quibus tanquam certissimis indicijs in materiæ excedētis cognitionem deducimur, vti demonstrabimus inferius. Hæc ipsa in statuenda quoque quantitate, & vsu medicamentorum contemplamur, vt certò definiamus semelne & simul an partitis vicibus, paulatim an confertim, breuibus an longis interuallis, leuibus & blandis, an vehementioribus, solidis an li-

4. Apho-
rif. 4. 6.
et 7.

quidīs, interioribus an externis auxilijs fit agendum. Denique an hac an illâ viâ, quoue tempore parsit euacuationem moliri. Quod intuitus Hippocrates monebat æstate quidem superiores ventres magis, hyeme autem inferiores potius expurgandos: Graciles quoque & ad vomendum faciles per superiora, cauendo hyemem: At mediocriter carnosos, & vomitioni ineptos per inferiora cauendo æstatem. Quæ nos exempli gratia attulimus vt ἀναλογία quadam ad quantitatem transferantur, non enim est huius loci diutius in his immorari, vnicum intendimus ostendere, scilicet ab iisdem tum qualitatis, repurgandorum humorum signa ferè omnia depromi, quo quidem quantum satis est declarato non difficile est obiecta diluere.

Ad primum in quo duplicis ertoris arguitur Galenus respondeo ex purgationis verbo optimè colligi, de qualitate sola sermonem esse, vt in sequētibus fusiùs docebimus. Hac verò dictione tum vsus est sapientissimus senex, cum de vomitionibus & deiectionibus solùm loqueretur, in quibus humores solùm qualitate peccantes primariò euacuātur. Quæ duo spontaneæ euacuationis genera postmodum ad quamcumque factam arte vacuationem traducens, siue illa humori quantitate peccanti vt sanguini, siue qualitate noxio, vt reliquis à sanguine separatis, applicaretur optimè & conuenientissimè largiore vsus est vocabulo, cum dixit, *Et vasorum inanitio*, si

talis fiat, vt vnà cum cœteris humoribus redundantem sanguinem complecteretur. Nam euacuationis largiùs acceptum nomen, sanguinis euacuationi & purgationi commune est. Vt hic sententiæ Aphoristicæ sit sensus, quemadmodum si sponte naturæ sursum deorsumue expurgetur humor expurgandus, sequetur conferentia, & tolerantia: Eodẽ modo in artificiosa omni euacuatione dirigendâ ad humorem quomodocunque peccantem intentio. Illa itaque verba (*Qualis fieri debet*) non sunt præcisè accipienda, vt humorem duntaxat notent qualitate peccantem, sed in genere quancunque humoris quocũque modo peccantis differentiam exprimunt. Quancquam (vti ex producto exemplo colligere est) ad purgationem aliquantò peculiariùs pertinet hic Aphorismus, veluti sequens ad sanguinis euacuationem. Dices quorsum igitur à Galeno reprehendũtur ij qui ἰνὴς νεκρωγίας, hoc est vasorum inanitiones nomen ad inedia, aut venæ sectionem transferunt? An quia hic Aphorismus de inedia aut venę sectione accipi non debet? Nihil minùs: verũ toto cœlo aberrabant ij, qui quod vniuersaliter ab Hippocrate dictum est ad particulares hasce duas euacuationes reuocabant.

Ad secundum dico ex facilitate tolerantia non de quantitate solum ferri iudicium, sed etiam de qualitate, quod eodem commentario allegatio innuit idem Galenus his verbis, nam si humor superexcedens euacue-

90 *APHORISMVS SECVNDVS*,
tur, tunc ipsum seipso fieri leuiorē ægrotum
& tolerare melius necesse est: Quod si ali-
quid etiam ex ijs quæ sunt secundum natu-
ram excernatur, dissolui & debilitari ægri
vires, & tolerantiaē difficultatem persentiri:
quod perindè est ac si dicat si non talia edu-
cantur qualia educi conuenit, hoc est alia
humoris species quam quæ in vitio est, non
facilè sustineri. Quare non benè idcirco in-
ferri potest de quantitate audiendum hunc
Aphorismū, potiùs quàm de qualitate, quam-
uis in utrūque quadret hæc oratio, soli enim
qualitati præcedentia conueniunt, ac præte-
rea de quātitate pertractatur in sequenti, ideo-
que generalia ex mente proferentis sunt par-
ticularibus applicanda seorsim, & ad ipsa
restringenda.

Ad tertium conceditur ex dictis in legiti-
ma purgatione, non solam humorum pur-
gandorum qualitatem & differentiam atten-
dendam (vti sexcentis locis docuit Medico-
rum princeps) afferendum nihilominus de
qualitate sola hīc esse institutum, neque fuisse
opus quātitatis meminisse de qua mox agen-
dum erat maximè cum *ταυτολογίας* vitium
Aphoristica sententiæ breuitas abhorreat. Pro-
cedit etiam hæc solutio circa eas condiciones
quas in commentario percensuimus.

Ad vltimum fatemur quoque postremam
Aphorismi clausulam quātitati æque ac qua-
litati conuenire, non inde tamen inferendum
est de quantitate esse hanc, vtī neque reliquam

orationem, quandoquidem generalia præcepta suis sigillatim partibus & intentionibus adaptantur. Patet autem meridiana luce clariùs non immeritò institutæ, de qualitate orationi, fuisse hæc addita, ex quibus redundantis humoris indicia petuntur: vt non solm à posteriori ex conferantia & tolerantia, verum etiam, imò multò utilis à priori ex euidentiùs proprijsque signis & causis legitimæ euacuationis cognitio peteretur. Huius decisionis veritas declarata purgationis essentia, clariùs innotescet. Quare ad ipsa veniamus.

*An purgationis definitio rectè
tradita sit à Galeno in
Commentario?*

QVÆSTIO SECVNDA.

Definit purgationem Galenus, *Humorum sua qualitate peccantium euacuationem,*

Veram esse hanc definitionem non tamen omni purgationi communẽ asserit Fallopius; In quo sanè vehementer lapsus est, cum vera esse nequeat, nisi sit vniuersalis. Nam si id concedamus modò (quod accuratiùs postmodum perscrutaturi sumus) purgationem etiam humoribus sua substantia (quomodo substantiæ nomen sumit Fallopius) aut quantitate mo-

*Libro. de
simpl. med.
purg. C. 1.*

92 *APHORISMVS SECVNDVS,*
lestiam afferentibus, conuenire. Consequitur
omninò falsam esse definitionem, quæ asserit
purgationem soli qualitatis vitio quadrare.
Verum fortassè voluit Fallopius, admittendū
quidem, deberi purgationem humori quali-
tate peccanti, sed non soli: proindeq; veram
definitionē cū de qualitate loquitur; man-
cam & imperfectam, cū cœterorum obli-
uiscitur; falsam atque à veritate alienam, si
hæc ipsa excludit. Age igitur quibus argumen-
tis motus, ab optimo docendi Magistro de-
sciuerit, audiamus.

Obijcit in primis humori aqueo ad pulmo-
nes irruenti atq; illapso purgationem deberi
omnium Doctorum consensione, sed is qua-
litate non afficit, quamcumque enim intem-
periem sit sortitus, quemcumque substantiæ
modum, seu pūtridus sit, aut secūs; vias ob-
struendo sua substantia morbum in confor-
matione efficit, vnde manifestè concluditur
purgationem esse humoris etiam sua substan-
tia noxij.

Affert præterea purgationem menstruam,
quæ accidit non qualitatis, sed quantitatis
ratione, quam, ex recepta veterum appella-
tione, veram purgationem esse concludit.
Sanguinem porro menstruū, qualitate prima
non infici Galeni auctoritate comprobatur, &
ratione: vt potè cū is sit, quo mulier alitur,
quo fœtus gignitur, fouetur, formatur, susten-
tatur, augetur. Quamobrem reliquum est
vt propter copiam expurgetur, suam opinio-

nem confirmat, tum vomitionū, tum aliarum purgationum exemplo, quæ non sunt eorum quæ sola qualitate lædunt.

Addit postremò arenulis ipsius Hippocratis testimonio, veram purgationē convenire, sua tamen qualitate nocent, suaq; substantia meatus obstruunt.

Ex his colligit purgationem esse euacuationem eorum omnium, quibus vel spiritus, vel solidæ corporis partes impuræ redduntur.

At quanto interuallo à veritatis scopo aberraret, facile quivis vel ipso Fallopij testimonio sibi persuadere potest, (neque enim est quod futilem sententiam mutuatis aliundè rationibus impugnemus). Equidem vt Galeni opinionem euertat, humoris aquei in pulmones delapsi euacuationem, purgationē veram esse asserit; quemadmodum & sanguinis menstrui, & arenularum. Sed ab his neq; spiritus, neque solidæ corporis partes impuræ sunt, ergò vel imminuta est Fallopij definitio, vel sanè propositæ euacuationes, ex purgationum numero sunt elidendæ.

Hæc conclusio sequitur indubitatè ex præmissis, minor probatione vix indiget, quæso enim qua ratione humor ille aqueus, spiritus aut solidas partes impuras reddit? An sua qualitate, in qua nullum vitium inest? si Fallopio credimus. An quantitate? at quis vnquam quantitati per se talem tribuit actionem? An quia obstruit sua substantia? sed neq; id nisi ex accidenti facit obstructio: imò etiam non

nisi inducta aliena qualitate, & putredine, cuius parens vulgò æstimatur, Neque necesse est tantum esse hunc humorem vt obstruat, sed vt functiones impediât, partes proriter, tussim moueat, hocq; nomine sui expulsionē indicabit.

Substantia verò immediatè spiritus labefactare nequit, sed mediante praua qualitate quâ ipsa contaminata est & polluta. De Arenulis, idem audiendum. Quod si quærat quorsum Nephriticos dolores febris vt plurimum comitetur? Dicam non impuriorebus redditis, sed accensis spiritibus. Si instet putridam non rarò exoriri febrem. Dicam non Arenularum vitio id accidere, sed ex dispositione corporis in putredinē prona, huius namque putredinis non arenæ sed humorum agitatio & cōcitatio caloris extranei in materia disposita, causa immediata censeri debet. Denique vllane à mensuris impuritas, quæ pura & omnis labis expertia disertè supponit Fallopius? Quorsum ergo (non malè obijciat quispiam) suppressis mensibus fieri ex vtero morbos scriptum reliquit Hippocrates, ita experientia comprobante, nisi quod ex retentis mensibus aliqua in reliquum corpus redundat corruptela, à qua inficitur? Respondeo triplici ratione morbos ex vtero prouenire.

Primum sanguine sola copia molestante, tumque non magis ab hoc inquinatur spiritus & partes solidæ, quàm à reliquo sanguine in reliquis venis redundante, vt huius euacuatio

non sit magis purgatio, quàm reliqui sanguinis.

Secundò, sanguine circa vterum prauam qualitatem contrahente: sed neq; huius expulsio purgatio est, si vera Fallopii regula. non enim prauus duntaxat, sed & laudatus quoque cum illaudato, purus cum impuro nullo delectu menstrua purgatione excluditur.

Postremò sit retentis cum sanguine mēstruo prauis humorib⁹, qui non modò sua qualitate peccant, verùm etiam tempore putrescunt loco calido & humido conclusi; & his vera purgatio debetur non sanguini, quāquam vnà cum sanguine plerumq; foras erumpunt, vno veluti impetu vtramq; euacuationem natura moliente. Omnibus hisce casibus contendit Fallopius veram institui purgationem, vti ex ipsius dictis nullo negotio colliges: nihilominus in primo nulla fit inquinatio spirituū, cum nulla aliena qualitate infecta sint menstrua: In secundo nulla est purgatio, cum non sit humoris determinati, sed promiscuè omnium. In tertio nulla nisi humoris qualitate peccantis iuxta Galeni doctrinam. Vt meritò hoc nomine explodenda sit Fallopiana descriptio.

Non minùs quoque reiicienda est cum in vniuersum purgationē circa ea omnia versari profitetur à quibus partib⁹ accedit impuritas.

Si ita est spolianda protinùs sua conditione purgatio, nempe vt circa determinatum versetur subiectum, imò & circa solos determinatos humores: Nam si circa humores solos, ergò non circa omnia quæ corpora cōspurcāt,

quorum plurima sub humoris genere nequeunt collocari, Qualia, venena externa, aër infectus, & pestilens flatus. Si circa quælibet determinata subiecta; assignandæ Cathartico-
rum differentia quæ determinatis singulis venenis educendis, aut excludendo aëri infesto, & pestilenti, & flatib⁹, & quibuscunque alijs accommodantur.

Itaque superflua est hac in parte Fallopii descriptio, sed ex altera manca & imperfecta cum spirituum tantum & solidarum partium mentionem fecit, humores prætermisit: Diuisioni Hippocraticæ standum erat doctrinæ Hippocratis sectatori, qui corpus vniuersum in tria partitus est, contenta, continentia, & impetum facientia, in quorum singula cadit impuritas, cadunt & sui particulares ab impuritate, & alijs causis internis externisque affectus; à quibus etiam tripartitam febrium differentiam sumpsit Galenus. Neq; cōmodè sub his aut illis contenta video comprehendì; Non sub solidis, cum fusa sint & liquida: non sub spiritibus, quibus plerumque toto sunt genere contraria; solus sanguis aliqua cum ijs similitudinis & naturæ conditione ac lege sociatur, ab ijsdem in plurimis dissitus. Imminuta igitur est Fallopii descriptio cum in legitima partium enumeratione defecerit.

Sed cum pluribus vitijs scateat quàm ipse expurgandus humor, quid opus est in illa diluenda literis & otio diuti⁹ abuti? nostram potius, quæ Galeni est, illustremus, sparsam vndique

vndique Fallopij argutijs caliginem, vt primum illuxerit veritatis iubar, nobis etiam tacentibus tirunculi dissoluent.

Purgationem itaque definiuimus euacuationem humorum qualitate peccantiũ, circa quod quatuor breuibus considerata, Primum euacuationis nomen, alterum humoris, Tertium peccantis; Quartum & vltimum qualitatis euacuatio generis locum obtinet, cuius in se spectata significatio amplissima quacunque cuiusque corporis in nobis contenti exclusionem designat; sed restringitur à Medicis vulgò ad eam quæ infesti est corporis: Quo sensu à doctissimo Fernelio definitur eorum quæ in corpore præter naturam continetur expulsio.

Sic accepta euacuatio in vniuersalem & particularẽ distinguitur. Vniuersalis est; quæ totum corpus aut plurimas eius attingit partes. Particularis, quæ circa singulas occupatur.

Vtraque in quadruplici est differentia: naturalis enim est, vel artificialis, neutra, vel mixta: quarum tres priores simplices, postrema composita. Naturalem voco quæ principium motus medium & finem ab ipsa natura habet, nullo accedente adminiculo externo quam ἀνθρώπινος πρὸς φύσιν appellat hoc Aphorismo noster Hippocrates.

Artificialis est, quæ tota artis ministerio completur, nullum auxilium natura, vel aliquauius exterioris causa conferente; Eiusmo-

di est puris, humorum, grumorum, alienorum, (vt semel dicam) corporum vacuatio, quæ suctione fit, absorptione, extractione, vel alio quolibet artificis ingenio.

Neutra est, quam neque naturæ, neque arti referas acceptam, sed vel mobili; hoc est ei quod euacuatur, vel fortunæ, aut casui: sic lumbricorum cæterorumque animalculorum exitum è corpore motrici eorum facultati sæpè debemus; Et puris aut cuiuslibet humoris effluxum, puri ipsi aut humori, sua vel tenuitate vel acrimonia viam sibi paranti, suæque postmodum quantitate, & grauitate collabenti; vel mouenti externo nullo consilio, nulla cognitione impellenti.

Mixta est quæ partim ab vno pendet, partim ab altero, vel à pluribus. Et hæc iterum multiplex pro diuerso copulationis modo. Nam vel motus principium à natura petitur, arte cœptum promouente, vel mobili, vel fortuna aut casu: vel contra ab arte, aut cæteris mot^o inchoat, à natura absoluitur, aut à reliquorū aliquo. Singulorū exempla suo pte marte sibi facile cōponet ingenios⁹ lector, singularumq; mixtionum differentias colliget.

Quæ ab arte incipit mixta vacuatio in duas species secari potest, vel enim motus principium arti debetur effectiue, ad quem ordinem pertinent medicamēta insita & propria vi peculiare humores trahentia. Vel dispositiue tantum: idque vel impedimenta subtrahendo, vt abscessus, & venæ apertio: vel hu-

mores fluxiles, aut sequaces reddendo, deterioratione, incisione, attenuatione, etiam incrassatione, vt in tussi ab humore subtiliori: vel excitando proritandoque expultricem, quod acria faciunt, & quæ acido pungentique sapore prædita. Vel suo pondere comprimendo. Vel vias parando, qualia quæ leniunt, laxant, aperiunt. Eadem diuisio reliquis adaptanda (sed ab ea incœpimus, quæ & ex arte tota est, & ex vsu) vel enim natura mouet, & non promouet: vel materiam solum ad ad motum disponit: crassa, calore fundendo cœcreta dissoluendo; tenuia incrassando, & sic de reliquis, tum in quod deficit natura, arte id absoluitur, & hæc ad quotidianos etiam vsus referenda, & quæ mox dicentur.

Humor quoque sua copia grauis suopte motu delabitur ex parte quapiam, si quid hæret ac subsidet natura vel arte, vel sorte depellitur. Aliàs, dispositiue dumtaxat eidem humor ad motum concurrit; Crassus nempe & terrestris per inferiora; leuis & tenuis per superiora paratior est & sequacior.

Idem de mouente fortuito statuendum, nam vel motum efficit impellendo, comprimendo, concutiendo; vel solum ad motum disponit, sic calor solis, aut ignis calligando: sic alia quædam impedimentum subtrahendo. Qua ratione hostis hostem aggressus, illius thorace confesso, ruptaque vomica pure erumpente, offenso vitam attulit, cui se putabat abstulisse. Istud si ex agentis inten-

tione & arbitrio successisset, arti erat impu-
tandum.

Modò nequis hasce diuisiones quasi per
somnia à me excogitatas sibi persuadeat,
illas ex Hippocratis & Galeni locis aliquot
insinuemus, quorum imitatione studiosus
lector non pauca aliundè compilabit, si-
mulque intelliget quantam ad praxim utili-
tatem conferant, & quàm appositè singulis
ad propria capita reuocandis viam præmuni-
ant. Helleboro Epoto iubet Hippocrates ad
motionem corpora ducere, depròpta à per-
turbatione quæ ex motu corporis nauiganti-
bus accidit, experientia, quæ ducere oportet
quo natura vergit, per loca conferentia du-
cere iubet idem Hippocrates, duplicem no-
bis intentionem exhibens (inquit medicari
æstate superiores magis, hyeme inferiores:
melancholicos etiam infra, habita utrobique
humoris motus ratione: nam biliosus maxi-
ma ex parte æstate exuperat, ut hyeme pi-
tuita. Æstate natura animalis tota propter
ambientem caliditatem magis ad superiora
fertur, hyeme contra. Superna petit bilis, pi-
tuita & melācholia inferiora: Quam ob cau-
sam supra septum transuersum dolores qui
purgatione indigent per superiora indigere
significant: qui verò inferiora, per inferiora:
Vnde in pleuritide descendente, sumpto ab
humoris motu argumento peplio purgat &
helleboro suorum præceptorū curiosus ubi-
que obseruator. Hæc imitentur studiosi, in

4. Apho-
ris. 14. &
15.

1. Aphoris.
24. & ibi.
Galen⁹ in
comm.

4. Apher.
4. & 9.
& ibi Ga-
lenus.

4. Apho-
ris. 18.

2. ACHTORN

quos prolixum meum studium prolixiorē fortē me reddidit.

Redeo ad euacuationum differentias, quarum hæc postrema in præsentia antedictis subiijcienda, quod vel circa humores propriè dictos occupentur, vel circa humida quæcunque & liquida fluidaque aut solida corpora, vel in nobis genita vel aliundè transmissa, pro quorum diuersitate diuersas sortiuntur appellationes quibus inuicem discernuntur.

Quæ circa corpora solida occupantur, vel humida quibus humoris non quadrat appellatio, generis nomen retinent cum additione subiecti. Sic vermium, tophorum, grumorum, excrementorum alui, flatuum, aquæ vini euacuationem dicimus.

Humorum propriè dictorum euacuatio bipartita est. Vel enim ad sanguinē dirigitur & simpliciter ac per excellentium euacuatio passim ab Hippocrate & Galeno nuncupatur vel ad reliquos humores à sanguine alienos, & ea est de qua nobis instituta oratio.

Purgatio itaque euacuatio est humorū hoc est humidorum fluidorumque corporum quæ ex alimentis gignuntur (vt definit Auicennas) sed peccantium, hoc est quæ à naturali statu recesserunt, siue quæ præter naturam in corpore stabulantur. Peccant autem vel propria sua specie, vel quantitate, vel qualitate,

Solius quantitatis vitio dicta simpliciter euacuatio subuenit. Qualitatū prima uero aut secundarum excessus aut defectus alteratione

corrigitur, quæ fit per contraria. Sua specie peccantibus humoribus purgatio satisfacit. Est ergo in definitione allegata accipiendum qualitatis nomen non pro accidenti de prædicamento qualitatis, sed pro ipsa humoris differentia & specie, quæ ex se nutritioni est inepta. Vno verbo pro κακοχυσία hoc est succi prauitate, quæ nutritionem corporis labefactat, & pro laudabili & familiari succo, vitiosum & alienum reponit.

*Gal. lib. de
plenitud.*

*2. Aphor.
comm. 17.*

Huius generis sunt humores omnes à sanguine alieni quamprimùm vltra legitimam proportionem adaugentur, solus sanguis seruata pristina succi gratia & bonitate plurimùm suprâ modum & proportionem incrementum: Quare solius sanguinis incrementum plethorica symptomata consequuntur, quibus vocata simpliciter vacuatione occurrimus: reliqui cum exuberant prauæ nutritionis symptomata inducunt, & purgatione depelluntur. Quamobrem non iniuriâ Leonicenum accusat Fuchsius, quanquam iniusto titulo, quod Galeni verba Καίθαρσιν ὃ ὅταν οἱ μοχθηροὶ καλὰ ποίηται κενῶσαι, ita latinè reddiderit, purgationem verò quando praua qualitate affecti euacuantur. Dignus equidem reprehensione Leonicenus, vt qui sua interpretatione sanguinem à purgatione non excludit. Esto enim sanguis praua aliqua qualitate afficiatur, nonne iuxta Leoniceni sententiam ad purgationem recurrendum? Nisi fortè prauæ

qualitatis nomine illa intelligitur, quæ sanguinem à propria natura in alienam conuertit, itaut nè sanguinis quidem appellationem mereatur; sed hæc loquendi ratio, noua est & parùm vsitata, & nouo op^o habet interprete. Dicendū potius fuerat purgationem esse cū humores secundum qualitatem molesti vacuantur, id est secundum speciem quam à Galeno multis locis per qualitatem significari: & ita communiter in medicina vsurpari nemo ibit inficias,

Leonicieni vt diximus lapsum optimè apprehendit Fuchsius, sed malè reprehendit. Nam si humores, inquit, quantitate non excesserint (vt sæpe fit) qualitas non purgatione, sed alteratione corrigitur. Quid hinc sequitur ô Fuchsi? multa absurda.

Illud in primis quod supponis paucum humorem sola alteratione perpetuò corrigi si prauam qualitatem contraxerit. Alterum quod qualitati nudæ purgationem concedis: Tertium quod huic ipsi qualitati purgationem tribuis, non quatenus qualitas, sed quatenus coniuncta cum qualitatis excessu, itaut potissima purgationis ratio à quantitate dependeat.

Quoad primum attinet, docet quotidiana experientia, paucum imò paucissimum quandoque humorem nulla vi alterantium redire cum natura in gratiam posse: cuiusmodi sunt illi, qui ex insigni putredine maligna aliquam qualitatem contraxere, ac prorsus veneficam:

104 *APHORISMVS SECVNDVS,*
confutabimus) itavt quotiescunq; humorum
hi vt ad externi veneni naturam accedunt
quamproximè, paria cum venenis inferunt
symptomata, quanquam minima sint quanti-
tate, neque temperari vsquam possunt aut re-
tundi, neque ante funesti esse desinunt quàm
penitus excludantur. Exempla requiris? Ga-
lenum consule, ab eo accipies à tantillo hu-
more venefico veneficam auram exsurgere,
quorum vtrumque sua tenuitate & paruitate
visum effugiat, solo tactu percipiatur: hanc
vt primum mentis arcem ferit mole quantum-
uis exigua, tanta vi corpus vniuersum cōcutit
vt nulla pars eius violentiam effugiat, sua vi
& mole Scorpionum, Phalangiorumque spi-
culis haud absimilis. Sed demus ô Fuchsi qua-
litem alteratione perpetuò euinci nisi ex-
cedat quantitas, istud admittis saltē exceden-
te quantitate qualitati purgationem deberi;
Quo admissio quid est quod Leonicenum ar-
guas? nam si qualitati prauæ iniungenda pur-
gatio, quidni per qualitatem prauam, cuius
gratia instituitur, poterit definiri? Additum
fortè voluisses quantitatis nomen, sed frustra;
vt potè cū sub vacuationis nomine cōpre-
hendatur, non enim rei vt quali, sed vt quantæ
vacuatio conuenit. Sed neque vt quali con-
uenire potest purgatio, si nudam qualitatem
intelligas; quæ non nisi à contrario per se
tollitur, quare non nisi contrariam per se in-
dicat, hoc est contrariam qualitatem, non pur-
gationem quæ alterius est generis: non etiam
vt quantò formaliter conuenit; sed hæc in

*Gal. 6. de
loc. affectis*

sequentem quæstionem potius differantur: & videamus numquid Galeni mentem sua interpretatione fidelius expresserit Fuchsius, sic ipse habet: Purgatio est cum humores qualitate molesti vacuantur. Placet hæc dispositio, à displicet, quod per humores qualitate molestos humoris molestantis speciem exponit, cum potius exponendum fuisset qualitate, hoc est specie sua molestos. Longo hæc inter se dissident intervallo specie peccare, & speciem humoris molestantis esse: sua specie peccare sanguinem dicere absurdum est, at speciem humoris molestantis esse, minimè absurdum, molestus quippe est, cum excedit, & Plethorica inuehit Symptomata de quibus sequenti Aphorismo; molestus, inquam, est sua quantitate, non specie. Iam si proba esset Fuchsi expositio, illa pro maiore posita sequeretur sanguini, ut reliquis humoribus purgationem competere, sic enim concluderet argumentum: Purgatio est cum humoris molestantis species vacuatur: sed cum vacuatur sanguis peccans, vacuatur humoris molestantis species, ergo sanguinis vacuatio purgatio est. Neque quicquam facit ad mentem Fuchsi allegatus Galeni locus ex Commentario octavo secundi Aphorismorum ubi inquit Hippocratem tunc purgatoriū exhibere Pharmacum quando vnus ex humoribus redundat, quasi verò æque solus sanguis ac cæterorum humorum quilibet ab Ordinaria proportionē & Symmetria recedere non possit (quod supponere videtur Fuchsi°, & paulò post ex professo

3. Aphor.
quæstio. 3.

aliquis solus vltra proportionem exuperat, vera sit & necessaria purgationis consequētia, cūm humoris vnius redundantia iuxta illam suppositionem Cacochymiam necessariò efficiat. Verū mentem propriam ita dilucidè proposuit Galenus, quemadmodum in progressu innotescet, vt in huius loci intellectu hærere, hominis sit parū in galeni lectione versati (quod Fuchsio exprobare nolum) aut parum accurati: Istud quippe sibi voluit galenus mittendum sanguinem, cūm humores omnes adaugētur æqualiter, seruata scilicet analogiā vel solus supra analogiam, propriè vocatus sanguis, vt pro humore quārto accipitur ab alijs distincto. Quod si cœterorum aliquis redundet, puta bilis vtraq; vel pituita, purgandum. Ratio est, quia redundare nullus istorum potest, quin protinūs Cacochymiam inducat. Et hoc nobis hactenūs decantata cantilena, iterumq; iterumq; decantanda.

Demus modo Fuchsio, cœterisq; Galeni interpretibus inducias, & Fallopiū aggrediamur, in Galenum hostiliter aperto campo dimicantem. Primam eius aciem nullo infringemus negotio, si non ignoremus qua ratione humoris in pulmonēs delapsi dicatur purgatio. Circa quod sciendum obiter purgantium vsum ab obstructione per se non indicari, sed de obstructiuium: hæc cūm varij sint ordinis, varias quoq; intentiones proferunt: Obstructionem pariunt crassa, viscida, lenta: à crassis attenuandi procedit iudicatio; à visci-

dis, detergendi; à lentis incidendi: qualitatibus per se tribuuntur huiusmodi actiones, has sequitur obstruentis corporis euacuatio, euacuationem denique viarum apertio. Illa porrhò enacuatio purgatio est, quam mixtam nominamus, ab alterantibus dispositivè perfectà, ab expultrice facultate perfectà, neque humori convenit ut obstruenti, sed ut qualitate peccanti, hoc est, ad probam nutritionem inhabili, aliàs ortæ in vasis obstructioni à sanguine, purgatione foret occurrendum non venæ sectione; vel purgationem ac venæ sectionem indiscretè, & indeterminatè indicaret obstructio.

Secunda quæ de menstruo est, solutione non indiget, nam purgatio non est si sanguinem spectemus nisi abusiivè & improprie, aliàs eadem appellatione donanda esset quacunque arte facta sanguinis effusio. Hoc Fallopius ipse tacitè, at luculenter confirmat, cum sanguinem menstruum laudatum esse, suaque tantum copia nocere docet.

Cur ergo Hippocrates? inquiet aliquis, cur Galenus? cur probatissimi quique Medici? cur nos ipsi vulgò menstruas purgationes vocamus? Respondeo Hippocratem cæterosque priscis vñtata temporibus loquendi fuisse vsos, neque facile à recepto verborum usu deflectendum censuisse, cum aut rem abundè exprimerent, aut quid aliud ipsam cõsequens aut concomitans adnotarent, veluti præsentī casu. Euacuationem certè menstruam ex pri-

mario naturæ vniuersalis instituto soli sanguinis redundantiaē destinata nulli non inter Medicos compertum, qua de causa euacuatio simpliciter non purgatio est appellāda. Verū vt natura particularis abutitur vtero, in quem tanquam in sentinam corporis humores putridos, & vitiosos amandat vnā cum sanguine inculpato effluentes, ita & nos purgationis voce. Addo præterea medicamenta purgantia nulla reperiri, quæ insita vi & facultate, qualis verè purgantibus est concessa, sanguinem illum proliciant ab vteri venis, vti neque à reliquo corpore: Perijt & cum suo inuento (si Galeno credimus) qui solus primūque eiusmodi facultatem in ignoto simplice est expertus, neque [quod nonnulli affirmant] hoc nostro tempore rediuiam puto talis simplicis cognitionem. Quod si vnquam purgationi quæ Cathartico fit succedit menstrua, accidit vel euacuatis humoribus crassis & lentis à quibus obstructa venarum oscula liberum sanguini, forte etiam crassiori, negabāt exitum; vel proritata humorū ac medicamenti acrimonia, aut sanè subleuata quò premebatur pondere natura, vacuationem nouam ac spontaneam moliente: à medicamentis verè purgantibus contrarium potius veremur effectum, nempe ne vi tractrice quā pollent reuocato ad intestina humorū impetu fluorem menstruum, remorentur ac impedian. Quam ob causam imperitiæ aut imprudentiæ notam vel apud imperitos vix effugeret, qui mulieri

fluentibus ex naturæ præscripto mensibus Catharticam exhiberet. Quæ verò ciere menses communiter perhibentur manifestis agunt qualitatibus, & ijsdem planè licet intentioribus, quib⁹ lactis generatio procuratur. Calida illa cum sint, ac propterea vtero nescio quâ proprietate familiaria, humores crassos meatibus infarctos attenuant: Viscidos & lentos tergent & incidunt, vias diducunt, sanguinem fundunt, fusi à solita conceptacula prouehuntur humores, quibus pro vehiculo assistunt, quæ mouere menses creduntur dum tandem naturæ impulsu in apertum prodeant.

Ad vltimum dato Diuretica, atq; Lithontriba vera esse purgantia, quod planè negandum foret, non idèò concedendum arenularum eiectionem veram esse purgationem, quoniam si definitionem probè attendimus, solis humoribus competit purgatio. Verùm quemadmodum humorem gipsenum qui in substantiam solidam gipso similem concretuit, humoris nomine donamus, sic & arenulis & calculis, quibus sua est à compactis concretisque humoribus origo, eandem appellationem conuenire, an idèò sequetur Fallopij intentum? An purgabuntur tanquam vel quantitate infesta, vel obstruentia? minimè gentium. Sed vt qualitate peccant, hoc est propria specie sunt enim toto genere præter naturam. Sed neque cum Fallopio existimandum est totam ab arte pendere Arenularum expurgationem, vt neque à sola na-

110 *APHORISMVS SECVNDVS,*
tura. Non ab arte quidem cùm nulla dentur
Lithontriba, quæ, vt agaricus pituitam, Rha-
barbarum bilem, helleborus melancholiam,
forma sua specifica tophos trahant: neque si
darentur, soli atti esset imputanda purgandi
actio, vt paulò post ostendemus; attractio-
nem enim cathartici sequitur depulsio, quæ
vnius naturæ est opus allectos humores non
ferentis, non etiam soli naturæ accepta re-
ferenda, suam quippe operam confert Me-
dica industria, compactos dissoluit calculos,
intimas eorû partes substantiæ tenuitate per-
uadens, aut asperitate ac duritie atterendo
comminuit, vias lenit & amplificat, vim ex-
pultricem prorit, excitat, aut confirmat,
cuius postmodum contentione & nixa quod
infestat extraditur.

Hactenus abundè enucleata videtur pur-
gationis natura, nunc eius differentias pro-
sequamur, vt si quis reliquus occurrat diffi-
cultatis plexus enodetur.

Quæ sint purgationum diffe- rentiæ.

QVÆSTIO TERTIA.

DOcuimus præcedenti quæstione purga-
tionem esse ex vacuationum genere,
quamobrem motum includit: in motu
quinque reperiuntur, termini duo, à quo, &

ad quem: medium, mobile, & mouens. Ab horum singulis oritur aliqua purgationis differentia.

Terminus à quo, vel est corpus vniuersum, vel plurimæ eius partes, vel pars solitaria aliqua. Quæ ad vniuersum corpus, aut plurimas, dirigitur partes purgatio, vniuersalis est: Quæ ad singulas, particularis.

Terminus ad quem vnus est, nempe extra corpus. humoris μεταστροφῇ siue transpositionem melius dixeris quàm purgationem, cum humor ab vna parte in aliam extruditur, si tamen purgationem imperfectā, aut inchoatam lubet appellare, nihil moror: hinc altera oriatur purgationis distinctio in perfectam, siue inchoatam & absolutam. Perfecta erit cum humor omnino extra impelletur, sic vt nullam ampliùs partem attingat, imperfecta, cum vel in via subsistet, vel ab vna parte in aliam migrabit, puta à circumferētia ad centrum, à centro ad circumferentiam, à superiore ad inferiorem; à nobili ad ignobilem; aut contra. Et hæc iterum in vtilem aut nocuam secari potest: utilis est quæ in corporis vtilitatem cedit, qualis quæ à nobili, & principe in ignobilem: nocua quæ detrimentum affert, qualis quæ ab ignobili in principem & ad vitæ vsus necessariam excrementa deponit. Est quædam tertia inter has media, & inutilis, quæ nec proficit nec obest, medium spatium illud vocamus per quod decurrit humor qui expurgatur. Sua sunt singu-

lis partibus loca peculiaria purgationi accommodata, siue conferentia, vt loquitur Hippocrates. Cerebro, palatum, & nares; Pulmonib⁹, trachæa arteria; ventriculo Oesophagus, & venter inferior; qui ambo iecoris concauo etiam subseruiunt: At gibbo; renes, & qui renibus ipsis famulantur vrinarij meatus & vesica. Vnde purgationum alia per superiora fieri dicitur, alia per superiorum inferiorumue nomine simpliciter prolato vomitum aut secessum apud Hippocratem intellige, nam quæ per alias vias sursum aut deorsum instituitur purgatio, cum adiectione medij nominari consuevit: Per palatum, per nares, per renes, per vteras, per vesicam, per vterum, & sic de alijs distinctionem hanc sequitur præfata altera in eam quæ confert, cum per loca conferentia purgamus: Et eam quæ officit, cum præter naturæ legem vias sectamur.

Mobile illud est quod excernitur, nempe humor in humore tria consideram⁹, speciem, quantitatem & qualitatem. Species expurgandorum humorum tres numerantur, Bilis vtraq; & pituita. Quibus annumerandum quod ad cæteros refertur serum, & quatuor habebim⁹ simplices purgationum differentias, prima est quæ flauæ bili accommodatur; Altera quæ nigra; Tertia quæ pituitæ; Vltima quæ sero; à quorum singulis inditum purgantibus officij aut virtutis nomen, hinc Cholagoga dicta, Melanogoga, Phlegmagoga, Hydragoga.

Compositæ

inueniuntur, tot numero quot mixtionum in humoribusmodi. Complicantur simul quādoq; humores omnes, aut duo, aut plures, quib⁹ depellendis cathartica cōponimus mixtis facultatibus prædita, polychresta nuncupata. Addenda his differentijs illa paulò antè repetita quam in Aphorismo insinuat diuinus senex his verbis, si talia purgentur, qualia purgari oportet confert & leuiter ferunt, fin minus contrā.

Alterum in humore spectandum est quantitas, quæ vel copiosa, vel exigua, vel mediocri: totumque dicit, aut partes.

Si purgationem primo modo æstimemus, nempe ex euacuatæ humoris copia, illam diuidemus in largam moderatam, & exiguam. Si secundo modo, in perfectam & imperfectam. Perfecta est, cū tantum id expellitur quod exuberat. Imperfecta cū ei⁹ par tantum aliqua. Eradicatiuam illam nonnulli satis significanter, quanquam barbarè fortasse nuncupant, istam minoratiuam.

Tertium est qualitas à qua variæ prodeunt purgationum differentiæ; ab acri quippe & efferato humore, grauis & violenta procedit à mitis benigno, blanda & facilis. A crudo, infesta; & symptomatica: A cocto cretica & proficua. A crasso, viscido, & lento, tarda, lenta, difficilis, à tenui & sequaci, prompta atque expedita.

Postremò à nobis propositū fuit mouēs, sine quo nulla inuenitur purgatio vt neq; motus vl-

114 *APHORISMVS SECVNDVS*,
lus mouēs vel in se spectari potest; vel in ordi-
ne ad suā vim, suamque actionem. Mouentis in
se spectati quot assignantur species, totidem
& purgationum.

Mouens aliud naturale, aliud artificiale,
aliud neutrum, aliud ex his mixtum. Purgatio
quoque alia naturalis, alia artificialis, alia
neutra, alia mixta

Naturalis est quæ tota à natura pendet, ve-
luti præcedenti quæstione de vacuatione de-
finiuimus. Artificialis quæ tota ab arte. Neu-
tra, ex vi verbi illarum vtramque excludit,
sed vnà cum negatione positivū aliud prin-
cipium connotat, quodcunque tandem illud
sit, modò ab ijs diuersum; ipsum scilicet
mobile; vel quoduis aliud externum agens
præter cognitionem, præterque arbitrium ac
intentum, casum inquam, & fortunam.

Mixta vel ab ijs omnibus pendet, vel à plu-
ribus, neutram per participationem licet ap-
pellare.

Productis singulorum exemplis, iuniori-
bus se se in istis imitatione nostra exercēdi
occasionem præbeamus. Perturbationes ven-
tris & vomitiones spontaneæ, de quibus in
nostro Aphorismo, merè naturales sunt: hu-
morum suctio, absorptio & quæcunque alia
purgatio à sola humana proficiscitur indu-
stria cum intentione operantis, merè est ar-
tificialis.

Quod si sua sibi tenuitate per laxiores po-
ros exitum paret humor, ac spontè nullo

impellente percoletur & effluat: vel suo pôdere, suaque mole comprimendo, aut violenter extendendo confractis repagulis, vel acrimonia diuulsis, (vt in Hydropicis quibusdam, ac Empyicis) suoapte impetu prorumpat, eo planè modo quo è vase laxiore, aut eroso, diruptoue contētus liquor exilit, neutram dicemus purgationem. Quemadmodū & eam quæ fortuita expressione succedit.

*Mensfest.
de re med.
theor. 1.*

Mixtæ purgationis exempla sunt purgationes omnes quas arti vulgò adscribimus: Medicamentum enim humores purgat (inquit Mesues) à natura eius actionem inchoante, limitante, dirigente ipsa humoris vacuatio naturæ est opus, sed per medicamentum naturæ artificis instrumentum. Quam ob causam naturas morborū curatrices vocat summus naturæ minister licet propriam sibi ceterisque eiusdem ministris hac in parte non neget actionem.

*6. Epid.
parte 5. 1.*

Verum grauis hic implicatur nodus in cuius solutione tantisper immorandum, ne in purgationis natura, & speciebus definiendis in posterum hæreamus. Obijciat enim solertis ingenij quispiam, ex nostra hac diuisione ac interpretatione consequi, nullum medicamentum propriè purgans appellari, si nulla medicamenti facultate, sed solius naturæ opera & conatu perficitur purgatio, Quin etiam sibi ipsi dissentanea loquutus videtur Mesues, cum propriè purgans pharmacum vomitorium esse docet, aut deiectorium

Ibidem.

5. *sup.*
cap. 20.

Nec minus ridicula censenda distinctio, Galenico ipso libro ex quo suam depromit Mesues, vbi Galenus duas Cathartici proferens differentias, alterum (inquit) commune est eorum quæ quouis modo animalis purgant excrementa. Alterum verò per excellentiam de ijs tantummodò dicitur, quæ aut per vomitum, aut per deiectionem, nam quæ lentos crassosque humores attenuando, vel vrinam ciere possunt, aut pectori pulmonibusque suburratis sputa promouendo conferunt, purgant ea quidem quodammodò verum anedictis non similiter nuncupantur, sed alia Diuretica, alia Bethica, alia menses mouentia, hac re à superioribus disiuncta quod non habeant vim familiariū succorū attractricem. Futilis (inquam) ista Galeni distinctio si neque hæc, neque illa verè sint purgantia, si non his magis quam illis, sed naturæ soli expulsio, atque ex consequenti purgatio refertur accepta: Nam cui expulsio tribuitur eidem quoque tribuenda purgatio,

Vtrò nos admittimus medicamenta verè purgantia nulla debere æstimari, se præcisè terminum ad quem tendit purgatio spectemus, qui est extra corpus: nulla enim assignatur quæ humores sua vi è corpore exturbent: Illos quidem trahunt ad se se, nec sine adminiculo naturæ, sopitam enim Cathartici virtutem, ac materiæ mole velut obrutam natius calor primū excitat, mox in actum deducit. Ita esse quotidiana experiētia com-

pertum videmus; Et quæso quis à Rhabarbaro, bilem vnquam attractam expertus est, quantumvis proxime alterum alteri applicaretur nisi vel corpori, vel in corpore animantis? Quis etiam in ipso corpore, nisi viuentem? Addo nec in viuentem, cuius elanguidus calor iacentem ac terrea mole oppressam medicamento virtutem soluere ac erigere non potest. Hanc naturæ operam minimè ignorauit Aristoteles ideò namque æs, argentum, cæteraque generis eiusdem etsi concoqui à calore non valeant, haud purgare tamen asserit, quod resolui à viribus corporis nequeant. Quamquam in modo quo purgatio fit aberrat grauissimè, vti paulò post aperiemus. Libera ergò naturæ beneficio vis pharmaci nec siue altero naturæ derigentis ac limitantis beneficio, tendit ad humorem sibi proprium & asinem, eumque ad se prolicit, quod reliquum est proprio nixu exequitur natura, prolectumque humorem foras extēdit: sed nō sine humore ipso, vel non sine Cathartico aut vtroque sua vel copia premēte, vel qualitate stimulante. Et quamquam antè postremum hunc, qui nature est conatum purgatio nondum sit appellanda, vt nec humor purgatus, sed à medicamento dumtaxat motus, atque attractus: i. si medicamento nihilominus, à quo motionis principium effectiue communi loquendi consuetudine integræ tribuimus actionis denominationem: illudque propriè purgans nominamus tum recepto Galeno, priscisq; & meretricis more

1. Problem.

45.

cum ad differentiam aliorum quæ etiâ purgantia, sed minùs propriè nuncupari solent, vt Diuretica, hysterica, & quæcunque dispositiuè solum ad motum qui in purgatione fit, concurrunt, siue corpora reddendo fluida (vt loquitur Hippocrates) siue alia quacunque ratione in præcedentibus declarata. In hoc maximè quæ ad rem præsentem facit inter vtraque distinctio sita est, quod verè purgantia nobis appellata ad vnum aliquem peculiarem & determinatum humorem facultate determinata & propria feruntur, eûque vt sibi familiarem trahunt. Alia, quam ab artifice ad particularem aliquem ordinantur agunt tamen in omnes promiscuè, neque vlla vi tractrice pollent siue determinata, siue indiscreta. Sic attenuantia Bechica dum pituitam crassam fundunt & attenuant, eandem pariter in obuios quoslibet humores operationem exerunt. Incrassantia, si in crassos impingunt, crassiores reddunt quos fortè præstaret esse tenuiores, agunt enim ex naturæ præscripto, non ex Medico. Denique attenuatio, vel incrassatio nihil ex se mouet aut promouent, sed mouenti naturæ humorem sequacem efficiunt ac obsequentè. Quàobrem mixta purgatio est quæ vera & artificialis dici consuevit, verèque purgans quod ei satisfacit modo explicato. Nunc deductas à mouentis facultate vel actione diuisiones vnico verbo prosequamur.

Mouens aut blandum est, aut mediocre,

aut violentum. Itemque debile, aut validum aut inter ista medium.

Actio quoque aut debilis, aut blanda: vel valida, aut violenta: vel mediocris. Talis & purgatio.

Si quid fortassè accuratiùs perscrutanti videbitur prætermissū poterit ad proposita capita reuocari. Postulat nunc doctrinæ ratio ut modum quo purgatio fit breuibus proferamus.

Quomodo fiat purgatio.

QUÆSTIO QUARTA.

QVanquàm ex Aphorismi contextu elisi expressè non possit hæc quæstio, ad Aphorismi tamen, maximeque ad dictorum, dicendorumque intelligentiam pleniorē facit, idèo mihi non visa est debere prætermitti at succinctè potius tractari.

Aristoteli hac in parte, ut in alijs plerisq; minimè cum nostris auctoribus conuenit. Sic ille sentit: medicamenta uti ventrem adierunt resolutaque sunt, statim ad venas per easdem semitas ferri, per quas defertur cibus mox cum nihilo concoqui potuerunt, sed victrice perstiterē potentia, relabi, & quæ sibi obsistunt secum detrahē, & hanc rem purgationem vocari: hæc opinio quantum à Medicis theorematis, tantum ab experientia

Labitur in primis cum purgandi facultatem in id solum refert quod incoctilia sint medicamenta, nulla purgantis, aut tractricis virtutis facta mentione non enim solis purgantibus, sed omnibus in vniuersum medicamentis cōuenit, vincere non vinci; mutare nō immutari, quo nomine ab alimētis segregātur.

Labitur secundo cum illa quaquaueſum in omne corpus deferri putat, venasque peruadere. Perpetuum non est, multo minus necessarium Cathartici substantiam omnes, aut plurimos, imò ne aliquos quidem anfractus corporis permeare: sed vi attractrice sibi insita, delectu quodam cognatum humorem ex venis, & corporis meatibus sensum fugientibus ad se se in ventriculum & intestina rapit: hoc argumento quod plerique solis ventriculo aut vmbilico admotis copiose expurgantur: Quidam etiam odore solo. Nonnulli, quibus infractus multo humore viscido & crasso ventriculus, larga purgatione absoluta, pilulas integras auro etiamnum obuolutas visi sunt euomisse. Alij assumptum Pharmacum illico reddunt, & abunde purgantur. Addo nouum quorundam hac ætate inuentum qui vna eademque pilula sæpius ingesta, ac integrè egesta, purgationem iteratam foeliciter moliuntur.

Errat denique Aristoteles cum indeterminatam esse vult purgantis actionem, & promiscuè ab eo quencumque reluctantem

humorem prolectari: sensui, & experimentis fidem negat, Pharmaceuticus omnem regulam & distinctionem funditus evertit. Quæ enim compositionum necessitas? quis compositorum vsus, si vnum & simplex quodlibet Pharmacum humoribus quibuscunque expellendis est satis? Cur hydrotico ad hydropum aquas vtare potius, quam cholagogo? Cur hoc ad bilem potius, quam Phlegmagogo, si quæcunque sibi obsistunt horum quodlibet secum deducit.

Longè aliter quàm Aristoteles philosophantur qui disciplinæ medicinæ animum applicant, & præceptiones à maioribus firmiter stabilitas ad praxim studiosè reuocant. Vident primum assumpti Cathartici quibusdam veluti ergastulis coercitam, & otiosam facultatem viuentis calore solui, solutam, veluti latentes sub cineribus ignes, eodem calore quasi flabello quodam excitari, mox in actum deduci: Hæc prout valida est aut debilis longè latèque in distantes partes libera diffunditur, humores sibi familiares aggreditur, concutit, ad se pellicit, quo modo magnes ferrum, paleas electrum; pellecti suo pondere, aut qualitate naturæ molestiam exhibent, insurgit demum vis expultrix pondus excutit, onere se leuat & molestia. Qui odore solo mouentur, tenues habent humores, & mordaces, leui quacunque occasione ad motum expeditos: hi, vt medicamenti vapore feriuntur, agitantur illicô, turgent

naturam ad expulsionem prouocant (cum paulò ante quieti nullam paterent offensionē, nullum inderent stimulum) tum expellenti naturæ (vt sunt ad motum proni) facilè obsequuntur, & per consuetas vias, quâ magis ipsi naturæ liberum, erumpunt eandem imaginationi vim tribuere licet & ob eandem ferè rationem. verùm contrà nos aliquis pro Aristotele disputans Hippocratē; opponet vim peculiaris humoris tractoriā purgantib⁹ denegantē: si enim idē medicamētum, quater in anno exhibeas, hyeme pituitosissima (inquit) detrahes: vere liquidissima: æstate biliosissima; autumno nigerrima. Ecce vt ab eodem medicamento varij pro varietate tempestatum nullo delectu trahuntur humores. Huic argumento nullo negotio satisfiet, si mentē Hippocratis attendamus. Ad cuius cognitionem notent studiosi, Catharticum per se quidem hoc est facultate naturali proprium & familiarem succum ducere: sed ex accidenti, & sequelæ ratione etiam cœteros ad motum faciles & expeditos, idque maiore minoreue copia prout plus minusue exuberant: verbi gratiâ (vt in allegatis ab ipso Hippocrate exemplis subsistam) si medicamentum afferas quod pituitam ducat, primum sua vi pituitam alliciet, hanc consequetur bilis, bilem melancholia, melācholiā sanguis: sin cholagogum exhibeas, trahetur primum bilis bilem sequetur pituita; pituitam melancholia, melencholiā sanguis. Idem in externis li-

quoribus cernimus, quorum si plures & diuersi eodem simul contineantur loco, vno moto cæteri quoque mouentur, eo quisque ordine quo est ad motum paratior, nō æquali tamen proportionē, sed pro suæ quantitatis modo. Pari ratione agitata phlegmagogo pituita reliqui pariter cum ea confusi humores agitantur, si illam trahis, hi sequuntur prius hic, ille posterius proūit hic aut ille ad motum est promptior. Non ita tamen vt attractæ pituitæ maior necessariō effluat quā alterius cuiusquam copia, sed eō quisque fluit copiosius, quō est vberior: nempe hyeme pituita, quo tempore redundat largior effunditur cæteris temporibus, sumpto eodem medicamento, parciōr. Bilis contra hyeme parciōr, æstate largior & ita de reliquis. Respondet itaque specificæ cathartici proprietati specifici humoris impulsio, huius impulsioni consecutione succedit aliorum commotio atque depulsio.

Quæres nunquid verisimile putem per sequelæ modum dilabi & exilire sanguinem post alios humores cuius tãquā pretiosissimi vitæ thesauri maximè auara vis retētrix haud facile patitur effluxum? An hic effluxus sanguinis purgatio est?

Respondeo neque sanguinis vacuationem quæ à medicamento prouenit purgationem esse, sed *ὑπερκαθαρσιν* hoc est superpurgationem, seu aliquid suprā aut vltrā purgationē: Neque ab eadē causa purgationem & su-

1. de sup.
facul. cap.
12. § 28.

perpurgationem pendere. Purgationis quidem causas accepimus. Superpurgationis triplicem statuit Galenus, singulasque Cathartico refert acceptas osculorum scilicet aperitionem: purgantis mordicationem: Et vasculorum imbecillitatem. Apertio fit ob medicamento potentiam: mordicatio, ob acrimoniam: vasorum imbecillitas ob ingentem defatigationem, & intemperiem, quam dum à Cathartico lancinantur, ac veluti emulgentur, acquiescere. Has ipsas causas in humorem qui expurgatur detorquere nihil prohibet. Nam spontaneis etiam purgationibus superuenit *ὑπερπύρεσις*, quo casu purgans pharmacum accusari minimè potest. Aperiuntur autem vasa ab humore tenui & feruido: Ab acri eroduntur, à copioso tenduntur & dirumpuntur: à pungente vellicantur: laxantur ab humido, vel aliam quamlibet ipsi humori congenerem intemperiem contrahunt à qua debilitantur. Multa hinc alia quæri possent ab instituto nostro aliquantò longius diffusa, vnicum nobis propositum ab Hippocratis scopo non recedere eaque tantum proferre quæ Aphorismi sententiæ ac intentioni lucem aliquam afferant, qualia quæ hactenus tractata, & quæ mox tractaturi sumus: inter quæ quod in praxi est apprimè necessarium, à paucis fortassè satis curiosè inuestigatum, à paucioribus satis cognitum, purgationis videlicet indicans primo loco, & nostro docendi more perquiramus.

A Quo indicetur purgatio.

QVÆSTIO QVINTA.

DVbitandi nobis paulò antè præbuit occasionem Fuchsius, cùm de purgationis à Galeno tradita definitione ageremus, vbi Leonicensi interpretationem conuellens qualitatem humoris sola vult alteratione corrigi, non purgatione, nisi cum quantitate excesserit: ex quo inferri debet à quantitate purgationem iudicari. Nam si qualitati non debetur purgatio nisi quatenus cum excessu coniunctæ, excessui certè debetur. Hæc si Fuchsi opinio est, non à Galeni mente, non à ratione videtur aliena, Galenus quidem quarto Aphorismorum vbi hæc eadem præsentis Aphorismi sententia repetitur, & explicatur, per qualia oportet, abundantiam significari dicit humorum sua qualitate infestantium, abundantiam igitur purgari oportet tanquam id quod indicat, nempe ab eo cuius gratia instituitur purgatio sumpta purgationis iudicatione. Clarius & ex professo rem in methodo definit his verbis. Sicut missio sanguinis vel propter ipsius redundantiam, vel propter morbi magnitudinem: ita purgatio vel propter redundantis eiusdem succi, vel propter vim morbi adhibetur. Et ibidem paulò inferius Hiopocratis auctoritate fretus succum redundantem va-

Comm. 2.

4. Methodi. C. 6.

cuandum docet hac distinctione , vt si exuperet sanguis, detrahatur: sin alterutra bilis aut pituita Catharticum imperetur.

Cap. 61

Quæris apertius in Galeno suffragiū? Habes libro de constitutione artis distinctè & disertè proditam quam quærimus decisionem paucis his verbis. Correctio morbos efficientium dispositionum summatim perstringenti contrarijs obitur: particulatim verò persequenti superfluum vniuersum rescindere expedit, quomodo superfluum sit distinguendo; an vt quantum, an vt quale, an vt vtrumque. Quod redire in naturalem statum valet, alterare per contraria; Quæ præter naturam toto sunt genere, vt venena, ac spicula defigentium virus animalium, alterando vacuandoque. Hic manifestè Galenus à qualitate solius alterationis indicationem petit: à quantitate, vacuationis, sub qua purgationē comprehendit. Plura vndecunque ex Galeno in hanc sententiam congerent Galeni studiosi, nos veritatem rationibus exploremus.

Esto, supponamus Cystim felleam sibi familiaris humoris copia turgentem ac oppressam, sic vt neque de nouo affluentem sit locus, neque suo se pondere leuare ipsa possit nullo accedente qualitatis vitio; Quid tum remedium, nisi vt exuberantem quantitatem detrahas? Quo tandem ingenio, nisi purgatione? Quantitati ergo debita purgatio. Idem inductione, patet in reliquis humoribus iuxta naturæ normam temperatis: nam neque me-

Iancholiæ, neque pituitæ quorum utriusque
suis est usus in corpore nisi cum exceſſerint
vacuationem decernimus: nec aliam vacua-
tionem quam purgationem. Si cum exceſſu
recessum à naturali crasi & symmetria ne-
cessariò adesse contendis, & huius recessus
hoc est prauæ inductæ qualitatis gratia pur-
gationem præscribi: Quæram qua qualitate
infecta sit bilis, cum per vniuersum corpus
effusa & exuperans iterum inducit? Non
calore & siccitate febrem, aut aliam quæ in
sensus cadat particularem vllam intemperiem
excitat. Non acrimonia ferit, aut lædit, non
vlli vitali actioni, non animali, nulli etiam
naturali plerumque officit. At purgatione
eliminanda est, quia sparsa, quia exuperans.
Cur in synocho non putrida accenso sangui-
ni mutuata non à qualitatis vitio, à quo præ-
cipua est læsio, sed à plenitudine indicatione
sanguinem eximis, in præfata bilis redundan-
tia solam qualitatem quæ culpa caret atten-
dis? Promenda potius à quantitate indicatio
ut pote quâ penitus sublata aut certè immi-
nuta nulla aut exigua vis qualitatis. Non enim
ex se se scintilla concitabit incendium in
subiecto tantillum ad obſistendum idoneo:
non mandragora, non cicuta, non papauer
quæ alioqui trahere corpus in perniciem apta
sunt, sine quantitate detrimentum vnquam
afferent. Idem multò magis de humoribus
existimandum quorum multò minus aduersa
nostris corporibus qualitas longè maiorem

Gal. 2.
Aphorif.
Comm. 12.

desiderat ad actionem copiam, quâ resecta malum pariter rescueris aut præuerteris.

Verùm obijciat fortè quispiam me mihi ultra scopum effingere in quem spicula contorqueam, cùm nullus sit qui nudæ qualitati tribuat purgationem (quo nomine antea explosa fuit Leonicensi expositio) & in præcedentibus sit demonstratum, qualitatis voce humoris speciem esse intelligendam: Quo posito ruunt præfata argumenta. Nam biliosus humor & reliqui, licet naturalem temperiem seruent, quamprimùm exuberant, etiam cum sanguine commixti aut confusi, qualitate peccant hoc est sua specie, siue in prauum succum degenerant, & nutritionem labefactant, quam ob causam purgationem exposcunt.

Valet in vtraque bile fortassis hæc obiectio in pituita dulci non valet, quæ urgente penuria vltiori coctione elaborata cedit in laudatum sanguinem, probumque nutrimentum.

Denique purgatio euacuatio est sed euacuatio corpori competit vt quanto & extenso, non vt quali, ergo & purgatio.

Ecce multis nec inualidis fundamentis suffultam Fuchsi instantiam: Quæ tamen si ad Hippocratem, si ad Galenum, si ad rationem ipsam mentis & oculorû aciem curiosè reflectemus parû firmiter videbitur stabilita. Hippocrates quidem toto hoc Aphorismo, qui totus est circa purgationem ex communi

interpretum ipsiusque Fuchsi consensu, solius qualitatis meminit tanquam primarij in purgatione scopi. Ne quis verò falsò aliundè persuasus ad quantitatem potius animum intenderet, se se euidentius in progressu explicans litem dirimit: deiectiones (inquit) non sunt multitudine æstimandæ, sed si talia purgentur qualia purgari oportet. Essent sanè multitudine æstimandæ non qualitate, si ad humoris copiam, non ad qualitatem esset referenda purgatio. His si non satis declarata supremi dictatoris intentio, Galeni commentarios adeamus. Iubet Hippocrates verno tempore venæ sectionem aut purgationem præcautionis gratia ijs iniungi, quibus alterutrum conuenit. Docet in commento Galenus faciendum hac distinctione alterutrius delectum, nempe mittendū sanguinem ijs qui ex plenitudine morbis sunt obnoxij, purgandos alios, qui ex humorum corruptela.

r. Aphorism. 23.

6. Aphor. 47 & ibi. Galen. in comment.

Rem postea clariùs illustrans. Venæ (inquit) sectio commune auxilium est earum, quæ a plethora oriuntur, affectionum. Purgatio verò, quamuis, si secundum genus inaudias, vnum quoddam auxilium existat, non tamen secundum speciem: nonnullis siquidem confert humores pituitosos educere, alijs amaram bilem, alijs atram, reliquis serosam superfluitatem, pro natura earum, quæ superueniunt, passionum. Quasi ita velit, in genere quidem purgatio ab vno aliquo iudi-

catur, nempè ab humoris prauitate, verùm in sperie à differentibus specie humoribus ad eum, qui exuperat, limitatur.

Nostra hæc interpretatio non est, sed ipsius Galeni eo ipso loco exemplis confirmata. Quemadmodum igitur specialis iudicatio à vitioso humore speciali sumitur, puta cholagogi exhibendi, si peccet bilis, phlegmagogi, si pituita: sic & generalis indicatio ab humoris qualitate vitiosa in genere petenda est. Ita is ipse habet præcitati Aphorismi cōmentario. Nempe quemadmodum qualitatem pro humoris infestantis ratione vacuare oportet, sic & quantitatem humoris multitudini respondere. Ecce manifestas humoris purgandi, & purgationis quantitatis indicationes, illius à qualitate, huius à copia & excessu. Hic interim notent studiosi, fidelis interpretis limites prætergressū fuisse Plantiū: sic enim scribit Galenus, *ὡς γὰρ ποιότης κατὰ τὸν λυπαυῖντα χρεὶ κενεῖσθαι χυμὸν*: sic Plantius vertit, quemadmodum enim molestum humorem pro qualitatis ratione vacuare oportet: verba sonant *ποιότης κενεῖσθαι κατὰ χυμὸν*, non è contrà, *χυμὸν κενεῖσθαι κατὰ ποιότης*.

1. *Aphor.*
Comm. 17.

Ad rem redeo, & ad Galenum, qui iuxta Hippocratis loquendi morem vacuationem simpliciter vocari asserit, quandò humores omnes vacuantur æqualiter: Purgationem autem, quandò qualitate molesti. Hic firma memoria recolendum qualitatis voce succi

prauitatem designari, communi & significâte verbo *κακoχυμια*, quæ tum accidit, cum vel alterutra bile, vel pituita, vel sero corpus infarcitur. Euidens itaque ex Galeni decreto ab humoris qualitate purgationis indicationem depromi: Verùm cum eiusdẽ auctoritate fretam videamus præcedentem opinionem, res est ad rationis trutinam potius reuocanda.

Gal. 13.
Methodi.

Quæro in primis, si purgationem indicat quantitatis vitium, quid est quod à purgatione sanguinem excludas? Nam cuicumque indicans conuenit & indicatum, cùm alternim alteri naturæ lege opponatur. Non etiã purgationem indicat qualitas de genere accidētis, sed qualitatem contrariam. Relinquitur ergo sola præfata succi prauitas. Quod ita probo. A natura rei proficiscitur indicatio, sed purgatio est humorum qualitate peccantium, ergo à qualitatis vitio indicatio sumenda. Clariùs: humoribus accommodatur purgatio vt qualitate infestantibus, ergo ab iisdem vt talibus indicatur; non enim sub alia conditione spectantur, sub alia tolluntur. Denique contraria contrarijs curantur, sed purgatione per se curatur *κακoχυμια*, ergo purgationi per se contraria est si purgationi per se contraria, ergo purgationem per se indicat. An confirmatione opus est? verè purgantia vocata prauos tanquam modo adoriuntur succos; vera igitur purgatio iisdem solummodo destinatur.

4. Methodi. 6.

Tertiam in Galeno sententiam inuenio, cuius auctorem facit Hippocratem, qui tum in reliquis omnibus operibus, tum in eo, quod de vlceribus prodidit, etiam morbi magnitudinem ad purgationis indicationem considerat, hæc eius sunt verba. Purgatio per aluum plurimis vlcerum prodest, in quibus ossi caries impendet. Præterea & quæ suuntur, & quæ exeduntur, & herpetibus, & reliquis quæ vlcera diuturna reddunt: Etiam quæcunque deliganda sunt eadē quoque per aluum purganda. Ex his infert Galenus vlceribus omnib⁹, quoties præualida sunt purgationē esse vitilē, nec non ipsā morbi vim, siue magnitudinem velis appellare, pro indicatrice quadam purgationis statuendam. Id quod longa satis oratione prosequitur, ad quam studiosum iuuenem velim, recurrisse. Præter istas quarta quorundā opinio est, à sanguinis massa, siue ab eo, quod in corpore laudabile reperitur, purgationem indicari. Neque id improbable videtur, si verum est id ipsum, quod purgatur, indicare: purgari sanguinem ex eo probant, quod purgatio sit quædam emundatio, sed emundatur sanguis, non reliqui humores prauī, imò verò in cloacam aut sentinam impurissimam detrusi maiorem situm atque impuritatem contrahunt: solus sanguis purior redditur & defœcator. Sic vestes, cubiculum, vasa, frumenta, vites expurgari dicimus, non quisquilias, aut sordes. Et sane medentis intentioni perbellè quadrat hæc opinio, illud

vnum quippè contendimus, conspurcatam alienorum humorū contagio sanguinis massam depurgare, deficientem à bonitate pristina in integrum restituere saluas, ac integras nutritionis cœterarumque corporis facultatum actiones tueri.

2. *Aphor.*

22. & *ibi.*

Galenus.

Haftenùs dissidentes audiuius de purgatione sententias, quarum rationes haud difficilè fuerit (quantum iudico) adhibita interpretatione in concordiam reuocare: singulas igitur seiunctim discutiamus.

Ad primam quod attinet, repetendum ex superioribus purgationem per euacuationem, tanquam per genus proximum, definiri. Euacuatio per se quantitatis excessui succurrit, repletionem enim curat euacuatio, vt morborum causarum omnium per contraria fit amotio: si productos à copia morbos depellit vacuatio, hæc ab illa certè iudicatur. Si ita est quantum sui generis naturæ particeps est purgatio, tantum & indicationis quæ illi est propria. Verùm ex parte materiæ se tenet genus, generica ergo indicatio speciei materialiter dumtaxat applicatur. Ampla porro generis acceptio per specificam differentiam, quam *εἰδότης* idcirco vocant, limitata speciem, constituit. Ab hac eadem differentia, generica indicatio, tanquam per rationem formalem, ad specificam reducitur, non aliud concludunt argumenta affirmatiua, si probè examinentur: non aliud conuincunt negatiua. Affirmatiua solam materialem in-

dicationem adstruunt; solam formalem iudicationem respuunt negatiua. Hæc circa primam sententiam.

Formalem rationem contemplatur secunda opinio, succi nimirum prauitatem, quæ differentiæ specificæ locum in definitione obtinuit, non enim purgatio simpliciter vacuatio nuncupatur, sed cum adiectione talis humoris, nempe qualitate molestantis, qualitatis nomine pro humoris specie & differentia, siue pro *κρᾶσις* accepto, vti sæpius inculcauimus. Ad hanc conditionem lata illa generis amplitudo restringitur. Id quod satis superque tñm Hippocratis & Galeni calculo firmatum, cum etiam rationibus demonstratum, Neque nos à sententiâ dimouent, imò ne mouent quidem, quæ ad prioris sententiæ confirmationem in contrarium iactantur.

Inter ea, quæ ex Galeno citantur, vnicum ex libro de artis constitutione mutuatum difficultatem parit: vbi causarum morbos efficientium indicationes distinguens, triplicem tantum indicationem profert. Primam quæ à qualitate sumitur, alteram quæ à quantitate, tertiam quæ ab utroque. Primæ opponit alterationem: secundæ, vacuationem, Tertiæ vtrumque. Vndenam modò in his Galeni verbis haurienda purgationis indicatio? Non à qualitate, vt constat: Ergò à quantitate. Ad quod caput eadem referenda? Non ad alterationem certè, ergò ad vacua-

tionem: nam & hanc humoribus veneno similibus tribuit, quibus omni dubio procul purgatio conuenit, non appellata simpliciter vacuatio. Equidem fateri cogor non satis exactum in ista distinctione Galenum fuisse, vnumque ab eo membrum prætermissum humoris scilicet prauitatem, cui pro remedio opposita purgatio: Et hæc quidem venenatis humoribus imperanda, non euacuatio quæcunque. Purgationem itaque sub euacuationis voce cōfundit Galenus, neque distinctè plethoræ & cacochymix indicationes profert: Sanguis enim præter modum auctus, & effuerescens qualitate simul & quantitate vitiosus est, alterationē ideò & euacuationem requirit, non tamen purgationem.

Cœtera Galeni loca quantitatis & qualitatis vnà meminere, quamòbrem manifestè probant ab vtroque indicari purgationem iuxtà præfatam expositionem. A quantitate inquam materialiter, à qualitate formaliter. Rationum oppositarum facilis est solutio. Ad primam, qua arguitur coniunctæ cum redundantia qualitati purgationem deberi, non tamen ipsius qualitatis gratia (vt quæ alteratione temperanda) Ergò quantitatis. Respondeo qualitatem vitiosam, cum temperari nequit, sui subiecti exclusionem requirere; non primò & per se, at secundariò atque ex accidenti, quoniã ad subiecti ablationem ipsa tollitur. Accidentis enim esse est inesse, quare sine subiecto consistere non po-

test: cumq; à subiecto nequeat in subiectum migrare, oritur intentio subiectum extrudendi: Ita tamen, vt à subiecti differentia sublationis modus terminetur, putà si in parte corporis solida venenata qualitas firmetur; ab afflictæ partis natura & constitutione oritur indicatio resectionis, siue amputationis, aut erosionis, quæ ferro, igne, septicis aut alio quocunque ingenio perficitur. A sanguine, aut spiritibus intēperatis, quandiu suum nomen ac definitionem retinent Phlebotomiæ, vel arteriotomiæ. Ab humoribus à sângine alienis eiusmodi qualitate infectis purgandi. Addo qualitatis infestam quæ emendari non potest in humoribus à sanguine alienis necessario cacochymiam parere: idipsum facit excedens eorundem quantitas, vt antea docuimus. In sanguine verò hæc ipsa qualitas plenitudinem ad vires facit, ac tandem, si latius dimanet, ipsam naturam sanguinis prorsus corrumpit, & vel in plenitudinem cum adiectione vocatam quæ cacochymix proxima est, vel in cacochymiam ipsam degenerat.

Cæteris primæ sententiæ argumentis satisfacit allata ibidem obiectio. Ad instantiam de pituita dulci, dicimus pituitam dulcem moderata copia faceßere in laudatum sanguinem; & probum nutrimentum, vbi verò à natura regi nequit, aut vberius increfcit, illico nutritionem labefactare, & cacochymica symptomata inuehere, non autem quemad-

modum sanguis. Plethorica ad vltimam non est quod repetamus quomodò purgatio, quà vacuatio est, à quantitate indicetur.

Obijciat argutulus quispiam, si ab humoris specie indicatur purgatio, non tanquàm cōtrarium indicatur: nihil enim speciei contrarium est, quare neque purgatio. præterea quæ verè purgantia dicuntur, humorem cui destinātur non purgant vt contraria, sed potiùs vt similia, ergò à simili petitur hæc indicatio: respondeo largiùs accipi à nobis contrariorum nomen, quàm vulgò soleat à dialecticis: contrariorū voce quamcumque oppositionem includimus, quo sensu contraria censemus, quæ se mutuò tollunt siue per se, siue ex accidenti, Sic cathartica ijs humoribus dicuntur contraria, ad quorum exclusionem comparantur, licet quantum in se est, humoris potiùs attractionem ad se se quàm eiectionem è corpore moliantur.

Circà tertiam sententiam, audire mihi videor studiosum aliquem primo intuitu dubitantem, qua ratione à magno morbo possit purgatio indicari. Nam quæ à morbo hauritur indicatio, curatiua est, purgationis verò, præseruatiua, vt quæ solam attingit morbi causam, nec morbo solùm qui fit, sed & futuro quoque debetur.

2. Aphor.
Comm. 22.

Pro solutione aduertendum remedia omnia siue Therapeutica, siue prophylactica, ad morbum finaliter ordinari. Curatiua nuncupātur quæ morbum ex se, immediatè ado-

riuntur, & profligāt. Præseruatiua, quæ morbi præsentis aut futuri causam rescindunt, (quanquam quæ ad præsentis morbi causam referuntur, mixtæ quodammodo naturæ, cēset Galenus, & proprio nomine carere) hæc ut per se, immediatè causæ applicantur, per se quoque & immediatè à causa indicantur, ita tamen ut hanc indicationem limitet & moderetur id cuius gratia, nempe morbus. Iam supposito morbo præsentē vel futuro, statim remedium indagandum, remedium (inquam) eiusmodi quod morbo par sit, vel præueniendo, vel tollendo. Si ergo magnus supponatur morbus, magnum pariter supponendum remediū. Constituamus modò purgationem magni istius morbi præsidium fore, purgatio certè pro magno præsidio habenda erit; at non quæcunque purgatio magnum præsidium est, sed ea tantum quæ vero purgante nuncupato absoluitur, cuius vis peculiaris & insignis. Cæterorum, quibus etiam purgantium tribuitur appellatio, indeterminata est & infirma. Illud humorē ad se vel reluctantem rapit ista, trahenti, vel impellenti solum famulantur, neque ex se quicquā mouent aut promouent. Illius actionē si probè administraretur, vix vnquam fallit exitus, semper sequitur purgatio: agunt ista nullā certa optatæ purgationis expectatione: quæ si consequatur, non ipsis, sed naturæ soli, aut alteri causæ cuiuspiam accepta referenda. Hoc itaque casu eiusmodi indicabitur purgatio, quæ

morbi magnitudini respondeat, de qua etiam intelligendus cum Hippocrate Galenus. Non enim simpliciter purgationem dicit vlceribus prodesse, sed addit per aluum propriè quippe purgans pharmacum, aut deiectorium esse aut vomitorium paulò ante ex Galeno didicimus. Circa vltimam opinionem annotandum, illud quod in intentione nostra primū est, in opere esse postremum. Nihil in rei natura humana mutat intentio, ab illa indicatio profluit, non ab ista; illi per se immediatè satisfacit quod indicatur, isti mediatè & cōsecutione. Exempli loco idipsum sit quod in controuersiam cadit, primum Medici intentum est, purum defœcatumque sanguinem reddere, consequi istud nequit, nisi separato impuro cuius contagione sanguis inficitur; hinc prima in executione proximaque indicatio impuri segregandi, cui purgatio subuenit. Proximè ergò, primò, & per se ab impuro indicatur purgatio, post impuri semotionem purior ex consequenti superstes succus relinquitur.

Breuius dico purgationem vi propria, per se, immediatè, & primò circa impurum occupari, est enim vacuatio non puri, sed impuri; Quamobrem ad purum, in quod vim suam non exerit per se non dirigitur, sed impuri depulsionē sequitur huius defœcatio.

Haftenus vltro citroque proposita in vnū veluti fasciculū congerentes, præfatas omnes sentētias, sub huiusmodi distinctione recipi-

140 *APHORISMUS SECVNDVS,*
mus. Primum à quantitate indicari purgationem volumus, sed materialiter. Secundò à cacochymia formaliter. Tertiò à magno morbo, vt magni auxiliij locum tenet. Quarto & postremò ab eo quod est inculpatum, sed improprie & consecutiue. Restat nunc altera de purgationis indicante quaestio.

An à virtute indicetur purgatio.

QVÆSTIO SEXTA.

1. Aphorismus. 13.

ITa sentire videtur Hippocrates in hoc Aphorismo, dum tolerantiae mentionē facit: duo quippe sunt in omni curatione scopi, ad quos Medica omnis refertur actio: Alter vt iuues, alter vt quantum fieri potest virtutem integram tueare. Iuuabis, si quæ præter naturam reperiuntur in corpore eximas, de qua intentione mox copiose disputatū, sumpta ex Aphorismi verbis occasione. Restat ergò altera de virtute, nobis præfata tolerantiae voce insinuata, minime si nostrum sequemur ducem, aspernanda, prima ista est & potissima, à qua tota ferè pendet expectatio salutis. Quamobrem nusquam, vti de purgatione sermo est, à diuino sene prætermissa. Sic inferius deiectiones, ex statu virium metitur: neque veretur euacuationes ad Lypothymiam vsque ducere, sed sub consideratio-

ne virtutis. In eadem sententiam conspirasse Galenum, probant eius in eisdem textus cōmentaria. Quanquam (ingenue fateor) non tam aperte tulit is suam de virtute sententiam in purgationis, quam in phlebotomiæ indicatione statuenda. Sed neque istud fortasse opus fuit, cum vnum ex altero non obscure deducatur. Manifesta namque hæc & necessaria videtur consequentia: à virtute indicatur sanguinis missio, ergo & purgatio. Antecedens in Galeni doctrina negari non potest, vt ostendemus in sequenti Aphorismo: consequentiam probatione vix indigere nonnulli fortè æstimarint. Non enim minorem, si non aliquantò maiorem, ad purgationem quam ad phletotomiam virtutem requirunt autumant. Quæ ergo ratio potior vt hæc quam illa potius à virtute indicetur? An quia probus & naturæ familiaris succus venæ sectione educitur? An quia viuifici caloris fons & thesaurus vna cum sanguine exhauritur facta exhalatione spirituum, qui ab arterijs in venas commeant? An quia magna succedit in vasis omnibus ex agitatione perturbatio, venæ sectio à facultate indicatur? Leuia hæc omnia, si cum purgatione comparentur. Eua cuatur secta vena humor laudabilis. Quid incommodi? nempe quia sua quantitate corpus opprimit & natium calorem suffocat, qui veluti sarcina deposita, vt ignis subtractis lignis in id quod reliquum est suas vires potentius exerit. Exoluuntur spiritus. quid peri-

culi in tutissimo præsidio cuius impetū licet pro arbitrio compescere? magna fit ex agitatione perturbatio: imò plerumque sic exigua, vt ne molliores quidem à solitis exercitijs impediat. Denique excitantur ac veluti exurgunt missione sanguinis facultates omnes, non deprimuntur. Cessat molestus ille grauitatis cum tensione sensus, quo velut oppressa tenebatur virtus animalis, redit ad sua munia vis naturalis, rursus incipiente nutriri corpore, vt inquit Hippocrates, fit vitalis alacrior, liberiore quàm antea difflatu. Contraria in purgatione omnia: vellicantur humorum, aut medicamenti acrimonia sentientes partes; sæuiunt toto inferiore ventre tormina, quæ nec valido quidem corporis animique robore præditus patienter ferat; violenta toto corpore iactatio magno plerumque virtutum omnium dispendio. Tetrus vaporibus appetuntur, cerebrum, cor hepar, & cœteræ quotquot his famulantur partes: hinc languidus membrorum motus, distentiones, atque importuna lassitudo, præterquàm quod nonnunquam irritatur febris, defurgendi frequentia: fit respiratio difficilis; pulsus imbecillior, concitior, interruptus ac inæqualis: vrgent cordis morsus, palpitatio, eclysis, syncope. Infestât vomitus creber, nausea ferè continua, inappetentia, ciborumque horror, sitis implacabilis. Huic calore ingenti efferuescunt præcordia, vritur corpus vniuersum: illi veluti gelu concrefcit, riget

*Galen. 8.
Methodi.*

ac perhorrescit, gelidus perdura currit ossa
 tremor ac sudor, vt ait poëta. Quid plura?
 Grauiſſima plerumque vel à leui pharmaco
 afflictarum virtutum omnium ſymptomata
 cadunt vel in conſtantem virum. Hoc ipſo
 grauiora, quòd ferinos humorum aut cathar-
 tici impetus cohibere minimè licet, vt illud
 taceam indiuiduales quaſdam conditiones
 reperiri, ac nescio quas naturales antipathias,
 quas nulla coniectura aſſequare, nec niſi cum
 pænitenda virtutis læſione, addo etiam cum
 ægrotantis interitu poſſis experiri. Sic in-
 iectiōe euacuatis multos ex eadem familia *6. Aphorif.*
 periſſe literis compertum eſt. Alij ſola deuo- *27.*
 rata caſſia interierunt. Plerique alijs eiſmo-
 di quantumuis blandis catharticiſ interempti.
 Nequīs verò maleficam ſolū, medicamento
 aut humoris qualitatem in indicium vocet
 & neget ſpirituū vnā cū prauis humoribus
 effluxu, vires exolui, audiat diuini ſenis
 oraculum qui confertas aquæ aut puris in hy-
 dropicis, aut Empijcis vacuationes tanquā
 mortiferas damnauit, ob inſignem, ſi Galeni
 commento credimus, ſpirituū profuſionem.
 His alijsque id genus argumenta duo conclu-
 duntur: Primum eſt purgationem à virtute
 indicari. Alterū potioreſſe eſſe virtutis cōſide-
 rationem in purgatione, quā in venæ ſectio-
 ne, ſiue quod in idem recedit, maiorem ad
 purgationem, quam ad venæ ſectionem vim
 deſiderari. Quorum vtrumque ſeparatim in-
 ueſtigandum eſt.

Quod ad primum spectat omnem scrupulum amouisse videbimur si ritè illud declaremus, quod initio quæstionis pro fundamento est positum, omnem Medicam actionem ad duo capita pertinere. Scilicet vt quod præter naturam est amoueat, quod secundum naturam conseruetur. Amotio fit contrarijs: conseruatio similibus. Contraria amborum intentio, hîc similitum, illîc contrariorum, quorum vtrumque cadere in vnum & idem numero minimè per se potest: vnica quippe rei natura est, à qua indicatio promitur: vnica inquam natura sibi que minimè contraria. Possunt quidem ab vno plura indicari non tamen vt vno, sed diuerso respectu, neque sub diuerso genere. (putà sub genere similiũ & contrariorum) simul; Aliàs fatendum esset idem esse & non esse, tolli & conseruari. Itaque si ab humoris qualitate petitur purgationis indicatio, eadem sumi à virtute non debet, cum illa ad sublationem per se tendat, hæc ad conseruationem.

Dices potissimam medentis intentionem sanitatem spectare, & vitæ custodiam, quæ in virtutis tutela tota sita est & hæc omnium actionum medicarum finis. Ex quo sequi videtur primam principemque purgationis indicationem ad sanitatem, ad vitam, ad virtutem referri.

Respondeo ex agentis intentione rerum ordinem non euerti. Prima sit in nostra mente san-

opere vltima. E contrario postrema est in inuentione morbificæ causæ depulsio, sed in effectū prima, ad quam sequitur integra sanitas, Sanitatem itaque secundariò in integrum restituit purgatio, morbi causam per se primariò aggreditur & depellit; Nam igitur per se primariò ab eo quod secundū naturam indicari potest.

Neque in contrariū quicquā probant quæ fuere producta, summa illa duo indicationum capita, morbi scilicet depulsio, & virtutis tuitio, licet in agētis animo simul cōsentiant & conspirēt licet se se mutuò in operē cōsequantur, non qui morbum tollit à quo robori vis infertur, vim ex consequenti reficit, & instaurat; pari modo qui virtutem reficit & refouet, dum ipsum aduersus morbum validiorem efficit, morbi pariter conatus & potentiam infringit: non per se tamen, sed ex consequenti & accidenti. Per se sub eadem indicatione nihil simul & morbum adimit, & virtutem tuetur, quin potius ex mutuo remedij cum morbis conflictu, reducat aliqua in virtutem iactura: vicissimque dum robur augere adiectione alimonix studemus, morbum plerumque adaugemus. An ergo id per se indicabit virtus à quo percellitur, cuiusmodi est purgatio, cum ex se sui tutelam perpetuò exposcat? Quorsum ergo (inquies) in purgatione imperanda perpetua sit virtutis mentio? Quidni hinc & alibi ab Hippocrate silentio virtus obrecta? Quia

scilicet in tanto exolutionis metu, virtutis status ad amissum spectandus, vt actionis violentiam temperemus; quæ cum sine aliqua illius offensione obiri nequeat, cauendum id saltem ne aut grauius lædatur, aut pœnitus destruatur; Hanc indicationem contra indicationem significantius appellaris, ac melius dixeris purgationem à virtute permitti quàm indicari, neque est quod aliud ex Hippocrate hac in parte inferri arbitremur: hæc circa primum. *Ad secundum quod attinet*, probatum fuit potiorē esse virtutis indicationem in purgatione quàm in venæ sectione. Probationis à triplici fonte sunt erutæ rationes. A mouente, à mobili, à motu ipso. Quæ singula in purgatione deprehenduntur violenta, in venæ sectione facilia, aut mediocria. Mouens quidem siue purgans sapore, odoreque, imò & colore, & consistentia ingratum, humanæ naturæ inimicum, inter hanc & veneficam, medium; humorem impetui, ciet, expultricem stimulat, proritat, cogit. Mobile sua specie infestum, quascunque permeat partes grauius offendit, terro halitu inficit, quantitate aggrauat, qualitate ferit furitque in quacunque obuia. Ab utroque vehemens illa agitatio, quæ Medicam fallit industriam, & ægrotos in summum discrimen vocat, quam ne valentes quidem sine molestia, sine querela, sine timore perferunt grauioris mali. E cōtrario sanguis tūm leui naturæ impulsu, tūm motu proprio, quā datā

portâ liberè profluit. Quocunque tandem conuertas oculos nulla in effluxu querimonia: si quis lypothymiaæ metus aut syncopes digiti applicatione cohibetur: nulla facultatû offensio si animum, vel si oculum adhibeas.

Efficiant hæ rationes aliquid sed ab eo diuersum quod adstruunt, non enim necessariò colligunt maiorem ad purgationem, quam ad apertionem venæ virtutem exposci, sed istud tantum, plura in purgatione, quàm in sectione venæ concurrere, quæ virtuti efficiant, quanquam non potiora, ideoque à pluribus in illa pertimescendum & cauendum, itemque facilius quam in ista & grauius posse à medentibus aberrari. Verum si omni errore sublato, exteriusque accidentibus præiudicis ambo inter se, in se se spectata conferantur, nemo est quin manibus pedibusque in hanc sententiam descendat, & lubens volensque fateatur necessariò, & per se vim maiorem ad sanguinis missionem quàm ad purgationem, requiri: Id quod vel hoc argumento conuincitur in aduersam partem à qua iactatum est hunc in modum retorto. Si in puris, & aquæ conferta effusione dissoluta virtute mors subsequitur, propter copiosam spirituum profusionem: Quantò vberius in effusione sanguinis effundi spiritus existimandum est, quibus tota massa turgescit? quantò magis ex spirituum profusione, exhausto simul eorundem pabulo, languescere virtutem & collabi? Qua de causa nec

ita frequenter, nec ita tutò & liberè omni ætate, sexu, tempore & natura venæ sectio, vt purgatio decernitur.

Recreatur certè imminutione sanguinis virtus, sibi leuior hoc ipso videtur æger, nēpè quia detractum quod superfluit: fertur exiguò incommòdo id præsidium, quanquàm non exigua spirituū iactura, dum quod reliquum est in corpore, sufficit viribus sustentandis.

Idem in purgatione accidit, si probè utare. Si quæ purgationem comitantur, aut subsequuntur molestiora symptomata non per se fit & necessariò, sed ex accidenti: Imò verò si talia purgentur qualiapurgari oportet confert & leniter ferunt. Sed neque in purgatione per se sic grauiter lacescitur virtus ac in venæ sectione; succedit nāque purgatio leni admodū ac exiguò succi alimentitij, & vitalis caloris dispendio, quorum utroque virtutis robur fulcitur atque continetur: vtrumque venæ sectio per se & liberalitè effundit. Et hæc de purgationis indicatione satis, nunc quoniam suum est singulis Hippocratis verbis pondus & momentum, quid ista clausula (*confert & leniter ferunt*) salis habeat & doctrinæ perscrutemur.

*An institutum sit Hippocrati
ex conferentia & tolerantia
ritè instituta purgationis
indiciū depromere.*

QVÆSTIO SEPTIMA.

Nonnulli hanc sententiam sic interpreta-
tantur: summum medicinæ parentem
cum septem hisce libris præcepta quædam
morbis dignoscendis, cæcis rerum euentibus
præsciendis, vitæ rationi debite præscri-
bendæ, medicationi demùm recte imperan-
dæ necessaria esset traditurus, primo statim
hoc Aphorismo communem quandam regu-
lam insinualle, ex qua cum de naturalibus
actionibus, cum de artificialibus indicium
indubitatè promeretur, conferentiam scili-
cet & tolerantiam, aut his contraria. Quæ-
cunque enim cum conferentia & tolerantia
sucefferint, ex probò euentu, probè fuisse
tentata inferemus, contrarij euentus contra-
ria erunt consequentia. Detur verbì gratia
epoto cathartico, aut aperta vena ægrotum
recreatis viribus aut ne minimum quidem
offensis, mitigatis magna ex parte sympto-
matis, & morbo sibi se ipso leuiorem videri,
nunquid ex huiusmodi successu aperto indici-
cio colliges id genus præsidia oportune ad-

ministrata? Idem planè de victu cœterisque auxiliorum generibus statuendum. Hanc porrhò communem legem in hoc Aphorismo sectatum Hippocratem volunt, neque ampliùs quicquam docuisse quàm ex *ευφοεία* aut *διοφοεία* colligendum pro bene, aut secùs fuerit instituta purgatio: Testem etiam citant Hippocratem qui morbos à satietate procreari, ex sanatione colligit. Vnde postmodum orta familiaris illa trita omnium sermone & praxi de morbo & causis à iuantibus & nocentibus dijudicandi consuetudo, lis enim quæ ex arte & maturo consilio fuere excogitata, ipsam ab euentu rei testimonium pro corollario accedit talem fuisse in præsentia summi doctoris mentem suo commentario confirmat summus eius interpres, non hoc quidem Aphorismò, sed secundo quartæ sectionis, vbi præmissis singulorum humorum notis, ex quarum cognitione qualis in corpore exuberet, & qualis purgari debeat internoscitur, subiicit: atque ex his omnibus exhibendi medicamenti sumuntur indicationes quod peccantis humoris expurgandi vim habeat. Media verò medicatione altera existit indicatio quæ vel cōiecturæ veritati adstipuletur, vel errorem coarguat. Si quidem ægrotantis *ευφοεία*, id est ferendæ purgationis facilitas, rectè nos peccantem humorem coniecisse testabitur: *διοφοεία*, verò id est in ferendo difficultas, perperam indicasse. Nam si infestantes humores va-

cuentur, facile ferent ægrotantes, si verò aliud quiddam, necessarium omninò est gra- uiter molestèque ferre. Hæc Galenus, quæ vera quidem meo iudicio sunt, sed ab Hip- pocratis intento quibusdam videri possunt aliena: vt enim concedatur ex conferentia & tolerantia de actis ferri non obscure sen- tentiam, negandum omninò videtur Apho- risticæ doctrinæ propositum fuisse id anno- tare, quod cuius è plebecula notū, ita dictā- te natura; quod lippis & tonsoribus peruul- gatum, ita experientia confirmante. Et quæso quoruscunque ille est aut tam rationis impo- tens, aut tanta ignorantia caligine occæca- tus, qui si intelligat deiecta aluo constare vires, dolores compositos, morbum profligatum, non illicò cōijciat & concludat illum humorem expurgatum, cui primā mali labes erat accepta referenda? Istud quotidie solo naturæ ductu audias dictitantes rusticos. Quid est ergo quod in eo proponendo literis abutatur, & otio literarij orij auarissimus Hippocrates? At verò constare ex varijs hu- moribus hominem, variè à varijs affici, varijs indigere propomatis quæ humorum varietati respondeant, nesciunt non pauci: Quam- obrem tum his, tum empiricis qui eodem collyrio persanant omnes ad fumos, vel ad aquas deducunt (vt est in prouerbio) imò potius dogmaticæ disciplinæ candidatis scrip- tus hic Aphorismus, vt intelligerent non sine delectu cathartici vtendum, alijs bilem, alijs

pituitam, peculiaribus quemlibet humorem machinis expurgari suo quemque trudi cuneo: diligenti proinde opera in cuiusque cognitionem incumbendum, ne vnum alterius loco aggrediamur, eumque expellamus quem præstaret retineri, vnde pro conferentia, detrimentum, pro euphoria, iactura virium consequitur atque exolutio. Non est itaque ex Aphorismi instituto deducenda illatio à tolerantia & conferentia ad purgationis modum, siue ex tolerantia & conferentia de purgatione peracta iudicium ferri non debet; contrario potius modo procedendum, nempe, ita cautè in purgatione agendum, sic accurate peccantem humorem discernendum vt nullus contingat error, quo ægrotantis virtus deiiciatur, & morbus augeatur. Germanam esse hanc interpretationem palam indicat ipse verborum contextus, qui sic habet: quemadmodum cum solo naturæ motu purgantur ea quæ purgari conuenit, cedit in utilitatem afflicti; neque collabuntur vires, sin ea retineantur, quæ purgari expedit & purgentur retinenda, nocet, & vires ferit, ita quoque in artificiali curatione, quæ naturæ est æmula, prospéro aut infœlici exitu Medicus vacationem tentabit, proüt gnauum se & diligentem præbuerit in dignoscendo expellendoque humore qui expelli debet, aut incuriam & ignauum. Quam ob causam addita Colophonis loci hæc clausula, *inspicere itaque oportet & regionem, & tempus, &*

etatem & morbos. Quibus in redundantis humoris cognitionē quasi manu ducimur: quorsum enim illa collectiua particula *ὅν*, nisi vt significetur hanc ex præcedenti oratione conclusionem elici? quæ certè indirectè procedit iuxta priorem interpretationem, inepta namque hæc conclusio si id vnum spectet Hippocrates, vt ex conferentia & tolerantia de inita purgatione sententiam feramus, & quæso quænam ista inferendi ratio cū confert purgatio & leniter fertur, iudicio est redundantem humorem fuisse expurgatum, itaque videndum est qualis pro regionis, temporis, ætatis & morbi diuersitate humor sit expurgandus, nunquid concludendū potius foret? Itaque videndum an contulerit purgatio, & an facile eam virtus tolerarit.

Quid quod ad dirigendas actiones ne tantillum quidem confert prior expectatio? rem enim à posteriore colligit. At quanto magis artem sapit, & quantò vtilius quomodo te ab errore vindices præuidisse, quàm scire cū erraueris quā viā deprehendas errorem?

Harum certè opinionum neutra me iudice reiicienda est, validis vtræque nititur & veris argumentis, quorum effugiemus aciem, si quæ hinc inde afferentur in vnā veluti vrinulam congeramus. Galenum habebimus non tantum fautorem, sed auctorem & ducem: Dum ait non modò proponi scopum vniuersalem euacuationum omnium, qui est humor superabundans, atque eiusdem discernendi

154 *APHORISMUS SECVNDVS,*
signa declarari, verum etiam notas proferri
quæ à bonis vacuationibus nequeunt segre-
gari, atque his contrarias, quarum fiducia
rectè nos, aut secus vacuationem aggredi fia-
mus certiores. Fallunt enim in agendo con-
iecturæ etiam doctissimos ac prudentissimos
quosque, similitudo rerum Medicis experiētissi-
mis imponit, vt raro de futuris antè certò
statuant quam dubia inuenta, certo euentu
cōfirmentur. Equidē valet vtrinque argumen-
tum à causa ad effectum, ab effectu ad cau-
sam, alterum ex altero vñamur, alterum ex
altero metimur: Mali corui malum ouum
(vt est in prouerbio) mutuoque ex coruo
ouum, inferimus ex ouo coruum. Legitima
purgatio conferentiæ & tolerantia certam
expectationem inijcit, quo modo causæ
certæ, effectus certi: Ambo hæc vicissim suæ
causæ bonitatem arguunt causam à qua oriū-
tur produnt, nec non artificis in eius inuen-
tione fortunam aut industriam.

Quem verò vsum conferet ex conferentia
aut detrimento, ex facilitate aut difficultate
tolerantiæ ducta cognitio? An vires instaura-
bit inquires, si exolutæ sint ac prostratæ? An
reuocabit animam cum euanuerit? An humo-
rem reponet qui cohiberi debuerat, cum
effluerit.

4. *Apho-
rismus. 2.*

Quæ contrario modo prodeunt sistere
iubet Hippocrates. Nos eius præceptum se-
quuti, media (vt loquitur Galenus) medica-
tione, inutili, aut perniciofa vacuatione per-

specta, ipsam pro modulo comprimemus, ne frustra concutiantur, vires, & morbus inualescat recreato postmodum quantum satis est robore, si purgatione opus erit humorem infestum adoriemur, ac tuto ab imminente periculo eripiemus ægotantem. Neque si quietiore ægro, sedatis, ut sit nonnunquam accidentibus, relinquatur nihilominus virtus elanguida, falsa salutis species, nos una cum rudioribus in ridiculam spem eriget valetudinis firmioris. Ecce quanti istud sit ad therapiam & prognosin momenti. Hac via in discernendis crisis processit Galenus, non vni dumtaxat excretorum, qualitati intentus, sed istorum præterea studiosus contemplator. si enim (inquit) dum ægrotus indicatur febris solvatur, & evanescant symptomata (ecce conferentiam) si melius fuerit coloratus pro ratione vacuationis, cum melioribus pulsibus, & ad surgendum robustior (ecce tolerantiam) hæc optima crisis est (ecce iudicium). iam sequitur restrictio. Si vero ex his desit aliquid tantum ab optima deficit quanta vis est eius quod deficit. Hæc igitur ambo inter se exacte ad certam dignotionem prænotationemque conferenda, non vni standum cōiecturæ quæ in morbificæ causæ dignotione versatur imò potius Galeni exēplo ex conferentia & tolerantia de vacuatione iudicandum; Crisis enim nomine spontaneam vacuationem intelligimus quæ tum optima censetur, cum talia vacuantur, qualia vacuari

3. de Crisib.
bus. Cap. 3.

156 *APHORISMVS SECVNDVS,*
oportet, non tamen à vaquatorum qualitate
ad criseos distinctionem Galenus procedit,
sed à conferentia & tolerantia. Quod verò
obijcitur cum priore interpretatione postre-
mam Aphorismi clausulam minimè cohære-
re. Respondeo non ideo sequi Hippocratem
nobis hoc Aphorismo præbere ansam noluis-
se de causâ ex effectu iudicandi: E contra
potius id tanquam per se notum legentis iu-
dicio reliquisse; Sed consultius est arbitratus
in inuestigatione causæ occupari, quod
ipsi alterum erat propositum iuxta secundam
interpretationem. Cum enim humor in in-
timioribus partibus frequenter delitescat,
neque vllis se se prodât evidentibus pro-
prijsque notis atque vniuocis, artificiosa in-
uentione in apertum est proferendus. Profe-
retur indicijs hac ipsa clausula descriptis
habita nimirum regione, temporis, ætatis
morbique ratione. Hæc euidentis Hippocra-
tis doctrina, quam suo commentario optimè
expressit Fuchsius, dum notas proponi asse-
rit quibus humores qui retrocesserunt a-
gnoscamus. At frustra aliam rationem com-
miniscitur nempe vt sciamus quando vacuū-
dum sit aut minùs; Nam præterquam quod
Galenicæ commentationi repugnat, quæ soli
humorum differentia discernendæ clausulam
istam accommodat: Ipsum Hippocratem in
docendo rudem efficit & nugacem: sibi ipsi
quod ridiculum est, contradicit, fateris enim
(ô Fuchsi) statim initio commentationis tuæ

de qualitate sola sermonem esse Hippocrati, testem proferens Galenum: Quorsum igitur de tempore? Quid quod eundem sermonē mox, tui immemor & Galeni, ad quantitatem traducis? Tua enim hæc sunt ante allegatis immediate subiecta. si quidem in frigidis tum regionibus, tum temporibus, minimè vacuare oportet, quod tum corpus antea frigidum magis refrigeretur: Quare si omnino vacuandum erit parcè idipsum faciamus quidem. Hæc Fuchsius. Verum si cum antecedentibus vinculo indissolubili neſtentur cōſequentia, in sola qualitate immorabimur cum Hippocrate, commentatorem optimū Galenum ſectati, neque ad tempus, aut quantitatem, orationem transferemus, quibus in poſterum ſuus dabitur locus. Occaſionem Fuchſio mouit fortassis hæc particula (in quibus) quæ ad tempus potiùs videtur, quam ad qualitatem pertinere. Sed non temporum dumtaxat facit mentionem Hippocrates, addit ætates, regiones & morbos; imò poſt morbos ſubijcit (in quibus) jraut hæc diſtinctio ſi ad proximius referatur, ſit cum morbis copulanda. Neque ſi ad tempora, referretur valerit interpretatio Fuchſij: debet enim ſubſequentium ſenſus ex præfatis hic elici. Si ad euacuationem tutò & ſœliciter moliendam non quiuis humor promiſcuè laceſſendus, ſed is ſolum qui moleſtus eſt, nec in quibuſlibet ætatibus, temporibus, & morbis humores ijdem cumulantur, animaduertendum ſeriò

158 *APHORISMVS SECVNDVS*
quibus in ætatibus quibus anni tempestatib⁹,
quibusue locis & affectibus doceat hos po-
tius quàm illos è latentibus vijs excludere:
Quandoquidem tum ætates, tum anni tem-
pora, tum regiones & morbi, redundantium
humorum notas exhibent. Quare hæc ad
qualitatem tanquam signa referuntur: De
quibus reliquum est vt particulatim, quò di-
stinctius, & maiore cum vtilitate, pertra-
ctemus.

*Quibus indicijs peccantis hu-
moris species discernatur.*

QVÆSTIO OCTAVA.

IN enumerandis hisce indicijs mancū fuis-
se Hippocratem nemini mirum videri de-
bet, non enim exactè, & ad amissim singu-
la prosequi finit instituti breuitas, verùm
satis superque ipsi fuit præcipua quædam ca-
pita in memoriam reuocare, suoque exēplo,
ad reliqua perquirenda viam studiosis præ-
munire. In hoc nos versemur modo, quod
vt minori negotio assequamur sciendum est
humorū alios per summa corporis sparsos esse
alios in intimis visceribus subsidere. Quī
externa occupant cadunt in iudicium sensus,
nullo labore discernuntur, sola dignoscun-
tur *avτοκρα*, suo quisque calore Epidermidē
inficit, vnde peruulgatum illud Hippocratis

similis efflorescit color humoribus. Hoc argumento causam Icteri affectricem, tumoremque externotum differentias communiterprehendimus, & quantum ad perfectam atque absolutam cognitionem satis esse potest, à se invicem distinguimus, quanquā alias quoque coniecturas non aspernamur. At cum in interioribus delitescent, artificiosa (quod solis Medicis peculiare est) coniectura comprehendendi debent, & obscurioribus quibusdam indicijs internosci. Et hæc quidem facilioris doctrinæ gratia ad certa capita revocabimus, ad ea scilicet quibus in temperamenti notitiam deuenitur. Etenim cum pro varia corporis commoderatione varij cumulentur humores, credibile est eorum nos beneficio in humorum cognitionē deduci, quibus medijs temperamenti dignotionem assequimur. Quanquam illud non ignorandum humoris propagationem, ex vnius duntaxat partis vitio frequenter emanare: Quam ob causam non mediocriter reprehendēdi sunt ij qui desumpto ab humoribus nomine temperamenti appellationem tribuunt, hunc biliofi, illum melancholici, alium pituitosi aut sanguinei temperamenti constituentes; quasi verò temperamento corporis vniuersi humorum proventus quadam necessitatis lege respondeat. Nequis igitur hac in parte contingat error, sedulo perpendendum erit nam in eandem partes omnes temperiem conspiciant, principum quam maximè habita ratio-

Libro. de humor.

4. Aphor. comm. 2.

lib. de tumor. prop-

ter natu-

ram 13 & 14 Metho-

do. 2. ad Glamon.

& alibi.

ne, atque earum etiam quæ communem toto corpori obeunt actionem. Quoniam verò temperamentum in duplici constituitur differentia, vt alterum sit naturale, quod ab ipso vitæ primordio nobis inditum est & congenitum: Alterum adscititium quod aut annorum decursu, aut longa consuetudine contractum atque comparatum à priore defecit; idcirco non modò temperamenti ingeniti notæ in præsentia nobis erunt peruestigandæ: sed præterea perquirenda ea à quibus temperatura mutari consuevit, hæc enim ipsa generandorum permutandorumque humorum, ac temperamenti parem aut sanè superiorem facultatem sunt sortita.

Temperamenti notas tum ex habitu & cōstitutione corporis, tum ex qualitatibus primis (quas tactiles vocant) tum ex his fluentibus secundis vt colore, mollitie, duritie &c. tum ex pilorum varietatē, ex sexu, pulsibus, conformatione partium, actionibus earundem & passionibus naturalibus, tum ex animi corporisque affectibus, denique ex iuuantibus & nocentibus mutuamur. Has ergò particulatim singulis perquirendis humoribus non incōmodè applicabimus, quamquam non eandem omninò vim vtrouque possident singulæ. Ne quis verò quidpiam effectum à nobis sibi persuadere possit, quæcunque in medium proferemus Hippocratis & Galeni auctoritate fulciemus, aut sanè euidenti ratione.

Prima quidem varietatis humorū & causa, & nota, est ipsa temperamenti varietas id quod expresse testatur diuinus senex eo libello quem de humoribus inscripsit: cuius auctoritatem sequutus eius discipulus atque interpres fidelissimus, ac cœterorum doctor grauissimus calidis & siccis hominum temperamentis flauæ bilis plurimum generari pronunciauit. Quam in sententiam & sæpius & multis de humorum differentiis est philosophatus.

2. de facul.
natur.
Cap. 8.

Quod ad habitum corporis attinet, crassos & obesos, frigidos atque pituitosos esse: graciles contra vt plurimum biliosos scriptis idem Galenus consignauit.

2. de tēper.
C. 9. 4.
Aphorif.
Comm. 2.
Gal. lib. de
plenis. cap.
16

Porro cum in cacochimia proprij sint pulsus humorum naturæ, consentaneum est frigoris ratione in pituitosis prauos, tardos & raros esse & propter humiditatem molles. In biliosis, caloris & siccitatis causa contrarios.

Qualitates quoque tactui subiectæ humoris speciem indicant in corpore redundantis (nisi ab externa aliqua occasione oriantur) licet enim vniuersum corpus, quandiu vita fruitur animal calidum, ferè semper tactui appareat, & humores ipsi tales se se nostris sensibus offerant, diuersi tamen sunt in diuersis, gradus & effectus caloris: sic à bile calor acris, ad auctæ siccitatis gratia quæ caloris est lima, à sanguine mitis & benignus, propter humiditatem in corpore excitatur.

Cadunt etiam in sensus externos secundæ humorū qualitates: sic pituitā salsam aut dulcē bilem amaram melancholiam acidam cœterasque humorum differentias arguunt peculiare cuiusque sapes: sic proprio quisque colore discernitur (vt antea docuimus). Etsi verò tum solum ex colore fiat iudiciū, cum aut. e corpore effluit, qui intro continetur succus aut detruditur in externas partes, nihilominus tamen in diiudicando interiorum statu negligi non debet externus color, talis enim vt plurimum per cutaneas partes humor dispertitur, qualis in imo corpore continetur & exuberat. Sic flauos crebrò videmus eos quorum in flauæ bilis generationem est natura procliuis. Croceos, citrinos, aut pallidos, qui crocæ, citrinæ, aut pallidæ plurimum coaceruant: nigros qui atræ: Albos qui pituitæ, rubicundos qui sanguinis. A mollitie quoque ac duritie (quæ ad habitum referuntur vulgò) temperamenti notas mutuatus est Galenus in arte parua, cuius imitatione de humoribus nobis discurrere quadam proportionē licet.

Non omninò etiam fallax est desumpta ex pilis cōiectura, eandē enim cum superioribus rationem habent. Et quidem consentaneum est, ipsos eorum humorum colorem præ se ferre ex quibus efferuntur. Albi itaque ex pituita nascuntur. Flauī ex flaua bile (nisi fortè à retorrido calore fuliginosus vapor deuratur, quo casu, nigredinem contrahunt pili)

& quoniam à bile copiosa exhalat fuligo hirsuti sunt plerumque biliosi: glabri è contrario pituitosi: At hi propter abundantiam humiditatis minùs, illi propter eiusdem penuriam & defectum magis caluescunt.

De iuuantibus & nocentibus disceptatum iam antea est, quorum vim luculenter exprimit Galenus multis in locis, inter cœtera illud ad propositum facit cum inquit contractos ex bile morbos calefacientibus exasperari, sed à frigidis remitti. De animi corporisque affectibus dicemus postea. Conformationis partium meminit Galenus dum pituitosos vasis angustis præditos refert propter sanguinis & spirituum paucitatem. Sanguineos contra tensis & turgentibus propter vbertatem. Actiones contemplatus Hippocrates, Mentis acumen & solertiam in biliosi humoris prouentum retulit, eiusdem firmitatē & constantiam. Melancholiæ tribuit, stupiditatem, simplicitatemque sanguini: Prudentiam verò optimæ temperaturæ tulit acceptam. In quibus (inquit) quod ignis siccissimum est & aquæ humidissimum probam in corpore temperiem fortiuntur prudentissima. Cuius sententiam dissimilibus verbis, at non ab simili ratione definit Plato his verbis: cerebrum molle homines ad percipiendum quidem promptos reddit, sed parum memores: durum contrà, memores, sed parum ad percipiendū expeditos. Densum obscura rerum idola confusasque imagines re-

10. de compos.
pos. Med.
secundum
loci cap. 2.

2. Aphorif.
comm. 44.
Gal. lib. de
multitud.

lib. de nat.
hum.

Libro de
diata.

In Theate-
ro.

tinet, quæ omnia in humores æquæ ac in temperiem referre licet. Quo ad passionem attinet, somnum, qui communis sensus passio est, in frigidi humoris prouentum ut in eausam reijcit Galenus, cumque in frigida & humida cerebri intemperaturæ signis recenset. At vigilias non modò ex calida intemperie, sed etiam ex biliosi humoris redundantia profici affirmat.

Sexus nil opus est meminisse, norunt omnes fœminas longè in pituitam proniores esse quam viros, sunt enim maxima ex parte frigidiores.

Iam modò ad ea quæ temperamentum immutare solent, quoniam in procreandis humoribus efficaciam nacta sunt non leuem progrediatur oratio. Quæ quoniam varij sunt generis memoriæ gratia in tres classes parti lubet, in res scilicet naturales, non naturales & præternaturâ. Internaturales illa est ab interiore & necessaria semperque assistente interitus causa petita, cuius necessitate temperamta decursu vitæ suoptè motu variantur, ætatem intelligo, de qua inter cœtera scriptum illud à Galeno cõperimus. Tria sunt in nostro corpore, quæ ipsum ineuitabili quadâ necessitate destruunt, siccitas ex ætate: assiduus substantiæ defluxus: & excrementorum prouentus. Ab hac igitur uti temperies corporis, sic & humorum generatio diuersa promanat. Ætate nimirum senili excrementitia superfluit pituita: inclinante, bilis atra: flori-

*Arlens. de
somno &
vigilia.
Cap. 2.
In arte
parua C.
12.
2. Aphor.
Comm. 3.*

*2. de temp.
C. 9.*

*1. de sanit.
tuenda.*

*3. Prognost.
6.*

3. Epidem.

da & iuuenili, flaua: puerili totaque adoleſcentia, ſanguis. Et horum quidem omnium diuerſitatis ratio in ipſius temperamenti varietatē reijci debet. Poſtremi quidē cum natiuo calore abundant, familiarē naturæ ſuccum plurimum accumulanti. His proximi iuuenes, calore ſunt reſerti copioſo, ſed acri & quodammodò igneo propter adiunctam ſiccitatem, huic bilis oritur. Huic ætati quæ ſuccedit, plurimam bilem retorridam excipit. Senium denique ex innati calidi inopia frigidos crudosque humores abundē congerit. Cætera rebus naturalib⁹ annexa quæ temperamenti commutandi vim habent, ſub non naturalibus comprehendemus. Non naturales ergo hæ à Galeno numerantur, Aer; cibus: potus: ſomnus, vigilia: motus, quies, excretio, retentio animi Pathemata, de quibus ſigillatim breuibus differendum.

3. Aphorif.
Comm. 3.
§ 29.

In arte
parua.
Cap. 83.

Sub Aëre continentur tempeſtas anni, regiō, cœli conſtitutio, varia diei noctiſque tempora, ſuperiorum corporum latentes influxus, à quibus inſpiratī aëris qualitates aſſiduè cōmutantur. Huius quidem cum tanta ſit in humanum corpus actio, quanta alterius cuiuſvis externæ cauſæ, ideò in Chronicis affectibus, mutandum ſolum iubet prudenter admodū noſter Hippocrates. Et Galenus Romæ tabidos ad tabias deductos petito ab aëris ſiccitate remedio, ait ſanitati reſtitutos. Quæ ratione, ita experiētia comprobante loci maximè, ætatis & victus mutatione liberari Epi-

6. Epid.
parte 5. §.
19.

5 Method.
C. 12.

Hipp. 2.
Aphor. 4.
5. § Gal.
in comm.

*Gal. 1. Epi-
dim. com.
1. 1. 1. & 2.* lepticos prodiderunt. Frigidus enim humor
qui Epilepsiæ causam dedit, quibusdam locis
& ætatibus, propter caliditatem nusquā abun-
dat. Verum hyeme, regione, cœli statu frigi-
dis & humidis, multus congeritur, atque is
ipse nocturno potissimum tempore exacerba-
tur. Æstate contrà regionibus, & cœli statu
calidis bilis exuperat: quæ circa meridiē po-
tissimum efferatur. Hinc indicatione sumpta,
hyeme inferiora, & per inferiora; æstate su-
periora & per superiora purgandum censuit
*Libro de
Dynamid.
& ætius.* Hippocrates, quod illo tempore generentur
humores crassi, qui suo pondere deorsum de-
uoluuntur, hoc verò biliosi & subtiles qui ad
superiora facillimè suo impetu & motu pro-
prio feruntur. Et hæc causa est cur Scythæ,
4. *Aphor.* & hæ nostræ regiones, cum totæ continuis
4. 6. & 7. imbris madescant, pituitosis quoque hu-
& *Gal. in* moribus scateant. Et australi constitutione
Comm. morbi ut plurimum à pituita dependeant. Hu-
Hipp. lib. miditas namque ambientis pituitam procreat
*de aëre lo-
cis & a-
quis.* & aqueas superfluitates. Denique particulari
*Galenus 3.
Aphorism.
comm. 7.* influxu cœlestium corporum Epidemici, &
pestilentes prodeunt affectus, particulari &
occulta quadam nec non maligna qualitate
infesti, quā vnā cum aëre inspiramus. A qua
post modum non humores modo in corpore
detenti nouam mutationem subeunt, sed &
alij quoque ab ipsis quoquo modo diuersi
suscitantur, suæ causæ respondentes, quorum
naturā ex symptomatis deprehendimus, pesti-
ferosque & lethales ab ipsis procreatos af-

fectus experientia duce, præcauemus atque retundimus.

De cibo & potu quid opus est dicere? quorum admirandas vires in frigidis, crassis, & lentis, aut calidis atque tenuibus, alijsque omnis generis producendis humoribus in dies experimur.

Neque enim vim ipsa solum alimentitiam, sed & medicatam quoque plerumque possident, neque ex consequenti, à substantia nostra patiuntur dūtaxat, sed & ipsam quoque alterant & qualitates suis persimiles in nobis imprimunt. Vnde calidum corpus cibus interiorius refrigerari, prodidit Hippocrates.

Quod si à natura euinci nequeant quantitatē ratione, in crudiores succos facessunt, quales in helluonibus & ebrijs crapulæ, & abdomini natis copiosi acervantur: sin qualitatis vitio id accidat, in prauum quandoque humorem abeunt, suæ naturæ finitimum. Sic allia, cœpe, porri in eam bilis speciem degenerant, quæ ab his nomen inuenit. Imò verò ne tum quidem cum in sanguinem conuertuntur, in laudabilem planè & temperatum, sed aut in pituitosum, aut melancholicum, aut biliosum, pro cuiusque alimenti aptitudine ex naturali mixtione contracta, permutantur. Qua ratione bubulæ carnes, lepторинæ (quibus tamen inter quadrupedes primam tribuit gloriam Martialis) ceruinæ, cæteraque à Galeno copiosè enumerata melancholicis prohibentur.

Gal. libris de attenuante victu & de alimento facultatibus

Gal. libro de consuetud. Cap. ultimo.

Hippocrates. 6. Epid. sect. 4.

3. de loc. affect. C. 6.

De somno, & vigilia, motu & quiete, non
 abfimili modo philosophandū est. Quemad-
 modum enim ab his vita nostra cum naturæ
 modum non exceſſerint, integra conſeruatur,
 eorundem beneficio, purus atque defecatus
 ſanguis cumulatur, liberum ab excrementis
 corpus vniuerſum redditur. Ita è contrario
 cum moderationis limites hæc ipſa fuerint
 prætergreſſa, contraria omnia ſuccedere ne-
 mo eſt qui ambigat. Ab immoderatis quippe
 exercitationib⁹ & vigilijs corporis ſubſtātia
 prorsus diſſoluitur; & vitalis calor foras euo-
 catur, vnde cibi & potionis cruditas: aut ac-
 cenſis ſpiritibus & maſſa ſanguinea, feruidi
 acres & bilioſi humores congeruntur. Con-
 tra verò ab immodica quiete, à diuturniori
 ſomno, natiuo calore quibuſdam quaſi
 ergaſtulis cohibito atque compreſſo, pitui-
 toſi ſiunt, & aquei, aut melancholici & ter-
 reſtres, & leucophlegmatia quædam toto
 corpore inducitur, qualem in ſedentarijs pu-
 ellis non raro cernimus. Hæc ita eſſe ſuo cal-
 culo ad verbum confirmauit Galenus, qui
 otioſi degunt (inquit) pituitoſum congerunt
 ſuccum: qui valide exercerentur, bilioſum vel
 melancholicum, illum æſtate, hunc autum-
 no. Neque vero nobis aduerſatur dum melā-
 choliæ prouentum in labores referre nos in
 otium: Nam de atra bile loquitur, nos de na-
 turali: Id quod palam ipſe indicat dum ſub-
 ijcit: quin etiam vtrum diuturni labores fue-
 rint aduertendum eſt, quantò enim fuerint

2. acut.
ultimo.

4. de ſani-
tate tuen-
da.

longiores, tantò sunt ad generandam bilem atram magis habiles & procliues.

Ad motum præter exercitationis genera priuata etiã cuiusque studia referimus, quorum tanta vis est, vt naturam nostram, corporisque & animi statum in contrariũ planè violenter rapiant. Norunt id suo malo studiosi viri, in melancholicos & pituitosos affectus ex studijs & lucubrationibus contractos, plus æquo propensi, Aduertant hic interim lectores ingenuj talem in humorũ generatione circulum qualem sæpè in externis videmus. Vt enim ex vaporibus imbres, ex his ipsis vapores denuò oriuntur.

Eodem sanè modo exuberantem flauam, bilem, vigiliã, dolores, irã, curã, cæteraque perturbationes congerunt. Et vice versa à feruidioribus succis, vigiliã, dolores turbulẽtique animi motus excitantur, excitati grauius efferantur. Nam vigiliã omnes naturæ terminos præteruectæ, vel calidam cerebri intemperiem solam consequuntur, vel biliosi humoris redundantiam, inquit Galenus. Hæc itaque atque eiusdem generis alia tum vt effectus, tum vt causæ, redundantis humoris speciem designabunt.

Sub somno insomnia comprehendi velim, quæ ipsam corporis Diathesim sequuntur, & humoris motus: Quanquam non eo planè quo somnus modo sunt humorum indicia; at in hoc conueniunt saltem quod ab internis vtraque dispositionibus pendent, cõtentisque

2. de temp.
Cap. 13.

2. Aphor.
comm. 3.

170 *APHORISMVS SECVNDVS*
humoribus, quorum signa postmodum esse
possunt.

Ex euacuatione & repletionem non minùs
quàm ex cæteris in superflui humoris cog-
nitionẽ deuenimus. Referunt enim tam vrinæ,
quam alui excrementa, & sudores, & parti-
culares quæque euacuationes contentorum
in venis, in visceribus, in ambitu corporis, in
singulis partibus non contemnẽda argumen-
ta; De quibus non est huius disputationis spe-
ciatim, definire. Illud prætermitti nolim fa-
miliares statis temporibus euacuationes nõ-
nullis prodire, quæ si occasione vlla cohi-
beantur, suspicandum omninò erit humorem
illum excerni solitum regurgitare. Sic hæ-
morrhoidibus suppressis, redundat toto cor-
pore melancholicus sanguis, à quo melan-
cholicæ passiones. Sic retentis mensibus ex
vtero, hoc est ex mēstruo sanguine, fiunt mor-
bi. At verò ingluuies atque adeò immodica
quæcunque repletio calorem innatũ hebetat,
ac ferè suffocat & extinguit, cruditatis, fri-
gidorumque succorum parens feracissima,

Quod ad animi affectiones attinet docent
Philosophi & Medici medio sanguine & spi-
ritibus tanquam instrumentis animæ functio-
nes exerceri. Quamobrem pro diuersis ani-
morum motibus, cùm variè sanguis & spiri-
tus concitètur, fieri vix potest, quin ex con-
cussionis vehementia ipsorum natura sub-
uertatur. Sic ex timore vehementi & diutur-
na mæstitia contracti plus nimio spiritus, &

*6. Aphor.
57. 6. de
loc. affect.
C. 5.*

quasi caligine suffusus sanguis in atrum succum demutantur, ut plerumque melancholici fiant, quibus timor & mæstitia longo tempore perseverarint. Secus in ira fit, in qua cum sanguis circa cor efferuescat, præ feruore attenuatus abit in bilem. Rationi adstipulant experientia & Galeni auctoritas qui ex ira, & anxijis cogitationibus vberem generari choleram memoriæ relinquit, Quare non iniuria etiam apud vulgus mutuato ab humore nomine iracundi cholericici, appellatur, sunt enim in iram propensi, in vindictâ cæteraque id gen^o animi perturbationes qui bilem exuperant e coaceruant. Quibus verò dominatur pituita timidi, & cōtrarijs affectionibus addicti. Quantū denique in rebus quas præternaturam vocant momentum sit positum, maioriā ex parte in præcedentibus ostensum est; Hæc enim ipsa non naturalia, de quib^o hæten^o, aut morbificæ causæ, aut symptomatis, aut vtriusque simul rationem persæpè induunt. Sic ardentem firium, liberaliorem computationem; longiorem inedia, violenta exercitia, perturbationes animi, venerem, cæteraque eodem modo, causas morborum cōstituimus: At naturalium, euacuationū retentionem, immoderatos excrementorū fluxus, vigilias contumaces, somnum inexpugnabilem, quandoque inter morbificas causas modò inter symptomata recensemus, aliās ut vim vtriusque obtinent, contemplamur.

Quod ad morbos attinet instar omnium

6. Aphor.
23.

1. de morb.
causis.

2. de temp.
C. 13.

613

nobis esse potest vnius Hippocratis auctoritas à Galeno passim confirmata, & ab vniuersa Medicorum schola tanta opinionum cōsensatione recepta atque stabilita, vt in dubitationē cadere non possit. Quid enim magis tritū apud nostros, imò ne ipsis quidem tōnsorib⁹ incognitum quàm exquisitas tertianas, à solabile, quartanas à melancholia, quotidianas à pituita, synochos & à sanguine generari? Nōne cum Epilepticos pituitam euacuantibus purgandos esse docet idem Galen⁹, palam profitetur, à morbo ad humoris ipsum efficiētis cognitionem nos deduci? dies me deficiat si congestis hinc inde testimonijs, in huius rei probatione diutius immorer. Vnicum superest à iuuantibus & nocentibus argumentum, cuius hic præ cæteris meminit diuinus senex, dum ex conferentia & tolerātia peccantes humores euacuatos esse colligit: ex viriū lapsu, & dāno emergēte, cōtrarios. Quod vero de euacuātibus ab ipso scriptū est, de alterantibus etiam audiendum venit, quemadmodum enim biliosi affectus calefacientibus admotis exacerbantur, pari ratione à frigidis remittuntur, vt fatendum sit, ab effectibus remediorum, ad humoris molestantis speciem argumentari licere, si quæ alia fortè occurrent, poterunt ad ista quæ protulimus nullo negotio reuocari.

Ex dictis bina emergunt dubia in iuniorum gratiam aliquantò latius & clari⁹ examinanda.

Primum est.

*Gal. 1. ad
Glanc. 2.
de diff. feb.
2. & alibi.*

*Gal. libro
quos quā-
do purg.
oportet.*

*ro. de cōp.
Med. secū.
dum loca
cap. 2.*

Vtrum ex insomnijs de humoribus in corpore stabulantibus conijcere aliquid liceat? Alterum.

Vtrum & cur animi mores, humorum dominium sequantur? Quod primum attinet. Non defunt inter philosophos & vulgares, qui longè amplius quàm par est insomnijs deferant: Alij ne tantillum quidem ipsis tribuendum putant: suam utrique sententiam, ratione comprobant, teste confirmant, stabilunt exēplis. Qui priores tuentur partes Græcarum in primis dictionum notationem allegant. Etenim græci, in depromendis à rei natura vocibus fœlices, *σόνια* *ὀνείρους* & *ομφαὶς* appellarunt. *Ομφαὶς* quasi *τὸ ὄν φαίνοντις* id quod est demonstrantes: *ὀνείρους* quasi *τὸ ὄν ἔροντις*, id quod est proferentes, vel cum Scaligero *ὀνείρον* dictum volunt quasi *ὄναιον ἔρον* bonum omen asserens: vel (si nobis idē quod Grammatices licet) quasi *ὀνείας ἔρον* utilitatem: atque emolumentum denunciāns quam fortè ob causam *Διὸς ἄγγελος* Iouis nuncius à Poeta nuncupatur. Et meritò fanè.

Iliad. β.
Iliad. α.

ἢ γὰρ Τὸνάρ ἐχ Διὸς ἐστίν

Namque ab Ioue somnia pendent.

In cuius rei fidem non difficile est probatas ex omni antiquitate hystorias conquirere. Cyro morti proximo visus est in somnijs quidam, quam humana natura præstantior à quo hæc audiit *συσκευάζου ὦ Κύρε. ἡδὴ γάρ ἐς θεὸς ἀπεί.* Para te Cyre; iam iam enim migrabis ad Deos. Xenophon quoque non

Xenophon.
lib. 8. de
republica Cyri

*Xenophon
lib. 4. de
exped. Cy-
ri minoris.*

*Macro-
libro 1. in
somnia
scip. c. 2*

*Galen. 9.
Methodi 4
Idem de
curatione.
per sang.
miss. cap.
23.
Plinius lib.
25. Hist.
natural.*

*Cic. 1. de
divinat.
Plin. lib. 7.
Natural.
hist. c. 56.
Lib. de di-
uinat. ex
insomnijs.*

minus verum quam salutare & iucundum ab
insomnio nuntium accepit, is cum in extre-
mas angustias vnà cum exercitu redactus
esset, tum demùm in somnijs hæc salutis spes
ostentata est. Xenophon in quiete compedi-
bus distineri se putauit, atque mox has ipsas
disrumpi, & quo progredi vellet, licere. Non
multò post inopinatus exitus somnij verita-
tem comprobauit. Quamobrè sapienter ad-
modum à veteribus obseruatum est, pro in-
dubitatis habenda de statu ciuitatis somnia,
quæ aut rectori eius, aut magistratui appa-
ruissent, aut plures è plebe simili modò cõs-
pexissent. Sed neque Galeni parentem fefel-
lit visa inter dormiendum Æsculapij imago;
Neque ipsius Galeni de aperiendis arterijs
somnia inania fuere. Neque præterea militan-
tis in prætorio à cane rabido demorſi parens,
falsam remedij cognitionem per somniũ ha-
buit, siquidem radice, syluestris rosæ (quam
Cynorhodon vocant) ex lacte epota miles,
cum iam aquas expauescere inciperet ex in-
perato seruatus est, & postea quisquis simile
auxilium tentauit. Vnde plurimarum rerum
atque inter cæteras præfidiorũ inuentionem
nonnulli ad somniorum visa retulerunt; His
alijsque id genus mota exemplis antiquitas,
tanquam Διδεμνα hoc est diuinitus immissa
nimium credula superstitione coluit omnis
generis insomnia. Eorũque interpretationem
(cuius inuentorem ferunt Amphictiona) pro
genere diuinationis habuit. Diuinatoria pro-

indè vocat Galenus. Quam ad classem referunt illud Alexandri, qui cum Tyrū urbē nobilissimam obsidione cingeret, insequi satyrum in somnijs sibi visus est, tandemque assequi. Delata res ad diuinos, satyri dissecto vocabulo, Σάτυρος, tua est Tyrus ô Alexander, responderunt, responsi veritatem non multo post euentus confirmavit.

Plutarch.
in Alexan-
dro.

Lib. supra
citato.

Eorum tamen incertitudinē declarat Galenus manifesto eius exemplo, qui sibi crus alterum lapideum euasisse somniarat. Cum enim hoc somnium ad seruos pertinere indicassent, qui in hisce rebus periti habebantur, is eo crure solutus est: ex quo apparuit somnium id ex dispositionibus corporis fuisse excitatum.

Qua ratione ducti fortasse nōnulli Τὸ ὄνειρον dictum putant quasi ὄν ἔρων hoc est cauillator, mendax, atque dissimulator existēs. Vnde merito Τὸν ὄυλον hoc est perniciosi Epithetō in Iliade meretur. Et apud Herodotū πεπλανημένα ἐνύπνια nominātur, id est prona in errorem insomnia. At longē adhuc euidentius somniorum incertitudo, inconstantia, vanitas in Odyssæa notatur. Vbi hospitē sic alloquitur Penelope, quam περίφρονα hoc est prudentē vocat Poëtarum Coryphæus.

Iliad. β.

Odyss. γ.

Ξεῖν ἤτοι μὲν ὄνειροι ἀμήχανοι, ἀχειρό-μυθοι
Γίνονται οὐδέ τι πάντ' αἰ θελείται ἀνθρώποισι

Iudicium superant, animumque insomnia fallunt,

*Spemque hominum dubijs ludunt successibus
hospes.*

Et sanè quotusquisque est, qui somnijs apud
se locum esse velit, si intelligat ne ipsis qui-
dem Iouis mandato excitatis, fidem deberi?

Iliad. β. Hæc mens Iouis apud poetam.

Ὅ γε μερμήριζε καὶ ἄ φρένα ὡς Ἀχιλλῆα
Τιμῆσῃ, ὀλέσῃ δὲ πόλεας ἐπὶ νηυσὶν Ἀχαιῶν

*Mente volutabat victori ut cedat Achilli
Gloria, ut ad naues orco demittat Achinos.*

Hoc inito consilio falsis pollicitationibus
Agamemnonem ad prælium incendit, som-
nium pro nuntio interponit, hæc intentioni
sux planè dissentanea Agamemnoni referri
iubet.

Διος' δὲ σοι ἄγγελος' εἰμι,
Ὅς σευ ἄνευθεν, ἑὼν μέγα κ' ἡδεται, ἡδ' ἐλεαίρει
Θωρήξαισε κ' ἐλευσε καρηκομόωντας Ἀχαιοὺς
Πανσυδίη, νῦν γὰρ κεν ἔλαιοι πόλιν ἐνδραγνάν
Τρώων.

*Demissus Iouis imperio quem cura tuorum.
Tangit, quemque tui miseret tua testis subivi,
Ille omnes armare iubet te in prælia Graios
Pulchricomos, obsessa tuis ut pergama tandem
Vieta ruant armis.*

Quis demum exitus? fallax somnium pro
diuino Oraculo suscipit Agamemnon, ac tum
certa victoriæ expectatione illectus, cum ho-
stibus prælium committit, tandemque magna
suorum

suorum accepta strage, non nisi aperto periculo in castra remeavit.

Non leuiorem Pausaniæ cladem hoc ipsum intulit, is cum Bizantijs degeret Cleonicem iuenculam per vim raptam ad se aliquantò seriùs aduentantem, falso elusus somnio hostem ratus interemit; Torquebatur assidue fictis imaginib⁹ & inanib⁹ phantasmatibus Apollodori dormiētis anim⁹. Quā sæpè videas Idrum Irumque ludicris somniorum figmentis persuasos tantillo tempore in summa inopia, summa Cræsi crassique vbertate blandè perfrui, mox experrectos grauiore quàm antea paupertatis tēdio & rerū desperatione premi. Quid plura? Nonne hæc sufficiēti argumento somniorum vanitatem & fallaciam conuincunt? Addere liceret innumera ex antiquorū scriptis mutuata, nisi quotidiana experientia vnicuique nostrum nimium frequentia in dies suggereret.

*Plutarch⁹.
in morali-
bus.*

*Plutarch⁹.
ibidem.*

Hoc animaduerso sapientiæ studiosi, somnium omne quatenus tale falsum esse profitentur: Est enim nihil aliud (si eorum definitionem admittimus) quam visio rei falsæ & absentis, sub ratione veræ & præsentis, atque ex consequenti erronea.

Spretis itaque vanis huiusmodi spectris & imaginibus tanquam fictitijs fabulis, & anicularum deliramentis, vigilantissimi illius censoris præceptum amplectamur, hoc disticho comprehensum.

Somnia ne cures, nam mens humana quod optat

Dum vigilat, sperans in somnis cernit id ipsum.

*2. de diuina-
nat.*

Suum tamen sortiuntur exitum, dixerint fortè aduersarij, quod multis antea historijs comprobarunt. Sortiuntur sanè, contingentium nulla est determinata scientia: Totas noctes dormim⁹ (inquit Cicero) & nulla ferè est quâ non somniemus, & miramur id quod somniamus euadere. Hæc vtrò citròque pro confirmanda infirmandaque somniorum veritate & vanitate afferri possunt. Verum concludūt ambo parū Philosophicè (meo iudicio) dum quod singularum est partium, nulla distinctione adhibita toti generi applicant. Nos verò breuioris & facilioris doctrinæ gratia rem totam in proprias species distribuemus, quod cuique peculiare est depulsis errorum tenebris in lucem proferemus, At ne diuagemur latius quam nostri est instituti, somnia diuidimus in diuina & humana. Diuina, vocamus ea quæ causas naturales nullas agnoscunt, solum Deum auctorem habent, Deoque indigent, aut diuino interprete.

Humanorum nomine, ea intelligimus, quæ suam in nobis ipsis nanciscuntur originem; nobisque sunt cum brutis animantibus cōmunia; Naturalia communiore verbo dicere licuisset, nisi ad homines solos nostra referretur oratio. Ad diuina quod attinet, arbitritur fortassè quispiam diuina maiestate

*Arist. lib.
de diuinat
per insōnia*

indignum esse in huiusmodi friuolis occupari, maximè cum non ad prudētissimos quosque & optimos viros, sed ad quēlibet è fece vulgi præmonstrantia demittantur somnia: Quibus argumentis confecit Aristoteles nulla ad Deum referenda. Iisdem fortè persuasi veterum nonnulli, apparentes in somno imagines futuri prænuntias, ad animam retulerunt. Illa enim (inquiūt) diuina cum sit, tunc quasi terrestribus hisce soluta ergastulis, ac in cælestium corporum consuetudinem admissa, antiquam illam arcem repetit & perlustrat, atque ibidem tanquam in speculo futura præuidet & præsentit. Vel (vt cum Herophilo loquar) eorum quæ sibi vtilia sunt aut euentura, dum functiones proprias aliquantò liberius obire licet, apud se efformat simulachra. Vel denique (vt arbitratus est Strato) sopito corpore promptior cum sit & acutior intellectus, ad cognitionem vehementiore motu & cupiditate incitatur. Hæc opinio antiquos illos quibus diuinæ fidei iubar nondum affulserat supersticiosi ritibus totos addictos atque implicitos in superstitionis quoque somniorū obseruationē pertraxit.

*Plutarch^o.
lib. 1. opin.
antiq. c. 2.*

Illam nos falsæ religionis atque impietatis caligine discussa, neque somniorum obseruationem penitus improbari volumus, neque promiscuè approbari. Quædā etiam ab vberimo illo bonorum omnium fonte deriuare credimus, qualia in sacris paginis pleraque reperimus.

Nostre sententiæ adscripsisse videbitur Aristoteles si locum citatum penitiùs intueamur. Causam enim reperire cur aliqui futura de ijs præsciant quæ in colūnis Herculis, aut in Borysthene sint, maius est (inquit) quàm quo nostra sapiëntia pertingat. Itaque ad Deum ipsa referri consonum est. Neque si contrarium sensisset Aristoteles, eius apud nos pluris esset quàm veritatis auctoritas. Non magis à proposito nos auocant depromptæ ab ipso rationes, Quid enim diuinæ bonitati, sapiëntiæ, magis consonum aut dici, aut excogitari potest, quàm vt nullum ipsa tempus intermittat rebus humanis consulendi? ac ne tum quidem cum ab externis operibus feriatur animus, tantisper ad se reuocatus desinat intelligere ea; quæ aut agere aut fugere expedit? Vel per se quidem, vel inita cum cœlestibus consuetudine, ita iubente Deo, vel immediato Dei munere & afflata, vel alia tandem quacunque ratione.

Neque friuola ea sunt existimanda quæ fictitijs imaginibus tanquam in Ænigmate id quod verè futurum est exprimunt. Aut quasi depictis tabulis rem absentē tanquam præsentem oculis obijciūt, Neque absurdum est eadem simplicioribus, ac rudioribus apparere: Ne videlicet quæ à Deo ter optimo emanant, nostro ingenio, doctrinæ, scientiæ tribuantur. Neque ab re videtur (inquit Leonicus, imò Aristoteles ipse) humanā prudentiam experimentis actionibusque demersant

*In præfat.
in libro
Aristot. de
diuin. per
insomnia.*

humanis, ad diuina recipienda somnia min⁹ habilem & aptam videri, quæ solutus quodammodo animus, nihilque cum vitæ illius specie agens, quæ fieri cum corpore est communis, sed inseparabili illa permanens vita, suscipere nimirum, & clarè cernere censetur. Sed hæc Medicinæ & præsentis instituti terminos excedūt: Ad humana veniamus quorum occasionem in nobis ipsis inueniemus. Hæc aliàs, à diurnis actionibus dependent, ex ijsque cogitationibus, quarum species altius defixæ, somnii tempore solutam imaginationem subeunt, & quæ prægressa sunt, tanquam etiam nam præsentia proferunt. Quoniam vero è sensibus proficiscuntur, qui ad animalem pertinent facultatem, animalia vocantur. Aliàs à præsentis corporis Dyathesi, ab humoribus, spiritibus, vaporibus habent originem, quæ quoniam aut naturam corporis constituunt, aut ipsam proximè attingunt, aut ab ea pendent, insomnia producunt naturalia appellata.

Quædam fortè fortuna irrepunt subministratis à memoria imaginationi speciebus sensilibus, vel excitatis ijs quæ in imaginatione pridem asseruantur vel nouis productis quæ vt variæ sunt, nulloque inter se ordine coherentes, montes aureos, & Chymeras nonnumquam effingimus, eaque videre videmur, quæ nusquam in rerum natura reperiuntur. Tres ergo sunt simplices horum somniorum differentiæ, nobis cum brutis animantibus com-

munes, quæ si inuicem complicantur, compositas quatuor efficient. Complicari siquidē vnà omnes possunt, aut alterutra cum altera sed hæ simplicium rationem sequuntur. De simplicibus igitur agamus quantum ad institutam difficultatem. Ex animalibus conijcere de humoribus quicquam non licet: Illis tamen sedulò attendendum monebat Zeno sapienter, vt colligamus quantus à nobis fiat in virtutem progressus, quandoquidem signa sunt & notæ vehementiorum & perturbationum. Ita de diuitijs somniant auari; de potibus temulenti; de popinis helluones; de Ganeo & pellicibus Ganeones; de prælijs & iurgijs iracundi; venator cum membra toro defessa reponit mens tamen ad syluas. Ab his ipsis (ne inutilem eorum in Medicina contemplationem putemus) secundæ aduersæque valetudinis indicia depromit Hippocrates in hæc verba, quæcunque insōnia mēs homini in noctem per somnum offert de diurnis actionibus, & reddit vt facta sunt ea quæ seria & iusta in re per diem acta sunt, aut de quibus consilium initum est, hæc homini bona sunt, sanitatem enim significant, quoniam anima in diurnis consilijs perseuerat, non repletionem, neque euacuationem, non aliqua alia forinsecus illapsa re victa. Cum autem diurnis actionibus aduersantur insomnia, & de ipsis pugna oboritur, cū sanè hoc contigerit, perturbationem in corpore significat, & si quidem fortis fuerit, graue est

*Plutarch⁹.
in morali-
bus.*

*Libro de
insanijs.*

malum, si verò levis debilius. Hæc diuinus senex: Ex quibus colligimushumorū quidem motum ex eiusmodi insomnijs, atque agitationem eorum aliquam posse dignosci, at non speciem, quod inquirimus: in his ergò non moror, quemadmodum neque in fortuitis quorum beneficio certi aliquid in re Medica assequi, quod ad humorum infestantium distinctionem facit nemo potest. Relinquuntur modò sola naturalia quæ plurimam, hæc in parte vim possident, nam cum ab internis dispositionibus, varijsque humorum motibus oriantur, interiorum certè dispositionum & humorum quorum effecta sunt, coniecturas non leues, aut fallaces exhibent. Exempla passim à probatis auctoribus afferuntur, Medicis familiaria atque vtilia: nobis instar omnium fuerint ea, quæ ab Aristotele & Galeno proponuntur.

Inquit naturæ Geni⁹ tonuisse fulminasseque putant quorum soni exigui aures pulsant ac feriunt. Mellis, aliarumque rerum dulcium se succum percipere, quibus leuiter diffluit pituita. Et per ignem ambulare, magnoque calore affici, cum calor exiguus aliquam eorum partem occupat. Ecce. Vt flatuum, pituitæ, intemperiei calidæ, aut calidiorum humorum motus præ se ferunt insomnia.

Sed Galenus clariùs atque ex professio nobis idem palam facit his exemplis. Si quis in somnijs incendium videat, à flaua bile vexatur: si fumum, vel caliginem, vel profun-

*Libro de
insom. 12.
de diuinat
per insom.*

*Libro de
præcognit.
ex insom-
nijs.*

184 *APHORISMVS SECVNDVS*
das tenebras, ab atra bile: Imber verò frigidam humiditatem abundare ostendit: Nix & glacies, & grando, pituitam frigidam. Qui in stercore & cæno versari se arbitrantur vel humores prauos graueolentes & putrefactos in se habent, vel copiam stercoreis in intestinis contenti. Qui autem contrà sunt affecti, ac in locis beneuolentibus versari se credunt, contrariam habent in corpore affectionem. Vnde sic tandem concludit. Quæ igitur laborantes in somnijs vident, seque agere putant, sæpè hæc nobis tum humorum defectus, tum excessus, tum qualitates, hoc est vè antea explicuimus, species siue differentias coindicabunt.

Circa quod ne præcogitationis specimen exhibiturus Medicus, ridiculus videretur, attendendum in primis est, num quæ naturalia reputamus, alterius fortasse sint ordinis insomnia: vt si quis de poculis, de obsonijs, de venere interdum multum aut legerit, vel audiuerit, aut cogitarit, imaginetur postmodum in somnio se vel bibere, vel comedere, aut venere vti. Non id illico vel in sitim, vel in famem, vel in seminis copiam referendū. Temporis quoq; , & sumpti edulij locorum exteriorumque omnium habenda ratio: Si quis enim media hyeme, tempore Aquilonio, humidioribus obtectus stragulis, loco frigido recumbens, vel accessionis initio quæcum rigore, horrore vel frigore incipiat, niue sibi conspergi videatur, tempori magis, quàm

corporis affectioni tribuendum est, quemadmodum & cæteris commemoratis circûstantijs. Imo verò excedentibus toto copore calidis humoribus, pituitosis edulijis in ventriculo contentis, similis imaginatio oboriri potest. Quemadmodum si quispiam ardente syrio, calidiore conclavi dormiens, totus noctu sudore diffuat, non statim Hippocratis auctoritate moti, eum vel pluri cibo vti, vel euacuatione indigere suspicabimur, verum externa in primis attendemus, & si quæ nos effugient, vel à patiente ipso, vel ab assistentibus diligenti examine perdiscemus.

Reliquum est, vt circa allegata exempla elegans nec iniucundum discutiamus problema.

Cur videlicet exigui humorum motus tanti in somnijs appareant, vt ex bile infestante incendium: Ex tantillo sibilo & flatu, imaginemur tonitrua, cum tamen hos motus vix deprehendamus experrecti?

An dicendum est idcirco imaginationem in somno quam in vigilia vehementiorē esse, quod vigilantibus, tot tamque multiplices agitationes extrinsecus indicant, vt ab ijs interna nisi magnæ sint & validæ facili negotio obscurentur? An potius istud accidit ratione spirituum, qui cum ab externis occupationibus sensibusque destiterint in imaginatione vniuntur, vniti validius afficiunt, fortior quippe est virtus vnita, seipsa disgregata & dispersa. An denique in vapores tor-

*Arist. lib.
de diuin.
per somnia.*

*Arist. lib.
de somn.
Cap. 3.*

187 *APHORISMUS SECVNDVS,*
quenda est causa, qui dum spiritus vehemen-
ter concutitur atque interturbant, mentem
pariter ita exagitant vt minima pro maximis
habeantur. Hac ratione commotæ vndæ re-
rum species longè referunt maiores quam
quietæ nec non ij qui prædonum incursum
timent, quemlibet exiguum strepitum, muris
aut lepusculi inopinatum occursum, aut fo-
liorû delapsum prædonis irruentis impetum
putant.

His ita declaratis manifestum opinor qui-
bus insomnijs & quatenus fidendum, vt
necesse non sit obiectas in contrarium ratio-
nes pluribus confutare. Illud obiter dicam
circa Agamemnonis insomnium inducta pris-
cis illis temporibus dæmonum arte insomnia
pro diuinis fuisse recepta: Neque mirû videri
debere, quod fallacem effinxerit Iouë poëta,
cum eundem in grauiora vitia fecerit pro-
cliuem.

Ex hoc eodem exemplo inferre licet
falsò à veteribus animaduersum, Procerum
regumque de bello aut publico statu insom-
nia pro veris ratisque suscipienda, licet enim,
dæmonis alicuius fortasse monitu, ac Deo
ita permittente, Xenophonti, Alexandro
cæterisque quorum plena est antiquitas, ita
succefferit vt somniarant, negari tamen non
potest sagacissimum Nestorem elusum cæte-
rosque vnà apud quos regij insomnij certi-
tudinem hac oratione commendauit.

Εἰ μὲν τις τὸν ὄνειρον ἀχαιῶν ἄλλος ἐνίσπε
 ψευδός κεν φαίμεν, ἢ νοσφίζοίμεθα μάλλον
 Νῦν δ' ἴδεν ὅς μ' ἐγ' ἄριστος ἐνὶ Τροίῳ εὖ-
 χεται εἶναι.

Iliad. β.

*Hæc alij si visa forent insomnia Græco
 Falsa rati, potius Troianis terga daremus.
 Sed vidit qui nostra suo regit agmina nutu.*

Verum non desunt, qui pro huius somnij
 veritate disputent, & contrarij euentus cul-
 pam in Agamemnonem ipsum detorqueant,
 quem ideo ἡπων hoc est inconsultum vocat
 Homerus, quod is non satis ad vnguē per-
 penso atque examinato somnio, sola pugnā-
 di cohortatione contentus, præcepto de vni-
 uerso armando exercitu prætermisso, non
 omnes copias in Troianos eduxisset. Sunt
 enim diuina somnia quibusdam quasi tene-
 bris & ambagibus obuoluta atque perplexa,
 vt discuti dissoluique neque facile, neque à
 quouis possint.

Macrob. 1.
in som.
Scipionis.
c. 7.

Sed hoc apud se discutiat ingeniosus
 lector, facile postmodum de insomnia verita-
 te perspecta ex Iouis intentione iudiciū feret.

*Alterum quasitum erat An, & cur animi
 mores sequantur humorum
 pradominium.*

PRæclare ab Aristotele scriptum est, vbi 2. Priorū.
 coniectandæ naturæ rationem edocet c. 28.

187 *APHORISMVS SECVNDVS,*
latere in corpore signa aliqua naturalium affectionum. Equidem si à corporeis dispositionibus pendere animi mores admittimus, ab ijsdem indicari ipsos designarique concedendum est, à quibus oriuntur; & vice versa suarum hos ipsos causarum prodere non leuia argumenta. Hoc antea supposito quod nobis in praesentia declarandum venit, inter ceteras discernendorum humorum coniecturas animi mores enumerauimus; sed nunc ante omnia ne quem homonimia errorem pariat, animaduertendum est apud Philosophos & Grammaticos familiari loquendi vsu morum nomen alias pro actu ipso, alias pro habitu siue naturali inclinatione usurpari.

In quaestione proposita utroque modo accipiemus, ita tamen ut magis proprie & verè debeat in secunda significatione intelligi. Actus enim (præterquamquod habitus & potentias consequuntur) melius fortasse passionibus quàm mores dixerimus. Nam & passionibus moribus contrariae sæpius obtingunt, lætantur melancholici, truces ponunt vultus cholericici, blandi & hilares, proni in iram feruntur, ac præterea non illicò porrecta quacunque occasione habitus in actus exeunt. Quancquàm in hoc conueniunt (quod maximè ad præsens negotium facit) quod utraque à corpore dependent.

*Libello de
Virtutibus*

Horum inter se differentiã manifestè prodidit Aristo. dum iracundiam definit animo-

sæ vitium, per quod fiunt ad iram præcipientes : quasi dicat iram actum esse, iracundiam verò quandam ad hancipsam inclinationem, vt Cicero loquitur. Iam modò (vt priorem pensi partem absoluamus) affirmatiuè concludimus animi mores humorum dominium sequi. Et sanè pro humorum varietate variè nos animo commoueri, ita experientia cōprobatum est, vt in dubium reuocari non possit. Experientiæ suffragatur communis Philosophorum medicorumque cōsensio, qui palàm profitentur, tum alimentorum, tum ætatum & temperamenti, tum humorum & viuendi ritu, tum etiam (quod minùs credibile duxerit quispiam) locorum & temporum mutatione, mutari animum, licet in contrarium vulgò iactari audiam.

2. *Tuscul. quæst.*

Cælum non animum mutant, qui transmare currunt.

Quantam hac in parte vim conferant alimenta, satis declarat Plato, cùm vinum adulescentibus interdicit, ne igne igni addito in furiam agantur; frigidum verò & exanguem seniorum habitum ad caloris symmetriam vini potione reuocat, senectutis duritiem, molestias, tædia, curas vita liberaliore emollit. Istud in se expertus Zeno, à vino pari modò se affici dicebat, quo ab aqua Lupini in qua longa maceratione dulcescunt.

2. *De legibus.*

130

Ad ætates quod attinet, diuersa sunt singularum studia, imò sic inter se contraria, vt quem infantem noris aut iuuenem, senem

189 *APHORISMVS SECVNDVS*,
eundem sibi planè, non tam vultu quàm moribus dissimilem experiare.

2. de partibus animi malum.

Temperamenti simul & humorum vim percepit Aristotel. cùm naturā sanguinis causam esse ait, vt multa animātibus veniant tum per mores tum per sensum suis quippe contrarijs præpollent ea quæ sanguinem habent frigidiorē & tenuiorē. Sed optimè constant quæ calidum tenuem & syncerum possident, vt potè quæ vna & viribus corporis & animi dōtibus plurimum valeant. Aristotelicis respōdent hæc Hippocratica quæ à Galeno referuntur. Quorum vena in cubito pulsatur ij furiosi sunt, iræque præcipitis, quorum autem immota persistit *τὸ ψῶδες* hoc est succenso stupori oportuni. Nam ex vbertate caloris cordi insiti hæc si aliquando pulsant arteriæ, furiososque & in iram proclives caloris copia, pigros autem graues ægrèque immobiles frigiditas facit temperamenti.

Lib. quod animi morcs. c. 8.

In Timæo.

De humoribus priuatim ita loquitur Plato; acidæ falsæque pituitæ aut quicūque etiam amari biliosique humores corpus peruagantes, vbi per spirationem foras, non eruperint, sed intensi, halitum ab ipsis prodeuntē animæ penetralibus admodū permiscentes sese corruerint morbos variij generis, tum grauiores leuioresque, tum plures aut pauciores animæ ingerunt, quibus ad tres eius sedes proiectis quocunque appulerint singuli difficultates varias, & quasuis animi molestias, sæpè verò & audaciam & timiditatē iterūq;

obliuionē atque hæbetudinē constare oportet. At quid opus est Philosophi testimonio apud Medicos, quibus quotidiana experientia peculiare singulis humoribus mores tribuere, vnumque ex altero deducere monstravit?

Nunc ad viuendi rationem & educationem cuius facultatem nobis prodidit Galenus cum de victu infantis temperati agit: huius (inquit) fortis homo cum arti sanitatis tuendæ traditur educandus, fortunatus utique sit si statim in lucem editus ei committatur, ita quod ad animi quoque affectus nonnihil lucri faciet; ipsa nimirum recta victus ratione mores quoque probos redente. Et paulò post. seruatur verò quodque ijsdem planè generibus quibus corrumpitur. Corruptur autem animi mores praua consuetudine cuiusque horum, cibi, potionis, excercitationis, videndi, audiendi, totiusque musices. Itaque peritum horum omnium esse eum Medicum decet qui sanitatis tuendæ curam suscipiet, nec ea opinione esse, quasi ad solum spectet Philosophum animi mores effingere. Denique locorū & temporum meminit & copiosè & elegāter summus Hippocrates eo quem de aëre, locis & aquis scripsit libello, inter cætera dum Europæ Asiam confert. Omnia (inquit) longè maiora pulchrioraque in Asia gignuntur, regio, regione mitior est, & mores hominum mitiores; horum autem causa est temporum anni temperies. Ecce quod de humoribus

*Lib. 1. de
sanitate
tuenda. c.
7. & 8.*

solum probare institutum fuit, de reliquis etiam ex multis & grauissimis auctoribus probatum. Quæ tamen non alia ratione parere aliquam in moribus mutationem videtur, quam quod humores pariter attingant & immutent. Plura qui volet Galenū adeat, nos interim rationem cur hæc ita sint perquiramus, in qua ille perquirenda falso nixus fundamento veritatem assequi non potuit. Nam animarum essentiam nihil aliud esse vult, quam temperiem: Quo nomine Andronici peripatetici dicta reijcit, ac colligit, animas inter se differe essentialiter vti corpora. Neque etiam rationalem ab aliarum censu excludit. Cum enim docuisset corpus vnumquodque ex materia & forma constare, & qualitatibus quatuor materiæ aduentantibus corpoream ex ijs nasci temperiem quæ necessariò constituenda sit forma siue *εἶδος*, sic tandem concludit: si ergo & quod ratiocinatur species animæ fuerit mortale erit, nam & ipsum quoddam cerebro temperamentum est. Quo posito facile sese difficultate proposita extricabat: nempe mirum non videri debere si mutata ab humoribus temperie, hoc est anima, eius pariter mores immutentur. Contrà verò fateatur ingenuè admissa Platonis de immortalitate animæ sententia, se ne per imaginationem quidem longa & accurata disquisitione adhibita, potuisse vnquam consequi, quomodo incorporea substantia, quæ per se ipsa esse possit,

*Lib. quod
animi mo-
res.*

*Ibidem. C.
3. & 5.*

possit; à corporis societate in contrariã sui naturam traducatur: si nec qualitas vlla sit corporis, nec species, nec affectus, nec facultas. Igitur qua ratione id fiat docendus est, relictis Platoniorum, & stoicorum figmentis. Arbitrabantur quidem Platonici immortalis animæ, cælitus in corpus delapsæ eiusque humiditate quasi demersæ, vim intelligendi sopitam esse atque obrutam, donec humiditate imminuta proprio ipsa munere liberius fungatur. Quare prudentiam in sinceritate collocabant (vnde illud Heracliti, splendor siccus, animus sapientissimus) nostrumque scire aliud nihil esse asseuerabant quam reminisci. Ex hac porro connexionem concretionemque corporea animam contrahere affectionis quasdam brutorum animantium quam hominum magis proprias. Quales sunt inuidia, iracundia, intemperantia, libidines, ceteræque id genus vnicuique, variè pro varietate corporis obtingentes. Et hæc quidem Platoniorum opinio, quanquã multis ambagibus referta est, proximè ad veritatem accedit: Ideò neque damnanda penitus, neque omni ex parte recipienda, vt in progressu patebit sed explodenda Stoicorum sententia est, qui singulos homines nasci ad virtutem pronos, & consequendæ virtuti idoneos putant nullasque agnoscunt passiones mali: peruertere verò à non viuentibus & deprauari asserunt, aut voluptatum blanditijs delinatos, praua viuendi consuetudine à recto

*Platonis
sententia
in timao.*

*Stoicorum
sententiã.*

203 *APHORISMVS SECVNDVS*
virtutis tramite detorqueri. Quorum absur-
dissimos errores & dementiæ proximos va-
lidissimis rationib⁹ compescuit idem Galenus,
quas in hunc locum transferre non pigebit.

*Lib. quod.
animi mo-
res C. II.*

Si percuncter (inquit Galenus) de homi-
nibus, qui primi extiterẽ nullumque ante se
habuerunt, à quo hi deprauati fuerint, dice-
re non poterunt. Quemadmodum pueros
flagitiosissimos intuentes, quis eos flagitia
edocuerit: ac potissimum cum multi simul
videantur ijsdem vescentes alimentis, ex ijs-
dem parentibus orti, ab ijsdem præceptoribus
eruditi, longissimè tamen inter se natura
dissentire. Si verò omnes voluptatis quæ bona
non est, sed (vt Plato inquit) maxima ille-
cebra peccandi, familiares efficiamur, natura
omnes mali sumus, quod si non omnes, sed
aliqui, Illi soli natura pravi erunt: Ex quo id
efficitur contrà Stoicos, inserta ab ipsis na-
turæ primordijs in hominibus tam vitiorum
quàm virtutum semina. Sed hæc aliquantò
longiùs à proposito nos abduxerunt institu-
tum fuit demonstrare, qui fiat quod animus
diuinus & immortalis cum sit, humorũ quasi
motibus subseruiat?

Dicendum est duplici id ratione accidere,
quarum altera, ad humores ipsos, altera ad
animam referri debet.

Quarès in symposiacis Plutarchus quæ
causa sit, cur vino promptiùs capiantur se-
nes quàm mulieres? Hanc inter cæteras pro-
fert; Valentes etiamnum senes ijsdem acci-

*3. Symp.
4. 3.*

dentibus corripī, quibus ebrij solent, exigua proinde motionē noua quidem non excitari, augeri tamen ea quę ab ætate.

Pari modo de animantibus Philosophandū est, quę quoniam vnā cum elementorū substantijs ipsorū quoque qualitates sunt sortita, & alteratiuē à Philosophis vocatę qualitates quandā habēt cum affectionib⁹ animi similitudinē, nil mirū est, pro diuersis humorū dominantium motibus, vti varias qualitates, ita & varias affectiones ipsa induere. Non ita tamen vt aut totum viuens, aut animā immediatē afficiant humores, tanquam ipsi sint quib⁹ anima cum corpore vnitur, sunt enim (vt nostra fert opinio) inanimati omnes, sed mediante ea parte, in qua dominantur, & ad quam confluunt ex vi animę. Exempli causa, iram dicebat Aristoteles ex sanguinis circa cor efferuescentia prouenire: sanguis ergo circa cor efferuescens vim habet passionem hanc commouendi, & consequenter alterandi, siue afficiendi animam mediante corde. At remanet adhuc prima difficultas indecisa, quorsum anima incorporea, & æuiterna, patiatur à corporeis, & caducis? Audiant modò Galeni hac in parte sectatores (si quos inter Christianos inuenire licet) non minùs Physicam, quàm Theologicam de immortalitate animę sententiam.

Illud pro indubitato supponi velim rationalem animam, quamuis à corpore seiungi, separarique possit, vt potè quę ab eius po-

testate non sit eruta, sed afflata diuinitus, veram tamen formam esse non assistentem, vt nauta nauis (quidem censuit Plato) verū vt (Aristotelis verbo vtat) veram ἐνδελέειαν. Seu actum primum corporis naturalis organici, potentia vitam habentis; quæ definitio non minus immortalī animæ quam cæteris in communi tribui solet & debet. Iam si forma corporis est instrumentalis corpore sanè tanquam instrumento vtatur necesse est. Quemadmodum igitur ars naturæ, imitatrix pro varia instrumentorum qualitate diuersimodè operatur: ita etiam pro vāia organorū dispositione quibus vniuntur & anima & eius potētia, variari quoque inclinationes & actiones fatendum est. Exemplum (si ita lubet) ab externis sensibus depromamus.

Quī fieri putamus quod hic odoratu alteri præpolleat. Ille auditu? An ad animæ potētiā causam referemus, quas æqualem in se perfectionem ab ortu naturæ consequutas fuisse, certum est? An potius ad instrumenta? quorum tot differentias videmus, quot capita? Quid quod in eodem homine sensuum actiones immutari, imminui, vitiari, ac fundirū aboleri in dies cernimus? An dicemus animas, animæque facultates, Protheo mutabiliores, quascunque vicissitudines perpeti, tandemque corruptioni obnoxias? Absit rātus error à Christiano homine, veræ Philosophiæ studioso. Sed intrepidè culpam omnem in terream hanc molem cuius compagi-

bus irretita tenetur cælestis anima, cum Philosophorū principe reijciemus. Etenim siue obstructus neruus opticus, visibilis spiritus ad oculum defluxum intercludat: siue vapores è vètriculo ascendentes, falsas muscarum volitantium imagines obijciant; seu affusa in ipsum oculū bile flaua, externa omnia crocea appareant aut pallida: seu denique confosso truncatoque videndi instrumento collabatur penitus visio atque deficiat, erit quod in corpore vitium requiramus. At videndi potentiam, quæ ab anima deriuat, quanquam in se immutabilem materiæ nihilominus cui coniungitur vitio iudicem⁹ impediri. Quando (vt præclare Philosophus) si senex haberet oculum iuuenis, videret, vt iuuenis. Non enim sicuti corpus, Ita animæ facultates decursu temporis consenescent, simili quadam ratione affectiones sensiles, rationalis anima corporis contagione suscipit, quamuis non omnino simili: Non enim Illico, quemadmodū obiecto in Sphæra actiuitatis posito (vt loquuntur. Phisici) organo probe disposito, neque repugnante medio, neque mente ægrotante, non potest auris non percipere sonos, odores nasus, gustus sapes, tactus quassibet primarum qualitatum differentias: Ita pro humorum constitutione & motu varios necessariò mores induit animus, atque huc illuc, instar Euripi fluctuantis, tumultuarijs passionum procellis concussus, inexpugnabili quadam violentia distor-

*1. de anima testu.
66.*

quetur. Clauum tenet quandoque ratio, & more periti nauarchi moderationis & iustitiæ Anchoram figit, ne vi tempestatum vnà cum naui cūi non inhæret quidem at quam informat, abrepta, in vitiorum scopulos & vada deuoluatur. Quamobrem proprijs belluarum perturbationibus nusquam irretiri se sentiet quisquis rationis imperio se submittet. Id quod grauiore musa dignum verè & eleganter sed Lyricè ita nos edocet Horatius.

3. Carm.
ode 3.

*Iustum & tenacem propositi virum
Non cinium ardor praua inbentium,
Non vultus instantis Tyranni,
Mente quatit solida: neque Auster
Dux inquieti turbidus Adriæ.
Nec fulminantis magna Iouis manus,
Si fractus illabatur orbis
Impavidum ferient ruine.*

Cicero. 2.
Tuscul.
quæst.

Cic. 3. de
natura
deorum.

Hoc est (vt verbo dicam) probum & sapientem virum nullis machinis à ratione diuelli: Hæc vt imperet illi parti quæ obedire debet id videndum est viro velut seruo dominus, velut Imperator militi, velut parens filio. Sed sunt homines qui rationem bono consilio à dijs immortalibus datam in fraudem malitiamque conuertunt, sunt plerique penè dixerim omnes, ita parum in edomandis prauis affectibus occupati, vt leui quacunque agitatione grauius concitati, humorum concussione & impetu ad aliena deferantur, vnde accidit, vt non ineptè ex animi moribus de humorum dominio indicium

feramus, id quod euenire vt plurimum animaduertimus pro regula constituentes. Hæc est ergò breuis & dilucida quæsti solutio, rationalem animam prædictas affectiones contrahere ex vnione & commercio corporis cui se accommodat tanquam formâ; Eoq; in illas esse proniorem quod humores quib⁹ ipsa vtitur tanquam instrumentis quibusdam, non parua affinitate moribus respondeant; Atque hanc causam esse, arbitror ob quam nostrates in excolendo locupletâdoque vernaculo idiomate longè studiosissimi, pro moribus humores vulgari sermone vsurpare consueuerunt.

Ex hac porro mixtione non modò affectiones corporis contrahit animus, sed vicissim ab animo variè corpus immutatur.

Ex immoderatis quippe amoribus ex ira vehementi, ex diuturnis mœroribus non graues dumtaxat affectus, verùm etiam humores singulis perturbationibus affines in corpore procreantur. Vt enim cupiditatibus Principum & vitijs infici solet ciuitas, ita quoque animi Pathemata in corpus velut in subditum, aut in domicilium redundant.

Cic. 1. de legibus.

Quæsierit hoc loco fortassè quispiam, nunquid aliam præter temperamentum essentiam animæ cognouerit Galenus? Cùm ita accuratè antiquorū omnium tum maximè Platonis & Aristotelis de ipsius immortalitate sententiam perlustrarit, quæ reuera immor-

209 *APHORISMVS SECVNDVS.*
talis non foret, si à temperie non distingueretur.

Equidem multorum opinio est, corporis temperiem formam esse ex Galeni mente, non quidem rationalis hominis, sed Medicam; vt potè, quæ sola in Medici contemplationem cadit. Illud enim quod neque seruari præsens, neque absens restitui potest, cuiusmodi est intelligens anima negant ad Medicum pertinere. Ideoque solum temperamentum formam humani corporis esse dicunt, quatenus videlicet sanabile est aut ægrotabile. Et hæc quidem interpretatio ab ipsomet Galeno videtur desumpta, qui postquam multa de animæ essentia dubius præmisisset, Hæc subiecit. Cæterum supervacaneam Medicis de animæ substantia cognitionem esse arbitror, satis est enim artē Medicam cum ratione tractantibus illud nosse, quoad scilicet ipsius cerebri ac spiritus in eius sinibus contenti naturalis temperies iniolata seruetur vivere posse animal: si verò contentus spiritus aut prorsus corruptus sit, aut à naturali temperatura vna cum ea quæ in cerebro est longissimè discesserit mortem necessariò consequi.

Sed excusari Galenus tali distinctione hoc in tractatu nequit, qui sibi omnem excusationis ansam eripuit, dum apertè Platonis de immortalitate animæ placitum euertit; Non vt Medicus, sed vt Physicus, tota siquidem Physica est illa disputatio quam eo

*6 de morb.
vulgar.
parte 5.
text. 5.*

libello profequitur, cui inscriptio est, *quod animi mores*, corporis temperamentum sequantur, eiusque finis cognitio est non actio.

Addo præterea. Non in eo solum libello sed alibi quoque Galenum dum Physicè agit suam in inuestiganda animæ natura ignorantia ingenuè profiteri. Hæc enim ab eo scripta sunt. Animæ quidem substantia quænam sit affirmare non possum, cum à quibusdam audierim incorpoream illam esse. Et paulò inferius: fateor me de animæ substantia dubitare, nec vel probabile quidpiam habere quod asseram. In ijs verò libris qui de placitis Hippocratis & Platonis inscribuntur qui toti sunt Phisici, cum multa de anima disputet, mentē propriam nusquam disertè aperit, evidens dubij atque ignorationis argumentum.

Ecquis verò in definienda quæstione proposita tueri audeat Galeni partes? Supponamus temperamentum formam esse Medicam cui acceptæ referendæ sunt actiones, quid sequetur? Illud certè; quemadmodū pro temperamenti varietate variantur formæ sic & ipsarum actiones pro varijs temperaturæ dispositionibus necessitate quadam determinari. Vtteriùs itaque progrediendum est, ac genuinæ formæ, quæ æterna est, cælestis planè ac diuina, libertas agnoscenda, hæc à corporeis quidē dispositionibus ex parte pēdet, quatenus ad alterutrum ab ipsis inclinari potest, cogi tamen, ac indomito quodā & ineuitabili impetu rapi, impellique, minimè potest.

*Libro de
format.
secus cap.
6.*



Εὐλοῖσι γομνατικοῖσιν αἱ ἐπ' ἄρον εὐεξίαι
 σφαλεραί· ὡς ἐν τῷ ἐχατῷ εἴπωσιν· οὐ γὰρ
 διῶναι μένειν ἐν τῷ αὐτέῳ, οὔτε ἀτρε-
 μέν, ἐπεὶ δὲ οὐκ ἀτρεμένον, οὐκ ἐπὶ δύναν-
 ται ἐπὶ τοῦ βέλτιον ἀποδιδόναι. Λέιπεται ἔν
 ἐπὶ τοῦ χείρον. Ἰστέον ἔν ἐνεκαίῳ εὐεξίῳ
 λύειν συμφ' ἐρμὴ μὴ βραδέως, ἵνα πάλιν ἀρχίῳ
 ἀναθρέψῃς λαβὴ τοῦ σώματος, μηδὲ τὰς συμ-
 τώσας ἐς τοῦ ἔχατον ἄγειν. σφαλερόν μὲν.
 Ἀλλ' ὁκοίη μὲν ἢ φύσις ἢ τῷ μέλλοντος υπο-
 μένῃ ἐς τὸ αἶμα.

Ὅσαυτως δὲ καὶ αἱ κενώσιες αἱ ἐς τοῦ ἔχατον
 ἄγχει σφαλεραί, καὶ πάλιν αἱ ἀναθρέψεις,
 αἱ ἐν τῷ ἐχατῷ εἶναι σφαλεραί.

Habitus in Athletis optim⁹,
 si ad extremū venerit, infidus.
 Non enim subsistere in ipso
 possunt, neque quiescere. Cū
 verò nullam quietem interpo-
 nant, neque in meliùs progre-
 di valeant, relinquitur vt in
 peiùs ruant. Horū igitur gra-

tia bonum habitum non lentè
soluere expedit, quo nutriri
denuò corpus incipiat: Neque
concidētias ad extremum du-
cere, periculofum enim. Sed
qualis natura fuerit eius qui
perlaturus eſt, ad hoc ducere.

Sic & euacuationes ad ex-
tremum deducentes dubiæ: &
rurfus in extremo conſtitutæ
reſectiones minimè tutæ.

Commentarius.

PRudenter admodum vti cœtera di-
uinus Plato res arduas exēplis optimè
declarari aſſeueravit, hæc enim exēplo-
rum vis, hæc natura eſt, vt rem omni pe-
nitus diſcuſſa caligine rudiorum etiam
ſēſibus, quaſi viſendam obijciant, quam-
obrem meritò hac procedendi metho-
do in præſenti aphoriſmo qui paradoxo
quibuſdam videri pōterat, vſus eſt Hip-
pocrates. Nouum enim fortasſè fuerat
& inauditum, optimam corporis habi-

in politico.

tudinem, damnare id quod proposito Athletarum exemplo etiā apud vulgus fidem nancisci potest. Non enim rudiores ignorant inuentos aliquos, qui cum ad huiusmodi habitum prouecti essent, repentina morte abrepti, periculi in quo versabantur grauitatem cœteris confirmarunt. Huius Porro habitus periculū demonstrat Hippocrates Enthymemate ex integra partiū enumeratione deducto hunc in modum. Neque persistere in eodem statu summa hæc plenitudo, neque progredi in melius potest, Quamobrem in deterius rēat necesse est.

Non datur aliquod quartum. Rectè itaque infertur huiusmodi habitum soluēdum esse, adhibita tamen sufficienti virium cautione. Idem iudicium faciendū est, in quocunque habitu Plethorico, seruata semper debita proportionē, quatenus videlicet magis aut minus ad Athleticum accedit. Iam nunc singulas propositi exempli partes illustrem⁹, Quiescere non possunt Athlete, neque in eodem subsistere, quia nunquam sic otiosus est, natius calor, quin cōcoquat, distribuat immutet, agglutinet, & partibus quantum in se est, applicet alimentū. At quæcunque horum fiunt, nullo sunt in som-

ma ē *vegia* emolumento, Quandoquidē pleno corpori nihil est quod adijcias, sunt enim singulis anima cōstantibus, sui termini, magnitudinis & paruitatis. Quænam igitur erit ingestorū vtilitas? Equidem in detrimentum, Et perniciem cedent, idque duplici ratione. Aut oppressa penitusque extincta vitali naturalique facultate, aut disruptis violēta dislentione vasis. Quid remedij? Bonum habitū solvere non cunctanter expedit, quò nutriti rursus corpus incipiat, hoc est: si nouo excipiendo alimento locum esse velis, protinūs id quod exuperate euacuatione detrahendum, hic interim accuratam doctoris industriam in hac voce *μὴ βεβήκως*, lector colligat: Qua tacite (imò verò aperte) innuitur subesse periculū in mora. Quæret aliquis, Qua euacuatione sit perficiēda solutio: Id tanquā per se notum Breuitatis studio prætermisit, Hippocrates. Et sane cum liquido constet hunc habitum laudati sanguinis copia vnde quaque refertum esse, grauissimis proinde atque repentinis casibus obnoxium: cui dubium fuerit magno simul, & extemporaneo, atque vniuersali præsidio opus esse, à quo redundās humor eximatur? Quamobrem

*Aristote. 2
de anima
C. 4. t. 41.
Idē habet
Arist. 1.
Physic.
C. 4. t. 36.*

*Galenus 6
Aphorif.
comm. 47.*

ad venæ sectionem quæ sanguinem, & occissimè, & maximè ex vniuerso detrahit, tanquam ad salutarem anchoram recurrendum. Verùm ex particulis (quod in omni disciplina fieri solet) deducamus si lubet, vniuersale documētum. Latent hic in singulis ferè verbis misteria palàm breuibus proferenda.

In dentis.

Dixerat alibi diuinus senex mittendum sanguinem si magnus sit morbus, æger florenti ætate, roburque virium adsit, addamus si placet, si sanguis exuberet, hæc cùm in omni copiosa sanguinis extractione requiratur omnia nobis in præsentī insinuauit: Ætatis quidem nominatim nullam mentionem facit, quoniã Athletica vita vegetam etatem supponit fortè etiam, quia sub viribus ipsam contineri putat. Plenitudo summa, summè bono Athletarū habitu denotatur. Morbi magnitudo his verbis cōprehenditur. Horum gratia, id est metu impendentis mali, Ne scilicet corpora in deterius ruant. Anteuertit enim Hippocratis doctrina, quâ nos docet quæcunque morbis præsentibus ritè peraguntur, Eadem aut incipiētibus aut imminentibus præuertēda. Moxque (vt ἐμφατικῶς esset oratio) subiecit bonum habitum soluere

*Gal. libro
de cur. ra-
tione per
sang. miss.
Cap. 9.*

expedit , (Non autem dixit , vt poterat & fortassè clariùs , sanguinem detrahere expedit) vt vnà cum iudicato, id connotaret , cuius gratia instituenda erat hæc actio. Virtutis denique apertè meminit dum inquit , Naturam, hoc est (Galeno interprete) vires eius spectandas qui perferre debet. Et hoc quidem alterum primum indicans (si Galeno credimus) verùm primum contra indicans poti⁹ appellandum , si magis propria & accommodata voce vti velis , à Galeno neque ignorata neque prætermiſſa , sed quodammodò neglecta, Nequis verò in metiendis viribus facilè aberraret, illas ex continentium vasorum statu definiuit, dum concidētias ad extremum minimè ducēdas monuit, hoc est non eò progrediendum esse dum concidant in se se inanita vasa.

*Eodem lib.
de cur. ratione cap.
9.*

Vltima Aphorismi clausula bina ex præcedentibus documenta profert , Primū est summas euacuationes periculo non vacare , puta ratione virium . Alterum est, extremas quoque repletiones extremis periculis obnoxias, id quod gymnastarum exemplo palàm factum est, & fiet in sequentibus latiùs.

Quæstionum series & ratio:

DEcem & octo quæstiones tertio Aphorismo diluuntur, omnes fere circa sanguinis euacuationem: de Athletico enim habitu sermo est Hyppocrati. Cuius habitus Nomine duo veniunt intelligenda: primum est summum continentium partium incrementum, in quod omni studio incumbunt gymnastæ, alterum contentorum.

De priore incremento prima quæstio est, utrum dari illud possit? siue an eo amplitudinis deuenire possint Athletæ, ut dilatari nequeat ulterius eorum corporis moles? De altero igitur copiose pluribus quæstionibus consequentibus, atque in primis, cum incrementum istud nihil aliud sit, quam vera plenitudo, à vere plenitudinis nomine disputationem ordimur. A nominis definitione ad Realem progredimur. Mox Plethoræ singulas species & differētias inuestigamus sumpta latius plethoræ significatione quatenus videlicet omni redundantia est communis.

Quinta, quæ huic proxima est quæstione singularum specierum iudicia proponuntur.

Ab iudicijs, ad incommoda quæ ab unaquaque specie particulatim emergunt descendimus.

Quæstione

Questione septima deuenimus ad curationem, quæ in boni habitus solutione consistit, ut notat Hippocrates.

Questione octaua ex his Aphorismi verbis, bonum habitum soluere expedit, colligimus ipsum bonum habitum, hoc est plenitudinem, verum & legitimum sanguinis missionis indicans stat uendum. Id, quoniam minimè à Galeno videtur receptum, ita esse ex ipso Galeno & rationibus demonstratur. Galenus quidem tria venæ sectionis indicantia proposuit: Virium robur, ætatem florentem, & morbi magnitudinem. Nos (ut modò dicebamus) euacuationis sanguinis unicum agnoscimus indicans plenitudinem: Phlebotomia, hoc est euacuationis sanguinis per sectam venam magnum morbum cum plenitudine.

*Quid vero indicent vires, quid alia ple-
raque ad virtutem referenda, aperit nona
questio.*

De indicatione ætatis tractatur quest. decima.

De indicatione magni morbi quest. undeci.

*Denique de indicante sanguinis euacuandi
quantitatem duodecima qu. pertractatur.*

*Neque verò ista præter Hippocratis institu-
tum: Non præter subiectum Aphorismi: To-
tus circa proposita indicantia versatur.*

*De plenitudine dubium nullum est. Magni
quidem morbi nulla explicita mentio, quam-*

quam non obscure hac clausula notatur, sequitur ut in peius ruant, in peius (inquam) hoc est in graua accidentia, in lethales morbos: Lassitudinem phlegmonodem, dolores atrocissimos, apoplexiam, vasorum ruptiones, phlegmonas, febres continentes aliaque his finitima quæ minatur plenitudo, quibus non modo presentibus medendum, sed & futuris serio prospiciendum, quod utrumque exequitur Athletici habitus solutio. Vnde manifesto colligitur argumento non curatiuum, quod à solo presente morbo indicatur, esse praesidium vene sectionem, sed verè praeservatiuum quod solam causam respicit & attingit.

Ætatis & virium meminimus non ut iudicantium, sed ut contra iudicantium potius: neque id extra Aphorismum; is utrūque comprehendit Φύσεως appellatione, hoc est naturæ. Verum non quod diuersam ab ipsa natura siue à naturali facultate iudicationē ætas afferat, de ea separatim orationem instituimus, quin è contrario potius, ut doceamus præter multorum opinionem ætatis iudicationem sub facultatis iudicatione contineri, sed de his in controuersijs.

Quantitas his verbis limitatur, concidētiæ ad extremum non sunt ducende.

Digna hæc scitu & necessaria ad fœlicem praxim, non hic subsistendum tamen, sed sci-

endum prætereà ex qua parte sit euacuandus sanguis, ad hoc instituta decima tertia quæst. ubi ex propositis exemplis accommodatam diuersis casibus venã facili negotio lector eliget.

Vt porro suus est cuique corporis affectui conueniens euacuationis locus, ita & differentijs plenitudinis singulis sua respondet quantitas. Hinc orta quæstio decima quarta in vtra Plethora, in pura ne an impura sanguis largior sit profundendus.

De tempore non minor est difficultas, noster admirabilis Hippocrates μὴ βεβῆως hoc est non cunctanter, sed statim bonum habitum solui imperat: Urgent in contrarium vulgares & primam venæ sectionem in extremos usus differri suadent, ab vtra parte standū iudicemus docebit decima quinta quæstio, li-temque omnem dirimet.

At quæ sequitur grauior fortè futura est, ut quæ grauiores habeat fautores, Medicos & Philosophos in utramque partem decertantes, illis negatibus persisteret vitæ finire nutritionem unquã posse: his affirmantibus, quibus fauere videntur hæc Aphorismi verba, ut rursum nutriri corpus incipiat: Nam si rursus incipit nutritio, ergo desijt, distinctione adhibita nodum explicabit, quæstio 16.

Postremas duas quæstiones ex postremis Aphorismi verbis deducimus. Dicit Aphorif-

mus extremas euacuationes & refectiões esse periculosas, an ita sit decima sexta quæstione inquirimus. Vtrumque terminum inter se confert ultima quæstio, & varijs rationibus utrò citròque illud agit, utrum extrema euacuationes extremis refectiõibus sint periculosiores an contra. Vides studiosè lector, quantum nostræ exercitationi campum aperiat brevis Aphorismi sententia. Plura de sectione venæ quæsita proferre potuissimus quæ ad particularem potiùs tractatum susceptum ex professo, quàm ad interpretis munus pertinent. Quæcunque à nobis extrà Aphorismum sunt inserta, non sine fructu legentur, imò verò, si eorum necessitatem spectemus ingenuè fatebimur non debuisse prætermitti.

*Vtrum dari possit summus
Athleticus habitus.*

QVÆSTIO PRIMA.

AThleticus habitus non solam vasorum plenitudinē, sed vastam quoque molem corporis sua significatione comprehendit, Nam amplificandæ una cum viribus membrorum moli omnem operam impendunt gymnastæ. De hac nobis in præsentē differitur: de plenitudine postea sequentibus quæstionibus.

Duplicē porro intellectū recipit hæc quæstio. Primus est in genere. Num scilicet definita sit quædam hominibus totius corporis, & singularum partium magnitudo, certa que in vniuersum quantitas vltra quam omnino nequeant exporrigi. Alter in particulari: Num sua sit cuique propria quam prætergredi non liceat. Nos vtrumque eodem negotio paucis examinabimus. Quicquid generatim decerneretur, debet vnicuique indiuiduo particulari proportionē accomodari. Pendent enim (quantum ad præsens negotium) ab ijsdem principijs omnia, æquali lance ponderantur, Neque solius magnitudinis memores, paruitatis obliuiscemur: Quandoquidem amborum, in corporibus organicis eadem disciplina est & ratio, communi doctorum suffragio comprobata (in organicis inquam) Est enim in homogeneis fortassè dispar & dissimilis: Qua in parte Philosophos video, in contrarias distrahi sententias, Quorum aliqui cum nullum in elementis, & mixtis animæ carentibus magnitudinis agnoscant terminū, certum nihilominus paruitatis limitem in his ipsis constitutum volunt (sed hæc ab instituto nostro sunt aliquantum aliena) de animatis firma sit hæc atque indubitata conclusio: Certos ipsis stabilitis vtrunque limites humano sensui & iudicio prorsus incognitos, sui tantum opificis & moderatoris admirabili scientia comprehensos. Et hi quidem termini naturæ particularis imbecillitati tribuendi

sunt, cuius vis & ἐνδελέχεια suis quoque terminis est circumscripta, impium alioqui foret immensam, atque infinitam naturæ Architecti potentiam finitis legibus adstringere.

Admittendos hosce terminos testis est Hippocrates in præsentī, dum extremam plenitudinem supponit, vltra quam processum in melius tribui negat. Cui palam ascentitur Peripateticorum princeps multis in locis.

Primum enim hoc nomine ab animatis distinguit inanima, quod hæc in infinitum possint excrescere, illa non possint.

Præterea perficendi cuiuslibet animalis certam asserit esse quantitatem tum ad maius, tum ad minus.

1. Phys. 1.
36.

Quo fundamento posito Anaxagoræ, principium funditus euerit, statuentis atomos quasdam, minimasque rerum portiones: in quem hoc argumento insurgit. Animal sub quacunque quantitate subsistere perfectè nequit, ergoneque animalis partes, quarum eadem est ratio, cū suo toto: Quorsum enim instrumenta nisi ad actionem? hæc igitur affabre efformari oportuit, quare non modo legitimam figuram, sed & quantitatem requirunt conuenientem, ad operationes potissimum humanas, quæ vti omnium sunt perfectissimæ, ita sanè integram sequuntur causam, proinde ad ipsas probè obeundas inepta prorsus nimium exilis, neque vsibus accommoda illa est quæ moderationē excedit. Idem in arte elaboratis cernimus, maiora enim in-

strumenta, ne à potenti quidem virtute nisi tardo admodum & planè difficili cientur motu. Dices seruata corporis proportionē ad maiorem partium molem, firmiores quoque vires accedere: id quod Titanum exemplo confirmare licet, qui proprio robore confisi, & ingenti membrorum magnitudine (si antiquis credimus) ausu temerario dijs ipsis bellum intulerunt. Procedit equidem istud argumentum quamdiu aliquis supponitur modus. Si progrediare vltcrius, & immensam aliquam corporis compagem animo concipias, illam ad humanas functiones quàm plurimas planè ineptam intelliges. Et sanè si nullis vtrinq; definitæ terminis nostræ dimensiones, sub quocunque termino forent operationibus idoneæ, credibile est in vtroque genere naturam aliquos producturam fuisse, qui ordinarios limites aut multis partibus superarent, aut ne vel minimum æquarent. At quis vnquam hominem vidit, aut in veterum monumentis scriptũ reperit sub animalculi quantitate latuisse; aut ad aliquot terræ iugera fuisse extensum. Pholiphemum Homericum allegabis, aut nugacis cuiusdam Aristarchi Gargantum. Illi certè vsitata poetis hyperbole vastam corporis molem depingere licuit. Hic efficto nomine quod à græca dictione γαργάρων fortè deduxit, quæ guttur significat, inexplebilem quorundam Principum (quos δωροφάγους vocat Hæsiodus) ingluuiē, tanquam in ænigmate expressit, vel si mauis

à γαρφαγε, quod pro rugenti multitudine ponitur eorundem innumerabiles affectas sola voce significauit,

At cadere in animum nequit vt ex tantillo semine producat in immensum corporis amplitudo. Dices materiæ defectum alimentis suppleri. Sed continua alimentorum actione debilitatur innatus calor ac tandem elanguescit, quamobrem sensim siue sensu humor omnis absumitur, atque ita exsiccatur partes solidæ vt extendi ampliùs & dilatari nequeant. Id quod apertè testatur frigidi, exsuccii, rugosi senes; & ij quoque qui abdominæ seruietes, solo crescunt ventre, pinguedine intumescunt, solidioribus partibus ne hilum auctis. Instabis hæc in Athletico habitu locum non habere, vegetus quippe est Athletarum calor, illorum corpora humoris & succi plena, calida planè & humida membrorum temperies, & vniuersa constitutio. Demus ista (sunt enim è re nostra) quibus suppositis ita inferimus. Si ne instrumento quidem optimè disposito, & sufficienti materiæ appulsu, noua corpori accretio ampliùs accedere non potest (nam illud saltem non negarint, si qui cōtra sentiunt, vltra trigesimum annum in longum protendi neminem, quare protensis cæteris dimensionibus nulla seruaretur proportio, longitudinem superaret in immensum latitudo. Concludendum necessariò est terminum cuique à natura præscriptum, quem

excedere, sit prorsus ἀδύνατον. Colliger fortasse argutus aliquis, augmenti terminum non in naturæ impotentiam, sed in auctoris voluntatem referendum.

Respondeo hanc impotentiam ex ipsis principijs sequi, nempe ex spermaticis partibus quæ cæteris instar basis & fundamenti substernuntur, quæ cùm accrescere non possint ulterius, quàm pro suæ naturæ copia, Neque vnquam vim ab alimentis accipiant æqualem ei quam à primordijs obtinuerunt, reliquis etiam partibus certum accretionis modum præfiniunt. Tanta idcirco fit accretio, quanta per ipsas licet, quod super additur in pinguedinē faceffit, non in legitimam auctiōnem.

Sed instabis ulterius si crescere in infinitum possunt homogenea? Quidni & heterogenea? Nunquid ex illis ista componuntur? Distinctione adhibita nodus hic dissoluendus. Bifariam considerari solent homogenea, vel in se, vel in ordine ad heterogenea. Si primo modo spectentur, nullis ex se & ab intrinseco finibus limitantur, crescunt in infinitum appositione materiæ. Sin ad heterogenea referantur, tanquam ipsorum partes, sui totius sortiuntur naturam. Ratio diuersitatis hæc communiter assignatur; Quoniam viuētia ab intrinseco sumunt incrementum, versis in substantiam propriam alimentis, ab intrinseco quoque terminentur necesse est. Inanimata non item; augentur enim ab ex-

trinfeco applicatione similium, sic ex riuulis flumina: ex lapidibus domus; ex scintilla fit incendium.

Oritur circa hosce terminos grauior difficultas, quæ controuersiam peperit, inter Philosophos non vulgarem: Sintne videlicet intrinseci an extrinseci. Quid intrinsecos & extrinsecos vocent explico, ne ambiguitas nominum difficultatem augeat.

Terminos hosce quidam per sic & per non exponunt hoc modo. Intrinsecos appellant Maximum quod sic, minimum quod sic, extrinsecos maximum quod non, minimum quod non: Tumque ita definiunt.

Maximum quod sic est terminus magnitudinis intrinsecus sub qua res esse potest, sub maiore non potest. Exempli gratia potest esse homo magnitudinis octo pedum, at progredi vltius nequit.

Minimum quod sic est terminus paruitatis intrinsecus sub qua forma stare potest, sub minore non potest. Verbi gratia inuenietur homo trium pedum magnitudine, at non sub minore quantitate. Hi termini dicuntur affirmatiui, positiui, intrinseci, quia forma potest sub illis consistere.

Maximum quod non est terminus magnitudinis extrinsecus sub qua res esse nequit, sub quocunque minori potest, vt si homo ad magnitudinem nouem pedum peruenire non possit, & sub quacunque minori possit subsistere.

Minimum quod non est terminus paruitatis extrinsecus sub qua res esse nequit, sub quacunque maiore potest.

Verbi causa sub duorum pedum paruitate stare homo nequit dum incrementi tempus est prætergressus, sub quacunque longiore quantitate potest. Hi termini dicuntur extrinseci & negatiui: quoniam sub illis conseruari forma non potest. Ignoscant tantillum Ciceronianæ aures dum in Philosophicis terminis versamur.

Iam quæstio est vtrum possit animal summū aut infimum quantitatis terminum assequi? Vt verum sit dicere sub hac quantitate esse potest, sub maiori aut minori non potest. Equidem (vt breuibus aperiam quod sentio) ita esse arbitror. Mouet me diuini Hyppocratis auctoritas in nostro Aphorismo. Dicet aliquis afferri id ab Hyppoerate exempli gratia, ita interpretatur Galenus, cæterique omnes qui in hunc locum commentaria ediderūt: exemplorum autem non requiritur veritas. Respondeo veritatem rei vna cum auctoris mente ex integro discursu facile percipi. Primum inquit proficere talem habitum in melius non posse, quod manifestè absurdum esset, nisi foret extremus. Præterea soluendū hunc ipsum mouet, vt rursus nutriri corp⁹ incipiat, ergo cessat in hoc habitu nutritio, non aliam ob causam quam quod ventum sit ad extrema, Agente enim naturali valido existente, materia sufficienter, & conuenienter applicata,

& disposita necessariò sequitur actio, quid ergo impedit cum hæc in Athletis recipiantur omnia, quò minùs ad extremum procedat augmentatio? An extremum illud natura perhorrescet, sub quo seruari potest? Obijciunt, qui pro alienis castris decertant consequi grauißimum absurdum hoc posito, nempe desinere hominem per vltimum sui esse. Fingamus verbi gratià summum hunc Athletam punctiõne vespæ intumescere. Necessario morietur in illo instanti, aliàs falsum erit suppositum aut dabitur maior maximo. Iam ergò cùm tumefactio (vtri & motus omnis) incipiat in instanti extrinseco, in quo verum est dicere res non est immediatè post erit: Desinet necessariò homo in instanti intrinseco, in quo verum erit dicere, nunc est immediatè post non erit. Tunc enim reuera est, cùm iam incipit inflatio, aliàs ab inflatione destrui non posset. Ecce quomodò ex musca Philosophi quandoque faciunt elephantem. At hæc eorùm argumentatio seu argutia potius nihil concludit: Nobis enim sermo est quæadmodum & ipsis de augmento naturali, qui est motus ad quantitatem propriam viuientis: illi obtrudunt inductum in conformatione vitium ab extrinseco. Longè grauius, & Philosophiæ Medicinæque conuenientiùs, hoc dilemmate & sorte vrgere licuisset, vel nutritio fit in Athleta vel non, si non quid impedit, in tanta copia sanguinis, tamque vegeto calore? si nutritur necessariò augetur, plus

enim restauratur quam deperdi possit: si auge-
tur, moritur, aliàs falsum esset suppositum:
si moritur desinit per vltimum sui esse prop-
ter allegatam rationem.

Ad istud argumentum dicimus, non nutriri
summè pleni habitus Athletam, & per conse-
quens non augeri. Nutritionem enim suppo-
nit auctio: neque si nutriatur adaugeri putan-
dum est, aliàs summè plenus dici non posset.
Non nutriri ex Hippocrate ipso antea didici-
mus, dum plenitudinem ideò eximendā mouet
vt noua incipiat nutritio. Quod non solum
de nutritione salubri, & ad bonum corporis
habitum tuendum conferente debet accipi
(vt doctè & acutè à doctissimo quodam mi-
hi φιλοφελθᾶτω Medico obiectū est) sed sim-
pliciter de nutritione quæ est alimenti in sub-
stantiam viuētis transmutatione, id notat di-
ctio πάλιν ab Hippocrate addita, qua non
obscurè innuitur de eadem nutritione sermo-
nem esse, quæ ante summè bonum hunc habi-
tum fiebat. Talis autem erat qualem defini-
mus, & hæc quàmuis antea maximè incul-
pata foret, ex accidenti parum salubris cenferi
potest, vt pote quæ ad periculosum habitum
deduxerit, neque refragatur Galenus, dum in-
quit naturam coctionem, distributionem, san-
guinis generationem perpetuò operari etiam
in habitu Athletico.

Id intelligendum quantum in ipsa est, vt in
commentario exposuimus. Et quasi obijcia-
mus nobis ob oculos ventericulum ita oppletū

cibo, suis ut partibus fungi nequeat. Annetum laudabilis generatur chylus? Imò verò coaceruantur crudiores succi, incoctus remanet cibus, tandemque vomitiones & fastidia obtingunt præ pondere oppressa facultate retrentrice & expultrice lacerata. Eodem planè modo neque exuberantem sanguinis quantitatem ferre possunt cæteræ corporis partes, si hanc ferant non concoquunt. Est enim in quadam moderatione posita naturæ conditio, in copia opprimitur, in defectu iacet effœta, tandemq; marcescit: Si concoquunt in propriam substantiã non conuertunt. Nam cum nutritionis duplex sit finis constitutus, alter ut reparetur id quod deperit: Alter ut legitima & consentanea acquiratur partium dimensio, sublato eo cuius gratiã cessare effectum necesse est. Quamquam non diffitemur rebus omnibus natura constantibus necessitatem aliquam imponi ex materia forma & efficiente, præcipua tamen primaque à fine, tanquam à præcipua & prima causa sumitur. Ita sensit Philosophiæ parens, & meritò, si modo tanquam verum admittimus tritum illud apud Philosophos axioma: Quicquid est causa causæ, esse etiam causatæ causam. Nam cum liquido constet finem cæteris causis ac potissimum efficienti necessitatis legem imponere, nullus relinquitur dubio locus quin hæc in effectum necessitas redundet à fine, tanquam mouente primario: istud forsitan in agentibus liberis admiserit quispiam, quod in pure naturalibus negarit,

quæ necessario operantur. Itaque vti hæc à fine, cuius notitiam nullam habent ad actionem incitari non possunt, ita neque cessante ipso ab actione reuocantur. Verum omnia agentia naturalia, agere propter finem adeò receptum in Philosophia est, quam quod verissimum. Hunc porro finem naturæ cognitum esse aut incognitum nihil attinet.

Nouit.

εὐρύνοπα Ζεὺς.

πάντα ἰδὼν Διὸς δ' ὀφθαλμός, καὶ πάντα νοήσας.

Iuppiter is qui cuncta videt, quique omnia nouit.

Hesiod. opertum est dierum libro 1.

Ideoque inuiolabilem naturæ legem hanc ex se voluit. Prodeunt in dies stupenda naturæ miracula nostrorum sensuum iudicio subdita, quibus necessitatis quadam lege ratione finis obligari naturam docemur. Fertur in altum aqua suo pte imperu repugnante propria natura, descendit aër nullo impellente, quorsum hæc ne dato vacuo pereat vniuersum. Cernimus in nobis ipsis capillos noua fuliginum accessione grandescere, supercilia, & cilia, ne quam nobilissimo sensui molestiam afferant suis se terminis continere. Quid plura? Adinuenit natura sibi ipsi itinera non cogitatione, partim quidem vt conuiuere, partim verò & lingua subministrat, Et id genus alia quoque inerudita & indocta quæ opus sunt efficit, Nam si bimo puero panem ostendens, cum hoc ipso nomine simul demonstrans panem voces, idque bis terque feceris puer demonstrati corpore

Hippocrates 6. epidem. parte 5. l. 2. ubi. Galenus in comment.

ris; hanc vocem panis signum esse vt intellexit, ipsam imitatus pronuntiat cùm à nullo vt linguam moueri oporteat ipse didicerit. Idem quod in hoc, & in alijs quoque motibus omnibus quos appellant voluntarios ab omnibus fit animalibus.

Vsq̃ue adeo naturæ vis ad ea quæ animalibus conducunt rectiùs præstanda, qualibet arte potentior! Hisce nos argumentis deuicti, finis vim necessitatemque agnoscimus, cum in anima carentibus, tum in animatis expressam quorum virtutes atque instrumenta cum ad actiones referantur, ideo pro varia actionum necessitate varios motus sine cognitione exerunt: hoc eodem principio conuicti, etiam nolentes rapimur in cognitionem atque admirationem incomprehensæ illius sapientiæ, quæ suprema bonitate à se efformata, pari sollicitudine & clementia moderatur & fouet. Nos (inquam) Medici vulgo Athëismo suspecti, qui toti in contemplandis diuinæ effectibus, dies noctesque incumbimus. Quum iustè à leuioribus atque in maledicentiam pronis homuncionibus tantæ turpitudinis nobis iniusta sit nota, viderint sapientes.



Quid plenitudinis vox significet?

QVÆSTIO SECVNDA.

Varia nomina quibus abundantia significatur passim in his Aphorismis, & alibi sæpè apud Hippocratem, & Galenum reperiuntur: inter cætera frequentissima sunt ista *πλεονεξία, πλήθος, πλησμονή, πλήρωσις, πληθύνει*: De quibus nonnulla in præsentia, pro auctorum faciliore intellectu delibanda,

Omniùm latissimè sumitur *πλεονεξία* Imò ita amplè, vt non humorum modò aut cuiusvis substantiæ redundantiam notet, sed & qualitatum quoq; excessum cõprehendat, sic *ἰσχυρότης πλεονεξίαν* apud Galenum legimus. *8. methodi* Obmitto interim cæteras acceptiones, à nostro proposito alienas, grāmaticis familiares. Meritò igitur cùm cæterorùm amplissimum sit, *πλεονεξίας* nomen, cæteris tanquam gen^o præfigetur.

Amplam quoq; significationem apud probatos Philosophos & Medicos sortitur ὁ *πλήθος*, nam de quantitate dicitur tam continua quàm discreta, Sic *πλήθος χρόνον* diurnitatem temporis, & *χίλιον ἰσὶ πλήθος ἡσπν* mille erant, numero inquit Aristoteles. Plato *in Politicis in Timæo lib. de legi.* verò *πλήθος ἀμύχανόν* pro multitudine infinita. Et *ὁπόσα μέρη πλήθος* quot partes numero.

4 de fan-
tate tucn-
da.

Verùm à Medicis quantitati dumtaxat con-
tinuæ frequentius tribuitur, humorum puta
abundantiæ, siue omnes æqualiter, siue vn⁹
isque à sanguine alienus augeatur, vt nihil
aliud videatur πληθος quam ποσότης. Ita Ga-
lenus ὅτι πληθος ἴσ' πλενιάζοντος χυμοῦ hoc est
copiam redundantis succi, καὶ τῷ διάφορον,
& differentiam considerandam monet: quan-
quam vt plurimum soli sanguinis exube-
rantiae accommodatur. Quemadmodum &
πληθώρα & πολυαιμία sed differunt tanquam
genus & species ratione loci. Est enim πληθος
καὶ πληθώρα (vti definiemus postea) vniuersa-
lis sanguinis redundantia: πολυαιμία vni-
uersalem & particularē complectitur. Hacten-
us inter auctores nulla controuersia est,
quamuis in his ipsis dictionibus latinè red-
dendis non ita coueniant. πληθος & πληθώρα
nonnulli plenitudinem & plenitatem, alij
multitudinem latinè dici iubent. Priores re-
ijcit Argenterius, quem ea quæ mediocrita-
tem non excedunt, plena etiam appellamus,
multa non nisi τὰ ἀμέλεια id est immodera-
ta, vt quoque nomen excessus est πληθος.
Grammatica est hæc disceptatio, atque inu-
tilis, cum liquido constet auctores in re
conuenire, nomine tenus discrepare; dicam
tamen quod sentio, quandoquidem video
Argenterium in euertendis aliorum placitis
plus iusto de industria occupari. Multitudo
igitur (veluti ex communi loquendi modo
colligere est) copiam denotat, non tamen

eam necessariò quæ moderationis limites transfiliat: hoc modo si quem multùm cibi ingessisse dicamus, non illicò multùm illud pro nimio habebitur: contra verò plenum cibis pro eo qui excefferit ferè semper audiemus, ita Terentius vini plenum pro ebrio vsurpauit, id vox ipsa sonat plenum si quidem illud vocant, cui nihil addas; quamobrem Athletarũ habitum qualem describit Hippocrates plenum iure merito nuncupabimus. Quanquam siue multitudinem efferre malis per me licebit modo de re conueniat, logica prorsus Medicoque indigna de verbis contentio, passim à Galeno reiecta. Addam interim falsum esse perpetuo excessui significationi tribui τὸ πλεῖστος, vt ex Aristotelis, Platonis, & Galeni verbis antea citatis manifestè patet. Longè grauiorès lites excitat vox πλεσμονή quæ Fuchsius animum in Valeriolam vsque adeò concitauit, vt à rationibus tandem progrediatur ad conuicia. Rationes perpendamus, hæc aniculis relinquamus.

πλεσμονήν Fuchsius cum Celso satietatem interpretatur, neque aliud significare posse contendit. Satietati atque humorum in vasis plenitudini dari hoc nomen Valeriola asserit, suis tamen rationibus vix aliquid conficit. Vrget contrà Fuchsius multis argumentis. Primum quidem inquit si binas redundantie species vna voce, diuersis in Aphorismis Hippocrates intellexit, confusionis certè auctor

fuerit. Præterea quis vnquam sanæ mentis euacuationem plenitudine curauerit? Ergò cum inquit Hippocrates ἀπὸ κενώσεως νοσήματα ἵηται πλησμονή, plenitudinem interpretari nō licet. Denique hæc Galeni verba nullam patī instantiam videntur ἢ πλείων θροφή ἢ σωματος φύσεως ὀνομάζειται ἢ πλησμονή. Plus cibi quàm naturæ conueniat πλησμονή hoc est satietas appellatur. Fuchsijs sententiā confirmant, illa Hippocratis οὐ πλησμονή, & λιμός &c. Vbi λιμὸν famem ἢ πλησμονή op-
ponit, satietatis autem non plenitudinis fa-
mes est ἀντίθετον.

Dicet contra hanc vltimam rationem aliquis, si famem satietati opponimus vni duo erunt contraria, quod in omni Philosophia est inau-
ditum, ergò in Aphorismo nuper allegato, vbi ἢ πλησμονή op-
ponitur κένωσις non autem λιμός πλησμονή plenitudinē significabit. Huic obiectioni Fuchsijs nomine nullo negotio sa-
tisfiat, si ex præcedentibus repetamus euacu-
ationē quā Græci κένωσιν appellant aut κενάγ-
γειαν generis & speciei locum obtinere: Po-
steriore modo plenitudini dumtaxat propriè
dictæ, at in ampla illa acceptione cuius-
que repletioni aduersatur, siue illa sit ciborū
quam satietatem propriè latini vocant; siue
prauī alicuius succi, quam κακοχυμῖαν: seu
denique inculpati sanguinis, quam peculiari
nomine πληθώραν appellari diximus. Eē qui-
dem huic postremæ, quæ sanguinis redundan-
tiam adimit euacuationis nomen peculiariter

2 Aphor.
22.

2. Aphor.
com. 17.

2. Aph. 4.

Aristotel.
5. Physic.

ab Hippocrate tribuitur. Manet ergo firmum atque indubitatum, & cum præfenti doctrina constans illud axioma, vni & vnum est, vnicum solummodo esse contrarium, idque maximè in verè contrarijs, Neque desunt præter allegata sexcenta alia à Galeno & probatis auctorib⁹ testimonia Fuchsi interpretationi vnde quaq; cõsona. Nihilomin⁹ tamẽ, non possum non in aliam partem inclinare, & fateri πλησμονὴ & pro satietate, vt hæc tẽpus demonstratum est, & pro multitudine, vt putat Valeriola, & pro refectione quandoque vsurpari, Quoad secundam sectationem attinet testem appello Galenum 2. ad Glauconem vbi repletionem humorum χυμῶν πλησμονὴ appellat qua auctoritate palam est πλυσμονὴ ad solam satietatem referri non posse. Vti verò eadem dictione Hippocratem in tertio significato pro ἀναθέρψις (cuius in præfenti Aphorismo memini) non negat Fuchsius. Fatetur enim comm. 22. sect. 2. πλυσμονὴ quam in sua versione ediderat satietatem, commodiùs refectionis voce explicari, ne arbitrentur rudiores, satietatẽ (quam πλείονα τροφὴν τῆς τῷ σώματος φύσεως definierat Galenus) euacuationem curare. Eodem sensu 2. Aphorismum 21. ait Hippocrates πληρῆσαι ποτὶς ἐρεὼν, ἢ σίτης faciliùs impleri potu quàm cibo, pro ἀναθέρπειν, quod est refici.

Hæc cum non ignoraret Fuchsius, miror qui in mentem ipsi venerit negare πλησμονὴ aliud quicquàm quàm satietatem significare, Sect. 5. li. 2

ob hoc fortasè præcitato commentario tacitè satietatem distinguit, in eam quæ amplius, & eam quæ non amplius quàm euacuatum est reponit, quæ duo tanto à se inuicem intervallo discrepant, quanto quæ sunt disparata. Vt non minùs retorqueri in ipsum queat quod in Valeriolam torserat, Hippocratem scilicet confusionis parentem fuisse, qui non modo in diuersis, sed in vno eodemque Aphorismo duo sibi non parū opposita vna eademque dictione expresserit. Nos in vtriusque gratiam huiusce modi solutionem à Grammaticis mutuati, respondebimus, vnum denique verbum non rarò contrarijs rebus adaptari, tumque loquentis intentionem aut ex præcedentibus, aut ex consequentibus, aut ex subiecta materia captandam. Ita in presenti, cùm absurdum sit existimare excessum aliquem alio excessu tutò emendari, facile colligere est acutissimum doctorem *πλησμονῶ* quam in priore Aphorismi parte pro satietate posuerat, in posteriore non pro eadem re, sed pro refectione potius, (à qua euacuationis vitia commodè & blandè reparantur) intelligi voluisse, his ita constitutis suo pte corruunt impetu quæcunque à Fuchfio in Valeriolam sunt obiecta.

πληρώσεως vocabulum, quod nos vltimo loco posuimus, in idem ferè cum *πλησμονῇ* concidere arbitror, nam desumpto ex notatione argumento quamlibet repletionem videtur designare: sed restringitur vulgò apud

doctos ad eam quæ est alimentum. Quod quidem Galeni testimonio confirmari potest, is enim in calce commentarij, hæc præsentis Aphorismi verba, αἱ ἀναθρέψεις, αἱ ἐν τῷ ἐσχάτῳ εὐῶσαι: hoc est refectiones in extremo positæ, περί τῆς ἀκροῦ πληρώσεως exponit, id est de summa plerossi. In eundem sensum explicari debet vltima particula sequentis Aphorismi, καὶ γὰρ αἱ πληρώσεις, αἱ ἐστὶ ἐσχάτον ἀφιγμέναι χαλεπαὶ hoc est (vt ego interpretor) nam & extremæ ciborum repletiones, siue, (quod perinde est) extrema satietas difficilis, non autem simpliciter repletiones, vt Leonicen^o & Plautius verterunt θῆς ἐξ ἐλεπῆς διαίτης ἢ ἀκροβῆς, tenuis, & exquisiti victus non repletio, sed satietas est antithetū. Quapropter redarguenda est Fuchsiij interpretatio, nisi expletionis nomine satietatē intelligat, nam explere pro satiare latiniores dixerunt, sic Plautus Ædopol, næ ego hic me intus expleui probè, & equidem reliqui in ventre Cellæ vni locum vbi reliquias reliquiarum recondere. Verum ego me totum hætenus grammaticis immiscui, atque implicui, eò lubentius, quod non planè extrà rem & infructuosa visa sit huiusmodi disquisitio, ad quam clarissimorum virorum (fortè grauior quàm res ipsa postulabat) disceptatio me adegit, iam nunc ad definitionem veniamus.

Quæ sit Plethora definitio?

QVÆSTIO TERTIA.

DEscribitur hunc in modum à Galeno
 13. Method. 6. ὅταν μὲν ὁμοσίμως ἀπλήλοις
 αὐξηθῶσιν οἱ χυμοί, πλήθος τῶτο καὶ πληθώρην
 ὀνομάξουσιν.. Cum æqualiter adaucti fuerint
 succi illud plenitudinem nominant. Idem re-
 petit & pluribus explicat 2. de medicam.
 secundum loca .i. dum ait πληθώρην γίνεσθαι
 τῶν τεσσάρτων χυμῶν, ἀνάλογον αὐξηθέντων, ἢ
 τῶ ἀίματι μόνῃ. Hoc est, Plethora est hu-
 morum quatuor seruata proportionē adaucto-
 rum, aut sanguinis solius. Quam definitionem
 Aphrodisæus 2. Problematum ad verbum
 transtulit, ἐν δὲ (inquit) οἱ τέσσαρες χυμοί,
 κατ' ἀνάλογίαν αὐτῶν πᾶσιν αὐξηθεῖεν, πλη-
 θώρην λέγεται. Si verò quatuor humores ser-
 uata suæ quantitatis proportionē fuerint
 adaucti Plethora dicitur. Quid iam per
 αὐξηθῶσιν siue αὐξηθέντων intelligendū putet,
 indicant hæc quæ sequuntur πλεονάζον, ὅ
 διμα ποιεῖ μόνον πληθώρην solus redundans
 sanguis Plethoram efficit. vbi longè melius
 & significantius verbo πλεονάζον vsus est
 quod excessum denotat non quemlibet vt
 αὐξανόμενον vel αὐξόμενον, sed notabilē qua-
 lis ad Plethoram requiritur. Qua de causa
 non satis cumulatè rem explicānt præfatæ
 definitiones, cum hoc nomine, tum etiā quia

Item lib. 4
 method.
 C. 4.

augmenti locum non declarant: si quidem cum partem aliquam corporis occupant humores, plenitudinem non efficiunt propriè dictam, sed Phlegmonem; aut quid aliud, puta *πολυσαιμία* particularem. At verò tum demùm Plethora est cùm immodica humorum portio in toto consistit. Ex quibus legitima hæc definitio desumi potest: Plethora est humorum aut omnium seruata proportionē debita, aut solius sanguinis in toto corpore redundantia, cum vasorum distensione. Dicitur, humorum omnium aut solius sanguinis, solus enim sanguis in Plethoricis dispositionibus amplissimum excessum adipisci potest, nullus aliorum humorum potest alioqui pro plenitudine Cacochymiam efficient. Neque id satis est, ut humores omnes augeantur, nisi etiam proportio seruetur; quanquam levis vnus excessus Cacochymia non procreat. Neque tamen necessarium est, ut in omnibus omnino partibus Plethorica dispositio inueniatur, dummodò in plurimis & præcipuis, quibus recepta loquendi consuetudine totius denominatio tribuitur. Deniq; non omnis exuberantia, at ea quæ tēsiōnē facit plenitudinem parit, nam si sanguis eatenus augeatur, ut venas nondum distendat, Plethora non est, inquit Galenus. His sufficienter, quantumuis breuiter explicata videtur Plethoræ definitio: dissidentes tamen inter se video Medentium animos, quorum ut lites componamus, tria sunt ad examen

Libro de plenitud. Cap. 11.

Gal. ibid. cap. 11.

ibid. ca. 11.

ibid. c. 11.

idē lib. de plenit. c. 7

243 *APHORISMUS TERTIVS,*
accuratiùs reuocanda. Primum quare dicatur
reuocanda. Primum quare dicatur solius san-
guinis : Alterum aut humorũ omnium. Ter-
tium seruata proportione.

Illud in primis fundamenti loco statuẽdum
est, plenitudinem qua de loquimur, seu Athle-
ticum habitum (quem postrema definitione
expressimus) in solo sanguine consistere, neq;
vnquam, ab ijs humoribus effici, qui à san-
guinis natura recesserunt.

Veram plenitudinem intelligo, quam post-
modum à spuria suo loco distinguem⁹, Quo-
rum igitur (inquis) humorum omnium in
definitione fit mentio ? Ad huius nodi solu-
tionem notandum, sanguinem bifariam spec-
tari à Medicis; vel vt humor est à cœteris tri-
bus propria essentia distinctus, purus, atque
ab omni concretionē alienus, qualis nun-
quam visus est in venis, vel vt vocatam san-
guinis massam constituit. Hanc verò ex varijs
constare substantijs demonstrat tum ortus no-
stri, tum conformandum alendarumque par-
tium necessitas, Quæ cum tanto interuallo à
se inuicem discrepent tum temperamenti,
tum substantiæ ratione, vt diuersam planè, ne
dicam contrariam, videãtur naturam sortitæ,
fieri non potest, vt ab vno omnes eodemque
fonte promanarint, eodemque veluti pabulo
instaurentur. Itaq; quemadmodum in musto,
plures continentur partes, quæ, vino postmo-
dum sufficienti coctione defæcato, se se pro-
dunt vniuersæ; Pari modo in sanguine quo-

*Gal. libro
de plenit.*

rumdam permixtionem concedamus necesse est, quæ tam variè & tam longè dissectarum inter se partium structuræ constituendæ, restituentæ, atque conseruandæ sufficiant. Illud pridem ab Aristotele proditum est, ijsdem conseruari nos atque sustentari, ex quibus constat? Num ergo quæ in auras quolibet momento temporis euanescit substantia penitus Heterogenea, homogeneo atq; vniformi succo reparabitur? Id si admiseris reluctabitur sensus, qui in coagulato lacte (quod sanguinè ferunt dealbatum) in ipso extracto sanguine, non obscurè partes à partibus secernit. Sanguinis igitur appellatione, quatuor humores communiter designantur: Non ij quidè synceri omnes, quales in suis conceptaculis asseruantur, sed variæ eiusdem sanguinis partes, ad ipsos substantia, tēperamento, & calore quàm proximè accedētes. Crudior nimirū sanguinis portio cūm frigidam & humidā nacta sit temperiem, quæadmodū & pituita, pituitæ nomine donatur: Quæ terrestris, frigida, & sicca: melancholiæ; Quæ ignea calida, & sicca, bilis, cuius naturam perbellè imitatur. Omnium postremæ quam Aëream nonnulli, calidamque & humidam esse volunt (cūm tamen substantiæ, & qualitatū moderationē quandam obtineat) toti⁹ appellatio tribuitur. Hæc reliquas portiones sua quantitate longè multumque exuperat: sequitur proximè pituita: tertio loco melancholia, Bilis omnium paucissima, ea ipsa proportionē, quam in su-

peruacaneis humoribus deprehendimus. His ita constitutis nullius negotij erit propositas enodare, Perspicuum enim est, per humores omnes sanguineam massam indicari. In his porro humoribus quantumcumque incrementum, declarata proportio requiritur, vt perinde omnino sit humores æqualiter, aut secundum analogiam adaugeri. Vitiatur enim de necessitate proportio, nisi æquale sit omnium incrementum, solus peculiari nomine vocatus sanguis, ab hac conditione excluditur, vt merito in definitione sit additum aut sanguis solus.

*lib. 2. sect.
5. ca. 1.*

Et hanc veram & Germanam Galeni mentem fuisse arbitror, quamquidem Fuchsius longè diuersa ratione exposuit, cum inquit, neque est cur aliquem turbet quod hoc loco plenitudinem etiam esse tradat, vbi solus sanguis supra modum, aut proportionem augetur. Nam sanguinem intelligit venarum, qui purus non est & simplex, sed alios sibi permixtos humores obtinet. Qua oratione quid absurdius dici aut excogitari potest. definit Plethoram Galenus, quando humores quatuor proportionem augentur, aut solus sanguis, per humores quatuor sanguinem denotari profitetur Fuchsius, his verbis. Nihil autem refert siue ex æquo humores omnes, siue sanguinem redundare dicamus. Quorsum igitur tam ridicula & malè consonans, in breui sententia repetitio, quam excusare non potest Fuchsi⁹, cum per solum sanguinem non minus quam per humores omnes, integram massam ex qua-

tuor humoribus conflata interpretari audeat? hunc enim sensum efficit, plenitudo fit quatuor humoribus proportionem, auctis, aut quatuor humoribus inuisitata sanè loquendi forma, tanto Doctore prorsus indigna. Quorsum verò disiunctiva illa particula aut, nisi ut res significantur à se invicem distinctæ? At impermissus (inquit) syncerusque sanguis nusquam in venis reperitur. Quid refert? ergo redundare non potest sanguis, quin una cæteri cum ipso commisti humores augeantur. Hoc ipsi necessario concludendum est, repugnante etiam ratione, & experientia, aut frustra Galeni auctoritatem in medium protulerit, dum ita habet. Idem est si solum sanguinem dicas aut humores omnes, quoniam is ab humorum permixtione sola mentis operatione seiungi potest, re ipsa non potest. Et hoc ita esse Galeni testimonio comprobatur. Sit ita; quid repugnat quominus purissima ipsius portio (quam cæteris tribus sua quantitate superiorem esse diximus in homine naturaliter constituto) pro caloris & alimenti bonitate supra naturæ ordinem increseat, reliquis aut parum, aut ne minimum quidem adauctis? Stat nostra ex parte Galeni auctoritas præcedenti quæstione allegata, dum ait solum sanguinem in Plethoricis dispositionibus amplissimum excessum adipisci posse, nullum aliorum humorum posse, ubi aperte sanguis pro humore distincto ponitur. Id quod satis indicat vox illa (solus) quæquidem separatim & distinctè significatur quartus

*lib. de ple.
ca. 11.*

humor, vt specie & essentia propria, ita etiam nomine à cœteris diuersus. Neque alium patitur intellectû hęc oratio, nisi Galenum nostro potius nutu & arbitrio, quàm ex propria sua intentione loquentem inducamus.

Dicet aliquis doceri id ipsum à Fuchfio, sed negari Plethoram quæ soli⁹ est sanguinis, eam esse de qua disceptamus, quam Plethoram simpliciter vocant, dicendam poti⁹ cum adiectione sanguineam, atque in idem referri genus cum biliosa, pituitosa, & melancholica. Miror equidem Fuchfium virum alioqui doctum atque oculatum, in re tam manifesta & facili, ita grauitèr allucinatum atque occæcatum, vt non modo sententiam effingat toto (quod aiunt) cœlo à veritate alienam, verum etiam Galeno falsissimè imponat, atq; ab eo dicta in contrarium omninò reprobūq; sensum distorqueat. Hęc sunt Galeni verè aurea, quæ à Fuchfio in suæ opinionis confirmationē afferuntur, quam tamen funditus euertunt. Fiet autem hęc (de Plethora agens) quatuor humoribus ex æquo auctis, aut solo sanguine. Nam cum alius quispiam humor redundarit, velut est pituita, flaua bilis, itemque nigra, eiusmodi auctiōem siue redundantiam non plenitudinē, neque simpliciter multitudinem, sed cum adiectione pituitæ, aut flauæ bilis, aut nigræ plenitudinē dicunt. An potest quicquam clariori aduersus Fuchfium oratione enunciari? Prodeat nouus aliquis Grammatices Tirunculus, illicò cūm hęc legerit, sanguineam

plenitudinē sub alio contineri genere, quam biliosam, cæterasque enumeratas constanter asseuerabit. Illam quidem ex Galeni mente sub vera & simpliciter tali, has sub plenitudine secundū quid, siue cum adiectione dicta reponet. Et si verò figillatim eodem capite tum sanguineæ, tum aliarum indicia in libro de plenitudine describuntur, putandum idcirco non est, ad idem genus vniuocum pertinere vniuersas: secus omninò res habet: imò ne biliosa quidem, pituitosa & melancholica, plenitudinis, at Cacochymia appellatorem merentur. Nisi fortè admodum exiguum cæperint excessum, quo casu etiam æquiuocè, aut saltem analogicè generis nomen & rationem participant, Solus itaque supra naturæ leges redundans purus syncerusque sanguis legitimam plenitudinem efficit. Nam si lutea sola bilis aliquādo vt in ictericis superauerit, ait Galenus, non etiam talis affectus Plethorica dispositio, sed humorum vitium est, itidem quoque in atra bile, & pituita

lib. de plenit. cap. 11.

Ex his euidens est allegatam superiùs definitionē ei tantū Plethoræ speciei propriè competere, quæ sibi Plethoræ nomen propriè & peculiariter vëdicat. Ab ea tamen cæteras quoque differentias quantumuis improprias venari licet, quandoquidem rectum sui iudex est, & obliqui, Et diuisionis principium (si Galeno credimus) ab essentiæ ratione petitur rei diuidendæ constituta. Manifestum quoque est Plethoræ appellationem eius quæ ad vasa

2. Method.

249 *APHORISMVS TERTIVS,*
dicitur, non alterius verè & absolutè esse propriam: Analogum enim simpliciter & absolutè positū sumitur pro præcipuo analogato.

Sed hic insurgit scrupulus ante eximendus quàm ad Plethoræ differentias transeam⁹; Redundantiæ vox perperam in definitione pro genere videtur admissa, nam quæ ad virtutem est plenitudo, absque redundantia inuenitur, potest quippe reddita vis infirmior à solito, & ordinario, ac naturali pondere grauius premi, imò & opprimi, senum & conualescentium exemplo, qui sub leui admodum & pristinis viribus valde suppari sarcina fatiscunt.

Respondeo simpliciter loquēdo vt nullum est sanguinis supra naturæ ordinem incrementum, sic nullam quoque eiusdem in plenitudine qua de sermo exuberantiam simpliciter agnosci, sed solum comparatiuè, & in ordine ad vires, quarum respectu quantuluscunque is est, multus est, & vt nimius detractione minuendus.

Quomodo verò hanc plenitudinis speciem, cæterasque omnes quantumuis improprias ex apposita definitione inuestigare liceat, aperio.

Quotuplex sit Plethora.

QVÆSTIO QVARTA.

*Gal. 1. me.
rhodi. c. 5.*

Quemadmodum fieri non potest vt aut differentias generis illius aut species inuenias, ipso quod diuiditur non planè explorato

rato, sic viceversa diuisionem ex definitione colligere non magni est operis. Ista nos methodo progressi ex præfata definitione Plethoræ species eruamus.

Generis locum tenet redundantia, est ergo de genere quantitatis quæ cū suscipiat maius & minus diuidj commodè Plethora potest habita maioris & minoris ratione, in summam, qualis est Athleticus habitus: in mediocrem, & leuem. Quid si obijciat quispiam maius & minus non variare specie? Dico immutare saltem, aut limitare medicas intentiones & actiones. Qua ratione ductus Galenus non modo differentias istas non prætermisit, sed etiam in singulis Plethoræ speciebus ipsas agnouit.

Plenitudinis quidem in genere sub hac distinctione meminit libro de curandi ratione per sanguinis missionem, dum attendendum monet plenitudinis tum quantitatem, tum qualitatem: Est igitur aliqua in plenitudine penes quantitatem discretio, non alia sanè quàm prædicta. Cap. 6.

In ea quæ ad vasa tantè eandè differentiam videtur insinuassee in primis definitionibus à nobis propositis, non solius incrementi mentionem fecit nulla tentionis facta mentione, Nam si verum est tam adesse multitudinē cum humores sunt adaucti tot certè erunt multitudinis differentia, quot humorum incrementa. Quanquam non negarim (quod iam ante pro confesso est positum) ad veram plenitu-

13. Merbo.
12 de cōp.
loca.

dinem quæ ad vasa dicitur, tensionem requiri, sed hæc ipsa tensio in maioris minorisq; ratione euariat, vnde varias quoque plenitudinis differentias in Medicos vltus transferimus, de plenitudine ad vires hæc in methodo leguntur: Si abundantia viribus paulò superior fuerit, utique ex moderata euacuatione adeò nullum accedit viribus incommodum, vt etiam maximum comparetur commodum, quod eas premebat sublato: sin quo affectuæ sanetur multa vacuatione est opus, resoluatur autem ex tanta inanitione virtus, non modo rursus homini non proderit, sed etiam illi maximum periculum afferet.

De plenitudine cum adiectione dictum paulò ante fuit ex libro de plenitudine hanc Caco-chymia verius quàm Plethoram appellari, nisi admodum exiguum cœperint excessum redundantes humores. Ecce vt variatur quodammodo species maioris & minoris ratione.

De pituitosa hæc eiusdè est oratio. Habebis vero crudi succi exuperantis indicium tum colorem plumbeum, tum expallido album, omniaque potius quam rubrū, tum pulsuum inæqualitatem, si verò etiam admodum creuerit talis plenitudo, tum & corporis illiº grauitas inest, atque ad motus prigratia, tum mentis tarditas & sensus hebetudo.

Hactenus Galeni testimonio confirmatam accepimus quam ex redundantia differentiis petimus diuisionem, eandem per omnia Plethoris genere sparsam atque communem. Et

*9. Metho.
10.*

*Gal. lib de
cur ratio.
per sang.
miss. 10.*

hæ quidem differentiaæ tanto magis impropriaæ æstimandæ, quantò longiùs à veræ Plethoræ copia defecerit, cuius notabilem desideramus excessum, qualis est à Galeno definitus, & cuius gratia definitioni addita tentionis clausula, penes quam ipsius quoque differentias secundum maius et minus discerni prodidimus.

*Libro. de
plenitud.
cap. 7.*

Verum quæ ad vires est plenitudo verbo tentionis definitioni addito ab ea quæ ad vasa dicitur, secernitur. In illa quippe grauitatis, ac veluti incumbentis oneris, non tentionis sensus. Vtramque nihilominus ex redundantia verbo depromimus, Nam redundantia ad eorum genus pertinere potest quæ sunt ad aliquid, quare & si qua erit exuberantia sanguinis ad idem prædicamentum spectabit. Sanguinis a bundantia vel ex aliorum humorum comparatione æstimatur, vel ex eiusdem relatione ad vasa. Priore modo, sanguineam peculiari nomine vocatam plenitudinem inducit, ab ea solo nomine distinctam (imò vna eademque appellatione compræhendendam) quam propriè & resolute Plethoram nominamus. Si posteriore, iterum distinctione est opus, duo quippe reperio in vasis continentibus, locum scilicet seu capacitatem, quæ ambientis corporis est superficies locatum continens: & virtutem, siue facultatem, cuius proprium est contentum moderari atque conseruare. Ex relatione contenti sanguinis ad locum oritur plenitudo ad vasa.

Ex eiusdem relatione ad virtutem, nascitur plenitudo ad vires.

Libro de
plenitud.
cap. 2.

Duplicem hanc plenitudinem nullibi non admisit Galenus. Eo quidem libello vbi rem ex professo discutit, illos grauiter reprehendit qui multitudinem aut grauitate sola, aut sola vasorum tentione metiebantur, tandemque desumpto à similibus argumento vtramque Plethoræ differentiam apertè conuincit. Audire (inquit) vel populares licet quæ sine pertinacia dogmatis asserendi, id quod ipsis accidit planè interpretentur: Nèpe quod interim à cibo ingesto quamuis exiguo grauentur ac opprimantur. At ventre nimia ciborum copia distento, rumpi ventriculum sibi propemodum aiunt. Atque in his ventrem summopere intentum cernimus, in illis quandoque etiam contractum. Hunc eandem dispositionem mutuatis tum à vesica, tum aliundè exemplis illustrauit, vt iam difficile non sit binas plenitudinis species adstruere, quas inquirimus. Prima est quæ ventriculo pressa: altera quæ responderet intento. Illam πρὸς δυνάμιν appellant, & virtutem, cuius respectu Plethoræ nomen obtinet, cōnotant. Hanc κατὰ τὸ ἐγχεύμα id est ad succū. Nam is necessario exuberat, vel vocat simpliciter ad vasa. Illa tum adest cum eo ventū incremētivēl ita debilis natura, vt laudatos humores moderari amplius non possit. Hæc, cum præ vbertate sanguinis vasa distenduntur. Quæret curiosus aliquis, cur illā potius quam istam vocemus plenitudinē ad vasa, cū vir-

tus propius ad vasorum assentiã accedat quàm conformatio? Tritum enim apud Physicos axioma. Operatio sequitur virtutem, virtus essentiam. Respondeo vacuum aut plenũ connotare spatium necessariò, & ex natura sua, non autẽm virtutem aliquam conseruantem, aut regentem, id in artificialibus, extra controuerſiam est, non enim Cyathus aureus aut argenteus vinum, aquam, cæterosque infusos, liquores suapte natura à putretudine vindicant. In naturalibus quidem admittendum loci proprium esse locatum tueri, prius tamen est, imò de ratione & essentia loci est, vt locatum contineat. Primum itaque naturæ institutum in vasorum conformatione hoc fuit, vt sanguinem continerent, vnde postmodum tanquam ex penu caloris fomes depromeretur, & quasi per tubos, seu canales, in omne corpus distribueretur alimentum; Huius finis gratia concavam formam obtinuerunt. Consequens ad istud erat eiusdem naturæ prouidentia, vt receptum humorem insita vi & facultate à corruptione præseruarent. Primarij illius intenti gratiam consentaneum est, vt ea propriè & κατ' ἐξοχλήν dicatur plenitudo ad vasa, quæ ipsa tanquã continens, & tanquam corporis ambientis superficiem respicit.

Additur definitioni humorum omnium, quod est, (vt explicuimus) massæ totius sanguineæ, siue succorum laudabilium ex quibus ipsa componitur. Hac particula definita species ab ea distinguitur quam impuram nuncupant,

in qua impurus putridusque sanguis cum laudabili coniungitur. In hanc quandoque degenerat vera plenitudo, atque capotissimam quæ ad vires refertur. Cum enim gubernatrix corporis virtus moderari humores nequit, calido loco conclusi computrescant necesse est. Putridam huiusmodi affectionem plenitudinis nomine dignatur Galenus, quamdiu superuacaneo depulso, id quod superest in pristinam cum natura gratiam redire potest. Nos distinctioris doctrinæ gratia impuram nominamus, ut mixtus ex plenitudine & Caco-chymia affectus, ipsa voce exprimatur.

2. *Aphor.*
comm. 17.

Sequitur in definitione aut solius sanguinis: huic particulæ opposita est altera, cui non nisi impropriissime plenitudinis appellatio competit, cum videlicet redundat cæterum humorum aliquis à sanguine alienus: Talis namque excessus vera Caco-chymia est, neque quicquā commune habet cum Plethora, præter redundantiam.

Ex hac postmodum clausula (in toto corpore) nascitur alia Plethoræ diuisio, in vniuersalem, & particularem: Particularis tamen plenitudine gemina non censetur, & sub *πολυαιμία* potius quàm sub plenitudinis genere continetur.

Vltima definitionis clausula est *seruata proportionē*: Quemadmodum igitur humorum omnium incrementum cum laudabili, & naturæ conuenienti proportionē *ὁ πλῆθος* efficit, sic eiusdem proportionis immutatio ali-

quam necessario speciem constituet ab hac distinctam, illa est quæ dicitur plenitudo cum adiectione, Puta biliosa, pituitosa, melancholica, aut ex his mixta, quoties horum humorum aut vnus, aut plures à symmetria deficiunt. De hac specie Galenus quantum satis est, libro de plenitudine, & alibi, vt ex præcedentibus manifestum est.

Præter has simplices, Plethoræ species, est alia quædam composita, quando quæ *κατὰ τὸ ἐγχευα* dicitur, cum ea quæ ad potestatem pertinet inuenitur; possunt enim cum tensiua Plethora validæ integræque vires, aut fractæ, pressæque consistere.

Hæc ad clariorem eius de qua in Aphorismo *ἐν ἐξέτασι* distinctionem fuere delibanda. Ex quibus iactatam ab Argenterio in medicinæ parentem conuicium depelli nullo negotio potest, & in ipsum auctorem detorqueri.

Is Galenum arguit tanquam minus acutum, quod depromptam à proportionem, plenitudinis differentiam obmiserit. Eius verba sunt. Multum sæpè dicimus esse in corpore humorem, vt multam pituitam, multam bilem, quæ tamen nec vires grauet, nec vasa distendat, sed quod proportionem, quam cum alijs humoribus habere debet, excedat: alioqui quomodo quæso huiusmodi redūdantiam multam multiplicabimus, si ea duo duntaxat ponantur ad quæ omnis multitudo refertur. Hactenus Argenterius miris errorum plexibus irreptus.

Errat in primis grauiter, si alias distinctæ undequaq; à Cacochymia Plethoræ differentias agnoscit præter eas quæ ad vasa, & quæ ad vires, de quibus intelligendus Galenus dum à Plethoræ albo cæteras species excludit, quæ Cacochymix naturā & definitionem sapiunt, & quodāmodo obtinēt. Errat præterea dum petitam à redundantiā differentiā ad solam disproportionem refert, quandoquidem multum quandoque dicimus sanguinem seruata etiamnum debita proportione, cum is auctus est, non ita tamen, vt vel tentio consequatur, aut grauitas. Et hanc quidem differentiam longè præstabat Plethoram appellare, quam eam de qua Argenterius quæ nihil omnino cum vera plenitudine commune habet: vera enim præter tensionem requiritur solius quantitatis vitium, non etiam qualitatis. Qualitas illicò vitiosa est cum proprio non seruatur in humoribus à sanguine alienis. Addo veram ab Argenterio Plethoræ notam elidi, cum Plethoram imaginatur sine distensione, aut grauitate. Vera namque & Germana Plethoræ ratio in sanguinis ad vasa comparatione posita est. Alias si sanguinem in se spectes vt solitam suam portionem excedentē *πολυαιμίαν* melius recepto antiquis loquēdi more quam *πληθώραν* nuncuparis. Denique præceptorem optimum Galenum falsò, vt alibi sæpe, insinulat: Hæc enim Argenterij petita à disproportionem differentia, illa est quam plenitudinem cum adiectione vocat Galenus, sed iam

prætermisso Argenterio singularum specierum indicia proponamus.

Quibus indicijis Plethoræ species dignoscantur?

QVÆSTIO QVINTA.

QVæcunque legitime, hoc est ex arte methodo, instituitur curatio, debet ab affectus dignotione proficisci: Non enim aliunde remediorum intentiones & scopi depromuntur. Incerta proinde & lubrica Pharmacopœorum, Barbitonforū, Chymistarū, eiusdemque farinæ imperitorum hominum medendi ratio, qui nihilo amplius in discernendis affectibus exercitati, quàm quilibet è plebecula, quæ alteri cuiuspiam simili in casu profuisse compererint, in omnibus promiscuè nullo consilio experiuntur: Quasi verò eadem sit prorsus singulorum hominum vis & natura, idem causarum impetus & effectus, aut ægritudines longè diuersæ, iisdem planè symptomatis plerumque non virgeant, aut denique nullæ vnquam corporis affectiones alias atque alias quadam affinitate mētiantur. Istud modò patebit meridiana luce clariùs, dum gemina veræ Plethoræ cæterumque specierum indicia proferem⁹. In quo quidem peragendo dicendorum materiam certius maiori cum fructu quàm à Galeno nostro mutuari

*Libro de
plenitud.
cap. 6. 7. 8.*

à nemine certè possumus. Multis ille confu-
se prodita à veteribus Plethoræ indicia confu-
tat, inter cæteros Erasistratum grauitè incre-
pat & coarguit, ex virium incremento medio-
crem venarum infarctum colligentem, Quasi
verò sanguinis augmentum, vel decremen-
tum, necessariò, vel facultatis accretio, vel
eiusdem consequatur immunitio. Ommitto
cætera rerum euentui minus consentanea, ab
eodem Erasistrato tradita quæ ex dicendis fa-
cili negotio refellentur. Quemadmodum &
ea quæ ab Empiricis iactabantur, & à Galeno
pariter non leuibus argumentis cõuelluntur,
longum esset tot nugæ repetere parum expe-
rientium hominum.

Nostrum potiùs intentum expleamus, Pletho-
ræ indicia peruestigemus, 'proposita ab Hero-
philo *Θείκρονον μετρωσι* id est trium tempo-
rum obseruationem sequuti, non tamen He-
rophilo, sed Galeno duce.

*Cap. vlti-
mo.*

Primum igitur ante omnia repetenda me-
moria sunt ea, quæ Plethorice. Diathesi in-
uehendæ fuere idonea. Vnum profert in com-
mentario Galenus efficacissimũ, copiosiore
scilicet quam quæ ad naturæ opera desidera-
tur nutritionem. Idem libro de plenitudine
iterũ inculcat aliaque deinceps enumerat his
verbis. Perpendendum solita né excretio re-
tenta aliqua sit, nunquid exercitatio neglecta,
num ciborum alentium copia assiduè ingesta.

Num à cibis insolitorum balneorum vsus,
nunquid in Plethoricos affectus consueta pro-

penſio. His omnibus & ea quæ ex loco & anni tempore obſervantur & ſi quid aliud eſt id genus, adiungēda; Et poſtmodum paucis interiectis. Nam hyeme (inquit) ac vere & frigidis locis, & benè temperatis multitudinem magis aggregant, minùs calidis & ſiccis temporibus, lociſque. Ita verò & qui ſuperficie denſa ſunt magis; parciùs autem qui rara hac oratione ſic acuratè & integrè proſecutus eſt ſingula, vt reliquum ferè ſit nihil quod deſideres. Dicam ego idipſum at breviùs. Quicquid copioſam probatorũ ſuccorum congeriem proſert, aut liberiorem ipſorum eſſatum & diſſolutionem remorari ſolet, natura aptum eſt vaſa corporis inſarcire. Verum iſtud forte ſigillatim ſibi explicare cupiunt iuniores. Age igitur præter antedicta (quæ ad externarum cauſarum genus fere pertinent omnia) Maximam hac in parte vim habent. Temperamentum ad moderationem proximè accedens, aut in calido, humidoque mediocriter excedens. Ætas florens: interna corporis conſtitutio, laudabilis & quadrata, ad quam externarum partium denſitas & mollities atque his contraria referuntur. Huius itaque ordinis aut plurima, aut ſimul omnia cùm præceſſerint & conſpirarint, inductæ plenitudinis legitimam ſuſpicionem afferent. Quibus ſi totius corporis rubor, venarumque tumor acceſſerint (vt ad diagnottiſtica veniamus) conceptam opinionem confirmabunt. Venarum tu-

morem dixi: Carnium enim ac pinguedinis moles, illorum ipsorum multitudo fuerit, non tamen ea quam modo inquirimus, quæque Plethora nuncupatur. Atque hoc quidem à vasorum prominentia petitum indicium peculiare illis est venis, quæ oculis subiiciuntur non omnibus communes, his puta quæ intimis visceribus delitescunt: si tentio quoque præter hæc affuerit, non modo plenitudinem, sed & copiosam ipsam subesse designabit, eam scilicet quæ sibi propriè & κατ' ἐξοχὴν hanc appellationem arrogat. Tertio non internis duntaxat partibus agnoscitur, sed etiam in intimo corpore valida quandoque persentitur, tumore nullo exterius prodeunte. Hic porro omnibus apparentibus coniecturis non illico subsistendum: deque multitudine congesta indicium indubitatè ferendum, fallunt ista persæpe, atque imprudentibus imponunt, ut hinc serio nobis iterum atque iterum commouendi sunt Empirici, quantis se se errorem laqueis implicent, cum leui aut nullo (quod in dies accidit) argumento, de propositis sententiam dicere, Doctores se mentiri, Doctoribus ipsis (quo non progreditur impudens rudiorum audacia) clanculum contradicere; ipsorum decreta inuvertere, cælum terramque miscere, turbare, confundere, labefactare omnia non verentur.

Rubor (inquam) tumor, & violenta vasorum tentio plenitudine nulla existendi, à proecatarctiis causis non rarò oriuntur. Ve-

hemens exercitium, fusis atque in spiritum resolutis humoribus illa procreat. Eadem vis est Thermarū, solis, acutarum febrium, quorundam animi pathematum: denique eorum omnium quæ vehementem corpori æstum feruoremque concitant. Quæ singula diligenti trutina ponderanda veniunt, antequam euacuandi consilium ex præfata syndrome incamus. His amplius addendæ pulsuum atque vrinarum differentiæ multitudini familiares. Pulsus transfuso in arterias per *ἀναστόμωσιν* sanguine, crebri, celeres magni, pleni, vehementes, atque æquales efficiuntur, quemadmodum in synocho simplici, cuius maxima est cum Plethora similitudo. Vrinæ humoris à quo deciduntur colorem referre solent: Quamobrem in vera plenitudine sanguinis ruborem præ se ferent? Non in sola tamen, sed & in acutis febribus plerumque, nec non in Attritu calculi renum tales deprehenduntur: ac præterea in Iecoris imbecillitate, Phlegmone, scirrho, obstructionibus, loturas carniū nonnumquam imitantur. Etsi verò in hisce affectibus, colore quodammodo conueniunt vrinæ; substantia nihilominus, perspicuitate contentisque differuntur, quorum diuersitatem curiosi indagatores non difficile internoscent, additis etiam aliunde petitis coniecturis.

Hactenus de prompta ex præteritis & præsentibus indicia; vnicum superest ab euentu. Itaque si quando eodem conspirarint præ-

dicta, tum demum acta probabit exitus: Cui euacuatio larga contulerit cum dispositione Plethorica laborasse non malè inferem⁹. Non tamen è contrà sequitur necessariò eum non fuisse Plethoricum cui illa obfuerit. Sunt præter multitudinem non pauca externæ internæque causæ quæ facilem aut difficilem reddunt sanguinis detractionem. Huius generis sunt (exempli gratia) regio cœli, constitutio, anni tempus, Venus, animi Pathemata, ætas, temperies corporis, atque habitus, sua cuiusque peculiaris natura & conditio, & si quæ alia parem his facultatē obtinent, quæ consilium medentis aliò pertrahunt, atque inopinatos euentus, plerumque inuehunt: Hæc de Plethora tensiva quæ facile est proportionē adaptare ei speciei quæ ab ipsa sola maioris aut minoris ratione discernitur. Particulari quoque competūt plenitudini vt pote quæ loco solum ab vniuersali discrepat.

Plethoræ cum adiectione signa nullo negotio colliget, quisquis in exuberantis cuiusque humoris cognitione versatus erit, tantum enim ad symptomata redundantī humori cuilibet peculiarīa deflectet, quantus erit à symmetria recessus. Impropriūssima illa se prædet manifestius, cum caco-chymia naturam propius accedat, cuius antea notas diffusè enumerauimus. Quod si putredinem contraxerit humor, notæ putredinis aderunt experto Medico non obscuræ.

Ea quæ ad virtutem spectat plenitudo, cognitu præ cæteris maximè ardua est, quæ enim ipsam indicare referunt nonnulli. Qualia sunt nutritio imminuta, pigritia ad motum cæterasque functiones, vitiatus color, deiecta appetentia, & si quæ alia huiusmodi, non magis plenitudinis, quam Cacoehymix aut discrasix sunt indicia. Grauitas verò ab ijs tantummodo qui natura sensu exquisitissimo sunt præditi, obscura admodum & profunda percipitur. Signum ex arteriarum motu petatum cæteris consentientibus certissimum: Hunc statuit Galenus in vna pulsatione inæqualem. Omnium fidelissimum est sanatio: si enim extracto sanguine recreetur vires, toto corpore grauitatis sensus abscedat *δμαλός* sit arteriarū pulsus, qui prius *αὐδμαλός*, Grauatam antea humorum plenitudine, atque oppressam fuisse naturam non iniuria decernemus. Quæ vna vires aggruat, & vasa distendit multitudo tantò grauitati sua molestior est, quantò simplici est auctior, nec pristinam retinet in pulsu æqualitatem, cæteraque mixtas habet hac propemodum confusas vtriusque Plethoræ notas.

*Gal. libro
de plenit.
Cap. 11.*

*Quæ sint cuiusque Plethora
incommoda.*

QVÆSTIO SEXTA.

HVius inquirendi nobis occasionem præbet Hippocrates hoc Enthimemate. Cum neque in eodem statu permanere queant neque proficere in melius, reliquum est, ut in deterius corruant. Necessaria sanè consequentia, & iusta singularum partium enumeratione deducta.

Primam antecedentis partem suo cōmentario illustravit Galenus, dum ait, naturam ferari nunquam, sed indefesso labore & industria coctionem, distributionem, generationem sanguinis, adiectionem, adglutinationem, atque assimilationem perpetuò moliri. Cum enim cognitione nulla feratur in opus, agit ipsa pro viribus. Quanquam in penuria alacrius, quam in summa alimenti affluentia dictas facultates exerit. Ne verò excessum defectumvè alimenti proprii nobis ignorantibus, vel continua cibi ingestione corporis moles iaceret obruta, vel eiusdem defectu prorsus elanguida, sapientissimus ipsius opifex, suctionis sensum ventriculo indidit.

Hanc naturæ legem, negligūt plerique nati abdomini: præ cæteris Athletæ, quorum omne studium in amplificando corporis, habitu, ut inde ad gymnastica euadant fortiores.
interim

interimvna cum mole carniū, summam humorum copiam coaceruant, vltraquam progredi non licet, quare neque in melius proficere. Quid sequitur? Illud necessario vt in peius decendant nisi cautio adhibeatur. Immodicam sanè succorum vbertatem graua comitantur pericula, quæ Aphoristica breuitas recensere non finit, insinuasse satis fuit. Hæc igitur vti cætera, ex Galeno nostro locupletissimo bonorum omnium penu, depromam?

Ilud obiter ex eiusdem placitis repetendum est, plenitudinem vtranque tum quæ ad vires tum quæ ad vasa, consistere quandoque in corpore sua munia probè obeunte. Quemadmodum cum qui graue aliquod onus imparibus humeris imponunt non illicò vbi grauari fatigarique incipiunt victi concidunt: ita quoque redundantis succi copia, premi facultates contigit, non tamen deijciatque opprimi, aut valetudinem aduersam protinus indicij quam pro foribus est ægritudo, Hannibal est ad portas (vt est in prouerbio) subest periculum imminēs grauissimorum Symptomatum: Quæ enim ad virtutē refertur plenitudo, nullo negotio putredinem contrahit, quin etiā in partes nonnunquam irruit, atque inibi tumores præter naturam excitat.

*lib. de cur.
ratio. per
sang miss.
c. 4.*

Quæ verò κατὰ τὸ ἐγχευμα nuncupatur, non tumores modo, sed & apoplexiās infert verumque ruptiones, imò & subitam mortem

*eodem lib.
de cur. rat.
cap. 5.*

Quoquidem Athletarum quorundam exemplo confirmauit Galenus. Horum omnium &

*In comm.
huius 3. ap.*

aliorum quæ modo proferemus inquirere rationes, non difficile est ei, qui primoribus (quod aiunt) labris medicinæ principia degustarit; ijs (inquam) peruestigandis solers natura, nullo doctore instructa suffecerit. Atque ut posteriorem speciem priore loco aggre- diamur. Cui dubium esse potest venis humore turgentibus, ruptionis periculum im- pendere? Id (nisi oculis fidem denegemus) in externis rebus sæpè sæpius experimur.

Magno impetu franguntur dolia ebulliente musto, si fumos diutius negato exitu tanquam ergastulo coerceas. Disrumpuntur ova, Castaneæ, cæteraque id genus, nisi qui inter co- quendum excitantur flatus, diductis sensim, si- ne sensu testis per poros efferantur. Findun- tur nubes horrendo strepitu, cum vi deten- ta exhalatio liberè euagari nequit: Quidni & venis perinde accidat, ex quibus tales vi caloris concitati fumi expirant & vapores,

Qualis caminis ignis atneis furit.

Horum impetum perferre infractæ neque- unt, nisi fortè aperiantur. Sed apertionē æqua- lia ferè consequuntur incommoda, ferè in- quam, symptomatum gravitate; leuiora for- tè, remediorum difficultate.

Hinc enim sanguinis in partes decubitus tam internas quam externas.

Hinc Pleuritis, Hepatitis, Peripneumo- nia, Cinanche, Apoplexia, alijque Lethales planè affectus: hinc etiam sanguinis è corpore effluxus, qui nulla arte, nulla vi reprimi quan-

doque, aut cohiberi, possunt; Enimverò quod statis temporibus euenire ijs, asserit Galenus, quibus insigne membrum aliquod exsectum est, stimulante naturam alimenti copia, longè verì similis est Plethoricis accidere. Hoc sanè discrimine: illis quidem naturæ beneficio, & conatu, & moderamine, per conferentes vias, quantum satis est, emanat sanguis: istis ipso sanguinis feruore, & impetu, nullo viarum delectu, nulla moderatione, qua data porta foras erumpit. Horum si fortassè neutrum acciderit conclusi proprio conceptaculo humores, efferuescunt. huic synochi, aut sanè (quod præ cæteris summè reformidandum venit) vti, ab ingenti lignorum aceruo, focus: ab oleo copiosiore, lucerna: ab vberiore cibo, ventriculus: à redundante sanguine, natiuus calor suffocatur. Vnde repentina mors obrepit, Christiano homini tantò pertimescenda vehemētius, quanto grauiorem minatur animæ simul & corporis ruinam,

Plenitudinem ad vires putredinem minari diximus; humida enim (qualis potissimum est sanguis) naturali calore destituta calidoque loco conclusa, facillimè computrescunt.

Addo etiam calorē partiū, cum imbecillis & languidus, ac præterea multitudine sit oppressus, moderari sanguinis massam non posse, proinde in præternaturalem & igneum necessaria consecutione degenerare, vnde morbi postmodum ex putredine oriuntur, quali;

synochus putrida. Eandem ob causam facessit in impuram & eam speciem quæ cum adiectione dicitur, hæc plenitudo: Quando actione caloris ignei, subtiliores sanguinis partes in flauam bilem commutantur, crassiores in atram; unde viriatur proportio, & adsciscitur impuritas. Ex hoc fonte postmodum emergunt tertianæ, quartanæque & quocunq; aliud putridarum febrium genus. Tumores porrhò non rarò oriuntur, tum in his, tum in alijs Plethoræ speciebus, dum vel humores suo pte pondere in subiectas iruunt partes, aut à fortioribus excussi, tanquam graue onus in imbecilliores deponuntur. Qui si acrimoniam (quod plerumque fit) ex putredudine contraxerint, vlcera inducunt externa, internaque, Dysenterias, Hæmorrhoidas fluxus aliasque Hæmorrhagras, Corrosionem nempe vasorum osculis. Hos affectus omnes, implacabiles vt plurimum dolores consequatur.

Sed de his hæcenus satis; si quæ Tironibus occurrent alia, poterunt horum imitatione ad propriam causam reuocari. Neque enim institutum nobis esse debet, nisi distinctioris doctrinæ gratia, de alijs quam de plenitudine exquisita sermonem instituere. Ad cuius solutionem verborum Hippocratis & necessitatis consecutione iam pertrahimur.

Qua ratione soluendus sit Athleticus habitus?

QVAESTIO SEPTIMA.

BONUM Athletarum habitum sine mora soluendum monet diuinus Hippocrates. Solutionis nomine euacuationē eam intelligi, quæ sanguinem promiscuè, vnà cum reliquis humoribus exhaurit, definitum antea est, & demonstrabitur paulò post aliquantò latius. Huius præterea euacuationis plures species à probatis auctoribus afferri, dictum etiā in præcedentibus. Illæ sunt venæ sectio, exercitia, balnea, frictiones, cæteraque diaphoretica, atque ex accidenti inedia. Præter hæc somnum longiorem euacuatos exsiccare, tradit Hippocrates: Eundem mox à discutiente Balneo extenuare Obesos auctor est Galenus, vthoc noīe inter euacuātia iure merito numeretur.

Gal. 2. aph. com. 7.

4. Aphor. Comm. 2.

6. Epid. sect. 5. 32. Galen. 8. 8 meth.

Iam *Questio est, Quonam horum omnium modo, eximenda sit Athletica plenitudo?*

Et primum quidem si Galenum consulam⁹, & rationem sectemur ducem, de sectione venæ nulla videtur afferri posse difficultas. Est enim ipsa commune præsidium earum quæ ex plenitudine fiunt dispositionum, omniumque euacuationum exquisitissima, quæ plenitudinis affectionibus subuenire solent, nec non præueniendis, depellendisque huiusmodi affec-

6. Aphorif. Comm. 47. 2. Aphorif. Comm. 17. lib. aduēr. crasif. c. 4.

tibus vnà facillima atque expeditissima. Quā-
obrem cæteris omnibus tum Galeni aucto-
ritate, tum communi doctorum omniū con-
sensione & suffragio præferenda. Erasistrataeos
excipio, quorum ergo futilem & plane exi-
talem sententiam lōga oratione confutarem,
Nisi Galenus ipse, conscriptis aduersus illo-
rum placita libellis duobus, hunc mihi labo-
rem ademisset. Galeni verbis ad stipulati vnde-
quaque Hypocratis intentio, si enim nulla
interposita mora, solui hunc habitum necesse
est, ad illud præsidium quod aliorū omnium
celerrimum est recurrendum erit: tale est venæ
sectio: Ergo præ cæteris ipsa deligenda. Ad
hæc si æqualiter adaucti sunt humores lau-
dabiles (quales in exercitatorum habitu sup-
ponimus, aliàs summè bonus dici non posset)
equidem illo vtendum euacuāte, quod omnes
æqualiter adoritur, & exquisitissimè scopo in-
tento satisfacit. Huiusmodi autem cū sit
venæ sectio quidni cæteris præponatur? Quid
quod præter alias vtilitates, id habet sibi pe-
culiare & proprium, quod sanguinem secta
vena erumpentē cohibere, ac nostro arbitrio
moderari licet, & humoris euacuandi quanti-
tatem certis indicijis definire: Cæteræ vacua-
tiones pendent à fortuna: Nam si quæ iactura
virium impendeat, si maior quàm par est edu-
catur copia, se se prodit illico in arteriarum
pulsu, in sanguinis colore & motu prænuncia
quædam mutatio, summum equidem in de-
tractione sanguinis bonum, in omni euacua-

*lib. aduer.
Eras. 63
Erasistra.*

*Gal lib. de
vena sect.
aduersus
erasistr. c. 7.*

tione votis omnibus expetendum, posse eam cum voles sistere. Itaque quæcunque in omni præsidiorum genere commendari solent, in hoc vnico reperiuntur omnia: vt enim rutissimum, cælerimumq; est, ita quoque paucissimis inuenitur non satis familiare, vel iniucundum. At quam plurimos videas ad exercitia parum idoneos: alios lógarum frictionum pertæsos, reliquos in edias auersantes, vnguentorum odorem non ferentes, balnea refugientes. Ad diuturnas vigilias, si aut exercitati fuerint, aut inaniti, quàm ad longiorem somnum proniores. Vt cætera omittam incommoda, de quibus in sequentibus faciam mætationem. Denique siue solam morbi magnitudinem venæ sectionis indicans statuamus, siue, cum morbi magnitudine, plenitudinem, nulla dubitandi occasio, relinquitur, quin Phlebotomia in ea plenitudine de qua sermo est perpetuò indicetur. Cum enim suffocationis & interitus repentini metus ingruat, & periculum immineat grauissimorum affectuum, quorum antea meminimus, adest profecto quod magnum remedium indicet, atque ex consequenti venæ sectionem. Cum verò in extremo constitutus sit hic habitus, deesse non potest, quod euacuari postulet. Sed occurrit difficultas in declaranda Galeni mente, quæ tanta varietate est implicita, vt contradictionis manifestæ suspicionem vix effugiat. Et quæso quantum à præfatis discrepent hæc quæ sequuntur, iudicet ingenio-

*Gal. lib. de
cur. r. a per
sang. m. s. s.
c. 12.*

fus lector. Frictionibus multis, balneis, & ambulationibus, alijsque motionibus, quin etiam vnguentis digerentibus celeriter plenitudinem exhaurire licet.

Quid clarius? non modo hæc multitudinis præsidia, sed & ipsorum in agendo celeritatem commendat. Et alibi supposito inquit detrahendas sanguinis tres heminas, duas autem tantummodò detractas, commodabit, quidem id satis, læsionis verò nihil affe- ret, licebit nãque tibi vnam illam heminam vel Clysteribus, vel inedia, vel frictionibus, vel sudoribus exhaurire, præterquamquod & denuò detrahere, si voles, non vetaberis. Ecce tibi vicarias sectionis venæ plurimas euacuationes, quas iteratæ sanguinis missione, cuius ultimo loco mentionem facit, videtur anteferre, aut saltem æquiparare. Vbi & illud admiratione videtur dignum, Clysteres in cœtera numerari, quos tamen humores vitio potius, maximæque excrementorum, quàm imminuendæ multitudini, quadrare nemo est qui ignoret. His non absimile est quod ab eodem Galeno præcitato 2. Aphorif. comm. 17. memoriæ proditum est his verbis, euacuatio omnium humorum æqualiter, quæ quidem exquisitissima est, fit per venæ sectionem; proxima autem huic est, quæ per malleolorum scarificatione (ut nos facere consueuimus). Et quæ per exercitia, vel frictiones, vel balnea, & præterea ex accidenti per inediam. Quid opus est plu-

*Libro de
cur ratio-
tione per
sang. miss.
caput 10.*

*Libro ad-
uersus Era-
sist. C. 7.*

ribus? Illud instar omnium esse potest ex 4. Methodi. capite 6. Si quis etiamnum sanus in sanguinis redundantia concursu sit positus, non statim huic mitti sanguinem est necesse, imò alij satisfacit inedia, alij cibi parcimonia, alij soluta aluus, vel purgatio, vel frequens balneum, alij sola exercitatio, vel multa frictio abundè fuit. Authoritati adstipulatur ratio quam ita Syllogisticè propono. Sanguinis redundantia eiusdem euacuationem indicat. Præfata euacuantia huic indicationi satisfaciunt, ergo redundante sanguine ipsa conueniunt. Nihilominus tamen palinodiam canit Galenus multis in locis.

Nam præterquamquod, ex antedictis, vnicam in Plethora sanguinis missionem præcæteris approbat, cætera etiam præsidia aut tanquam inutilia ac imbecilla negligit, aut vti molesta maximèque periculosa prorsus excludit. Ita enim de exercitatione, balneis, & inedia proprio aduersus Erasistratū libello disputat. Neque si cui de vasis in thorace ruptura timor instet, huic exercitationem iniungemus, periculum enim est ne illorum vehementia, etiam si non adsit multitudo, ob virium tamen imbecillitatem ipsius excercentis, vena aliqua circa thoracem disrumpatur. Si venæ alicuius in thorace ruptionem ab excercitijs metuit Galenus, quid tandem in communi non vnius thoracis aut vasis, sed totius corporis atque adeo venarum omnium periculo, quale in Plethora impendere

*De vena
sect. C. 9.*

docuimus, certi sibi persuadere posset? Illud intuitus ad maiorem Emphasim adiecit (*etiam si non adsit multitudo*) tacitè innuens, præsentè multitudine excercitationem penitus lethalem. Subiungit paulò inferiùs. Haud quaquam per balnea illos euacuare conabimur, quibus ne propter multitudinem sanguinis venæ rumpantur periculum impendet: quod sanguis calido lauachro in vapores resoluatur, ac in spiritus redigatur, proptereaque ad motum incitetur, & in tumorem attollatur. Ad hæc corpora calidis lotionibus mollia debiliaque efficiantur. Cui igitur fieri possit, ut cum ipsa molliora effecta sint, isque qui ea rupturus est motum simul tumoremque nactus sit non facile afficiatur. Balneorum & Diaphoreticorum omnium par omnino est ratio super calefactiones (inquit Galenus) ijsdem modis quibus & lauacra obsunt, quandoquidem horum vehementia disrumpi venæ plerumque possunt. Quamquam verò de ijs sermo est Galeno quibus Hæmaptiseos, hoc est sputi sanguinis, periculum imminet, Nihilomin⁹ debet ei⁹ oratio magna plenitudine occupatis generatim accommodari. Verùm quid de frictionibus dicemus. Quibus non paucos Plethoricos euacuasse se gloriatur Galenus, cum præ animi ignavia neque purgans medicamentum assumere auderent, neque venæ sectionem sufferrent? Quanta vis huic præsidio insit ipse testatur. Constat (inquit) quod interdū multo

*Eodē sap.
9. libro de
Venæ sect.
aduersus
Erasistratū.*

*Libro ad-
uersus Era-
sistrataos
capite 9.*

minus debiliusque reperiatur id auxilium: quàm quale corporis repletio exigit; Maximeq; quia illi qui frictionibus non assueverunt, si plus æquo perfrikti fuerunt, dolorosis affectionibus illicò corripiantur. Nonnulli è contrà duram densamque cutim habentes, etiamsi plurimam subierint frictionē, nihilominus quam paucissimam euacuationē experiuntur.

Postremum Erasistrato familiare remedium ita deinceps conuellit, vltimo igitur laboriosam illam, ac reuerà perniciosam famam, æq; ac sacram anchoram, quæque omnibus affectibus opitulari possit accersem? Ecce quanti inedia æstimet, cuius incommoda eodē libro copiosè percenset hunc in modum. Cureliquet carnes, cùm sanguinē substrahere liceat? vt interim noxas reticeam, quæ ex longis inedijs necessariò euenire solent ac virtutem defatigatam, & succos biliosiores, amarioresq; redditos frequentes cordis morsus atque inquietudinis, tum deiectionū alui retentionem, & omnia denique excrementa acriora malignioraque affecta. His postmodum subnectit sequentia. Quod inedia ad plenitudinis euacuationem conferat, ego quoque consentio; verùm longo tempore, magnoque monumento, eam id præstare assero. Quamobrem multo consultius fuerit, euacuatione semel adhibita ab inedijs abstineamus, vt quæ & ægrotos ingenti molestia afficere soleant, Et vigilias, inquietudinem, orificijq;

*Lib. aduer
sus Erasist.
Capite. 9.*

Ibidē C. 4.

*Libro de
vena sect.
aduersus
Erasistr.
sec. 2. 3.*

ventris afflictionem, tum succorum prauitatem, & corruptionem nec non alui, ac interdum vrinæ suppressionem inferant. Additque alibi ciborum inopia areferi sanguinem seque ipso densiorem reddi.

Citatis Galeni locis Physicum si lubet axioma tanquam medium adiungamus, tandemque hoc quod volumus ita necessario concludemus. Frustra fit per plura quod potest fieri, per pauciora, & æquè benè: sola venæ sectio. Plethoræ commodius, & propius & melius succurrit: Balnea igitur, exercitia, inedia, & si quæ huius generis euacuantia, tanquam inutilia & frustranea penitus eliminanda sunt.

Euacuantis somni meminisse nihil opus est, is enim vt vires suas exerat, euacuationi alteri debet succedere: quare non iam plenitudini extirpandæ, sed discutiendis solummodo reliquijs erit accommodatus. Inde obiectâ vides Syllam, hinc (Caribdim. Age nunc igitur, ne in scopulos impingamus, pugna-tes inter se Galeni sententias, si qua arte fieri potest, conciliemus.

In quo non erit magnopere laborandum modo memoria repetamus, Plethoram ad vasa in duplici esse differentia. Alteram quidem leuem aut mediocrem, quæ moderationis limites aut non multum, aut summè non excedit. Tensiuam alteram, in qua non implentur modo verum etiam distenduntur venæ, sic vt penè videantur diuelli, huius-

modi est Athletica de qua in hoc nostro Aphorismo. In priore plenitudine cuiuscunque euacuationis delectus licet: quanquã sectione venæ, dum ferunt vires si magni morbi timor aliquis irrepit, citius atque vtilius negotium peragitur. In altera imminentis periculi grauitas soli relinquit venæ sectioni locum. Hanc distinctionem quæst. 4. ex ipso Galeno confirmauimus. Quã suppositâ dicimus priora argumenta, quæ in frictionum, balnearum, exercitationum cæterorumque id commédationem sunt producta, locum habere in impropria & lata plenitudinis acceptione; Cum nulla subest magni morbi suspicio; Posteriora, in gemina & stricta procedere. Huius solutiones veritatem ex ipsis allegatis textibus figillatim comprobemus.

In primis quod assertur ex libro de curandi ratione per sang. miss. cap. 10. In quo fructiones, balnea, ambulationes, cæteræque motiones, plenitudini confestim exhauriendæ satis esse dicuntur, duo supponit (vt ibidem videre est) succorum videlicet tenuitatem, & temperantem victum, in crassioris enim sanguinis redundantia & intemperante victu solam phlebotomiam admittit. Illorū porro vtrumque plethoræ leuitatem manifestè coarguit.

Nam nèque moderata victus ratio sic copiosum vnquam sanguinis aceruum congeret vt vasa distendantur. Neque si copiosior is cumuletur ex tali victu, in ingentem vsquam increscet molem, cum præ tenuitate facile

non exigua illius portio insensili transpiratu
 è corpore per poros effluat. Supponitur quo-
 que magni morbi absentia, quod alterum
 Phlebotomiæ indicans constituemus. Illud
 verò ex libro de venæ sect. aduersus Erasistra-
 rum cap. 7. cum supponat tertiam duntaxat
 euacuandi sanguinis portionem esse reliquam,
 Binas iam venæ sectione detractas partes, du-
 bitari non potest leuem superesse plenitudi-
 nem, siue (vt verius loquar) solas grauioris
 plenitudinis subesse reliquias. Clysterum au-
 tem meminit, qui licet primariò & per se
 multitudinis vitia non eximant, secundariò
 tamen atque ex accidenti, quemadmodum &
 ea purgatio quæ ore assumitur, aut alia quæ-
 libet, sanguineæ massæ non parum detrahunt.

Galenus locus ex 2. Aphorif. comment. 17.
 Nihil amplius efficit quam precedentis. Con-
 cludit equidem cæteras euacuationis Phlebo-
 tomix vices explere posse: perperam tamen
 inferret medicus illas perpetuò admittendas,
 quocunque oblato casu. Conueniëntior itaque
 fuerit interpretatio, si fateamur licere tunc
 huiusmodi euacuationem aliquam adsciscere,
 cum aut aperire venam non licet, aut si istud
 licet, non remorantur & impediunt ea quæ in
 contrariæ opinionis confirmationem sunt ex
 eodem Galeno in mediũ adducta, vel quando
 inculpata sanitas cū leuiore plenitudine con-
 iuncta est. Eodem sensu cap. 6. quarti metho-
 Therapentices accipiendum atq; explicadum.
 Neque audiendi, qui proposita hæctenus

& discussa Galeni loca, de plenitudine ad vires enarranda autumant; ita scilicet vt dum Galenus plenitudinē, balneis, frictionib⁹, vnguentis, exercitationibus commodè imminui posse docet, de plenitudine ad vires intelligatur, vbi verò sola laudatur sanguinis missio, alijs reiectis, de plenitudine ad vasa sermo sit, quæ & largiorem, & magis subitam exposcit euacuationem. Ipsi Galeni verbis repugnathæc enarratio, qui citato lib. de cur. ratione per sang. miss. cap. 10. de vtraque plenitudine aperte sermonem instituit hunc in modum, in præsentia autem de vtriusque plenitudinis notis contemplabimur, an vbi cæ in homine solita negotia obeunte apparuerint, mittend⁹ illis omnino sanguis sit, an id necessarium non sit vbi nulla magna affuerit morbi expectatio. Ac præterea in insigni plenitudine ad vires, negamus frictiones, exercitationes, balnea tuta esse: ne aut sanguine feruidiore reddito (quem iam nunc moderari facultas nequit) febris: aut eodem fuso liquatoq; ex eius in nobilem aliquam partem decubitu, inflammatio: aut natui caloris copia oppressi suffocatio, vel ex violēta perturbatione exolutio, oboriatur.

Neque magis admittenda eorum distinctio qui asserunt Galenum præsentia etiam vera plenitudine ad vasa, venam non secare, nisi magno presente morbo: hoc absente redundantiam sensim imminuere frictionibus, balneis, motionibus. His satisfactū erit si recorderentur quot, quantisque & quàm repentinis af-

fectibus obnoxia sit huiusmodi plenitudo: quæcunque autem morbis præsentibus ritè fiunt, eadem aut incipientibus aut imminenti-
bus præuertenda.

*Gal. lib. de
de cur. ra.
per sang.
mis. cap. 9.*

Quam ob causam sapientissimus Hippocra-
tes Athleticum habitum nullo etiam infe-
stante morbo, *μὴ βεγδέω* hoc est non lentè,
non cunctater solui iubet, quod sola sit venæ
sectione.

Cætera idipsum quidem præstare possunt,
attardiùs, nisi leuior supponatur plenitudo,
de qua dicto cap. 10. loquitur Galenus dum
ait frictionis, balnea, vnguenta digerentia,
mõriones celeriter plenitudinẽ tollere. Dicer
aliquis Galenum hoc ipso capite huius distin-
ctionis auctorem esse, dum Podagricis, arthri-
ticis, epilepticis atque in summa magno quo-
piam morbo corripì solitis phlebotomiã, vti
necessariam imperat. Iis verò qui nihil eiuf-
modi vnquam antea perpeSSI fuerint omni-
umque corporis partium inculpatam sortiti
sunt constructionem, geminam vacuationem
proponit. Hæc quæ subijcit ipsius intentum
declarãt: *Per venæ sectionem (inquit) si in victu
sint intemperantes; citra hanc, si temperantes.*
Hoc est si ex intemperante victu magna sit
inducta plenitudo, hæc non aliter, quàm venæ
sectione tutò demitur: sin leuior sit, neque
magni morbi aut presentis aut futuri mot⁹
impellat, in alijs præsidiorũ generibus sub-
sistemus quæ in grauiore minus secura sunt,
metu aut febris continentis inducendæ, aut
vasorum

vaforum, ruptionis aut inflammationis, aut
repentinæ suffocationis.

Quoad rationem attinet concedendum
quidem imminuendæ sanguinis copię eua-
cuationia cœtera præter venæ apertionem ac-
commodata: Verùm præsidij bonitas & ce-
leritatem postulat & securitatem, quæ in
Athletica *euēgia* sola præstat venæ sectio: in
qua si longiorem trahas moram, nec valido
vtaris auxilio, antè extinguetur innatus ca-
lor, quàm periculum auertas.

Quæ in contrariam partem adducuntur
Galenī auctoritates balnea, exercitia, frictio-
nes non vndequaque reiiciunt, sed tunc so-
lum cum periculum aliquod subest grauio-
ris affectus: qualis verbi gratia ruptio vasīs
in thorace, Inediæ quoque damnantur vali-
dissimis rationibus: Neque enim breues in-
ediæ plenitudini tensiæ eximendæ satis esse
possunt. Neque longæ, nisi tardo admodum
dubioque emolumento absque alijs præsi-
dijs imperatur: imo verò satis euidenti plerum-
que nocumento atque dispendio. Sed hæc à
nobis ante declarata sunt quam innotuerit,
quodnam sit euacuationis indicans. De hoc
igitur & de quantitate inquirendum.



*A quo indicetur euacuatio
sanguinis.*

QVÆSTIO OCTAVA.

SI verum est ab humani corporis statu quid agendum sit indicari, pro ipsius varietate determinari actionis modum negari non debet: A quo enim remedium petitur, ex eiusdem excessu remedij quantitas aestimatur. Quare vt de quantitate mittendi sanguinis ritè statuamus, ab ipsius euacuationis indicante ordiendum. Hoc primum cognito, illius cognitionem nullo negotio assequemur. Equidem Galenum hac in parte tot tam varijs tam inter se dissidētibus opinionum quasi fluctibus agitari video, atque huc illuc anxie distorqueri, vt quid ex ipsius mente certò concludi possit non inueniam.

Capite 9

Is libro sæpius allegato de cur. ratione per sang. miss. Nec plures tribus nec pauciores scopos esse contendit: morbi scilicet magnitudine, florida ætate & virium robore; Mox eodem in opere sui quasi immemor ætatem sub corporis constitutione comprehendit, quibus (inquit) amplæ sunt venę quique modicè graciles sunt, nec candidi, nec tenera carne præditi, copiosius euacuabis, contrarios autem parcius; quippè qui exiguū habent sanguinem carnemque facilè transpirabi-

Capite 13.

lem. Hac ratione neque pueris venam tundes vsque ad decimum quartum ætatis annum, quandoquidem eorum habitus planè perspirabilis.

At nono Methodi aërem cum morbo inter præcipua indicantia videtur percensere, quem alibi missionis sanguinis coindicans statuit.

*Cap. 14.
lib. de cur.
ratione
per sang.
miss. c. 9.*

Longè plura indicantia in præcedentibus eodem de ratione cur. Libello recensuit his verbis. Si ætate nec puerili sint, nec senili, de secunda vena consilium inito, præ oculis habēs principales (notate verba) hosce scopos, nempe plenitudinis tum qualitatem, tum quantitatem, & virium robur, atque infirmitatem, deinde naturalem totius corporis habitum, tempusque & regionem, & vitam antea actam, tum an cibi potusque copia, & præcipuè affatim nutrientium, qui sic affectus est, sit vsus. Ad hæc consuetudinem, & res præter consuetudinem actas, quosque motus exercuerit, quas excretiones habuerit, aut præter solitum compescuerit, ad hæc omnia num gracilior aut crassior euaserit.

Capite 6.

Quid quod vno in capite sibi contrarius videri potest? Nam 4. Methodi postquam docuisset sanguine etiam non redundante, necessariam tamen venæ sectionem, & contra in Plethorica vocata Syndrome, satisfacere nonnunquam inediam, alias purgationem aut balneum; Postmodum subiecit, sicut missio sanguinis vel propter ipsius abun-

Capite 6.

Capite 2. dantiam, vel propter morbi magnitudinem: ita purgatio vel propter alterius cuiusdam succi abundantiam, vel propter vim morbi adhibetur. Et hæc manifestam quoque implicant contradictionem ijs quæ citato libro de curandi ratione per sang. miss. scripta reperiuntur, quo loco non modo ab indicantium Phlebotomiæ, sed quod amplius est à coindicantium numero plenitudinem excludit. Coindicat (inquit) detractionis quantitatem, non ipsam sanguinis detractionem, certissimum certè incertitudinis indiciû hæc varietas, tum maximè, cum vno eodemque loco percipitur. Nam si in diuersis, obliuioni potius tribuitur. Illius exemplum vnum produximus ex 4. Methodi. 6. vbi etiâ istud alterum reperias. Si valens morbus sit cum virium robore, nemo est, qui sanguinem non mittat; hic nulla ætatis mentio quam addit postea his verbis. Mittendum sanguinem, indicant morbi magnitudo, ac virium robur exceptis tamen à sermone pueris. Enarrata hæcenus indicantia si in vnum conferantur magnum numerum efficient, quibus non pauca alia si opus foret, tum ex Galeni suffragio, tum ex proportionis lege adijcere liceret.

Quanquam verò non diffiteor nonnulla ex allatis interpretationem admittere nō incommodam: quædam aliquantulum coactam; cogit me nihilominus veritatis studium, & rationis firmitas, in multis à tanti viri (quæ præ

cæteris vnico dempto Hippocrate, & laudo & admiror, & suspicio) auctōritate deficere. Quod dūm facere aggredior quam vim habent singula ab ipso proposita; & quodnam inter cætera proprium venæ sectionis indicans decernendum ipse pro viribus demonstro. Nostra porrhò omnis disceptatio ab hisce tum Philosophicis tum medicis Theorematis pendebit, quibus indicationum natura, continetur. Primum est.

Quicquid præter naturam in corpore reperitur præscindendum præscindetur contrarijs: contraria namque contrarijs curantur. Alterum est. Quoniam contrariorum applicatio, & determinatio ex ipsa rei expellendæ natura elicitur si quidem vnica est cuiusque natura, vnum quoque vni contrariū, & vnum ab vno indicari necessaria consecutione inferendum.

2. Method.
Ultimo 3.
Method. 1.

Morbus itaque (vt ab eo exordiar, de quo primum habita est oratio) quando præter naturam est, sui expulsionem indicat, per se & primariò intentam. Non secundariò, vt causa cuius expulsio ad morbum refertur proindeq; sumpta à causa indicatio præseruatiua nuncupatur. Quamuis enim causam proximè & per se adoritur remedium indicatum: non tamen causæ, sed morbi gratia, cuius est ipsa procreatrix, præsidij actio intenditur. Etenim cū ad sanitatem corporis aut recuperendam aut conseruandam tanquam ad finem principem omnis medica operatio dirigatur: Id

quod laudabilem eiusdem corporis statum & functiones per se primario viciat atque interturbat, primū & præcipuū medentis scopum ad se rapere fatendum est: Quamobrē ad morbum vt pote sanitati verē contrarium, prima, præcipuaque medentis intentio pertinebit; si præsens sit, vt auferatur; sin incipiens aut futurus, vt auertatur. Prior, actio, curatio: posterior, præcautio, nominatur: illius indicatio immedientē à morbo ipso: huius à causa sumitur priore semper agentis intēctione ad morbum relata. Symptomata verò (nisi causæ rationem induant) indicationes & se nullas proferunt, præterquā mitigatorias & lenientes vocatas.

9. Method.
15.

Morbis enim depulsis à quibus pendent, & quos instar vmbre consequuntur, non subsistunt. Hac ratione explicanda Galeni definitio inquiringis, sanationem esse præsentis in corpore vitiosi affectus, in naturalem habitum mutationem. Dicitur præsentis affectus, ad differentiam futuri, cui præseruatio conuenit. Hæc porrò mutatio, ex iactis fundamentis, à contrarijs perficitur; verē igitur sanantia ei quod mutari postulat contraria sint necesse est, sic calida intemperies, frigidis: sicca, humidis, expugnatur. Age modo vt ad institutum præsens ista reuocemus; quid tandem est quod indicat morbi magnitudo? An venæ sectionem? an purgationem? An vtrumque simul? (hoc enim vltimum à Galeno mira varietate propositum communiter

iactitant Medicinæ professores). Miror equidem in re satis meo iudicio, expedita, ita grauitè implicitos atque perplexos viros omni doctrina & eruditione præstantes, vt se infinitis errorum & difficultatum laqueis extricare nullo modo possint, enim vero respondeant qui Galeni auctoritate persuasi, in hanc opinionem deuenerunt, vt Phlebotomiam & purgationem simul ab hoc vno indicari autument: An vtrumq; morbi magnitudini eadem ratione cōtrarium arbitrantur? si negent à suis principijs deflectunt, tritum enim est & extra omnem controuersiam positum, ea morbo esse contraria quæ ab ipso indicantur. Sin affirmant omnem tum Medicinam tum Philosophiam peruertunt: quandoquidem aut vni duo contraria, aut duplicem rei simplicis naturam efficiunt: Est enim vnicus in morbi magnitudine generalis respectus, ratione cui⁹ referri ad plura specialia immediatè nequit. Nec effingi quicquam potest (nisi prætergressis terminis aliunde petatur indicatio) quod vna ex parte venæ sectioni¹, ex altera, purgationi distinctè respondeat. Si dicant ambo simul indicari, quatenus sub magni remedij genere includuntur, dictum admittam; sed iam necessario consequetur genus illud, hoc est magnum remedium proximè indicari, species verò mediatè & confusè, dandumque intermedium aliquod & specificum indicans, à quo speciatim alterutrum determinetur. Rem paulò clariùs explico (vt iunior-

res intelligant) dicimus à morbo quatenus magno fumi indicationē magni remedij in genere; At quoniam non admodum artificiosa est huiusmodi indicatio, vt quæ suapte natura etiam rudioribus obuia, & à nostris vsib⁹ aliquatò longius diffita: debet aliquid particulatim assignari (si ritè medicinam facturi sum⁹) à quo limitetur hæc indicatio. Vt enim generi addita differentia speciem constituit, eodē prorsus modo generale indicās adiuncta speciali conditione ad speciale remedium determinatur, Sic morbus in genere, sui contrarium indicat in genere: sed talis morbus, v.g. intemperies frigida tale remedium siue contrarium, puta calefaciens, sic venenum alexipharmacis retunditur, tale venenum talibus antidotis; sic & solutio continui, vnionem requirit, quæ pro effectus diuersitate modò glutinantibus, aliàs sarcosticis, aut epuloticis perficitur. Magnus ergo morbus in genere magnum remedium in genere postulabit: Magnus cum Cacochymia, non iam quodcunque magnum auxiliū petit, sed illud quod depellendę Cacochymię vim possideat, cuiusmodi est purgatio. Illud est quod præcedenti Aphorismo tanquam ex tripode ab Apolline nostro responsum audiuius, talem nimirum vasorum depletionem factam qualem fieri decet conferre, contrariam obesse. Si itaque redundet pituita (inquit in commentario Galenus) hanc quacunque ratione euacuare expedit si alter vtra bilis infestet, absti-

nendum à pituita, & infestâ bilis expurganda :
 sic & humor sanguineus in corpore modum
 si exceſſerit, sanguinẽ vacuare oportet. En di-
 ſtinctas pro ſingulorum humorum differentia
 vacuandi indicationes, Contrà enituntur ad-
 uerſarij nec palâm ꝑſiteri dubitant, ne hanc
 interpretationem cogantur admittere, præter
 purgationem & Phlebotomiam nulla eſſe ma-
 gna præſidia, & hæc ipſa duo, ſuppoſita morbi
 magnitudine perpetuo conuenire. Quod ſi
 quandoque in validis affectibus à venæ ſectio-
 one abſtinemus, id fieri gratia aut ætatis aut
 virium. Nil mirum dato vno abſurdo, alia
 ſexcenta cõſequi. Ego quæſierim lubens, num
 vehemẽtem totius corporis intemperiem ſine
 materia (qualis fortasſe in ſumme ab externo
 frigore perfrigeratis) magnum morbum eſſe
 velint? concedent opinor maximè cum inde
 præſens vitæ periculum adeſſe intelliget: Niſi
 morbos in intemperie negent uſquam pro-
 pria eſſentia magnos eſſe, quo caſu etiam nõ-
 lentes admittent; ſaltem propter affectarum
 partum uſum & præſtantiam tales dici poſſe.
 Hoc autem poſito, cùm contrariorum eadem
 ſit diſciplina, fatendum eſt magnum id præ-
 ſidium fore à quo intēperies illa propulſetur;
 Quamobrem præter Phlebotomiam & pur-
 gationem etiam alterantia valida ſub magni
 remedij genere collocabuntur, hæc enim ſola
 à vehemēti intemperie indicantur dicent po-
 ſita, exempli cauſa forti intemperie calida,
 neceſſariò incaleſcere ſanguinem tumque ad

Phlebotomiam recurrentum, quatenus videlicet ad calefactionem sanguinis verè magnus affectus inducitur. Frustrà enim calefacto sanguini præter alterantia frigida venæ sectiōnem (vt communiter solent pragmatici) adhiberem⁹, nisi aliud impelleret: at impellere aliud nequit præter ingruentis morbi magni metum: Ergo verum & vnicum Phlebotomiæ indicans erit magnus morbus. Huic argumēto satisfaciemus paulò inferiùs. Nūc ipsi si lubet respondeant. Quæ sanguinis detractiōni, & magno morbo cōmunio? An sanguis ipse morbus est magnus an morbi causa? Si causa. Ergo qui sanguinem demit, morbi causam demit. Si autē per se & immediatē attingit causā, ergo per se & immediatē à causa indicatur sanguinis euacuatio: at secundariò & mediatē à morbo.

Sin morbum ipsum ex natura sua adoritur si quidem à natura rei petitur indicatio, morbum in sanguine tanquam in subiecto proprio inhærere fatendum est, quod repugnat veritati.

Præterea num cancri vlcerati vltio; num putridi membri aut magnæ carneæ molis adnascentis (natam vocant) amputatio: num longæ, latæ, profundæque incisiones magna sunt præsidia, magnis, imò extremis, morbis adhibenda? Quidni igitur hæc, vt venæ sectiōnem, à morbo magno indicari asserunt? Dicent rarò admodum illa, Phlebotomiam ex se perpetuò conuenire, plerumque tamen

aliundè impediri. Sed hæc responsio difficultatem non eximit. Erit enim perpetuò assignanda aliqua diuersitatis ratio propterquam huius potius remedij quàm illius delectus fiat. Falsum præterea est, quotiescūque morbus magnus irrepserit, tundi venam oportere, infestetur exempli causa vehementi dysenteria quispiam ab humore salso in intestinis stabulante, quis tum Phlebotomiæ vsus? An hunc affectum quod magnus sit, propulsabit? Quod si vehementi dysenteria, qua dysenteria est, non magis confert quam leui, cur ab illa potius indicatur, Dicet aliquis à doloribus & vigilijs accendi febrem, cuius præueniendæ gratia, sanguis detrahatur, & sic à futuro morbo magno petita erit indicatio. Demus istud, sequetur id quod volumus nempe ab omni morbo magno Phlebotomiam non indicari. Quid si concedatur indicari quidem ab hac dysenteria venæ sectionem, at negetur sustineri à virib? posse (hæc enim communis est fuga, quæ se cum Galeno aduersus aliena tela præmuniunt) Quæram mihirationem explicari, cur hoc eodem in affectu gravissimis doloribus affligentibus, continua desidendi cupiditate lacessente, maturo experientium doctorum consilio, nec pœnitenda ægrotantium vtilitate, sanguis nonnunquam detrahatur. Quandoque etiam non eximatur, posita æquali vtrunque facultate? Erit tum sanè penitùs abrepta diuertendi via, nec non ad antecedentem causam

*Libro de
cur. ratio-
ne per sãg.
miss. c. 9.*

aut aliò quàm ad virtutem recurrendum. Certum enim est dysenteriam hoc præsidio non sanari, in qua si quando imperatur, fit vel plenitudinis gratia, vel certè reuulsio- nis: Illud prætermitti nolim aduersæ opi- nionis fautores curatiuas indicationes cum præseruatiuis manifestè confundere: vt enim præsentibus morbis curatio, sic imminenti- bus præcautio adhibetur. Quanam ergo mentè Galenus? ne à plenitudine venæ sectio- nis indicationem elici, nullo adhuc præsen- te morbo fateri cogeretur, ad eum qui futu- rus erat curatiuam indicationem transtulit? Nam si verum est præsentī morbo magno venæ sectionem tanquam indicatum præsi- dium occurrere, curatiuum certè præsidium fuerit. Quomodo igitur impendentem præ- ueniet affectum, nisi vnà præseruatiuum esse fateamur, quippe rei præsentis est curatio: eius autem quod futurum est prouidentia, inquit Galenus.

4. *Methodi. cap. 3.* Erit itaque sectionis venæ indicatio tum *προφυλακτική* tum *θεραπευτική*, quāuis utro- bique idem opus perficiat, sanguinis scilicet vacuationem. Neque verò cum ad ablatio- nem sanguinis propulsari affectum videmus eius idcirco euacuationem curatiuum esse remediū existimare debemus. Tollitur quip- pè tum morbus, eo prorsus modo quod ad ablationem causæ rescindi, vt plurimum ef- fectus in externis cernimus. Est itaque per- tundendæ venæ indicatio quocunque modo

ſpectetur præſeruatiua, ergô à morbo per ſe immediatè deſumi nequit; Quiſquis autem à cauſa etiamnum fouetur aut dependet affect⁹, ipſa remanente proſtigari non poteſt, quo caſu agendorum indicatio proximè ad cauſam pertinebit. Quamobrem non video quo min⁹ à plenitudine tanquã futuri morbi cauſa, præſeruatiua indicatio immediatè deſumatur: quod quidem à Galeno, cogente natura rei, paſſim admittitur, vti probabimus poſtea. Denique non eſt maior ratio cur venæ ſectionem inter curatiua præſidia numeremus quam ea quæ ſarcotica communiter appellantur, quæ propriè & exactè loquendo ad eam artis partem quæ prouidet referri voluit Galenus.

4. Metho-
di. C. 3.

Quemadmodũ enim hæc humiditates ſiccant, ſordes expurgant, fouentem caui vlceris cauſam extirpant, impedimentum curationis amouent, morbum ipſum natura depellente: Ita miſſio ſanguinis in febre (exempli cauſa) nihil amplius efficit quam prædicta in cauo vlcere: quandoquidem effuſo ſanguine, remanet etiamnum intemperies alterantibus corrigenda: in quem vſum frigida potus largior à Galeno quandoque imperatur.

Galenus 3.
Methodi.
Capite 3.

9. Metho-
di. 5.

Obijciēt quiſpiam nonnullis ex miſſione ſanguinis cellerrimè frigeratis, hoc vno præſidio febrem quodammodo iugulatam: ſed quod intemperiem adimit curatiuum eſt præſidium; ergo venæ ſectio ſub hoc genere

Galen⁹ 9.
methodi.
Capite 4.

continetur.

Galenus
Metho. 10.

Sanguinis missio (inquit Galenus) in continentibus febribus non primum sed ex accidenti calidam intemperiem sanat.

Ad eundem modum & clyster, & fomentum ex calido liquore, & cataplasma quod digerat aut concoquat. Itaque ruit se ipsa huiusmodi argumentatio; si quidem ea tantum verè & propriè alterantium appellationem merentur, & quatenus talia indicantur quæ ex se contraria qualitate intemperiem amouent; non quæ secundariò & per accidens. Sic Rhabarbarum temperamento calidum ex accidenti refrigerat dum bilem euacuat: Sic lenientium plurima humida cum sint, euacuatione corpus exsiccant. Sic denique venæ sectio ligna foco subtrahit, subtracto pabulo calor igneus adimitur qui eo fouebatur; sub maiore quippe quantitate maior vis est qualitatis, & intentior actio.

Tot tantisque rationibus innixi, venæ sectionem à morbo magno speciatim indicari constanter negamus.

Nostra ergo sententia est (imo ipsius Galeni, si probè examinetur) legitimum & genuinum sanguinis euacuationis indicans, esse solam plenitudinem. At venæ sectionis indicans esse plenitudinem vnà cum morbi magnitudine. Plenitudinē hīc amplè & genericè accipi volo, pro sanguinis redundantiā. Circa quod ne vllis in posterum ambagibus implicemur, sciendum est, pertundi

venam duplicem ob causam præcipuè; Nimirum vel ut euacuetur sanguis, vel ut in contrarium reuellatur. Vtrobique præferuantis solummodò præsidij vim obtinet, at tum solum verè & per se indicatur, cum sanguinis minuendi scopus primariò offertur. Quod enim magna & expedita sanguinis reuulsio sine venæ apertione fieri non possit, est κατὰ τὸ συμβεβηκός. Non negamus tamen vtrumque scopum simul aliquando occurrere: Exemplis rem, si ita lubet, illustremus ex ipso Galeno mutuatis: fluat ex naribus copiosius sanguis, sit is in toto corpore mediocris, venam Medicus pertundet, ita suadente Galeno: Non eo tamen animo ut humorem imminuat quem præstaret in corpore retineri, cum non excedat; sed quoniam aliter fieri commodè nequit, ut is ab incepto itinere deflectat, & aliò diuertatur, nisi aperta vena è corpore effluat. Iam si eiusmodi Hæmorrhagia ex sanguinis copia accidat, duplicem habebit scopum venæ pertusio, euacuationis quidem, ut quantitas, minuatur: reuulsionis, ut aliò impetus reuocetur. Hæc secunda intentio non nisi secundariò & per accidens missionem sanguinis requirit: Quemadmodum de attemperatone dictum est paulò superius. Animaduertendum secundo loco, cum necessariò id præseruatio supponat quod præcaueri debet secundum esse futurum, tanquam finem, ad quem primariò ex agentis intèntione dirigitur

Galen. 4.
Metho. 6.

Libro de
cur. ratio-
ne per sag.
miss. c. 11.

actio: Idcirco præsidij, quod à causa petitur differentiam ab ipso morbo limitari. Istud exemplo declaro: Ponamus ex plenitudine graues (vti probabimus) affectus imminere, indicabit quidem plenitudo sanguinis euacuationem, sed non quamlibet, aut quouis modo factam, at eam solùm quæ futuro morbo respondeat: Magno igitur morbo supposito, magnum sit id auxilium quod à causa petitur necesse est, ad cuius indicationem simul concurrant & plenitudo, & magnus morbus. Plenitudo vt quæ adimi postulat; Magnitudo morbi, vt quæ auxiliij magnitudinem requirit. Sed iam audire mihi videor aduersarios iacta à nobis tela in nostra capita retorquentes, atque ita inferentes. Plenitudo vnà cum morbi magnitudine venæ sectionem indicat, ex vestra sententia, ergo vnum à pluribus indicatur, quod æquè absurdum est ac illud quod obijciebatur antea plura scilicet ab vno indicari. Verùm hoc casu nihil inconvénit, sunt enim diuersi respectus qui à diuersis oriuntur; A plenitudine quidem, sanguinis euacuatio; à morbo magno magnum remedium; ab utroque complicato, venæ sectio quæ vtrique satisfacit; Plenitudini, vt quæ sanguinē euacuat: morbi magnitudini, vt potè quæ in magnorū præsidiorum censum adscribitur. Sunt enim alia quæ sanguinem redundantem euacuant vt frictiones, exercitationes, balnea, sed magni remedij appellationem non ferunt.

Hanc sententiam nullibi non amplexus est Galenus, sed tanta varietate implicatam, vt posteros in dissentientes opiniones pertraxerit. Est insignis locus quem à lectoribus notari velim ex libello aduersus Erasistratum cap. 5. vbi historiam recitat ab Hippocrate descriptam, qui ad Margei famulam accersitus, iam tremoribus à partu corruptam, venam secare non distulit, quanquam frigidus affectus esset: sed Hippocrates (vt ipsemet fatetur) occasionem morbi, hoc est multitudinem sanguinis, ante ipsum affectum accumulatam considerauit: Muliercula enim à purgamentis (quas secundas vocant) non fuerat expurgata. Quid clarius? Ecce vtrumque indicant magnus scilicet morbus, per tremores & dolores quæ symptomata sunt expressus; Et plenitudo cuius apertè facta commemoratio, quæ ad venæ sectionem prudentissimum senem impulere, quamuis reluctari tremor videretur, quem in frigidiorum affectuum censum referunt. Hinc præceptum istud in Methodo deducitur: si ijs quæ iam dixi, illud quoque adijcias (inquit Galenus) nempe quod ipsum qui redundat succû vacuandum esse suadet Hippocrates, aliàs sanguinis detractionem adhibebis, cum videlicet is vincit; Aliàs Pharmacû imperabis quod ad bilem flauam, vel atram, vel pituitâ educendam vim habeat. Illius interim in omnibus his non immemor, non esse vlceris, quæ vlcus est, vllam id genus curationem, sed vel

4. Methodi. 6.

vitiosi qui coniunctus est succi, vel redundantia, vel Phlegmones, vel Herpetis, vel eius generis alterius. Notent hîc iuniores curationis nomen καλαχεστικὸς redundantia & cacochymia tribui. Probè nihilominus inferri, ad redundantiam cui eiusmodi decernitur curatio, nec non ad Cacochymiam dictæ curatione indicationem pertinere. Ex eadem

*Eadem lib.
Capite 6.*

sententia doctè & copiosè arguit Erasistratum his verbis. Videris (inquit) communem omnium hominum subvertere sententiam, præfertimque si neges quod à natura cuique infitum est, ut considerare possit sanguinem ob nimiam multitudinem euacuandum esse. Tum subiicit: Accerere ergò hominem quempiam rei Medicæ expertem, ad ægrotum qui bona sit habitudine, iuuenis, multo abundans sanguine, quique præ synanche, aut peripneumonia suffocetur: Postea hominem interroga, si quid cognoscat quod huic affectui succurrere possit. Quis adeo demens est, ut sanguinis euacuationem non pronuntiet? Hinc puellam Chyensem, & Critonem perijsse putat quod venæ sectio fuisset ab Erasistrato prætermissa cum utraque sanguinis redundantia, grævibusque affectibus torqueretur. Eandem sæpe repetit cantilenam lib. de cur. ratione per sang. missionem, at distinctissimè cap. 6. his verbis. Qui res consuetas adhuc factitant, sed princeps illis pars aliqua, aut totum corpus grauat, tenditurue, his necessaria est euacuatio: Porro de secunda vena consilium

*Libro ad-
uers^o Era-
sistratos
Capite 3.*

inito, principales hosce scopos præ oculis habens, nempe plenitudinis tum qualitatem tum quantitatem, & virium robur, atque infirmitatem: Præter quæ alia enarrat, de quibus suo loco. Hic sanè meridiana luce clariùs à plenitudine sanguinis euacuationem indicari primariò profitetur: Tum inferiùs idem concludit vbi ergò exstâtibus plenitudinis indicijs, valentes facultates fuerint, venam incides. At alibi eodem libro, morbi & plenitudinis, relicta virtute mentionem facit. Vbi feruescentis (inquit) inest sanguinis plenitudo, acutissimam accedens febrem, subito ac simul euacuare expedit; subito ac simul, hoc est sectione venæ. Quæadmodum autem in his præceptis stabiliendis gnarus, ita quoque in obseruandis diligens fuit & exactus. Non enim dum iuueni illi graui ophthalmia obfesso sanguinis primum tres libras, deinde iteratò libram alterã detraxit, à sola morbi magnitudine, verum etiam à plenitudine, detrahendi occasionem arripuit. Hanc ipsam à plenitudine mutuatam indicationem in iuvene trigenario synocho, non putrida laborante, cui ad animi deliquium exemptus est sanguis, tanquàm minus necessarium non præterijt. Loca in margine adscribuntur vt liberum sit cuique Galenicam doctrinam ex ipso fonte haurire, & attentè apud se doctoris mentem perpendere.

Capite 12.

*lib. de cur.
ratione
per sang.
miss. C. 17.*

*9. Method.
Capite 4.*

Magnam, sine dubio, vim habere debent, quæ hætenus sunt proposita, siquidem ex

ijs operibus sunt elicitæ in quibus ex professo de hac materia pertractatur. Nihilominus ad maiorem fidem aliunde, si lubet, testimonia congeramus, ne qua ratione nobis aduersarij vitium læuitatis impropere; aut leui quacunque interpretatione effecta iunioribus plus æquo credulis, facile imponant. Priusquam tamen hinc nos reuocemus duo ex eodem libro de cur. ratione loca annotemus, grauioris enim quam cætera aliunde cõquisita auctoritatis esse debent. Capite in primis quarto euacuationis indicationem in genere à sola plenitudine depromit his verbis. Posteaquam in libro de plenitudine demonstratum est bifariam & dici & fieri plenitudinem, euacuatione opus est in vtraque, siue in homine valetudinario, siue valente euenit. Nulla hic morbi mentio. Capite postmodum septimo: committendum non est (inquit) vt expectemus dum aliquod plenitudinis symptoma appareat, sed anteuertere sanguinis detractione præstat. Tum inferius distinctione adhibita hæc subiicit: Nonnullis amaræ bilis succus plus alijs colligitur, quibusquam bilis atræ aut pituitæ, alijs ex æquo omnes in quibus sanguis abundare dicitur; Hos ergo omnes euacuabis, sicuti etiam podagricos & arthriticos veris principio, propinato videlicet medicamento purgante, aut sanguinis diminutione. Ecce quam manifestè humoris redundantia in genere simpliciter euacuationem; mox pro cuiusque humoris

differentia specialem euacuationis normam assignauit. Inueniuntur in medēdi Methodo quā plurima his finitima, quale illud lib. 9. Quibus corpus ex succorū abundantia insabile ad transpirationem iam redditum, tantum calorem congeffit vt inde iam febricitet, ijs tantum sanguinis est detrahendum, quantum vires tolerant. De eadem sanguinis missione in febribus in progressu libri sic loquitur: si abundantia, viribus paulò superior fuerit, ex moderata euacuatione maximum comparatur commodum, quod eas premebat sublato. Hæc verba plurimum ad eorum probationem conferunt quæ inferiùs de quantitate breuibus statuemus. Maximè verò ad rem præsentem facit istud ex 13. Methodi, vbi, postquam de venæ sectione & scarificatione esset loquutus, hæc subiicit; Has namque euacuationes indicat ipsa copia, sicut si etiam succorum vitium redundantis succi purgationem: quod etiam ad nostram de purgantis indicatione sententiam confirmandā, vti pleaque alia hîc annota est accōmodatissimum. Sed litem omnem dirimere, videtur, quod primo ad Gloconē legitur hunc in modum: sanguinē mittere oportet, & ob morbi magnitudinem, & quibus rubor multò plus quàm naturæ conueniat, & maior quàm pro consuetudine, totius corporis tumor, & venæ eminētes atque extensæ. Vides sic Pathognomonica Plethoræ signa? Vides Plethoram vnā cum morbi magnitudine disertissimis verbis

Capite 9.

Capite 10.

Capite 5.

Capite 13.

vt Phlebotomiæ indicans recenſeri? Proinde-
que coniunctione vtitur copulatiua, non diſ-
iunctiua, quemadmodum loco ante citato,
vbi ſanguinem detrahi monet, vel propter
morbi magnitudinem, ſed frequens eſt tùm
græcis tùm latinis auctorib⁹, diſiunctiuas par-
ticulas pro copulâtibus, uſurpare, quanquam
id fit quandoque ſatis improprie. Secundo
etiã ad Gloconem in cura inflammationis
genu, inter euacuationis ſcopos primo lo-
co plenitudinem enumerat,

Quamobrem illam Hippocratis ſententiã
explicans noſtræ penitus conſentaneã, in
qua aſſeritur, repletionem euacuatione cura-
ri, ipſam ſuo calculo comprobât, Euacuatio-
nis autem nomine eam ab Hippocrate ſigni-
ficari quæ eſt ſanguinis, iam antea declarã-
uerat.

Denique non modo aperte ſed etiam diſtin-
cte quid ſentiat ſexto Aphoriſmorũ explicat
in hæc verba.

Ineunte vere anticipanda vacuatio, vel per
Phlebotomiam ſi Plethoricis morbis corri-
piantur vel per purgationem, ſi morbis ſint
ex humorum corruptela obnoxij. Quod pe-
rindè eſt, ac ſi dicat, vniuerſalem illam ma-
gni remedij indicationem à plenitudine &
Cacochymia limitari. Dies me deficiat ſi quæ
Galenus vbique ferè, quoties de venæ pertu-
ſione orationem inſtituit, ad huiuſce opinio-
nis confirmationem profert, in vnum quaſi
cumulum aggeram. Et hæc meo iudicio plus

Capite 2.

*2. Aphoriſ.
22.*

*2. Aphoriſ.
comm. 17.*

*Et libro
quos pur-
gare oportet.
comm. 47.*

fatis fuerint ijs, qui tanti Medici auctoritati, non arbitrio proprio acquiescendum putant.

At dixerint fortassè, qui contrarium censent, multitudinis Galenum meminisse, tanquam coindicantis.

Hæc interpretatio falsa est, & Galeno contraria; Et quidem Plethoram à coindicatium numero ab ipso segregari ostendit, hoc quod initio protulimus. Plethorica Syndrome quantitatis detractiōe coindicat non ipsam sanguinis detractiōem. Veri autem indicantis locum obtinere plenitudinem his argumentis conficio. Hæc indicatio à sola morbi magnitudine non dependet, vti probatura est: non à viribus, non ab ætate, non ab aëre, aut aliorum quoquam vt probabitur postea, ergo à plenitudine modo explicato.

Præterea contraria contrariorum sunt remedia, sed contraria plenitudini est sanguinis euacuatio, ergo illius hæc erit remedium. Ergo illa indicans, hæc indicatum siquidem absurdum sit aliud esse quod curandi rationem præscribat, aliud quod curetur: Indicare enim de se magis quidque potest, quam de alio. Hoc perinde est ac si dicam, ex natura sua sanguinis imminutio plenitudini subuenit, ergo ex natura sua à plenitudine indicatur.

Postremo, cum aliqua indicatio ex causa depromatur, si multitudinem inter causas referimus, aliquid sanè indicet, necesse est: Quid est autem quod indicare possit, quàm euacua-

*Libro de
cur. ratio-
ne per sãg.
miss. c. 9.*

*Galeni. 3.
Method
Capite 1.*

*2. Aphor.
comm. 22.*

tionem illius humoris qui redundat? Si in priori responsione perseverent, hisce rationibus nondum persuasi, & contendant coindicare solum.

Quæram quodnam sit verum indicans? si morbum proferant, acta agent, ut est in proverbio, id enim iam confutatum est, si urgeant & instent ulterius, ac dicant causæ indicationem referri ad morbum, & per consequens causam per se primario indicans esse non posse. Finis enim prima est, causarum omnium, & id per se primo monet cuius gratia suscipitur actio.

Respondebimus hoc argumentum æquè procedere contra indicationē à reliquis causis depromptam, quare non debet particulatim solum concludere contra nostrum institutum. Transeat tamen, facilis est solutio. Fate-mur enim intensivè ad morbum incipiente in aut futurū hanc actione referri, sed effectivè ad causam per se proximè dirigitur & pertinet: Indicatio verò non ex intentione nostra, sed ex ipsius rei natura petitur. Dicam clariùs & paucis: Alium esse primarium finem operis; alium operantis, finis primarius operantis est morbi præcautio, ad quem sequitur causæ depulsio. Finis operis primarius, & immediatus est causæ depulsio, ad quam sequitur morbi præcautio. Ab hoc secundo fine immediatè, ex natura rei indicatio dependet agendorum, quamvis aliò ex intentione Medici dirigatur. Nam si talis euacuatio est in-

dicatum, erit profecto indicans id quod euacuatur. Illud est quod vulgò in scholis iactari solet, morbi, qui à causa fouetur amotionem primam esse in intentione, postremà in executione, quandoquidem causa exstirpatio, illam præcedit.

Indicationum portò hic est modus (ut rudiores intelligant) ponamus ab humore aliquo excitari febrem. A febre quæ est interperies calida, & sicca indicantur humectantia & refrigerantia. Hæc quoniam irrita sunt, ni causa amputetur, à qua sustentatur eiusmodi discrasia, surgit indicatio rescindendæ causæ, tumque à causa prima remedij species demonstratur, sit v. g. Biliosus humor, bilis expurgandæ scopus ante omnia proponitur: sit sanguinis copia, minuendi sanguinis præbetur intentio

Atque ij sunt scopi quos posteriore loco adinuenimus, prioribus in actione preferendi. Priorem & primariò à nobis intentum (puta febrilis caloris moderationem) vltimò assequemur, qua ratione media prius, quam finem ipsum attingimus.

Obijciat sciolus quispiam sanguine nullo modo redundante, necessariam nihilominus quandoque venæ sectionē. Nam initio Phlegmones, quæ aut propter ictum, aut propter dolorem, aut partium debilitatem provenit, etiam citrà plenitudinem prodesse venæ sectionem nemo est qui ambigat. Et ipsos Empiricos videmus, cum lapsus ab alto

*Galen⁹ 4.
Method.
C. 6. &
lib. de cur.
ratione
per sang.
miss. c. 8.
& 10.*

quis sit aut aliàs plaga aliqua contusas vehementer corporis partes habuerit, ad sanguinis missionem confugere, quanquam idem paulò ante sanus fuerit, prorsusque redundantia sanguinis experts. Vice versa sano homini nec adhuc quicquam læso quavis Plethorico non statim sanguinem mittimus experientia docti, alij parcitatem cibi, alij citam aluum, aut frequentius balneum, aut exercitationem satis superque esse. Quis igitur Phlebotomiam à plenitudine indicari sibi persuaferit? Quandoquidem indicante sublato aut posito, ponitur aut tollitur indicatio.

Respondendum est in reuulsione sanguinis euacuationem per se nec intendi, nec indicari, sed tantum diuersionem, hoc est humoris fluxum in contrarium, id quod sine euacuatione neque cito neque feliciter obtineri potest. E contrario in Plethorica vocata Syndrome intenditur perpetuò euacuatio, & indicatur ex natura rei. Quod si vsque adeò levis sit plenitudo, ut grauiores affectus non minetur, satis esse poterunt aut inedia, aut exercitatio, aut balneum, aut frictio: sin morbi vehementia pertimescat ad Phlebotomiam veniendum. Manet itaque firma & stabilis hæc sententia. Euacuationem sanguinis simpliciter à plenitudine sine exuberantia indicari: Euacuationem verò quæ fit apertà venâ, præter multitudinem etiam morbi magnitudinem requirere. Cum verò ingens plenitudo sine

evidenti periculo, & metu vehementis morbi inueniri nequeat. Merito in superioribus decretum fuit, in plenitudine tensua (modò nihil impediat) venæ sectionem perpetuò desiderari. Rursum ijs nobis Galenum obtrudet, eos qui ob solum plenitudinis vitium admittendam venæ sectionem arbitrabantur, atque inter cæteros Metrodotum nominatim reprehendentem, quod in contusionibus ad venæ sectionem Hippocratis consilio deueniamus, licet qui ipsas patiuntur pleno habitu non sint, quodque nisi incisa vena dematur sanguis, maximæ inflammationes oboriantur, & ab his praua accidentia.

3. de articulis comment. 62.

Dicimus in primis non minùs arguendam Galeni hac in parte varietatem quam Metrodoti sententiam, cui non subscribimus: Non enim à sola plenitudine, sed etiam à magno morbo Phlebotomiam indicari volumus. Nec vilius est ponderis allata ratio; Quandoquidem in proposito casu, non primariò & per se, sed tantum ex accidenti indicatur venæ apertio. Prima namque indicatio sumitur, à sanguinis motu, cui compescendo, aut alio reuocando, ne ad affectam partem ictus aut doloris causa decumbat, venæ sectio adhibetur.

*Quid indicent vires, habitus,
regio, aër, cæteraque id
genus antea proposita.*

QVÆSTIO NONA.

NE longiore orationis serie lectorem plus æquò in re satis facili nulla utilitate occupemus rem omnem ex ipsius Galeni placitis definiemus, & paucis. Hæc ab ipso in Methodo scripta reperiuntur, sed neq; virium robur curatiua indicatio est, verum ut ita dixerim vitalis, siue quæ ad vitæ custodiam pertinet, nam neque ut valeamus, neque ut à morbis liberemur ab ea quicquam primum desumimus, sed ut viuamus. Additum est illud primum quoniam secundariò virtutis sustentatio & confirmatio ad affectus curationem reducitur. Ipsa namque auxilia per se morbificas causas exturbare nequeunt, sed naturæ opem desiderant, & ferme solum motus principium naturæ iniiciunt, reliqua suis ipsa viribus administrat ac perficit, quæ si validæ sint remediorum violentiam perferunt, & bonæ ingenitæque substantiæ detractionem facilè sustinent, ac aliena excutiant. Verum non ideò remedium à facultate indicari putandum est: Nam si constans vis præsidium indicat, illud quoque in sanis quoniam

*9. Metho.
Capite 13.*

*Galenus
lib. de opt.
secta c 41.*

*Galenus
lib. de opt.
secta c. 42.*

constat indicabit. Habes Galeni sententiam à Galeno ipso cumulatè propositam. Neque hìc opus pluribus, cùm de virtutis indicatione præcedenti Aphorismè sit tractatum, nobisque admodum sit exosa repetitio importuna.

Quæret Galeni studiosus quæ causa sit, cur vna cum morbo magno passim in methodo lib. de cur. ratione per venæ sectionem & alibi virtutem is constituat pro vero Phlebotomiæ indicante? Quæsito satisfacit ipsemet dum ait morbi magnitudinem cum virium robore primos esse scopos, Illud quidem velut quæ facienda sunt indicans, hoc tanquam haud prohibens quod contra indicare iuniorum Medicorum quidam vocant. Relinquuntur itaque duo solum vera indicantia ex Galeni mente, magnus nēpe morbus, & ætas: Magnum morbum admittimus: de ætate sequens erit quæstio, quam negativè concludemus. Cætera quæ ab ipso proponuntur naturalis habitus, temperies corporis, tempus, regio, vita anteaçta, consuetudo, cibus, potus, aër, excreta, retenta, verè curatiuorum indicantium appellationem haud ferunt; sed proüt eandem cum morbo indicationem subeunt, morbi coindicantia nominantur: vt sub virtutis contemplationem cadunt, correpugnantia. Sunt enim ea propriè coindicantia quæ ad indicantium cognitionem assumuntur: Ita vt nec primo nec per se, sed alterius, hoc est veri indicantis

*Libro de
cur. ratio-
ne per ven-
na sectionem
c. 13.*

interuentu suas promant indicationes. Correpugnantia vocantur, quæ medijs repugnantibus his quæ indicantia postulant opponuntur, suntque vel tanquam contradicentium signa reputanda, vel tanquam causæ.

Verùm circa aërem grauioris quàm circa cœtera nobis difficultatis auctor fuit Galenus, cum illum profert tanquam tertium indicans à morbo & viribus distinctum: Neque est quod ad interpretationem mox allatam recurramus; Valet illa quidem in cœteris quæ ab Aëre longo discrimine separat Galenus: Nam cœteras, inquit, materias tum deligere licet, tum fugere, at quam ambiens præstat non licet. An igitur nouum faciet indicantis præcipui genus, hæc necessitas? Humanum certè corpus alterant cibus, potus, excreta, retenta, somnus, vigilia, motus, quies, animique pathemata, nec minori necessitate quàm aër, si Galeno credimus, & experientia: qua enim necessitate præsentis cœli statu frui cogimur, pari, ne dicam maiori in reliquis obligamur. Aëris quippe æstuantis ardorem, vel glaciale frigus temperare contrarijs facilius est, eiusdèque iniurias vmbra, aqua, igne tegumentis depellere, quam nocuas & deprauatas ciborum, aquarumve qualitates, & mixtiones in symmetriam ac naturæ gratiam reuocare. Quamobrem non naturalia vocata omnia (neque enim ab eorum censu aërem exclusum velim) sub causarū & signorum coindicantium, vel correpugnantium

*9. Method.
Capite 14.*

*in arte
parua ca-
pite 85.*

genere, iuxta diuerfos respectus collocanda.

His ita declaratis indubitata nostra conclusio est, plenitudinem cum morbi magnitudine vera sectionis venæ indicantia reputanda: Facultatis robur, contraindicās siue permittens, sine quo sepulta vis iacet indicantium. Reliqua annectimus tanquam coindicantia vel correpugnantia, quorum ope in morbi, plenitudinis, & virtutis accuratorem cognitionem deuenitur, tanquam per signa, vel per causas. Morborum enim alij per alias ætates, regiones, tempora, & vitæ genera oriuntur. Varia quoque pro istorum varietate Plethoræ quantitas & qualitas. Variè à varijs afficitur vis corporis, naturarum quædam ad æstatem, aliæ ad hyemem benè vel malè se habent. Ab his itaque illorum notitia & distinctio haurienda.

3. Aphorismorum.

3. Aphorismorum. 2.

Hactenus ex duobus à Galeno propositis indicantibus virtute scilicet, & morbi magnitudine, alterum tantum admisimus, alterum ab ipso prætermissum recepimus nempe plenitudinem. Sequitur nunc tertium explorandum.



*An etas sit verum indicans à
virtute distinctum?*

QVÆSTIO DECIMA.

Capite 9.

Capite 13.

Cap. 14.

Mirabitur fortassè quispiam nos in re
vtilissima ac in praxi frequentissima sic
liberè à Galeni placitis desistere: sed ignos-
cat quæso veritatis studioso fidem rationi po-
tius quàm auctoritati tribuenti. Eò magis
quod si ex Galeni decretis decernenda foret
hæc quæstio nihil constans ac firmum lice-
ret enuntiare. Nam is palam & expressis ver-
bis passim à propria sententia diuertit, vti
apertè propositis aliquot vltro citroque lo-
cis demonstrabo. Puerilis quidem ætatis indi-
cationem libro de curandi ratione posuit
Galenus à facultatis indicatione separatam:
Eandem cantilenam in Methodo & alibi
sæpè decantavit; ijsdem tamen locis palino-
diam eccinit. Ipsam sub temperamento &
constitutione corporis libro de curandi
ratione percenseri iam antea retulimus. Hanc
ipsam nono Methodi ab indicantium prima-
riorum classe penitus remoueri negari non
potest. cum enim docuisset indicationes me-
dicatorias à morbo, à temperamento, ab
aëre desumi, addidit. Quod si aliæ quædam
antea sunt positæ vel postea dicentur, omnes
tamen ex his in partes diductis natæ vide-
buntur

buntur: siquidem corporis temperies quæ illo tempore fuit quo ægrotare id cœpit, quæque ad inuenienda præsidia est utilis ex natura, ætate, consuetudine, & ambiente nos, aëre ortum habet. Temperies igitur priorem quam ipsa ætas in hoc ordine locum habet.

Et inferius, consuetudo (inquit) vnum quiddam eorum est, quæ curationis rationem per naturam corporis intercedentem, indicant. Quemadmodum & ætas, si quidem ipsa quoque temperamenti interuentu indicationem præstat, veluti puerorum, quæ cum calidam & humidam temperiem habeat facile digeritur. Quid quod optimi inter Arabas Medici exemplo, qui filio suo trimo venam aperuit, istud præsidij genus, nostro hoc seculo pueris tutò, & vtiliter adhibemus? At quid dico Medici? Imò verò naturæ beneficio instructi: quando spontanei sanguinis effluxus etiamnū tenellis & lactantibus ductu naturæ prodeunt, optimo successu, nulla virium læsione. Quamobrem non tam euacuationē remoratur puerilis ætas, quàm euacuationis profusam quantitatem. Cum enim calido & humido sit temperamento, habitu molli, substantia tenui, & fluxili, hæc continuo defluxu per halitum euanescit: cui si larga euacuatione amplius detrahas, labefactatæ concident vires, quas alioqui validas in pueris admittimus: sed quales in morbi progressu futuræ sint attendi debet.

Id quod eleganter vt omnia Cicero Me-

9. Metho-
ds. 16.

*Celsus lib.
2. cap. 10.*

dicus annotauit, cuius hæc sunt verè aurea. Antiqui primam vltimamque ætatem sustinere hoc præsidij genus non posse indicabāt, persuaferantque sibi mulierem grauidam quæ ita curata esset abortum esse facturā: Postea verò vsus ostendit nihil ex his esse perpetuum, aliasque portiones adhibendas esse, ad quas curantis dirigi consiliū debeat. Interest enim non quæ ætas sit, neque quid in corpore intus geratur, sed quæ vires sint; firmus puer, robustus senex, & grauida mulier valens tutò curatur. Et paulò post sed æstimandæ vires, & ex ætate & conceptione colligendū possit necue superesse quod vel puerum, vel senem, vel in vna muliere duo corpora simul sustineat. Ecce quàm præclarè manifesta ratione fretus & experientia, veterum decreta è medio sustulit. Distinctione adhibita conciliare Galenum se quidam putant, dum inquirunt, de larga tantum euacuatione ipsum loqui voluisse, quæ priscis illis familiaris fuit: Parcā autem aut moderatā non exclusisse, quam palam est ætati puerili conuenire.

Verum qui ita sentiunt, duplici errore sese grauitè implicant. Primum enim euacuationis indicans, cum quantitatis indicante confundunt, cum aliud sit quærere, vtrum venæ sectio pueris tutò administrari queat; aliud qua quantitate. Præterea Galenū ipsum deprauatè omnino ac præter intentum proprium explicant; Nullus enim dubio locus esse potest quin Galenus pueriles annos infra

decimum quartum ab hoc remedio secluse-
rit: Qua ætate prætergressa, imperante morbi
magnitudine, cum sanguinis copia (nota in-
terim multitudinis indicationem hic inserij)
consentiente regione, constitutione tempo-
ris & tempestate, puerique natura, sangui-
nem minui permittit, ita tamen mensuram
definiat ad summū vncias nouem, (tot enim
Trybium siue Cotyla continebat) & hæc qui-
dem quantitas tanta non est, quantam illi
inferunt; non summa, at mediocris, quæ hoc
nostro tēpore (quo in detrahēda sanguinis por-
tione longè parciores sumus) posito simili
casu prudenter decerni, & commodè tole-
rari posset. Iam si verum est quod illi sen-
tiunt, quidni vt puberibus suam, pari quoq;
ratione propriam & determinatam minori-
bus natu quantitatem definiuit Galenus? Ad-
do quod aliò se torqueri non sinuat, hæc verba,
tria sunt quæ secundæ venæ agnitionem con-
tinent, morbi magnitudo, aut præsens, aut
imminens, ætas florens, & virium robur. Et
inferiùs. Ex morbo, ætate, & viribus minu-
endus esse sanguis colligitur; At vacuationis
quantitas non ex ipsis modò, sed ex alijs de-
prehenditur. Ætatem procul dubiò tanquam
euacuationis & quantitaris indicans assignat,
hoc illi negent prorsus necesse est, si interpre-
tationem suam constare velint.

*Libro do-
cur. ratio-
ne per sag.
miss. c. 13.*

*Gal. lib. de
ponder. &
mensuris.*

*Libro de
cur. ratio-
ne per sag.
miss. c. 9.*

At objecerit illorum fortè quispiam hæc
quæ apud Galenum scripta reperimus; Ætas
est veluti accidens quoddam, quod prohibe-

*1. ad Glau-
conem ca-
pite 14.*

di integram euacuationem vini habet; Neq;
enim pueri, neque senes sine noxa tolerant,
quibus verbis non euacuationem simpliciter,
sed integram dumtaxat, hoc est vberem &
copiosam in pueris dehortatur.

Capite 4.

Verum huic satisfactum iri arbitror, si
intelligat consequentium explicationem ex
præcedentibus pendere. Cùm itaque antea
citatis locis pueros infra decimum quartum
annum ab omni euacuatione sanguinis, quæ
fit vena secta, eliminari: Existimandum planè
est, de natu maioribus solummodò hîc ora-
tionem institui. Hi siquidem missionem san-
guinis perferunt, quamquam non integram,
at mediocrem saltem, nouem scilicet vncia-
rum ad summum, qualis præfato loco præ-
figitur. Eadem planè ratione intelligendus
est Galenus 9. Methodi, cùm aut sanguinem
in synocho vbi valida virtus subest, & per-
mittit ætas; ad defectum animi mittendum:
sin horum alterum non satis respondeat, tu-
tius esse quantum satis visum fuerit initio de-
trahere quod definit, iteratione supplere. Hæc
inquam in ea solum ætate locum habent quæ
ad huiusmodi præsidij genus ex doctoris men-
te & principijs admittitur. Et hoc indicat
vox satis, quamquam enim detractionem san-
guinis approbat Galenus, ab anno decimo
quarto, qui pubertatis est tempus in masculis,
integræ tamen, & vsque ad Lypothymiam
perferendæ, non satis valida fuerit hæc ætas.
Dices de pueris tantum in obiectione sermonē

esse, nos de pueribus respondere, quorum ætas à puerili communiter à Medicis separatur. Sed causam præscindunt huic instantiæ quæ ex Galeno in solutione protulimus, nimirum pueros, cùm decimum quartum annum attigerint, à venæ sectione moderata non offendi. Ex quo patet puerilem ætatem in Galeni doctrina etiam ad pubertatem extendi, & ipsam pubertatem suis finibus lata significatione concludere. Si cui tamen nostra hæc interpretatio displicebit; Dicemus primo ad Gloconem cap. 14. Partitâ quidem & sensim factâ euacuationem sanguinis etiam in pueris infra pubertatem non improbari; At non eam protinus ex hac auctoritate decernendam, quam vena secta molimur, sed quam ipsemet Galenus definit his verbis.

Hosce omnes non semel, neque ex toto sed palatim euacuari dicet, inedijs, frictionibus, clysteribus mollibus, humectantibusque, & Cataplasmatibus, & balneis.

Quæres, quorsum puerilem ætatem, vti & senilem ad vires non retulit? Respondet ipse senectuti robur inesse nusquam posse, secus omninò pueris. Horum tamen substantiam facillimè digeri atque dissipari, propterea quod omnium est humidissima puerilis ætas, nulla verò frigidior, quò minus vacuantis præsidij eget, cùm habeat ex seipsa vnde naturaliter vacuetur, vt quæ tenella & inconspicuæ transpirationi vndequaue obuia.

Sed cur non eadem ratione, calido &

*Libro de
cur. ratio-
ne persåg.
miss. c. 9.
9. Metho-
di. C. 17.*

humido temperamento præditi, & raræ texturæ homines, æquè ac pueri, ab hac euacuationis forma reijciuntur? Aut cur nõ æquè pueris atque istis venæ pertusio pro suo captu & modulo deceptu decernitur? An non pueri præter vniuersalem illam particularẽ aliam euacuationẽ quandoque expostulant? si postulant, cur prohibentur? supponamus, exempli gratia, adesse in puero omnia quæ Phlebotomiam permittunt, sola dempta ætate; Adesse etiam quod suadeat, vt puta plenitudinem vehementem. Nunquid Hippocratis consilio, & urgente necessitate ducti, ex eodem latere sanguinem illicò profundemus? Negabit forsitan qui pro Galeno respondebit, propter *ἄδηλον ἀναπνοῶν* hoc est transpirationẽ occultam, quæ quantum satis est detrahit: At non ex affecta parte, vt iubet Hippocrates; quam ob causam coloris mutationem attendit: spontanea autem euacuatio materiæ morbi nihil detrahens, veram atque legitimam non excludit. Ex quo profectò cõsequitur, neque pueris ipsis huius transpirationis gratia, venæ sectionem iure merito denegari. Quod igitur morbus exposcit, protinùs vacuandum, si vires spontanea vacuatione nondum magnam offensionem incurrerunt.

Huic opinioni stabiliendæ quid opus est testem alium appellemus quàm Galenum? Quid enim clarius dici potest his quæ sequuntur? Si tempore mittendi sanguinis, menses moueri contingat, siue etiam hæmorrhøis

3. *Met.*

6. 10.

Fernelius

2. *Method.*

Capite 11.

6. *Method.*

di. cap. 5.

fit reclusa, inspectusque fluentis humoris impetus satis fore videbitur, qui solus quod requiris vacuet, naturæ rem omnino permit-tes; sin minùs tantum ipse detrahes, quo ex coniunctis ambobus perficiatur quod postulas. In hac sententia verba illa quod requiris, quod postulas omnem habent Emphasin.

Sed iam mihi audirè videor nonnullos Galenum ipsum opposcentes longè contraria decernentem, dum ita loquitur. Neque si fuerit febris cum profluvio ventris; alia opus est euacuatione, sed hæc sola sufficit, quamvis non sit pro multitudinis ratione. Quicunque enim his plus adimere necessariû putantes aut sanguinem mittere, aut ventrem mouere tentauerunt, in grauiora pericula deuexerunt.

*1. de Gale-
num c. 14.*

Et sanè locus hîc difficilis, & eruditos, hætenùs variè torisit. Dicam ego pro instituti ratione, quantum satis fore arbitror, relictis aliorum interpretum commentis. Hoc priùs constituto Symptomaticum esse propositum alui fluxum, (est enim integrum citatum caput, de Symptomatis vnà cum febre affligentibus) si ergò Symptomaticus est purgatione promoueri non debet, Naturam enim à causa morbifica laceffitâ nouis quasi stimulis concitat purgatio, humorem ferociorem reddit, calorem extraneum adauget, nouam viribus offensionem affert, ipsam corporis substantiam ardore febrili (quem continuum supponit Galenus) & spontanea alui deiectione plus nimio exsiccata, prorsus

exhaurit. Quibus rationibus impulsus Aui-
cennas, sapienter admodum quantūvis bar-
barè pronunciauit Timorofum esse supra
ventris solutione ventrem soluere.

Non etiam tentāda in eiusmodi casu Phle-
botomia, ne reuocato impetu rapiatur in
venas, aut in partem principem decumbat
humor à sanguine alienus: aut vnà cum ca-
loris fomite virtus effundatur, quam tum
Diarthææ perferendæ, tum feбри coercendæ
validam subsistere necesse est: aut vtrumque
simul grauiori malo, & perniciæ accidat.
Quanquam autem viribus infestus est is hu-
moris motus, intro nihilominus contineri
non debet, neque eius exitus impediri, metu
grauioris incommodi (maximè cū affectus
saltem materiam imminuat) sed tantisper
protrahenda est mora, & naturæ interim
vires recreandæ admotis, assumptisque, dum
leuita febris violentia, concoctione in vri-
nis apparente, quicquid reliquum futurū est
ipsa natura institutum opus promouente, ca-
thartico foras extrudatur. Longè diuersus est
hic casus de quo præsens exorta difficultas,
vt cuique patet sedulò intuenti.

Siquidem inconspicuus ille puerorū trans-
piratus, Pleuritidis causam coniunctam non
adimit, neque adsunt prohibentia quæ attu-
limus. Dices, euacuatione duplici tenella cor-
pora non minus conuelli quā quæ à Diarthæa
obsidentur, proindeque in ipsis à sanguinis
profusione abstinendum. At Chirurgicam ta-

men euacuationem simul cum naturali perferunt, experientia teste. Verum illud done-
mus, habebimus intentum, virium scilicet
ratione pueros à sanguinis missione prohibe-
ri. Et sanè id præsidium in pueris pertimes-
cendum est, & cautè administrandū, quibus
firma quantumlibet virtus, artificiosa eua-
cuatione concussa, dissolutioni postmodum
naturali vnàque morbi violentiæ obsistere
vix tutò potest. Pertimescendum, inquā, non
abhorrendum; cum cautione administran-
dum, non penitus refugiendum.

De senili modo quid dicemus? Excludi
certè ab hoc remedio omni ex parte non de-
bet. Nisi erroris coarguendū putemus Rha-
sim, qui ætate decrepita, peripneumonia in-
festante sanguinē emisit; Aut latinitatis apud
Medicos parentem Celsum, cuius sententiā
paulò ante retulimus; Aut celeberrimos
quosque Medicinæ professores, qui nullo de-
trimento, magno sæpè commodo, venas se-
nioribus pertundunt: Aut Galenum ipsum,
qui septuagenarijs magno & vehementi exi-
stente pulsu cum æquabilitate, venam secari
iubet. Sunt enim quidam & in hac ætate
multi sanguinis, viresque habent robustas.
Notandum interea est, hoc etiam loci in-
dicationis à redundantiā sanguinis petita,
non sine causa meminisse Galenum: Quasi
tacitæ eorum obiectioni iturus obuiam, qui
præcipuum euacuādi sanguinis intencionem
(sanguinis puta copiam) prouecta ætate de-

*lib. de cur.
ratione
per sang.
miss. C. 13.*

323 *APHORISMVS TERTIVS,*
siderari censuissent. Itaque quoad præsentem
de ætatibus controuersiam, concludendum
primam vltimamque ætatem, sub virtute
collocari.

At nondum scopulos omnes prætergressi
sumus, remis & velis iterum agendum est,
quò securum tandem refugij portum in tam
vasto difficultatum pelago nostra pertingat
oratio. Est enim aduersis concussum procel-
lis, non tamen euersum Galeni de morbi
magnitudine documentum. Illud breuibus,
quantum ad præsens institutum requiritur,
illustremus.

*An à morbo magno indicetur
venæ sectio? Et quæ morbi
magni sint differentia?*

QVÆSTIO VNDECIMA

MOrbi magnitudinem siue vim, seu gra-
uitatem (his enim nominibus promif-
cùè vtitur) à tribus pendere docet Galenus.
Nempe à partis affectæ præstantia, ab ipsius
affectus magnitudine seu essentia, denique à
cacoetheia hoc est prauitate. Atque exem-
plis ab Hippocrate mutuatis hisce casibus
venæ sectionem indicari probat.

*4. Method
Capite 9.*

*Libro 1.
Capite 7.*

Verum insurgit suo more Argenterius &
Galenum confusionis insinuat, quod hoc lo-

co, vbi de venæ sectione ex professo agitur, data morbi distinctione, ab ipsa morbi magnitudine indicari sanguinis missionem absolute pronuntiarit: Cum certum sit hanc neque malignis morbis, neque ijs tales sunt ob affectæ partis præstantiam perpetuò conuenire; vt apertè Galenus ipse 4. de præsagia ex pulsibus, hæcticam febrem magnum vnquam morbum esse posse neget. Præterea in assignandis magni morbi differentijs Galeni varietatem ostendit: Nam septimo Methodi ipsas æstimat ex morbi essentia, ex facultatis quæ læsum corpus gubernat, & actionis læsæ præstantia. Quamobrem ita negotium concludit Argenterius. Cum magnum & paruum comparatione ad mediocre dicantur, magnus merito vocabitur morbus communi omnibus ratione, qui mediocritatem excedit. Vnde quot sunt media ad quæ morbus refertur, tot planè morbi magni erunt differentiæ, totque morbus magnus dicetur atqui in vnoquoque genere, in quo excessus & defectus notantur, media quædam statuuntur, ad quæ excessus & defectus referentes simpliciter tale indicamus esse quod in suo genere maximè excedit; hoc igitur modo, morbos magnos vocabimus eos, qui inter morbos naturam morbi maximè retinent, & in suo genere præpollent. Est porrò morbi proprium & inseparabile, quod affligat molestetque corpus, vnde qui vehementer id faciunt, magni appellantur, vt idem sit morbus magnus & vehemens.

Quod etiam Galeno auctore facile licet probare: Etenim quarto Methodi, ubi magnitudinem morbi sanguinis ablationem indicare scribit, pro magno, grauem, validum, & vim magnam habentem vsurpat. Quin & 1. & 3. de Crisibus ad hunc modum habet, siue magnum siue vehementem morbum dicas nihil interest? Est autem morbus vehemens qui valide & paruo temporis spatio affligit, Quo fit vt idem etiam sit hoc modo morbus magnus & acutus.

Hæc ille, quæ non Galeno tantum, sed etiam veritati sunt è diametro repugnantia Quarto enim Methodi, qui locus à contradictore affertur, tantum abest, vt magnum pro acuto vsurpet, vt sub magno morbo inueterata etiam vlcera comprehendet: verum priusquam in arenam cum Argenterio pro Galeno descindamus. Ad huius rei intellectum, clarioris doctrinæ gratia, præmittendum illud est Græcis *εὐλογον ἰσχυρὸν, χαλεπὸν, σφοδρὸν*: Et apud interpretes, grauem, contentum, fortem, difficilem, magnum, vehementem pro eodem cōmuniter accipi. Quamquam reuera propriè accepta plurimum inter se discrepent. Siquidem vehemens id appellatur, quod velox simul & violentum est: sic & Athletas & leones vehementes vocant, quorum validæ sunt, & citæ actiones. Vehementia itaque celeritatem vnà cum violentia complectitur: Magnitudo, difficultas, cœteraq; solam vim sua significatione includunt.

Ideoque pulsum illum quem vulgò vehementem nominant, si in celeritate deficiat, contentum appellandum propriè censuit Galenus, antiquam tamen appellationē retinuit, frustranea siquidem est de verbis disceptatio, si modò res intelligatur. Impropiè quoque primo & 3. de Crisibus vehementis nomen vsurpauit, cùm vehemens & magnum pro eodem posuit: Nam morbus magnus vehementem, hoc est acutum, tanquam speciem, suo ambitu circumscribit. Sed Galenus parum de verbis sollicitus recepta & familiari loquendi consuetudine, vt in alijs sæpè fit, generis nomen speciei illic applicuit. Vnde immeritò Argenterius colligit, apud Galenū vehemens hoc est acutum, & magnum esse reciproca & synonima: Cùm certissimum sit eo ipso loco, quo magnum pro vehementi siue acuto poni asserit Argenterius, patere latius magnum, quàm acutum. Quod postmodum animaduertens ipse palinodiam canit, & fateri cogitur, magnos esse morbos qui vim magnam possident, siue citò, siue tardius soluantur. Qua descriptione concessa perit funditus noua ipsius de indicatione Phlebotomias opinio.

Nam si magnus est morbus qualis describitur, solis acutis conuenire non potest eius appellatio, quare ex consequenti falsum erit à solis acutis venæ sectionem indicari. Neque nos à Galeni sententia distrahunt ipsius argumenta: si enim qui vehementer hoc est

validè corpus affligunt magni sunt morbi, quorum malignos excludemus, & eos qui principem aliquam partem obsident, suaque vi tandem vitam vnà cum omni substantia diripiunt? At febrem Hecticam magnum esse morbum negasse inquit Galenum. Habetur quidem 3. de præsagatione ex pulsibus cap. 7. Magnum pulsum & vehementē, cum Hecticis febribus nusquam concurrere, Sed quarto eiusdem operis libro, eius quod obijcitur nulla est mentio. Quod si vnquam à magnorum morborum classe Hecticā seposuit Galenus, de prima eius specie, seu gradu fuit loquutus, qui humiditatem tantum ex qua nutriuntur partes absument, nec adhuc funestam admodum vim habet. Non autem de secundo, qui in carnosiss hæret partibus, neque leuissimum quidem errorem perfert, quod exitialis sit affectus. Multò minus de tertio gradu, qui solidam depopulatur substantiam neque vlllo modo sanari potest. Non absimilis est eiusdem Galeni sententia, cum penes generationis modum duplicem febris Hecticæ differentiam facit. Illæ enim (inquit) quæ statim ab initio inuadunt, similem sui ortum Ephemeris facientes ex tristitia, aut ira, aut lassitudine nimia, vnà cum solis feruore contracta non admodum difficilè curantur. At quæ ex ardentibus febribus ortum habent, quæ tantum temporis protrahuntur, vt longitudine durationis humorē in corde cōtentū absument, non modo Hecticæ sunt, sed etiam

10. Metho.

Capite 11.

1. de diff.
febr. c. 8.

tabidæ: cumque iam exquisitè consistunt, & iamdudum incepterunt non modò easdem curare difficile est, sed etiam impossibile. Ex his Galeni verbis quis non inferat, hanc saltem Hecticæ speciem magni morbi appellationem mereri, si vera est Argenterij definitio?

An igitur quia in hac febre, vti & in venenatis affectibus à venæ sectione prohibemur, magnum esse morbū negabimus? Nullo modo. Licet enim admitteremus à solo morbo magno Phlebotomiam indicari, non sequeretur tamen administrandam ipsam esse hoc casu, virtute reluctantæ. Enimverò si in magna crudiorū humorum abundantia, magno existente morbo venam pertundi vetat Galenus, quoniā sufficiens adesse robur non potest, aderit multò minus in proposito affectu. Respuit hanc solutionem Argenterius, sed nulla fretus ratione. Imò verò si in ipsum propria spicula retorqueantur, ad eam, tanquam ad Asilum, se recipere cogetur. Demus (si ita lubet) ab acutis solùm affectibus, venæ sectionem designari: Hoc pro maiori posito atque concesso, ita demum Syllogisticè procedemus, quidam venenati morbi sunt acuti, citò enim & vehementer hominem excruciat, citò ad perniciem deducunt: Igitur à venenatis quibusdam venæ sectio indicatur. Nihilominus veneno infectos non detractio sanguinis, sed antidotis curare decet, alioqui plus officias, quam iuves. Ex quo profecto

*Libro de
cur. ratio-
ne per sãg-
miss. c. 5.*

consequitur, proprijs irretitum plexibus Argenterium, manifestæ contradictionis notam effugere non posse, nisi ad facultatem recurrat quæ veneni prauitate lacescita, euacuantis præsidij motum & violentiam sustinere nequit. Aut dicat aliud quoque inueniri quod prohibeat, ne scilicet exinanitæ venæ succum ad se polliciant venenatum. Falsum præterea est, quod ex eodem Galeno colligit varietatem in enumerandis magni morbi speciebus apud ipsum inueniri: læsæ enim actionis & facultatis præstantia, ad partis præstantiam refertur, quemadmodum ipsa actio effectiue à parte pendet, siquidem operatio sequitur virtutem, virtus essentiâ. Hæc itaque vnicam solummodò efficiunt differentiam. Ea verò morbi magnitudo quæ vel ex causatum, vel ex Symptomatum vehementia æstimatur, aut ad malignitatem aut ad affectus essentiam reducitur: Quamobrem omni culpa vacat hac in parte Galenus. Sed excusari nequit Fuchsius dum morbum magnum in tria partitur membra, à definitione primum exorsus, hoc modo.

Morbus est magnus (inquit) qui vehementer affligit & infestat, quique vim magnam obtinet, id quod accidit tribus potissimum de causis, quod scilicet in nobili & præstanti aliqua parte consistat; aut quod plurimum à naturali statu recedat, & periculosus sit, aut quod suapte natura & per suam essentiam sit magnus.

Errat in primis dum id quod totius est generis, secundæ dumtaxat speciei tribuit: quis enim magnus est morbus (si vera Fuchsi definitio) periculo non vacat. Deinde hæc eadem secunda species cum tertia coincidit: Nam quid aliud est suapte natura, & propter suam essentiam magnum esse morbum, quam plurimum à naturali statu recedere? Denique malignitatis non meminit. Hactenus vndeque tumultuarij aduersantiũ fluctus contratio impulsu vento, in veritatis, quam ingressi sumus, nauim impegerunt, tandemque contracti, nulla nobis inflicta clade, atque dissipati, in auras euanuerunt. Superest vt de quantitate euacuationis decernamus,

*A quo indicetur euacuationis
quantitas.*

QUÆSTIO DVODECIMA.

IN hac quæstione magnoperè laborandum non est, patet ipsa nullo negotio ex dictis. Id enim quod euacuationem indicat, euacuationi, terminũ & mensuram præscribit. Itaque si à plenitudine sola præfinitur sanguinis vacuatio ab eiusdem plenitudinis exuberantia detractioni modus imponetur, hæc est verissima doctrina Galeni testimonio luculenter expressa. Sicuti (inquit) qualitatem pro humoris molestantis ratione vacuari, ita videlicet quantitatem multitudinĩ molestantis

9. *Metho-*
di. C. 15.

Quod vt fiat naturam curandi corporis scias decet, quò, quantum morbus ab illius Symmetria discesserit intelligens, mensuram remedio imponas. Hæc postrema verba quam de qualitate dicuntur, possunt tamen etiam quantitati iusta proportionem applicari: vt enim calido affectui non satis est adhibuisse frigida, sic neque plenitudini euacuacionem, nisi debitus seruetur modus. Par vtroque metus, si infra modum substiteris ne vel morbi, vel causæ quidpiam relinquatur: sin modum excesseris ne contraria vitia inducantur. Et hoc quidem simpliciter de solitaria repletionem intelligendum est, non de ea quæ periculi magnitudinem habet adiunctam: Quemadmodum enim hæc non quacumque euacuandi normam postulat, sed eam solum quæ sit secta vena, sic etiam quantitatem ab ipsa limitari suo excessui proportionatam consentaneum est.

Namque vbi feruescentis inest sanguinis plenitudo acutissimam accendens febrem subito ac semel euacuabimus, eamque inanire tentabimus vel ad animi deliquium vsque, virium inspecto robore. Tantam verò detractiorem nusquam moliemur si præter multitudinem nihil vrgeat; Hæc igitur quantitas habet pro indicante præter plenitudinem morbi quoque vehementiam. Si quæ ex Galeno in contrarium produci solent examinare in animo esset, rem factâ aggredieremur. Ruunt

suapte impetu aliter sentientium tela. Quamquam negari non potest Galenum, ut in sectionis venæ indicante proponendo varius fuit, pari ipsum varietate quantitatis indicationem implicuisse.

Quæditorum porro solutionem non aliunde tanto labore mendicari opus fuerat quam ab eo quem explicamus Aphorismo nisi perplexa dubiaque Galeni sententia eò nos impulisset; Prompta quippè est & facilis in ipsis Aphorismi verbis solutio breui oratione comprehensa: Et quæso singula verba ad examen reuocemus. Euacuationis indicans hac clausula continetur (bonum habitum soluere expedit) hoc est plenitudinem exhaustire: ita omnes interpretentur, Et patet ratione. Non enim aliud indicatur, aliud soluitur: aliàs frustranea esset indicatio, nec ullius vsus solutio, igitur hæc solutio à plenitudine indicatur. Quætitatis indicans ista cõnotant (vasorum cõpressiones aut concidetiæ, quomodo-cunque vocari velis, ad extremum non sunt ducendæ) quod perindè est ac si dicas vacuandum pro multitudinis ratione, quam ex vasorum tumefactione quodammodo metimur, veluti etiam detracti sanguinis quantitatem ex ipsorum depressione, sic ἀδηλοφλέβους obscuris incertisque venis homines pauci sanguinis esse conijcimus. Dicit ergò Hippocrates cauendam esse extremam profusionem, quasi tacitè magnam admittens, ut quæ tam à magni morbi impendentis metu, quam ab

insigni exuberantia indicetur

Illud hoc loco disquisitione dignum est, cur ex hoc indicio potius, quod valde debile atque infirmum videtur, sanguinis extrahendi mensuram præscripserit Hippocrates, quam ex alijs à quibus indubitata vitalis roboris petuntur coniectura, ex mutationibus scilicet pulsuum, quæ in hoc genere primas obtinent, maximè cum ægri naturam considerandam doceat, quod perinde est, ac si facultatem diceret? Norunt qui in ipsius lectione sunt versati, vix ipsi vnquā de pulsibus sermonem esse: at plurimus est passim in recensendis ijs quæ ex αὐλοψία depromuntur notis, quæ ratione in prognosticis ægri faciem ante omnia considerat. Pari ratione in hoc quoque Aphorismo: vbi de vasorum repletione sermo est, ex qua oritur manifesta sensibus tensio, ex immutato eorundem vasorum statu qui sub aspectum cadit euacuationis modum determinat. Hæc igitur eius est intentio, hæc doctrina, cum præ euacuatione videris subsidentes venas, quæ aliàs in Athletico habitu apprimè sunt conspicuæ, sanguinis effluxum comprime: Nam ad extremam vasorum σὺμπτωσιν deuenire minimè tutum fuerit: vasorum, inquam, non molis corporis vt interpretatur Fuchsius: licet enim admittamus Athleticum habitum vnà molis corporis & sanguinis incrementum continere, nihilominus vix in animum sibi quisquam induxerit, tantam fieri posse vitæ etiamnū superstitute

1. Prognost
d. & seqq.
& alibi.

sanguinis detractiōē, vt temporis momento summē extenuetur & collabescat hæc moles, quam, ne exinanito quidem aut maxima ex parte aut vniuerso, protinus concidere putandum est: vt in capite truncatis, aut ense confossis experientia quotidiana comprobatur. Possunt ē contrā exhausta præter modum vasa illicò subsidere, penitusque in se contrahi, aperto, atque imminenti viriū vitæque dispendio.

Oritur hic altera priore non minor dubitatio, cur externi dumtaxat præfati indicij meminerit Hippocrates, faciei mutationem, languidiorem sanguinis effluentis modum prætermiserit, aliaque id genus quæ sub obtutum cadunt, & à Galeno numerari solent.

Respondemus coloris illius floridi, qui in pleno habitu plerumque cernitur, fieri non raro mutationem, non solum ob imminutionem sanguinis & virtutis, sed etiam propter externas causas: à frigore videlicet, aut concitato aliquo animorum motu, à timore præsertim, qui isto casu vel in cordatis viris frequens. Hæ ipsæ causæ sanguinis remouantur, inhibentque motum, qui aliàs præ vbertate raptim ac violenter ferri consuevit. Quin etiam vti tenuitas sanguinis eiusdem impetum promouet, illum pariter crassities retardat. Quamobrem consultius visum est breuibus quæ ad artem faciunt proponenti, cæteris omissis quæ iunioribus nonnunquam imponunt, ea perstringere quæ perpetua sunt,

Verum obtrudet aliquis compressa quoque ab externo frigore & timore vasa sensum effugere: Imò redundante etiam sanguine in carnosiss & obesiss corporibus facilè oculis non deprehendi. Sub aspectum vix cadunt fateor, sed tactum non fallunt periti artificis. Vt ergò duo vincula ligant arctiùs, ita & à duobus sensibus petita indicia probant certius. Illa ipsa verba (*Vasorum depressiones*) docent manifestè sanguinem vasorum sectione detrahendum: Qua ratione indicationi à futuri morbi magnitudine petita remedij satisfacit magnitudo. Morbi autem impendentis gravitatem hac oratione explicari (sequitur vt in peiùs ruant) iam antea declarauimus.

Dices quorsum Galenus interpretis vices gerens, solius redundantia meminit & virium nulla facta morbi mentione? Sic enim habet eius commentarius. Quantum autem euacuare conueniat non modò redundans humor, sed & natura indicabunt. Respondeo ex Galeni sententia reuera à magno morbo quantitatem mittendi sanguinis demonstrari; Ita expressè habetur libro sæpiùs citato de cur. ratione per sanguinis missionem. Solius autem redundantia meminit hoc in loco, quod supponeret morbi magnitudinem ratione & exemplis initio commentarij satis declaratam. Permittens euacuationem hac in parte exprimitur, (qualis natura fuerit eius

QVÆSTIO DECIMA TERTIA. 336

qui perferre debet) quod est Galeno interprete, pro virium modulo; Nam apud Hippocratem quandoque pro synonymis vsurpantur *φύσις* & *δυνάμις*.

Ætatis nulla fit mentio, tum quod de Athleticis sit exemplum propositum quos ætate florenti fuisse constat: tum etiam quod sub naturæ, hoc est virium consideratione ipsa collocetur. Hactenus Hippocrates, & nos cum Hippocrate circa indicationes, nunc ad conditiones in ipsa venæ sectione obseruandas, quæ ab Hippocrate hoc loco sunt prætermisæ, in iuniorum gratiam descendamus.

Quando, & qua ex parte secanda sit vena in Athletico habitu.

QVÆSTIO DECIMA TERTIA.

Perspectum habere ijs euacuandum sanguinem quibus ex eius multitudine periculû imminet, artis Hippocraticæ præstantiam nondum æquat. Ego enim tum qua ratione, tum quo tempore quauē quantitate euacuatio instituenda sit mihi declarari malem (inquit) Galenus: Galeno satisfaciamus. De quantitate quidem in præcedentib⁹ actum est, de tempore illud obiter dicemus, in Athletico habitu non cunctantèr vt loquitur

Libro aduers⁹ Erasist. Cap 6.

6. Aphor.
42.

Hippocrates) hoc est quā citissimè quacūque tempestate succurendum propter occasionis motum præcipit. In ea verò plenitudine quæ leuior est (quam improprie plethorā appellari diximus) omniū tempestatū ver accommodatissimum, modò ne quid vrgeat. Summum frigus & ardens Syrius cogente quidem necessitate. Sanguinis euacuationem non omninò remorantur, at quantitati modum præscribunt facultatis gratia. Circa hæc ipsa verba (*Non cunctanter*) alia paulò inferius movebitur quæstio ad praxim necessaria, inter doctos & imperitos controuersa.

Capit. 20.

De hora, breuiter, at quantū satis est, disse-rit Galenus eo libro qui de curandi ratione per sang. miss. inscribitur, cuius verba satis superque fuerit in rem præsentem adscripsisse. Quidam (inquit) manè tantum, aut ad summum in horam vsque quintā aut sextam tundendam esse venam arbitrantur: verum si quis memoria teneat quæ toto supra libro sunt dicta nihil tale committer, sanguinem fundens quauis diei noctisque hora, modò respiciat, in febrientibus quidem particularium paroxysmorum declinationem: in quibus autem aut ob oculorum lippitudinem, aut aliud simile citrà febrem hoc opus est auxilio, non declinationem omninò, cum omninò febris non adsit, sed magnitudinem aut doloris, aut phlegmones, aut totius affectus, in quo secta opus est vena, inspicere conuenit: cum autem nihil eiusmodi aut vrgeat aut prohibeat,

præstat manè venam incidere haud protinus ex somno excitatis, verū circiter horam vnam iam antea vigilantibus: Necessitati itaque nulla lex imponenda est: cū verò delectus licet hora matutina verumque tempus cæteris præferenda. Ad euacuandi rationem (quod primum à Galeno propositum fuit, duo referuntur; alterum est euacuationis species, alterum locus cui applicari debet. De priore dictum est in superioribus, de posteriore in hac quæstione pertractandum. In quo quidem peragendo (quoniā longa res est & difficilis) nè longius quàm par est orationis fines propagemus, difficultates omnes quæ circa hanc materiam moveri solent non attingemus, sed propositis quibusdam, velut exempli causa, de cæteris proportionem iudicium facere vnicuique permittemus, firma in primis hæc esto conclusio.

Secari in omni plenitudine eadem vena non debet, distinctione res indiget, vel enim ex consuetarum euacuationū retentione ipsa profluxit, vel ex peculiari natura, ætate, pleniore cibo, cæterisque causis eodem conspirantibus. Adde præterea vel insigniter infirmam partem aliquam adesse in quam decumbat multitudo, vel non vni membro quam alteri grauiorem noxam pertendi.

Cohibitis euacuationibus solitis, modo ne quid impediatur, aperienda vena illa est, quæ intermissum naturæ motum reuocet. Si qua verò pars admittendæ fluxioni cæteris

fit magis oportuna, reuulsione præueniendum malum. Horum si nihil affuerit, quâ cuique magis placebit. Hoc tamen animaduerso, vt in maiori plenitudine vas insigne aliquod potissimum seligamus, quale est illud interius dextri cubiti, quod è directo sanguinis fontem respicit, proindeque vulgò iecorarium appellatur, & ampla via cum vena quæ caua dicitur societatem habet. Hac data porta celerimè ingruentibus morbo & symptomatis occurratur. Istud euidens est, cœtera priore loco posita exemplis declaremus.

Sit aliquis in podagram procliuis, sanguinem in pedes irruere paratum secto cubito in contrarium reuellemus. At comitialibus & vertiginosis aperta crurum vena morbi recursum prohibebimus, in hoc satis consentientia video inter se doctorum placita, quanquam res planè omni controuersia non vacat. At discrepant toto cœlo in eo quod exempli gratia in posterum agitaturi sumus.

Esto aliquot iam mensibus cōpressa menstrua largioris sanguinis prouentum in corpore cumularint: Quanam ex parte sanguinem duces? *An ex cubito, an ex talo?*

Ex talo iubet Galenus; Reclamat Aëtius eiusque penè innumeri sectatores: vtrosque seorsum loquentes audiamus.

Plenitudines (inquit ille) à supressis mēsis ortas, omnino per crura vacuabis, siue secare venā oporteat, siue scarificatione vti: sectæ enī in cubito venæ mulierū purgationē reuel-

*Libro de
cur. ratio-
ne per sang.
miss. c. 19.*

*Galenus
3. Metho-
d. capite 11.*

*Libro de
cur. ratio-
ne per sang.
miss. c. 19.*

*Lib. de cur.
ratione
per sang.
miss. c. 11.*

QVÆSTIO DECIMATERTIA. 340

lere assolēt vides vt suā firmat ratione sententiā.

Amplius 13. Methodi, de venis in vteri inflammationibus secandis ita decernit. Renib⁹, *Capite. 11.*
vesica, pudendis, & vtero sic habentibus, eas quæ in cruribus sunt sitæ, ac potissimū quæ circa poplitem: sin minùs eas quæ iuxta malleolos aperire expedit.

Libro verò de cur. ratione per sang. miss. *Capite 18.*
de ijsdem pertractās, vteri (inquit) inflammationes magis etiam quam renum à venis in crure sectis iuuantur, nam quæ ex cubito fiunt euacuationes aliud etiam habent adiunctum malum, nempe quod purgationes menstruas cōprimunt, sanguinēq; ad superiores corporis partes detrahūt; Quæ verò ex malleolis, tantū abest vt retrahant, vt etiam menses promoveant. Hæc de vteri inflammatione asserimus, cuius eadem est ratio ferè, quæ & plenitudinis à retentione menstruorum: contraria siquidem opinionis assertores, hîc non min⁹ quàm illic inferiores venas pertimescunt, quod euocato ad vterum sanguine, aut retentio augeatur, aut Phlegmone grauius accendatur.

Vlterius in progressu nuper citati operis ita habet Galenus. Retentis Hæmorrhoidibus siquidem cohibere eas voles, quæ in brachio sunt, sin prouocare, crurum venas aperire cōuenit; at in ijs quibus suppressi sunt menses semper in cruribus. Quid clarius dici aut excogitari potest? Huc etiam referre licet quod in commentario Aphorismi 36. *Libro de cur. ratione cap. 19.*

particulæ 6^a. à Galeno scriptū est, illud enim Hippocratis (difficultatem vrinæ Phleboto- mia soluit) de ea dysmia interpretatur quæ vel ab inflāmatione, vel à plenitudine or- tum habet. Quod verò subditur (secandas interiores) de cubiti venis nullomodo intelligendum, asserit: siquidem in om- nibus suis scriptis, partibus ijs quæ supra iecur sunt affectis ex manibus sanguinem mittere: Inferiorum verò partium morbis poplitis & malleoli venas pertundere iubet Hippocrates. Denique coxeudices ynico se die curasse gloriatur Galenus, facta ex crure euacuatione, vbi non ex frigore, sed imple- tis sanguine quæ in coxa sunt venis proue- nissent. Quidni idipsum facere liceat simili- ter affecto vtero, cum non minus coxeudix & vesica, quàm vterus ipse inter inferiores partes numerentur?

Quæret ex iunioribus aliquis. Quorsum de- sistēdis Hæmorrhoidibus sermo est, mensium autem prouocatio semper omnique studio procuratur? Cum vtraque euacuatio leuan- do corpore sit à natura instituta? Satisfacit Galenus duplici ratione. *Primum*, quod li- berari quidam ab Hæmorrhoidum purgatio- ne cupiant, non item à menstrua: Deinde quod illa eousque progrediatur aliquando vt hominem vel protinus interminat, vel aquæ intercuti obnoxium, aut cachecticum reddat. Vteri purgationibus, vt quæ secundum natu- ram sunt, tale nihil euenit. Potest nihilominus

6. Aphor.
36.

Eodem de
ratione
curandi
libro C18.

Ibidem ca-
pite 19.

QVÆSTIO DECIMATERTIA. 342

& in his quandoque ab erosione, alijsque causis præter naturam, immoderatus flus concitari, qui sanè per superiora reuocandus est.

Ad Aetium veniamus is auctor est, copiosa sanguinis missione sanari eas quæ propter multitudinem non purgantur, ideoque cubiti ac tali secare venas oportere. At in vteri vehementi inflammatione cæteris consentientibus, cubiti venam pertundendam, & sanguinem pro virium ratione detrahendum. Quin etiam licere secunda die venam incidere & tertia detractiorem repetere. Vbi retentionis à multitudine, & phlegmones diuersam rationem statuit; in illa enim à cubiti sectione ad malleolos progreditur: In hac solius cubiti mentionem facit. Qui Aetij tuentur partes Galeni ipsius testimonio sese præmuniunt. Pro eorum stat sententia, illud, ex libro de cur. ratione per sang. miss. Incipientes Phlegmonas reuulso euacuare oportet, quæ verò inueteratæ iam sunt, ex ipsis si fieri potest affectis partibus, quod si nequeat, saltem ex vicinis; Etenim incipientibus auertere quod influit expedit: in inueteratis autem id tantum quod affectæ parti infixum est euacuare: Euacuabitur porro id optimè per venas coniunctas cum ijs quæ in ipsis partibus sunt sitæ.

Secundo quoque ad Gloconem in Plethorico iuvene defluxu ad inferiora irruente superiores venas aperit, sin contrarius sit

4 Tetra-
bilio ferm.
4. Cap. 57.

1bi. cap. 83.

Capite 19.

Capite 2.

humoris motus inferiores. semper enim (inquit) humoris cursum trahere in contrarium iuvat.

Clarius idipsum explicatur eodem capite ipsius vteri exemplo, atque ita manifestè ut nullus dubio locus superesse videatur, hæc sunt verba. Fluentiū adhuc humorū ἀντιστροφὴ hoc est retractio (sic enim Hippocrates nominat) eorū autē quæ iam partē obsederunt deriuatio modela est. Vtrumque autem euacuationis genus per communes venas fieri præcipit, veluti in locis muliebribus in contrariū trahes, si eas quæ in cubito sunt secueris venas, aut circa mammas cucurbitas apposueris, vel manus concalefeceris, & fricueris, atque alligaueris. Deriuabis autem, si eas quæ in poplitibus aut talis sunt venas secueris, & cucurbitas coxis applicueris, & crura calefeceris ac perfricueris atque alligaueris. Quid quod vti deriuatio ad vicina, sic reuulsio fit ad contraria? id enim sonat vox ἀντιστροφὴ) vnde perpetuū & inuiolabile præceptū istud sanxit Galenus. Quæ in oculis aure, vel palato fluxiones accidunt, eorum ad vicina per nares deriuatio est.

5. Metho-
di 3.

Reuulsio vero in ijs quæ suprà sunt omnibus, deorsum semper agitur: sursum, in ijs quæ sunt infrà. Præterea à dextris ad sinistra, sicut ab his rursus ad illa: similiter ex ijs quæ intus habentur, ad ea quæ foris sunt contraq; ab his ad illa, ita namque & natura facere consuevit: mulieri enim sanguinem euimenti

mensēs superueniētes remedio sunt. Quod si vel menses confertim eruperint, vel sanguis ab vtero quodammodo profluxerit sursum reuelles, ita suadente Hippocrate, cucurbitulam maximam sub mammis defigendo. Age modo nonne eandem viam tenebimus, cum irruentis in vterum sanguinis multitudo influxum aliò pertrahi iubebit.

His è diametro respondent illa quæ libro 4. Methodi Therapentices scripta inueniuntur. Si etiamnum fluxio valens, irruat, reuellere ad contraria studebimus. Vtique si in superioribus vlcus consistat per inferna purgantes: si autem in inferioribus sit, superiorem ventrem euacuantes: at si iam fluxio consistit atque in membris inhæsit, deriuare per vicina magis expedit. Libro quoque Methodi 13. sic habet si quis purgationem in incipiente iecoris phlegmone decernat, maximam excitabit inflammationem, æquè vt si cum renes aut vesica Phlegmone tentari cœperint, quæ vrinas cient medicamenta exhibeat, aut si cum vterus Phlegmone laborat, menses deuocet; siquidem longissimè à parte quæ fluxione tentari incipit, quod redundat reuellere, nequaquam ad eam trahere convenit. Hoc pro maiori posito, sic assumo: saphenæ incisio menses mouet, ergo incipiente vteri Phlegmone non erit oportuna.

Valida sanè vtrunque argumēta quæ doctos in contrarias opiniones distraxere. Quidam

Capite 6.

Capite 11.

verò mediam quādam secuti viam dissentientiā loca cōciliare aggressi sūt, id fundamēti loco statuētes quod iam antea declaratū est plenitudinem scilicet, aut copiosam esse aut leuem. In leui concedunt ex Galeni mente aperiendas perpetuò inferiores venas. In graui plenitudinem asserunt primū ex superiori parte minuendam, ne copiosiore sanguine ad vterum deducto, augeatur obstructio: Tum malleolum pertundendum, ne ab instituto cursu natura auocetur. Idem omnino de inflammatione statuunt; In cuius principio, si vehemens ea sit, reliquique corporis adiunctam habeat pleuitudinem, sanguinem ē cubito reuulsionis tantum gratia profundunt mox, ad deriuationem simul & euacuationem, ex talo deueniunt: Hac adhibita cautione fluxionis adaugendæ periculum effugiunt, illique indicationi quæ ab influxo in partem sanguine, desumitur, suo tempore satisfaciunt. Ingeniosa quidem explicatio, at non vndequaue nostri doctoris intentioni respondet.

lib. 2. methodic. 7.

Huius alteram partem admittit Fernelius, alteram reijcit. De posteriore sic loquitur At si qua inflammatio subest, (in vtero scilicet) per initia rursus retrahetur, idq; directo, illius quippe tanquam ē fonte plenior fluxio irruebat; nec est quod inde mensiam suppressionem vereare, si modo quān mox venam in malleolum aut in poplitem directam ferire iubeas, quæ illorum euacuationi deriuationi-
que

QVAESTIO DECIMATERTIA 346

que paratum & expeditum est praesidium. At si quis temerè hoc ab initio experiatur, & attentet, fluxionis imperum, Phlegmonemque augebit. Reuulsio enim quæ fit secta interiore cubiti vena, quia iecur fontem ipsum è quo fluxionis exordium est exhaurit, vniuersalis censetur, quæ verò ex venis inferioribus fit, particularis, neque fontem primario euacuat. Quanto lepore, facilitate, breuitate, rationes perstringit: tum concludit. Cum itaque vniuersalia particularibus sint præmittenda, inflammationes quæ subter renes incurrent primum reuellendæ sunt, præcisa interiore cubiti vena directæ. Deinde reaseratis inferioribus, quæ aliquam etiam reuellendi vim obtinent: has tamen tutum minimè sit primas ferire, maximè si ingens est vasorum plenitudo fluxionisque incurtio vehemens. De priore verò nulla distinctione allata sic generatim statuit; si plenitudo ex suppressis mensibus coagmentata est, Quisquis morbus impendebit congruenter propulsabitur internarum sectione, quæ dum vacuant, menses pariter esciunt, ipsamque mali causam exterminant.

Fuchsius nullo discrimine utroque in casu, poplitis aut malleoli venam aperit. Dubius hæret Frambesarius sola contrariarum opinionum allegatione contentus, neque quid ipse sentiat promit, cum tamen in praxi dum res in consilium vocatur certò definienda sit. Ad demendam (inquit) plethoram, vnaque

*Lib. de curatione
Capite 53.
& 59
Libro 3.
consultat.
Medicm.
consil. 29.*

promouendam menstrui sanguinis purgationem secunda Galeni consilio malleoli vtri-
usque vena, aluo remolliente clystere soluta,
nisi cubiti vena prius videatur aperienda, vt
monet Aetius, nè sanguis maiori impetu ir-
ruat ad vterum: vel vt reuellatur sanguis
qui copia sua obstructionem fouet. Quasi
verò obstruenti sanguini debeatur reuulsio,
non ei qui obstructurus est; ruenti ergò san-
guini conuenit reuulsio non ei qui obstructi-
onem fouet. Quem nos tandè in tam varia
opinionum & rationum quasi fluctuum agi-
tatione refugij portum perquiremus? Magni
equidem ad ægrorum salutem momenti hæc
disquisitio, in qua si Galenum nostrum se-
quemur, ducem secundas perpetuò inferio-
res venas apertè concludemus. Id quoniam
luculenter antea comprobatum est, scrupulū
omnem è medio sustulisse videbimur, si quæ
ab auctoribus in contrarium afferuntur, ad
rationes trutinam reuocemus. Quoniã verò
hæc non parum difficultatis habent, expla-
nationes adhibendæ vt omnis difficultas è
medio tollatur.

Sciendum in primis, reuulsionem fieri
nonnunquam ad distantissima, quandoque
coniunctam habere deriuationem & euacua-
tionem: Illa præcauendis absentibus, & in-
cipientibus rescindendis malis: Hæc inci-
pientibus & factis affectibus tutò adhibetur.
Illa vt fluxuri, aut etiamnum fluentis humo-
ris impetus inhibeat, alioque diuertatur;

Hæc non modo vt compescatur fluxio, sed etiam vt iam defixus in parte succus, depellatur. Illa denique solum humorem fluẽtem aut fluxurũ respicit: hæc & fluxurum, & fluentem, & fluxum. de priore dicebat Galenus libro sæpius citato de curandi ratione per sang. miss. Quibus eximiẽ pars quæpiam vbi prius euacuati non fuerint infestatur, haud liceat ex quauis parte euacuationem moliri, verũ sicut in ijs qui pati iam accipiunt. Quamobrem podagricos ex cubito vacuato comitialibus verò morbis vertiginibusque obnoxios potiũs ex cruribus.

Capite 19.

Ecce distantissimas auersiones à pedibus ad cubitum, à capite ad crura. Posterioris de qua controuersia est, passim meminit. Inquit ibidem: capitis grauitates & inueteratos in eo ex plenitudine dolores, leuare manifestè solet tusa in fronte vena: At incipientes & vigentes per cucurbitam in ceruice procurata retractio. Interim quidem solam, interim cum scarificatione, cæterum præuacuatum esse corpus oportet vniuersum. Eadem ratione incipientes in occipitio dolores, aut etiam vigentes incisa frontis vena iuuat. Habes hĩc mixtam cum reuulsione euacuationẽ, ipso Galeno ita probãte. Quippe (inquit) reuulsiones cum euacuatione adhiberi magis debent in fluxionibus incipientibus. Quæ verò fiunt ex ipsis partibus affectis, aut illis vicinis in Phlegmonis quæ velut scyrrhi naturam referunt. Idem etiam

Capite 19.

G. Epid.
parte 2. t.
27 & ibi.
Galenus

tacitè innuit dum ait, præuacuatū esse oportere corpus vniuersum, quoniam nimirum à reliquo impuro corpore, trahunt ad caput cucurbitulæ, debilem itaque reuellendi vim habent, vt quæ vacuantibus præsidijs, & deritantibus facultate sunt proximæ: apertè tamen à solitaria euacuatione distinguntur: & in ijs computantur quæ comitem habent reuulsionem. Hippocratico exemplo res illustrari potest. Is pleuritidis dolore ad clauiculam pertingente internam cubiti venam secari præcipit, & sanguinem eousque detrahi donec rubidior & flauior, multum, vel pro puro & rubido liuidus appareat. Hæc coloris mutatio, sanguinis ex inflàmata particula translationem commonstrat; Quam tamen initio statim administrari fatebitur, quisquis sopitam illam Arabum sententiam de secanda ex latere opposito vena, nusquā in praxi à probatis viris hoc tempore obseruatam, immortalī obliuione dignam, & à scholis non minùs quàm à praxi, eliminandam quotidiana experientia compererit.

Quæret Arabum fortasse quispiam quorsum ex cubito potiùs, quàm ex inferioribus venis sanguis educitur? Cur ex eodem latere non ex contrario? Si ad remotissima Phlegmones initio repelli humorem & reuelli præstat? Imò verò hoc nomine quod sanguinem ab affecta parte & magis, & velociùs tum reuellere, tum euacuare possit à Medicinæ principe administratur. Eam enim partē

*2. Acut. t.
10.*

*Galenus
Ibidem in
comment.
& lib. de
cur. ratio-
ne per sag.
miss. c. 14.*

*Galenus
2. Acut.
comm. 10.*

quæ Phlegmone obsidetur, tum celeriter, tum quam cæteras partes magis in acutis præsertim morbi euacuare contendimus. Confirmat hoc ipsum alibi Galenus iecoris exemplo.

Proponatur (inquit) iecur contrahere Phlegmonem incipere, nullo venæ sectioni obstaculo interposito, tum reuellendus, tum euacuandus qui ad iecur fluit. sanguis est, interea in dextro cubito infecta vena, propterea quod κατέβη & ampla via cum vena quæ caua dicitur societatem habet. Nullibi non euacuationis cum reuulsione mentionem facit vt superuacaneum sit aliundè testimonia compilare. Quamobrem consultius fuerit, cum manifestum sit ex Galeni sententia pertusam in talo venam vtraque ratione affectibus vteri subuenire, allegata in contrarium loca vera (si fieri potest) interpretatione declarare, quam in proposito confirmando diutius versari. Primū quod assertur ex initio capitis 19. lib. de cur. ratione per sang. miss. per ea quæ ex eodē capite in propriæ sententiæ confirmationem attulimus, explicatur. At dixerit fortasse argutus aliquis perperam à nobis intelligi hæc Galeni verba (*reuulsionem cum euacuatione*) tanquā distincta, cum vnà coniungi debeant atque hunc sensum efficere. Initio Phlegmones reuulsua euacuatio iniungenda est, hoc est, influens humor euacuatione reuellendus itaut euacuationis nomen, in materiā irruentē minimè verò in influxam cadat. Verum

13. Metho.
Capite 11.

hoc ita concessio de coloris in pleuritide mutatione, quæ propriæ deriuationis atque etiam euacuationis nota est certissima, quid tandem comminiscemur? Quorsum in exemplo hepatis basilicæ cum vena caua communionem memorat Galenus? Nisi vt reuulsioni adiunctam ostendat euacuationem quæ fit ab affecto membro? Productus ex 2. ad Glanconem locus supponit tumorem in genu, quo casu superiores venæ aperiendæ sunt, neque enim inferioribus sectis reuulsio vlla fieret, sed tantum deriuato, nimirum ad partem vicinam. Vteri longè alia est ratio in cuius affectibus poplitis & crurum venæ reuellendi vim obtineat, vt ex Galeno deduximus, ipso etiam Fernelio non repugnante. Nec obstat quod ex eodem 2. ad Glanconem. cap. 2. proponitur, qui locus omnium difficillimus videtur. Fatemur enim veram & solitariam reuulsionem fieri ab vtero per superiores venas. Quæ verò per inferiores fit, deriuatio reuulsoria est, siue reuulsio deriuatiua atque euacuariua (vt ita loquar) Proindeque ex præfata Hippocratis & Galeni doctrina, soli, quæ ex maximè remotis fit partibus, reuulsioni antepponenda.

In quarto & decimo tertio Methodi libris, de medicamentis agitur quæ per affectas partes humorem expurgant, ad quas ex consequenti vehementiorem fluxionem concitant; Sectionis Venæ longè diuersa est ratio quam idcirco in eadem iecoris inflammatione

non respuit Galenus, quanquam vim ipsi euacuatoriam tribuit. Præterea malleoli incisione ab vtero reuulsio fit remotissima quidem sufficienti tamen distantia. Dices maioris in vterum sanguinis affluxus metum ingruere.

Respondeo concitatiores sanguinis incursus larga, aut repetita profusione impediri. Neque enim liberalius ducto semel, aut repetitis viribus, sanguine, quod reliquum eius est in corpore, exinanitæ venæ liberè elabi sinunt. Ex hac porro euacuatione multò minùs pertimescenda virium deiectio est, quam si superiorem aliquam priore loco pertundamus. Tum quod ampliores sint quæ in brachijs reperiuntur, & principibus partibus magis vicinæ, tum quod illabantis duntaxat humoris reuellendi vim habent, defluxum non attingunt, nec eum qui iam in partibus affecto loco proximis stabulatur. Quorum utriusque noua postmodum euacuatione nouo virtutis incommodo atque dispendio nouo ægrotantium tædio, succurrandū fuerit. Erumpentis ab vtero sanguinis comprehendendi (quod quarto loco proponebatur) longè dispar est ratio: Tum enim solam effluxus gratia reuulsionem molimur, non etiam euacuationem per se intendimus eius, quod ut plurimum in corpore præstaret asseruari. At proposito casu per se vtrumque indicatur. Sanguinis quidem reuulsio quatenus fluit, eiusdem à toto euacuatio quatenus redūdat

*Gal. lib. de
cur. ratio-
ne per sūg.
miss. C. 19.*

in toto: ab affecta quoque parte deriuatio, & euacuatio, quandoquidē hęc copia offenditur. Præceptum itaque Galeni de solitaria antispasi audiendum non de ea cui coniūcta est deriuatio, vel euacuatio, vel vtrumque. Illa in propositis illis casibus sola requiritur; Hac ei de quo sermo est affectui alijsq; grauissimis, nec minus tutò subuenit, & promptius.

Quemadmodum enim incipientem pleuritidem quæ ē directo est, in interiore cubito; Sic Ischiadam, atque vteri inflammationem facta ex crure euacuatio celerrimè eodem (inquam) die sanauerit. Neque sanè minor sese offert augendæ pleuritidis metus (quam secta ex opposito latere vena in contrarium reuocatam quandoque obijciunt Arabicæ familiæ alumni (eò nimirum pertracto vi euacuationis, sanguinis impetu. Quod quidem periculum facili negotio, vel iterata sanguinis missio, vel scarificatio, aut cucurbitulæ substraxerint: Qua etiam ratione, emergentibus ex inferiorum venorum sectione damnis occurremus: Quæret aliquis, quidni medicamentis æquè ac Phlebotomia hanc eandem euacuationem per vterum moliri licet? Multis profecto & grauib; de causis quæ omnes ad propositum antea fluxionis atque adeò inflammationis grauius irritandæ metum reducuntur. Prima causa est ex parte ipsius medicamenti, quæcunque enim menses mouent calidam temperiem nacta sunt in tenui substantia: Qua-

*Gal. lib. de
cur. ratio-
ne per sag.
miss. C. 18.*

*Galen. de
simpl. med.
fac. cap. 22*

propter meatus aperiendo, sanguinem attenuando, fundendo atque inflammando, fluxionis impetum promouent, & Phlegmones ardorem vehementius incendunt: Altera ex parte humorum: attenuati siquidem & fluxiles reddit, in affectam partem recta excurrunt: motum hunc præter calorem & dolorem, excitat & dirigit, medicamento Hysterici, occulta illa quam cum vtero habet sympathia. Tertia ex incertitudine euentus: Etenim quamuis concedamus prouocato menstruum cursu patientem inflammationem leuari, certò tamē & indubitatē polliceri non possumus propinato quod menses ciere aptum sit Pharmaco euacuationem cessuram.

E contrario adaucta, ex nouo affluxu humorum quantitate atque obstructione magis magisque receptus in vtero sanguis defigitur.

Dicet allegatas rationes in purgatione locū non habere. Nam cum rarò admodum nos fallat mendicamentorū purgatiū effectus (maximè si naturā ægrotantis habeamus perspectam) imò verò dum certis quibusdam coniecturis non difficilè ducamur in cognitionē eius qui purgari debet, nullus ingruit metus, ne moti humores & concitati recta in affectum locum deuoluantur, quin potius euidenti commodo per consuetas & conuenientes vias extrà feruntur: perperam itaque Galenus incipiente iecoris phlegmone ca-

2. *Acut.*
 t. 11.

tharcticum interdicat. Nisi fortè erroris co-
 arguendus videatur diuinus senex qui ven-
 trem peplio aut veratro nigro molliri iubet
 pleuritide ad inferiores septo trans-verso
 costas descendente, non alio sanè consilio
 quàm vt naturæ motum imitemur, humorē
 καὶ ἀπόρον hoc est qui deorsum repit καὶ ἄνω
 id est deorsum expurgantes. Idem 4. apho-
 rismorū confirmavit supra septū trans-uerſū
 dolores, purgatione(inquit)indigere per su-
 periora significant, quicunque verò inferi-
 ora molestant, per inferiora.

Capite. 18.

Vbi notandum illud est non modo in do-
 lore infra clauiculas & septum purgationē
 approbari, sed etiam *ἢ ἂν φαρμακείαν* id
 est purgationē per superiora in dolore as-
 cendente commendari, cum tamen solius
 venæ sectionis eo in casu meminerit 2. acu-
 torum.

t. 10.

8. *Aphorif-*
mus 24.

Respōdēdū in primis cum ipso Hippocrate
 in acutis passionibus rarò & in principijs
 medicamentis purgantibus vtendum, id quod
 non nisi præmeditatione adhibita rationem
 hanc profert fidelissimus interpret in com-
 mento. Neque enim(inquit) paruum pericu-
 lum est in morbo acuto malè vti purgante
 medicamento, cum omnia id genus medica-
 menta, potestate sunt calida (de verè pur-
 gantibus loquitur) febris verò quatenus fe-
 bris est, & sui ratione non calefacientibus
 atque exsiccantibus, sed maximè contrarijs
 hoc est humectantibus & refrigerantibus ege-

at. Addamus etiam circa initia neque coctos esse neque expulsionī paratos humores, neque fluida corpora, hoc est expeditas vias. Quare utroque nomine incipiente iecoris inflammationem non parū violenta fuerit purgatio. Præterea illic concitator est & quodāmodo effrenata pharmaci actio, ubi residet mali fomes hinc ἐμπυρέυματος auctio, hinc maior in membrum dolore obsessum humorum attractio, Et quanquam hæc non ita graviter vrgent in pleuritide descendente, purgationem tamen ipsa affligente non semper admittit Galenus, sed tum solum cum febris vehementior non affligit, & patientis naturam non ignoramus. Quod amplius est Phlebotomiam purgationi semper anteponendā putat, quia nullum ex ea periculum impendet, hæc in maximum discrimen redacta est, licet vberiore quam illa utilitate decernatur, ut hoc nomine reprehendere Hippocratem ausus sit Soranus. Neque verò sententiam nostram vlla ex parte infirmat allegatus Aphorismus, sed potius roborat modo fideliter exponatur. Manca quippe est & imperfecta Leonicieni interpretatio quam protulim⁹, ut potè quæ verba illa οὐδὲν καθάρσεως δέοντα, prætermisit. Et sanè miror hunc locū oscitanter à Martiano Rota, & Gadaldino recognitum, ut errorem, ne à Galeno quidē moniti, deprehenderint, in cuius cōmentario hæc leguntur: Addidit autē sermoni purgationes indigentes ne quis forsitan arbitrare-

2. Acut.

comm. II.

tur curare Hippocratem omnes dolores simpliciter per purgationem. Neque enim in præsentia hoc dicit, sed pro humorum infestantium inclinatione vacuationē esse faciendam. Notandum interim eundem Leonicum, hoc etiam loco aberrasse, non enim dixit Galenus Hippocratem non curare dolores omnes simpliciter per euacuationem, ut ille interpretatur, sed per purgationem differt autem specie purgatio à vacuatione speciatim sumpta.

Concludamus itaque longè consultiùs fore Galeni decreto venarum inferiorum sectione (quibus tum vniuersalis tum particularis & citò & commodè perficitur euacuatio) naturæ motum & propensionem sequi (quod in Aphorismis iubet Hippocrates) quam semel & subito iuuare cum possis ægrotantem sæpiùs & diutiùs torquere.

*1. Aphorif
morum. 21.*

Vtrum laudabili existente sanguine minor eius copia sit profundenda.

QVÆSTIO DECIMA QVARTA.

Difficultas hæc cum illa coincidit, in vtra Plethora pura scilicet aut impura copiosior sanguis sit detrahendus? In qua quidem definienda vulgaribus, cum Medicis

non bene conuenit. Illorum certè suffragio impuræ maior quantitas multis nominibus videtur decernenda: Cùm enim plures hostes paucioribus longè grauius premant. Illis & pluribus & valentioribus obsistendum, at in hac plenitudine vrget, non minus quam in vera quantitatis vitium: Adest præter hoc infesta qualitas quæ non modò cum plenitudine, sed etiam citra hanc, in vehemētissimos affectus nos præcipites ducit; duplex ergo liberalius effundendi sanguinis insurgit scopus.

Præterea quid à ratione magis alienum, quàm id quod natura sua calorem natium fouet, vires sustentat & reficit, obeūdis vitæ munijs præficitur cùm nulla labe, nulla aliena qualitate, nulla extranei permissione sit infestum prodigalius exhaurire; Eius verò quod alendo corpori inutile, quod viribus infensum, quod calori inimicum, denique quod præter naturam est vndequaque, partem vllam in visceribus relinquere? Dices exhausto sanguine bilem efferuescere, recrudescere pituitam, efferari melancholiā. Quasi verò non eadem quæ antea remaneat humorum proportio, nec vnà cum sanguine noxij humores effluāt: Imò equidem multo magis quàm ipse sanguis, secreto ibi ab expultrice facultate foras emandantur: Hic retentricis opera auidissimè conseruatur. Quamquam non ideo inferri velim cognitione aliqua dirigi ad opus naturam: satis est ipsi vis

illa suo ab opifice indita, scientiam omnem exuperat mirabilis ad sui conseruationē Dei ter opt. max. beneficio ad hoc innata propensio, vt si quando vita nostra in intestinos hostes inciderit, omnem exploret viam natura, nullum non moueat lapidem expediendæ salutis. Quamobrem iure merito latinus Medicus, crassum & nigrum sanguinem vt pote vitiosum vtiliter effundi pronunciauit. Rubidum verò & pollicidum integrum esse, eiusque profusionem adeò non prodesse vt etiam noceat, ideòque pròtinus supprimendum. Quam sententiam videtur ex Galeno ad verbum descripsisse, dum ita inquit: si fluens sanguis non videatur melancholicus statim compescatur. Sin talis appareat vacua quantum pro laborantis corporis habitu satis esse coniecerit.

Postremo idem hoc argumento conuinci potest. Si infrà debitam mensuram in minuendo bono habitu substitimus, quod superest tractu temporis in alimentum facesset, reparandoque continuo substantiæ effluxui impendetur. Contra omninò, prauorum humorum reliquiæ cum nutritioni corporis sint ineptæ, putredinem necessariò diutius asseruatæ contrahunt, & putridas accendunt febres. Sic morbi reliquias, aut morbos novos procreare, aut recidivas facere in dies experimur. Quibus rationibus persuasus Galenus venæ sectionem tanquam saluberrimum præsidium in omnibus febribus à pu-

Celsus lib.

2. Cap. 10.

3. de locis

affectibus

Capite 7.

Hipp. 2.

Aphor. 12.

& Gal. in

comm. 11.

Methodi.

1. ad Glæo.

tridis humoribus excitatis admisit: Et speciatim eiusdem in quartana (quam putridarum febrium securissimam fatetur) mentionem facit. Sed rem longè clariùs & disertius atque ex professo definiuit summum Galliæ decus & ornamentum Fernelius (cuius auctoritas apud me valet plurimum, & per æquè apud cœteros valere debet) is ita inquit. Si peluiculæ omnes optimum sanguinem æquabiliter contineant, credibile est reliquum in venis similem haberi, illum tamen detrahendum fuisse, quod multitudine peccaret: sin vitiosus & impurus sanguis conficitur, multò etiam vtilius eductus est, vt qui copia & qualitate molestus corpori negotiam facesseret: sed & posthac vacuari diligentius corpus decet, aut Pharmaco aut venæ sectione. Concludendum ergò quod quemadmodum maiore emolumento concurrentibus quantitatis & qualitatis vitij vena pertunditur. Ita sanguinem vtroque modo peccantē, si ritè inferemus, liberalius profundendū at vero palinodiā canit Ferneli⁹, dū veluti correctione quadā superiora explicans, ista mox subiicit. Non tamen quò impurius sanguis alieniorue à sua natura longius desciderit eò plus detrahes, vulgarium & malorum Medicorum more (notent hoc Lutetiani quib⁹, & apud quos Fernelius scribebat) sed quanto humores citrà vltràve sanguinis naturam longius recesserint, tantò parcius & cunctantius hauriendum de san-

2. Method.
Med. c. 21

*1. de sanit.
tuenda.*

guine, cūque longissimè ab eius forma abesse deprehenduntur, in totum erit à Phleboto- mia abstinendum. Quam sententiam ad ver- bum ferè ex Galeno desumpsit, cuius hæc quæ sequitur oratio. Vbi paululum vel citrà sanguinem est restitum, vel vltrà progressum intrepidè euacuandus sanguis: vbi verò plus cautius agendum: vbi plurimū à venæ sectio- ne prorsus abstinendum. Et sanè ita esse rem & cum Hippocratis cohærere principijs vai- co hoc argumento conuinci potest.

Inanis omnis indicatio, quam virium con- sideratio excludit, prius enim est hominem viuere, quàm sanari, & longè consultius vir- tutem non exoluere, quàm sanguinem eua- cuare redundantem, sed in exquisita plenitu- dine maiorem perferunt euacuationem fir- miores vires, sola enim copia offenduntur, quā imminutā illicò quasi cœlesti quodam spiritu leuiter afflante recreantur: In impura remanet etiamnum praua qualitas spiritibus infesta, quorum largiore detractione sangui- nis, copiosa fit efflatio, non sine facultatis detrimento. Copiosior itaque euacuatio cō- uenit exquisitæ Plethoræ.

Hoc argumentum præcedit ab indicatio- ne à viribus desumpta, quæ cæteras omnes pre se contemni atque intermitteri iubet. Ali- ud proferamus modò quod apud omnes gra- uissimum haberi solet, ad ipsa rei natura de- promptum.

Euacuationis sanguinis indicatio à quanti-
tate,

tate, ergo euacuationis quantitas debet ex ipsius sanguinis quantitate non qualitate æstimari. Antecedens in superioribus cumulatè probatum fuit, dum euacuationis indicans perscrutati sumus: Patet etiam consequentia ex dictis imò patet ex seipsa. Nam si verum est à plethora missionem sanguinis indicari, consentaneum est, vt quò proprius illa ad exquisitam accedet, eò largius hic effundatur, habita semper tum virium tum excessus ratione. Quamobrem in plenitudine notha & spuria non vltèrius in euacuando progrediendum est, quam fert indicantis natura, sanguinis videlicet redundantia. Reliquorum humorum exuberantiam còmodius atque vtilius, certiusque detrahet purgatio. Nam cùm ex vera plenitudine & cacochymia commixta sit affectio, duplicem quoque intentionem parit; Alteram quæ ad sanguinis abundantiam, alteram quæ ad humorum vitium & præternaturalem qualitatem dirigitur.

Rectè ergò (vt omnia ferè) Galenus noster si exiguus appareat (inquit) laudatus sanguis inspecta quantitate, reliquus succus copiosior, missioni sanguinis supersedendù; sin copiosus hic effluat, ille exiguus, liberius vacuandum.

*1. de sanit.
tuenda.*

Neque magnum in ijs momentum est positum quæ in aduersum iactantur. In primis nò benè inferebatur quantò à pluribus affligimur, tantò vacuationem adaugendâ, quod

est afflicto afflictionē dare (vt est in prouerbio) quin potius quò plura virtutem oppetunt, eò maiorem sequitur in euacuationis modo habendam ipsius rationem. Procederet ratio, si concluderetur, pluribus & diuersis remedijs insistendum, quò à pluribus & diuersis affligimur. Vndè id sequeretur in impura plenitudine phlebotomia opus esse quantitatis imminuendæ gratia, ac præterea purgatione, quò humor sua qualitate noxius discretè & separatim egeratur. Procederet etiam hoc modo: quò grauiora nos excruciant, eò validioribus neruis & maiori contentione obsistendum, sed in genuina siue tensua appellata multitudine, grauior est sanguinis vbertas, grauius ex tanta vbertate periculum, ergo grauiore nixu, hoc est, largiore sanguinis effusione anteuertendum malum & caussa rescidenda, quam in ea quæ tensua non est. Hanc ob rem experientium virorum decreto solius redundantia causa nullo peculiari aut substantia, aut qualitatis vitio sanguis in Athletico habitu copiosissimus eximitur. Sed humoribus à sanguine alienis infestantibus seriò & prudenter admonet Galenus, aduertendum ante omnia quatenus valeat & robusta sit virtus, & quæ sit humoris qualitas. Nam exolutæ ab id genus affectibus vires, adhibita sanguinis missione ruere in extremam perniciem solent, sic vt nusquam postea restitui in integrum queant.

*Libro de
cur. ratio-
ne per sag.
miss. c. 6.*

Fluit enim promiscuè cum humore prauo benignus & naturæ familiaris, Nec tantillo tempore, vt in crisi coctione præparatus, sic in morbis cum sanguine confusus extraneus humor, naturæ beneficio mox aperta vena secerni potest. Ex his patet responsio ad secundum.

Non magis promouent auctoritates allegatæ, nam in mittendo citrà plenitudinem insignem sanguine procedit Celsi documentum: Quo casu si colore is fuerit & substantia laudabili, neque facultatem grauet, asseruandus est. Galenus verò citato loco de melancholicis affectibus differit, quos tenui- uæ plenitudini cõplicari non supponit, ideoque venam aperiri consulit experiundi solum gratia qualis in corpore is reperiatur. Quare si pro atro & melancholico rubor & floridus appareat, illico compescit effluxum, quandoquidem solius morbificæ causæ sublationem molitur. Quando verò idem putridis febribus, & speciatim quartanæ sanguinis detractionem imperat, de copiosa aut profusa non debet intelligi. Neque sanè Medicos illos vnquam probandos censui, qui in leuibus id genus morbis plena (quod aiunt) manu naturæ thesaurum, innatique caloris penum ac ærarium exhauriunt. Et mirum videtur Galenum hisce casibus Phlebotomiam probasse, quam à magno solū morbo indicari profitebatur nisi fortè metu grauioris mali? Sed de his aliàs. Ad rem dico va-

365 *APHORISMUS TERTIVS,*
lere argumentum, si ex Galeno probaretur
in syncho non putrida ex plenitudine orta,
minorem quàm in id genus febribus, san-
guinis euacuationem indicendam.

Quod vltimò profertur nihil aliud efficit
quam humore quantitate & qualitate simul
infensum, grauiorem cladem & ruinam mi-
nari, nisi è corpore exigatur, quàm si sola
quantitate peccaret. Non ideo tamen sequi-
tur illo casu reclamantibus viribus sangui-
nem largius effundendū. Quod enim simul
& semel & profusè admodum in vera pleni-
tudine facere licet, illud in spuria per Epi-
crasin resumptis viribus, interpollatis viribus
& parcè tentandum. Atque eò parcius quò
à legitima plenitudine longius ipsa discesse-
rit, & ad Cacochymiam propius accesserit.
Quo animaduerso præclare Fernelius, itera-
tæ aut per Pharmacum (qualitatis scilicet
gratia) aut per Phlebotomiam vacuationis
(redundantiæ causa) mentionem facit, vt
significet in huiusmodi plenitudine detractio-
ne vnica nisi aperto virtutis incommodo, sa-
tisfieri vix vnquam posse. At præterea vtri-
que vitio, suam vt peculiarem & propriam
medendi rationem accommodet. Nūc altera
se se offert in vulgarium gratiam agitanda
quæstio.

*An reseruanda sit in extremos
usus prima vena sectio?*

*An vero statim soluen-
dus bonus habitus?*

QVÆSTIO DECIMA QUINTA.

Vetus opinio est nostris maximè vñitata temporibus, non nisi cum iam extrema ac penè deplorata sunt omnia, venæ sectionem attentandam: Extremum hanc esse veluti salutis portum, sacram in tempestate anchoram, vltimam in naufragio tabulam.

Huius opinionis fautores multis se se at tātum apparentibus rationibus muniunt, grauiſſimos etiam Medicos testes citant: ita deprauatè factissima decreta interpretatur vulgus hominum. Illud primum sexcentis confirmatum exemplis pro indubitato constituunt, prima hominem sanguinis detractione à morte & morbo vindicari: Præterea sanitati pacem, bellū morbo, Imperatori Medicū, militibus facultates corporis, armis sanguinem & spiritus proportionē quadā responderi asserunt. Quemadmodum igitur demētiae proximū est pacis tempore militaria præſidia exhaurire, ita quoque summa ratione & prudentia ab excellentibus Medicis cautum esse ne in secanda valetudine aduersæ

*Celsus l. 1.
Capite 1.*

remedia consumantur, Quam fortassè ob causam sæpiùs in anno profundi sanguinè vetuit Galenus. Neque verò minori cura & diligentia has internas opes, hunc vitæ thesaurum conseruandum censent, quam mercatores ea seruare solent quæ non sustētādæ vitæ, sed humanæ libidini explendæ immensis sumptibus & laboribus compararūt, ij non agitato statim pelago, primo vētorū fluctuumque impetu perterriti, nauim mercibus exonerant, ac pretiosa quæque in Oceanum deuoluunt: experiantur in primis omnia, tandēque spe omni abrepta, vitæ propriæ, rerum externarum dispendio cōsulūt: sic & in morbis non nisi tentatis omnibus ad extremum hoc præsidij genus cōfugiēdū est, siquidem extremis tantum, extrema cōueniunt. His addunt semel inceptæ vacationis legibus nos in posterum toto vitæ cursu obligari. Ac nisi aut singulis annis, aut statis temporibus ipsa repetatur (quod in spontaneis euenire solet) grauissimis nos afflicti morbis, & symptomatis exitialibus oppeti, à quibus immunes degunt, qui huiusmodi auxilia non sunt experti: In his enim alacrior natura, proprijs impulsa stimulis, suoptè nutu & motu, quidquid negotium facessit, per conuenientes ductus excludit & eliminat: In illis nisi aliundè incitata, nihil quod effatu dignum sit perficit, sibi familiares vias aliò pertracta negligit atque illic quò à Chirurgo praua consuetudine trahitur

aliena dumtaxat opera educendis humoribus exitum inuenit.

Postremò cum sanguine spiritus, cum his nativus calor adeòque vitæ spatium necessaria consecutione minuitur. Hæc atque alia iactitant vulgares αἰμόφοβοι. Quorum compescendus error est, ne alios proposita utilitatis specie in extremam perniciem deducât. Id nullo negotio absoluemus, modò, se persuaderi sinant, depromptis ab experientiû virorum auctoritate, à ratione, à natura ipsa, à quotidiano vsu, argumentis. Rem à natura ordiamur, ne quod per iocum falsò imponunt, Chirurgorum indigentia potius, quàm infirmorum valetudini subuenire toties repetitam venæ sectionem, locum apud nos in posterum habere patiamur.

Hippopotamus hac in medendi parte magister extitit, assidua namque satietate obesus exit in littus, recentes harundinum cæsuras speculatus, atque ubi acutissimam videt stirpem imprimens corpus venam quandâ in crure vulnerat.

*Plin. lib. 8.
naturalis
hist. c. 26.*

Atque ita profluuium sanguinis morbidum aliàs corpus subleuat, & plagam limo rursus obducit. Viden brutum animans, omni ratione destitutum, ita compellente natura, remediû hoc tanquâ necessariû προφιλανθρον usurpare? Nequaquam vero (ut isti parùm prouidi, apparente rationis umbra occæcati facere solent) malum iam factum imo ad extrema deuectû præstolari. Sed nō hippopo-

tamo solum hanc dotem impressit naturæ opifex, fuit alijs quoque, quibus ex usu erat, hæc medela cognita, & in praxim reuocata. Oculos suffusos capra iunci puncto sanguine exonerat, caper rubi.

*Plin. ibidē
Capite 50.
Plin. c. 27.*

Ibis quoque (licet dissimili ratione at naturæ ductu) è corpore superflua eximit: Rostri enim aduncitate se perluens, ciborum onera deponit. Cuius inter cætera consultò meminimus, vt intelligant parum in rebus versati homines, malè de medicamentis atque in vniuersum de Medicina meriti, nō pauca id genus medicatum remedia, tum instrumenta suspectu vulgo, à naturæ fontibus profluxisse. Hæc itaque imitari hominem quid verat, quæ maximè salutaria in diēs experimur? An quæso vehementi capitis dolore & gravitate infestantibus, naturæ sua spōte per nares vnā cum superuacaneo sanguine hos affectus depellenti, gratiam habebimus, Medico naturæ ministro idem opus aggredi nō licebit? Quid magis naturale est quam profusio sanguinis menstrua? quid magis familiare? magis commune? magis necessarium? Qua cohibita (nisi fortè sanguine ab immodicis laboribus exhausto, aut ad Embrionis confirmationem, tutelam atque alimoniam reseruato) norunt omnes quot quamque difficiles morbi ab vtero impendeant. Fluit ergo singulis mensibus, fluit & magna copia. Degit eò salubrius à partu mulier, quò liberalius (modo ne præter modum) coaceruatum

Aphorist.

gestationis tempore sanguinem exigit. Non itaque in extremos usus euacuationem sanguinis differt natura, ergò neque Medicus præsentis tantum periculi necessitate impulsus, ad istud remedium confugiet. Sagacis est Naruachi procellem imminentem certis indicijis præcognitam effugere potius, quam dubio euentu summo in periculo nauticam industriam ostentare. Prudentis quoque Medici partes sunt, futurum (quod beatius est) præuenire, aut incipientem summa cum artis laude & admiratione profligare morbum, quam desperato propemodum ægro tum demum quid possit experiri: In extremis plena terroris & diffidentiae sunt omnia, excandescit morbus, dolores efferantur, nullus quieti locus, infirmantur vires, deiecta ac penè languida patitur etiam à leuissimis natura, ut parum secunda videatur id temporis vilius euacuationis intentio, quam si tum aggrediare popularium reprehensionem & calumniam vix effugies. E contrario circa initia leuior est affectus, mitiora symptomata, virtus integra, ut neque à violentioribus offendatur, tum igitur si quid mouendum videtur iussu Hippocratis moueto.

Non bene distuleris viduas quod posse negari.

Præsentī occasione vtitur. Τέχνης μὲν γὰρ πάσης ἀπὸ ὅριον, ἀναβολή, ἰκτελικῆς δὲ καὶ πάντων ἢ ψυχῆς κίνδυνος ἢ ὑπέρθεσις, Etenim ab omni quidem arte aliena cunctatio, maximè verò à Medicinā in quā animæ periculum

2. Aphorism. 30.

2. Aphorism. 29.

Martial. 1. Epigram.

Hippocr in Epistol. ad Crateuam

induciæ.

Apud Homerum Nestor prudentissimus Agamemnonem monet porrectam à Deo occasionem diu non esse protrahendam.

Iliad. β.

μηδὲ γι' ἄνθρωπον (inquit)

Ἀμβαλλόμεθα ἔργον ὃ δὴ θεὸς ἐγγυαλίζει

In longum differre nefas quod Iuppiter offert.

Idquod non annotavit modo diuinus Hippocrates, verum etiam in praxi curiose obseruauit. Non enim simpliciter bonum habitum solui iussit, sed statim, μηβεγθέως non cunctanter, non expectatis extremis, nulla ad dilationem admissa excusatione.

Huius imitatione, si primo statim morbi insultu, aut ipso nondum præsentē venæ sectionem præcautionis gratia adhibebimus (vti post ipsum Galenus, post Galenum cæteri omnes de re Medica benè meriti ad hæc vsque tempora fecerunt) id quod in prælijs μηδὲν ἀναβαλλόμενος Alexander, hoc nos in quotidiano cum perniciosissimis humani generis hostibus conflictu, summa gloria summa vtilitate consequemur. Testes appello innumeros, quos longum esset ac superuacaneum recensere, qui cum in febrem, in Epilepsiam, in articulares affectus, in pleuritidem, aliaque id genus mala, multis iam annis quibusdam interuallis recurrissent, inito tandem consilio, sanitatis tēpore morborum incursum præuenientes, conuenienti sanguinis effusione, se se ab afflictione solita vindicarunt.

*Galenus
libro quos
est quando
purgare
oporteat.*

Neque verò solum quid necessario, sed etiam quid vtiliter in familia geratur prospectus attendit œconomus. Necessitatis quidem in extremis est venæ sectio, alijs temporibus summæ utilitatis: Ad illam etiam inuiti cogimur, ad hanc provida futuri cōmodi expectatione pollicemur: Illam quisquis renuit in exitialem ruinam non multò post agitur, hanc qui negligit in ancipites morborum angustias plerumque deuoluitur, quales antea audiuius. Non igitur aduersæ valetudinis præsidia inutiliter consumit, qui tantis utilitatibus prospera valetudine sanguinem demit. Præsidiorum belli & mercium longè alia est ratio quam sanguinis: Illa euidenti iactura in armorum pelagique tempestatibus & tumultibus profunduntur. Hic minima aut nulla calidi innati offensione, maximo sanitatis emolumento, blanda & suavi caloris, euentilatione effunditur, si modo gnari ex artificis decreto, non ex imperiti tonsoris aut myropolæ arbitrio id opus dependeat.

Non etiam perpetuum est, multò minus necessarium ut prima omnes pertusione venæ à morbo liberentur. Vtrò quidem concesserimus paucissimos reperiri, qui semel imò pluries detracto sanguine à morte non euaserint, pristinaque dispositioni sint rediti. Sed fallitur opinione sua vulgus imprudens, cum alienam numero, primæ scilicet remedij applicationi laudem tribuit, pro-

373 *APHORISMVS TERTIVS,*
priam remedio detrahit. Alioqui non longè
inferior secūdæ habenda esset gratia, vt quæ
proximè ad primam accedit, cuiusque bene-
ficio sæpè sæpius ægri sanitati restituuntur.
Quin etiam aliquando maior: Quibus enim
prima detractio non satis fuit, illos secunda
vt plurimum sanauit.

*Gal. lib. de
cōsuetud.
Capite 5.*

At praua consuetudo inducitur. Istud est
quod constanter negamus. Nam ab eadem
causa habent corpora vt his euacuationibus
egeant, à qua etiam primum factum est vel
natura per se agente, vel medicinali quadam
peritia, vt huiusmodi vacuationibus egue-
rint. Sunt enim nonnulli qui ex malo victu,
alij ex praua quapiam affectione sanguinem
plurimum, aut vitiosos humores aggregant,
quos plurimum iuuat, si eximatur quod su-
perfluit, antequam in morbos illabatur. Sed
esto generetur consuetudo quid incommodi?
Quantò consultius est probatis remedijs as-
suescere, quàm grauissimis periculis exponi?
Et quantò optandum magis vt integra vale-
tudine id tibi familiare effeceris quo afflictis
postmodum viribus si necessitas postulet, se-
curius vtare? Difficilis quippe est inopinatus
& præceps ad insueta transitus, quæ verò lō-
go tempore sunt assueta minorem molestiam
exhibēt. Vt illud non omittamus præter cæ-
tera consuetudinem id efficere, ne in eua-
cuationis mensura præscribenda facilè aber-
remus: Experientia prius edocti quantum ab
euacuatione eius qui perferre debet natura

3. Aph. 50

percellatur.

Ne cui vero effingi hæc à nobis in mentem veniat totum negotium Galeni arbitrio relinqui velim: Tale est eius decretum. Tanquam accidens quoddam ægrotantis ad patiendam facilitatem considerare est necessarium, multi enim neque vnquam sunt euacuati, neque euacuationem integram, aut longam inediã possunt perferre, sed alij quidem ex his in omnimodam imbecillitatem facile incidunt. Et paulò post idem fermè repetens, tandem concludit his verbis. Et cõsuetudo non parui momenti est, tum ad alia omnia, tum ad euacuationis indicationem, quidam enim nunquam antea fuerunt euacuati, neque vnquã euacuationem integram pertulerunt, nonnulli contra vacuationibus sunt assueti, hos igitur intrepidè vacuare oportet, quando & cætera consentiunt: Cæteros vero ne si alia omnia consenserūt: Ecce vt aperto periculo se submittūt, qui primam sanguinis ex aperta vena missionem quantum in se est remorantur & differunt: Saniorem itaque mentem induant vulgares, neque Medicis in posterum recta consulentibus obstrepant, suoque exemplo cæteros à salutaribus auxilijs deterreāt. Illud pro indubitato apud se statuunt sanguinis euacuationẽ suppositis indicationibus liberè tentandam, importunum eius vsum, largam & assiduam profusionem penitus damnandam atque improbandam. Quod à Galeno citatò prius de sca-

*1. ad Glau.
Capite 14.*

Quæ sint commoda Phlebotomia in plethora? Et utrū nutritio perseueret tota vita?

QVÆSTIO DECIMA SEXTA.

Plethoræ incommoda in præcedentibus enumerauimus, vt nihil hoc loci disquisitione dignū superesse videatur, modo iuxta vulgare illud Logicorum axioma in memoriam reuocemus, ad sublationem causæ effectus euanescere, quod in ijs locum habet, quæ in sui generatione & cōseruatione etiamnū à causa pendent. Hoc axiome supposito, nullo doctore instructi Dialectici cōcludent illicò, tot esse phlebotomiæ cōmoda, quot impendēt ex multitudine incōmoda. Occurrit tamen non prætereunda difficultas in Hippocratis verbis, dum cæteras vtilitates silentio obuoluens, hanc vnicam proponit (vt rursus corpus nutrirī incipiat) quasi verò in Athleticō habitu cesset nutritio, & feriari natura possit, quæ quantum in se est vires suas exerit maxime in tanta materiæ affluentia, quanta in Athleticis reperitur.

Neque etiam deest in ipsis quod repare-

tur, violenta enim corporis agitatione maximam substantiæ partem dissolui necesse est, id quod testantur sudores copiosissimi quos quidem in multis eousque processisse literis proditum est, vt humanam fidem quodammodo excederent. Neque si reparatione nulla sit opus, consequitur illicò desinere nutritionem, aliàs dicendum esset accretionē nullam fieri. Quanquàm verò non diffitemur primam ac potissimam nutritionis necessitatē, in cōseruatione humidi primogeni (in quo radicaliter inhæret natiuus calor) esse positam, quod quidem cum perpetuo contrariorum appulsu sensim siue sensu in corpore etiam suis muneris vndeque absolute dissipari certum sit, subsistere nisi restauretur, diu non potest; non mediocris tamen consequitur utilitas, dum caloris beneficio, id quod præter necessitatem substantiæ corporis additum est, amplificandæ corporis moli, iustæque partium dimēsiōni constituendæ impenditur. Durat itaque in Athleticis tota vita nutritio, quanquàm dispari, vt in cœtetis quoque hominibus successu: vel enim tantum substantiæ restituit quantum est deperditum, & hoc simpliciter nutritio appellatur: vel vltcrius addit aliquid; vnde fit augmentum: vel deficit, hoc est minùs adiicit, quam vt resarciendo substantiæ effluxui sit satis, atque tum imminutio accidit, qualis in ijs visitur, qui aut morbi violentia, aut longa ciborum abstinentia, aut summis

*Galenus
Libro de
matt. c. 1.*

exhausti consumpitque laboribus emarcescunt. Huius sententiæ fautorem fuisse Aristotelem declarant hæc verba, quandiu saluū manet animal, & si decretionem subeat, alitur, sed non semper accrescit. Quam ob causam assidua premit alimenti indigentia, veluti lucculenter explicat idem Aristoteles dū inquit? Tale quidem animæ principium, vis est talis, vt id conseruet quod ipsam habet, ea nimirum ratione, quā ipsam habet, Alimentum autem ad operandum præperare videtur, quapropter alimento priuatum esse non potest, hoc est (vt clarioribus verbis hanc alioqui obscuriorem sententiam explicem) potentia nutritiua vis est animæ ad conseruandam viuētis substantiam vt viuens est: hunc finem, continua alimentorū præparatione & administratione consequitur, quare alimento carere nequit. Hanc obrem noua suppeditatur in dies alimonia, quā probè confectā sanguinis adaugetur massa. ipse postmodum (præterquamquod longa in venis copia tanquam in penu asseruatur ad communes vsus) fertur in omnia corporis membra, & singulis quaquā versum tanta æquitatis lege distribuitur, ita debitè applicatur, vt quantulacūque discussa carnis portiuncula, continuo effluat: Quæ sanè vana inutilia atque irrita futura sunt omnia, nisi ad nutritionem ordinentur. Perennis ergo est continuaque nutritio.

Sed negatiuam partem tuentur nonnulli imbecillis

1. de generatione.

Cap. 45.

Text. 42.

2. de anima c. 4.
t. 48.

inbecillis aliquot rationibus suffulti, quarum prima est vnio animæ ad corpus in qua vita prima & essentialis cōsistit, sine nutritione conseruari potest, nulla enim forma separatur à materia propter cessationē ab operatione, sed propter actionem contrarij: ergo nutritio subsistente vita interrumpi potest.

Præterea ad conuersionem substantialem requiritur humiditas, qualis non reperitur in tota vita, cessante ergo humiditate, cessabit & alimenti transmutatio.

Denique nulla videtur sufficiens afferri posse ratio, cur non fiat semper accretio, si integro vitæ cursu nutritio persistit: quo enim tempore minuitur nutritio, minor quoque fit dissolutio, vt videre est in senibus.

Hæc sanè argumenta & si verè & ad mentem nostram concludunt, sunt nihilominus leuiora quam vt propositum certò & citrà controuersiam definire queant: demus enim cessationem ab opere corporis & animæ nexum per se non dissoluere, dissolutionis saltem causa ipsa est, eo modo quò Naucleri absentia naufragium facit, si quidem reparationis defectu nullo negotio quicquid solidioris etiam est substantiæ, à contrario, puta ambiente, cæterisque externis causis in extremam perniciem agitur.

Neque tanta deficit humiditas; quanta ad nutritionem est opus, etiam in extremo senio. Nisi in ijs fortè qui morti proximi summam vitæ periodum transigunt? Vt enim

consumpto prorsus ellichnij humido lampas
 exstinguitur, sic exhausta planè corporis hu-
 miditate natiuus calor primum animæ cor-
 porisque vinculum, necessariò marcessit, Mi-
 nimè omnium concludit postrema ratio pau-
 ca siquidem alimonia qualis in senibus non
 dixerim augendæ, sed ne vniformiter quidè
 conseruandæ moli par esse non potest, cuius
 rationes à Medicis plurimæ afferri solèt, quas
 breuitatis studio prætermitto. Et licet con-
 cederemus tantam suppetere alimenti copiã,
 quanta ad accretionem desideratur, vetat
 nihilominus senilis corporis siccitas ne vl-
 teriùs crescant & dilatantur partes solidæ
 quarum est accretio. Itaque vt his suffusa
 tenebris veritas, maiori affulgente luce in
 propatulum emergat, præmittendæ sunt nõ-
 nullæ veluti faces, quibus omni tandem ca-
 ligine discussa, aliquantò clariùs illustretur.

*Aristot. 2.
 de anima
 s. 49.*

Primam nobis exhibet Philophorum prin-
 cepts dum tria asserit ad nutritionem con-
 currere. Id scilicet quod alitur, quo alitur, &
 quod alit. Quod nutrit est vegetatiua anima,
 hæc enim primum motus principium. Quod
 nutritur corpus est in quo talis anima repe-
 ritur: quo nutritur, est alimentum.

*Aristote-
 les ibidem
 s. 5.*

Vegetatiua quidem anima id opus imme-
 diatè non attingit, sed facultatè sibi adscissit
 naturalem: & hæc calore vtitur tanquam
 instrumento, quem ideo necesse est in vivē-
 tibus omnibus inueniri. Non aliundè modò
 quam ab his petendæ sunt *αἰσθητικαὶ* causæ

horum enim aut omnium aut aliquorum defectu cessat nutritio. Animam in primis necessariam esse ad hanc actionem nemo est qui in dubium reuocet, cum pereant ipsa separata omnes corporis facultates, atque functiones. Caloris vero non cuiuscunque, sed naturalis proprium est naturalibus animæ operibus deferuire? Huic cum auxiliares præbeat manus vitalis cuius actio in quadam moderatione consistit, quid mirum influente in igneum commutato qualis in febribus perferuntur membra citissimè contabescere? sunt etiam ex parte corporis atque ex parte alimenti necessariae quædam conditiones. Ex parte quidem corporis, certa desideratur temperies & dispositio cui veluti formæ medicæ nonnulli acceptus ferunt actiones, ac præterea cum nutritio sicuti reliquæ actiones Physicæ, contagione perficiatur, vias quasdam & quasi tubos sagax natura, conformauit, quibus vndequaque in omnem corporis regionem alimonia deferretur: Hos si quo obstaculo contingat intercipi, carent membra suo pabulo tantisper, dum meatus referentur.

Alimenta verò talia esse debent, vt neque substantiam nostræ prorsus alienam sint sortita, neque insigni aliqua & violenta qualitate prædita (his enim à deleterijs & medicamentis differunt) neque prorsus ἀπερίστα, non enim vt à strutio camelo ferrum digeri comminiscuntur quidā, sic ab homine ligna,

faxa, cæteraque ad horum naturam proximè accedentia concoqui credibile est. Denique moderationis limites sua copia non excedant, alias à calore vinci & transformari nequeunt, ita vt in crudiores succos faceßant: corpori alendo, nisi elaboratione maiori adhibita, prorsus inhabiles. Neque vero si in laudatam cõmutentur sanguinè copiosiora alimēta, sequetur necessario nutritioni ipsa deferuire & impendi. Suus quispe est omnibus natura constantibus (vt Aristoteles loquitur) hoc est viuentibus magnitudinis & accretionis terminus, quem prætergredi non licet addita quacunque nutrimenti copia: cum itaque adijci solidis partibus nihil vltius potest, vt in Athletica *ἐνέχλα*, neque venis vllum superest conceptaculum in quod alimentum recipiatur & recondatur, desistat ab opere nutrix facultas necesse est. His & similibus rationibus & modis cessare in viuentibus nutritionem posse non negauerit, quisquis rationi & experientiæ locum apud se aliquem esse volet.

Verum ne qua obrepat difficultas animaduerti velim, & tanquam facem alteram præmitti, cessationem huiusmodi vix diuturnam esse posse sine corruptione atque interitu viuentis. Etenim supposita maiore quam par est alimenti quantitate, in quot quantasque redacta est humana vita angustias huic suffocationis periculum, huic venarum disruptionis vrget metus, huic innumera alia quæ ante

*Aristot. 2.
de anima
textu 41.*

commemorauimus impendent mala, quæ proximam nobis perniciem minantur & ruinam. Sin alimenti defectu id accadat, vijs nimirum interclusis, aut prauorum humorum infestanteredundantia. Quibustum machinis fluxa hominum substantia, assiduis insultibus oppetita, internis externisque iniurijs grauius laceffita, aut obsistet ad tempus: aut mox futuram cladē propulsabit? later in intimis medullis & visceribus nunquā otiosus calor, mutuus est diuersarum partium inter se conflictus, torquetur varijs hinc inde Pathematis agitated animus magno spirituum dispendio, sua est aëri, sua cæteris rebus extraneis, sua interioribus recrementis & humoribus violentissima actio, cuius vim atque impetum ne Athlas quidem longo tempore sustineat, nisi vnâ cum sanguine & spiritibus renouentur & resumantur vires deficit alimento destituta, ac euanescit virtus, nisi noua continuaque eiusdem accessione reparetur. Enim verò substantiæ nostræ non absimile euenit ei quod in fluuijs cernimus: renascuntur isti in dies, in horas, in momenta, nouarū aquarum affluxu. Sic & euandida mortalium hominum substantia tantillo tempore intermoritura nouæ adiectione reuiuiscit. Quod itaque viuimus, quod sentimus, quod mouemur, imò etiam quod intelligimus (sunt enim inferiores actiones superioribus subalternæ) vni acceptum nutritioni referri debet. Quemadmodum ergo

vegetans anima cæterarum est veluti basis & fundamentum, illius enim in se gradum hæc formaliter continent, sine quo non subsistunt, sic & reliquæ potentia nutritiam quasi fundamentum supponunt: huius denique actus qui est nutritio, mutua consecutione basis est actuum quorumlibet animatorum. Vt fatendum sit mediatur saltem necessarium esse hunc actum ad operationes omnes quæ ab anima qualibet proficiscuntur.

Hanc porro interruptionem, qua de loquimur, in vera tantum & legitima nutritione admittimus, quæ est conversio alimenti in formam viventis. Impropria namque nutritio (quam humidi conseruationem vocant, & quasi fomentum ipsius) nec tantillum quidem intercipi potest, saluo eo ad cuius conseruationem necessario requiritur. Id quod euidenter probat assiduus alimenti apparatus, eiusdemque concursus, distributio, applicatio; Quæ licet ad nutritionem veram desiderentur omnia, impediri tamen eorum effectus hac in parte potest vti declarauimus. Fouent nihilominus hæc ipsa assiduo radicale humidum, neque ab exsiccantibus causis illud absorberi sinunt.

Hinc patere arbitror allucinari Philosophos illos qui Aristotelis auctoritate decepti, id nutritioni propriæ tribuunt quod improprie tantum peculiare est. Nec aliud subiectæ Aristotelis auctoritati rationes, quam posterioris huiusce nutritionis necessitatem

arguunt. Quorsum verò desinat in Athleticis nutritio, repetitione non indiget. Quares cur supra deperditi reparationem in accretione progrediatur nutritio? Nempe vt perfectam & probè obeundis operibus idoneam quantitatem fortiatur animal, quam cum semel est assecutus, vltra (quantumuis adieceris) exporrigi non potest: Est enim modus in rebus sunt certi denique fines.

An extrema euacuationes & repletiones sint periculosa?

QVÆSTIO DECIMA SEPTIMA

HAnc præsentis Aphorismi sententiam ita sæpè repetit & inculcat diuinus Hippocrates, vt nihil in omni medicina adeò tritum & vulgare cōperias. Hæc enim verè aurea ab eo dicta sunt omnia. Non satietas, non fames, neque aliud quicquam quod naturæ modum excesserit bonum.

2. Aphorif
morum 4.

2. Aphorif
14.

2. Aphorif
51.

Et alibi. Quando cibus præter naturam plus ingestus est hic morbum facit. Amplius plurimum & repente, vacuare vel replere, calefacere vel refrigerare, siue quouis alio modo corpus mouere periculosum, quoniã omne nimium naturæ inimicum, sed quod paulatim fit tutum est, tùm alias, tùm cum ab altero in alterum transitus fit. Et in Epidemijs, salubris victus optimam arbitratur

6. Epid.
part. 4.
text. 22.

normam non impleri cibis, & impigrum esse ad labores. Huc referri potest vulgaris illa Paræmia, longa annorum serie & experientia confirmata, plures confecit gula quàm gladius.

Hæc de repletionem immodica: quod ad euacuationem attinet, contrariorum eadem est disciplina & ratio, si ergo summis est periculis obuia extrema repletio, ab iisdem immunis non erit euacuatio extrema.

Et horum quidem assignare rationem non magni fuerit operis. Dicam illud in primis, quod à Plutarcho memoriæ est proditum non viuendi solum, sed & moriendi quoque *In Sympos.* materiem esse alimentum. Id quod ab Homero fortè didicerat. Qui Deos quod non alantur, idcirco neque emori existimauit.

Iliad. ε.

ὃ γάρ (inquit) σίλον ἔδης· οὐ πίνεις αἰδοπα
οἶνον.

Τένει· ἀναίμονες εἰσι, καὶ ἀθάνατοι καλέονται.

*Non panem comedunt, non vina ardentia
potant,*

Sunt ideo exangues, immortalesque vocantur.

Agunt in nos mutuò dum à nobis patiuntur alimenta, sensim siue sensu contrarias in nobis dispositiones imprimunt, quantumque noua substantiæ accessione vita nostra ab alimentis augetur, tantum continua qualitatum actione, & excrementorum prouentu ab iisdem decurtatur, grauis ideo exuberantia

tem quantitatem noxa consequitur.

Præterea cum in elementorum commo-
deratione natura sit posita, & nimium omne
naturam destruat, animalis pariter consisten-
tiam dissoluat necesse est. Quid quod sanitas
in mediocritate consistit, imò verò ipsa me-
diocritas est? Sequitur itaque immoderatio-
nes omnes quæ plurimum à medio recesser-
unt iam ægritudines esse, quæ verò nondum
id quod plurimum est obtinent ægritudinem
generationem ostendere atque efficere; Quid
igitur mirum euacuationes & repletiones
extremas tot periculis obsitas? Verè & sa-
pienter cecinit experientissimus Hesiodus
μέτρον ἐπὶ πάντων ἀριστόν optimam in omnibus
moderationem,

2. Aphor.
comm. 58.

Galenus 2.
Aphorif.
comm. 4.

ἐπεὶ λόγος ἐστὶ παλαιός
ὥς καὶ τὸ μέλιτος τὸ πλέον ἐστὶ χολῆς

In antiq.
Epigr.

*Quando veteri sermone receptum est.
Bilem, si excedant dulcia mella fore.*

Contrarium tamen ex ipsius Hippocratis
& Galeni documentis colligi videtur. Et
primum quidem extremam Athletis eua-
cuationem convenire utriusque principijs
innixus hunc in modum constituo.

Extremis morbis extrema exquisitè reme-
dia optima sunt, at extrema est de qua fit
sermo Athletarum plenitudo, ergo euacua-
tione extrema solvenda erit.

An quæso maior aliqua euacuatio admi-

*1. Aph. 23.
9. Method.
4. de cur.
ratione 12*

nistrari potest ea quæ ad lipothymiam? At hanc summus vterque Medicinæ parens, vt legitimam & conuenientem admittunt. Quamobrem sibi ipsis dissentanea proferunt dum vacuationes extremas vti dubias repudiant.

*lib. de cur.
ratione
Capite. 6.
Celsus lib.
1. Cap. 1.*

Equidem à quantitate redundantia euacuationis coindicatur quantitas ipso Galeno teste. Debet itaque ex indicationis lege alterum alteri respondere. Amplas verò refectioes tantum abest vt rejiciat vt etiam approbet latinus Hippocrates: prodest (inquit) interdum in conuiuio esse, interdum ab eo se retrahere modò plus iusto, modò non ampliùs assumere. Neque aliud sibi videtur velle noster Hippocrates cum breui extenuata corpora breui reficienda monet. Ita enim *ὀλίγως* explicat Galenus vt non modò significet *διὰ τὰ χεῶν* hoc est citò, sed etiam *ἄκρως* id est summè vel extremè, hanc enim vocem *ἄκρως* communiter sic reddunt interpretes, & Leonicensus ipse (quanquam citato loco ipsam exponit plenius). Primo tamen ad Glauconem (supra modum) interpretatur: græca proferam & latina, quò res euadat manifestior. Ita habet Galenus *ὅταν ἄκρως ἢ ξηρὸν καὶ ἀσχημῶδες ἢ πληθωροῦν ἀμέλῃως τὸ σῶμα*. Quod ita vertit Leonicensus cum supra modum ficcum & squalidum, aut plenum immoderatè corpus extiterit. Quare si verus hic verborum Hippocratis sensus, in breui extenuatis corpori-

*2. Apho-
rism. 7.*

Capit. 4.

bus extremæ refectiones approbantur. Huius porro vocis significationem quid opus est aliundè perquirere? De extremo Athletarum habitu loqui Aphorismum hunc in quo versamur, citrà controuersiam est: Habent autem Græca verba ἐπ' ἄκρον ἐνεξίαι, & in commentario palam proficitur Galenus, περὶ τῆς ἄκρης πληρώσεως hoc est, vt arbitratur omnes de extrema plenitudine sermonem institui. Vt meridiana luce sit clariùs passim apud Hippocratem & Galenum dictionem ἄκρος, & ἰσχυρὸς pro Synonymis vsurpari. Idipsum quod volumus conuincit ratio: si enim breui spatio extenuata corpora, breui itidem refectione indigēt, quæ extremè sunt exhausta celeriter instaurari nisi summa expletionem non poterunt, quandoquidè iacturam extremam non compensat reparatio mediocris.

His sanè nihil obstantibus manet in Hippocratis decreto constans & stabilis veritas, tam extremas repletiones quàm euacuationes periculo non vacare. Pro qua firmitus stabiliendarepetendū ex præcedentibus silere indicationē omnē præ consideratione virium, quandò prius est viuere quàm sanari. Eripitur scilicet vnà cum virtute anima: Emortua verò ac prorsus elanguida vis nusquam restitui, neque efflata semel anima vllis amplius remedijs atque auxilijs reuocari potest. At in deploratis quandoque affectibus externis etiam præsidijs destituta firmior virtus ex-

pectationem fallit, omnemque opinionem exuperat.

Notandum præterea dedecoris & calumniae plenum esse in ijs periclitari, quæ licet adhibito conuenienti iudicio & prudentia conferre queant, asserunt tamen adstantibus horroris aliquid, imò & nobis ipsis, ita ut re etiam vtiliter peracta, ne non timere quidem sine aliquo timore possimus. Maxime in tanta vulgi maledicentia, & tam deprauata in accusandis Medicis propensione & libertate, quæ eò demeritæ prouecta est, ut quem non seruaueris cum te occidisse temerè ausint profiteri, itaque si ad extrema, de quibus orta disputatio, fiat progressus, ac tum aliquid præter naturam accadat, quis non in Medicum exclamabit? quis eiusdem imprudentiam non accusabit?

His suppositis nullius est operis aduersariorum spicula retundere. Vltro nos concedimus extremum esse hunc exercitatorum habitum, extremos quoque ab ipso morbos portendi & procreari, hæc ipsa vacuationem extremam indicare, à qua nihilominus reuocat nos fortior intentio virtutis, summis ideo periculis obnoxiam euacuationem fatetur Galen^o, quæ ad animi deliquium deducit, simulque hortatur pulsuum diminutionibus animum adnertere sanguine etiamnum fluente, ne videlicet nec opinantibus nobis pro lypothymia mors occupet. Quam ob causam ubi ad animi deliquium fundendum sanguinem dixit

Gelsus

*de cur. ratione per
sang. miss.
Capite 12.*

Hippocrates, subiecit illicò dummodò æger possit tolerare, & Galenus iubet ad maiorem securitatem defectum nos potius iteratione supplere, quàm semel largè & profusè cum detrimento virium vacuationem tentare. Tantùm verò abest vt repletiones extremas Celsus approbet, vt nè earum quidem meminerit. Aliud enim est plus iusto assumere, aliud belluarum, aut lutulenti suis more ad summum, aut canis instar ad vomitum infarciri. Multò minùs vera moderationis regula diuinus Hippocrates, extenuatis refectionem imperat extremam, maximè cùm summè exhausta corpora tantis virib⁹ esse nequeant quantæ summis refectionibus perfrendis sunt necessariae, sed neque hoc voluit in commentario Galenus: Quisquis error est, Aldini est, qui pro ἀδρῶς αἰκρῶς substituit, siquidem ἀδρῶς idem significat quod plenè & copiosè, quo sensu ἀδρῶς ἐνσι διαίτησι hoc est pleniore victu & ἀδρῶς ἐνσι διαίτην hoc est liberaliùs nutrire dixit in nostris Aphorismis Hippocrates. Neque si verbo αἰκρῶς vsus fuisset eius fidelissimus interpres, sequeretur extremam simpliciter refectionem ab ipso laudari, sed eam solùm quæ reficiendo corpori citrà virtutis iacturam satis esse potest. Hoc ipsum est quod ad argumentum respondemus: Fatemur enim cuneum cuneo tundi, vt est in prouerbio, & extremam euacuationem extrema refectione integrè resarciri, sed tantam alimenti copiam, vis integra

r. Aphorif.
morum 9.
¶ 7.

non feret, quapropter illa à defectu petita indicatio, vitium consideratione restringitur, addo etiam malum malo verè non curari, medium tenet sanitas, quemadmodum & animi virtutes.

Vti igitur parum promoueris si contrarium auaritiæ habitum hoc est prodigalitem induxeris, vltra medium progressus: ita profecto neque is multum profecisse putandus est, qui pro iusta corporis, aut tēperiei, confirmatione aut moderatione, contrariam quidem ei quæ vitiosa est, at indebitam inuexerit? aut detorta in sinistrum latus membra, nixu contrario in dextrum ampliùs quàm par est inflexerit.

Merito ergo extremæ omnes tum euacuationes tum refectiones (quanquàm neque perpetuò neque necessariò interimunt) ab Hippocrate nostro exploduntur, tñquam summis morborum angustijs & periculis obiectæ. Iam nunc ambo extrema inter se conferamus.



An extrema euacuationes extremis repletionibus sint periculosiores? an contra?

QVÆSTIO DECIMA OCTAVA.

SI Hippocratem sequemur ducem, nullo negotio propositum definiemus, is non modò in presenti Aphorismo, & sequenti aut etiam in alijs præcedenti quæstione allegatis, sed alibi sæpè hæc ambo tanquam paria & æqualia in eandem classem videtur retulisse, hinc factum arbitror quinto Aphorismorum quod cùm euacuationis damna percensuisset mox expletionis incommoda subiecerit (quanquàm in Aphorismis aliàs nulla ordinis ratio quærenda est) hi autem se se mutuo subsequuntur. Vbi sanguis multus fluxerit, singultus aut conuulsio superueniens malum. Item. Ex superflua purgatione conuulsio aut singultus superueniens malum. Denique si ebrius quispiam repente obmutuerit conuulsus moritur nisi febre corripiatur, aut vbi ad horam peruenerit qua soluantur crapulæ vocem recuperet.

Tribus hisce sententijs apertè concludit lethalem esse tum euacuationem summam, tum repletionē: Non enim aliud sonat ma-

lum quàm lethale Galeno interprete (hic interim & præcedenti quæstione repletionis nomen quod generale est, atque etiam expletionis, si quando occurrent, pro immoderata cibi aut potionis ingestione volumus accipi)

Capite 12

Hanc sententiam Galenus ipse proprio calculo confirmat. Vt enim is libro de curatione per sang. miss. historiam eorum profert, qui ex euacuatione immodica repentina morte sunt abrepti (quibus alios nisi odiosum foret annecterem qui ante paucos annos imperitorum quorundam; absit ut Medicorum dicam, neque enim tales erant re aut nomine, sed Empiricorū, imò ne Empiricorū quidē, si quales à Galeno describuntur velis intelligi; sed myropolarū, tonsorum, aut vagatorum vitio, in ipso euacuationis impetu parem ruinam sunt perpeffi) sic in præsentī Aphorismo testatur Athletas quosdam præ immoderata repletionē calore suffocato, protinus interiisse. Idem quoque propria nobis experientia liceret confirmare.

Neque minùs seuerè nos ab excedente euacuatione reuocat, quàm à nimia repletionē: testes appello omnes quotquot in eius lectione diurnos nocturnosque labores assidue collocant.

At videntur à Medicorum placitis deflectere, quicumque in componendis hominum moribus sunt hactenus versati. Isti cum repletionem omnē non minùs quàm pestem corpori

corpori animoque prorsus exitialem ubique fugiendam asserant, euacuationis ne meminerunt quidem, tanto silentio palàm innuentes periculi se nihil ab euacuatione pertimescere. Quod amplius, si quando de inedia tolerantia sermo est (à qua non mediocriter, imò etiam extremo quandoque dispendio exhauriri corpus diximus antea) summis ipsam laudibus ad cælum euehunt.

Audiamus in primis ipsum eloquentiæ parentem, vnàque Philosophiæ peritissimum, suo in Tusculo Philosophantem. Omnium perturbationū (inquit) fons est intemperantia, quæ est à tota mente, etiam à ratione deflectio, sic auersa à præscriptione rationis ut nullo modo appetitiones animi, nec regi, nec contineri queant, neque mente rectè uti possimus multo cibo & potione completi,

4. *Tuscul. quest.*

Quam sententiam ad solam vini intemperantiā restringit Xenophon dū Ischomacum his verbis loquentem facit. *πρῶτον μὲν τῷ οἶνου ἄκρατεῖς ἢ ἀνδράσι ἐπιμελεῖς ποιῆσαι: τὸ γὰρ μεθύειν ληθελὺ ἐμποιοῖ πάντων τῶν πραγμάτων δεομένων* hoc est Primum quidem haud possis intemperantes vini diligentes efficere, ebrietas enim obliuionē inducit rerum agendarum. De hoc eodem excessu si primos Philosophiæ cultores non aspernamur (poëtas intelligo) Cratis opinionem non reiiciemus ab istorum sententia minimè dissentaneam.

5. *Tuscul.*

In Oeconomico.

Ὅστις δὲ μὴ γαστρός κρείττειν ἐπίσσει, (inquit)

οὗτος τὰ πλείω τῶν κακῶν ἔχει κακά.

*Quicumque nescit imperare abdomini,
Hic plura semper aggerit malis mala.*

Quam sententiam (vti antea Xenophon)
ad solius vini excessum restrinxit antiquus Sa-
tyrarum scriptor, ob hoc fortasse quod in hoc
magis quàm in cæteris alimentis peccetur.

*Lucilius
Satyra 30.*

*Scito etenim (inquit) benè longinquum mor-
talibus morbum*

In vino esse, ubi qui inuitauit Dapsilins se.

*Libro 4.
Capite 5.*

In vino (inquam) quo, vt cū Plinio loquar,
neque viribus corporis utilius aliud, si mo-
dicè vtare, neque aliud perniciosius, si
modus absit; Id est si mensuram excedas,
non item si infrà subsistas. Nec modò va-
letudini corporis infensam, sed & Deo inimi-
cam intemperantiam arguit illud Stobæi.

Γαστήρ μισησεν θεός, κ' βρώματα γαστρός.

*Ventrem odit, ventrisque epulas qui sydera
torquet.*

Quid ampliùs? etiam peccati supplicium
temulentiam facit Hesiodus, quam Pandoræ
nomine ab infenso Ioue mortalibus demis-
sam, & ab Epimetheo, hoc est inconsultis
viris admissam fabulatur. Hæ sunt Iouis minæ.

*Τοῖς δ' ἐγὼ ἀντὶ πυρός δώσω κακὸν ὧ κεν
ἅπαντες*

*Τέρπονται κατὰ θυμὸν ἐὸν κακὸν ἀμφαγα-
πῶντες.*

*His dabo pro igne malū, quo non incundi⁹ ullū
Esse putat gens cæca, sciam complexa ruinā.*

Tale porro deorum parentis donum fuit,
in quod cæteri dij deæque omnes suam ope-

ram contulerunt.

πάντες δ' Ὀλύμπια δώματ' ἔχοντες
Δῶρον ἐδώρησαν τῇμ' ἀνδράσιν ἀλφειοῖσιν.

*Quotquot cœlesti sede morantur
Nobilibus sua dona viris nocitura dederunt.*

Ecce ut illic malum, hîc nocumentum
Pandoram vocat, & rem ita esse comproba-
uit exitus, hi enim sunt effectus consecuti.

πρὶν μὲν γὰρ ζῆσκον ἐπὶ χλόνι φυλ' αὐθράπων
Νόσφιν ἄτερλε κακῶν, καὶ ἄτερ χαλεποῖο πόνου
Νόσων τ' αἰργαλέων αἰ' ἰάνδ' ἔρσι γῆρας, ἔδωκαν
Principio vitam proles humana trahebat

*Expertemque mali prorsus vacuamque la-
boris,*

*Morborum immunem quibus accersita se-
nectus.*

Verum Pandora postmodum (hoc est vo-
luptate, ebrietate, incontinentia) hospitio
suscepta.

μυρία λυγρὰ καὶ ἀνθρώποις ἀλάληται
πλεῖη μὲν ἔσθ' γαῖα κακῶν πλεῖη δὲ θάλασσα,
Νοῦσοι δ' αὐθρώποισιν ἐφ' ἡμέρη, ἥ δ' ἐπὶ νύκτι
Αὐτόμαλοι φοιτῶσι, κακὰ θνητοῖσι φέρουσai.

*Grande malum mortales inter oberrat,
Plena malis terra est, his & vada salsa re-
dundant,*

*Morbi errant homines inter noctesque diesque
Sponte sua nati cladem exitiumque ferētes.*

Ecce ut morbos, adeoque mala omnia re-
pletioni ac intemperatiæ refert accepta uni-
versa Poëtarum classis, non euacuationi non
inediæ ex cuius mente & suffragio ita con-

cludit Cicero; suus cuique modus est tamen
magis offendit nimium quàm parum; At
suspecta fortasse fuerint Oratorum & Poëta-
rum testimonia, tetricis illis ferè dixerim
ἀμώσους, qui à seueriorib⁹ studijs ipsos nescio
quo hostili animo penitus ablegandos putant.

Itaque Peripateticum, hoc est Philoso-
phorum omnium primarium consulamus,
is in problematis de inediæ incommodis
parum aut nihil sollicitis, ebrietatis damna
quædam at non omnia proponit, & sigilla-
tim cuiusque rationem quærit.

2. proble-
ma. sect.

3.

2.

Primum quidem quorsum frigeant vino-
lenti & laterum dolore cæterisque huius-
modi vitijs torqueantur? Præterea qua de
causa delirent qui leuiter se inebriarūt? vbi
asserit solui penitus & languere eos qui
multum hauserint. Amplius curebrio forum
genitale semen sit infœcundum? Cur tre-
mant & rigeant tumulenti? Cur grauitèr à
vino detentis omnia circumagi videantur
& duplicata obiecta? Aliaque id genus in-
quirat, quorum sanè causam in excessum &
redundantem vini vsum reijcere debemus.
Non enim ab eo moderatius sumpto labe-
factantur sed recreantur & reficiuntur animi
corporisq; facultates. Sin minus rationi pa-
rebunt, eique subiecti erunt appetitus, lon-
gius euagati immedicabilè inferent cladem.
Est enim cum per se voluptatis insatiabilis
& inexplibilis cupiditas, tum omni ex
parte in eo qui à ratione discedit; &

4. Conse-
quentibus

*Aristote-
les 4.
Ethicorū
Capite 12.*

cupiditas dum expletur, eius quod cognatum est vires amplificat, quæ quò sunt maiores & vehementiores eò magis mentem à sua sede & statu dimouent. Hanc ob rem intemperantiam meritò belluinam vocatidem Aristoteles, eamque iurè vt probrum maximè obiectari censet, quandoquidem inest in nobis non quatenus homines sumus, sed quatenus animalia.

4. *Ethic.*
Capite 10.

Dies me deficiat si consentientia doctissimorum hominum suffragia in hunc locum tanquàm in cumulum congerere aggrediar. Et hæc abundè conficiunt longè maiorem abextrema refectione, quàm ab euacuatione summa perniciem imminere. Nihilominus tamen si rem acu perpenderit, longè aliter se habere comperiemus. Pro qua firmitus stabilienda hac distinctione concludamus. Si amborum extremorum graues & difficiles anfractus inter se conferantur, in se spectati secluso omni respectu, nullus est dubio locus quin ad æqualitatem proximè accedant. Pendent vtrinque planè exitiales affectus quales antea enumerauimus. Neque minus euacuatio si ad extrema deuenierit corporis animique facultates omnes & actiones funditus euertit quàm repletio.

Literis prodidit antiquitas (quod & nostra memoria vidimus) copiosissimos exercitus, qui nullis laboribus defatigari, nullis artibus eludi, nullis angustiis intercipi, nulla vi, nullis machinis opprimi potuerant, tan-

dem inedia prostratos cum è contrario vino largius epoto ebrij in aduersos hostes ardentiore animo concitarentur & irruerēt. Quin etiā florētissimas Ciuitates cæteris militarib⁹ præsidijs instructas, locis inaccessibleibus, armis inexpugnabiles, annonæ defectu tum demum expugnatas. Imò verò tantas inedia molestias exhibet, vt fami, (quam malesuadam vocat) propriam tribuerit Virgilius apud inferos mansionem, hanc Tantalo pœnā illic infligi comminiscuntur Poëtæ.

*Tantalus à labris sitiens fugientia captat,
Flumina.*

An his grauiora tribui ebrietati possunt? Paria certè non negamus. Quanta enim molestia est fame & siti oppressis cibo & potione non refici, tanta est expletis & alimenta auersantibus ad cibum & potionem cogi.

Verum si moralitèr loquamur (quemadmodū historiarum scriptores, Oratores, Iuriscōsulti, Philosophi & Poëtæ) est sanè quod temulentiam hominum planè belluinā compescamus, Medicis tuendæ reparandæque sanitatis in vniuersum præcepta stabilire, euacuandi leges tradere, modūque euacuationi imponere solis concedamus. Quorsum enim nos ab inedia & immoderata fame suis illi aut exemplis aut rationibus auocent, quas motu proprio, suadente naturali appetitu cane peius & angue omnes perhorrescimus? Repletio verò, quanquam ipsam natura refugit, quoniam cum voluptate coniuncta est,

9. *Æneid.*

*Arist. 4.
Ethic.
Capite 12.*

ut facilis, earum rerum consuetudo quæ sunt voluptatis, à voluntate nostra proficiscitur, illam deprauato iudicio amplectimur, in eandem omni studio incumbimus, ad eam (quod sanè turpe est) premijs spe proposita volètes, incitamus, inuitos impellimus; Pro poculis quandoque (quod apud Ethnicos fortassè tolerari posset) tanquā pro aris & focis aut pro gloria decertantes.

Tam pernicioso & cōmuni passim grassanti vitio, nil mirū est sapiētissimos homines omni industria se se opponere: aliàs inexplibilis gulæ incommoda proponētes, aliàs helluonum insolentiam atque ignorantiam obtrudentes. Aliàs denique efferatos & plusquam ferinos, ipsoꝝ mores debitis supplicijs coercentes. Ecquid verò magis à ratione alienum, quàm intemperantia? Quid homini magis absimile quam helluo? aut quid ad lutulenti suis naturam propiùs accedit, cuius ad viuum impressam moribus refert imaginem? imò ne cum belluis quidem comparandus, quisquis ebrietati, temulentia, crapula se se liberiùs dat in prædam. Non enim solius rationalis animæ sed & sensibilis quoque vsum & functiones, praua consuetudine subuertit, solas habet vegetantes facultates (penè etiam obrutas atque suffocatas) cum stirpibus cōmunes. Quam ob causam rei polyticæ studiosissimi quondam Lacædemonij seruos quos *ἐλάστας* vocabant vini plenos vere tum *ἡλούς* hoc est stolidos liberis suis visendos proposuere, cer-

tò persuasi hoc vno spectaculo longè magis quam minis, vel blanda oratione posse ipfis à crapula deterreri, cùm multa ab ebrijs perpetrari turpiter cernerent quæ à libero & liberali homine sunt prorsus aliena. Verum huic tanto malo in grauissimam hominum perniciem inuecto, ita se pleriq; omnes hac nostra tempestate implicant & immergunt, vt quasi ab Epicuri lacunis emerfisse videantur in quos iam olim ab Ascreo Poëta detortum illud videtur.

Νύπιοι οὐδ' ἴσασαν ὅσα πλεον ἤμισυ πάντος
Οὐδ' ὅσιν ἐν μαλάχῃ τε, καὶ ἀσφοδέλῳ μέγ' ὄνειρα

Quantò dimidium toto sit maius inertes

*Haud norunt, nec adhuc quid malua, quid
hastula profit.*

At quid inertes dico? imò ne ij quidem ipsi qui sapientes vulgò æstimantur, non Legislatores non Iudices, non Philosophi & (quod dici pudet, & pudet fateri) non Medici. Equidem vt si Grāmaticum se professus, quispiam barbarè loquatur, aut si absurdè canat is qui se velit haberi musicum, hoc turpius est quod in eo ipso peccat cuius profitemur scientiam; sic Philosophus, in ratione vitæ peccans hoc turpius est quod in officio cuius magister esse vult labitur, artemque vitæ professus delinquit in vita. Ecquis vero hoc tempore Quintum illum Asiaticum ferat, vini odorem grauitè spirantem, tetro expiratu iacentium nares & caput moleste ferientem? Medicus certè ebrius

*Cicero 2.
Tuscul.*

*Galenus
4. in 6.
Epid com-
punct 4.*

alter morbus, sibi ac ægrotanti inutilis imò infestus aut periculosus si qui fortè turpissimo tam fœdæ voluptatis cœno volutantur, à suis musis remedium petant. Sed quo feror? cum Medicis ago, nec Medicè: Vt ebrios vini vapor, sic me mei ferè oblitum reddidit ebrietatis cōmemoratio. Ad me redeo, & ad Medica: Circà quæ dubium est vtri facilius succuratur an euacuationi? an repletioni? equidem redundantia sanguinis facillimum & promptissimum est venæ sectione occurrere; Et ciborum redundantem copiam vomitione deponere, illud in praxi sæpiùs experimur: istud prioribus sæculis in frequentem vsum, ac ferè in consuetudinem abierat: frigida quondam in conuiujs ac tepida separatim vltima mensa offerebatur accumbentibus: vtraque cū ad oris collutionem tum ad potum: illa quidem ad reprimendos ingestorum vapores: ista potius ad ciendum vomitū, vt suo quisque arbitrio natam ex ingluvie molestiam excuteret, At immodicæ euacuationi non ita præsens remedium: vetant afflictæ vires ne pacem defectui copiā rependam, vnde non rarò evenit vt quos euacuatio non exstinxit, vberior postmodum refectio repente interimat.

His rationibus manifestè conficitur repletioni cōmodius & promptius posse nos subuenire, secus tamen res habet si veris rationibus & Galeni suffragio æstimetur; Galenus quidem exhaustis consuptisque inedia

succurrendi facilitatem proprio experimēto cōprobauit, dum iuuenē illum iam penē examinē oblato cōuenienti cibo protinus quasi ab inferis reuocauit. Conuenienti (inquam) cibo, hoc est moderata cremoris ptisanæ quā-
 titate? nam largiorem nusquam illæsus, per-
 tulisset iam propè exstinctus natiuus calor. Neque opus fuit vt parem defectui copiam exhiberet, poterat is defectus iteratis vicibus nullo detrimento refarciri; at quod plus est (ait Hippocrates) noxas interdum inemen-
 dables parit. Quam ob causam ciborum adiectioni multò minùs intendendum sub-
 traxere omninò sæpè expedit. Quanquàm
 verò exuberantem sanguinem nulla virtutis
 offensione, successu optimo, & valdè expe-
 dito plerisque detrahimus, non ideo inferen-
 dum vtilem fore atque expeditam sanguinis
 detractionem ijs qui abdomini seruiunt: suc-
 cos crudiores non eximit venæ sectio, pri-
 marum viarum infarctus non tollit. Non
 etiam sunt omnes aut ad vomendum faci-
 les, aut vomitionibus assueti: Neq; si euomāt
 molestiam omnem illicò deponunt, nouam
 etiam quandoque ex vomitu contrahunt.
 Tutiùs ergò atque facilius ex immoderata
 vacuatione iacentem reficere atque suble-
 uare, dummodo iustæ moderationis legibus
 se se ipse contineat.

Sed hìc Colophonis loco discutiendū vul-
 gatissimū illud problema. *Cur plures post sum-
 mam annonæ caritatem, quàm ipso famis tem-*

3. Acut. s.
 37. & ibi.
 Galenus.

pore moriantur?

An quia contractus longa parcimonia ventriculus repentinam extensionem ferre non potest? siquidem famelici affluente alimonia sese vltra modum infarciunt inde repentina ventriculi distentio; at subitas mutationes natura non patitur. An potius quia debilitatus diuturniore inedia nativus calor ac elanguidus refectione larga suffocatur? Quam ob causam à morbo conualescentes dum cibi multitudinem naturæ facultatem obruunt, non modo non corroborantur (vt annotavit Hippocrates) sed plerūque etiam 2. Aphorism. 8. recidiuas patiuntur & intereunt. Huic finitimum est aliud problema, *cur post famem magis quam in fame generetur pestis?* Hinc enim natum proverbum, μετὰ λιμόν ὁ λοιμός, post famem pestis, cum rationi magis videatur consonum, vt quo tempore putrida ingeruntur ita cogente necessitate, maior subsequatur putredo, putredinem pestis. An vt pestiferam lucem non effugiant, in quos diuinam vindictam non exercuit fames? Hæc enim inter cætera sceleratis hominibus in pœnam diuinitus immittuntur, vti perbellè, sacrarum opinor literarum monumentis instructus Hesiodus scriptum reliquit.

ἀρεγνόμεν μέγ' ἐπήγαγε πῆμα Κρονίων
 Λιμόν' ἄμου καὶ λοιμόν ἀποφθινύσκει ἡ λαοὶ ἔργον καὶ
 Οὐδ' ἡ γυναικες τίκτεσιν, μινθεσι δ' ἰσθίος ἡμερῶν.
 Ζωὸς Φραδμοσίνης Ὀλυμπίου ἀλλοτὶ δ' αὐτὴ
 Ἡ τῶν γε στρατὸν ἐνελὼ ἀπίλεσον ἢ ὅ γε πῆχος

Η νέας ἐν ποντῷ Κρονίδης ἀπολίνυσθαι αὐτὸς.

Quam Hesiodi sententiam Iuuenili feruore abreptus Nicolaus Valla non iuueniliter sanè, sed perquam eleganter & fideliter ita reddidit.

Pestis furit atra per urbem

Et malefuada famēs, paulatim desinit omne

Vulgus, & hic vacuos ostendit tecta penates:

Fœmina nulla parit, sic sœvit Iuppiter erga

Quos malefacta iuuant, qui si modo fortè
eruentum

Militia excercent studium, mora nulla si-
nistro

Martē cadunt, vel si potiùs iuuat ire per
altum

Fluctibus in medijs submergitur obruta
puppis.

Ecce ut cœlestem vindictam nusquam deuitant improbi. Eandem pestis causam deorum scilicet vindictam, Homerus agnouit.

Iliad. α. ὁ γὰρ βασιλεῖ χολωθείς (inquit de
Apolline loquens)

Νῆσον αἰνὰ σέσπετον ὥρσε κακῶ ὀλέκοντο δὲ
λαοί

Τούνεκα τοῦ χεύσῳ ἡ τίμησ' ἀρτήεα.

Regi succensus Apollo

Misit in armatos pestem, populusque peribat

Quod sua sacrificio non esset gloria (Chrysi.

An verò (Theologicis prætermisiss) id accidit quoniam famis tempore praua etiam edulia exigua quantitate deuorata, tantisper edomari à natiuo calore poterant & putre-

do impediri; postea adaucta supra modum
 quantitate humores in corpore stabulantes,
 ex antea vitæ prauitate putredini obno- *Galenus 1.
 de diff. feb.
 capite 4.*
 xijamplius coerceri nequeunt?

An potius quia ex subita & vehementi
 repletione generatur cruditas, ex cruditate
 obstructio, ex obstructione putredo, ex *Galenus.
 ibidem.*
 putredine pestis? An denique vt in prælijs
 sic in fame non cremata (veluti antiquis
 mos erat) aut insepulta egenorum cadauera
 contagione aërem inficiunt, atque vt sensim
 is corrumpitur, ita quoque pedetentim serpit
 venenata aura & non nisi prestituto tēpore
 sufficienti longè latèque in Ciuitates dis-
 pergitur?

Plura circa venæ sectionem cæteraque
 hæc pro Aphorismi interpretatione vi-
 dentur satis, non enim materias quascunque
 integrè pertractare propositum est, sed tan-
 tum in singulis immorari quantum per
 Hippocratem licebit.





Αἱ λεπταὶ καὶ ἀκρβέες διαίται καὶ ἐν
 τοῖσι μακροῖσιν αἰεὶ πάθεσι καὶ ἐν τοῖσιν
 ὀξέσιν, ὃ μὴ ἐπιδέχεται σφαλερά. καὶ πάλιν
 αἱ ἐς τὸ ἕχατον λεπτότητος ἀφιγμέναι διαίται,
 χαλεπαί: καὶ γάρ αἱ πληρώσιες αἱ ἐς τὸ
 ἕχατον ἀφιγμέναι χαλεπαί.

Victus tenuis atque exqui-
 situs, & in longis passionibus
 semper: Et in acutis, in qui-
 bus non cōuenit periculolus,
 & rursus ad extremum tenui-
 tatis deuectus grauis est: Ete-
 nim ducta ad extremum re-
 fectio, difficilis.

Commentarius.

Q Vid fit victus tenuis, quid acutus
 morbus, quot vtriusque species,
 docet abunde hīc & alibi Galenus, quæ
 mutuari ab ipso in præsentia non pige-

bit, quandoquidem doctrinæ Hippocraticæ sunt apprimè consentanea, & ad huius Aphorismi intelligentiam cōsequendam penitus necessaria. Viſtum ergò tenuem definit eum, qui per pauca aut parum nutrientia fit alimenta, qualis est ptisanæ succus. Quo loco alimenti nomine extremum intellige, ita communiter accipitur, cum de viſtus instituendi forma sermo est apud Medicos (quanquam aliàs ne alimenti quidem appellationē apud Galenum meretur) huius diætæ finis est parua nutritio, quanta scilicet viribus ad indicationem vsque prorogandis sufficiat. Indicatio porrò aliàs obtingit citiùs, quādoque tardiùs: Ex hoc diuerso motu diuersæ acutorum differentiæ oriuntur quarum singulæ peculiarē sibi vendicant alimonix quantitatem. In hoc sanè cōueniunt quæcunque acutorum differentiæ quod citò terminentur nec periculo vacent: differunt sola maioris aut minoris ratione. Pari modo tenui cuicunque viſtui. illud in genere commune est, quod pauca offerantur alimenta (inquam seu virtute seu mole) at sola itidem inter se discrepant maioris aut minoris ratione, Quare tenuis-

simus exactè is appellatur, in quo penitus à cibis abstinem⁹, ijsq; affectibus conuenit quos exactè peracutos vocamus, in quibus, cùm vltra quartum diem non protendantur, verendum non est ne tantillo tempore concidant vires, si tamē non omnino robori confidimus aut ex eorum numero sit morbus qui simpliciter peracuti nominantur, & septimo terminatur die, concedendum aliquid quale melicratum. Et hic quoque tenuissimus est victus at non exacte. Sin ante decimum quartum crifim non expectamus, quemadmodum in acutis exquisitè, ad ptisanæ cremorem veniendum, quæ exactè tenuem diætam constituit. Tum demum si neque hanc vitæ regulam patiantur vires, aut ad vigesimum diem protrahatur morbus vti fit in acutis non exacte, ptisanam integram offeremus, hoc est, victum tenuē, at non exquisitè. Eliciamus modò ex dictis si fieri potest Aphoristicæ sententiæ interpretationem, quam postmodum ratione stabiliemus. Istud meo iudicio voluit Apollo noster plusquam Delphicus victum tenuem, hoc est, quem simpliciter tenuem nūcupamus, & exquisitum, hoc est exquisitè

tenuem

tenuem, non autem acutum, quomodo impropijsime vertit Fuchsius. Nam præterquamquod dictio, ἀκρῆς qua in præsentī vtitur Hippocrates, ea significatione apud probatos auctores non inuenitur, absonū est propriam & peculiarem qualitati exprimendæ vocem, in quantitatem κατὰ ποσὶν de-
torquere, tum præsertim cum clariorē loquendi formam interpretis munus ex-
postulat, victum enim acutum [si voce non abutemur] eum esse fatebimur, qui acuto pungenteque sapore sit præditus, cuiusmodi sunt acer, acerb⁹, acidus, qui linguā & fauces, punctim quasi laceffūt, feriunt, atque vellicant. Sed relicto in-
terprete redeamus ad nostrum Æsculapium, cuius hæc mens fuit docere victum tenuem simpliciter, & tenuem
exquisite⁹ perpetuò, dubium esse in af-
fectibus diuturnis, necnon etiam in acutis in quibus non competit, hoc est in acutis ex decidentia, addas etiam in
simpliciter acutis si duo hæc verba te-
nuem & exquisitum, simul iungas, ita vt
idem sonent quod exquisite⁹ tenuem,
altero nimirum vices aduerbij gerente,
qui modus Græcis est non parum fami-
liaris. Et rursus victum illum qui ad ex-

411 *APHORISMUS QUARTUS*
tremum tenuitatis deuenit grauem &
anxium. Puta in ijs passionibus de qui-
bus sermo est. Rem ita habere colligit
ducto à contrarijs argumento, quorum
cum eadem disciplina sit & ratio vul-
gato logicis axiometate, si difficilem esse
refectionem extremam non inficiamur,
pari modo extremā inedia minime
tutam fore negari non debet. Hæc est
authoris sententia breuibus quantum
commentarius requirit illustrata, latiùs
postea, & quantum videbitur in con-
trouersijs excurremus. Illud tanquam
fundamenti loco supponendum ante
omnia, ex quo pendet tota decisio, legi-
timam illam esse viuendi rationem, quæ
neque morbum auget, neque vires vl-
trà quam par est collabi finit: Quæ cō-
trario modo habet, illegitimam: Mor-
bum auget quæcunque copiosiore quā
æquum sit vtitur alimento: facultatem
destruit, quæ parciore. Quicunque igi-
tur in alterutrum impinget non erit
periculo immunis. Huiusmodi autem
est tenuis victus in propositis affectibus:
in longis quidem & ἐκ μετὰ πλῶσεως hoc
est ex decidentia acutis tolerari non
potest quin lædatur insigniter virtus aut
fracta penitus atque exoluta collabatur.

Idem iudicium esto seruata temporis proportionē, de simpliciter acutis, si de exacte tenui victu solum sermo sit, is ipse victus tenuis in peracutis morbis naturam à coctione auocat, grauioraque concitat incendia magno ægri dispendio. Iam quæ extremè tenuis diætā est multò minùs quàm præcedentium vlla viribus illæsis perferri in Chronicis, & ex decidentia acutis passionibus potest: extrema quoque resectio morbi radices altius defigit, & naturæ negotium facessit. Ita vt morbificæ causæ maturationi & depulsioni cum opus est intendere ipsa nequeat. Quare meritò ambæ dicuntur à Galeno vere alienæ & monstrosæ, quandoquidem extremæ cum sint paucissimis omninò aptæ sunt, cæteris quàm infestissimæ etiam ab idiotisprehenduntur. Quæ verò medium tenent habent vtrinque aliquid quo se tueantur, & si quem offendant leuiorem cladem ac iniuriam inferunt. Extremarum porrò diætarum dispar est noxa: Ab inedia omnimoda vehementiùs concutiuntur vires in morbo diuturno. Ab extrema resectione magis efferantur acutæ passionēs. Mirabitur fortasse quispiam nos modò

*1. acut. Cō-
ment. t. 13*

extremam refectionem tanquam in vniuersum funestam non penitus allegare, nostramque sententiam velut in omni medicina hactenus inauditam aspernabitur & reijciet. Quid enim magis in Hippocratis doctrina tritum & vulgare, quam omne nimium naturæ inimicum, optimam sanitatis tutelam non impleri cibis; hi enim vbi plus præter naturam ingeruntur morbos procreant, vti paulò ante cumulate demonstrauim⁹. Quid porro nimium dici debet nisi quod extremum? Quorsum ergò extremas refectiones paucis aptas dicimus, vbi de ægrotis sermo est, cum ne sanis quidem quadare vnquam posse videantur? Ne his difficultatum inuolucris teneamur irretiti, sciendum est extremæ refectionis nomine eam hîc intelligi quam communiter plenissimam vocant, quæ & multis fit, & copiose nutrientibus alimentis. Non autem eam quæ in quantitate moderationis terminos excedit, de qua loquitur diuinus senex citatis in contrarium Aphorismis & nos in superioribus egimus. Hæc enim ex se suaque natura summis perpetuò grauissimorū symptomatum periculis obnoxia est.

*2 Aphorism⁹ 4. &
51. 6. epid
comm. 4.
1. 10. 2. A-
phorif. 17.*

Illa non semper, sed in aduersa va-
 letudine dūtaxat præsertimque in acu-
 tis morbis, quorum respectu plena re-
 fectionio non solum immoderata, sed etiā
 monstrosa & à ratione penitus aliena
 Galeno appellatur, quæ certe appella-
 tio simpliciter loquendo alteri longe
 conuenientior est: Monstrosam verò
 refectionem nuncupatam fuisse plenam
 à Galeno ostendunt ipsius verba, dum
 Petronam reprehendit quod in febri-
 bus tum vinum tum carnes exhiberet
 nulla quantitatis summæ aut exceden-
 tis facta mentione. Neque veri simile
 putandum est Petronam fidei suæ cre-
 ditos febrientes ciborum copia ingur-
 gitasse, eamque vere monstrosam, &
 suapte natura alienam quantitatem
 ægris concessisse, quam ne pancraticè
 quidem habentibus concessisset.

*1. acut. cō-
 ment. l. 13*

Hic itaque verus & genuinus est po-
 stremae partis nostri Aphorismi intelle-
 ctus: tam exacte tenuissimam, quam
 exacte plenam viuendi rationem [hoc
 est quæ fit per multa & multum nutri-
 entia alimenta, & sanis ac benè habitis
 corporibus quàm accommodatissima
 est] in longis passionibus, & acutis
 quibusdā [de quibus in priore Apho-

rismi parte sermo est, ad quam seruata
 proportionē referri debet altera] mini-
 me cōpetere, periculo non carere. Imò
 verò [quod maxime ad rem nostram
 facit] videtur Hippocrates sumpto à mi-
 nori ad maius argumēto probare velle
 summe tenuem victum in prædictis af-
 fectibus fugiendum. Hac ratione: si ve-
 rum est in hisce passionibus refectionem
 extremam, hoc est plenissimum victum
 non conuenire, quod quidem minus
 credibile videri potest, quando quidem
 affectus diuturnitas largiore cibo virtu-
 tem sustentari iubet, quantò magis cre-
 dibile fuerit detestandam longioribus
 in morbis inediam, à qua hæc ipsa fun-
 ditus euertitur? Tale esse Hippocratis
 institutum denotat causalis illa particu-
 la γὰρ. Quanquam non repugno, quin
 de contrarijs extremis simpliciter intel-
 ligantur hæc clausulæ, quorum primum
 virtutem plane exhaurit: alterū hanc
 ipsam suffocatam opprimit, necnon
 à morbi coitione distrahit.

Quæstionum series & ratio.

MOrbi in hoc Aphorismo passiones appellantur, hanc appellationem forte vix admisit Galenus: Vnde prima disputationis occasio.

An morbus sit passio? Et quoniam vere admittere illam appellationem nobis non licet, sequitur altera quæstio, sub quo genere contineatur morbus?

Postmodum ad commemoratas in Aphorismo differentias morborum progredimur, & quid longus sit morbus, quid acutus, & de quo acuto in presenti sermo sit, docemus.

Postremò illud decidimus, cuius gratia totus Aphorismi contextus, a quo nimirum victus tenuis indicetur.



*An recte dictum sit ab Hippo-
crate ἐν μακροῖσι πάθεσι? siue
an morbus sit passio?*

QVÆSTIO PRIMA.

Πάθος, siue passionis nomine morbum
in præsentī significari nemini dubium
est, ideòque dictionem hanc ἐν πάθεσι ver-
terunt in morbis nonnulli interpretes, quam
versionem suo commentario Galenus non
obscurè comprobavit. Eadem in significatio-
ne à summo latinæ linguæ excultore &
principè accepta est, cuius hac in parte non
planè reiicienda auctoritas. Reliquæ (inquit)
perturbationes animi, formidines, libidines,
iracundiæ, hæc enim ferè sunt eiusmodi quæ
Græci πάθη appellant, ego poterā morbos,
& id verbum esset è verbo, sed in consue-
tudinē nostram non caderet. Nam misere-
ri, gestire, gaudere, lætari, hæc omnia mor-
bos Græci appellant, motus animi rationi,
non obtēperantes: nos autem eosdē motus
cōcitati animi rectè vt opinor perturbationes
dixerimus, morbos non satis v̄sitatē. Hanc
summi Oratoris interpretationem confirmat
Aristoteles cum libro de sensu & sensili mor-
bum definit passionem corporis viuentis,
Verum impropriam esse huiusmodi accep-

tionem grauissimorum auctorum Græciæ Philosophiæque luminum, ipsius etiam Galeni suffragio conuinci potest: Plato quidē non voluptatem modo sed & quasunque nascentes alterationes quæ morborum appellationem mereri nequeunt *τὰ πάθη* nuncupauit. Cuius principijs insistens eius discipulus, atque vnā reliquorum omnium magister grauissimus pathemata à prædicamento qualitatis secluserit: & meritò. Pathematum namque essentia incompleta est & imperfecta, in ipso (vt loquuntur) fieri, neque actione separata subsistit, quare ex consequenti nihil habet à quo subiectum quale dicatur, sed aliquid esse perpeßsum. Quicquid enim absoluto motu relinquitur non iam passio est, sed vel habitus, vel dispositio, vel patibilis qualitas. Huic eidem sententiæ subscribens Galenus inquit, quod in ipso (vt sic loquar) fieri essentiam habet, actionem passionemue nominamus? quod in permanentia ad aliquod tempus, sanitatem morbumue. Quippè agentis motus actio est: eius verò quod ab eo est quodammodo affectū, passio. In summa ipsum affici idem quodammodo quod pati est, differtque passio ab affectu affectioneue motu. Namque cessante eo quod alterabat, alteratio quæ in passo iam remanet affectus. eius est, ita scilicet vt in ipso verti, & mutari, & alterari, & moueri passio generationem habeat, in eo verò quod manet & in subiecto corpore

*Libro de
Symptom.*

Capite. 1.

419 *APHORISMVS QVARTVS,*
reseruatur affectus constat.

2. Method.
Capite 3.

Huic principio ianixus quæ præter naturam in corpore inueniuntur. In methodo ita distinguit. Prisci motus omnes etiam qui naturaliter habent *πάθη* Græcè id est passionibus nominant, sicuti etiam ipsos actiuos motus actiones. Et paulò post, contrarium sanitati affectum à quo lædi actionem dicimus, morbum tantum appellamus siue diutinus sit, siue brevis, siue momento duret. Ex reliquis affectibus, qui præter naturam sunt, eos qui hunc præcedunt, causæque rationem obtinent, causas tantum dicimus non *πάθη*. Qui illum sequitur, si actiones offensæ sunt & Symptomata & *πάθη*: Eodem modo & immodicas vel inanitiones, vel retentiones. Qui verò affectus sunt veluti vitiosus color, supra passionis & Symptomatis appellationem etiam affectus vel affectiones vocamus, ita nimirum vt sunt. Dicuntur hæc quidem omnia communi nomine Symptomata, cæterum non vni generi subdita. Quippè affectus quidam corporis est vitiosus color, quod excernitur aut retinetur affectus non est, sed affectum sequitur: similiter actio vel læsa vel integra affectus sanè non est, at particulæ à qua editur affectum necessario comitatur: Hactenus Galenus. Si huc aliorum quoque Philosophorum & Medicorum placita referre in animo esset, morbis hanc appellationem quadrare propriè non posse communi suffragio de-

cretum inueniremus. Sed hæc à principibus viris petita (in quorum sententiam pedibus eunt cæteri) omnium instar esse possunt.

An igitur Hippocratem accusabimus qui tum longos tum acutos affectus παῖθος nomine donauit? Arguere certè ipsum non possumus nisi pariter antiquos omnes atque adeò Galenum ipsum in iudicium vocemus. Galenus quidem sub Pathematis verbo febres horribiles cōprehendit, & dysenteriam, & Phlegmones. Eundem quoque apud veteres huius dictionis fuisse vsum cumulatè probant, quæ ex Cicerone adduximus, qui græcarum literarum fuit peritissimus. Eius tamen auctoritati (quoniam extraneus fuit) ne quisquam detrahendū putet, Asiaticum nostrum iterum loquentem audiamus. Iam ipsum permanentē affectum Græci (inquit) passionē vocant, veluti quod iam fecit, nec etiamnum facit causam. Quanquam neque hoc absoluto sermone causa est, neque affectus qui manet absoluto sermone passio: & alibi. A veteribus quidem παῖθος priuatim de omni extrinsecus motu dicebatur, nunc per abusum etiam affectus qui ex passionē iam prouenire, nec ampliùs in motu sunt παῖθος, id est passiones vocant. Tum inferiùs eodem capite παῖθος id est passionem de morbo dixisse veteres quemadmodum & ἀσθενίαν, id est infirmitatem, & ἀσθενείαν id est imbecillitatem ostensum nobis est in ijs quæ de medicinalibus vocabulis scripsimus. Ex qui-

1. Epid.
comm. 2.
t. 23 libro
aduersus
Iulian.

Galenus
lib. de diff.
Sympt. c. 1.

2. Method.
Capite 3.

bus manifestum arbitror arte Galeni tempora, ipso Hippocratis seculo duplicē fuisse huius dictionis vsum: proprium alterum & strictum, quo priuatim de omni extrinsecus motu passio dicebatur. Alterum improprium & amplum quo inducta qualitas, & permanens affectus significabatur. Vnde non incommoda elici potest difficultatis solutio, si dicamus Hippocratem & Galenum communem quandoque loquendi morem sectari, cum derei natura ambigi non potest, quemadmodum in præsentī Aphorismo nemo ambigit quin de morbis instituatur oratio. Neque verò decuit experientissimos docendi magistros de verbis vbique esse sollicitos dummodò sublata omni Homonymia id intelligeretur de quo sermo esset. Imò præstitit nonnunquam facilioris doctrinæ gratia receptis acceptionibus, quanquam non ita proprijs, se se accommodare, & insistere: Nisi cum de genuina dictionum significatione, & natura rei sermo fit ex professo, tum enim remouenda omnis æquiuocatio, omnis ambiguitas tollenda & declaranda. In hunc modum de passione strictius in prædicamentis egit Aristoteles, & si alibi, alia ratione: vt in posterioribus *Ἰαί πάθῃ καὶ αἰσθῆσις* dixit ea quæ de re aliqua præter naturam & essentiam sumpta definitione demonstrantur.

Galenus quoque essentiam morbi proditurus, ne vllis esset ābagibus, implicita definitione, necessitate cōpulsus veram *τὸν πάθος*

significationem proposuit, quoniam à viris etiam non vulgaribus tanquam morbi genus assignabatur πάθος. Quanquam non ita angustè ut Cicero tradidit hac dictione vocabatur, ita ut è verbo ad verbū morbū significaret. Nam præterquā quod aliū apud antiquos eius fuisse vsum cumulatè satis hæten^o cōprobauim^o (quod etiam ex Galeno si opus esset confirmare pluribus liceret qui τὰ ψυχῆς παθήματα non inter morbos ut refert Cicero, sed inter salubres, aut insalubres causas recensuit) si notationem nominum attendamus plurimum ἀπὸ τῆς ὕλης differre τὸ πάθος ἢ τὸ παθήμα comperiemus; Ignaros fortassè aliquos, in quorum lectionem incidit sequutus Cicero, particularem errorem pro communi recepit, & peculiarem quorundam interpretationem, vñtato auctoribus loquendi more, in omnem Græciam detorsit. Pathos quidem definit Olympicus corporis affectum præter naturam permanentem. Qua ratione morbi proprium genus Pathemati tribuit, multisque & gravissimis erroribus breui oratione se se implicuit quos doctè & copiosè uti solet Galenus confutavit. Thessal^o quoque inter morbum & Pathos nihil esse discriminis existimavit: Suis enim commentarijs translatione vtrumque ponit, isto vel altero vñs promiscuè, quasi nihil intersit quocunque modo vsurpentur. At hoc neque Hippocrati, neque cæteris vsquam in mentem venit,

*In arte
parva ca-
piti 85.*

*1. Methodi
Capite 7.
§ 9.*

præterquam explicato modo.

Illud hoc loco monitos velim latinitatis studiosos, rectè quidem à Cicerone animi Pathemata perturbationes appellari, non tamè quicquid verè & propriè Græcis appellatur πάθος aut πάθημα latinis perturbationem interpretari licere, angustior enim est huius vocis significatio, quam vt Græcis illis vndequaquæ respondeat, itaque si aliquanto barbariùs at significantiùs loqui lubet, passionis dictionem haud aspernabimur.

Iam nunc quæsierit aliquis, quoniam Philosophorum Medicorumque decreto Pathos à definitione morbi subtraximus, ad quod tandem genus morbum referemus?

Sub quo genere contineatur morbus?

QVÆSTIO SECVNDA

DIcam eò lubentius, quo iniquiùs Galenum video Argenterij spiculis oppeti. Vnde liquidò tandem patebit morbum ad eorum genus minimè pertinere quorum essentia in motu est posita, totaque ab actione dependet, quod iam antea discussimus.

Galenus multis in locis διαθεσιν hoc est dispositionem siue quod perinde ipsi est κατὰ οὐκὲν hoc est constitutionem tanquam verum & proximum morbi genus colloca-

uit, Dispositionem siue affectum à definitione morbi reijcit Argēterius solam constitutionis appellationem recipit, vnum hoc agnoscit genus. Candidissimi doctoris mentem declaremus in primis tum aliena tela nullo negotio repellemus. Illud ante omnia fundamenti loco statuamus (ne quem in posterum ambigua vocis acceptio fucum faciat) non vno sensu apud omnes affectus nomen vsurpari: generalissimè quandoque capitur non à Poetis modo aut Oratorib⁹, sed à Philosophis quoque & Medicis, vt id omne indicet à quo afficimur, qua ratione ipsas etiam passiones suo ambitu includit: sic animi Pathemata affectus & affectiones nuncupamus, Sumitur alias pro ea qualitate solum quæ ab actione relinquitur; Hoc modo superiùs morbum à passione distinximus; Nempè quod huius esse in continuo fluxu sit constitutū, ille finita alteratione permaneat.

Tertiam addit significationem Fuchsius qua magis contractè sumitur pro omni in id quod præter naturam est mutatione. Qua in distinctione aut mancus videtur, aut superfluus. Mancus quidem si dicamus huic acceptioni respondere alteram, quæ est mutatio in id quod secundum naturam, sanitas enim affectus est; Adiaphora quippè affectus vox, æquè in bonam ac in malam partem sumitur. Superfluus verò siquidem tertia significatio non minus commodè refertur ad priores quam ista posteriora loco adiecta.

3. inst. sect.
1. Cap. 1.

Nisi pro Fuchſio respondeam^o ſimpliciter & abſolutè ſine adiectione poſitum affectus nomen ſiniſtrè accipi, morboque tantū morbificis cauſis, & ſymptomatis applicari, non autem contrarijs affectibus.

Hoc ſenſu apud Galenū inuenitur, dum actionem ab affectu ſeiungit, quod per actionem motum quendam naturalem intelligamus; affectum autem præter naturam. Vbi notandum actionem dici motum, primaria ratione, hoc eſt à natura primariò intentum, non ex aliqua conſequentia alia neceſſariò conſequentem. Sic cordis motus qui in pulſibus fit actio dicitur, qui in pal- pitationibus affectus. In prima ſignificatio- ne hoc ipſo loco affectū deſcribit Galen^o mo- tum in altero ab altero: actionem motū quen- dam efficientē ſiue per ſe exiſtentem, quo- rum utrūquē ſæpè neceſſariò in vnum con- currunt ſubiectum. Nam à ſecante facta di- uiſio in eo quod ſecatur vna & eadem res cum ſit, ſecantis quidem actio, eius autem quod ſecatur affectus eſt. Propriè hoc eſt ſecundo modo ſumptum affectus vocabu- lum, generis & ſpeciej locum obtinet, apud Logicos & Medicos. A Galeno quidem *ἔξις* per *διάθεσιν* veluti propriū genus defi- nitur. Habitum enim non qualitatem ſed af- fectionem vocat permanentem. Quacunque (inquit) ægrè à ſubiecto remouetur affectio, habitus nuncupatur. Quicquid in conſtanti ægrèque ſolubili affectu eſt, id habitu iam quodam

*6. de placi-
tis Hippo-
cratis &
Platon. 8.*

*8. Metho-
dis.*

quodam affectum est. In specie habitui opponitur, eamque notat qualitatem quæ facile à subiecto remouetur; Et hoc modo propriè ab Aristotele & Dialecticis in Categorijs vsurpatur. Quanquam neque tum quidem speciè efficit ab habitu separatam, nam quæ secundum magis & minùs solum differunt, specie non differunt. In genere sub se vtramque continet qualitatem, & quæ agrè, & quæ facili negotio euellitur.

Hæc distinctio nostra non est quam multo antè tempore his verbis doctissimus Ammonius proposuit, ὅτι τῆς διαθέσεως ὄνομα διττόν ἐστι, τὸ μὲν γενικώτερον, ὃ καὶ λεγόμεναι καὶ κατὰ τῆς ἐξέως: τὸ δὲ ἐιδικώτερον, ὃ ἀντιδιασέλλεται πρὸς τὴν ἐξελίξιν. Hoc est dispositionis nomen duplex est, hoc quidē generalius quod etiam de habitu enunciatur: illud verò specialius quod habitui opponitur. Iam ad rem dicimus affectum in definitione morbi collocari, quatenus sub se habitum simul & dispositionem continet, Nec aliter sumi debet quando de morbo propriè dicto sermo est, ipso Galeno auctore, in cuius fidem satis fuerit hæc eius verba prioribus adscripsisse. Accidit interdum vt partium aliquæ dispositionem habeant (vt ita dicam) ἐκλεκτῶν: quæ tenaciter hæret, reliquæ verò (vt sic dixeris) κατὰ γένειν id est quæ facile discutitur. Ecce vt dispositionem pro habitu ponit: sed quid opus est in huius rei probationem testimonia conquirere; Cùm videamus, non

3. de loc.
affect. c. 2.

modo hecticas febres, sed & diarias quoque, in morborum numero ab omnibus percenseri, quarum illæ ad habitum, hæ ad dispositionem pertinent? Præstiterit itaque obiectorum ab Argenterio spiculorum aciem retundere, vbi cætera quæ ad confirmanda Galeni circa definitionem morbi documenta spectant, proponemus.

Catachresim notat primo loco vbi Galenus affectum dicit esse alterationem, cum hæc sit motus, ille qualitas: An ignorauit poni alterationem pro motu & pro termino, hoc est pro inducta qualitate? Nunquid apertè satis confusionem sustulit, & ambiguitatem Galenus, cum addidit esse alterationē factam siue permanentem? quod repugnat motui: Est enim motus actus entis in potētia, prout in potentia, hoc est forma imperfecta tendēs ad vltiorem perfectionem, cuius essentia non tam in actu consistit, quàm in potentia, vt pote quæ à potentia limitatur & determinatur: Arguitur prætereà Galenus quod morborum causas affectus esse pronunciarit: Nam neque causa alteratio est (inquit ille) neque in qualitatibus, sed in eorum quæ comparatè dicuntur genere continentur. Quod si ea quæ morbos pariunt nonnunquā sunt qualitates, non tamen omnia, Itavt nequeat nomen affectus cōmune esse vniuersis causis. O egregium Sophistam! Quàm manifesta in his verbis repugnantia!

Si enim verum est causas nunquàm esse

qualitates sed relationes, quorsum iam mox contrarium in aliquibus admittit? Quo admissio, quid est quod Galenum reprehendat, qui nusquam causas omnes, vti neque Symptomata omnia affectus appellauit? ecquis enim vsque adeo Philosophiæ Theorematum ignarus inueniri potest qui causas vllas externas sub affectus nomine contineri putet? Vt de internis fileam, quarum plurimæ sunt instabiles. Idem vero doctorum doctissimo vsquàm in mentem venisse proprijs funditus euersis principijs, hoc qui arbitratur, aut insulsus est aut malitiosus. At rectius Argenterio fuisset priori in argumentatione persistere, & docere causas omnes sub relatione comprehendi, & hoc quidem vltro admississemus: causam nimirum omnem qua causa est ad effectum referri: Qua ratione & morbi ipsi à quibus Sympathia quadam alijs originem trahunt, considerati vt aliorum causæ sub eorum genere collocantur, quæ τὰ πρὸς τὴν nominamus. Verum & hi morbi & cœteræ omnes causæ, aut saltem plurimæ si in se spectentur vt sunt quid absolutum, secluso omni respectu, ad qualitatis prædicamentum referri debent, & sub affectus genere constitui: Verè enim ab ipsis quale denominatur subiectum, in quo permanentem habent finito motu essentiam. Mihi porro non satisfacit in præsentia Fuchsijsolutio, iniquentis Galenum affectus vocem sumpsisse pro omni in id quod præter natu-

*Inst Medie
Libro 3.
sect. 1. 6. 3.*

ram est mutatione, cum eam causæ & symptomati tribuit. Et sanè (ignoscat mihi Fuchsius) Galeno falsissimè imponit, & turpissimè ipse fallitur. Primum enim certum est ex ipso verborum & exemplorum contextu

*Galenus. 1
Methodi.
Capite 9.*

Galenum voluisse propriam affectus appellationem causis & symptomatis quadrare, affectus (inquam) secundo loco definiti, qui prima species est qualitatis, & finita passione subsistit. Præterea constat non minùs naturalibus causis quàm prænaturalibus hoc nomen adaptari. Quorsum ergo præternaturalis tantum mutationis seclusa naturali sermo fieret à Galeno? An quod præternaturalium dumtaxat exemplorum meminit? Ob id fortasse, quod de ipsis solum controuersia oriretur. Quamobrem cum in genere conueniant morbus & morbi causa, merito definitioni morbi, addita fuit differentia qua inuicem segregantur. Verù instat vltèriùs, & nouis quasi resumptis viribus insurgit Argenterius, & queritur antiquam *diabæreos* significationem labefactari; Quandoquidem ab Aristotele de eo solummodò affectu dicitur, qui facilè diuoueri potest. Aristotelis auctoritatem non reijcimus, sed latius quam ab ipso in Categoria qualitatis vsurpetur, etiam à Logicis accipi iam antea demonstrauim⁹. Et quidem peraccommodum est, & planè consentaneum in morbi definitione ea dictione vti, quæ tum habitui, tum dispositioni sit cõmunis: Nam & ambo cõue-

niunt morbis, & specie non distinguuntur. Verum cum Lernæa bellua nobis suscepta videtur disputatio, vno namque diruto argumento, bina resurgunt & expullulant: Prodit iterum in apertum cāpum ratione simul & Galeni testimonio armatus grauiore quā antea nixu & vehementia contradictor. Nephritis (inquit) Apoplexia! & affectus per consensum omnes morbi sunt, & si minimo tempore, & tamdiu perdurent, quamdiu manet humor aut vapor, aut alia quæ eos peperit causa.

Galenus verò eos errare scribit qui morbum stabile malum esse definiebant; contenditque permanentiæ nomen differentiā esse inter morbum longum & breuem, proindeque à definitione penitus subtrahendum. Id quod apertius primo de locis affectis testatur: morbos scilicet (vt qui res sint similes) & esse iam & vocari non solum cum facti sunt, sed etiam cum fiunt, id est ablati causis suis amplius subsistere nequeunt: Hactenus Argenterius. Nos contra eundem Galenum eodem i. de locis affectis verborum suorum, interpretem optimum & fidelissimum adsciscamus, sententiam suam duplici exemplo adstruit: Primum est dysenterix quæ verè talis dici debet, cum primum mordax humor aliquid intestinorum abraferit, quamuis id quod factum est nondum videatur.

1. & 2.
Method.

Capite 2.

Alterum exemplum petita ab externis

similitudine, hoc ipsum conformat. Quemadmodum (inquit) Galenus , quò illabentibus guttulis saxum excavetur, necessarium est vt à primis dispositio quæpiam permanēs in subiecto imprimatur, alias nulla posset afferri ratio, cur ab vltima potius quàm à præcedentibus id opus perficiatur: in morbis quoque dum fiunt est in ipsis initijs stabile aliquid. Cui morbi appellatio competit, quanquàm id præ tenuitate cadere in sensum non possit, & separata causa protinus euanescat, natura videlicet ipsum faciente.

Ex his Galeni verbis doctrinæ clarioris gratia, rem totam, si ita lubet, ad hanc distinctionem reuocemus. Morborum alij iam facti, alij adhuc fiunt. Illi proprijsimè morbi nominantur: hi vel vndequaue à suis causis dependent, tumque simpliciter morbi nomen sortiri nequeunt, sed cum additione fientis aut futuri. Sin aliquid habeant iam facti, huius ratione verè morbi sunt appellandi, quamuis, si quod factum est ita exiguum sit aut leue nullis vt sensibus inter nosci queat, ne in ἀετιολόγας, hoc est perpetui affectus suspicionem incurramus, à posteriori facta denominatione, morbi in fieri etiamnum appellatio sit retinenda.

Hinc facilis est solutio obiectorum ab Argenterio. Ad rationē quidē primo loco productam negamus simpliciter Nephritidē aut Apoplexiam morbos esse, sunt enim verè &c

propriè symptomata quæ cum morbos consequantur, velut umbra corpus, quid mirum est si ipsis profligatis, illico sponte sua deperiant? Nephritis (inquam) si pro eo dolore capiatur, qui vel à calculo, vel ab alia quavis causa renibus impacta proficiscitur, symptoma est deprauatæ actionis sensus tactus: si propriè vsurpetur pro inflammatione renum aut eorundem (si ita lubet) obstructione, morbus equidẽ est propriissimè dictus, & propriam subsistentiam obtinet à sua causa independentem. Apoplexiam nemo unquam morbum appellavit, sed symptoma deperditi motus & sensus, omnisque animalis actionis.

Pro Argenterio nobis fortasse Galenum allegavit quispiam, Apoplexiam inter acutos numerantẽ. Respondemus symptomati quodque morbi appellationem tribui, tum maximè cum insigne est, & à quo potissimum vitæ discrimẽ imminet, cuius respectu morbi differẽtia immutatur. Symptomatum enim ratione, leviores nonnunquam affectus periculosi euadunt & magni; quin etiam longi degenerant in acutos. Itaque cum ex functionum animalium interceptione repentina mors in cerebri obstructionibus plerumque subsequatur, siquidem Apoplexiam fortem solvere impossibile est, Apoplexia meritò in acutorum album videtur adscribi. Morbos verò aliorum κοινανία, siue συμπαθία exortos, non simpliciter morbos sed cum

5. Aphorif.
comm. 30.
Galenum &
Methodi.
Capite 2.

2. Aphorif.
24.

adiectiōe sympaticos siue per consensum
vocalmus. Morbi quidem rationem subeunt
quatenus efficiunt per se actioni: At morbi
dici nequeunt quatenus ab alijs tanquam à
causa constituntur & conseruantur. Verè
tum morbi æstimandi cum alijs defixis ra-
dicibus, cæteris etiam sublatis à quibus or-
tum traxere, solitarij persistunt. Neque refert
quod suæ originis initium ab alijs duxerint,
quibus præsentibus aut nulla vi, aut ægrè
admodum amouentur, sufficienti sequelæ
& dependentiæ indicio: satis istud esse nequit
ad eximendam rationem morbi, dummodò
seipsis nullo aliorum adminiculo tantillo
tempore sustentetur & persistent. Vnde non
iniuria reprehenditur Olympicus à Galeno,
quoniam permanentem siue (vt interpreta-
bantur illius affectæ) ægrè solubilem passio-
nem, durabilem vocabat, itavt permanen-
tiam ad durationem temporis referret. Quod
sanè non morbi in genere sed longi morbi
proprium est perinde ac facile solubile,
brevis; E contrario stabile siue permanens
id appellat Galenus, cuius essentia seipsa
subsistit, ab efficiente separata, & indepen-
dens, siue breui tempore, siue diuturno per-
seueret. Sophistica ergo cauillatione Galeni
sententiam ad opinionem proprijs rationi-
bus confutatam aduersarius traduxit. Vlti-
mæ auctoritati ex i. de locis affectis cumu-
latè satisfactum est. Distinctione ex ipsis
Galenii fontibus eruta. Nimirum morbos &

v. Methodi

Capitolo 9.

6. 1. 1. 1. 1. 1.

1. 1. 1. 1. 1. 1.

1. 1. 1. 1. 1. 1.

esse iam & vocari, non solum cum facti sunt, sed tum etiam cum fiunt, si modo supponamus eo ipso tempore quo fiunt, aliquid iam facti inueniri, cuius respectu morbi merentur nomen. Argenterij, verò interpretationem, tanquam Galeno contrariā respuimus; Dum per morbos qui fiunt eos solum intelligit; qui ablatis causis suis consistere nequeunt, & per consequens toti ab ipsis pendet velut umbra à corpore. Habere aliquid possunt facti, & independentis, quod licet depulsa causa statim excludatur & corruat, eius tamen exclusio causæ absentiæ referri non debet accepta, sed naturæ beneficio, ipsum (vt Galenus loquitur) sanantis.

Modò ne quid à nobis desiderari possit, occurramus postremo Argenterij argumento, quo infertur febrem nullam fore præter hecticam si statuamus morbum esse qualitatem factam, quandoquidem in alijs febrium speciebus solidæ cordis partes non calefactæ, sed esse in calefieri dicuntur: Eiusdè autem est morbus cuius sanitas, non spirituum non humorum quæ sunt instrumenta, sed ipsarum corporis partium. Hæc ille.

Respondemus nos in cordis substantiam per febres omnes caliditatem induci permanentem, atque independentem, positamque in hac ipsa febris essentiam. Dicit tamen cordis substantiam incalescere non calefactam, quoniam ipsius temperies nondum tota in alienam qualitatem degenerauit.

Itavt reliquum sit aliquid quod fiat, aliquid iam factum sit: Ab illo tamen quod præpollet atque excellit fit denominatio: vti de dysenteria diximus, quam fientem cum Galeno nominauimus, quanquã habeat aliquid ratione cuius inter morbos iam factos recenseri queat. Ad eorum porrò quæ fiunt naturam hunc calorem magis accedere hinc deprehendimus, quod excusso humore putrido à quo is excitatur primum, & dehinc conseruatur atque adaugetur, relictæ intemperies naturæ beneficio facilè in moderationem reuocetur, natiuo scilicet calore, vt pote in subiecto proprio; propriæ formæ adminiculo, & opera se se in pristinum statum restituente.

*1. de diff.
febr. c. 1.*

Confirmamus id Lebetis exemplo à Galeno proposito, quem cordi comparat, & aquam calidã, in ipsum effusam humoribus: Quemadmodum enim is reiecta aqua conceptum calorem retinet, ab aqua quæ iam abest independentem: Eadem ratione cogitandum est, proportionem quadam impressam ab humoribus in corde qualitatem seclusis etiam humoribus seipsa sustentari, licet breui tempore inhæreat. Concludet hinc aliquis omnem febrem esse hæcticam, sed malè: Quandoquidem neque natiuus cordis calor totus à sua temperie deficit, neque tantas radices egit intemperies vt iam in habitum transierit; Huius sententiæ auctor fuisse videtur Galenus, qui postquam docuisset excitari

*1. de diff.
febr. c. 1.*

febrem spiritibus, humoribus, aut substantia cordis excalfactis, tum demum subijcit: at in genere primo iam læso non sistit, sed duo reliqua genera inuadit, ac nisi antea soluatur, progressu temporis illa quoque similiter afficit; quasi ita sibi velit: supponamus verbi gratia, cordis humores calidiores redditos cōmunicabitur necessario calor cordis habitui, non tamen ideò dicetur febris hectica, nisi cum similiter ac humores ipsi erit affecta substantia, hoc est natiuus ipsius calor totus in febrilem commutatus, quod postmodum continget, si diutius protrahatur actio. Quomodo verò propria sit febrium differentia, illa quæ à subiecta materia petitur alterius est disquisitionis: Hæc ad argumenti ab Argenterio positi, solutionem dicta sufficiant. Quamobrem discussa penitus circa morbi genus omni caligine, ad eas species accedamus quarū in Aphorismo fit ab Hippocrate cōmemoratio.

Quid sit longus morbus, quid acutus, & de quo acuto in presenti sermo sit?

QVÆSTIO TERTIA.

Varia sunt, longoque à se inuicē distita interuallo ea ex quibus primi me-

437. *APHORISMVS QVARTVS*
dicarum artium professores morborum differencias deprompserunt. Alias enim subiectas corporis partes intuiti, morbos in similes, Organicos & communes, tanquam in prima præcipuaque membra sunt partiti; alias ab internis externisque causis, alias a Symptomatis concomitantibus, alias a circumstantijs quibusdam sub diuisionum occasionem sumpserunt, de quibus omnibus hoc loco pertractare, hominis esset literis & otio intemperanter abutentis, dicam de longo solum & acuto, quantum præsentis est instituti. De longo quidem nulla erit difficultas, certum enim est apud omnes ex vi nominis eum esse qui longo spatio perseverat; siue, quod perinde est, tardè finitur: nempe cum ad quadagesimū quod minimū est diem, quandoque etiam vlteriùs in menses, in annos prorogetur. Palàm quoque est hanc à sola duratione distinctionem constitui: est enim morbus omnis in qualitatis genere, cuius finitus est motus, finita quoque temporis mensura circumscriptus, ex huius mensuræ diuerso interstitio, brevis & longi distinctio exoritur.

Ad acutum ergo veniamus, in cuius explicatione non mediocriter elaborandum. Qua in parte ita variè implicitus videtur Galenus, vt medicorum scripta in eius explicanda mente cōtrouersijs vndique circumsonent. Quò verò nullis in posterum ambagibus perplexi, rem aliquantò planius de-

clarare possimus sententiam nostram breuibus proponere opperæ pretium fuerit, ad quam veluti ad Policleti normam difficultatis omnis solutionem reuocabimus.

In primis si vim Græci nominis spectemus, fatendum erit deesse latinis dictionem simplicem quæ verbi ὀξύς significationi respondeat.

Hæc enim celeritati, acumini, vehementia, aciditati, acerbitati, tribuitur. Quæ si ad propositum referantur, comperiemus significatum illius neque ex Galeni mente, neque ex Grammaticorum sententia sufficienter per acuti vocē exprimi. Duo enim in præsentī denotat ὀξύς vehementem scilicet & præcipitem, quorum alterū sub acuto contineri negant verborū interpretes. Id quod fortasse Argenterium præcipitem duxit in errorē cum acuti morbi differentiam ex solo motu petiuit, eum dicens acutum, qui celeritèr mouetur. In quo sanè non mediocriter est accusandus: etenim cum adeo se curiose gesserit in assignandis singulorum morborū differentijs, ipsum etiam Galenum hoc in opere confusionis & obscuritatis infimularit, consentaneum fuerat, vt mixto affectui mixtam quoque originem præbuisset. Eius nos defectum suppleamus statuentes acutos non tantū à celeritate motus, quam durationis breuitas consequitur, præcipientes appellandos, sed etiam ab actionis & læsionis vehementia, vehementes. Itavt

2. de diebus decretorij c. 12.

Libro 1. de morbis c. 4

morbi quicunque graues, violenti, difficiles, atque vt verbo dicam magni & periculosi, si vnà sint præcipientes, appellationem mereantur acutorum. Id Argenterius ipse cum de natura acuti disputat, sui quasi immemor, fateri cogitur his verbis, morbi qui citò ad finem perueniunt quidam comitem habent magnitudinem, & acuti ob id nominantur vt pleuritis. His ita positis breuiter describi acutus potest morbus, qui vnà magnus est; & præceps. His enim duabus notis à cæteris omnibus discernitur. Nam neque tertianam febrem, simplicem, intermittentem, aut diariam, quanquam exigui sunt temporis, cum periculo careant, inter acutos affectus numerabimus, non etiam incurabilis hectica, non Phthisis alijque id genus morbi, magni cum sint & longi ex acutorum numero esse possunt, sed neque continuæ febres quæ ab initio veluti prohibitæ, tardèque mortæ, & nullam intereà subitam mutationem molitæ, ad quadragesimum producuntur, simpliciter acutæ nominantur; Quanquam has non omninò inter diuturnos morbos perceret Galenus, & de acutorum natura aliquid obtinere fatetur; denique non acuti ipsi quos ex decidentia vocamus, ex verè acutorum censu sunt æstimandi; tardè siquidem in progressu moti ad diuturnorum terminum pertingunt. Quæres quorsum igitur communiter in acutorum album adscribuntur? hæc adfertur ratio: quoniam verè si initium

*Libro d
morb. c. 20*

*Gal. 2. de
diebus de-
cretor. ca-
pit. 12.*

Gal. ibid.

ſpectemus, ſunt acuti, verùm cùm intra vigefimum diem indicentur imperfectè, à natura propria deſcendunt, ſuaque confracta vehementia ad quadrageſimum protenduntur, vnde acuti cum adiectione dicuntur: in hoc à præcedentibus diſtincti, quod initio ad vigefimum circiter diem præcipiti motu ciantur: at præcedentes in ipsis ſtatim primordijs tardo ferantur gradu, quaſi intercepto curſu. Quanquam ſi in eandem vtri- que claſſem referantur non admodum reluctari velim. Talem porrò eſſe acutum qualem definiuimus, norunt Galenicæ doctrinæ ſectatores. Is enim Archigenem commendat, quod acutum dixerit eum, cui motus velox, & ſubitò pericula adueniunt.

Ibidem.

Idiſum propria confirmat ſententia in Aphoriſmſis his verbis, acuti morbi præter id quod celeriter iudicantur, ſtatim etiam magnitudinem habent. Quin etiam alibi acutum morbum à *βραχυροπία* penes periculum & magnitudinē ſeiungit. Nam febres diarias cùm ſimul & breues ſint & parvæ & periculis vacuæ, ne ab idiotis quidē acutas vocari aſſerit, proindeq; acutorū à breui, his ipsis diſtinctū eſſe, hoc eſſe paruitate & ſecuritate. Illud ampliùs confirmari poteſt ex eodem loco, vbi negat acutū morbum vllum habere oppoſitum, cui proprium nomen aſſignetur. Quod planè falſum eſſet, ſi penes velocitatem aut magnitudinem ſolummodò à cæteris diſcreparet. At dixerit fortasſe quiſ-

2 Aphoriſ. comm. 19.

3. de dieb. decretor. Capite 13.

piam, quomodò ergò à contradictione vindicandus; cùm citato capite acutum tardo opponat? respondeo tardum quidem acuto contrarium esse sed non adæquatè: habet enim acutus duo extrema quorù alteri duntaxat puta celeritati, tarditas opponitur, non etiam magnitudini. Instabit vlteriùs, quòsum igitur hæc duo cõiungit Galen⁹ inquiring acutus tardo brevis longo oppositus est, nisi vt significet eodẽ modo opponi tardo acutum, quo longo breuem? respondeo Galeni fuisse mentẽ docere tardum, breui non esse contrarium, quanquam cum longo (cui breue opponitur) sit confusũ: omnis enim diuturnus morbus necessariò tardus est, at qui tardus est? non idem necessariò longus: compatitur enim cum breuitate tarditas. Sic ergò infert Galenus, tardũ quidem acuto opponitur, si quidem consistere cum ipso nequit, & breue longo, non autem tardo. Respondere etiam liceret hæc ideò simul coniuncta esse quòd in hoc cõueniant, vt quemadmodum cum longitudine breuitas, ita cum tarditate acuties inueniri nequit: nec opus esse vt cætera inueniantur æqualia. Eadem ratione Argenterij satisfaciamus argumento, qui (vt Galenum varietatis conuincat in assignanda acuti differentia) obijcit primo ad Glauconem acutam febrem longæ opponi. Quòd in prognosticis quoque confirmatur hunc in modũ, acuti sunt qui decimo quarto terminantur die, quibus diuturni opponuntur:

nuntur: vndè inferre vult Argenterius ex contrariorum natura non patere latiùs acutum, quàm breuē. Quod tamen falsum est: siquidem præter breuitatem, ratione cuius à longo secernitur acutus, habet etiam magnitudinem. Cumque ex duplici respectu conflata sit acuti morbi essentia, nullumque detur ipsi contrariū quod dictione simplici efferatur, meritò nunc ab vno, ratione huius, modò ab altero, ratione alterius separatur: Atque hæc in contrarijs assignandis varietas mixtam ipsius naturam ostendit. Malè ergo concludit Argenterius Galenum acutū cum breui confundere quòd ipsum longo opponat. Si cui ex Argenterij sectatoribus facere satis non videbitur hæc solutio, dicemus optimè Galenum acutam febrem ei opposuisse, quæ magna simul est, & longa, vt intelligeretur in quo inuicem differant.

Hoc ipsi fuisse propositum excitato prognostico colligere est, vbi verè acutos cum ijs conferens qui tales sunt ex decidentia, verè acutis longos opponit, palam factururus penes diuturnitatem acutos ex decidentia qui ad longorum terminum accedunt, ab exactè & non exactè vocatis acutis separari.

Neque etiam coarguendus erroris est idem Galenus, dùm quandoque acutos morbos vocat qui veloci feruntur motu breuique spatio perdurant. Modò eos qui cum magnitudine quadam affligunt: & modò huius cōditionis, modò alterius obliuiscitur. Non

ipſi propositum eſt, naturam adæquatam acutorum morborum vbique explicare, ſed pro ſubjectæ materiæ neceſſitate penes alterutrum diſtinctionem tradit.

At diſcriptionem allegatam reiecerit aliquis, vt potè mancam & imperfectā, quod febris nulla facta ſit mentio, quam tamen ab acutis morbis inſeparabilem prodit Galenus.

*1. Aphorif.
comm. 7.*

Difficilis equidem videtur hic locus maxime cum alios habeat é diametro repugnantes.

*Comment.
19.*

Secundo enim Aphorismorum reſtictione vtitur, dum ait non ſemper acutis morbis febres aſſiſtere, ſed vt plurimum, rarumque

*Comment.
31.*

eſſe quin ita fiat. Quinto etiam Aphorismorum acutos morbos abſq; febre inueniri probat exemplo, Apoplexiæ, Epilepſiæ, conuulſionis

Commēt. 1

diſtentionis. Et ſeptimo Aphorismorum acutos morbos ex Hippocratis mente eos vocat quorum maxima ex parte febres ſunt

*1. prognof.
t. 25. &
ibidem Galenus.*

continuæ. Ita Hippocrates ipſe in prognofticis, ſpirandi facilitatem magnam vim habere dicit ad ſalutem in omni acuto morbo qui cum febre infeſtat. Adiecit enim, qui cum febre infeſtat (inquit Galenus) vt eam à conuulſione, & tetano, & cholera diſiungeret, & quibuſcunque alijs morbis qui ſine febre ſunt acuti.

Commodam iſta ex Galeno ipſo recipiunt interpretationem: commentario quidem 31. quinti Aphorismorum fideliffimus interpres, vt lethale probet mulierem grauidam acuto

morbo corripitur, necesse est (inquit) si is cum febre sit coniunctus hanc ipsam esse continuam: hoc est nulla febris cum acutis morbis complicatur nisi sit continua. Hac eadem ratione (nisi oculatissimum virum memoria turpiter lapsum eodem in opere fateamur) intelligendus est commentarius septimus primi Aphorismorum, & dicendum febres ab acutis morbis esse inseparabiles; Id est quæcunque cum acutis reperiuntur febres, non ante separari & desinere, quam ipsos morbos quibuscum reperiuntur: nulla enim cum acutis complicatur febris, nisi sit continua.

Quamobrem errore non vacat Leonicensius qui illa ex 7. Aphorismorum comm. 1. citata Galeni verba alio videtur detorquere, nam febres acutorum morborum vertit maxima ex parte esse continuas, quasi verò aliqua ex parte non sint continuæ, cum in Græco legatur *δοῦπιπαι* hoc est omnino sunt continuæ.

Sed graviter coarguendus Argenterius, dum Galeno dictum ignoranter exprobrat, nullum dari acutum cui febris non annexatur.

Quid verò ad Mercurialem dicemus qui eiusdem opinionis auctorem facit Hippocratem? Allegat in primis hanc ex Epidemijs sententiam, sunt autem acutissimi, maximi, gravissimi, morbi ac præ cæteris omnibus lethales in continua febre. Citat & illud ex

Tract de febris.
Capite 4.

1. Epid. 3.
t. 3.
1. acut. t. 8.

acutorum i. sunt igitur acuti morbi quos
 prisca nominati perstrinxerunt, Pleuritis,
 Peripneumonia, Phrenitis, Letharg⁹, Causus,
 & quicunque alij hos consequuntur morbi,
 quorum febres prorsus continuæ interficiunt.
 Quasi nulli dentur acuti sine continuæ febre.
 Miror equidem acuratum virum, & fidelem
 ac studiosum Hippocratis interpretem, in re
 non admodum, quantum iudico, ardua sic
 grauitè impegisse.

Quid enim aliud sibi vult in Epidemijs
 Hippocrates quam acutissimos tum dici
 morbos cum febrem continuam adiunctam
 habent? vel potius (vt interpretatur Gale-
 nus) continuas febres breui tempore indi-
 cationem subire, validissimas esse & pericu-
 losas ac lethales? Liberum proinde relinque-
 re videtur, vt de solis synochis hic locus
 exponatur, quasi cæteræ continuæ neque
 ita periculosæ sint, aut vehementes, aut
 acutæ.

Ex textu octauo primi acutorum ritè in-
 fertur enumeratos morbos esse ex acutorum
 censu, & cum febre continua, non autem
 acutos omnes cum febre esse continua. Perpe-
 ram itaque producta exempla trahit in con-
 sequentiam Mercurialis, & ex particulari
 vniuersale colligit documentum. Maxime
 cum Hippocratem paulò antè audierimus in
 prognosticis reclamantem.

At nouus hic labor; nondum omni ex
 parte Galenū à contradictione vindicauimus.

Is morbum attonitum & comitalem diurnos vocat, quos iam iam ab ipso in acutorum censum referri accepimus.

6. Aphor.
comm. 47.

Respondemus longū quandoque affectum dici Apoplexiam in Galeni doctrina, quandoque acutum, aliàs peracutum, aliàs acutissimum & meritò, quanquam diuerso respectu. Longus est affectus, si intermissionem spectemus, vel tempus illud vniuersum in quo dispositiones producuntur, quod sanè Apoplexiæ principium appellari nihil vetat. Acutus est plus minusue, si ipsam accessionē consideremus. Nam si prohibeatur respiratio acutissimum censet Galenus. Sin ipsa seruetur quidem, at magna cum violentia procedat, vehementem. Vehemens quoque sed minus illa Apoplexia æstimanda, quæ neque contentam, neque violentam, inæqualem tamen inordinatam ac intermittentem respirationem efficit. Idem de Epilepsia cense-ri debet cuius acutissima quandoque accessio breui tempore conficit hominem, pene dixerim momento. Intermis- sio tamen vt plurimum in septimanas, nonnunquam in menses, vnde lunaticus vocatur morbus, nonnūquam etiam in longos annos perseuerat, praua in cerebro dispositione remanēte. Hoc modo consideratur sexto Aphorismorū vbi de ijs dumtaxat sermonem institui proficitur Galenus, qui adhuc in sanitatis terminis constituti, non multò post in ægritudinem sunt lapsuri.

2. Aphor.
comm. 42.

Comment.
47.

*1. prognost
25.*

Repétant hic interim memoria iuniores, priscis sæculis indita fuisse morbis quibusdam symptomatum nomina, ne fortè mirentur nos aut Epilepsiam, aut comuulsionem, aut Apoplexiã morbos nominare. Ex dictis manifesta esse potest, ad tertium quæsitum solutio: de ijs nimirum acutis maximè audiendum Aphorismũ, qui chronicis affectibus in duratione æquiparantur: huiusmodi sunt illi ex decidentia vocati de quibus ita in prognosticis. Spirandi facilitas magnam vim habet ad salutem in omni acuto morbo qui cum febre infestat, & quadagesimo die iudicatur. Hæc solutio per se patet. Nam si in diuturnis diætã tenuem propter longitudinem temporis vires non ferunt, profectò cùm horum acutorum par sit ratio par quoque esse debet illatio.

Addidimus (maximè) propter alteram interpretationem à nobis in commento propositam, quã tenuem exquisito coniunximus; Itavt eundem efficeret sensum ac exquisitè tenuem, hic enim ijs solùm convenit acutis quos exquisitos vocant, non autem acutis non exactè; quorum finis est vigesimus: sed hi longè minùs quàm priores ex decidentia vocati ab eiusmodi exquisita viuendi præscriptione offenduntur.

Quæres nunquid sub hac particula (in quibus non convenit) includi possint peracuti? possunt sanè sed contraria diuturnis ratione: nimirum quod tenuiorem, quàm

acuti ipsi victus regulam exigant. Quamquam de peracutis hoc loco pertractare summi dictatoris mentē non fuisse arbitror, his enim septimus est dicatus Aphorismus. Ita sensit Galenus, si codicibus Græcis, & Leonicensio credimus potius, quàm Plantio, qui obmissa negatiua particula, ita Galeni verba exposuit, *quod igitur in mentione morborum acutorum addidit non conueniat, id propter morbos peracutos factum est.* Cū legendum fuisset, haud quaquam id propter morbos peracutos factum est. Non enim ignorauit Galenus, morbis ex decidētia acutis, talem victum non competere, atque ex consequenti clausulam illam ipsis potius applicari debere quàm peracutis, maximē cum acutorum fiat mentio, non peracutorum, nam in textu habetur in acutis in quibus non conuenit, non autem in peracutis. Hactenus de morbis, de tenui victu nunc agendum est.

A quo indicetur victus tenuis?

QVAESTIO QVARTA

Paulum Æmiliū, qui Macedonum Regem in Romanorum potestatem adegit, dicere solitum, memoriæ proditum est, eodem genio, pari industria, in conuiuio ac in exercitu disponendo versandum esse.

*Plutarch⁹
in eius Vi-
ta & 1.
Sympto.
q. 2.*

Quod quidem non parum à veritate alienū,
penè dixerim ridiculum videri posset, nisi
ab eo diceretur. Quo (vt Poëtæ verbis vtar).

Homerus
Iliad. β.

δύπως τις ὁμοίως ἐπιχθονίων γένετ' ἀνὴρ,
κοσμησας κ' ἰπποῦντες, κ' ἀνεγξας ἀσπίδιώτας.

*Nondum prestantior alter
Scutigerosque equitesque viros componere in
arma.*

Et sanè si in instruendis epulis requiri
prudentiam ita singularem putamus, quantò
maiores in ægrorum victu exposcemus? Ad
illas vocantur vt plurimum aut familiares,
aut saltem noti, quorum vnicuique pro æta-
tis & dignitatis ratione, proprium & con-
uenientem locum decernere, non magni
operis videtur, si quid hac in parte delinquitur,
est eiusmodi, vt tolerari nullo detrimento,
aut excusari possit. Nos (etsi plurimum
interest, peculiarem cuiusque naturam inter-
nosse) frequenter accersimus ad extraneos
& ignotos, qui (vt diuersus est animus, &
sua cuique studia) variam ac planè diuer-
sam vitæ normam exposculant, in qua leuis
quandoque admissus error, cedit in perniciem
& ruinam.

Galenus.
Capite 1.
1. ad Glauconem.

Propriam certè & peculiarem singulorum
constitutionem & temperiem, æqua lance
ponderare, ita difficile est, vt certò definiri
nullis præceptionibus, solo vsu & familiari
consuetudine possit exactè comprehendere.

Naturæ cuiusque proprietas ineffabilis est, nec exactissima scientia comprehensibilis: sunt præter hæc adiuncta alia penes rationem victus ferè innumera quæ difficultatem non mediocriter adaugent. Optimus itaque cuiuslibet particularis ægritudinis Medicus, qui sibi methodum quandam comparauit, ex qua & dignoscere naturas possit, & coniectura consequi, quæ propria cuiusque vitæ ratio, quæ propria sint remedia. Nam existimare communem quandam esse omnium hominum curationem quemadmodum inter antiquos Methodici stupidissimi, inter Neotericos Empirici imprudentissimi disputant, extremæ dementiæ est. Diuersæ ergo viuendi regulæ meritò à maioribus nostris constitutæ, facilioris doctrinæ causa, ad tria capita à Galeno nostro reuocatæ. Quantitatem scilicet, qualitatem & vtendi modum, de quibus sigillatim cum Hippocrate suo loco discurremus, sumpto à quantitate exordio de qua in præsentî Aphorismo vbi, *A quo indicetur victus tenuis perscrutandum.* Arduû id equidem, non enim ex Hippocratis sententia certi quicquam haberi potest. Et Galenus ipse tenebris offudisse videtur negotium potius, quàm suis commentationibus illustrasse. Euitendum ergò est vt ex constitutis ab ipsomet principijs, quid sentiendû sit nostro Marte eliciamus. Vtriusque sanè varietas huius difficultatis parens: in primis hoc Aphorismo ab acuto morbo indicatio-

*Galenus 3.
methodi.
Capite 7.*

*1. Aphorif-
mor. com-
ment. 19.*

nem hanc sumere videtur Hippocrates. Si enim peculiari acutorum morborum differentiae conuenit victus exactè tenuis, vnde illius indicationem melius atque expeditius hauriemus, quam à tali specie cui debet applicari? infertur idipsum ex his commentarij verbis, victus porro tenuitatis finis esse debet virium imminutio: quo posito, sic argumentari licet; vel à virtute indicatur victus, vel à morbo; Non à virtute, sui quippe conseruationē ipsa indicat, ergo à morbo.

3. Methodi cap. 8.

Galenus quidem atque adeò Medici omnes: quin & ipsa quoque ratio, principem in genere cuiuscunque diætæ finem, viriū conseruationē esse volunt, non enim alia mente nutrimur quàm vt conseruentur & refocillentur vires: Quippe quæ secundum naturam sunt [inquit] similium sibi indicatiua sunt, quæ præter naturā contrariorū, si modo illa seruari, hæc summoueri necesse est. Quanam ergo ratione tenuis victus, cuius scopus est virium diminutio, ad ipsas referretur? Septimo postmodū Aphorismo & 10. vult Hippocrates, ad hanc indicationē non morbi dumtaxat speciem, sed etiam tempora concurrere, imo vim potissimum temporibus tribuit. Quam ob causam 8. 9. & 11. Aphorismis temporum solummodò mentionem facit.

Quoniam verò considerationem virium, in constituendo victu excludit, penitusque negligi non posse animaduertit, idcirco in-

dicationem omnem ad duo tandem capita reuocauit, morbi nempe tempora & vires. Morbi speciē sub temporibus comprehendens, quandoquidē ex diuerso temporum occurſu acuti morbi differentiæ emanant. Nam quò celerius irrepit ſtatus, eò dicitur acutior: quò tardiùs, eò longiùs recedit à natura acutorum. Id non modo luculenter ſonat Hippocraticorum verborum contextus, ſed & à Galeno quoque ita paſſim diſertiſſimè explicatur. Hæc igitur (inquit in ſine Aphoriſmi octauī) vnā tibi ſit ad victus, formam ſumpta ex temporibus indicatione, altera ab ægrotantis viribus. Tum commentario nono idem repetens ait: cum ſuperiore Aphoriſmo, tantum de victu extremè tenui remittendū iuſſiſſet, quantò morbus eſſet vigore ſuo remiſſior, nunc alteram hoc loco addit indicationem, ab ægrotantis viribus petitam, quarum gratia alere licet, neque morbi ipſius cauſa. His conſonat vndecimus commentarius, qui ſic incipit: vniuerſam præſcribendi victus formam in vnoquoque morbo ex duabus indicationibus ineundam præcepit: morbi ſcilicet totius, futuro vigore, & facultate patientis.

Quanquā verò hæc ſummorum abſque controuerſia Medicorum auctoritate, firma & conſtituta videtur opinio, veritati parum conſentanea eſt, & Medicinæ principijs aduerſatur. Enimuero ſi tantisper memoria re-

453 *APHORISMVS QVARTVS,*
colamus ea quæ à Galeno multis in locis pro-
dita, à nobis antea supposita, genuinam in-
dicationum vim & naturam exprimunt;
offerent illicò se se mille angustia, in quas
necessariò reduceretur quisquis pedibus in eam
sententiam feretur.

1. 2. & 3.
Methodi

Dictum in primis indicationes ex ipsa rei
natura fluere & dimanare; hinc illud con-
secutione deductum, vnum ab vno indicari,
quandoquidem sua est cuique peculiaris na-
tura, per quam à cæteris distinguitur: terti-
um his addimus, vt à morbo curationis, sic
à viribus conseruationis intentione depromi.
Ex quo sequitur indubitatè, neque à morbo
alimenta, neque à viribus auxilia demonstrari.
Quo argumento facultatis robur à Phlebo-
tomia indicatione seclusimus. Curationem
porrò mutationem esse Galeni testimonio
comprobauimus, at mutatio fit à contrarijs,
contraria itaque morbo sint remedia, qui-
bus ipse profligatur, necesse est. E diuerso
conseruatio fit à simili, quam ob causam
blanda & familiari alimonia recreantur &
reficiuntur vires. Amica alimonia fouetur
& refocillatur laudabilis corporis status.
Iam si à viribus remedia non petimus, ne-
que ad ijsdem remediorum formam & dif-
ferentiam sumemus.

Non enim extra propriū genus excurrere
& diuagari licet. Et vice versa si ex affectu
præter naturam contraria præsidia venamus,
consonum omnino est, vt ex illius differen-

tijs horum in genere differentias omnes æstimmemus. Hæc indissolubili nexu inter se coherent singula, Hæc illa cathena Platonica, quam amplexu mutuo sic arctè componunt annulli ut vnico diuulso pereat admirabilis illa connexio, tanquam scopæ dissolutæ. Etenim quocunque ex his principijs euerso, cætera non substituunt, res probatione non indiget, patet per se satis non oscitantèr contemplanti. Verum posita axiomata penitus destruit quisquis ab acuto morbo tenuem victum indicari asserit. Primum enim falsum fuerit contraria semper à morbo indicari. Secundum, falsum & illud à solis viribus victum decerni. Tertium, ex virium differētia, victus differentiā constitui. Quartum si vnā à morbo indicentur victus & remedia contraria, & à viribus sola victus ratio, sequetur duo ab vno, & vnum à duobus indicari. Denique duplicem esse vnus rei simplicis naturam, aut sanè à natura rei indicationem non proficisci. Procedit idem argumentum, siue sola morbi tempora, siue hæc ipsa vna cum viribus, tenuis aut tenuissimi victus indicans esse fateamur.

Dices, quidni ab acuto morbo duplex insurgat scopus, si quidem duplex inuenitur respectus; alter quatenus est morbus, alter quatenus acutus? priori itaque satisfaciunt remedia: posteriori victus forma: hoc est acuto morbo, quatenus est morbus, conueniunt remedia: quatenus acutus, tenuis diæta. Equi-

dem lubens & volens concedo duplicem ex acuto morbo prodire intentionem, verum ad idem genus vtraque spectare debet, cum enim sub morbi genere acuti collocentur æque ac longi, suisque differentiis in proprias species discreti ad idem genus perpetuò referantur, debent sanè specificæ indicationes, non minùs quàm ipsæ morborum species sub eodem genere contineri, non autem transcendere in diuersum. Malè ergo à morbo in genere remedia indicari dicemus, à tali morbo victum, qui alterius est ordinis quam remedia. At concluderis cathègoricè si ita ex natura rei colliges: à morbo, tanquam naturæ contrario, surgit indicatio contrarij admoüendi, quoniam verò acutus est, id est celer & violentus, magno atque expedito remedio vtendum, quo pari contentione aduersariùs impetus retundatur.

Nostri ergo sententia est victus quantitatem, neque à morbo, neque à morbi temporibus, sed à sola virium quantitate definiri: primam & secundam partem luculenter probauimus, superest tertiam explicemus.

Ad cuius faciliorem intelligentiam, notandum ex Galeno triplicem victus formam penes quantitatem constitui; primam appellat plenam, alteram moderatam, tertiam tenuem, Quarum vnaquæque (at præcipuè ambæ extremæ) apud Medicos, quamplurimas fortiuntur pro maioris & minoris ratione differentias. Hoc modo tenuis (de qua ser-

mo est) quatuor species enumerantur, quæ totidem acuti morbi speciebus applicantur, de quibus in commentario sufficienter egimus. Plena porro ea est, quæ copiosis fit, aut abundè nutrientibus, alimentis, adaugendi roboris gratia, proindèque vix unquam nisi sanis corporibus accommoda. Rarò quippè ægrotantiù vires, maiores quam inuenerimus reddere studemus. Huic tenuis opposita, pauca requirit, aut parum nutrientia alimenta; Vndè necessario consequitur virtutis imminutio: quapropter neque bellè constitutis, corporibus, neque etiam diuturna ægritudine affectis, tutò ac vtiliter imperatur, in quibus nimirum vel amplificandù, vel saltem studiose conseruandum facultatis robur. Solis acutis competit, in quibus nihil interest si tantillo tempore modicè imminuantur vires, modo ne exoluantur. Medium quodammodò tenet moderata forma, prosperaque & aduersa valetudine secura est, ac eo in statu perutilis, in quo seruandarum virium quales initio fuerunt, offertur intentio, id quod in acutis sperare nec possumus, nec debemus? ingruit enim ex plusculo cibo accrescendæ *φλεγµατίας* metus. Ex hac distinctione haud obscure patet, falsam esse eam diuisionem; quæ à Fuchsio in huius Aphorismi cōmentario assignatur: dum ægrorum victum in genere solummodò quadripartitum facit; Tenuem scilicet exactè, tenuem simpliciter; Tenuis-

simum exactè; Tenuissimum simpliciter? Est enim præter has alia differentia ex decidentia acutis, & chronicis affectibus, ipso Hippocratis calculo tribuenda, qua quidem negata non video, qua ratione Aphoristicam sententiam commodè explicemus. Nunc ad rem. Pleniorẽ victum à viribus indicari, citra omnem controuersiam est, si quidem is tendit ad facultatis incrementum, & benè habitus, corporibus, aut solis, aut potissimū conuenit: vndè meritò noster Æsculapius indicatione sumpta ab innati caloris vbertate adolescentes largiore cibo refici iubet, achyeme & vere vberiores dapes ingeri. Moderatum æquè ad pleniorẽ sub viribus comprehendi non est difficile persuadere ijs qui ratione cōmouentur. Primum quidem si cōseruationis indicatio ab ijs quæ naturalia sunt promitur, à morbo qui extirpari postulat non petetur.

Preterea cū à simili fiat cōseruatio, absurdum est à morbo, cui contraria debentur, similium indicatione sumere, Denique cū non minùs sanis quàm iacentibus congruat, non est minor ratio, cur à morbo potius, quàm à viribus demonstretur, imò de erit in sanis indicans, si. ab utroque velit quispiam indicari, habebit oppositum initio contortorum iaculorum aciem. Superest difficultas de tenui, quæ aliquantò magis ardua est, vti hactenus videri potuit: quanquam novum omnem facili (vt spero) negotio tūm
ex dictis,

ex dictis, tum ex dicendis extricabimus. Negandum illud non est ad hanc indicationem duo concurrere, morbum scilicet & virtutem: hanc, tanquam verum indicans. Illum ut indicationem limitans, siue vno verbo ut contraindicans. Morbus enim vetat quantum in se est ne cibi exhibeantur, quoniam ab ingestis, ni debitus seruetur modus, augentur ut plurimum febres, & inflammationes, quæ acutos morbos comitari solent, ad hæc à morbificæ causæ concoctione auocatur natura. At premit alia ex parte sustentandi roboris summa necessitas, cui primæ deferendæ, altero non neglecto. Omnimodam certè inediam, quatuordecim diebus ferre nequeunt illæ viræ, tantum ergò concedemus alimenti, quantum dissolutioni impediendæ, non imminutioni prohibendæ satis esse possit, ita tamen ut affectum non irriteremus. Quoniam ergò maius ex incremento morbi quàm ex mediocri virtutis lapsu periculum imminet, quando & adactus morbus validiori nixu quàm antea facultatem adoritur, & in extremam perniciem rapit, indè fit ut quam virtus suggerit indicationem tantisper moderemur, dum fracta intestini hostis violentia, procul omni timore depulso, quantum per hanc ipsam licebit offeratur.

Dicet quispiam longè diuturniorem inediam quamplurimos etiamnum sanos per tulisse, illæ viribus, cum omnia vitæ mu-

nia integrè obirent, ad quæ pleniorẽ victum desideramus. Quidni ergò eandem perferet qui acuto morbo premitur, cùm longè paucioribus indigeat, quàm ij qui sanitate perfruuntur? Respondeo veri similis esse in sanis quibusdam frigidiori temperamẽto præditi, à diuturniore inedia vires non conuelli, quàm in passionibus acutis. Obstat morbi impetus, obstat quæ à febre continua exoritur siccitas, & dissolutio, quò minùs tantam inediã patiantur, quin tandem omnimoda nativæ caloris extinctio consequatur. Nam si verè à Galenò scriptum est, ex importunè denegato semel potu, accensas in humoribus febres, ipsam substantiam aggređi, & in Hecticas commutari. Quantò magis consentaneum est ardore febrili vehementer concitato, longiore inedia calorem acuate, radicale humidum funditus exhauriri? His ita declaratis retunduntur initio in contrarium spicula.

Primum quidem ex Hippocratis auctoritatibus confici nullo modo potest diætã per se vel à morbo, vel à morbi temporibus indicari. Docuit is solummodò quibusnam in affectibus, & quo morbi tẽpore distinctæ victus tenuis species competant. Ex quo probè quidem infertur decerni illas ratione morbi, non vt ab ipso propriè indicatas, sed quoniam is prohibet ne maiorem operam in conseruatione virium collocemus. Vt enim

abiecta penitus virtute morbus acutus superari nequit, sic neque vim insultumque assiduum adaucti præ ingestorum copia morbi, ac vehementius in dies efferati, vsquàm nisi ægrè admodùm virtus perferet, Eodè modo intelligenda sunt ea quæ ex Galeno protulimus, nempe cùm à morbo aut morbi temporibus, tum à virtute hanc victus intentionem oriri; A morbo morbique temporibus tanquàm prohibente. A virtute tanquàm vero & germano indicante. Hanc solutionem propria ipsemet interpretatione confirmavit. Dum enim lib. de cur. ratione per sang. missionem cap. 9. virtutem inter Phlebotomiæ indicantia percensuisset. Postmodum capite 13. quid indicantis nomine intelligendum putaret exponens inquit magnitudinem morbi, & virium robur primarios esse mittendi sanguinis scopos, illud veluti quæ facièda sunt indicās: Hoc tanquàm haud prohibens, quod contraindicare iuniorū quidam vocant. Ecce vt apud Galenum indicantis nomen pro contraindicante vsurpatur. Quanquam reuerà fatendum est, impropriam esse, ac aliquantò obscuriorem hanc loquendi rationem; Excusationem; nihilominus meretur Galenus, quod recepto veteribus more sit loquutus, ac præterea mentem suam, ne qua subesset dubitandi occasio, manifesta oratione declararit.

Quando verò inquit idem Galenus tenuitatis victus finem esse viriū imminutionē; Per

finem non intelligit finalem causam sed terminum: Qua ratione mortem vitæ finem, siue vltimam rerum lineam dicimus. Hæc porrò citata ab aduersarijs Galeni verba (*tenuitatis victus finis esse debet imminutio virium, harum siquidem tuendarum gratia alimus egrotantes*) hinc sensum si ritè contēplabimur nobis efficient: A tenui quidem victu imminuuntur vires, quoniam is integrè reparando effluxui par esse nequit, at videndum tamen ne prorsus infringantur. Huius ergò victus terminus esto imminutio roboris, non extinctio, siquidem primarius nutritionis finis est vt viuamus. Quæres qui fieri possit vt eum victum indicet virtus, à quo debilitatur? Istud enodari postulat ne quis ex obiectis rationibus scrupulus relinquatur.

Dico ergò huiusmodi vitæ genus à virtute indicari quatenus impedit saltem ne vi morbi labefactata ipsa prorsus concidat. Itavt primaria victus intentio eò perpetuò referatur, nempè vt sustineantur vires, aut integræ; aut (si aliter commodè præstare non licet) aliquantum imminutæ. Hoc est (vt verbo dicam) rationem victus illam admittit virtus, sub qua profligando aduersario superior, & substantia propria etiamnum valida, at imminuta subsistit. Hæc mens Galeni fuit: Huc tendunt illa commentarij verba rarò in ægrotantibus accidit, vt vires quam acceperimus maiores redda-

mus, sed ferè semper in id incumbimus, vt in longis quidem morbis easdem retineamus, in acutis modicè debilitatas conseruemus.

Dico secundo à virtute victum adaugentem, aut saltem conseruantem perpetuò indicari: Verum hanc indicationem limitari à morbo, morbique restrictionem veræ indicationi in acutis præpollere. Quamobrem rata sit ac firma cōclusio non modo alimenta, sed & quancūque alimentorum quantitatem propriè à solis viribus indicari.

Et hæc circa præsentem Aphorismum satis.

* *



Εν ἱῷσι λεπτήσι διαίτησιν ἀμαρτάνουσιν οἱ νοσέοντες, διό μᾶλλον βλάπτονται. πᾶν γὰρ τὸ ἀμάρτημα ὃ ἀν' γίνηται, μέγαν γίνεται μᾶλλον ἐν ἱῷσι, λεπτήσι, ἢ ἐν ἱῷσιν ὀλίγον ἀνδροτέρησι διαίτησι. Διὰ τῆτο καὶ τοῖσιν ὑγιαίνουσι σφαλεραί αἱ πᾶνυ λεπτὰ καὶ κατεσηκῆται καὶ ἀκριβέες διαίται, ὅτι τὰ ἀμαρτανόμενα χαλεωώτερον φερουσι. διὰ τῆ το οὐκ αἱ λεπταὶ καὶ ἀκριβέες διαίται σφαλεραί ἐς τὰ πλεῖστα τῶν ομικρὸν ἀνδροτέρων.

In tenui victu peccāt ægroti, idcirco magis offenduntur; Omne enim quodcunque tandem sit peccatum, maius est in tenui, quàm paulò pleniorē diætā. Quapropter sanis quoque difficilis est valdè tenuis & constituta & exacta vivendi ratio, quoniam peccata graviùs ferunt. Propter hoc igi-

tur, tenuis accuratusque victus
vt plurimum periculofior est
paulò pleniore.

Commentarius.

HVnc Aphorismum non vno le-
gunt omnes, nec vno enarrant
modo. Communis hæc lectio est quam
proposuimus: Alteram profert Galenus
in commentario his verbis in tenui
victu bifariã magna ex parte delinquent
ægri. In qua expositione expungendam
dictionem bifariam ex probatorum
exemplarium fide putat Fuchsius. Sed
reuerà interpretationi Galenicæ magis
consonat vt admittatur. Præterquam-
quod enim bis hæc ipsa repetitur, bi-
partitæ quoque distinctioni respondent
bipartita expositionis membra. Cum
ait eos qui tenuiter alûtur clàm inscijs
Medicis cogi cibum capere; aut sane
debilitatos propter superiorem cibi in-
digentiam delinquere. Quasi idipsum
velit quod in acutis legitur, inanitis
scilicet primis diebus vasis, posteriori-
bus pleniorẽ victum institûendum

2. acut.

t. 40.

esse ijs, quibus tenuior propter vigorē instantem cōueniret, denique si vocem hanc obliteremus in idem coincident ambæ lectiones, hoc solū discrimine quo in altera habeatur simpliciter delinquere ægrotantes in tenui victu: in altera delinquere vt plurimum. Neque valebit Galeni ratio inquiring priorē lectionem posteriori præferendam, vt quæ generalior cū sit hanc quoque complectatur, & de omni peccato doceat. Hæc enim dictio [*ἢ πολλὰ* hoc est vt plurimum] priori lectioni adiecta ipsam ad peculiare errores non restringit. *Hæc quoad Hippocratis verba.*

Quo ad mentem attinet, relictis aliorum interpretum figmentis, (de quibus paulò post in controuersijs) nostra sententia est, Medicorum principem docere victum tenuem paulò pleniorē magis periculosum esse, non quidem simpliciter, sed errorum ratione. Difficilius enim qui tenuem diætā sustinent quoscunque errores ferunt, siue in alimentis obtingant, siue in animi pathematis, siue in aëre, seu quocunque alio tandem modo. Idenim sonat hæc clausula *πάν το ἀμάρτημα*

ὅ ἀν γίνηται. Quod ita vertimus, omne quodcunque tandem sit peccatū, nullo penitus excluso. Id satis aperte declaratur sanorum exemplo, quibus reuera difficilius est externorum quorumque vim & iniuriam perpeti dum tenuem, statam atque exquisitam viuendi formam deligunt. Neque aliæ interpretationes sanis conuenienter accommodari possunt. At quid opus est in re aperta laborare? Galeni breuitas in commentario, quanquam tacite, at euidenter ostendit, non tantis implicitum esse hunc Aphorismum ambagibus, quantis à commentatoribus inuoluitur, neque aliter accipiēda esse verba, quàm prout sonant: Et Hippocrates ipse rem totam in compendium reuocans, propter hoc (inquit de erroribus locutus) tenuis accuratusque victus ut plurimum periculosior est paulò pleniore, alterum alteri manifeste comparans modo explicato. Addita tamen illa particula [ἐς τὰ πλείιστα ut plurimū] quo indicet non simpliciter quocūque in morbo grauioribus periculis obnoxium tenuem victum [in quibusdam enim grauiori damno paulò plenior adhibetur] sed quoniam rarò euenit,

*Libro de
arte.*

non tamen necessariò, quin aliqua in parte aberretur [ægri namque inquit Hippocrates, pleni morbo, cibisque vacui, ea quæ morbo grata sunt, quã quæ ad sanitatem faciunt assumere malunt, quibus assentiuntur & applaudant qui subseruiunt] indè sequitur grauiorem esse vt in plurimum illam victus normam quæ ab erroribus grauius offenditur. Huius porrò offensionis duplicẽ causam recenset Galenus, nempe debilitatem virium, quæ diætã tenuem consequitur [eius quippe finis est virium imminutio] Et subitam ab assueta in insolitam illam mutationem.

*Hippocr. 2.
acut.*

Quandoquidem pleniorẽ victu nutrimur dum valemus. Tanta autem vis est consuetudinis, vt vitiosam vitæ regulam quæ nunquam variat, longe tutius sit obseruare, quàm subitò vel ad meliorem transire.

Questionum series & ratio.

Plerisque omnibus admodum difficilis atque intricatus videtur hic Aphorismus, mihi ex se se facilis admodum, sed confusa & parùm consentanea multorum interpretatione non parùm inuolutus, quemadmo-

dum ex subsequentiū questionum resolutione apparebit; quas ternario numero concinnauius, omnes ad genuinam Aphorismi intelligentiam directè conspirantes.

Docet Prima quispiam sit genuinus verborum Hippocratis sensus in hoc Aphorismo.

Altera, quodnam ex Aphorismi verbis eliciamus ad praxim documentum.

Tertia utrum præstet ad paulò pleniorē quam ad tenuiorem victum perpetuò inclinare? Nunc ad primam.

Quisnam sit genuinus verborum Hippocratis sensus in hoc Aphorismo?

QVÆSTIO PRIMA.

VErè quidem à Fuchsiō dictum in hoc commentario est præsentem Aphorismum à paucis nostræ ætatis Medicis rectè intelligi: Etenim opinionum varietas, certissimum incertitudinis argumentum, tantam inter doctos peperit confusionem, ut cum pleraque ab Hippocratis mente aliena nonnulli prodidissent, liberum postmodum cæteris videretur, quicquid in buccam venisset temerè effutire.

Equidē Fuchsius ipse (ut ab eo primum

exordiar) falsæ interpretationis nobis auctor fuit, cuius verba adscribam quò clariùs deregatur error. Ita incipit eius commentarius in hunc Aphorismum. Hippocrates errata quæ tum in tenui tum in pleniori victu committuntur inter se comparat, deteriusq; esse docet, vbi quis se à tenuiore victu ad pleniorē intempestiuè transferat, quam si è pleniori in tenuiorem commutatio fieret: hæc Fuchsius, multis sanè nominibus hac in parte reprehendendus. Primum enim confutatam à Galeno sententiam, longa obliuione sepultam, iterum ab inferis in lucem deuocauit. Præterea summi doctoris contextum in contrarium aut saltē diuersum penitus detorsit sensum, multaque ipsi præter intentum proprium imposuit, Galenus quidem in commentario eorum expositionē relegat qui ad peculiaria errata Aphorismum referebant, quo etiam nomine lectionem communem alteri à se propositæ antepōnit. Mihi autem (inquit) prior scriptura videtur melior, vt quæ hanc quoque complectitur, & generaliorē sermonem facit, cū de omni delicto doceat, siue volentibus, siue inuitis ægrotis accadat. Sed Fuchsius Galeni immemor magis quam priores particularem orationem facit, dum ait docere Hippocratem deterius esse, vbi quis se à tenuiore victu ad pleniorē intempestiuè transferat, quàm si à pleniori in tenuiorem. Imò verò ne Aphorismi quidem

verbis animum intendit, vbi habetur (omnis quicunque error) quæ perperam fuissent pronuntiata, nisi vniuersalem de omni & quocunque errore sententiam continerent, quorû idcò explanationē prætermisit Fuchsius ne Palinodiā canere cogeretur. Et quæso qua ratione manifestum repugnantiam conciliaffet, quæ in hisce enuntiationib⁹prehenditur? De omni errore qui in victu tenui contingit loquitur Hippocrates: de eo tantum errore qui contingit dum intempestiuè quis à tenui victu se se ad pleniorē transfert loquitur Hippocrates. præter hæc occurrunt alia manifestè falsa in Fuchsiij commentatione, falsum in primis est scopum Aphorismi esse conferre, inter se errata, quæ in vtroque victus genere perpetrantur. Non enim conferuntur errores erroribus, ed victus victui, siquidem Aphorismus supponit ab æqualibus erroribus grauius affici eos qui tenuiter aluntur, quàm qui aliquantò pleniùs; comparatio ergo fit inter vtramque victus formam. Id apertè satis ex producto sanorum exemplo, atque ex postrema clausula denotatur.

Nec minùs falsum est doceri deterius esse vbi quis se à tenuiore victu, ad pleniorē transferat, quàm contra: hoc sanæ mentis nemo in Græcis literis, vel etiam in Latinis mediocriter versatus, non dicam hac oratione expressè comprehendi, sed ne tacitè quidem inferri, aut ex Hippocratis verbis, aut

ex Fuchſij verſione uſquam deduxerit. Et quæſo vndenam colligi poſſit hic ſenſus, à quibus verbis peti hæc tranſmutationis collatio, apud ſe perpendat ſtudioſus lector. Quod ſi inſtitutum ſuum exemplo ſanorum cõprobat Hippocrates, vti fatetur ipſe Fuchſius, conſequitur omninò par eſſe periculum in ſanis atque in ægrotis ex eiufmodi commutatione. At quid ampliùs incommodi benè conſtitutis attulerit à tenui & valde conſtituta viuendi ratione ad paulò pleniorẽ migrare, quam ab hac in illam regredi? modo cœtera ponantur paria, difficilis vtro-
bique tranſitus ad inſueta, qui niſi ſenſim fiat ab omni moleſtia non erit immunis; quãquam tutiùs videtur ad paulò pleniorẽ victum illicò ſe à tenui & exquisito tranſferre, quam à pleniorẽ ad tenuiſſimum conuolare. Sed quid in re manifeſta diutiùs immoror? Ne quid nimirum Tironib⁹ imponat Fuchſij auctoritas, cuius facilitati & diligentia multum debere ſe ſe intelliget, quiſquis in ipſis initijs ab eo elucubrata omnia, ſtudioſè perlegerit; modò ne Pytagoreos, imitatus in magiſtri verba iurauerit, nam reuerà in multis labitur. Nonnulli Hippocratem alio modo exponunt & dicunt tenuem per ſe victum lædere, cùm ægrotantis vires feriat & imminuat, ideòque tenuem paulò pleniorẽ grauiorẽ ac magis moleſtum cenſeri. Ridicula hæc opinio, æterno exilio damnãda. Vires imminuit tenuis diætã; fate-

mur: at quāto foelicius est debilitata aliquantum virtute morbum demere, quam ad-
aucto, vt feruentur vires ab ingestis morbo,
ægrum è medio tollere? Non igitur hîc sim-
pliciter tenuem victum rejicit diuinus Hip-
pocrates quem alibi, imò etiam quam te-
nuissimum non rarò imperat; sed hæc opi-
nio neque longiorem, neque magis labori-
osam requirit confutationem. Huic prox-
ima illa est quæ asserit ideo deficere & aber-
rare à tenui diætâ ægrotantes, quod ab ipsa
læsionem percipiant, mentemque Hippocra-
tis fuisse id docere. Equidem in acutis mor-
bis, dum partim vi morbi, partim à tenui vic-
tu patientis vires deijci vident ignari assis-
tentes, clam vt plurimum Medicis absenti-
bus cibum ægrotantibus offerunt, operæ se
pretium facere arbitrati.

Restauratæ interim facultatis, sanitatis
redditæ (si res foeliciter obtingat) causam
sibi gloriôsè imputant, omnem contra of-
fensionis culpam in accuratam victus rati-
onem detorquent. Sed hoc innuere voluisse
Hippocratem tam est ab eius oratione alie-
num, quàm quod alienissimum.

Non enim dictum ab eo est, læduntur
à tenui victu ægrotantes, quo fit, vt aber-
rent, sed contrarium prorsus nempe: aber-
rant persæpe, qui tenuem victum subeunt,
ideo grauius offenduntur, læsionem itaque
erroribus tribuit, non tenui diætâ, quan-
quam læsionis grauitatem refert in tenuem

diætam. Quidam propius ad veritatem accedentes priorib⁹ contrarij inquirunt, neque ex se se vitiosum esse victum tenuem in Hippocratis doctrina, neque in ipso, quod malè afficiat, peccata committi? Quin potius ex aduerso grauem & plerumque infestum esse illum propter errores admissos, de ijs tamen erroribus duntaxat sermonem esse volunt, qui in ipso victu accidūt, itavt illā particulam (*omnis enim error quicumque sit, maior est in tenui, quàm in paulo pleniore*) non simpliciter errorem omnem complecti autument, sed eum tantummodò qui ipsa victus regula committitur. Habet probabile aliquid hæc sententia, videturque ex ipsis Aphorismi verbis colligi: nam illa verba, quicumque error accidit in tenui victu maior est quàm in paulò pleniore, de erroribus qui circa victum accidunt, commodè interpretari licet.

Vtrique postremæ sententiæ se se adscripsisse videtur Fonseca, dum inquit, eò periculosiorem esse viuendi formam, quò maiorem præbet peccandi occasionem, quò enim tenuius alitur ægrotus, eò maior fit mutatio, ergò & maior peccandi occasio, magis itaque læditur, quia magis peccat. Errorum ergo causam in victum ipsum reijcit vti præcedentes; ac præterea cum postremis de solis erroribus in victu admissis loquitur. Tolerabilis hæctenus eius opinio; Verum omninò præter Hippocratis institutum peccatorum grauitatem postmodum in morbi vehementiam

hementiam refert, dum ait morbum, quanto tenuiorem victum desiderat, tanto esse vehementiorem, ideòque peccata grauiora. Nos Galenicam interpretationem verioremi putamus, atque Aphoristicæ sententiæ magis consonam, vt quæ hanc quoque comprehendat, & ita generalioremi faciat orationem. Ea porro ipsa est quam in commentario proposuimus: summi videlicet dictatoris fuisse institutũ docere, peccatum omne siue in victu id accidat, siue in cœteris rebus externis, grauius tenui vtentes victu affligere, quàm eos qui paulò pleniore vtuntur, ideòque periculosiorẽ esse tenuem victum magna ex parte, non quidem absolutè, sed errorum dumtaxat causa; magna, inquam, ex parte, at non sēper necessariò: non enim aut semper, aut necessariò in aliquo aberrant ægrotantes, vt plurimum tamen feruntur in vitium, negataque cupiunt, imo peccatum omne vel cautiorems quàm rarissimè effugiunt.

Quare aliena non est ab Hippocratis intento Velsij lectio, atque Cornarij subtrac̃ta particula διδ̃ pro ἀμαρτάνουσιν legunt ἀμαρτάνοντες vt hic sit sensus, in tenui victu peccantes ægroti grauius læduntur. Quamquam non probarim liberè à quouis Hippocraticæ orationis contextum immutari, illius (inquam) Hippocratis, apud quem sua est singulis dictionibus Emphasis, sua sunt singulis mysteria: quemadmodum in præ-

senti, ubi non solùm admonet ægrotos dum peccant lædi grauius, verum etiam idcirco lædi quod peccent, simulque connotat læsionis causam, quod commodiùs per indicatiuum ἀμαρτάνουσιν addita causali particula exprimitur, quàm per participium, Tenuem porrò victum paulò pleniore magis fallacem sanorum exemplo confirmat noster Hippocrates ducto à minori ad maius argumento, sic enim ex eius sententia argumentari licet. Si accurata & tenuis vitæ forma benè habitos in discriminẽ adducit, quod ab erroribus ipsi vehementiùs percellantur, quantò magis par est ægrotos dum eandem seruant formã, si quando peccent, offensam grauiorem pati, quàm dum paulò pleniorẽ instituunt? non dissimili enthymemate vsus is ipse est verbis. Nam si sanis quibusdam tales vel tales cibi variare videantur, tum in alijs quibusdem, tum in nonnullis mutationibus, quomodò & in morbis quibusdam, & maxime acutis nõ valdè variabunt, quam argumentationem sic illustrauit Galenus suo in illum textum commentario. Validiores minùs afficiunt, imbecilliores magis detrimenta; sanos etiam repentina mutatio offendit, ex vtraque hac sumptione concluditur, languentes à repentina victus mutatione lædi magis, sed multo magis, qui acutis infestantur. Quod quidem medium, si in rem præsentem transferre lubet, sic probè ratiocinabimur. Validioris minus, debiliores

magis afficiunt errata; sanos etiam dum tenuiter victitant & accurate, peccata offendunt. Par igitur est longè grauius ab his concuti iacentes, vt pote imbecilliores. Ex hoc eodem medio tendet Aphorismi decisio perfecto hoc syllogismo comprehensa. Imbecilliores magis offenduntur ab erratis, sed qui tenuiter degunt, imbecilliores euadunt ijs qui aliquantò plenius? Quid ergo sequitur, nisi quod errores grauius ferant; Maior negari non debet quam Hippocratis auctoritate stabilitam audiuius: minor est Galeni qui tenuis victus terminum statuit virtutis imminutionem. Vtrique quotidiana suffragatur experientia, ita euidenti ratione, vt longiorem probationi superfedendum putemus, consultiùs facturi si aliquod ex hac sententia documentum in praxim referamus.

*In comm.
precedēis
Aphorismi.*

Quodnam ex Aphorismi verbis eliciamus ad praxim documentum?

QUÆSTIO SECUNDA.

VNico quod absurdū sit admissio, cætera quæ ex eo consequuntur sunt absurda. Nil igitur mirum, cū id quod tanquam fundamenti loco, à Fuchsio positū est, falsum esse antea demonstrauerimus, falsam

quoque reperiri, quam ex eo intulit conclusionem. Hæc igitur est (inquit) germanæ sententiæ Hippocratis explicatio, quâ com-monefacere voluit suæ ætatis Medicos, ut considerarent quibus, & quo tempore morbi tenuis victus conueniret, quandoquidem in-tempestiuè adhibitus maximos errores parit. Non tot profectò errores parit victus tenuis, quot hæc illius oratio,

Peccat in primis grauitè in eo, quod præcedentibus à quibus ipsa pendet, omni ex parte non respondet: sequi enim debet con-clusio ex præmissis.

At dixerat paulò ante respicere hoc loco Hippocratem ad suæ tempestatis tum ægros tum Medicos, qui circa victus rationem deliquerunt quod intempestiuè inediam impe-rarent, aut rursus intempestiuè nutrent: Ecce bimembrem propositionem, in qua du-plex notatur antiquorum lapsus, alter in tenui, alter in pleniore diætâ, quarum neu-tra debito tempore decernebatur, ergo bipartita fuit inferenda conclusio hunc in modum: Docere nimirum Hippo-cratem sedulò animaduertendum, qui-bus & quo tempore morbi victus tenuis, quibus item & quo tempore vberior conue-niret: Hanc vltimam partem ille prætermi-sit. Et meritò sane, eius enim ne per somniū quidem in præsentī meminit diuinus senex, quanquam alibi loco proprio eiusdem non est oblitus, dum ita habet vbi itaque morbus

peracutus est, statim extremos labores habet, & summè tenuissimo victu vtendum est; vbi verò non, sed pleniorẽ victum adhibere licet; tantum à tenui victu declinandum, quantò morbus extremis est leuior. Et decimo postmodum Aphorismo huiusce particulæ idem ex præcedenti Aphorismo inferens, qui erat aliquantò generalior, quibus igitur (inquit) statim vigor futurus est hos statim tenuiter alere conuenit, quibus autem postea, ijs & paulò antè & in ipso vigore subtrahendum. Priore verò tempore plenius alendum vt æger durare queat. Peccat secundo Fuchsius in vltimis verbis, in quibus longè ab Hippocrate diuersam rationẽ assignat. Non enim idcirco periculosus dicitur tenuis victus in hoc Aphorismo quod errores pariat, sed quod errores, si qui quocunque irrepant modo grauius ferat.

7. Aphorism.
mo. 1. particula.

Tertiò generalem de victu sermonem nimium restringit, dum quod simpliciter & in genere de victu tenui atque exquisito enūciatum est, de intempestiuè solum adhibito interpretatur. Plurimum certè inter se discrepant hæc enunciata vt in præcedenti quæstione ostendimus, omnis victus tenuis quocumque adhibitus modo est periculosus: victus tenuis intempestiuè adhibitus est periculosus: Istud Fuchsij est, illud Hippocratis.

Denique tota præter doctoris institutum est hæc cõmentatio, qui nullam in præsentia,

temporis mentionem facit, multò minùs eorum quibus imperanda eiusmodi victus forma. Nonnulli longè diuersam ex Aphorismi verbis doctrinam eliciunt: Arbitratur isti consulere Hippocratem vt Medicus quocunque tempore in pleniorẽ quàm in tenuiorẽ victum potiùs inclinet. Huius sententiæ assertores in duas classes sunt partiti, quidam absolutè (vt refert Manardus) præstare asserunt crassius quàm tenuius ægrotos reficere. Alij inclinandum potiùs ad crassiorẽ quàmuis requirat victus rationem, quàm ad tenuiorem. Equidem si hanc vtramque sententiam exactè perpendemus, verbis tantummodò dissentire at re ipsa conuenire prima fronte inueniemus: vt vt sit magnæ vtilitatis aut momenti non est hæc disquisitionio. At operæ pretium est ambarum rationes sub incudem reuocare, siquidem necessaria ad praxim huius difficultatis decisio; Quam nos commodioris doctrinæ gratia in sequentem, quæstionem differemus. Alij contrarium planè secuti, summi dictatoris mentem & quidem ingeniosè sic explicant, inter cæteros Rhodericus à Fonseca, cuius hæc est in præsentem locum animaduersio: victum ad victum non comparari, ea ratione vt Medicus debeat declinare magis ad hunc, quàm ad illum, sed comparari duas species victus, ea ratione qua sunt minùs periculosæ, non supponendo aliquem Medici errorem. Suum intentum sic illustrat: Exẽpli gratia (inquit)

4. *Epistol.*

2.

supponantur ægri duo, quorum alter potu alatur sibi conuenienti, alter verò sorbitio- ne quæ illi conducatur, vtraque illis condu- cit, sed periculosior est prima, quàm secun- da: non tamen ex hoc infertur, declinandum ad pleniorē vel tenuiorē, vtraque enim [vbi conuenit] imperanda, sed potus magis formidabilis quàm sorbitio, & hæc quàm Præfana. Idcirco maximè præcauendum er- rorem Medici ægri adstantium, quò tenuius alitur ægrotus: Hæc ille. Supponamus nos duos acuto afflictos morbo, qui eandem vitæ regulam exposcant: Alatur hic tenuius, alter paulò plenius, quæro vter ab erroribus magis afficietur? Prior sanè; Et hoc par est intelligere potius Hippocratem quàm illud quod à Fonseca prodidit. Nam quod ab ipso supponitur, auctoris verbis & instituto non ita bellè quadrat. Cui enim dubium est mi- nus ab erroribus lædi qui pleniorē & sibi conueniente vtitur victus forma, quam qui tenuiorē itidem sibi debita? Quandoquidem certum est hunc, quàm illum acutiorem af- fectum pati, à quo ex consequenti maiorem incurrit facultatum offensam. Vnde nullo negotio inferet etiam rudior aliquis in hoc quàm in illo cautius agendū, omnique con- tentione incumbendum, ne quis admissus error naturam grauius concitet, vi morbi iam validè laceffitam. In hunc eiusque asse- clas agemus sequenti quæstione fusiùs. Dicā interim, tum ex antea allatis, tum ex ipso

orationis contextu, patere aliud ab Hippocrate in præsentia doceri. Nostra ergo sententia est, duo ex hoc Aphorismo deducenda: Primum, præstare ad paulò pleniorē, quàm ad tenuiorē victum inclinare: Alterum, omni elaborandum industria, ne qui tenui diætā vti volunt, quicquam aberrēt, siue propria ipsorum culpa, siue Medicorum, siue adstantium, seu quocunque tandē casu obtingat error. Posterioris hæc est ratio; Quisquis ab erroribus grauius offenditur, ab ijs, maiori studio & cautione arceri debet. Grauius offenditur ab erratis, quisquis tenuem diætā sustinet: Maiori ergo studio, ab ipsis vindicandus. Patet ex se se maior, Minor est Hippocratis; vnde necessaria conclusio. Priorem verò illationem sic probamus. Tutiora quoad fieri potest amplectenda, imprudentis & temerarij est, aperto periculo iacentes obtrudere: sed periculosior est victus tenuis paulò pleniorē; Ergo hic illi præferendus. Certa est maior; Minor est Hippocratis. Dices periculum omne adhibita cautione depelli: An quæso erroribus immunem reddet patientem, aut impatientem potius absens Medicus, quem ne præsens quidem tantillo tempore potest in officio continere? Quot quantaque forinsecus accidunt quæ non dicam præcauere, sed ne præuidere quidem possis? Testes appello quotquot tractandis ægris operam impendunt, quanti laboris sit non modò à

leuioribus, verum etiã à grauioribus peccatis vndequaque abstinere. Qua ratione motus Hippocrates in tenui (inquit) victu peccant ægrotantes, indicante vsus modo, non participio, (vt paulò ante annotauimus) hac loquendi forma innuens vix vllo modo tutum ab erroribus victum tenuem, quem proindè in vltimis verbis magna ex parte periculosiorem dixit paulò pleniore. Sed de his postea.

Quod Manardus addidit nempe monere nos Hippocratem ne temerè, & absque diligenti examine tenuem exactè victum imperemus, parum ad propositum videtur. Primum enim de tenui in genere loquitur Hippocrates: de tenui exactè speciatim Manardus sui ipsius immemor, dum antea tenues diætas hoc loco audiendas censuit eas, quibus aliqua ex parte vis comminuitur, ita tamen vt vsque ad vigorem perduret: Id quod tenui cuicunque victui commune est. Deinde si auctoris institutum foret docere non temerè imperandum victum tenuem, frustra additum fuisset, quoniam errores grauius ferunt, quã clausulâ, ipso Manardo interprete, nobis innuitur victum tenuem ex se se fallacem non æstimari, sed tantum errorum causâ, quod tamen falsum esset. Etenim negari non potest victum tenuem, si temerè imperetur, natura sua periculosum esse, atque ex se peccati nomen mereri, quorum vtrumque Manardus improbauit.

Quamquā idem nobiscum videtur sensisse si pertemerè intellexit non statim & promiscuè quibuscumque acutis passionibus detentis tenues viuendi regulas suis etiam affectibus conuenientes præscribendas, sed ijs tantum quos ab omni errore tutos esse nouerimus, quorum rara auis in terris, niueoque simillima coruo. Vnde meritò ex Hippocratica doctrina constans infertur assertio, consultius fore si ad paulò pleniorē, quàm ad tenuē diætā propendamus, id quod à plerisque negatur, ideòque à nobis accurato scrutinio peruestigandum.

Vtrum præstet ad paulò pleniorē quàm ad tenuiorē victum perpetuò inclinare?

QVÆSTIO TERTIA.

AVdiuimus præcedenti quæstione non infimæ classis doctores, de Hippocraticis mente vtrò citròque decertantes, quorum discordia conciliari antè non potuit, quàm præsens negotium absoluissemus; Id enim probabile fuerit censuisse Hippocratem, quod veritati melius consonabit.

Non desunt qui affirmatiuam partem sequuti, non modò paulò pleniorē, sed

simpliciter pleniorē victum tenui perpetuò anteferendum putent, hisce (vt opinor) rationibus persuasi. Securioribus perpetuò insistendum est, tutior ex Hippocrate vict⁹ plenior, huic igitur perpetuò insistendum. Præterea qui plenius alit, quamvis morbum adaugeat, virtutem saltem integram tuetur; Qui tenuius, hanc imminuit & destruit, at quanto consultius est á validâ virtute morbum adauctū strenuè profligari, quàm eadem deiecta vel á leniori reddito morbo ægrotum interimi? Sed neque á pleniorē cibo necessario augetur morbus, prorogatur fortasse impedita coctione: Neque á tenuiore frangitur, sed breuior solū redditur concoctione incitata. Verum sat citò, si sat benè præstat æqualem morbum constante etiamnum robore sanare tardius, modo securius.

Quid quod á pleniorē cibo sustentatur facultas, restaurantur spiritus, ab intestinis hostibus validè oppetiti, atque dissoluti, seruetur integer natiuus calor, ab his concoctio perficitur, laudataque omnis naturæ actio, coctionem sequitur morbi extinctio, & patientis salus? A tenui contra insitum solidioribus partibus humidum exhauritur, eneruatur magis, magisque magna iam ex parte symptomata violentia fractus corporis vigor? Efflantur in auras spiritus, & vnâ cum spiritibus euanescit innatus calor: hinc perpetua cruditas, ex cruditate morbi diuturnitas, á diuturnitate grauior virtutis exo-

lutio, ab exolutione tandem interitus. Quid amplius? à victu copiosiore morborum acutorum impetus retunditur, ij siquidem à feruidis vt plurimum & acribus humoribus excitantur, qui frigidi humidique alimenti sumptione, qualem febricitantibus imperat Hippocrates, temperantur & mitescunt? ab inedia verò accenduntur vehementiùs, acuntur, efferantur. Norunt diatritarij quantas trágædias exciter alimonix defectus.

Nituntur in contrarium, qui negatiuam tuentur partem (è quorum numero sunt Marnardus, Fuchsius, & antea productus à Fonsæca, plerique etiam alij non vulgaris eruditionis & nominis) hi vallis & fossis vndique septam & munitam arcem ingressi, præfidijs bellicis copiosissimè instructi, sub Hippocratis & Galeni vexillis & insignibus militant, ex quorum penu tanquam bonorum fonte vberissimo ista depromunt. Proferunt in primis textum 27. secundi acutorum quem pro Achille constituunt, quique multos hactenus variè torfit. Vbi hæc scripta reperiuntur. Ciborum autem adiectioni intendendum multò minùs, nam subtrahere omninò sæpè numero expedit, cum æger sufficere possit donec morbi vigor maturescat. Quam sententiam suo calculo comprobans tali ratione confirmat Galenus. Quod plus est (inquit) exuperatque noxas interdum inemendabiles facit: quod verò minùs, facile emendatur. Nempe si virtus labascere videatur,

*1. Aphor-
is. 16.*

*Ibidem in
comment.*

cibi exiguum ministrare possumus: verum si in ventrem assumptus fuerit cibus, quod redundat superfluitque si alias, multò magis in acutis morbis tollere est difficile.

Iisdem principijs insists Hippocrates, in progressu eiusdem libri fingit duos ægros r. 48.
debilitatos, alterum propter dolores, & morbi acumen, alterum propter vasorum inanitionem, quorum hic refectione indiget, ille potius euacuatione. Priori (inquit) si quis potum aut sorbitionem vberiore, aut esculentum porrexerit grauius lædet, quàm si posteriori victum, quo celerrimè indiget, negarit: quanquàm hunc lædet quoque, at non æque celeriter ac euidenter. Hæc Hippocrates & Galenus, vnde infert á Fonsæta, leuiorè fore lapsū in acutis, si tenuius, quàm decet alendo, quàm si vltra quam par est offerendo cibo aberretur. In maiorem fidem hanc ex Hippocrate mutuata addit rationem, maior est indicatio quæ sumitur in morbo acuto ad prohibendum, quàm á viribus ad conseruandū, ideoque expedit, auctore Hippocrate, vt cibus detrahatur donec morbi vigor maturescat.

Summorum medicinæ Principum auctoritati, experientia suffragatur, & ratio. Experientia quidem compertum est nonnullos inedia penè exolutos, assumpto conuenienti alimento, illicò fuisse restitutos. Alios ex pleniorè nutritione immedicabilem offensam, & planè exitialem cladem incurrisse.

*Galen. 10.
Method 3.* Priorum exemplum est omni memoria dignissimū, iuuenis ille annos natus quinque & viginti, gracili corpore & musculo-
so canis instar, vnāque calido & sicco temperamento, qui cū a vehementi exercitatione incidisset in febrem, eō tandem diuturniorū culpa redactus est, vt & sine pulsu omnino esset, & frigus eum vehemens toto corpore premeret. Quid multa; neque loquebatur amplius, iamque ab omnibus partibus ferē sensus abscesserat, cū ecce diductis hominis maxillis ex angusti oris vasculo, infusis cremoris Prisanæ tribus cyathis hoc est dragmas triginta sex siue uncias quatuor semis (nam dragmas duodecim pendet Cyathus) & paulo post iterum porrectis albi & tenuis vini calida modicē diluti Cyathis duobus, mox sustulit oculos, & tum audire tum loqui, tum præsentes nosse cœpit, cū antea velut aridum lignum, sine voce & sensu exporrectus iacens, Rursusque dato vino similiter diluto & pane modico fuit integrē reuocatus: hanc nos historiam fideliter ex Galeno descripsimus, vbi illud addit (quod maximē ad rem præsentem facit) consulto permisisse se vt eo angustiarum ex alimenti penuria deduceretur iuuenis, cū non dubitaret, quin is ministrata conuenienti alimonia redire ad se se posset, & sanitati restitui, id quod exitus comprobauit. Longo contrarium accidit Philonis filiæ. Hæc venefico, detenta morbo, cum perfectā per

*Gal. lib. de
pond. &
mensur.*

*1. Epid.
parte 2. t.
78.*

hæmorrhagiam Crisi intempestiuè cœnasset, vindicari ab interitu non potuit. Et hoc sanè rationi consentaneum est. Enimvero præterquam quod naturam à coctione distrahit cibus vberior, omnes pariter facultates naturales laceffit & conuellit. Agedum quæso dicant aduersarij quemnam eiusmodi nutritionis finem esse velint: an vt reficiantur vires, in acutis affectibus grauiter afflictæ; ita putò: at vnde hæc afflictio? Ex malignitate causæ, & violentia (inquiunt) aut symptomatū magnitudine & frequētia (plurimum enim doloribus & vigilijs distortuētur) aut inanitione vasorum, quæ vel manifestā sequitur vacuationem, vel occultum transpiratum, aut morbi ipsius impetu, & febrili calore substantiam omnem interiùs depascente. Aut etiam ab animi Pathematis & rerum externarum occurſu importuno. At quàm parum iuuat, imò quantum nocet hisce casibus, victus plenior? morbum in primis exasperat dum causæ morbificæ vim adauget cruditatum interuentu? quam ob causam nouis quodammodo stimulis symptomatum ferociam concitat. Malignitatem non tollit, hæc enim antidotis compescitur. Quod si pingua, oleaginea, humidaque alimenta nōnunquam veneno infectis magna quantitate offerimus veneni obtundēdi gratia; Id tum solū fit cū ad penitiores corporis partes ipsum nondum delatum, adhuc in stomacho stabulatur, quem pinguibus

*Discorides lib. 6.
in præfatione.
Mathiolus
in comm.
Ibidem.*

id genus esculentis partim oblinimus, partim ad noxij expulsionem incitamus. Idem in acutis moliri sparsis in vniuersum corpus, atque in vasis hærentibus prauis malignisque humoribus est à medica ratione prorsus alienum.

*1. Aphorif.
comm. 7.*

Ignem febris calorem non extingit, quin poti⁹ grauiores Phlegmasias inuehit. Replet equidem inanita vasa, sed heu quantò malo? dum enim ab imbecilli calore non vincitur, incoctus vndeque dispergitur, suaque copia premit & suffocat imminutos spiritus ac ferè iam elanguidos, His ita habentibus non video qua ratione externas iniurias, qui plenior alimoniam capiunt, leuiùs ferant. Magnum in his incommodis momentù esse positum inficiabitur nemo? verù illud inter cætera grauissimum quod impendentem ab his ipsis ruinam propulsare medica vix norit industria: dices repletionem vacuatione curari. Quid inde? ergò facilè vacuatione instituta lapsus eiusmodi resarcimus. Non sequitur. Sequeretur sanè, si in ipsa euacuatione nihil subesset periculi. At quotusquisque ille est qui euacuationem aggredi ausit per pharmaca, vehementer aduncto morbo, & debilitata virtute? Catharticis penè omnibus inest vis naturæ nostræ aduersaria à qua facultas corporis non mediocriter cohæletur. Eorum agitatione oritur quædam in vasis & principibus membris perturbatio, quæ naturam ab instituto opere plurimum auocat

auocat atque distrahit, hæc enim quiete operatur.

Calore quo ipsa pollent acutos, cæterosque cum febre coniunctos affectus ab acribus calidisque humoribus procreatos grauissimè irritant.

Concludendum itaque longè meliùs ægrotantis salutem, suoque nomini consulturum Medicum ad tenuiorem quàm pleniorrem victum magis propensum. Quod si in proposito sanorum exemplo conquiescere tantisper & immorari lubet, reliquum est nihil quod in disceparatione cadat. Sunt penè innumeri qui vnus diei abstinentiam nulla offensione perferunt. Quidam etiam plurium dierum inedia haud refugiunt: Nonnulli visi ad annos nullo ingesto alimento vitam incolumes protraxisse. Quæcunque ab inedia accidunt læsiones minimo negotio reparantur, ferèque terminantur ad salutem. E conuerso ab immodicis repletionibus offenduntur etiam Athleticè habiti, sic grauiter quædoque, vt repentino abripiantur fato. Si ebrius quispiam repente obmutescat conuulsus moritur (inquit Hippocrates) nisi febris cortipiat, aut ad eam perueniens horam quæ crapulæ soluantur, loquatur. Id ipsum à copiosiore cibo obtingere eodem modo potest, aut impletis vaporibus neruis, aut calore nativo copia suffocato. Id quod in Metensi quodam Rustico experiri mihi licuit; Is cum ex Pleuritide conualesceret, inuitate

s. Aphorismorum s.

appetitu, qualis ferè in conualescētibus, paratum ex brassica obsonium suo pristino more deuorauit, mox ad somnum se componens expergisci amplius non potuit. Habebat tū Pēcraticè, dies iam aliquot mali nihil persenserat, cōsuetā obibat munia, nulla penitus decumbendi necessitas & liberalius expleta fame de repente occubuit. Quāto ergo grauiorem offensam sentient qui aduersa valetudine pleniori diætæ indulgebunt?

Valida hæc doctè & acutè ab eruditis viris excogitata argumenta, quæ tamen (si liberè effari licet) summi dictatoris intentioni minimè respondent. Ad cuius faciliorem intellectum, notari velim in quæstione proposita, paria non poni extrema. Neque disceparationem esse, vtrum præstet tenuius alere, quàm plenius absolutè; Sed vtrum consultius sit ad tenuem simpliciter victum quàm ad paulò pleniorè perpetuò inclinare? Itavt tenuis simpliciter, non cum simpliciter & absolutè pleno, sed cum paulò pleniore comparetur. Pendet hinc tota controversiæ decisio, quam ita concludi volumus.

Expedit ad paulò pleniorē quàm ad tenuem & exquisitam victus formam perpetuò inclinare. Hæc est præsentis Aphorismi conclusio palam disertissimis verbis expressa. Quid enim aliud ex hac oratione inferes? Propter hoc igitur tenuis accuratusque victus ut plurimum periculosior est paulò

pleniorē. Dices optimè colligi maiori cura & diligentia præcauendos errores in vna victus specie, quàm in altera: interpretatiōnem admittimus. Verùm si expectatiōe nostra falli nos contingat, quanto periculo iacentem exponemus? Sæpiissimè fallimur, errant nobis inscijs persæpe, errores tegunt & dissimulant ægrotantes. Quam ob causam victum tenuem non aliquando periculosiorem, sed magna ex parte talem vocat Hippocrates. Nōne igitur satius fuerit, vt hoc metu liberemur, in securis versari, quàm incerta spe melioris fortunæ assistentium temeritati & imprudentiæ, propriæque cupiditatis imperio morbo detentū submittere? An quod summæ imprudentiæ viri prudentissimi tribuunt, in apertum periculum volentes præcipites feremur? Agitur hîc de vita, agitur de existimatione Medicinæ, & fortuna Medici. Malè audiunt apud vulgus in plerisque qui Medicinam faciunt. Populares vocolas quantumlibet vanas & à veritate alienas aspernari omninò non debemus, in rebus præsertim serijs; Quantò magis vulgi opinioni insistendum non planè à ratione alienæ? Aliquantò pleniorē victu sustentandas perpetuò ægrorum vires censent vulgares, paulò pleniorē tutiorem putat Hippocrates, assentitur & ratio, hunc imperemus: Si quid postmodum humanitus accidat ægrotanti, proba conscientia nos erecti: liberari calumnia nihil est quod metuemus.

Hippocratis quidem hanc esse mentem probat ab eo facta cum ægris comparatio sanorum, quæ ita cōcludit. Quemadmodum in sanis pleniorē viuendi normam sectamur, tenuem & exquisitā dehortamur, atque ut loquitur Celsus; Prodest semper plurimum cibum capere, dummodò hic concoquatur. Ita quoque in ægris proportionē quadam lex eadem obseruanda.

Hæc partes tueri videtur Galenus noster, dum peracutis non exactē propriam diætā accommodans sic habet. In quibus autem Crisis primam hebdomada non sit superatura, valida existente natura, solo vtendum Melicrato, quæ viuendi ratio fuerit tenuissima, non tamen summe: si verò non satis fidimus viribus ptisanæ vtēmur sueco, & hæc victus ratio tenuis meritò appellabitur. Idem alibi repetit his verbis, Me quoque subinde vidisti eos qui ex abūdantia & qui ex Phlegmone laborarent sub longa inedia tenuisse, sic vt prorsus ante septimum diē sola mulsā contentus essem, viribus scilicet valentibus. Quosdam verò inualidos, aut bilioso ventriculo vel debili, vel plus iusto sensili, solo Ptisanæ cremore ad septimum diē traxi quo inclinare morbus debuerat aut iudicari. Verum non in peracutis solum variā, pro consideratione virium, vitæ formam applicat, sed perperacutis quoque appellatis, quorum breuissimus terminus. In quibus (inquit) primo hoc tempore,

*Libro 1.
Capite. 1.*

*1. Aphorif.
comm. 4.*

*10. Metho-
di. 5.*

*1. Aphorif.
comm. 7.*

hoc est primis quatuor diebus, vigor futur-
 us est, in ijs summè tenuissimo victu vti
 possis modo vires vel mesam inediam, vel
 solius Melicrati sorbitionem, vel Prisanæ
 cremoris omninò exiguum ferre queant.
 Ecce vt nullibi non sumpta à conseruatione
 virtutis indicatione paulò pleniorẽ quàm
 requirat morbus diætã præscribit, pro non
 exactè tenuissimo tenuem substituit, pro
 exactè tenuissimo tenuissimum non exactè.
 Cùm ergò ad virtutem errores referantur
 (vt pote à quibus perculsa vis grauius deiici
 nullo negotio potest) quidni eandem cum
 ipsa virtute indicationem suggerent? Quidni
 prudenti cautione adhibita futuræ cladis ti-
 morem eripiemus? quibusdam veluti gradi-
 bus progressi (quod à Galeno obseruatum
 audiuimus) à tenuiori ad minus tenuem, ab
 hoc ad paulò pleniorẽ; Itavt quamproxi-
 mè fieri potest ad eam quam affectus postu-
 lat regulam accedamus, nisi casus aliquis
 intercidat qui progredi vltèrius adhortetur.

Quæcunque præsentibus affectibus tutò per-
 aguntur, eadem imminentibus ritè impe-
 rantur. Supponamus itaque vel ab accu-
 ratissimo Medico, ne si præsens quidem æ-
 groto noctes diesque assisteret, vix posse æ-
 grotum in officio vndequaque contineri; An
 non hoc animaduerso Medicus, aliquid de
 subtilitate victus remitteret, ne quam insi-
 gnem ab erroribus offensionẽ vires pateren-
 tur? Iam si tutiora in dubijs sectanda, si ex

*Libro de
 cur. rat.
 per sang.
 miss. c. 9.*

Hippocratis doctrina curationes antever-
tendæ, quid est quod in perpetua dubitandi
occasione hæreamus? Quamobrem maturo
consilio celeberrimi tota ferè Europa me-
dendi professores propositū à nobis dogma,
(imò ab Hippocrate, sed longè ab ipsius
mente à quāplurimis receptum) cōmuniter
in praxi vbique ferè observare solēt, vt enim
paucissimos omninò (fortasse nullos) in om-
nimoda inedia continent, sic neque in per-
acutis qui ad septimum porriguntur, solum
Melicratum exhibent. Ac prætereà in acu-
tis exactè & non exactè carniū iura, pisces
saxatiles, aut oua sorbilia nunquam non
ferè imperant felicissimo successu.

Itavt vix è millibus vnum inuenias nobis
contraria sentientem, quin aliud loquatur,
aliud facit.

Notent interim studiosi iuvenes plenio-
ris victus nomine, hic etiam tenuem à nobis
donari, ne plenius refici à nobis ægrotos
autument. Hunc loquendi vsum ex Hippo-
crate ipso mutuamus, qui αἰδρωτέρας διαίταν.
Et πτωτέρας διαίταν, hoc est plenius nutrire,
tenuiori victui applicuit. Dum enim ante
vigorem plenius cibandum ait, non existi-
mandum est, cibum verè propriè plenum ab
Hippocrate concedi: ita exposuit Galenus.

Neque nos à sententia reuocant contra-
riæ opiniones. Prior si eo intelligatur mo-
do, quo explicuimus, à ratione non dissen-
tit: sin verò pleniorē simpliciter victum,

1. Aphorif.

7. & 10.

Gement. 7.

non autem paulò pleniorẽ tenuiori perpetuò anteponat? habebit in se Manardi, Fuchsi, & cæterorum eiusdem classis doctorum validissimè contorta spicula, quòrum aciem vix sustinebit.

Nos omni timore immunes prodimus in apertum campum nullam ab ipsorum telis, vt nec ægri à paulò pleniorẽ victu, lethalem plagam accepturi.

In primis, quod obiicitur ex 2. acutorum t. 37. si exacta trutina pensitetur, nullum nobis negotium facit. Illic enim comparatur victus tenuis pleniori in se absolutè, non respectiue & in ordine ad aliud, scẽus in præsentia: vbi conferuntur inuicem, quatenus magis vel minus errores tolerant. Concedendũ enim vltro est pleniorẽ victum ex se tenuiorẽ periculosiorẽ esse in acutis? Non item si errores spectemus: dicimus secundo hunc esse propositi textus genuinum intellectum. Nempè sic componendã initio morbi victus formam, vt cum ad vigorem deuentũ erit quo tempore tenuissimè alendum est, non augenda sit, at detrahenda potius alimonia. Quoniam plenior tum cibus noxas inemendabiles parit. Hunc esse verborum sensum manifestum est ex ipsissime verbis, maximèque ex illa causali particula ἵνα, quæ idem sonat, quod apud latinos quoniam, nam, quandoquidem. Sed integrum præferamus contextum, sic (ait Hippocrates) Ciborum adiectioni intendendum multò

minùs, quandoquidem subtrahere omninò
 sæpè numero expedit, vbi æger sufficere possit,
 donec morbi vigor maturescat: quasi dicat:
 si verù est tum persæpè vtiliter alimentum
 subtrahi, cùm vires vsque ad vigorem mor-
 bi seruare nos integras posse cõfidimus, sequi-
 tur profectò tum tẽporis quo ex detracti-
 one maior percipi solet vtilitas, abiectiõni
 multò minùs attendendum. Quo nomine
 paulò post imperitos quosdam Medicos,
 redarguit, quod eo maximè tempore ex ab-
 stinentia cibi ad sorbitiones deuenirent, quo
 ad abstinentiam recurrere tanquam ad sa-
 cram Anchoram decebat. Maximumque re-
 tur hoc esse documentum, ne primis diebus
 quauis sorbitione priuemus eos, quibus fu-
 turum est vt quibusuis sorbitionibus postmo-
 dum vti debeant. Nam propè vigorẽ nutri-
 re eos compellemur (vt præclare expli-
 cat Galenus in commento) cum ad tenui-
 orem victus formam transeundum foret, eti-
 am si plenius refecti antea fuissent. Huius
 nos doctrinæ æmuli atque alumni, ita ple-
 niozem victum tenuiori anteponendum pu-
 tamus, vt cùm ad vigorem deuentum erit,
 quantum satis est detrahamus, ita tamen vt
 erroribus perpetuò aliquantulum tribuamus
 seruata conuenienti proportione. Ex hac
 interpretatione nostra perbellè posteriora
 cum præcedentibus citato libro cohærent,
 & promisso Hippocratis respondent, qui
 postquam dixit subtrahere quandoque ex-

2. acut. r.
 43 & ibi.
 Galen⁹ in
 comm.

pedire, statim subiunxit, ἐν ἀκόισις δὲ τοῖς τοιούτοις ποιητέον γεγραφέται id ubi faciendum sit posthac scribetur, vti ex se se intueri poterit studiosus lector. Addo nihilominus tertiam responsionem. Consulere nimirum Hippocratem citato ab aduersarijs loco, subtrahere in morbis expedire potius quàm adijcere: non simpliciter, sed cùm æger sufficere potest vsque ad morbi vigorem. At in præsentī Aphorismo cùm vereatur ne qua ab erroribus facultati molestia inferatur, iure optimo suadet, vt in paulò pleniorē victum quàm in tenuiorē perpetuò feramur, vt pote cùm à paulò pleniorē minori virtutis dispendio errores perferantur. Orationi verò addidit ὀλίγον, aut μικρόν hoc est paulum siue parum: ne ex Carybdi in Scillam detrudamur: virtuti nimirum plūs quàm par est consulentes, pleniorē cibo virtutē obruamus. Ex quo inemendabiles sequuntur noxæ. Leues ē contrario sunt offensiones, si quas excitat mediocris, aut tātillus excessus; nullæ, si cum ijs conferantur, quæ errorum causa in tenui obrepunt quarum comparatione & respectu leuiorē istæ in bonis sunt habendæ. Nihil ampliùs conficitur ex textu 48. eiusdem libri ubi periculum minus afferre dicitur is qui ciborū penuria laboranti alimentū denegarit, quam qui propter acutē morbi & dolores imbecilli reddito, dum euacuatione potius quàm refectione opus est, idipsum ministrarit. Non enim illic de

paulò plenior sermo fit, sed de pleniorè simp-
 pliciter, dum inquit Hippocrates προσφέρη τις
 πολὺν, ἢ ροφήμα πλεῖον ἢ σίτον hoc est si quis aut
 potionē, aut sorbitionē copiosorem aut cibū
 exhibeat, non autem σίλον, ἢ ροφήμα ὀλίγον
 πλεῖον id est sorbitionē & cibum paulò ple-
 niorē. Quid quod vox illa σίλον pleno ci-
 bo communiter applicatur? Præterea con-
 feruntur illo loco contrariæ illæ victus rati-
 ones tanquam ambæ vitiosæ, conferuntur
 inquam in se: in Aphorismo nostro non item,
 sed comparantur in ordine ad aliud quate-
 nus videlicet magis aut minus aptæ sunt er-
 roribus perferendis. Eodem tendunt, neque
 aliud probant allata in vtramque partē tum
 ex 10. method. tum ex 3. epid. exempla.
 Dicam interim temeritati proximum esse pa-
 tientī, victus penuria mortis imaginem sci-
 enter obtrudere, Audax proinde Galeni fa-
 cinus, in alio quàm experientissimo Medico,
 qui maledicis detractorum & maleuolorum
 susurris amplius non sit expositus, imò quàm
 in Galeno ipso vix ferendum. Nusquam verò
 in eas ruet angustias, qui à tenuiore victu
 non nihil defecerit. Quancquàm grauiorem
 cladē inferet, quæ nulla fortassè possit in-
 dustria reparari, quisquis debita moderatio-
 ne, in corpore grauiter afflicto plurimum
 excesserit. Quemadmodum Philonis filia
 suo infœlici exitu posteris testatum reliquit,
 cui cū sanguis ē naribus largè flueret, sum-
 ma expectatione valetudinis affulgente sep-

tima die intempestiuè cœnauit, & mortua
 est. Apollonij quoque meminit in Epidemijs *3. Epid.*
 noster Hippocrates, qui post intempestium *parte 3.*
 aquæ potum, & bubulæ esum exiguo pri- *comm. 84.*
 mum calore obsessus decubuit, deinde cum
 lacte vsus fuisset ouino, & caprino, coctis
 crudisque, copiosè & victu malo, exacerbata
 febre, deteriora sequuta omnia, ac tandem
 quarto & trigésimò interiit. Sed praua hæc
 viuendi forma, sanis etiam & robustis parum
 tuta fuerit, multò minùs ægro iam & debili
 corpore approbanda. Philistæ ibidem per-
 censetur miser exitus. Qui capitis dolore *Parte 2.*
 iamdiu & veternò afflictatus, continuas sibi *tent. 1.*
 febres poculis adsciuit, moxque quinto sum-
 ma luce animam efflauit. Exstinctum præte-
 reà quendam die vndecima legimus, qui *1. Epidem.*
 postquam calescens cœnasset & potasset lar- *parte 3.*
 giùs, noctu acuta febre correptus est, de ho- *textu 29.*
 rum altero loquitur fortasse Fuchsius: neu-
 ter tamen ex intempestiuo solum victu hoc
 est, extra tempus sumpto sed ambo ex vbe-
 riore potu & alimento mortem sibi cons-
 ciuere, neque si ex intempestiua dumtaxat
 cœna malum prodijisset, in nos procederet
 argumentum, intempestium enim cibum
 nos vnà cum Fuchsiio improbamus. quan-
 quàm de ipso in præsentì, vti neque Hippo-
 crates, disceptamus? Nisi fortè intempestiui
 nomine vberiore intelligat Fuchsius, hanc
 enim significationem genericè sumpta illa
 dictio admittit? Clariùs tamen & distinctiùs

501 *APHORISMUS QUINTUS*
commentatori loquendum fuit.

Non aliud quicquam concludunt obiectæ rationes quàm auctores allegati. Nam si plusculum concesseris, non ita suo ab opere auocatur natura, quin concoqui perfectè morbus queat, & tandem superari, at retardetur coctio, quid incòmodi? modò ne quid graviùs patiatur æger: sanetur tardiùs, modò securiùs. Non enim morbum grauitè exa-
cruit aut symptomata, paulò plenior cibus. Ea scilicet copia ingestus quæ à calore ferri possit & digeri, quam sanè haud obscuris coniecturis præscripserit Medicus rationalis & prudens: at causæ (inquiunt) malignitatem non obtundit, auget potiùs materia addita: negamus: Quod magis est facultatum principum virtutem mirificè recreat, & refouet, quæ refocillata, perniciosissimi hostis insultus, quantumlibet malignus valentiùs propulsatur. Huius rei fidem facit testis omni exceptione maior Galenus. Qui in peste illa diuturna fortiores quàm vim sibi ipsis afferentes cibum oblatum assumpserunt, omnes ferè superstites fuisse asserit. Galeni testimonio, & propria fortasse experientia doctus Auicennas auctor est, peste correptos, dum pro virili se se ad cibos inuitant, à morte plerumque vindicari. Amborum auctoritatem sequuti posteriores Medici pestilentia detentos ad cibaria cogendos mouent. At quorsum in singulis immoror? rata hæc apud me conclusio. Febrilem calo-

3. Epid.
comm. 3.
tex. 58.

rem æque imo amplius quàm tenuis moderatur victus paulò plenior, qualitate frigidus & humidus: Exhaustam ab ardore febrili corporis humiditatem humore alimentitio instaurat, eademque opera naturæ robur excitat & restituit, nullo insigni detrimento, nullo ignei caloris incremento. Laudabili succo replet inanita vasa, cuius benefica permixtione, maligni humoris venenata qualitas attemperatur & cohibetur. Seruato semper eo quem diximus quantitatis modo.

Quæ inde emergent excrementa, tantum negotium non facessent, vt purgante medicamento debeant extrudi, sed aluo per se non respondente, satis fuerit quæ in primis occurrent vijs, blando humectante & refrigerante (si ita res exiget) clystere subduxisse, si quid reliquum erit, aut altius impactum prodeuntibus coctionis indicijs vnâ cum morbifica materia tuto expurgabitur. Productum extremo loco sanorum exëplum è re nostra est, cùm certum sit à paulò vberiore cibo, quàm à tenui, multò minus offendi eos qui prospera sanitate perfruuntur. Si quid probat aduersa ratio, nos nihil commouet. Procedit solummodò in helluones, qui porionibus ac edulijs se se penitus ingurgitant, quorum nihilominus quâplurimi ad decrepitam perueniant ætatem, hincvulgatis paræmia, plures ebriosi, quàm Medici senes. Dices cum Fonsæca, potiorē indicatio-

nem à morbo sumi in acutis ad victum eximendū, quàm à viribus ad exhibendū, ergo satius esse ad tenuem quàm ad pleniorē propendere.

Antecedēs admittimus, quam ob causam dum paulò pleniorē cibū imperamus in tenuis victus terminis proximè subsistimus: Quod si quando ab ijs recedimus lōgius, vrgenti vtilitati seruimus. Possumus aliter distinctione adhibita satisfacere, si dicam⁹, virtutē in se spectatā si vsque ad morbi exitum, cum exacta victus ratione sufficiat morbi indicationē non euertere: respectu tamen errorum qui plerumque cōmittuntur exposcere aliquid, ne grauius ipsa laceSSita, duplicique onere pressa, succumbat.

Maneat itaque firma ac indubitata hæc sapius repetita conclusio, tutius & consultius fore, si in paulò pleniorē, quàm in tenuem victum perpetuò feramur, quoniam is magna ex parte ab erroribus est tutior. Quanquam tenuem non recusamus, imò verò ipsum alteri in acutis affectibus antefereendum putamus, dummodò ea prudentia & consilio imperetur, vt vires collabi funditus non sinat, neque substantiam corporis absorberi. Eaque sollicitudine componantur externa omnia, nullum vt delictum penitus admittatur. Illud in nostra sitū est industria. Istud ministrorum, muliercularumque imprudentiæ, & v oculis importunis subiacer, ac cæcæ libidini ægrotorum, quibus omni-

bus & salutem ægrotantis credere, & propriam existimationem vltro exponere vix Medici prudentis æstimarim; quamobrem paulò plenior alimonia aduersus errores ægri præmuniantur.





Ες ᾧ ἔχαι νοσήματα αἱ ἔχαι θερα-
πείας εἰς ἀκρῆν κρείτταται.

Ad extremos autem mor-
bos extrema ad amussim re-
media optima.

Commentarius.

DIxerat Aphorismo quarto diuinus
senex, extremè tenuem victum
periculo non vacare, vnde arrepta oc-
casione arbitrati fortasse fuisse nōnulli,
eiusmodi viuendi ratione vti tutum
nusquàm fore, eius proinde contrarium
in sequenti Aphorismo particularim
edocet, præmisso nunc generali præ-
cepto, ex quo illud alterum deducitur.
Monet itaque in præsentī quibuscunque
extremis morbis extremas in vniuersum
medicationes conuenire, siue Pharma-
cia, siue Diæta, siue Chirurgica opera-
tione simul, aut seorsim procedendū sit:
Hæc enim omnia Θεραπείας nomen re-
cepta

APHORISMVS SEXTVS, 506
cepta significatione cōprehendit. Huius
præcepti veritas, quò clariùs elucescat
quatuor examinabimus sequenti capite
proponenda.

Questionum series & ratio.

BReuis hic Aphorismus non pauca suo
ambitu includit: Nos illius terminos
quesitis quatuor quibusdam veluti septis
circumscribemus. Primum erit, quid sit
extremus morbus, & quæ illius species? Al-
terum quid sit extremum remedium, &
quæ ipsius differentia? Tertium utrum ex-
tremis morbis extrema dumtaxat sint adhi-
benda remedia. Denique utrum fortius à de-
biliore pati possit? His tota Aphorismi do-
ctrina continetur quorum per se ratio ma-
nifesta. Ergò ad primum veniamus.

Quid sit extremus morbus, & quæ illius species?

QVÆSTIO PRIMA.

MOrbos extremos vocat Galenus, ultra
quos non sunt alij, hoc est qui suo
in genere grauissimi sunt. Quæquidem des-
criptio ne quam difficultatem pariat, notā-

dum est magnum & summum esse comparata, quæ sola maioris aut minoris ratione differunt, ex quo sequitur morbum etiam magnum ab extremo non alia ratione discrepare. Quemadmodū igitur magno morbo addita huiusmodi differentia summum constituit, ut aliud nihil sit morbus extremus quàm extremè magnus, pari modo si hanc ipsam magni morbi definitioni adiunxeris, extremi definitionem habebis absolutam. Magnum morbum definiuimus in superioribus eum qui magnam vim possidet, & grauius affligit infestatque corpus, ita ut de salute sua periclitetur, Ex hac itaque definitione morbi extremi definitionem ita conficimus; Extremus morbus est, qui summam vim possidet. Estque summè periculosus.

Clariora sunt ista quam ut diligentiori explicatione indigeant, tria tamen interim animaduerti velim: Primum est extremi nomine non eum solum intelligi qui præsens est quem actu vocant, verum etiam qui in potentia proxima, veluti ex Hippocratis & Galeni doctrina prius demonstratum fuit, cum de magni morbi indicatione ageremus. Huius gratia Athleticum habitum insigni sanguinis euacuatione minuimus, Et morbis turgentibus etiamnū incipientibus statim initio valentissimum medicamentum propinamus. Alterum animaduersione dignum est differre morbum extremum ab exactè peracuto, eo modo quo magnus discrepat

ab acuto. Nimirum tanquam genus & speciem magnus est quisquis acutus est: Extremus est quisquis exactè peracutus; at non vice versa: Acutus enim & peracutus, præter magnitudinem motus etiam celeritatem includunt: vti luculenter antea, contra Argenterium disputatum fuit. In cuius sententiam deduci fortasse potuisset aliquis inspecto Galeni in nostrum Aphorismum commentario, in quo solius peracuti mentionem facit. Quasi idem omninò esse autemet extremum & peracutum, verum Hippocratem ipsum sequutus, generale præceptum particulari eorum morborum confirmavit exemplo, quorum gratia potissimum instituta videbatur oratio. Postquam enim ab Hippocrate dictum est. Morbis in vniuersum extremam conuenire medicationem, subiungitur illicò morbis idcirco peracutis, quoniam protinus extremos labores habent summè tenui victu vtendum esse.

Quamobrem doctissimo Fernelio assentiri non possum (quem aliàs tanquam summum Galliae atque adeò vniuersæ Medicinæ decus veneror & admiror) dum extremis morbis, ideo extrema remedia diligentissimè putat applicanda, quod præcipites sint & acerrimi, vt Apoplexia, quique breui oppressuri sint vires, atque calorem extincturi. Reperiuntur enim inter extremos non pauci qui in longam temporum seriem protrahuntur.

Animaduertendum tertio non eundem

esse morbum extremum & desperatum. Distinctionem vtriusque petimus ex postremis verbis in definitione positis. Extremus sanè grauissimis periculis est oblitus, plenus in ipso terroris exitus, at quantuscunque tandem est metus, dubia saltem futuri boni expectatione recreatur. Desperato nulla spes affulget recuperandæ salutis. Priori non sunt deneganda remedia, imò verò summis machinis, omni tum contentione decertandum, tentanda etiam extrema. Huius ne suscipiendæ quidem curatio, sed abstinere cum ea prædictione conuenit, qualisnam scilicet morbi sit futurus euentus. Si quidem imprudentis consilij fuerit apud vulgum infamare præsidia, quæ multis sanitatem attulerunt. Hæc circa morbi quiditatem. Non alia modo via in disquirendis extremi morbi speciebus progrediendum est, quot enim magni morbi differentias percensuimus, totidē extremi sunt admittendæ. Diximus triplicem ob causam magnum morbum appellari, vel propter suam essentiam, quando videlicet natura sua talis est, cuius generis sunt acuti omnes. Vel propter affectæ partis dignitatem & præstantiam; Quam ob causam quantumlibet exigua cordis vulnera in magis affectibus computantur, id quod de fracturis capitis quantumvis leuibz practici communiter sentiant. vel denique propter causarum & symptomatum vehementiam, vt puta dolores, vigilias insignes, principum functio-

Galenus 2.

Aphorif.

comm. 29.

Galen⁹ 11.

Method. 9.

num ablationem, humorum, vaporumve aut etiam externorum, aëris scilicet, aquarum, ciborumque Cacoethiam & prauitatem, qualis in venenis, in malignis vlceribus, in Epidemicis morbis deprehendi solet. Harum causarum vnaquæque cum ad summum deducta est, summam impendentis ruinæ suspicionem & metum inuehit, summi proinde morbi seorsim propriam differentiam facit.

Primi generis sunt peracuti: Alterius obstructions vniuersi cerebri, à quibus oriuntur Apoplexiæ non quidem fortes (illas enim desperatas censet Hippocrates) at mediocres saltem. Postremi pestis cancer, & quæ à venenis potentibus inducuntur ipsa quoque Apoplexia. Huic tripartitæ diuisioni quartum fortasse membrum adiunget argutus aliquis à motus celeritate depromptum, probabili ista ratione persuasus. Si verum est ex periculi grauitate morbos magnos extremosque æstimari, quæcunque periculum adferunt vel adaugent, nouam eorum differentiam constituunt; sed velocitas motus breuitasque temporis iudicium medentis præueniunt, atque occasionem præripiunt ea peragendi quæ ab arte imperantur: Hinc extrema quædoque perniciēs oboritur, ipso Hippocrate præcipitem occasionis lapsum, tãquam summæ difficultatis ansam proponente. Vtrò nos admittimus periculi grauitatem ab hac velocitate adaugeri, imò etiam non raro

excitari; at non ex se tamen: sola enim velocitas aut breuitas periculosum suapte natura morbum non procrearit. Id quod in Ephemeris & Tertianis exquisitis euidenter cernimus: Ex se igitur & natura sua proprium magni extremique morbi differentiam non proferet, sed tantum cæteris præfatis addita certam quandam speciem constituet á magno simul & Chronico affectu discrepantem.

Contra hunc ternarium numerum instabit vltcrius hoc argumento: vel commemorati affectus in extremis habendi non sunt vel falsa diuini Hippocratis in hoc Aphorismo sententia: Non enim positis eiusmodi casibus in extremis, perpetuò remedijs versamur, lenioribus illi quandoque tuto, citò, & iucundè profligantur. Hanc difficultatem propria quæstione diluemus, si prius quid magnum remedium vocemus, & quæ sint eius differentia, breui fuerit oratione declaratum.

*Quid sit extremum remedium,
& quæ ipsius differentia?*

QVÆSTIO SECVNDA.

BReuioris & facilioris doctrinæ gratia, repetendum ex superioribus morbum, vt pote naturæ infestum, sui expulsionem

indicare. Expulsionem solis contrarijs perfici, quorum ea natura est, ut simul eodem in subiecto subsistere non possint, quin ex mutua æqualium pugna moderatio quædam oriatur, aut depulso altero penes fortius sit victoria. Quodcumque igitur à morbo indicatur, morbo contrarium sit, necesse est, quod verò morbo contrarium, præsidij nomine donari. Ex cōsequenti quot indicationum totidem sunt etiam remediorum differentia, iunioribus dilucidè rem explico.

Morborum alij sunt facti, alij incipientes aut impendentes. Factorum alij curationem integram admittunt, alij nullam: cæteri curari quidem exquisitè nequeunt, possunt tamen impediri ne quam grauiorem inferant cladem, potest quod ab ipsis imminet exitium retardari. Quia ratione occultos cæcos non esse curandos suadebat Hippocrates, curati enim citius intereunt, non curati vitam longius protrahunt.

Incipientes & impendentes sui præcautionem indicant: præcautio fit ablata causa. Quæ huic indicationi satisfaciunt remedia *προφυλακτικά* appellantur.

Facti morbi quandiu spes emicat restituendæ sanitatis, sui curationem indicant. Curationis morbi depulsio est, quæ id efficiunt præsidia, *θεραπευτικά* dicuntur. Desperati, quoniam spem omnem salutis abripiunt, medelam pariter omnem respuunt soli prognostico relinquendi.

Postremi qua parte sanar inequeunt, eandem cum desperates normam subeant. Verum quatenus Symptomata ab ipsis inducta vel eosdem concomitantia cohibere licet, & futurum exitium remorari, auxilia postulant vulgò palliatiua siue demulcentia nuncupata.

Remedium porrò id omne generatim dicimus quod aut morbo, aut morbificæ causæ, aut Symptomatis subuenit. Magnum remedium, quod magnis affectibus: Extremum, quod extremis suam præstat operam. Sunt itaque morbus extremus & extremum remedium correlata. Quemadmodum igitur summa vi pollent summi affectus naturæ oppugnandæ, summis quoque facultatibus, quæ illis aduersantur sint prædita necesse est.

Ex tribus autem fontibus ipsa eruuntur, quorum sigillatim vnumquodque propriæ indicationi tribuitur, quædam sunt Pharmaceutica, quædam diætetica, quædam Chirurgica.

Quæ à Pharmacia depromuntur, aliàs sopitum quodammodo vel oppressum ac penè extinctum calorem natium excitant. Veluti aquæ illæ theriacales, cælestes, imperiales, ex effectus quem proferunt singulari præstantia vocatæ. Idem præstant olea (quas essentias nuncupant) arte chimica extracta: Aliàs corporis sensus dolorum vehementia gravissimè oppetitos, stupidos atque insensiles reddunt, blandoque sopore inducto spiritus

recreant & reficiunt: qualia sunt Opiū, Mandragora, Meconiū, atque ex his paratæ confectiones. Aliàs venenis obsistunt: sic venenatis animalium moribus confectio ex viperis magno successu propinatur, quando vt cuneus cuneo, clauus clauo, venenum veneno propellitur: cæteris malignis & venenatis affectibus Antidoti & insignia Alexij pharmaca præter Teriacā à maioribus nostris fuere præscripta. Aliàs humorem altius impactum potenter exciunt & exturbant; cuiusmodi Helleborus præsertim albus, Laureola, Tytimali species, Euphorbiū, Antymonium, Mercurius assumptus, atque ex eodem inunctiones cæteraque valentissimè purgantia. Ad hunc ordinem pertinent Pyrotica, quæ etiam insignes intemperies frigidas corrigunt & immutant, quanquàm horum quàm Catharticorum vis alia est, agendique modus planè diuersus.

Quod ad diætam attinet vnica vict^o forma extrema censeri debet, victus nimirū tenuissimus seu omnimoda inedia: etenim vltra hanc reliquarum nulla, vltra cæteras omnes hæc vna reperitur.

Quæ ex Chirurgia desumuntur, aliàs vehementissimis doloribus inflammationibus & febribus compescendis subseruiunt, in quibus sanguinem vsque ad Lipothymiam detrahemus. Hoc remedio Synochum quasi miraculo nō iam sanasse quàm iugulasse visus est Galenus. Nonnunquam pus aut aquas e

corpore extrahūt, quam in finem Empijcos
secamus, & in hydrope paracēthesi vtimur.
Aliàs virus omne atque adeò exuberantem
humorē penitus absorbent, id quod candente
ferro potentissimè operantur. Aliàs denique
excedentem carnis molem putridāque
vulceris partē resecant, ne vel pōdere vel contagione
reliquis impedimentum aut perniciem adferant, aut debitam membrorum
conformationē vitient atque deturpent. In
quos fines vlceratis cancris sectionem atque
vstionem adhibemus, & sarcomata rescindimus,
quanquam integri alicuius membri resectio,
æquiucocè curatio est eo modo quo demortui
cadauer hominis appellationem sortitur; si quæ
alia præter enumerata reperiantur, poterit ea
ex se se imitatione Medicinæ studiosus in
proprium ordinem reuocare.

Obiecerit forte quispiam primū falsò
nos victus rationem in remediorum numerum
adscribere, quod conseruandæ facultatis non
depellendi morbi gratia ipsa decernatur, nos
enim tenuem victum à morbo non indicari
iam antea ostendimus. Neque quicquam in
victu reperire est, quod morbo aduersetur.
Itaque si contrariū indicat morbus qua
ratione victum tanquam contrarium indicabit.
Eodem referri possunt medicamenta illa
Cardiaca appellata quæ relicto morbo
virtutem reficiunt atque sustentant, proindeque
remediorum appellationem non

merentur. Præterea perperam omnimodam inediam videmur ad diætam retulisse: enimvero quo modo victus species illa erit, in qua victus nihilominò conceditur; nisi pari ratione euacuationem aut purgationem voces, vbi nihil è corpore quacunque via educitur.

Denique non pauca eorum quæ recensuimus, leuioribus etiam affectibus, aut saltem mediocribus communiter accommodantur, nam veteris Andromachi Theriacam quartanarijs exhibet Galenus. At quartanâ simplicem nemo vnquam extremum, imò ne magnum quidem morbum æstimarit, quam cæterarum ferè febrium securissimâ esse fætentur omnes ex quo profecto consequitur extrema non esse remedia, vt pote quæ ab exiguis affectibus indicantur. Ad primum respondemus propriè & strictè loquendo, victus rationem è remediorum genere non esse, quoniam ipsa sub virtutis indicatione continetur, si vero generaliter remedij appellationem sumamus, pro omni eo quod restaurandæ retinendæque sanitati quocunque modo operam confert, non solum è genere remediorû erit viuendi forma, sed inter remedia præstantissimû, vt quæ virtutè sustinet & refouet, quâ deuictâ atque prostrata nulla vitæ spes reliqua est. Quid quod à Galeno dictû summas ægri tudines sola victus conuenienti ratione quandoque profligari: mediocres adhibitis etiam legitimis præsidijs

*r. ad Glau.
conē & de
prognost.
ad Posthumum.*

*Hippocr. r.
Epidemior.
parte 2.
f. 4.*

neglecta viuendi regula plurimum increſſere? Adde deſumptam à virtute diætæ indicationem poſtmodum à morbo tanquam contraindicante limitari. Huic determinationi quæ à morbo petitur, quatenus reſpondet victus quantitas, pro remedio habenda eſt, maximè cum primariæ indicationi contraindicatio præpolleat. Denique à morbo victus qualitas determinatur, victus enim humidus febricantibus imperatur.

Cardiacorum longè diuerſa eſt ratio: nam præterquãquod occulta vt loquuntur proprietate, ſiue à tota ſubſtantia facultatem iuuant, manifeſtis quoque agunt qualitatibus, quibus tum morbi, tum morbificæ cauſæ impetum retundunt. Horum quædam adſtrigendi vi quâ pollent laxatas partes roborant, ſpirituum diſſolutionem cohibent, ſuauiſſimis vaporibus (quales eſſant Aromatica omnia) tetrorum vaporum & fuliginum è prauis humorib⁹ excitatorũ, vim maleficã leniũt & refringũt: humores ferociẽtes attemperant, in putredinem pronos ſua ſiccitate à putredine vindicant. Denique nihil eſt ferè quod manifeſtis eorum qualitatibus non debeat.

Ad ſecundum dicimus omnimodam inediã, ſub diætã conſtitui quoniam ad eandem artis partẽ ſpectat animaduvertere, quid, quantum, quale concedendum ſit, cæterasque in victu neceſſarias conditiones expendere, ſub quantitatis verò conſiderationem

cadit, multum ne an parum, aut nihil penitus offerendum sit definire. Ad faciliorem intellectum, rem ita distingamus, victus vel pro cibo sumitur, vel pro ea therapeutices parte, quæ circa cibos occupatur. Si primo modo sumatur inedia, victus non est, sed victui priuatiuè cōtraria: altero modo victus reuerà est, hoc est viuendi forma quæ sub diætetica cōprēhenditur. Euacuatio & purgatio solam dicunt actionem hoc est eorum quæ in corpore continentur exclusionem.

Vltimo Argumēto satisfiet si dicamus nihil inconuenire, quò minùs in extremo remedio inueniatur aliquid, quod leuioribus affectibus tutò ac vtiliter applicetur. Inijs potissimùm compositionibus, quæ pro simplicium selectissimorum varietate & præstantia parè cum Theriaca in varijs affectibus facultatē sunt sortitæ, quas ideò πολυχρησας nominare licet,

Dicet quispiam sumpto à minori ad maius argumento, eius quod obiectum est contrarium potius ita concludi. Si extremum remedium summis affectibus subuenit, subueniet multò magis leuioribus, vt longè difficilius Lernæam belluam, aut Nemeum leonem, quam vel muscam vel formicam debellaris. Facilius est quidē leuiori morbo, quàm grauiori occurrere, verum sicuti ridiculum foret Claua Herculea, aduersus debilissima animalcula se se armare: sit & imprudentis Medici lenioribus sanare tutò cum possit

ad extrema deuenire. Quin etiam propositorum exemplorū dispar est ratio. Non enim vt Claua Herculea muscam nullo negotio confeceris, sic leuēi quemlibet affectum violento remedio sustuleris. Leuia vlcera nimium exsiccantibus erodentibus & causticis effeantur: violenta purgatione agitatū qui Ephemera detinetur, in continuam fortasse febrem delabetur, tenuissimā exactē diætā vix feret qui tertianā patitur, quin in hecticā deuoluatur.

Concludimus ergo aliqua extrema remedia, at non omnia morbis leuioribus quandoque non ineptaesse, quemadmodum morbos extremos leuioribus nonnunquam præsidijs depellimus, quanquam obiectioni distinctione adhibita satisfacere commodē possumus. Quandoquidem duplici modo blanda possunt medicamenta appellari, mole scilicet, aut propria facultate. Sua virtute leuia vocamus, quæ suapte natura talia sunt, vt lenientia Pharmaca, aut blandē purgantia, vel mediocriter alterantia, vt quæ secundū ordinem non exuperant, mole dicuntur mitia & blanda, quæ licet natura sua in extremorum album referri debeant, parua tamen quantitate administrata, extremos illos & violentos suis viribus respondentes effectus non exerunt: vel etiam aliorum permixtione retunduntur, qua ratione turbit, Colocinthis, Scammonium, aliaque validissimē purgantia, compositionibus illis

inferuntur, quas vulgò in leuissimis affectibus propulsandis vtilissimè impèdimus. Pendet etiam ex alia distinctione difficultatis solutio, hoc præmisso, è morbi ratione esse vt affligat molestetque corpus: id quod vel sua vi efficit, vel temporis diuturnitate, vt enim leui quantumlibet sarcina longo itinere premimur, pari modo exigua quantumuis afflictio diutiùs protracta, grauitè afficit. Qua igitur ratione qui summa vi naturam appetunt affectus summos appellamus, non absimili contumacissimos, quamuis ex se debiles & exiguos dicere extremos quodammodo possumus, quibus commune illud ferè est cum verè extremis, vt non nisi extremis remedijs cedant. Sic Herpetas cōtumaces causticis, Theriaca quartanas, & leuiiores persæpè affectus sectione aut vstione profligamus. Verùm quoniam accidens est quoddam morbi extremi temporis longitudo, vti & breuitas, quamuis in extremæ contumaci locum habeat noster Aphorism⁹, differentiam hanc præcedenti quæstione obmisimus illas enumerasse contenti, quæ vel ab ipsa morbi essentia desumuntur, vel eius essentiam proximè attingunt, de quibus potissimum sequens erit controuersia.

Vtrum extremis morbis extrema duntaxat remedia sint adhibenda.

QVÆSTIO TERTIA.

Non defunt probabiles in vtramque partem dubitandi rationes: stant hinc inde auctoritas, experientia, ratio.

Et quidem (vt pro affirmatiua primum disputemus) quid hoc nostro Aphorismo clarius enunciari potest? Qui extremis morbis extrema remedia exquisitè iubet adhiberi. Interim dictionis illius ἐς ἀνεβέλω Emphasis prætereunda non est, quæ idem significat atque exactè, exquisitè, & ad amissim, siue, vt Fernelius loquitur, diligentissimè, quasi exacta trutina morbi violentiam, cum remedij facultate pensitari velit. Quomodo interpretatur Galenus, cum pro extremis exquisitè ἀνεβέλως ponit hoc est exquisitissimas. Quamobrem Medico satis esse negat intellexisse. Contraria contrarijs curari nisi pariter naturam sanandi corporis internoscat, vt recessu cognito atque perspecto, modum remedio imponat. Non enim satis est (inquit) calido affectui admouisse frigida, nisi debita mensura fiat. Rationem reddit. quoniam subest vtroque non levis aberrandi

aberrandi metus, si infra modum subliteris ne morbi aliquid aut morbificæ causæ relinquatur; Sin modum excesseris ne contraria intemperies inducatur.

Sed & tritum illud est in Philosophia naturali, omnem actionem fieri à proportionem maioris inæqualitatis. Igitur si extremis morbis leuia applicueris præsidia nihil effeceris, quandoquidem ubi deest proportio, ibi nulla actio, imò verò penes fortius erit victoria. Naturam scilicet destruet morbus, vnâque medicamento vires expugnat. Hac ratione debilia purgantia, humorem altius infarctum magna corporis perturbatione exagitât, non depellunt: aut euicta in expurgandi humoris naturam facessunt, nouaque accessione causæ morbum vehementer exasperant. Equidem vt fornaces videmus affusa paulatim aqua vehementius accendi: sitim exigua portione cum violenta est, adaugeri: Sic magnæ inflammationes leuium frigidorum admotione, ardentissimæ febres, mediocriter attēperantibus apozematis excandescunt. Omnē porro dubitationis ansam præripuit diuinus Hippocrates, dum generale præceptum hoc Aphorismo propositum vsu exemplisque confirmauit. Nam peracutis morbis tenuissimum victum imperat sequenti Aphorismo. Euacuationes ad Lypothymiam vsque approbat paulò inferiùs. Sectionem atque vstionem in Empiis & Hydropicis non reijcit, quā etiam vtriusque perficiendi methodum

*Aristote. 3.
Physicor. t.
12. t. de ge-
neratione.
t. 26.*

1. *Aphorismorum* 23.
 6. *Aphorism.* 27.
Lib. de internis malis de locis in homine.
Celsus lib. 3. cap. 22.
Paulus aegineta. Libro 6. Capite 44 & 5.
 1. *Aphorism.* 3.
 2. *Aphorism.* 51.

edocet. Cui⁹ auctoritatē postea Celsus & Paulus adeoque quotquot medicinā faciūt sunt secuti. His alijsque rationib⁹ nituntur, qui se Hippocraticæ doctrinæ sectatores profitētur.

Contrarium nihilominus tuentur nonnulli, ipsumque Hippocratem testem citāt, atque vnā ad rationem & experientiam prouocant.

Primum quidem extremas vacuationes periculo non vacare paulō antē didicimus. Quam sententiam posterius repetit Hippocrates, & illustrat exemplis.

Ex quibus vniuersale tandē documētum colligit huius Aphorismo ē diametro contrarium.

Plurimum (inquit) & repenti vacuare, aut replere, aut calfacere aut refrigerare, aut aliter quomodoecunq; corp⁹ mouere periculosū: Et omne nimium naturæ inimicū: At quod paulatim fit tutum. Ecce vt manifestē extrema quæcunque remedia improbat.

Quanquam verò summæ intemperiei frigida contraria calida paribus gradibus opponere fortassē licet, quod simul & semel debilis natiuus calor, caloris extranei præsentia recreetur, & ad conuenientem Symmetriam corpus traducatur: Idipsum tamen in calida discrasia frigidis tentare securum non est. Ne dum intemperiem infrigerantibus adorimur, calorem innatum pariter extinguamus. Quemadmodum igitur hoc casu posito, in mediocriter refrigerantibus feliciter versamur, ac sensim siue sensu tutō ac iucundē feruorem igneum compescimus:

Eadem ratione frigidam intemperiem moderate calidis propellere licebit. Temerariū proinde fuerit aperto periculo iacentē submittere dum grauiora experiris. Exempla si lubet ab externis ducamus. In feruētis aquæ lebetem tepidam si inieceris, feruorem cohibebis. Affusa vino generoso, quanquam inæquali mensura, frigida, illius vires immittit. Quidni igitur parem medicamentis alterantibus facultatem tribuamus?

Quæso respondeat aliquis supposito ad tertium gradum febrili excessu, si exhibeantur quæ refrigerent in secundo, sequeturne actio? si neges: Ergò subsistere simul poterunt contraria inæqualia. Sin affirmes; Ergò parietur aliquid febrilis calor; nulla siquidē huiusmodi actio sine passione, seu reactione, ut infra ostendemus. Dices penes igneum calorem ut pote fortiolem, victoriam remanere. Manebit sanè, ita tamen ut aliquid de suo deperdat: Iam quod perfici actione vnica non potuit, iteratis commodè explebitur. Verum ad purgantia veniamus. Quotusquisque ille est qui prudentis Medici nomen & dignitatem inuiolatam tueri, & maleuolas obrectatorum voces effugere cupiet, imo & iustam fortè aliter sentientium reprehensionem qui medicamenta ea quæ propter effrenatam violentiam à recto & communi vsu recesserunt, circulatoribus, omnisque generis Empiricis familiaria, verè extrema nuncupanda, ausit in praxi vsurpa-

re? si quæ valentiora propinamus, tanto id fit apparatu vt vel aliorum immistione, vel alia quauis parandi ratione, in benigniorum aut saltem mediocrium purgantium ordinem possint referri. Demus sanè extremorum id gen^o vsum etiam integrorū doctos & experiētes viros non aspernari. Concedent ea quantitate, quæ ad extremas purgationes non deducat. Purgationem enim extremam quis vnquam molitus est? Quis expurgādi corporis naturam, humoris quantitatem, Cathartici facultatem, ita exactè metiri, & ad amussim definire potest, vt pro summa purgatione superpurgationem facilè non incurrat? Euacuationem quidem sanguinis ad Lypothymiam cōmendat Galenus, sed quāta cautione adhibita? tanto etiam metu, vt non tam posteros ad eam incitasse, quam periculi grauitate proposita ab eadem deterruisse videatur. Vtile est autem (inquit) pulsuū diminutionibus animum aduertere tangendo eas fluente etiamnum sanguine, ne videlicet nec opinantibus nobis pro animi deliquio mors occupet, quod sanè tribus euenisse Medicis noui. Pertimescendū certè est non mediocriter eiusmodi casu, ne pro animi viriumque defectione quam Lypothymiam aut Lypopsychiam vocant, syncope, hoc est præceps, omnium virium exolutio ac demum mors inopinata succedat. Hæc atque alia id genus, vtrò citròque obiectari solent firmissimis innixa principijs. Ad

*Libro. de
cur. ratio-
ne per sãg.
miss. c. 12.*

quorum explanationem clariorem prælibanda sunt nonnulla quibus ambiguitas tollatur.

Admittendum in primis illud est, extremos morbos ex se se & natura sua extrema remedia indicare. Rationem in præcedentibus hanc attulimus, quoniam morbus ut potè naturæ contrarius sui expulsionem, atq; ex consequenti, illud indicat à quo expelli potest: At quod suppar infirmiusque morbo est, hunc quidem minuit, sed non prorsus, aut citò tollit: Quod verò par est, & æquali recessu contrariam morbo obtinet qualitatem, illum in vniuersum eximit atque persanat. Igitur sibi æquale remedium natura sua postulat morbus; ut ergò magnus magnus: ad eundem modum extremus, extremum exposcet, Hanc tamen indicationem non ita strictè & superstitiosè obseruare licet, ut ne latum quidem vnguem ab ipsa discedendum putes. Adhibenda sæpè moderatio est vix enim citra corporis offensionem, & magnam perturbationem iacturamque naturæ, vniuersum repentè demolimur quod in contrariorum validorum pari robore magna vi & vtriusque iactura decertetur. Quamobrem non nisi urgente necessitate ad extrema recurrendum est; Si quando morbus det inducias in inferioribus tantisper subsistendum: Quam normam suo non dicam calculo & suffragio, sed exemplo communiter approbant doctores, dum Narcotica reseruant in extremos vsus, nec nisi cæteris pri-

*Galen⁹ 11.
Method. 3.*

*Ferneli⁹ 1.
Methodi 7*

mum tentatis ipsa adhibent, ac summo urgente prosterndarum virium metu, Imò ne tum quidem ipsis locum esse volunt nisi curiosè admodum atque artificiosè correctis & præparatis. Hanc eandè legem in aperientibus, detergentibus, alijsque ferè omnibus quæ manifestis agunt qualitatibus, obseruare consueuerunt. Neque verò est quod huius animaduersionis testem alium citemus, quàm Galenū, is enim de sāguinis ad Lypothymiam vsque profusione verba faciens, proposita periculi grauitate ita concludit. Quapropter satius est tam copiosa vacuatione abstinere nisi magna premat necessitas. Cuius ratio ab eo pendet quod à nobis antea pluries inculcatum, ab eodem Galeno post Hippocratem passim memoriæ proditum, primam scilicet potissimamque indicationem viribus deberi. Quam ob causam suppuratis & Hydropicis pus & aquam confertim euacuari vetant, neque summam euacuationem sanguinis, nisi hac conditione, approbat Hippocrates, dummodò scilicet æger possit tolerare. In quem finem pulsuum immutationibus mentem manumque admouet Galenus, quò certiore coniectura facultatis statum internoſcat: innumeras proferrè aliundè conquisitas probationes, nisi consentientes hac in parte cernerem doctorum opiniones.

*Libro de
cur. ratio-
ne per sāg.
miss. c. 12.*

*6. Apho-
rism. 27.*

*Galenus 7
Methodi. 5*

Præter hoc habenda est ratio tum affectarum partium, tum vicinarum, maximèque nobilium, tum earum omnium quæ cum

ipsis communionem habent, tunc ipsorum affectuum. Facillimæ (verbi gratia, ut Galeno verbis utar) curatu sunt alterationes, quæ ex calido frigidoque consistunt, propterea quod maximè actiuis qualitatibus corriguntur. Ac tempus caloris frigorisque reparandi, par quodammodo, est securitas tamen impar. Nisi enim quæcunque ei quod curatur circumstant corpora valida planè sint, metus est ne ab ijs quæ refrigerant noxam contrahant non leuem: qua ratione vehementer frigida cerebro suspecta esse debent. pari modo si contrariam vicina membra intemperiem contraxerint, periculum subest, ne dum vni subuenis contrariorum æqualium admotione, alteram adaugeas. Imò verò si eandem intemperiem supponas puta, calidam, gradibus tamen in diuersis membris inæqualem, quod summè calefactum erit summè refrigerantibus ad iustam temperiem reducetur, quod mediocriter calebit, in contrariam intemperiem ruet: quam ob causam frigida liberaliore potu, contractam ex calore & siccitate ventriculi imbecillitatem perfanatam memorat Galenus, gulam tamè ita perfrigeratam, ut neque pristinae temperaturæ ipsa restitui, neque is qui ita affectus erat potuerit à morte vindicari. Simili ratione vehementia illa Cathartica non feret debilis ventriculus, quæ alioqui humores impacti altius, & à primis vijs quàm longissime dissi, grauitasque affectus indicabunt.

*Galenus 7
Method. 8.*

Ad hæc peculiaris cuiusque natura sedulo examinanda venit? Nonnulli Pyrotica vel ex auditu perhorrescunt: cæteri Phlebotomiam refugiunt: quibusdam cane peius & angue Pharmaca sunt exosa, vsque adeo ut ne odorem quidem purgantium ferant, sunt etiam occultæ quædam Antipathia; nonnulli denique mori potius quam secari eligent. Sua itaque est pro suo cuique modulo decernenda curatio. Ad hunc ordinem pertinet consuetudo, quandoquidē natura quædā acquisita est, maximi momenti tum ad alia omnia, tum ad euacuationis indicationem: Assuetos enim intrepidē euacuare conuenit modo cætera consentiant (inquit Galenus) cæteros, ne si alia omnia cōsenserint. Consentientia porro vel repugnantia, à quibus extremi remedij limitatur indicatio præter allegata hæc quoque à primarijs Medicinæ vitis passim numerantur. Ætas, habitus, tempus cæteraque de quibus abundē satis in Aphorismi tertij explicatione diximus. Vbi ex Galeno didicimus pueros à confecta sanguinis detractione arcendos, quorum ætati in decernenda inedia aliquod est condonandum. Hyeme quoque & vere, quibus tempestatibus natura calidissimi sunt ventres, cibi non nihil acutissimis etiā febribus concedemus.

1. ad Glauconē c. 14.

Quæstione
7. libro de
cur. ratio-
ne per sag.
missionem
1. Apho-
rism. 25.
4. Apho-
rism. 5.
Libro de
cur. ratio-
ne per sag.
missionem

A purgationē verò, copiosisque vacuationibus sub cane & ante canē abstinēbimus; mollibus & raræ texturæ, quoniam facilli-

mè dissoluuntur, parcius id genus præsidia conferemus.

His ita constitutis depulsa tandem omni caligine affulget huic quæsito limpidissimum veritatis iubar. Cogente videlicet necessitate modò cætera consentiant summis exquisitè remedijs intrepidè vtendum. Præstat enim nonnullo virium dispendio morbum discutere quàm sinere, vt nullo subsidio vniuersæ vires mox collabantur & concidant. Sin protractior est affectus, aut inuenitur aliquid quod prohibeat in blandioribus aliquatò tutius, & iucundius versamur, quam fortassè quandoque non vtilius.

Curationem quidem hac Methodo semel repente, ac vniuersim non assequemur: verum sat citò, si sat benè: iteratum leue remedium, finem optatum tandem proferet, & fortioris affectum vsu crebriore adæquabit. Id quod Phlebotomiæ purgationis, nutritionisque exemplo declarari potest.

Quisquis enim largam sanguinis vacuationem simul ac semel perferre nequit, aut purgationem vehementem, aut copiosius alimentum, ei quantum vires ferunt detrahimus aut reponimus; Postmodum quod defuit iteratione supplemus, quam procedendi viam per Epicrasim vocant. Verùm circa alterantia oboritur non prætereunda difficultas. Ex argumento pro affirmatiua parte obiecto, in quo ex auctoritate Aristotelis vulgò à Philosophis & Medicis recep-

ta colligitur, debilius in fortius nullam ex-
 erere actionem, quoniam ex proportione
 maioris inequalitatis proficiscitur actio.
 Quæstio ergo est vtrum intēperiem v. g. vt
 quatuor quæ inferioris sunt ordinis, puta
 duorum gradium medicamenta iterata, pos-
 sint ad iustam Symmetriam reuocare? hanc
 in sequenti aperiemus.

Cætera argumenta vltro citroque propo-
 sita ex iactis antea fundamentis nullo nego-
 tio refelluntur, aut saltē conciliantur. Nunc
 ad præfatam quæstionem.

*Vtrum fortius à debiliore pati
 possit, ac retundi?*

QVÆSTIO QVARTA

AD huius quæsti solutionem sciendum
 est necessariam esse in omni actione
 reactionem, dummodo requisitæ ad veram
 actionem cōditiones supponātur? Quicquid
 calefacit, frigit; & quod frigefacit, calefit
 (inquit Aristoteles) idem etiam Galenus sua
 auctoritate confirmavit: sed quid ex alio-
 rum placitis dimicamus, cum nostras tutetur
 partes, magistra rerum experientia? Feruen-
 tis aquæ feruorem compescit immista tepi-
 da, quanquam hæc permixtione plurimum
 incalescit.

In calentem ollam frigidum liquorem si

2. de ortu
 et interi-
 tu t. 48.
 Libro de
 semper.

inieceris senties immutatam vtriusque qualitatem, in frigidam injecta candentis chalibis lamina aquam calefacit, suo calore ab aqua vicissim retuso, Actinarum qualitatum exempla proponimus, quoniam minùs evidens passivarum est actio, quas proinde passivas nuncupam⁹. Quanquam in ipsis quoque inuenitur reactio. Dicit aliquis refrigerari chalibem per accidens ab humiditate aquæ vti Neritensis somniauit, Quasi verò ab humiditate frigus inducatur, quā in aqua feruente cum intentissimo calore subsistere cernimus. Quid si contrarium supponamus ab aqua nimirum feruida calefieri chalibem vicissimque illam à frigido chalibe refrigerari? Anne tum refrigerationem in siccitatem referemus? Quidni potius frigori vt pote actiuæ qualitati, quæ per se & directæ, in contrarium calorem agit, illam actionem tribuamus?

Dices à quo ergo chalibis ardentis feruor compescitur, si in feruentem aquam is deuoluatur! Non iam à frigore quod nullum in aqua persentitur, non ab aquæ calore, non enim calorem destruit calor. Ergò ab humiditate. Respondeo conceptum in candente chalide ignem ab aqua suffocari & extinguì, chalibis verò calorem ad eum ipsum gradum reuocari, qui in aqua est, mutuoq; cōflictu, aquæ calorē à chalibis feruore intendi per se; qua in actione manifesta apparet reactio. Hæc porro reactio in agentibus inæqualibus,

non minùs quàm æqualibus ipso sensu dignoscitur. Si enim æquali copia & recessu conferantur inter se agentia, ex mutua quasi colluctatione moderatio quædam orietur: sic frigida calidaque permixtio æqualis, tepiditatem parit. Sin alterum altero sit infirmius, penes validius erit victoria; Ita tamen vt eius vis non nihil infrigatur cõtrarij actione. Vt patet exemplo tepida, aut pauca frigida in maximum calida lebetem iniecta. In hac tamen inæqualitate proportionem seruari necesse est. Non enim si in Ætneos fornaces insilierit formica (id quod de Empedocle scriptum comperimus) aut in ingentem aqua feruidissima lebetem musca iuuolarit, altervtrius qualitas tantillum imminuetur.

Requiritur quippè ad actionem Physicam determinata quantitas, quæ ne ab oculatissimo quidem naturæ contemplatore certò explicari potest.

*Aristoteles 2. Physicæ. l. 1. 20.
& alibi.*

Præter quantitatem mutuus quoque contactus tam ad reactionem, quàm ad Physicam omnem actionem est necessarius, contactus (inquam) saltem virtutis? sunt enim omnia natura constantia limitata virtutis, certis proinde spatijs, tanquam terminis & limitibus circumscripta, quos actiuitatis sphaeram vocant. Si ergo ponatur agens bipedale frigidum, vt sex, & passum semipedale calidum, vt vnum, aut contra, in summa distantia ad quam pertingere vis fortioris agentis potest, nulla sequetur reactio.

Non enim ad tantum intervallū feretur virtus patientis. Sed neque his benè constitutis illicò reactio succedet, nisi agens & patiens materiem communem sint sortita.

Quid enim ab his inferioribus patiuntur cœlestes globi? Quid à materialibus immaterialia? Denique secundum easdem qualitates fit reactio, dum enim à calore frigus remouetur vicissim à frigore calor repetitur. Itaque quod calefacit, refrigeratur ab eo quod calefit. Illa quæ secundum diuersas fit qualitates, reactio propriè censerī non debet, vt falsò arbitratus est Calculator. A terra exempli gratia supponamus refrigerari aërem, & ab aëre terram humectari; Duæ tum erunt actiones realiter distinctæ. Idem existimandum est si diuersæ partes agentes statuantur sit ferrum v. g. in vno extremo calidissimum, in altero frigidum, ab eo pati poterit ferri frigus, in quod aget calor. Sed hæ quoque diuersæ distinctæque erunt actiones.

*Arist. 4.
de gen. animal. c. 3.*

His ita præfatis pensū absoluamus. Quæsitum fuit qui fueri possit vt à medicamento verbi causa frigido, vt vnum, intemperies calida trium quatuorve gradium propellatur? Respōdemus positis omnibus conditionibus tutò id & iucundè, posse fieri, quamuis non æque citò, ac si paribus qualitatibus contraria decertarent. Modum huiusmodi actionis explico. Prima concertatione, refrigerantis apozematis virtus à calore extraneo euincitur, ita tamen vt pror-

sus irrita ac inutilis non fuerit eius exhibitio, quanquam ita obscurus fortasse usus, ut nihil penitus effecisse videatur. Primo ergo congressu retusa aliquantulum morbi qualitas, Pergit interim Medicus eidemque remedio iterum insistit. Hoc altero conflictu aliquid amplius promouet quam priore, dubio tamen & adhuc incognito effectu, Tertio idipsū iteratō propinatur, vel aliud æqualis facultatis (non enim barbitonorum, aut imperitorum more, si recta ratione gerenti omnia, ex ratione non succedat, transeundum ad alias indicationes stante eo quod ab initio visum fuit) tertio hoc apozemate debilitatur, at aliquantō magis, quā præcedentibus febrilis ardor: victis nempe iam aliquot caloris gradibus, contrarij vis potērior.

Quarto, quinto & sequentibus (si eousque progrediendum sit) medicamenti actio sensibus iam euidenter innotescit. Quantoque ulterius procedimus, tanto magis de intemperie deperit, dum tandē nihil omnino sit reliqui. Non absimili ratione durū quantumvis lapidem crebris ictibus guttula mollis excauat. Et ab alimentis (quæ nostræ substantiæ reparandæ, non demoliendæ sunt comparata, pati proinde non agere dicuntur) ab alimentis (inquam) fractus tandē atque eneruatus naturalis calor tēpore elanguescit totusque consumitur; Quin ipsam ab alimentis mutari substantiam manifestē conuincit quæ à diuersis edulij accidit im-

*Hippocr. 2.
Aphor. 52.*

*Galenus 1.
de locis af-
fectibus*

*Galenus
passim.*

*Galenus 3.
de Sympt.
causis 2.*

mutatio corporum.

Non enim quia assimilari ac mutari nutrimenti est passio, non potest id quod patitur vicissim aliquid tametsi minimum in id quod agit facere. Durissimi ferri, & acutissimi, mollissima secunda carne, tandem acies retunditur.

Quamobrem concludendum agentia omnia multo etiam passis valentiora, mutuò ab ipsis repati aliquid. Passionis tamen primordia in humanos sensus nomine cadunt, neque antè dignoscitur reactio quam magna ex parte absolutus sit effectus.

Dices ex his priorem difficultatem non præscindi, neque assignari proportionis inæqualitatem quæ inueniri ex parte rei agentis debet, cui suppar sit quod repatitur necesse est.

Respondeo prædictam intemperiem remedio validiorem esse si comparantur gradus inter se ambarum qualitatum, hoc est caloris & frigoris, reuera enim ex suppositis frigori præpollet calor: calori proinde actionem tribuimus.

Dico clariùs intemperie calidam ut tria, si cum medicamento frigido ut vnum conferatur hoc ipso esse fortiolem, atque ut talis est in medicamentum agere. Verum si utramque qualitatem seorsim spectemus, calidum videlicet ut agit, frigidum ut reagit, apparebit utrinque inæqualitas. Quemadmodum calidius est corpus medicamento,

sic medicamentum vicissim corpore frigidius.

Vt ergò in medicamentum frigidum agit corpus calidum tanquam medicamento calidius, sic vice versa ab eo repatitur tanquam frigidior. Hanc difficultatem prosequemur; aliàs forte vberius atque ex professo istud quantum ad præsens institutum satis esto.

Hactenùs ergò quid extremum remedium appellemus, & quatenùs hoc illi applicari oporteat explicuimus: nunc ab vniuersali theoremate ad particularia vnà cum Hippocrate orationem transferamus.





Οἱ κού μὲν οὐκ κάλοζυ τὸ νόσημα αὐτίκα
 ἴσ' ἐσχάτης πόνους ἔχει καὶ τῇ ἐσχάτῳ λεω-
 τοτάτῃ διαίτῃ ἀναγκαιῶν χρῆσθαι. Οἱ κού
 δὲ μὴ, ἀλλ' ἐνδέχεται ἀδρότέρως διαίτῃν,
 τοσοῦτον ὑποκαταβαίνειν, ὅσον ἀν' ἡ νοῦσος
 μαλακοτέρῃ τῶν ἐσχάτων ᾖ.

Quando igitur morbus per-
 acutus est, statim extremos
 labores habet, & extremè te-
 nuissimo vti victu necesse est.
 Quando verò non, sed alere
 plenius licet, tantum indulgē-
 dum est, quantò morbus fue-
 rit extremis leuior.

Commentarius.

Hic Aphorismus manifeste infertur
 ex præcedenti, nam ex ambobus
 simul iunctis integrum conficias Syllo-
 gismum licebit, cuius maior propositio

539 *APHORISMVS SEPTIMVS*
vniuersali Theoremate cōtinetur, prius
à nobis explicato : Minor & quæ ex his
deducitur conclusio, in præsentī pro-
ponitur hunc in modum.

Extremis morbis extremæ sunt ma-
dicationes adhibendæ, morbus peracu-
tus est extremus. Extremam itaque me-
dicationem, & per consequens extre-
mæ tenuissimum victum exigit.

Aphoristicæ quidē breuitatis gra-
tia, minor non propositæ probata
fuit, probata (inquam) ab extremi
morbi descriptione ; Nam si extre-
mus is dicendus est morbus, qui sta-
tim extremos habet labores, cū hu-
iusmodi sit peracutus, vere extremus
censeri debet. Conclusionis etiam loco,
[quoniam de victu solummodò agere
ipsi intentum fuit] consequentiam par-
ticularem, ex vniuersali illa, quæ ma-
iori propositioni respondebat, deduxit.
Hanc porrò illationē fieri ex intentione
Hippocratis docet collectiua & ratio-
nalis illa particula *ὅτι* sermoni addita:
Quam miror à Fuchsio, verborum, tum
aliàs, tum hoc ipso commentario cen-
sore atque Aristarcho exactissimo, in
expositione prætermittam : nisi pro
[vtique] quod affirmandi aduerbium

est, [itaque] paucis immutatis sit legendum.

Præfens ergò Aphorismus quod in vniuersum de quacunque medicatione in priore enunciatum fuit, viuendi rationi speciatim applicat. Duoque in se continet documenta: Primum est peracutis morbis extreme¹ tenuissimum victum conuenire. Alterum quod ex primo sequitur, quantò morbus distat longiùs à peracuto seu extremo, tantum etiam à tenuitate victus declinandum.

Rationem prioris duplicem profert Galenus symptomatum videlicet magnitudinem, & morbificæ materiæ coctionem. Nam & grauiora incendia concitat ingestus cibus, cæteraque accidentia vehementer exasperat: & naturam ad sui concoctionem distrahit. Quæ duo incommoda tantò minùs pertimescenda sunt, quantò magis ab extremis morbus est dissitus. Vtriusque ratio ab ipsa indicationis natura depromi potest. Siquidem morbus ex se se præsidia exposcit, alimenta reijcit: igitur qui validus est valide¹; qui extrem², extreme¹ tum remedia postulat, tum victus indicationi repugnat & contra-

541 *APHORISMVS SEPTIMVS*
dicit. Ex consequenti quo infirmior is
est & leuior, vtrumque tantò minùs
præstat, quantò ab extremis est remo-
rior: supponendæ interim locorum,
temporum, ætatis, temperamenti, ha-
bitus, cæteræque id genus circumstan-
tiæ.

Hæc quo ad Aphorismi sensum, iam
nunc singula verba expendamus.

Occurrit in primis vox κατόξυ hoc
est, peracutum. Circa quam sciendum
est duplicem peracuti differentiã vulgò
assignari [viti non multò ante docuim⁹]
peracutorum enim nonnulli septimo
terminantur die, cæteri quarto: Hos
exacte peracutos vocant, illos simpli-
citer & non exacte; De exquisitè per-
acutis hîc sermonem esse palam fit ex
ea victus forma quam ipsis accõmodat,
extreme scilicet tenuissima, seu ἀσιλία
hoc est omnimoda inedia, quæ solis ex-
quisite peracutis quadrat. Melicrati
quidem vsum [quem simpliciter pera-
cutis affectibus concedimus] tenuissi-
mam diætam appellamus, non tamen
exquisite siue extreme. Hinc conse-
quitur vocem ἀσιλία id est statim, vltra
peracutorum exacte terminum non
porrigi, puta quaternum diem aut ad

summum quinum, ad quem illi quandoque protenduntur, vnius enim dici adiunctio diuersam acutorum differentiam non parit: Id quod tacite innuit Galenus noster, dum inquit per statim intelligendum circiter primos quatuor dies aut paulò post.

Modò quid per *ἐσχάτους πόνους* hoc est extremos labores significetur, docet in commento Galenus: Et nos in controuersijs communes apud Hippocratem, cæterosque post illum Medicos huius dictionis vsus perquiremus, quoniam in his Aphorismis frequenter inuenitur, nec eadem vbique significatione. Vltimo loco difficultatem facit illa particula *ἀδρότερος διαίτᾳ*, quæ idem sonat ac *πιωτέρος διαίτᾳ* hoc est plenius cibare. Et ambæ, quemadmodum ex vi nominis idem prorsus indicant, eodem quoque modo hîc & Aphorismo decimo huius sectionis sunt accipiendæ, non quidem simpliciter quasi existimemus diuinum senem pleniorē simpliciter victū in acutis affectibus probasse, sed facta cum extrema diætâ comparatione, cuius respectu cæteræ viuendi rationes pleniores, hoc est minus tenues appellantur.

Questionum series & ratio.

Totidem quot precedens questionibus concluditur hic Aphorismus, nonnulla supponit, quaedam etiam proponit, in precedentibus satis declarata; Communis illi quippè cum explicatis quatuor Aphorismis de victu tractatio, sed magis quam in eo qui immediate præcedit particularis. Nam peracutos morbos pro exemplo allegat, in quibus cum statim urgeant extremi labores, statim victu tenuissimo utendum, colligit; At varium est laboris nomen apud Hippocratem, quid ergò hic & alibi significet primum inuestigamus.

Alteram dubitationem mouet vox statim, quæ ab initio suadet ad extrema veniendum, cum tamen à leuioribus plerique inchoandum putent.

Vltima questio vniuersali doctoris intentioni respondet, & decidit, utrum omni & soli extremo morbo conueniat victus tenuissimus? Iam in arenam descendamus.



*Quid πόνος id est labor significet
hic & alibi apud Hippo-
cratem.*

QVÆSTIO PRIMA.

QVoniam passim apud Hippocratem, atque in his potissimum Aphorismis huiusce dictionis fit mentio, nequam in posterum δμωονυμία difficultatem pariat, in iuniorum gratiam quam vim ipsa habeat, hinc inde conquirere operæ pretium putavi. Quia in parte vnicum Galenum interpretem πολλῶν ἀντ'ἀξιον ἄλλων instar omnium, in consilium adhibui.

Πόνος igitur idem quandoque sonat quod βλάβη, hoc est noxa, nam πόνον ποιεῖν laborem facere, & ὠφελεῖν iuare, vsurpauit tanquam Antitheta. Hoc significatu obscurum alioqui illum Hippocratis textum explicat Galenus, vbi sic habetur; Calidiori comestum, intus refrigeratio, exterius labor, sole, igne, veste, æstiuo tempore. Vbi illos reprehendit qui laboris nomine illic exercitia interpretabantur. Valdè calidæ naturæ (inquit) refrigerationē & aquæ potū cōducere dicebat Hippocrates, & præterea quiescere, hoc est à vehementioribus exercitationibus abstinere, quo pacto igitur hoc loco exer-

2. Aphorif.
1. & ibi
Galen⁹ in
comment.

6. Epid.
parte 2.
s. 36.

citari iubet? Quo pacto in sole & ad ignem calefieri? Et quæ sequuntur. Tum inferius propriam mentem aperiens, ita concludit: Tota ergo narratio talis fuerit, calidiori corpori per cibos ac potus interius refrigeratio conueniens, noxa verò caliditas exterior à sole, igne, & tempore æstiuo, ac vestimentis, à quibus omnibus arida caliditas significatur. Nonnulli eodem sensu textum illum præcedente obscuriorem exponi volunt. Labor articulis & carnibus: Cibus, somnus visceribus, tantam obscuritatem affert huiusce nominis æquiuiocatio: sed hæc istius est vera interpretatio, si Galeno credimus: Exercitatio quidem articulis & carnibus vtilitatem præbet, cibus verò, & somnus, visceribus. Aliàs pro effectu & potissimè pro dolorifico ponitur, id est causa symptomate, aut morbo cum dolore coniunctis. Ita in Aphorismis, qui aliqua parte corporis laborantes, laborem non sentiunt, ijs mens ægrotat. Quem locum explicans Galenus hanc ex Epidemijs citat sententiam, in cranone dolores inueterati frigidi, recentes calidi, ut ostendat per labores siue dolores, affectus ipsos in quibus dolemus intelligi: non enim reipsa dolores appellat calidos aut frigidos (inquit) sed morbos in quibus dolores sunt, Eodem capiendus est modo is Aphorismus, quibus in vrinario meatu nascuntur tubercula, ijs suppuratis & ruptis labor soluitur. Vbi πόνος λύεται, non aliud denotat quam

6. Epid.
parte 5.
f. 19.

2. Apho-
rism. 6.

6. Epid.
parte 1. c.
8.

2. Apho-
rism. 57.

λύσις id est solutio: hæc enim vox in illarum est locum suffecta septimo Aphorismorum, quo loco hæc eadē sentētia ex quarta sectione reperitur. Λύσις porrò quarta Aphorismorum particula Aphorismo 82, Πῶς ὀδυνῇν καὶ ἰσχυρίαν complectitur, id est dolorem atque vrinæ suppressionem, nec non & ἔμφραξιν hoc est obstructionem διατὰ γὰρ φύμαλα ὀδυνᾶν γεγονόασι, καὶ ἔμφραξις ἀκολουθεῖ, ἐξ ἧς ἡ ἰσχυρία inquit Philoteus. Nam propter tubercula excitati sunt dolores, tum obstructio sequitur, ex qua vrinæ suppressio. Quamobrē stricta nimium interpretatione illa postrema Aphorismi quinquagesimi septimi verba λύεσθαι πόνος vertunt communiter interpretes hoc modo leuatur dolor, soluitur dolor.

*Ibidem in
comment.*

Meliùs & significantiùs è verbo ad verbum, soluitur labor, non enim de solo dolore sermo est, sed præterea de obstructione, & vrinæ suppressione, quæ omnia laboris nomen comprehendere potest, non autem doloris, nisi coacta admodum & parum vsitata loquendi ratione.

Quemadmodum autem labor pro affectu ponitur, ita quoque pro affici, aut ægrota- re, laborare dicimus. Quartana laborantes, magno morbo non capiuntur, ait Hippocrates, ex sanguinis profluuijs à qua subcutanea laborant. Et hæc loquendi forma passim Hippocrati, & Medicis familiarissima est. Ita gratiosissimo illo textu, laborantibus gratiæ, vt mundè parare poculenta &c.

*6. Epid.
parte 6.*

*1. 7.
6. Epid.
parte 4.
1. 11.*

*7. 6. Epid.
par. 4. t. 8.*

547 *APHORISMUS SEPTIMUS*

Sumitur nonnunquam pro dolore ipso, hoc est sensu tristi veluti nuper citato Aphorismo in illis verbis τῶν πόνων θυμὸν αἰσθάνονταί, labor pro dolore collocatur.

2. *Aphorism. 46.*

Et inferius Δύο πόνων ἅμα γινομένων binis laboribus simul infestātib⁹, id est ὀδυῶν. Quo loco πόνους non modo ad corporis dolores. sed ad animi quoque molestias transferre videtur Galenus. Postmodum in Aphorismo consequenti ita habetur, dum pus fit labores fiunt ac febres, hoc est (vt communiter vertunt) dolores. Amplius in Epidemijs legitur, vigiles erant cum laboribus, hoc est doloribus: vt annotat Galenus. Quibus enim dolor adest, vigilant, adeò vt ne in fantasiam quidem tenuis somni deueniant. Alibi quoque sæpius in aliam significationem torqueri quàm in istam non debet, veluti cùm pectoris articulorum, & circa vmbilicum dolores στήθεων, ἀρθρῶν, καὶ περὶ ὀμφαλον πόνους appellat Hippocrates. Ad hæc inuenias hanc appellationem inquietudini, anxietatique tribui, quæ vel ex dolore nascitur, aut prauis humoribus, & vaporibus malignis, aut alia quacunque id genus causa, hoc sensu Hippocrates pessimum esse ait si neque interdium dormiat, neque noctu; Dolor enim ac labor vel desipientia ab eo iudicio significatur. Ecce manifestè dolorem à labore tanquàm diuersa separat.

3. *Epid. 3. 1.*
39.

3. *Aphorism. 23.*
31. 32.
4. *Aphorism. 11.*

1. *prognost. 1. 12.*

2. *de sanit. tuenda.*
Capit. 2.

Tribuitur etiã cuicunque motui? Notent interim iuniores non omnem motum exet-

citationem esse apud Galenum, sed cum solum qui vehementior est, cuius terminus anhelitus mutatio; laborem verò idem cum Gymnasio sine exercitatione significare asserit Galenus.

Latiores itaque est minusque usitata, pro motu in genere, laboris acceptio. Strictior est magisque propria cum ei tantum defertur motioni & actioni, quam defatigatio sequitur. Ita in prognosticis frequens desiderandi labor insomniam facit. Huc referendum est quod ab Hippocrate laboriosas febres nominari Galenus tradit, eas quæ ab extrinseca lassitudine ortum habent.

1. Prognost.
14.

6. Epid.
parte 2.
t. 24.

Præterea pro defatigatione ipsa capitur, inquit enim Hippocrates, quoquo modo corpus moueatur, simul ac laborare cœpit, quiescere præsentaneum remedium est. Vbi τὸ πονέειν dolorem, lassitudinemque significat, huic proinde verbo ἀκοπον opponit, quod ijs remedijs commune est quæ lassitudini & dolori subuenimus. Et hoc utroque sensu vera est Aphorismi sententia, quandoquidem experientia comprobatum est, defatigationem atque molestias ab exercitatione contractas quiete depelli.

2 Aphorismorum 48.
& ibidem Galenus.

Hoc cum annotarit in suo commentario, monitus à Galeno Fuchsius, mirum est cur dictione πονέειν verterit fatigari, non autem laborare suæque interpretatione, suo commentario strictiorem reddiderit. Pari modo laboriosas quartanas appellat Hippocrates

6. *Epid.*
parte 4.
t. 2. & ibi.
Galenus.

non eas solum quas multa motio antegressa est, sed eas omnes in quibus aliquis laboris seu lassitudinis sensus existit, Vt testatur Galenus,

2. *Aphorism.* 49.

Hippocrati quoque familiare est exercitationes corporis *πόνους* appellare. Non illam sententiam *οἱ ἐνθισμένοι τὸς σωήθεας πόνους φέρειν* multi sic latinè reddunt: quicumque solita exercitia ferrec onfueuerunt: & hanc Galeni interpretationē esse demonstrant varia exercitiorum exempla quibus ipsam commentario illustrat. Quanquā de omni difficultate, molestia, angustia, explicari non incommodè potest. Idem & aliquantò clariùs ex Epidemijs probare licet, in quibus hæc scripta reperiuntur.

6. *Epid.*
part. 3 t. 4
6. Epid.
parte 4. t.
22.

Remittito labores aut defluet. Item exercitatio salubris non saturitas cibi, promptitudo ad labores. Et alibi, vlcera oriuntur, si immundus laboret. Et libro de salubri diætā, quos sitis infestat, cibos hi & labores minuant.

6. *Epid.*
parte 5. t.
34. de salub. diæt.
t. 31.

Denique patet quandòque aliquantò latius, neque solum de externis motionibus dicitur, quæ ab animali facultate proficiscuntur, verum etiam de naturalibus quæ medicamentorum impulsu vel ope Chirurgica peraguntur. Ita explicat Galenus in fame non esse laborandum. Nam neque rectè valentibus (inquit) imperanda sunt exercitia fame dominante, nec in ægrotantibus motū corporis ullum vehementiorem vnà cum fame

2. *Aphorism.*
comm. 16.

afferre oportet, siue missione sanguinis, siue purgatione, seu per vomitum euacuatione, seu multa frictione, aut alteratione id fiat.

His omnibus modis à Philosophis, Oratoribus, & Poëtis vsurpari solet, ac preterea alijs. In primis pro omni actione, munere & opere quæ ad humanæ vitæ tutelam atque vtilitatem referuntur. Quo modo ἀπολεγε ποιησάμενος pro ποιησάμενος scripsit Hesiodus, vt interim illa fileam ipsis Grammaticulis vulgatissima: dij nobis omnia vendunt laboribus: labor improbus omnia vincit. Secundo pro re ardua & difficili, ita latinus Vates 6. Æncidos

facilis descensus Auernei,

*Noctes atque dies, patet atri ianua ditis,
Sed reuocare gradū, superasq; euadere ad auras,
Hoc opus, hic labor est*

Idem in Georgicis Eclipsim solis, labores appellauit.

Apud Lucianum pro debilitate reperitur πεπονημένας (inquit) ἀνθρώποις τὰ σώματα, ὑπὸ νόσου, ἢ ὑπὸ γέρας, laborasse hoc est debilitata atque elanguida fuisse ipsorum corpora morbi, non senectutis causa.

Apud Platonem pati quandoque significat *Epist. 7.* ἀναγκαῖον ἐνιαυτὸν γ' ἔτι πονεῖν id est πάχυν siue φέρειν. Necessè est vnum adhuc annum pati, vel sustinere. Apud Xenophontem *1. de Ciri* ram & sollicitudinem notat. Hæc illius sunt *educat.* verba ἐπικουφίσει τὴν ἡμετέραν τοῦς πορεύς τῷ ἀρχόντι, Imperatori labores, id est curas & vi-

gillas honos subleuat.

2. Tnsul.
quast.

Apud Oratores vsitatissima est hæc dictio pro eniti, omnibus viribus cōtēdere, summo studio animique contentione iucumbere. Qua significatione ab eloquentiæ parente definitur functio quædam vel animi, vel corporis grauioris operis & muneris. Sed hæc literarum humaniorum studiosis & cultoribus accuratiùs examinanda relinquamus. Quo ad præsentem Aphorismum attinet, docet in commentario Galenus quid per extremos labores veniat audiendum, morborū scilicet exacerbationes, aut omnia absolutè Symptomata. Rationem expositionis suæ hanc adfert: cū peracutus morbus is sit qui statim adultus viget, & in vigore exasperentur atque excandescunt morbi inuasiones, atque adeo Symptomata omnia: imò verò cū vigor ipse nihil sit aliud, quàm morbi grauissimum Symptoma, inferendum est per extremos labores hæc ipsa intelligi, maximè cū laboris nomen dolores atque molestias omnes suo ambitu includat, vti hæctenus cumulatè probatum fuit.

*Vtrum à leuioribus sit incho-
andum?*

QVÆSTIO SECUNDA.

HÆc quæstio sequi illam videtur, paulò antè à nobis agitatam, vtrum scilicet extremis morbis extrema remedia sint adhibenda? Id quod ex Galeno deducimus qui dum Erasistratæorum in curandis pulmonis vlceribus & Hæmaptijcis procedendi methodum confutat, ita habet: vbi moriendum ægro prorsus est, si Phthoë semel correptus sit, alienissimum à ratione fuerit à minoribus inchoasse, Nam sicuti reliqua omnia ab Hippocrate tradita, sic illa quoque sententia rectè est dicta, nempè ad summos morbos, summa omninò præsidia maximè valere.

Cui adstipulatùr ratio, si enim extremi morbi extrema remedia postulant, frustrà in leuioribus tempus & patientis operam collocaris: quò fiet in posterum, vt dum grauiora molieris, præcedentium vsu satiatur æger, defatigatus atque nauseabundus nulla ab ijs spe melioris fortunæ affulgente cætera auersentur. Imò ne tum quidem si se obsequentem præstiterit tutò in grauioribus verseris. Exacerbantur in progressu morbi Symptomata omnia, febrium scilicet acces-

Præced. Aphor. 9. 3.

5 Method. Capite 15.

2. Aphor. 30. & ibi. Galen⁹ in comm.

siones, vigiliæ, dolores, implacida, molesta-
que corporis iactatio, sitis, irrequieta affli-
ctatio; deiecta virtus saltẽ animalis, na-
tura in morbi coctione admodum impedita;

1. *Aphor.*

29.

4. *Aphor.*

10. *§ in*

Gem. Gal.

Quid tum secure? quid vtiliter aggrediare?

Externa non feret ab intestinis hostibus

gravius laceßita virtus. Incipientibus itaque

morbis si quid videtur mouendum, moue,

Materiam peccantem ac potissimum in val-

dẽ acutis illicò, imò eodem ipso die expur-

gato, antequam imminuatur collabaturque

vis corporis, aut febrilis augeatur calor;

aut vagi atque errantes per corpus humo-

res in partem quampiam nobilem decum-

bant, imprudentis est Naucleri sua incuria

euerfa naue, tum demum vectorum saluti

collectitijs hinc inde asseribus prospicere:

Et parũ cauti solertisque Medici, proditam

initio exactæ curationis defectu ægrotanti-

um valetudinem cum occasio perijt, neque

amplius licet instaurare debitis præfidijs

tandẽ velle. Quantò consultius hoc nostro

Aphorismo prudentissimus ille naturæ geni-

nus in acutissimis morbis, primo statim oc-

cursu tenuissimum victum imperat, cuius

in omni medicatione imitanda diligentia

est, ne quod in prouerbiũ abiit, ictus piscator

sapit; aut serò sapiunt Phryges, nobis igno-

miniosẽ exprobat; Huius disciplinæ secta-

tor accuratissimus Galenus, adolescenti cui

refrigeratis spiritus instrumentis exorta tus-

sis fuerat, cum sanguinem ad dimidiam he-

minam

Galenus 5.

Methodi.

Capite 15.

5. Method.

Capite 13.

minam expuisset, statim venam incidit, tum reliquis omnibus ex arte cōparatis, integram curationē absoluit, similique in posterum via, hoc est, à magno exorsus præsidio, quale est venæ sectio, primo statim die sibi creditos persanauit.

Verùm sunt altera ex parte vagi & difficiles anfractus, obstat Hippocrates; Vetat Galeni cæterorumque Medicorum praxis, dehortatur ratio, quo minùs à validioribus ordiamur.

De Purgatione hæc habentur in 4. acutorum si liquidam aluum habenti, causus superuenerit, si tibi purgatio idonea videatur, eam non tribus primis diebus adhibebis, sed quarto. Ne quis verò hæc, tanquã minùs genuina, reiicienda arbitretur, Hippocratem hisce nostris Aphorismis loquentem audiamus, ad quorum mentem definiendum negotium censet Galenus. In acutis passionib⁹ (inquit Hippocrates) rarò & per initia medicamentis purgantibus vtendũ, & non nisi adhibito indicio. Atque id quidem rationi consonat, si enim circa initia, quo tempore materia est incocta, expulsionem tentemus, omnem naturæ ordinem magno incommodo peruertemus. Euacuationem suo pte motu non aggreditur natura (dum ritè operatur) nisi perfecta coctione; coctionē quiete perficit. Itaque si ventrem initio moueris, vrina non maturabitur, febrisque citra tum sudorem, tum indicationē in longum tempus pro-

t. 38. 6.
ib. Galen⁹

1. Aphorif.
24.

4. Acut.
t. 44.

trahetur. Dices id in acutis solum morbis locum habere, atque in ijs euacuationibus, quæ cathartico peraguntur. Valet sanè & in cæteris. Nisi fortè lapsum existimemus Galenum, qui mulieri sanguinem ex pulmonibus reiicienti, cum finito catharro, liquido appareret, tum ex respirandi specie, tum sonitu semel excitatæ tussis pulmonem purgatione indigere. Secundo saltem die exhibere hanc noluit; At quinto demum purgare valentiùs pulmonem aggressus fuit, ducto à leuioribus initio. Sectionis venæ clarissimum est eodem loci exemplum, hanc enim in præfata muliere omnino prætermisit, cum tamen præsentissimum in eo affectu quo ipsa premebatur foret subsidium: illi verò adolescenti, qui ab aduersarijs est obiectus, cōfestim quidem sanguinem detraxit, non tamē confestim, bis (scilicet) eadem die, ac rursus postridie bis: At certum est tantò maioris præsidij vim obtinere profusionem sanguinis, quantò maior eius copia simul ac semel effunditur. Non enim venæ pertusio, sed sanguinis effusio remedium facit: Vnica igitur die, quantum affectus exposcebat non emisit; ne quod natura perhorrescit, illico ad extrema deueniret. *Obiecerit in contrarium quispiam Galenum ipsum nono Methodi dicentem, abstulisse se de industria sanguinem quoad is adolescens qui in Synocha laborat, animi deliquium incurreret. Credo equidem, sed non prima statim die, id præ-*

fidium institutum, imò ne secunda quidem cum cætera omnia consentirent, sed protractum tandiu negotium fuit, dum æger perferre amplius non valeret, tumque ita suadente summa necessitate, tandem peractum. Tertia enim sequente nocte æstus adebat laboranti intolerabilis, vrgebatque cum tensio vniuersi corporis, vt pote repleti: tunc capitis pulsatio, atque ob hoc grauis vigilia, iuvene in aliam alias partem se iactante. Et hic quidem ordo est naturæ familiaris, nempe vt blandioribus ipsa primum assueta, grauioribus tutò sustinendis paulatim disponatur. Hæc communis clarissimorum Medicorum procedendi ratio, vt leuioribus tum aperientibus, tum incidentibus, tum omnis generis alterantibus, tum Catharticis, tum præsijs curationem aggrediantur, ac in posterum faciam ad validiora progressum. Id quod in thermarum, & aquarum Medicatarum usu curiosè obseruatur. Neque enim tantam in balneis primis vicibus ægri moram trahunt, quantam procedente tempore: Neque tantam aquæ copiam primis haustibus absument, & absorbent, quantam sequentibus.

Id nos vniuersali Theoremate docuit, naturæ peritissimus Hippocrates, ab actionibus particularibus deducto: semel inquit, multum & repente, vel vacuare, vel replere, vel calefacere, vel refrigerare, aut alio quouis modo corpus mouere periculosum: Omne siquidem nimium naturæ inimicum, Paula-

2. Aphorism. 51.

tim verò quod fit tutum. Hanc eius posterì normam in blandioribus etiam remedijs tenemus, ipso etiam sanitatis tempore, quo paciora eùm sint omnia, exiguus admissus error nullam effatu dignam offensionē parit, Nam & in lactis vsu à minima primum quãtitate; & in exercitationibus ab imbecillioribus motionibus auspicamur. Quemadmodum & Oratores demissa aliquantulum voce suas conciones ordiuntur, leuioraque argumenta captandæ sensim popularis auræ gratia firmioribus præmittunt. Ista vtrinque quibus, quantumlibet perplexa appareat hæc controuersia, facili negotio distinctione adhibita declarari potest.

Huc in primis referenda sunt omnia, quæ paulò antè de natura patientis, de viribus, de consuetudine; de ætate, cæterisque id genus internis externisque causis perstrinxim⁹, A quibus certum est legitimum medentis consilium frequenter immutari. Minus enim euacuabimus, quàm plenitudo commouet (inquit Galenus) quo ad ætates quidem, in pueris: quo ad corporis habitum, in candidis, & quib⁹ mollis teneraque est caro, quales Galli sunt: Quo ad tempus, sub cane; similiter etiam in regionibus & constitutionibus. Pater id, ipsius Galeni exemplis, qui pulmonis vlcera non planè deplorata, trib⁹ hisce sanari prodidit, sanguinis extractione, purgatione, & caput roborantibus, ac in ipsis primordijs, illicò à venæ sectione ex-

*Libro de
chr. ratio-
ne persag.
miss. c. 14.*

*s. Method.
Capite 14.
§ 15.*

orditur, hac tamen limitatione, vt quicunque parum habere sanguinis videbuntur, ij ad quemdam succum probiorem reducantur, antequam sanguis educatur; Leuioribus interim præfidijs (vt veri simile est) nõ prætermisſis. Hanc ipsam euacuationem quæ fit ſecta vena protrahit & remoratur conſideratio virtutis. Quam ob cauſam incidere mulieri venam, quæ iam quatridduum propter catharrum ſine cibo egiffet, Galenus noluit, ſed iuſſit vt mitioribus vteretur, clyſtere nimirum acri, tum crura manuſque calefacienti Pharmaco plurimum fricaret & vinciret. Hæc itaque nonnunquam impedimento ſunt, quò minùs à grauioribus remedijs prout exigit morbus curationem incipiamus. Non enim proſpiciendum modo eſt, vt citò, ſed multò magis, vt tutò & commodè res geratur. Cùm ergò magno remedio peculiare id ſit, vt magnos effectus exerat, & quidem non niſi magna corporis agitatione, perturbationeque: conſentaneum omninò eſt, vt non niſi cautione adhibita, ad illud recurramus.

Ibidẽ. c. 13.

Explanationis igitur doctrinæ cauſa quicquid generaliùs propoſitum eſt modò, lubet particulatim in propria quædam capita diſtribuire, vt certò in poſterum intelligatur, quando bládiora, fortioribus ſint præferèda.

Hoc in primis animaduerſo, quod à Galeno eſt proditum, morborum alios tardos & diuturnos eſſe: Alios celeres & acutos.

In illis, quando nullum periculum est in mora, cuiuscunque generis præsidia circa initia experiri nil prohibet, mox si nil profecerint, ad maiora progredi: In his quoniā periculum impendet, alienissimum ab arte grauiora differre. Quamobrem priores hac distinctione à præsenti difficultate excludi volumus. Posterioribus sequentes explanationes adhibendæ, quarum nonnullæ maiorum auxiliorum vsu penitus interdiciunt nonnullæ ad tempus, hoc est, in leuioribus tantisper immorari iubent.

In vtroque genere primas obtinet virtus, de qua paulò ante loquebamur, hæc enim collapsa valentioris præsidiij vim nullā sustinet. Imbecillis, à mitioribus primū refo-cillata, postmodum à grauioribus non offenditur. Sectionem venæ ab hac indicatione impediri aut retardari pridem ostendim⁹. De purgatione idem iudicium facere tacitus apud se quilibet, non ignarus potest, sub virtute comprehendimus habitum, temperiem, aërem, cæteraque hætenus recensita.

Sunt etiam præter virtutem consideranda alia, nam ad conuenientem actionem præter vim agentis, requiritur dispositio patientis. Ad purgationem verbi gratia, necesse est vt humores sint fluxiles & viæ expeditæ, corpora (vt cum Hippocrate loquar) εὐρα, nec violenta corporis agitatione concitatus humor, impedito exitu in partes nobiles feratur. Requiritur etiam in humoribus cō-

coctio, quam sequitur legitima bonorum à prauis segregatio, nisi fortè turgeant, tum enim ante coctionem educendi. Hæc igitur *t. Aphor.* ante purgationem præstanda, præparantia, 22. concoquentia, deobstruentia, quæ purgatione leuiora sunt, ipsi purgationi præmittenda.

In ipsis quoque præparantibus seruandus ordo, non illico ad fortissima conuolandum. Quæ validè aperiunt, attenuant, incidunt, si prima fronte vsurpentur, fusos humores altius in venas rapiunt, atque in omnem corporis ambitum dispergunt.

Grauis præterea est, potissimum in non assuetis, inopinatus transitus ad extrema. Sic à violentis exercitationibus diutius intermissis, disrumpuntur vasa, laxantur partes, atteruntur muscoli, nisi pendetentim leuiori motione ad concitatiores componantur. Hac intentione medicatas aquas moderata primam quantitate propinamus: ne medicata qualitate, & redundante copia, laceffit ac oppressus vètriculi atque hepatis natius calor, aut immodica tensione diuulsa Hypochondria à suo munere deficient, magno inducendæ Hidropis metu. Neque verò ob id solum vt maiori paulatim quantitati corpus assuescat, in aquis thermalibus præfata methodo insistimus, sed & experiundi quoque gratia, nunquid liberum illæ exitum sint naturæ. Pari ratione & industria in alijs artis operibus inuestigandæ peculiaris cuius-

que naturæ causa vt plurimum versamur. Factoque primum de leuioribus iudicio, fortiora imperamus. His ita constitutis sit nostra conclusio. Necessitate urgente (modò cætera consentiant) indicationi à morbi magnitudine desumptæ, nulla interposita mora satisfaciendum. Tantùm interim ab illa deflectendum, quanta vis erit contrariæ indicationis. Quod si nulla premat necessitas, horum vel illorũ præsidiorũ delectus nostro arbitrio relinquetur. Sat citò, si modò tutò & iucundè, patienti consulemus. Primâ conclusionis partem confirmant, ita euidenter priora argumenta, nulla vt solutione indigeant. Pro secunda & tertia faciunt productæ secundo loco auctoritates & rationes, quarum aliquas hætenus exposuimus, cæteræ ne quam difficultatem afferant supersunt enodandæ.

4. Acute.
19m t. 38.

Allegata primo loco auctoritas, si ex Aphorismi mente decernatur (vt vult Galenus) nostris principijs nõ aduersabitur, quemadmodum & ea quæ postmodum secundo & tertio loco subiiciuntur. At illud nondum explicatum fuit, *quorsum mulieri Hamaptoica pulmonem valentiùs expurgare in quintum usque diem Galenus prorogavit?* Dicimus nos optimo id consilio factum esse, ne videlicet, nondum satis confirmata venarum oscula, ab attenuatibus, incidētibus, validèque detergentibus, qualia à crassioribus humoribus infarctis suburratisque pulmonibus ad-

ministrari solent, denuò reserarentur. Talia porrò mulieri illi fuisse ex vsu cōmonstrant quæ tertio & quarto fuere vsurpata. Tertio quidem mel coctum manè copiose exhibitum: quarto verò manè medicamentū quod ex viperis fit, non vt antea recens, sed quod iam in ætate vigoris esset, idque cum copioso melle.

In hac ipsa muliere sanguinis detractio prætermissa fuit, ne quatríduana inedia (longa sanè in persona splēdida) nimium exhausta virtus, exhausto etiam sanguine fatisceret; Eiusdem conseruandæ ergò adolescenti sanguinem exspuenti partita sanguinis immutatio fuit instituta: vbi enim multa euacuatione est opus, sed imbecilliores sunt vires euacuationem partiri expedit. Addo etiam maioris reuulsionis gratia, quem in scopum (ipsomet Galeno præceptore) non semel quantū satis est extraxisse, sed in duas vices id partiri satius est.

*Gal. lib. de
cur ratio-
ne per sag.
miss. c. 12.*

Quod ad iuuenem illum Synocho non putrida detentim attinet dum integram historiam perscendet Galenus, longioris quoque moræ in euacuando sanguine causas enumerat. Visum nobis est (inquit) cum febris pridie vespere occupasset, sumpsissetque solitos cibos, eius auxiliij considerationem in aliud tempus remittere, simul vt certius sciremus cuius generis febris esset, simul propter eam quæ præcesserat coctionis tarditatem. Sequenti die iterum protractum est

*Ibidem ca-
pite. 16.*

*6. Metho-
di. 4.*

id remedium, propter exortam inter Medicos discordiā, vincentibus qui id insequentem diem differendum suaderent.

Quod postea affertur de naturæ ordine, & medicorum praxi in ijs affectibus locum habet quibus tutò, & iucundiùs, quamuis fortasse tardiùs, infirmioribus auxilijs subuenire licet. Productorū porrò exēplorum solutionem ex dictis mutuetur lector.

Vltimo petito à minori ad maius argumento nihil concluditur admittendū quidem constantibus viribus cum levis est affectus, à fortioribus auxilijs minùs nos percelli. Verum in grauioribus morbis, dum repentinæ mortis, aut grauioris mali metus ingruit, maiore necessitate fortiora auxilia decernuntur, quamobrem in his non possunt, vt in alijs differri.

An soli & omni extremo morbo conueniat victus tenuissimus.

QVÆSTIO TERTIA.

DICTUM à nobis præcedenti Aphorismo *regniac* hoc est medicationis, siue curationis nomine diatam comprehendit. Quo iacto fundamento in præsentī cōmentario cum Hippocrate conclusimus, pera-

cutum morbum tenuissimam victus formam exposcere, quod de omni extremo generatim affirmandum videtur. Nam si peracuto quoniã extremus est victus tenuissimus decernitur, manifestè sequitur propositionem hanc vniuersalem necessario supponi, omni extremo morbo victum tenuissimum conuenire. Ex qua particularis illa deducitur.

Et sanè hæc Hippocratis mens fuit, dum extremis morbis extremas indefinitæ curationes applicari voluit, nã vniuersali æquiuallet oratio indefinita. Id eius sonant verba in hoc Aphorismo, tantum enim indulgendum suadet, quanto morbus extremis est leuior, extremis (inquam) non peracutis. Idẽ probat ratio euidens à communi indicationum axiomate petita. Nam si à rei natura proficiscitur indicatio, indicati planè respondeat necesse est. Quemadmodum igitur magnum remedium postulat magnus morbus & extremum extremus: pari ratione victum respuet, siue (vt communi verbo utar) contraindicabit morbus iuxta magnitudinis suæ proportionem: quam ob causam quatuor acutorum speciebus, totidem differentes victus species accommodantur. Soli ergò, & omni extremo conuenit hæc victus regula cum à solo & omni extremo indicetur.

Verum adduci in contrarium possunt, & Hippocrates, & Galenus, & experientia, & ratio. Hippocrates quidem sequenti Aphorismo tenuissimum victum præscribit in vi-

Apher. 10.

gore cuiuscūque morbi, ergo à magnitudine morbi non fuit ista indicatio, aliàs soli extremo competeret, sed à tempore: Quod palam testatur Galenus, & Hippocrates ipse clariùs & vberius docet, dum statim tenuiter cibandum monet, cum statim futurus est vigor: Cum verò postea, in ipso & paulò ante ipsum subtrahendum cibum. Quæ sententia eadem est cum præsentī, in qua summè tenuissimum victum imperat affectibus peracutis, quoniam statim summos labores obtinent, hoc est statim vigent Galeno interprete: vigori, itaque debetur hæc indicatio, vti confirmat communis experientium Medicorum praxis, qui à sorbitionibus ad vasorum inanitionē circa morbi statum trans-eunt in acutis morbis, quibus hæc diæta nō competeret si solis esset extremis decernenda. Sed ne tempori quidem hæc intentio tribuenda est, eo modo quo ab Hippocrate & Galeno tribuitur: at morbi potius durationi: Aliàs quid impedit quò minùs in Ephemera, quæ febrium omnium tutissima est & leuissima ante declinationē cibus offeratur, cum in acutis etiam perseverantē febre non denegetur?

Imò verò nec durationi debetur, sed ipsi morbo qua morbus est, hoc est quatenus per se actionibus officit. Læsa enim actione suas vices' explere nequit. Natura, coctioni perficiendæ suppar est, cibus, ne opprimatur, nullatenus oneranda: debetur quoque mor-

bificæ causæ, quæ neque deuinci, neque separari, neque expelli commodè nisi concocta potest: Coctionem verò qui perficiet distracta ab alimentis, & à morbo debilitata virtus? debetur & Symptomatis vt doloribus, vigilijs, cæterisque id genus, quæ non modò caloris innati substantiam dissipant, & naturæ robur penitus exoluūt, verum etiam ab ingestis plerumque exacerbantur.

Hæc omnia vt morbis omnibus sunt cōmunia, communi quoque indicatione, in morbis omnibus cibos respuunt. Non erit ergò hæc indicatio extremi solius morbi propria: Non solius (inquam) imò nec omnis. Testes hac in parte vt in priore appello Hippocratem & Galenum.

Is de acutorum diætā scribens, quibus inquit præter consuetudinem venæ sunt inanitæ, eodem die veniunt reficiendi. Et postmodum eos calumniam effugere posse negat qui imbecillitatē ex vasorum inanitione ortam minimè dignoscentes, victu premunt, hoc est inedia affligunt, siue igitur ob euacuationem sensui manifestā (inquit Galenus) siue ob eam quæ per halitum fit discussionem, siue ob inediam labefactata fuerit virtus, qui ita sunt affecti cibari quàm celerrimè expostulant. Ecquis verò Medici nomine dignus ita peregrinatur animo, vt in febribus colliquantibus peracutis *αἰσίων* vnquam præscribat? Quis peracutum ab inedia contractum morbum inedia curarit? Ridiculus

2. *Acut.*
t. 28. *ibid.*
t. 48.

*Ibidem in
comm.*

*Ibidem.*3. *Epid.*
comm. 3.
t. 58.

sanè fuerit (vt cum Hippocrate loquar) nam si Medicus alius, aut plebeius quispiã mor-
bificæ causæ non ignarus ægrum interuisens,
cibum, potionemque quod alter vetuerat,
ministrarit, præsidium attulisse existimabitur,
aut potius à morte languentem excitasse:
Quis pestilentem febrem, acutissimam sanè,
tenuissimam viuendi formam exigere autu-
met? cum audiat Galenum profitentem, in
diuturna peste multos ex cibi fastidio peri-
isse solos fuisse superstites, eosque ferè om-
nes, qui sibi vim afferentes oblatos cibos
assumpserunt. Eminuerò teterrima putredi-
nis & corruptelæ colluie infecti spiritus
atque exoluti, ipsa solidarum partium sub-
stantia euacuationibus importunis & depas-
cente aduersa qualitate exhausta atque ab-
sorpta. Nisi familiaris alimenti quasi benigni
cuiusdam roris accessione continuo irroren-
tur, reficiantur, reparentur, vix tantillum
subsistunt. Præterea exulceratis mammarum
aliarumque partium cancris persanandis ne-
mo vnquam hanc vitæ regulam instituerit,
nisi qui conficiendum fame ægrotum sibi
persuaserit. Huiusmodi cancos extremos
esse morbos probat ipsa extremi morbi de-
finitio, probat etiam curationis modus. Sum-
mam enim ipsi vim possident, atque ita gra-
uiter affligunt infestantque corpus, vt sum-
mum periculum immineat salutis. Extrema
quoque remedia exigunt, ferro & flammis
tractantur. Denique peracutis affectibus, qui-

Galenus &
Aphorism.
comm. 38.

cunque tandē illi sint, & à qua causa oriantur, abnegandam inediā nullo negotio coniiciet quisquis iactationem, vigilias, dolores, cordis morsus, cæteraque id genus Symptomata grauiissima illis quotidiana, ac ferè inseparabilia substractis alimentis adaugeri didicerit. Hoc qui nesciunt, à Galeno ipso intelligant: Multò (inquit ille) consultius ab inedia abstinere, vt quæ & ægrotos ingenti molestia afficit, & vigilias, inquietudinem, Orificij ventris afflictionem, succorum prauitatem, corruptionem, acrimoniam, alui atque interdum vrinæ suppressionem parit.

Libro aduers. Eras. lib. c. 4.

2. Acut. lib. 4.

At quid inedia loquor? Qui bis die cibum sumere consueuerunt (inquit Hippocrates) nisi pransi fuerint imbecilli & infirmi sunt, timidique ad quoduis opus, & cardialgici, nempè his viscera pendere videntur, calidum mingunt & viride, id est, pallidum: sterqusque exurit, sunt quibus os amarescit, oculi cauantur, & tempora saliunt, partesque frigescunt extremæ. Et his quidem de sanis sermo est Hippocrati, quibus si tantas molestias exhibet aliquot horarum abstinentia, quantas languentibus excitabit tragedias omnimoda plurimùm dierum inedia?

Ad commodam horum omnium enodationem, recolendum memoria est, quod satis superque hætenus videtur incultatum: primam Medici intentionem in virtutis tutela occupari; virtute neglecta, vitam ipsam

negligi? illa destructa hęc destrui. Si quidem ab ea proficiuntur actiones, quibus anima cum corpore tanquam necessarijs vinculis connexa & colligata detinetur. Virtutem voco ipsam materię hoc est corporis crasin & dispositionem, à qua velut à præcipuo fonte illę dimanant operationes. Excludo hic animę facultates, quę cū ab ipsa eius essentia profluant immediatē, neque mutationi, neque corruptioni sint obnoxia, Medicę considerationis limites excedunt saltem quo ad praxim.

At verò corpus hoc terrestre & caducum vnā cum suis virtutibus continuis intestinisque dissidijs appetitum, continuo effluxij peruium, continere se se, atque ab interitu repētino vindicare propria essentia nō potest, indiget ergō aliquo sibi familiari & simili, quod in deperditi locū succedat, virtutemq; vnā cum substantia dissolutam, substantię adiectione renouet, & instauret, istud est alimentum: Verū impura corpora quantō magis nutriuntur, tantō magis læduntur, eoque magis si morbo infestentur, qui quo grauior est, eò grauius naturę negotium facessit, & facultates naturales deiicit, vt iam prauis humoribus ad iustam symmetriam reuocandis, probēque conficiendo cibo satis esse nequeant. Quid igitur facias? Alimēta sibi ministrari iubet afflicta virtus, renuit morbus, renuunt collecti in corpore vitiosi succi, quorum permistione vitiosa qualitas in alimen-

2. Apherism. 10.

tum

tum transit, ab hoc in vasa omnia, inque omnem corporis habitum effunditur. OEdippo hic opus, à quo hic explicetur modus, aut Delphico potiùs oraculo, imò verò Hippocratico cuius hæc tanquam ex tripode dictata oratio nostris animis altiùs defigēda.

Conijcere autem oportet & robur, & morbi cuiusque modum, hominis item natura, atque ægrotantis in victu consuetudinem, non in cibis solùm, verùm in potionibus quoque. Hoc est ægrotantis robur, natura, consuetudo cum morbo conferenda, præpollēti deferendā. Ita primo hoc Aphorismorū libro is ipse exponit, cū ex ægroto vult coniecturā fieri, an is cum præscripto victu perstet vsque ad morbi vigorem: an priùs deficiat, imparque subcumbat, quàm cedat morbus atque obtundatur. Probè intellecta hæc sentētia scrupulū omnē amouet, quæ hoc sibi vult

2. acut 2.

36

1. Aphor. 9

Ad statuendam integram victus indicationem duo concurrunt, victus & morbus: illa tanquam indicans, his tanquam contraindicans; Illa sui conseruationem expostulans, hic sui expulsionē. Illa victum indicat, vt sibi similē, hic recusat quatenus minimē contrarium, quale ad expulsionem requiritur, illa indicat vt quo sustentatur, hic respuit vt potē qui se suamque causam tuetur, impedita coctione, & laboribus adauctis. Ad illam referuntur natura & consuetudo: sub natura cōprehendit diuinus senex tem-

peramentum, humores, habitū & ætatem. Externa prætermittit puta aërem (ad quem referre licet anni tempus, cœli statum, regionem) exercitia, quietem, somnum, vigili-
 as, excreta, retenta animique Pathemata; Eius quod præcipuū est consuetudinis scilicet in victu, breuitatis studio solum mentionem facit, Morbum non dicit simpliciter, sed morbi modum, vt non modò speciem morbi intelligendam putemus, sed & causas & Symptomata, quæ morborū vim, morem, formamque planè commutant. causæ nimirum malignitas & Symptomatum violentia efferata, morbi naturam faciunt à se ipsa longè diuersam.

Iam modò ad rem, virtus sui conseruationem indicat, conseruatur alimentis: quantò itaque vim maiorem patitur, tantò sibi magis subueniri poscit; Ea nimirū cibi quantitate, sub qua neque deficiat exoluta, neque exstinguatur oppressa. Morbus contra quò maior est, eò magis alimenta respuit, vt potè à quibus adaugetur, adauctus, si in extremorum sit genere, nullis ampliùs præfidijs euinci potest.

Quamobrem iuxta singulos morbi gradus, diuersæ victus normæ statuendæ, leuis leuiter auersatur cibos, mediocris mediocriter: magnus valdè summus extremè, tantū igitur indulgendū cibi, quantò morbus extremis est leuior, tantū adimendū, quantò vehemētior, concurrant modo summæ istæ indicationes,

hinc virtus grauissimè oppetita & languida
refoueri sorbitionibus petat : morbus verò
peracutus omnimodam inedia[m] imperet,
virtute certè potiùs intuebimur, quàm
morbum, quanquam hinc indè extrema; In
virtute prima anchora salutis. Licet enim
adauctis cibus in extremo affectu pauca spes
affulgeat, affulget tamen aliqua subsistente
virtute, speramus dum spiramus, spes om-
nis cum facultate aboletur. Quod si suffi-
cientem absque cibus virtutem confidimus
morbi insultui perferendo, tantisper immi-
nuendum, ne multiplicata causa, aut Symp-
tomatis efferatis impetum ampliùs illa non
sustineat. Tantisper (inquam) diuturni nam-
que morbi, quantumuis appellentur extre-
mi, validissima etiam facultate nutrire nihil
prohibent habita longitudinis ratione. Qua-
triduanam inediã virtus tolerat, menstru-
am aut plurimũ dierũ vix ac ne vix quidem
pertulerit.

Hoc iacto fundamento nullius negotij
fuerit obiecta diluere, ad primum quo ex
Hippocratis auctoritate cõcludebatur, mor-
bi tempori, putã vigori, & nõ morbo hanc
indicationem deberi, dicimus vigorem si-
gnificare nihil aliud, quàm summam morbi
exacerbationem, qua nos hãc indicationem
sumi non diffitemur.

Acutorum itaque vigor, cùm peracutis
equiparetur, eandem vitæ formam requirit:
equiparatur quidè Symptomati & morbi.

ipſius vehementis, quæ in id tempus con-
 incidunt; æquiparatur & temporis duratio-
Gal. 1. de ne, contingit enim nonnunquam duas acces-
crif. 10 ſiones vbi maximè factæ fuerint inuicem
 æquales, ſtatus tempus circūſcribere, non-
 nunquam verò vnā omnibus alijs præce-
 dentibus, reliquiſque ſequentibus eſſe ma-
 iorem, ad tres autem extendi acceſſiones
 ſtatus, tempus in morbis acutis non admo-
 dum accidit.

Ad ſecundum admittimus durationem
 ſpectari: diuturnam quippè abſtinentiam ne
 integræ quidem vires etiam in valentibus
 niſi ſummo læſionis periculo ſuſtinuerint.
 Inde fit quod cancri cœterique id genus
 diuturni affectus, quanquam extremi ſint in
 ſuo genere, longioris temporis inedia non
 ferant. Adde particularium & vniuerſalium
 affectuum longè diſparem hac in parte ra-
 tionem: non enim in particularibus vt in
 alijs adest æqualiter quod alimentum pro-
 hibeat, aut requirat. Affectæ particulæ
 vitium ab alimento exaſperabitur dum cæ-
 teræ partes inediā grauiter moleſtèque pa-
 tientur euidenti facultatum omnium diſ-
 pendio.

1. Aphor. In Ephemeris autem per integrum acces-
 ſionis tempus iubente Hippocrate abſtine-
 mus quia commodè ἀπορεξίας aut ſaltem
 declinationis tempus expectare licet cum
 24. horis terminentur: quod ſi ab inedia
 hæ febres, vt in iuuenibus quandoque exci-

tentur, in ipsa accessione summo emolumento cibum humectantem offeremus. Ad tertium quo infertur non extremo solum morbo tenuissimum victum competere, sed omni morbo, quâ morbus est, imò verò morbificæ causæ, & Symptomatis, satis superque sunt à nobis præfata. Morbum quidem, quâ morbus est cibum recusare admitimus, at inæqualiter, plus scilicet aut minus pro graduum varietate, Morbifica causa, & Symptomata, quoniam morbi magnitudinem inuehunt, indicationem quoque inductæ à se magnitudini proportionatam inducunt, cui tamen in virium gratiam plerumque derogamus: interim seruatò quo ad fieri potest modo, si non quantum decet, saltem quantum licet, suo in officio natura contineatur, neque à coctione penitus distrahatur.

Ad primum argumentum in quo tenuissimam victus formam non omnis extremi aut peracuti morbi esse propriam colligitur exemplo colliquantium pestilentiûque febrium, & earum quæ ab inedia, aut insigni aliqua euacuatione, siue occulta, siue manifesta sunt contractæ; vno verbo dicimus virtutis indicationem, morbi repugnantiam vincere.

Extremo argumēto, in quo inediæ incommoda persententur, satisfiet modò importunam inediam à legitima distinguamus: importunā voco, quæ præscriptis antea legibus

575 *APHORISMVS SEPTIMVS*

non subiaceret, qualis illa Erasistratæorū, in qua neque morbi, neque ægri habetur ratio. Legitima est quæ peracutis affectibus imperatur, non reluctantibus ægrotantis viribus, natura, & consuetudine.

Firma iam & indubitata maneat nostri Aphorismi veritas peracutis morbis ac etiam extremis summè tenuissimum victum sub præfatis limitationib⁹ perpetuò iniungendum: tantum verò indulgendum esse quanto morbus extremis est leuior.





Ὅταν δὲ ἀκρῆζῃ τὸ νοῦσημα, τότε τῇ
λεωρτοτάτῃ διαίτῃ ἀναγκαῖον χρῆσθαι.

Quando viget morbus,
tunc victu tenuissimo neces-
se est uti.

Commentarius.

Sive separatim legatur hic Aphorif-
mus, siue præcedenti annectatur,
certum apud me est, ijsdem quibus il-
lud fundamētis inniti, postremamque
illius clausulam restringere: tantum
videlicet de victus tenuitate imminuen-
dum, quantò morbus extremis est mol-
lior, ita tamen ut in vigore: tenuissimè
alimus. Fundamentum prioris hoc fuit
Galeno docente. Quo tempore gravif-
simæ fiunt concitationes morborum,
& natura coctioni maxime est intenta
tenuissimo victu utendum est; vtrum-
que statim fit in peracutis, statim itaq;
tali victu uti par est. Eadem posita ma-

iori, vera erit hæc minor: sed vtrumque fit in vigore morbi, vnde infertur in vigore tenuissime^l alendum. Potest quoque prioris sententiæ, hæc statui fundamentum, morbis vigentibus tenuissime^l cibandum, in morbis ergo peracutis quandoquidem statim vigent statim tenuissime^l cibandum. Itaque vniuersalia priore est hæc sententia, vt pote^l quæ morbis omnibus competit, illa solis peracutis. Vltima porrò præcedētis Aphorismi particula docemur, in leuioribus affectibus à summa illa victus tenuitate deflectendum, quod ne cui aberrandi occasionem præberet, negat hic à principio ad finem procedere illam regulam, itavt plenius semper nutriamus, quandoquidem in alijs quoque affectibus quàm peracutis cum ad vigorem ventum est tenuissima conuenit victus forma. Imò verò (si Philotheo credimus) non solum in peracutis vel acutis dum vigent, tenuiter alere par est, sed & in diuturnis. Quamobrem si generalem & morbis omnibus communem statuamus huius Aphorismi sententiã, tenuissimi nomen non absolute^l accipiendum erit (vt volunt nonnulli) sed cōparatiue^l ad pro-

priam morbi cuiusque ideam. Aphorismi ratio à Symptomatum incremento sumitur, & morbificæ causæ coctione, vti dictum est; Et in ijs tantum locum habet in quibus salutem expectamus, desperati soli prognostico relinquuntur, ne infortunatus exitus, nostræ parcimoniæ imputetur. Denique intelligendus hic Aphorismus sub virium limitatione, de qua in præcedentibus egimus, & in sequentibus quoque sermo erit.

Quæstionum series & ratio.

Eiusdem subiecti repetita tractatio difficultatū causas imminuit, versatur hic etiamnum in victu præscribendo noster Hippocrates, de quo pluribus hætenus. Sed alteram eius indicationē profert, desumptam à vigore morbi, in cuius intellectum duplex instituta quæstio; Prima, quid & quotuplex sit vigor? Altera, an in vigore morbi victu tenuissimo semper utendum sit?



Quid & quotuplex sit vigor.

QVÆSTIO PRIMA.

Verbum ἀκμάζω quo in hoc Aphorismo vtitur noster Hippocrates, & vox ἀκμή quam in sequentibus vsurpat, vario apud probatos auctores Grammaticos, Philosophos, Medicos, capiuntur modo.

Ακμάζειν maturari significat, feruere, inualefcere, exacerbari, crescere, excellere, vigere. Atque aliàs ætatibus, aliàs plantis, aliàs anni tempestatibus, morbis aliàs, atque vt summatim dicam rebus omnibus aut propriè, aut Metaphoricè accommodatur.

*Lib. def.
Med.*

Ακμή eodem modo quandoque ea ætas Galeno dicitur quæ adolescentiæ succedit, in qua auctum perfectumque animal est. Quandoque pro summo cuiusque rei incremento, vigore, vehementia, robore, vi, acumine, statu, maturitate ponitur. Quorum omnium exempla congerere vt nullius difficultatis, sic nullius, meo iudicio, foret vtilitatis. Vtriusque vocis vim intellexisse operæ pretium fuit ad præsens institutum, sic enim eius de quo quæstio est natura clariùs innotescet.

Quanam modò ratione vtramque dictionem in his Aphorismis reddemus? Vt lubet

sanè: morborum vigori conueniunt præfatæ
 significationes omnes. Dicitur quidem sum-
 mum morbi incrementum, vehementia, vis,
 robur, vigor, acumen, symptomatum ratio-
 ne, quæ tum maximè increuere & vigent, &
 pungunt atque excruciant: vnde vehemen-
 tissimum totius morbi tempus Galeno ap-
 pellatur, & morbi maximum Symptoma.
 Et Plantius hæc nostri Aphorismi verba
 ὁρόταν δὲ ἀκμαΐζει τὸ νόσημα, ita latinè ex-
 pressit, quando morbi vis est maxima. Ἀκμή
 itaque summam morbi vim significat, sum-
 mumque incrementū. Non quod tum tem-
 poris semper fortior sit morbus, imò verò
 in ijs, qui seruari debent longè melior est
 quàm initio, vt potè concoctis humoribus,
 moxque ad expulsionem paratis, qui antea
 & crudi erant & rebelles. Quam ob causam
 dum inquit Hippocrates, in principio & fine
 morborum leuissima esse omnia, in statu
 autem vehementissima, ne sub omnium no-
 mine comprehendi putentur aut morbus,
 aut morbi causa, addit Galenus Symptoma-
 ta, febrium scilicet, accessiones, vigilias, do-
 lores, implacidam molestamque corporis
 iactationem, & afflictionem irrequietam, &
 sitim. Statum quoque significat & maturi-
 tatem apud Medicos, hæc dictio: statum qui-
 dem, quoniam vltius progredi non potest
 morbus, summa tum adeptus consistit, nec
 vltius adaugetur.

1. de cris. c.

1. 8. 8. 1.

Aph. com.

7.

Galen. 2.

Aphorif.

comm. 29.

30.

Quemadmodum enim & ipsi nos geniti ad vigorem vsque augetur, inde iam contabescere incipientes ad extremam vsque corruptionē declinamus, si omnes ætates percurrimus pari modo singuli morbi à prima sua constitutione ad statum vsque increscunt, dum pro augmenti prioris portione decrescant, & in totum dissoluantur.

Maturitatem verò significat propter coctionem quæ tum elaboratur maximè.

Quamquam verò his dictionibus omnibus promiscuè uti licet, latinis tamen scriptoribus, atque in genere Medicis communi loquendi consuetudine inualuit vigoris aut status appellatio. Et porro status siue vigor (ne ulterius immoremur in nomine) tertium totius morbi tempus, in quo Symptomata grauissimè inualescunt, nulla aut deprauata coctione apparente, aut perfectæ coctionis se se produnt indicia, aut Symptomata cum coctionis perfectæ notis ingrauescunt: tempus morbi in hac descriptione genus est principio, augmento, vigori & declinationi commune.

Ad aliorum differentiam tertium addidimus, nam mutuò eo se se ordine consequuntur tempora quem proposuimus.

Totius quoque particulam adiunximus, ut particularem statum ab vniuersali distinguere.

Quæ sequitur clausula (in quo symptomata grauissimè inualescunt, nulla aut de-

prauata coctione apparente) morbis lethali-
libus competit.

Huic proxima (aut perfectæ coctionis se
se produnt indicia) & solis & omnibus sa-
lutaribus propria est, eosque à mortiferis se-
iungit; quorum ascensus vigorque non vt
illorum in coctione, sed in cruditatis mor-
tiferisque signis consistit. Quemadmodum
enim colore laudabilis, consistentia medio-
cris vrina, quæ & nebulam habet, aut sus-
pensum, aut subsidentiam naturæ morbi con-
uenientem, vt optimè cocta est, ita quoque
salutem pollicetur: sic quæ & colore alba
est, & consistentia tenuis aquæ speciem re-
ferens, sine vllis contentis crudissima.

*libro de ra-
tione mor-
temp. C. 6.*

Quod si vel innatet, vel suspendatur, aut
subsideat nigri aliquid, maximèque si tota
turbida appareat lethalis est. Si pinguis sit
& oleacea, si foetida, si quæpiã farinæ cras-
siori, aut laminæ similia in ea conspiciantur,
mortem protendit. Communissima ergo cer-
tissimaque dignoscendi status cæterorum-
que temporum regula dum morbi solutionē
expectamus, à cruditatis & coctionis indi-
cijs petenda est. Morbi lethales toto quan-
doque decursu summam sine varietate vlla
præ se ferunt cruditatem. Aliàs ab initio
statim signa in excrementis perniciosissima
exhibent, quorum cum nulla appareat im-
mutatio, nulla quoque temporum ab his ha-
betur distinctio.

Ultima descriptionis pars (aut Sympto-

mata cum coctionis perfectæ notis ingrauescunt) salutaribus dumtaxat conuenit, non tamen omnibus sed ijs solum quorum materies aduicam expulsionem asseruatur. Cum paulatim soluitur affectio, sensim resudante vel erumpente materia, sæuiunt à principio statim aut in augmento symptomata, pacatiora fiunt in statu. Idem quoque euenit vt plurimum materia turgente. Rem si ita lubet Galeni exemplis declaremus in gratiam iuniorum.

*Gal. lib. de
toti⁹ mor-
bi tempo-
ribus c. 3.*

In pleuritide & Peripneumonia tenue sputum redditum principij indicium est: augmenti, cum aliquantulum crassescit. Status cum legitimam adeptum est crassitiem, quo tempore vt liberius exspuitur, ita & accidentia mitescunt. Eodem modo in lippitudine initio quidem tenuis humor & incoct⁹ plurimum defluit, tumque maximè vrget dolor, deinde paucior crassiorque notam aliquam coctionis accipiens: postmodum decrescente copia, consistentia verò ad crassitiem spectante coctionis augentur signa euanescentibus symptomatis. In humorù quoque è cerebro per palatum & nares defluxu, aquei primum tenues, copiosi & acres irruunt qui extremam denotant cruditatem: coctionis notæ iam sunt crassior & minùs acris modicusque humor depluens: In statu, tenuitate, acrimonia, plurimum imminutis, minuuntur & symptomata.

Verum aduersus ea quæ diximus graues

occurrunt dubitâdi rationes. In primis cum vigorem diximus tertium esse tempus: Videtur enim quandoque primum, cum primo statim insultu summam vim consequatur morbus, id quod de peracutis præcedenti Aphorismo audiuius, quos inquit Hippocrates statim extremos labores habere: Per statim intelligitur communiter morbi principium. Et hoc quidem in Apoplecticis & Epilepticis longè euidentius cernimus, qui mox vt inuaduntur summos experiuntur affectus, quos verè proinde dixeris à statu inchoare.

Præterea si perfecta in vigore concoctio, vnde tanta symptomatū atrocitas? si imperfecta vnde perfectæ coctionis notæ? Humorū certè acrimonia coctione mitigatur: qui antea contumaces erant atque efferati, coctione quandam cum natura familiaritatē ineunt, mediam inter laudabiles & prauos conditionem sortiti. Istud experientia quotidiana comprobât, Experientes practicos testes nomino, quam sæpè prodeuntibus absolutæ coctionis indicijs, nulla adhuc sensibili euacuatione, aut arte tentata, aut natura, tota morbi materia solitis etiamnum conceptaculis contenta atque coërcita, leuior nihilominus se ipso reddatur æger, cedant dolores, vigiliæ, sitis, aut plurimum saltem retundantur, cæteraque id genus Symptomata. Idem confirmant paulò antè allegata exempla.

*Lib de tot
morbi tēp.
Capite 4.*

Priori dubitationi satisfiet, si supponam⁹ cum Galeno morborum tempora aperte quandoque fecerni, quandoque obscure: Aliàs prorsus diù multumque ignorari. Aperte sanè in peracutis dignosci possunt, cū inter ipsa dierum aliquot spatium intereat, qua de causa per statim non intelligit præcedenti Aphorismo Galenus, neque interpretum quisquam, principium, aut primum morbi insultum, sed primos dies vsque ad quartum, aut paulò vltius, quod intervallum ad apertam dignotionem est satis. Obscurè distinguuntur cum ita breue est interstitium, vt animo id concipias potius quā re ipsa deprehendas, ita obscure (inquam) dignoscuntur, vt etiam reuera ignorentur quo ad sensum.

Quemadmodum autem in ijs qui truncantur capite, sectio (vt potè quæ tempore fit) aliquod habet & prius & posterius, ita quoque in Apoplexia temporum diuisio est quam mente quidem cōprehendas, sed quæ Medicos vsus nihil promoueat. Promoueret certè si dispositionis illius statum à qua istud symptoma oritur prænossemus, cuius & vigor, & augmentum, à primordijs non parum euariāt, Et hæc ea est dispositio quæ diu multumque antè latuit, quam suū proderet effectum. Ad secundum dico partim perfectam, partim imperfectam esse invigore concoctionem. Circa quod sciendum est putrefactionis & coctionis, & pote contrariorum

triorum, eandem esse rationem. Quemadmodum igitur quod putrescere aptum est, semper ad continua dispartitam continet caliditatem (vt cum Galeno loquar) cuius istud affert experimentū. cū in agro essem (inquit) conspexi excrementa iumentorum simul & columbarum quædam ex parte à sole adeò vehemēter calefacta vt instar fumi multam in sublime euaporationem mitterent, non parū mordacem & dolorificam: non tamen continuò is casus perdurabat, sed in die qui sequebatur quicquid ad summum feruoris peruenerat refrigerabatur: postmodum quod huic continuum erat dum prima pars quæ feruorem conceperat, in summo esset feruore, ipsum interim paulatim succensum, mox priori se feruore remittente iterū incalebat, atque efferuescebat, & quæ sequuntur. Vt ergo putredo humores putredini aptos sensim & successiue corripit; eodem modo coctio sensim & successiue in humoribus à calore perficitur, quare quo tempore circa coctionem maxime occupatur natura, in vigore scilicet, eius quod iam probe confectum est se se profertur notæ: eius verò quod tantum inchoatum est, quodque imperfectum vehementi agitatione casus ingrauescunt.

Nimirum tale quid morbis febrilibus accidit, quale in ijs quæ suppurantur inflammationibus. Illic cū generatur pus dolores præcipue contingunt & febres, extenta

*Gal. 1. de
diff. feb.
Capit. 5.*

*Galenus 1.
de Crisibus
cap. 18.*

Galenus. 3. simul & calfacta præter naturam particula,
Aphorism. & hîc quoque dum coctio fit humorum,
comm. 47. qui febrem accendunt, ab extensione vehemen-
 ti, & concitatione caloris similiter
 euadit.

Libro de Sic in Anaxione quantum ex prima illa
crisib⁹ ibi. crisi defecta relictum erat, hoc rursus effe-
 uescens in coctionis tempore, illam quæ an-
 tecessit secundam crisis, febrem generauit.
 Licet & aliter respondere, statum scilicet ha-
 bere latitudinem non exiguam quæ in plu-
 res secatur partes, principium, medium, &
 finem. In fine perfecta vt plurimum coctio
 est, in reliquis temporibus perficitur.

Quamobrem cum statum definimus ex
 perfectæ coctionis signis in vrinis apparen-
 tibus, vel de vltima status parte intelligen-
 dum est, vel perfectæ coctionis loco legen-
 dum, quæ perficitur, nam si imperfecta in
 humoribus coctio, vt potè quæ adhuc sup-
 ponitur in fieri, vnde perfectæ coctionis
 notæ in vrinis?

Tria ex dictis notanda, primum in feбри-
 bus, quemadmodum in tumoribus adaugeri
 febres, doloresque induci & symptomata ex
 quadam veluti ebullitione & exustione san-
 guinis, aut reliquorum humorum qui co-
 quantur. Alterum successiuè fieri coctio-
 nem, nec simul & semel omnes maturari par-
 tes, vnde postmodum ex reliquis, recidiuæ
 motus. Istud ex his Galeni verbis elicere
 vnusquisque potest. Quæ ex humore (inquit)

eltra inflammationem proficiscitur febris, in humore molestante, cruditatis tēpus principium pōnendum est: dum concoqui cōperit, principium finitur, & secundum tempus quod ascensum vocant succedit: At cū ipsa concoctio maximè fit vigor: Inde rursus declinatio, quaquidem & symptomatum magnitudo & humorum copia cessauit, restat verò in ea humorum adhuc modicum qui concoctionem requirunt. Ecce vt in vigore non simul humor omnis coquitur; sed nè totus quidem.

*Lib. de tot.
morb. temp.
porib⁹ c. 3.*

Tertium colligimus ex præfatis his verbis (& cum ipsa coctio maximè fit, vigor) nempe coctionem in vigore perfici, nondū omninò perfectam esse; Quare in vigore signa visuntur perfectæ coctionis, sed imperfecta, hoc est, nondum suis omnibus muneris absoluta. A potiori tamen fit denominatio, quam ob causam vigorem ex perfectæ coctionis signis definimus.

Neque obstant allata ex Galeno paulò ante exempla, in quibus absoluta, perfectæque coctionis indicia supponuntur. Istud in ijs solū valet affectibus, qui sensim vacatione soluuntur; in quibus ea dumtaxat prodeunt status tempore, quæ planè sunt concocta: quæ non omninò perfectè cocta, perficiuntur, sensimque vt perfectè cocta sunt, excernuntur.

Sic in pleuritide ad augmentum morbus conuertitur, cum pauca cocta expui incipiūt,

*1. de cris.
Capite 18.*

fitque ad statum vsque ad plura & meliora
 sputa progressus: In statu exquisitè cocta, &
 multa, & facilè educuntur: in declinatione
 similiter, at pauciora. Sensim quippè coctio
 fit, sensim euacuatione morbificæ causæ co-
 pia minuitur, eo semper quod paratius est
 ac magis elaboratum prius erumpente. Sic
 in externis abscessibus pus absolutissimum
 prodire ex vna parte videmus, ex altera in-
 coctum & imperfectum vi exprimi, sensim
 tamen at non simul vndequaque elaborari,
 elaboratum sponte naturæ separari: Quod
 verò separatur perfectæ coctionis specimen
 exhibet. In febribus eo ipso modo coctio fit
 quo in ijs quæ suppurantur inflammationi-
 bus, at non sensim vt in ijs coctorum eua-
 cuatio; cum igitur vrinæ partim ab absolu-
 tè coctis decidantur, partim ab ijs quorum
 perficitur coctio, non possunt non amborū
 simul notas proferre.

Signa itaque perfectæ coctionis proferunt,
 sed imperfecta, nisi fortè in extrema status
 parte, quæ declinationem proximè attingit.

Quoad alteram quæstionis partem attinet,
 duplicem vigorem statuimus: Alterum vni-
 uersalem de quo hætenus instituta oratio.
 Alterum particularem de quo in sequentibus.
 Vniuersalis, totius morbi tempus est: Parti-
 cularis, vnius accessionis solum. Vnius mor-
 bi vnus est vniuersalis status, plures particu-
 lares, vt plures sunt accessiones. Vniuersalis
 vigor quot habet circuitus, tot habet parti-

culares vigores: Illius à coctione, aut symptomatis, aut vtroque simul: huius à caloris motu, ac symptomatum vehementia petuntur notæ. Is morbis omnibus communis est: hic, illis tantum affectibus qui per circuitus recurrunt. Illud commune vtrique est quod sæuissimis plerūque torquent symptomatis.

Quare in vtrumque cadit deterrimi temporis appellatio.

Subdiuidere vniuersalem licet in eum qui symptomatum ferociam coniunctam habet cum perfectæ coctionis indicijs, & eum cui horum alterutrum deest, aut ferocia, aut coctio. Et hæc subdiuisio ad difficultatum quarundam enodationem, plurimosque vsus Medicos non inutilis.

An in vigore morbi victu tenuissimo semper vtendum?

QVÆSTIO SECVNDA.

ITa sentit noster Hippocrates hoc Aphorismo, apud quem in his potissimum breuibus sententijs suam habet Emphasim quæque dictio. Quorsum verò ἀναγκαῖον hoc est necesse dixisset in vigore morbi tenuissimam dietam seruare, nisi perpetuum id foret? Quorsum simpliciter, & indefinitè, cum indefinita oratio æquiualeat vniuersali. Ita

sentiendum confirmant Galeni rationes : si enim quo tempore natura coctioni maximè attenta est, distrahi alimentis non debet: si quo tempore Phlegmasiæ vrgent, & grauissima symptomata, proritanda non sunt accessione alimonix; natura illorum impetu validè perculsa & debilior reddita nouo quasi onere premenda non est, non opprimenda, in statu certè absurdum circa nutritionem occupari, quando vel illorum alterutrum, vel vtrumque simul obsistit.

Duplici ergo nomine cibus in statu detrahendus, morbi scilicet & virtutis ratione. Morbi, ne augeatur, & efferetur. Virtutis ne obruatur.

Addo morbum ex se, aut morbificā causam tantam quantam initio cibi copiā non permittere. Virtutem ad sui conseruationē minorem exposcere, vt potè quæ paulò post morbum sit euictura.

16. Metho-
di. 5.

At contrarium in Phlegmonarum curatione docet Galenus, præcipit in earū principio λεπτοτάτως διαίταν tenuissimè alere.

2. Acut.
§. 13.

Contrariū etiam in praxi obseruat Hippocrates dum in Pleuritide descendente illico purgationem exhibet, cuius operatione absoluta sorbitionem quidem eodem die imperat sed solito minorem, quoniam purgatione agitata & labefactata virtus tolerare alimoniam non potest, neque probè conficere nisi omninò pauca fuerit ac sequentibus diebus, hoc est in statu, illam sensim

adauger, liberaliorem perpetuò concedit. In statu (inquam) non enim putandum statim vt perfecta purgatio morborum ad declinationem venisse. Imò verò in quacunque pleuritide Ptisanam neque multam, neque crassam admodum circa initia exhibet, sed prodeunte sputo eandẽ auget. Hoc præceptum in febribus (quod minus ferendum videtur) sequutus Auicennas, ignorata febris natura subtiliandum regimen ad maiorem cautelam admonet: talis autem ignoratio in principio accidit.

2. Acut. 1.
21. & 25.

Libro 4.
feb. 1.

Quis verò in statu intermittentis tertianæ genus id vitæ præscripserit? Si tertianæ non conuenit, multò minus intermittenti conueniet quartanæ. Dices leues hosce affectus extrema non requirere; augeri victus tenuitatem circa magnitudinis morbi gradum. At quid de anaxione censebimus pleuritide laborante? An credibile est ipsum toto status tempore qui septem dierum fuit (nam à vigesimo septimo, ad trigessimum quartum perdurauit) tenuissimum victum præcepto Hippocratis obseruasse? Tenuissimũ inquam; exactè, hoc est omnimodam inediam, qualem intelligere dicimus Hippocratem cum de tenuissimo sine adiectione loquitur, vel certè melicratum. Pendet ex superioribus horum nodorum solutio quæ breuibus repeto ad faciliorem memoriam.

Dictum in primis potissimam victus indicationem ad vires pertinere, tantum in-

Galen us r.
Aphorif.
comm. 9.

dicationi à morbo sumptæ tribui quantum per ipsas licet; Itavt in ipso etiam vigore nutrire aliquando cogamur si casus irrepserit aliquis robur dissoluēs. Quemadmodum in Thoracis affectibus, in quibus crebra per tussim & expectorationem agitatione concussæ virtuti cibus potius quàm medicamentis consulendum.

Dictū prætereà diuersas vitæ formas iuxta morborum naturam & magnitudinem applicandas. Sic leuioribus, leuiora; mediocribus, mediocria; magnis, magna, extremis conueniunt extrema, positis debitis conditionibus.

Dictum tertio morbificam causam sensim quandoque excerni, aliàs confertim, totamque in vnam aliquam crisim siue expulsiōnem asseruari. Dum paulatim expellitur, vt in pleuritide, paulatim quoque progrediente morbo adaugenda alimonia, in vigore maximè coctionis quo plurima expuuntur, vt adaucta virtus inchoatum opus (excretionem intelligo) perfectè expleat. In cæteris propter allegatas initio rationes parcius offerenda.

Dictum quarto non accipiendum absolute tenuissimi vocabulum, itavt in quocunque morbo tenuissimum victum necessario iniungendum putemus, sed comparatè, ad cuiusque morbi naturam, hoc nimirū sensu. In vigore cuiuslibet morbi imperanda tenuissima illa vitæ regula quam ex propria

natura morbus exigit, potest quoque intelligi comparatiuè ad reliqua morbi tempora, hoc sensu; in vigore tenuissimè præ cæteris morbi temporibus nutriendum, suppositis præfatis conditionibus.

Addimus ipso morbi principio victum subtrahendum, in fluxionis metu; quam ob causam in Phlegmonarum principio tenuissimè alebat Galenus. Neque si crudioribus succis infarctus sit ventriculus, ante exhibendum quam vel sponte, vel artis beneficio isti descenderint.

His pro fundamento positis facilis argumentorum solutio. Galeno iam satisfactum est. Ad Hippocratem patet ex primo & tertio, & vltimo supposito. Responderi etiam potest victum adaugere Hippocratem, sed cum restrictione, nempe modo cessauerit dolor; Cessat autem penitus non in statu sed declinatione. Declinatio porro, si Symptomata spectemus, statim quandoque à venæ sectione, aut purgante Pharmaco in laterali morbo accidit: id quod ipso vacationis die, vel sequenti sæpe mihi licuit obseruasse. Ad didi (si Symptomata spectemus) nam coctionis habita ratione de temporū distinctione aliter iudicium feremus.

Gal. 1. de Crisibus capite 8.

Ad Auicennam dicimus, nusquam ipsi in mentem venisse initio quarumcunque febrium tenuem præscribere diætam, sed à solita & pleniore sanorum viuendi ratione recedere, ne materiæ morbificæ, ex congestione cru-

ditatum cumulus adderetur.

Ad argumentum de febribus intermittentibus satis esse possunt quæ secundo habentur supposito. Quanquam nihil obstat quò minus in eiusmodi affectibus interualli tempore etiam in vigore vniuersali copiosè nutriamus. Non enim prohibet morbus ut potè qui intermittit: non reuinit virtus ut quæ, intermissione recreata, liberius conficit alimentum.

Anaxioni verò non exactè tenuissimus victus imperatus est ab Hippocrate, sed is quem affectus ratio postulabat. Neque per tenuissimum, exactè tenuissimum intelligimus in hoc Aphorismo, uti docuimus.

3. *Methodi* 10. Discutienda hoc loco pulcherrima dubitatio, vnde hæc tenuissimi victus in vigore indicatio, si nihil indicat tempus? Recens vetusue vlcus nihil indicat (inquit Galenus) quanquam indicare videtur nonnullis, sed hi seipsos fallunt, non aliter quam in ijs quæ ad victus rationem spectant, cum aliam initij, aliam incrementi, aliam summi vigoris, aliam remissionis indicationem esse dicunt. Is ipse Thessalum his aggreditur verbis.

4. *Galenus* 4. *Methodi* 4. Ex diuturnis vlceribus quænam est, ô generosissime Thessale indicatio? Ego sane non ex his, neq; ex recētib⁹, neq; omninò à tēpore in vlllo morbo curationē vnquam inueni, sed ex ipso quem sanandū mihi proposui affectu.

Prorsus enim si tempus spectabitur tanquam ab eo indicatio sumatur, alteram se

eundus, alteram dies tertius indicationem suggeret: ad eundem modum & quartus, alteram à quinto. Et ab his omnibus sextus, & à reliquis qui sequuntur singuli.

Respondemus nos, nullam à tēpore aut curationis aut victus indicationem peti, sed ab affectu ipso, cuius à tempore sumuntur indicia. Tria enim hæc se se mutuò consequuntur signum, affectio, curatio. In inueteratis ergò vlceribus vitiosi succi signum est diurnitas: affectus: succi vitium; curatio, eiusdem expulsio. Veteres secundo prætermisso tertium plerumque subiiciunt. Sic iubet Hippocrates, ab inueteratis vlceribus sanguinem effluere assiduè sinamus, utcunque id oportunū videbitur, non utique curationem indicante vetustate, sed sanguinis vitio, à quo prohibetur ne vlcera sanescant.

*Galenus 4.
Methodi 5.*

Eodem modo & principium & augmentum, & vigor, & declinatio morbi constitutionem & mutationem designant, ab hoc statu & mutatione diuersa oritur victus intentio.

Statuimus ergò (vt rem totā pauca conferamus) in vigore tenuissimè cibandum, habita ratione virium & morbi à quibus hæc victus procedit intentio, non à tēpore. Tempus solum denotat veri indicantis conditionem. Itaque in diuturnis morbis copiosior erit in vigore alimonia, quam in breuibus, non quod diurnitas aut breuitas ex se quic-

quam immutent, sed statum virtutis futurum designant. diuturnitas quidem indicio est facultatem tanto tempore sine cibo subsistere non posse. Cibus ergo offerendus facultatis ratione, etiamsi contra indicet morbus. E contrario magnitudo morbi summa in vigore, tenuissimum postulat victum; eiusdem vigoris breuitas indicio est tantillo tempore persistere, virtutem integrā posse absque alimento, quare breuitas signū est virtutis constantis, virtus constans abstinentiam illam perfert & permittit.





Συντεκμαίρεσθαι, δε χρὴ καὶ τὸν νοσέοντα ἢ
ἐξαρκέσει τῇ διαίτῃ πρὸς τὴν ἀκμὴν τῆς νῆσθ,
καὶ πότερον ἐκείνος ἀπαυδύσει πρότερον, καὶ ἢ
ἐξαρκέσει τῇ διαίτῃ : ἢ νῆσθ πρότερον ἀπαυ-
δύσει καὶ ἀμβλυεῖται.

Conijcere autem oportet
nunquid æger cum tali victu
ad vigorem morbi sufficiat, &
nunquid deficiat prius, nec
possit cum tali diætâ persistere,
an prius desistat morbus &
retundatur.

Commentarius.

DOcuimus hæten⁹ victus indicatio-
nem à duobus peti, morbo scilicet
& viribus. De morbo in præcedētibus;
de viribus hoc dicemus Aphorismo.
Virium quidem prima potissimaque in

constituendo victu habenda ratio, vt pote^r quarum gratia is instituitur: tantum itaque de intētiōe à morbo sumpta remittendum est, quantum ipsæ adhortatur, tantum cibi indulgendum, quantum ipsæ exposculant, ne prius, cū ipsis vita deficiat quàm morbus obtundatur. Potest autē hic Aphorismus ad septimum referri; itavt alterā eius partem expleat, hoc sensu: non modò ab extrema victus tenuitate recedendum ea proportione, qua morbi magnitudo & vigor recedunt ab extremis, sed & vires quoque æstimandæ, pro quarum modulo alimonix modus imponendus. Potest quoque cum præcedente coniungi vnamque hanc sententiam efficere: in vigore quidem tenuissimo semper vtendum est victu si morbū spectemus, verum obstat quandoque naturæ vis quæ nisi alimento instauretur, effœta iacet, & elanguida prius quàm morbus profligetur. Vtramque interpretationem admittimus tanquam vtilem & consentaneam: vtraque est ad mentem Galeni. Posteriores quidem hæc illius verba continent: nutrire aliquando cogimus in ipso morbi statu, si casus interuenerit aliquis naturæ robur

dissoluens. Priorem illa: cùm ita robusta virtus fuerit, vt speremus perdurare ipsam posse toto intermedio tempore ad summum vsque vigorem morbi, exquisitam habebimus declinationis quantitatem. Vtramque igitur amplexi cōmode sic Aphorismum interpretamur. Si quando animaduertat Medicus cum præscripta victus regula non posse ægrotum ad vigorem & in vigore subsistere, tantum indulgeat, quantum exposcunt vires ne prius cum ipsis fatiscat anima, quàm morbus.

Huic interpretationi famulatur præpositio illa *πρὸς*, quæ cum accusatiuo iuncta ad, apud, erga, circa, sub, ante, versus, in, cum motu, & sine motu significat. Quarum significationum nullo in præsentia ab intento nostri Hippocratis, vti nec à veritate aliena.

Questionum series & ratio.

Noua hîc proponitur victus intentio, à virtute desumpta, quam ob causam toti circa virtutis contemplationem versamur.

Querimus primum quid sit virtus, seu

Secundò, quot sint facultates principes, nam de alijs non loquitur Aphorismus.

Tertiò, de qua facultate sit audiendus.

Quartò facultatum principum indicia declarantur.

Vltimò (cùm coniiciendum moneat Hippocrates, utrùm conuenientem dietam possit nec ne integra virtus perferre) vnde petenda sit futura virtutis coniectura copiose demonstratur.

Quid sit facultas?

QVÆSTIO PRIMA.

CVM hîc & alibi sæpè facultatis sit mētio, imò verò cùm nihil in omni medicina adeò tritum sit & familiare quam facultatis commemoratio, siue de victu, siue de euacuationibus loquamur, aut cœteris actionibus Medicis, operæ pretium est quid hoc nomine intelligamus; An vni dumtaxat, an pluribus illud conueniat: cui in præsentia applicari debeat aperire.

Circa primum nonnulla facilioris doctrinæ gratia delibanda, illud in primis facultatem, potentiam, robur, vim, virtutem, naturam, ἡ quὸ δύναμις, πῶς ἴστω, ἀπελλῶ, φύσιν & si quæ alia id genus græcis aut latinis vñitata vocabula, promiscuè apud Medicos pro synoni-

Synonimis vsurpari.

At non vno tamen semper capiuntur modo, ad diuersa vnumquodque extenditur. Aliàs enim præcisè dicunt animæ aptitudinē ad operandum: Aliàs solam notant instrumenti dispositionem: Aliàs vtrūque simul connotant: nōnunquam etiam actus & operationes sua significatione includunt.

Rem clariùs explico. In omni actione tria hæc sese mutuò consequuntur, essentia, virtus, actio: virtutem quippe sequitur actio, virtus essentiam: essentiæ quidem primariò debetur operatio, verum cum operari immediatè ipsa non possit, neque tot tamque varios effectus producere vna & eadem persistens, quot & quàm varios promit simplex rationalis anima, multis se facultatibus & potentijs fundit atque ostentat.

Haud secùs ac pomū, quod reuerà vnum (vt Ferneliano vtat exemplo) varias spargit qualitates, odorem, saporem, & colorem: itaque dum vna animæ essentia complura de se profert opera, varias in hæc facultates accommodat, vt sit sua cuiusque operis facultas, neque sint vnius & eiusdem facultatis opera diuersa. Porro facultas ipsa non nisi in subiecto legitimè disposito, vim suā prodat, non enim si videndi potentiam calcaneo inesse fateamur, ideo videre calcaneum inferemus, nisi adesse pariter illic videndi instrumentum demonstretur.

Quamobrem duo in potentia considerāda

*Libro 5.
physiologia
Capite 2.
Gal 1. de
facultat.
natural.
Capite 4.*

Alterum ex parte materiæ, alterum ex parte formæ. Ex parte formæ est habilitas ad agendum: ex parte materiæ est dispositio idonea quæ sita est in temperamento similariū partium, & debita organorum conformatione. Exempli gratia in potentia visiva ex parte corporis est receptio specierum quæ talē oculi temperiem, & conformationem requirit. Ex parte animæ est habilitas ad videndū.

Item in irascibili ex parte animæ est aptitudo ad irascendum, ex parte corporis feruor sanguinis circa cor. Vtrique parti nomen potentiæ commune est, quatenus ab utraque habet aliquid, primariò tamen & principaliter animæ tribuitur, quoniam primariò illam habilitatē dicit ab anima emanentem, & secundariò instrumenti dispositionem. Ambo hæc quandoque seorsim, quædoque, simul sumpta facultates nuncupamus.

Facultatem verò cum necessariò supponat actio (huius enim illa est causa) facultatis nomine ipsam cum facultate actionem nonnunquam compræhendimus, ex consequenti operationes quoque primò & per se animæ tribuimus, corpori secundariò ac instrumentaliter.

Notandum denique animæ partem & potentiam à grauissimis auctoribus plerumque confundi. Aristoteles ipse nobis aliàs distinctioris doctrinæ parens, appetituum & vegetatiuum quandoque partem animæ vocat,

quandoque potentiam. Ne quis ab huiusmodi confusione serpat error, tria hæc speciem, partem, & facultatem sic inuicem distinguimus. Speciem appellamus ipsam animæ substantiam spectatam in ordine ad suum genus, quomodo tres animæ species sub comuni genere collocamus, vegetatiuam, sensitiuam, & rationalem. Pars à specie re ipsa non discrepat, nam vegetatiuam & sensitiuam quas species constituimus, partes hominis dicim⁹, vt relationē includunt ad animam rationalem cum qua simul vnicā animam completā efficiunt, quo modo pars relationē includit ad aliam partem cum qua totum construit. Potentia ab his eo diuersa est modo, quo substantia ab accidente, & subiectum à suis proprietatibus, est enim nihil aliud quàm aptitudo quædam à substantia deriuans & profluens qua ipsa ad operationem ordinatur. Triplicē facultatis à parte differentiam assignat doctissimus Fernelius. Quod illa possit ab animæ substantia seiungi atq; discludi, pars nulla queat separari quin tota simul anima disperdita soluatur.

Facultas quamuis ingenita sit, animæ tamen accidit & inhæret; pars animæ essentia est, & quædam illius ceu portio: hæc seorsim constituta aut in stirpibus aut in belluis consistit, illa disiecta nunquam constitit, citra animæ ex qua pēdet adhæsiōē Hætenus Fernelius. Cuius secundam tertiamque distinctionem nullus fortasse non admiserit,

s. Physilogia c. 2.

sed quod in prima affirmari videtur, potentias sine anima esse posse, aut ipsam sine potentijs constāter negarit. Est enim inter essentiam & eius proprietates & passiones necessaria connexio. Animæ verò ita propriæ sunt facultates (ipso Fernelio teste) ita infixæ atque intestinæ, ut plerisque pro illius essentia putentur. Neque valet quod de augescēdi facultate in contrarium assertur, nusquam aboletur illa, aut intercidit post vigorem annis confirmatum, remanet simul cū anima viridi ætate constans, neque exitum habet in ætate: eius tamen actio nulla est reluctāte solidarum partium siccitate, quæ vltiorem extensionem non patitur; sic in Hypochymate, in obstructione nerui optici, in extremo senio confectis, integra remanet facultas visiva corrupto aut deprauato videndi instrumento. Animalia quoque ex putri materia genita, & quæ ex collatis diuersorum generum seminibus emergunt sterile semen edunt & minimè fœcundum non facultatis procreatricis, sed partium id opus perficientium vitio: Quemadmodum neque in homine si coire nequeat, coitus impotentiam in facultatis quæ ab anima pendet defectum referemus, sed culpam in corporis dispositione perquiremus. Neque putet quisquam aliter Ferneliū sensisse, suam ille sententiam disertè explicat, sequenti capite his verbis; persistit vna quidem facultatum substantia in diem vitæ supremum.

neque à suis illa viribus manet destituta: quorsum enim genito animali atque edito debeat procreandi vis perire? Quid illam sustulerit? Verùm quoniam prima illa seminis natura, quò vires suas exprimat, idoneo corporis alicuius & caloris adminiculo indiget, citra cuius opem ne minimum quicquam efficere potest, cùm certè aut mutila erit & violata corporis integritas, aut ad effectiorem materia deficiet, tum illa vacabit finemque constituet operi. Facultatis ergò nomine in allegata distinctione non ipsam habilitatem, siue aptitudinem intelligit, quam ab animæ substantia negat hic segregari posse, sed dispositionem corporis siue instrumenti, iuxta secundam à nobis antea propositam acceptionem.

Circa quod illud hoc loco præmittendum non est, quod quamvis facultatis appellatio propriè & primariò potestati illi debeatur, quæ in anima est, & quam ipsa velut è sinu suo promit, nihilominus à Medicis communiter Galeno duce temperamento defertur: altioris illa est speculationis, nec ad Medicos vsus conferre quicquam potest: ab hac intentiones tuendæ, instaurandæque valetudini necessaria de promuntur. At nos illam tamen utroque modo definiamus.

Philosophicè primum facultas animæ est qualitas de secunda specie quam anima de se promit ad munerum functiones.

Evidens est hæc definitio ex antedictis. Vni-

ca se se offert extricāda difficultas, quorsum ad obeunda munia has de se anima eliciat facultates? Quorsum inter animā & operationes medium istud adsciscamus? Quidni ut facultates sic & operationes immediatē possint ab anima proficisci?

Plexum hunc satis alioquin inuolutum atque intricatum breuibus expedio, volensque & lubens admitto, nihil implicare quō minus concedatur animam immediatē suas posse actiones exercere, si supponamus suas ipsam facultates producere siue per veram & realem efficientiam (ut nonnulli autumant) siue per emanationem quandam & resultationem ut alij explicant: par utrobique fuerit ratio, aget ipsa utrobique immediatē quod substantiæ creatæ minime cōcedimus. Quam obrem rationi magis consentaneum videtur. Negare animam verum & proprium efficiens suarum potentiarū esse; simul enim vna eademque actione à generante siue procreante animam, congenerantur potentia; eiusdem est dare esse & sequentia adesse; accessorium sequitur principale, generanti ergo vera facultatum efficientia accepta referenda.

Non igitur (inquies) virtutem de se promittit anima quemadmodum in definitione asseritur, Promittit certē, idque dupliciter, primum via generationis quatenus hæc illarum est principium effectiuū non propriē quidem & directē, sed per modum cuiusdam deter-

minationis, quatenus scilicet anima caussa est vt potentia fiant ordine quodam & necessaria connexion: nequit enim agentis virtus attingere passionem nisi medio subiecto, nequit passionem efficere, nisi pariter efficiendo subiectum. Secundo via actionis potentias de se vt de subiecto promittit anima, easque ad operationem profert atque excitat. Medicè definiri facultas solet actionis causa in temperie consistens naturali.

Dicitur primum actionis causa, illā enim supponit, ad illā refertur actio: & quemadmodum opera ab aliqua procedunt actione, sic hāc omninò aliqua præcedit causa, quam proinde à faciendo facultatem nominamus. dicitur secundò in temperie consistens naturali, quoniam facultatem essentiā in commo singularum partium temperamento posuit Galenus: nam tum demum (inquit) suū quæque munus obit strenue vbi est temperatissima; malè è cōtrariò suas vices explet cum intemperata. Hic temperatissimi nomine, æqualem in omnibus qualitatibus moderationem, siue temperiem ad pondus nolim intelligi, neque per intemperatum qualitatis alicuius excessum: sua namque singulis partibus temperies est legitima & propria quæ à medio recedit, talisque ad debita munia ritè peragēda idonea est ac necessaria, quā ideò ad iustitiam vocamus.

*i. de præ-
sag. ex
puls. 1. 4.*

Cerebrum verbi gratia frigidum est natura sua, hepar calidum, cæteræ partes quali-

tatis alicuius dominium sunt sortitæ temperatæ tamen æstimantur, & temperatissimæ, cum propriam hanc & naturalem qualitatem retinent inculpatam, non adauctâ, non imminutam: naturalis proinde vocem definitioni adiunximus.

Quæsierit fortè quispiam cur temperiem solam facultatem vocemus? Quidni iustam partium conformationẽ hoc eodem nomine donemus, cum ab utroque dependeat actio? Respondeo temperiem esse principium principale ut quo: conformationem instrumentale tantum. Temperiem quidem ut corporis formam, aut quid ad illam proximè accedens agnouere & Hippocrates & Galenus, hæc proinde ad actiones corpore uti volunt suis organis distincto atque composito velut instrumento. Circa primum quæsitum hæc satis, nunc principum facultatũ numerum expendamus.

Quot sint facultates principes.

QVÆSTIO SECVNDA.

TRes esse facultates principes essentia, sede, instrumētis, fine & operationibus distinctas ita receptum communi Medicorum ferè omnium consensione video, ut facile lōgiori probatione supersedendum duxerim, maximè cum (ut inquit Celsus) abij-

ciendæ sint rationes, vbi experientia testimonium præbet Medicinæ, nisi me summorum quorumdā Philosophorum auctoritas à sententia reuocaret.

Aristoteles primus à veteri sui præceptoris disciplina defecit, cæterosque postmodum suæ doctrinæ sectatores Medicos etiā nonnullos traxit in errorem. Vt enim facultatem naturalem & animale[m] falsò in corde collocavit, sic vitalem (quæ sola huius est propria) vel tanquam nullā, vel vti ab alijs minimè seiugatam prætermisit: Cor quidem caloris & vitæ fontem constituit, ab hoc vtrumque in omne corpus effundi asserit & emanare; Hoc ipsum ideo primum viuere, & vltimum emori: verum nullam in calore illo vitali facultatem agnoscit à naturali diuersam, vitamque in nutritione & augmentatione colligit. Tamdiu enim superstes est vita, quamdiu nutritio persistit, tamdiu perseverat nutritio, quādiu viuificus ille calor alimentum conficit, cæteraque vitæ munia perficit.

Ab eodem igitur principio calor, vita & nutritio deriuatur. Iam vt à corde vita & nutritio, sic animales quoque profluunt actiones: nam cum animal qua animal est vita fruatur, à quo principio animal est, ab eo vitam quoque habeat necesse est. Ab vnico ergo principio binæ illæ facultates, quibus referri debent acceptæ illæ functiones, quas vitali tribuit vulgus Medicorum generatio quippe

*s. de ani-
ma text. 3*

spirituum & coctio ad potentiam nutritiam pertinent. Ipsi deseruiunt non minùs quàm sanguinis in hepate generatio, eiusque per omne corpus diffusio, Pulsus ad motuam reducitur, imò verò ad nutritiuā, non secùs atque expulsio & attractio. Respiratio ad caloris euentilationem, & spirituum productionem adinuenta, virtute animali absoluitur: eodem modo sub vtraque aut alterutra vitalis potentia continetur: talis Peripateticorum opinio.

*Auerrho-
es 2. collig.
Capite 7.*

Nos veriorem sententiam sequuti, iudicio sensuum firmiùs certiùsque quàm apparente rationum probatione stabiliti constanter asseueramus, tres in perfectis animalibus principes partes constitui, à quibus in reliquum corpus vis quædam peculiaris & cuique propria, obeundis actionibus necessaria dispertitur. Illæ sunt cerebrum, cor, & iecur. Ab illo virtus animalis exoritur, ab altero vitalis, ab hoc denique naturalis. Cerebrum animalem spiritum in quo sentiendi mouendique vis inest reliquis partibus impertit: cor vitalem, natiui caloris atque ab eo vitæ fomité: iecur naturalem vna cum sanguine nutritionis materiā atque effectricem causam. Harum facultatum ab animatis substantiæ primordijs orta necessitas, quæ cum fluxa sit, mutuòque contrariorum ex quibus componitur dissidio & conflictu continuò dissoluatur, tot tamque diuersis actionibus in horas in momenta dies noctes-

que absumatur, extremis etiam iniurijs operita sensim sine sensu in auras evanescat, ac pæne corrumpatur, assidue reparetur necesse est, nouaq; in effluxæ locum succrescat. Cibis propterea & potionibus indigem⁹. Verum cum in tanta tæque multiplici ad hunc usum à naturæ opifice comparata materia delectus aliquis requiratur, & nocui ab innocuo, laudati ab illaudato, pestiferi & exitialis à benigno & salutari secretio, sensus in subsidium venere. Sed neque irruentium in nos contrariorum occursum effugere, neque familiaria longius dissita consecrari licuisset, nisi mouendi potestas vtrique muneri satisfecisset. Et hic quidem potetia animalis ortus. Iam verò quorsum opipare instructæ mensæ? Quorsum tanta industria conquistæ dapes? Nisi in ventriculo primum elaboratæ, postmodum in iecore in sanguinem versæ, mox in vniuersum corpus pro conuenienti alimonia ferantur? Hic naturalis facultatis ortus. Denique cum non nisi in viuenti corpore illæ expleantur functiones, neque vita vt nec vlla viuentis actio sine insito & naturali calore tantillum subsistat, neque natius ipse calor totus euavidus & fluxilis, tam variè occupatus atque implicitus diu sufficiat & duret, adscititio certè opus habet cui⁹ adminiculo fulciatur atque sustentetur; Quam ob causam vitalem spiritum cor assidue fabricatur, illumque quaquaversum per singula membra transfundit. Hic vitalis ortus.

Tres ergo primariæ animæ facultates locis
essentia, operationibus & vñibus disiunctæ,
mutua tamen conspiratione vsque adeò in-
ter se connexæ vt alterius operam altera ne-
cessariò exposcat. Animalì vitalique mate-
riam suppeditat naturalis, animalì item vi-
talis, ac prætereá vtramque calore benefico
ruetur ac fouet, ac ad opus excitat, & natiuū
earum calidū à dissolutione vindicat. Vitali
respirationis motum præbet animalis, cuius
beneficio intromissus aër illius æstū attem-
perat, nouumque spiritibus pabulum sufficit
eisdemque depulsa fuligine depurat. Eadem
naturali quoque externum alimentū quæ-
rit, seligit, præperat, offert, ingerit.

Quæret studiosus aliquis si necessariam
confert operā naturali facultati vitalis, cur
hanc plantis aut etiam ζωότοις (quæ non-
nulli Græcorum imitatione plātanimes vo-
cant) cur insectis natura denegauit? stirpium
quidē paucae sunt & rudes actiones, suis illæ
radicibus defixæ amicum ab ambiente terra,
at impurum, crassum, & lutulētum succum
proliciunt, quo alātur: in crassa & terrestri
materia fundatus calor otiosus, nec citò nec
facile dissipatur: quis tum igitur cordis vsus?
At animalibus imperfectis cordis gerentem
vices partem tribuit Aristoteles, ne à sua de
cordis principatu opinione deflectere, coge-
retur: frustra tamē meo iudicio, non enim
ab ea parte, diuulsæ reliquæ vitam & mo-
rum tamdiu tutarentur. Toto ergo corpore

fusus est æqualiter illorum calor, isque sic exiguus, ut cum non magna fiat eius efflatio, peculiari ad sui conseruationem reparationemque virtute non egeat. Perfectorum animantium valida & multiformi actione calor exoluitur, multum proinde & validum omnino aduentitij caloris affluxum ad sui tutelam & restaurationem exigit.

Harum porro facultatum distinctionem manifestè cōuincunt tum partium quibus illæ insidēt constructio: tum instrumentorum exortus, quibus quasi per tubos in vniuersa membra deferuntur, tum particularis virtutis cuiusque offensio: illæsis cæteris, tum medendi Methodus, quæ ut varia debetur varijs affectibus, ita quoque varijs partibus applicatur quarum sunt læsæ actiones. Breuib. si lubet expendamus singula, de constructione dicamus primum. Quorsum tale fabrefactum à natura iecoris parenchyma, quale in anatome visitur? Quorsum circumpositæ vndequaque præparando defecandoque alimēto partes? Hæ ipsæ diaphragmate quasi vallo quodam septæ, & à spiritalibus secluse? Frustrane hic apparatus? Aut si ad peculiare munus aliquod, nunquid mediante particulari aliqua facultate? Idem de corde & cerebro iudicium esto, suis enim vtrumque distinctum conclusumque terminis, sua cuiusque propria substantia & conformatio, sui sinus, sibi vtrò citroque auxiliarias ambo & famulantes obtinent partes.

Fictitia verò illa ductuum propago à Peripateticis excogitata, qua venas, arterias & nervos quemadmodū & facultates ipsas à corde nasci comminiscuntur, fideli Anatomes inspectione pridem explosa est, tandemque conclusum, cum à iecore venas, à corde arterias, à cerebro nervos oriri sensus ministerioprehendatur, in iisdem à quibus hæc ducta principijs facultates inhærere. Quod amplius suæ sunt cuique facultati propriæ & peculiare læsiones (quod modò probandum suscepimus) sua læsionum iudicia, sua remedia parti propriæ destinataque admo- uenda. Vitalis potentiæ debilitatem aut robur ex pulsibus vñamur: naturalis recrementis singularum coctionum: animalis ex motu & sensu. Horum quodlibet defectū aliquem aut mutationem in ea vnde exoritur parte indicat, cæteris pristinū rithmum seruantibus. Læsionum eadem ratio sui cuique particulares affectus affectasque proprii peculiarisque principij indices. Naturalis potentiæ vitium Atrophiam inducit, aliàs Hydropem, aliàs Cachexiam, aliàs alia incommoda, integris etiamnum vitali & animali, aut non valde offensis. Sensu motuque priuata membra non illicò vita priuantur & contabescunt. Afficitur in peste vis cordis, reliquis nondum afflictatis. Grauior tamen vnius offensio subsistere diū cæteris intactis minimè potest; Vnius interitus cæteras mox in consensionem trahit, vitalis maxime si

quando offendatur, eius vsu carere cœteræ & orbari pœnitùs tantillo tempore vix queunt. Iam modò vt in Lypothymia afflictionem in corde agnoscimus, eademque roborando confirmandoque præsidia adhibemus, sic omninò in Atrophia vniuersali iecur intuemur; In læsa memoria, cœterisque sensibus interioribus deprauatis cerebrum. Quàmquam aliarum partium communione labes inducatur. Vtergò ex vitiata actione partem affectâ discernim⁹ & curamus, ita sanè cuiuslibet actionis effectricem facultatem in ea ipsa parte tanquam in arce propria collocamus.

Neque est quod nobis obstrepant Peripatetici, suisque nos argutijs à sensuum fide distrahant: falsum est quod illi adstruunt, spirituum vitalium generationem, eorumque per corpus diffusionem ad altricem vim pertinere, nec non & motum pulsus eodem referri, quo expultricis & attractricis actiones: hæc vitalis facultatis opera ad nutritionem non ordinantur, & diuersa postulant instrumenta. Ad nutritionem non referri ex eo patet, quod diximus corrumpi quandoque in vna parte nutriendi potentiam, superstitè vitali (aduertant interim lectores Medicè nos potentia nomen vsurpare) diuersa esse instrumenta, diuersumque operationis modum docet *ἀντροψία*. Eundem pulsus motum virtuti motiuæ subijcere, hominis est à ratione alieni. Age si lubet simul vtramque virtutem conferamus: motrix ap-

petitu quodam & cognitione pro arbitrio
cietur: Pulsifica, nulla cognitione impellitur,
tota pendet à natura, neque ad libitum pro-
hiberi, retardari, aut cohiberi potest. Illa
compræhenso per somnum cerebro feriat
opere fatigata: hæc nulla agitatione fatiscit,
nunquam facta officij intermissione conqui-
escit. Illius finis sequela est & fuga: huius,
caloris euentilatio, & spirituum vitaliū dif-
fusio. Denique illa in vermiculis alijsque in-
fectis perfectè reperitur; Hæc non nisi in
animalibus perfectioribus, respiratio verò in
nostra est potestate, & musculorum benefi-
cio completur, quamobrem effectiue ad fa-
cultatē pertinet animalē, finaliter ad vitalem.

Sub vitali demum animalē contineri malè
colligitur, ab Aristotelicis hoc argumento
superiùs allegato: animal quia animal est vi-
uit, ergò à quo habet vt viuat, ab eodē ha-
bet vt sit animal, primum habet à potentia
vitali, ergò & alterum. Rectè forsan colli-
geretur si primò & per se vitam acciperet
à potentia vitali, non autem ab anima quæ
est actus primus, hoc est vita ipsa: ab illa
secundario tantum vitam habet, & quoad
actum secundum ad quem potentiæ per se
ordinantur: hunc actum animalia imper-
fecta non obtinent, quibus animalis defini-
tio negari non debet: ex vna itaque perpe-
ram infertur altera. Sed nunc relictis Philo-
sophicis concertationibus, eò deueniamus
cuius gratia hæc suscepta disputatio.

*De qua facultate audiendus sit
hic Aphorismus.*

QVAESTIO TERTIA.

DE virtute potissimum naturali & vitali difficultas est ad utram victus indicatio sit referenda.

Ad naturalem hanc indicationem pertinere his rationibus persuaderi potest. Ab ea facultate victus indicatur, quæ circa alimoniam versatur, cum igitur nutritiva, quæ sub naturali continetur, Medicorum omnium suffragio tota sit in alimenti coctione, distributione, transmutatione posita, ad ipsam victus indicatio spectabit. Quæ longo tempore extenuantur corpora lente reficere oportet, quæ verò breui breuiter, inquit Hippocrates, limitando refectionis modum ab extenuationis modo; quamobrem refectionis quoque indicationem ab extenuatione desumit, & merito. Ecquis enim alius obsecro nutrimenti usus, nisi ut dissoluta substantia nouæ adiectione reparetur? Adijci hæc nequit, nisi immutetur: neque etiam immutari, nisi debito prius modo apparatus, parte nutriendæ apponatur: Hæc altricis sunt munia, ergo & eiusdem victus indicatio. An verò cum subtrahendum in vigore morbi cibum sæpius inculcat cum Hippocrate Galenus,

2. Aphor.

ne naturā auoces à causā morbificā coctione, aliam naturam intelligit quā altricem? quæ vt laudabiles succos concoquit quò in viuentis substantiam abeant, sic prauos & extraneos coctione quadam quò nocere desinant mitiores efficit, moxque suo imperio addictos à probatis segregat & excludit. Quid plura? nunquid victum exposcit per se primariò virtus illa quæ, aut sola, aut præcipuè, aut primariò, & immediatè malè ab inedia afficitur? Hæc inediæ tribuit Galenus, quod eliquet carnes succos biliosiores amarioresque & prauiores reddat, atque corrumpat, alui ac interdum vrinæ suppressionem inducat, excrementa omnia acriora faciat & maligniora, frequentes cordis morsus, vigilias, & inquietudines inferat. Virtutis equidem naturalis vitium est eliquatio carniū, & Atrophia: eiusdem quoque est humorum procreatio, acrium attemperatio, corruptorum separatio, excrementorum depulsio; quæ contrario modo accidunt, quicunque in his error, ipsius annumeratur culpæ. Vigiliæ, cordis morsus, inquietudines, quæ animalis partis sunt passionēs vt potè à sensibus natæ, ab inedia per se, immediatè nō obtingunt, sed mediantibus acribus illis & malignis succis quos naturalis facultatis offensio & impotentia efferari finit.

Valida sese offerunt alia ex parte argumenta quibus concluditur vitali potentiæ victus indicationem deberi. Virium indica-

*Libro ad-
uers. Era-
sist. Capite
4. & ad-
uers. Era-
sistrataos
capite 2.*

tionem vitalem vocat Galenus, ut quæ ad vitæ custodiam pertinet nam neque ut valeamus, neque ut à morbis vindicemur, ab ea quicquam primum accipimus, sed ut vivamus. Eius ergo facultatis est hæc indicatio, cuius est tutela vitæ: Amplius id probat alimenti finis à nobis paulò ante constitutus, nempe ut quod à corpore effluit resarciatur: quid autem tam fluxile, quam vitalis spiritus? tum caloris, tum tenuitatis, tum agitationis ratione, tum actionum sine intermissione frequentia continuo auolat, & evanescit? At instaurari absque nutritionis ministerio non potest, nutritio itaque primario intenditur ab ista potentia cuius est instrumentum. Dices hinc haberi Aristotelis intentum quod nuper refellimus, si enim ad vitalem primario & per se nutritio terminatur, ad illam referetur quoque potentia naturalis, illi hæc erit ministra. Sin hæc ab illa quiditate & essentia seiuncta est, suam ad opus proprium per se primario conferet actionem, ad alienum, secundario. Ad huius nodi solutionem fatendum est, altricem vim per se primò ad nutritionem ordinari: quid enim aliud per se primò ab altrice intenditur, quam ut alimentum in aliti substantiâ conuertatur? Hæc porro conuersio formaliter nutritio est. Sed dirigitur præterea ad vitalium spirituum procreationem quibus materiem suppetit: Secundario quidem si in se consideretur: verum ex intentione Medici primario, quan-

9. Methodi
Capite 13.

quam mediatè. Is enim petita indicatione ab exolutione spirituum, ipsorum refocillationem per se primario procurat, ideòque naturalis facultatis operam (quoniam fieri aliter nequit) tanquam medium ad còuenientis materiæ præparationem interponit. Dices nutriri odore spiritus: Democritum solo panis vino macerati vapore per inspirationem attracto, vitam in plures dies prorogasse. Admitto ergò recreari externis odoribus spiritus, eorumque dissolutionem blando aliquo vapore retardari, quemadmodum decrepito illi accidit iam semimortuo: sed hæc ad perfectam spirituum generationem satis esse non possunt, conferunt certè aliquid amplius, quàm externi aëris attractio: quàm momentaneum ferè illud est minimèque constans, nisi tenuis defæcatique sanguinis accedat appulsio. Sanguinis itaque generatio ex primario medentis, consilio ad facultatem vitalem referenda. Aliàs facultatem naturalem circa alimenta occupare (quàm in morbificæ causæ coctione, secretionem, excretionemque totam versari planè necesse est) in acutis potissimùm affectibus, non modò absolum, sed plerumque etiam mortiferum. Quid quod felicissimo experimento in dies confirmatū, primam mox opem proferre potentiaè vitali assumptionem ciborum? Ingesti nec dùm confecti cibi, imò vix dū inchoata elaboratione, illicò vt benignis vaporibus caloris arcē subeunt, atque

sopitam vim illius refouent, conceptum ex inedia tedium depellitur, corpus seipso leuius redditur, tota moles terrea excitatis spiritibus sustentatur. Redit in memoriam prodita superius ex Galeno historia, lectori, vt spero, non importuna, si repetatur. Is in iuuenem incidit diatritariorum inedia eò deuectum, vt pulsus expers, vehementi frigore toto pressus corpore, neque loqueretur, neque sentiret, cum ecce diductis eius maxillis infuso ex angustioris vasculo ptisanæ cremore, & paulò post porrectis vini albi calida modicè diluti cyathis duobus, statim oculos sustulit, & loqui & audire cœpit & præsentis nosse, qui antè pro mortuo iacebat.

*Galenus 10
Meth. Capite 3.*

Ad nutritiuam referri virtutem nequit hæc subita mutatio, vt quæ terrestrior, pabulo crassiore vititur, temporeque indiget diuturniore quò reficiatur, quò vim suam exerat, ac quaquauersum per diffusa membra transfundat: habenda igitur vitali gratia, cuius elanguidi spiritus alimētij vaporis appulsu pròptè refocillati atque suscitati, acceptas ab inedia iniurias resarserunt. Eius proinde in alimonix penuria, & defectu robur ex pulsibus curiosè exploramus, firmiter persuasi non aliundè certiùs quàm ab eiusdem statù victus offerendi quantitatem necessitatemque definiri.

Validæ certè, meo iudicio vtrimque dubitandi causæ, dubiam reddūt controuersia

decisionem, quam breuiter & dilucidè triplici conclusione expedire aggredior.

Prima est. Virtutis nomine facultates omnes principes includi, sic enim (vti demonstratum est) indissolubili quasi vinculo arctè connectuntur singulæ, vt vnius in cæteras non multò post redundet offensio, vnius corruptio reliquarum sit interitus. Istud ex relatis inediæ incommodis palàm est: idem iuuenis illius à tritarijs exoluti comprobatur historia, conuincunt sensus & ratio: nam simul vndequeque per omnem corporis ambitum sparsæ mutuis concurrunt officijs atque instrumentis, mutuam sibi operam materiamve subministrant.

Altera conclusio est, si præcisè & in se nutritionis opus contemplemur. illud ad altricem vim spectare, non aliud per se primariò & immediatè intendi, quàm alimenti in aliti substantiam conuersionem, primariò & per se illud ipsum opus à substantiæ dissolutione indicari & à nutritiua facultate perfici, atque etiam ex consequenti eius intentionis explendæ gratia alimoniam suffici, vt potè circa quam primò & per se versatur illa potentia, tanquàm circa proprium obiectum, quod variè elaborat & conficit, tandemque membris omnibus pro necessario pabulo distribuit; secundariò verò & quodammodò per accidens ad vitalem & animalem, quibus materiam sufficit ordinari; per accidens dico, quoniam materiã quã profert

foli ex sese dicat nutritioni (quanquam illa ulterius summa naturæ vniuersalis, benignitate & prouidentia dirigitur atque propagatur) est enim naturalis virtus à cæteris specie distincta nullius ex seministerio addicta, proprijs operibus, ductibus, temperie, conformationeque seiugata. Huius conclusionis veritatem testantur argumenta in eiusdem facultatis naturalis gratiam initio quæstionis adducta.

Tertia conclusio est, primarium Medici scopum in facultatis vitalis custodia versari, prius enim est viuere, quàm aut nutrirî, aut sanari; frustra Medicæ vllæ, frustra naturales, frustra animales ponuntur actiones, nisi vita supponatur, sunt illæ omnes non corporis simpliciter sed viuentis, vti neque anima corporis, *ἐνδελέχεια* est, nisi potētia vitam illud obtineat, hoc est dispositiones ad suscipiendam vitam habeat necessarias.

Quemadmodum autem induci anima in corp⁹ nequit nisi medijs illis dispositionib⁹, ita neque conseruari neque operari potest illarum ministerio destituta. Cùm itaque principem & primarium corporis & animæ nexum facultatem vitalem Medici vulgò constituent, consentaneum videtur, vt in ipsius tutelam mentis aciem primariò dirigant. Si quando ergò virtutis simpliciter apud eos est mentio, de vitali primariò debet intelligi, nisi orationis series de alia sermonem esse declaret,

Hæc illa est quæ in medio reliquarum solis instar illucescens, salutare vitæ radios, caloremque viuificum in omne corpus effundit; Illa ipsa est qua præsentē vitali luce fruimur, qua absente vnà cum vita corruunt omnium partium functiones. Obijciēt Sciolus fortè quispiam, à natura rei indicationem peti, sed ex natura sua alimenti exhibitio naturali primò subuenit facultati, ergò ab eadem primò victus indicatio petenda. Rei porrò naturam Medica nil immutat intentio, illam potius sectatur, illi se velit nolit accommodat,

Respondeo necessitate quadam ad opus proprium proprij finis gratia facultates incitari, ipsarum immutabilem esse & inuolabilem ordinem: at hoc nihil prohibet quò minus Medicus, qui nō vt illæ cæco impetu sed cognitione ducitur, eò quò maximè vrget necessitas, primariò referat actionem; quanquàm natura secundariò propter illud operetur. Vt enim is non sēper naturæ motum, ita neque perpetuò sequitur intentionem: ea verò à natura rei depromitur intentio, quæ facultatem ex cuius debilitate primariò imminet toti corpori ruina & clades, reficere ac restituere per se primariò molitur. Facultatis itaque vitalis conseruatio in oblatione alimonix primariò medentis intentionem ad se rapit, licet circa alimonia immediatè primo & per se versetur naturalis, huius demum opus si non ex se, saltem

ex Medici nutu & arbitrio ad illius conseruationem destinatur. Ita secundo loco productæ commonstrant rationes. Nunc singularum facultatum notas exploremus.

Vnde petenda sit facultatum principum coniectura?

QVÆSTIO QVARTA

HVius difficultatis solutionem septimo Aphorismo tetigimus, quam lubet hîc ex professo enodare, quoniâ eò nos Aphorismi verba pertrahunt, magnique est ad praxim momenti.

Illud in primis animaduersione dignum est, sanorum ægrorumque cōtrariam hac in parte rationem: quò enim illi firmioribus sunt viribus, eò maiorem ciborum copiam requirunt, quam ex facultatis coquentis firmitate metimur.

Ideò benè valentem hominem hortatur Celsus, vt cibi quamplurimum semper assumat, dummodò hunc concoquat. Aegrotos contrà quantò validiores cernimus, tantò liberius in debita morbo victus tenuitate continemus, In illis nutritionis finis est virtutis auctio; in his, eiusdē imminutæ à prostratione vindicatio. Illos copiosè alimus ad animales potissimùm actiones, quarum validissima progressio: hos contrà imminutè,

Lib. 1. Cap. 1.

ne à naturalibus distrahantur, quas præstat in morbificæ causæ, quam alimenti coctione versari: utrosque inuicem ex ipsis actionibus læsis illæsiue distinguimus.

Iam quemadmodum sanos ab ægris actionum integritate & læsione discernimus, sic profectò & virium statum ab actionibus variari oportet quarum illæ sunt effectrices. Validas itaque tum censebimus vires, cum validè suas exequètur functiones? Invalidas, si quod in earum functionibus vitium effectum dignum obtingat. Hanc sequutus normam diuinus Hippocrates ex deprauatis corruptisque actionibus, deiectæ aut abolitæ propriæ virtutis cognitionem mutuatus est. In hac cognitione securitatis & periculi, salutis & interitus prænotationem fundauit, nec non euacuationis victusque modum in his passim Aphorismis ad hanc veluti normam reuocauit. Id quod in iuniorum gratiam exemplis aliquot ex eius penu depromptis lubet in singulis facultatibus demonstrare, sumpto ab animali exordio, à qua sensus & motus, principesque oriuntur actiones.

4. Apho-
ris. 49

Ex abolito sensu, motuque deprauato sic ille coniicit: si in febre non intermittente labrum, aut superciliū, aut oculus, aut nasus peruertatur, si non audiat, nec videat, imbecilli iam existente corpore, quicquid horum acciderit mors in propinquo est.

Comm. 2.
2.6. & 7.

De motu separatim ita in prognosticis. Qui dolore vexatur facilè cōuertatur, sitque

in resurgendo levis oportet, si corpus omne graue est, itemque manus & pedes maiori cum periculo est.

Quemadmodum enim gestantes onera grauati vix mouentur, sin leuius appareat onus innocue ferunt, ita facultas.

Est porro grauitas partium maximum indicium præcipuumque debilitatæ virtutis, non cuiuslibet, sed eius quæ in musculis & neruis præcipue consistit. Denique in Aphorismis ex mentis rationisque firmitate, bonû ritè constituti cerebri indicium colligit, contrarium contrariæ dispositionis indicium facit. Quo loco occurrit non prætereunda difficultas in commentario Galeni, qui ex mentis constantia probam cerebri eiusque membranarû spinalis medullæ, septi etiâ trāsuerfi constitutionem designari asserit, cû tamen mentis alienatio ex cerebri tantû intemperie, aut humoris vaporisve in eius substantiam effusione procedat, prædictis etiamnû illæsis partibus ex quarum offensione sensus & motus, aut respirationis, non etiam principis animæ facultatis symptomata excitantur. An dicendum est commercij & viciniae lege graues illarum partiû affectiones, mentem pariter haud raro percellere, rectè ideò ex huius robore, illarum robur inferri? At hoc perpetuum non est, mens ab illis non perpetuò trahitur in consensum. Quod intuitus Galenus ipse limitatione vsus de ijs præcipue partibus quæ iuxta cerebrum sitæ

2. Aphorif.
33.

sunt, ex mentis statu ferendam sententiam monet. Sed neque etiam sub hac limitatione veram Galeni sententiam experiemur, nisi constante mente cœtera supponamus abesse symptomata, quæ illarum partium læsionem denotant. Hæc de animali parte sufficiant.

Venio ad vitalem, ex cuius debilitate repentinam mortem prænuntiat Hippocrates; debilitatem ipsam ex frequenti & forti absque manifesta causa exolutione arguit. In cuius sententiæ explicatione productis aliquot exemplis huius potentiæ imbecillitatem tum præcipuè notari comprobat Galenus, cum sine manifesta causa animi deliquiū accidit: Galeni interpretationem parum fideliter vertit Plantius, pro vitali transferens animalem: Aldini fortè Codicis lectionem sequutus, qui loco ζωτικῆς δυνάμειος ψυχικῆς legit. Quanquam hunc ipse errorē non ignoravit Plantius, animalis enim vocem signat Asterisco, & in margine annotat vitalem intelligi. Vitali huic facultati pulsum respirationemque subiecimus, illum effectiuè, hanc finaliter. Pulsus vix vllam mentionem fecit Hippocrates, respirationis non semel. Huius facilitati magnam vim ad salutem tribuit in omni acuto morbo qui cum febre infestat & quadragesimo terminatur die. Ex varia eiusdem offensione varia desumit prognostica. Spiritus inquit creber dolorem significat, aut inflammationem quæ supra præcordia fatiget: si verò spiritus magnus multoque

s. prognost.

s. 25

ibidem s.

24.

interposito tempore, delirium: sin frigidus de naso, & ore, admodum exitialis est.

Ecce vt ex læsa respiratione, cordis, cuius gratia ipsa fit, cæterarumque partium quarum munere absoluitur læsionem, & natiui caloris extinctionē colligit. Quoniam verò citari hæc ipsa cohiberique ex arbitrio potest, vt pote quæ musculorum motu perficitur, quorum actio ex cerebri pendet influxu, rectè ideò sui oblitum, & extra mentem positum ægrotatē indicat, spirationis frequentia, quæ refrigerij necessitati non respondet: Galenus tantò in pulsum doctrina accuratior, quantò ipsam magis ab Hippocrate desertam videt, pulsibus ad viralis roboris integram notionem nihil non desert. Illud in rem præsentem adscripsisse sufficiet, quod primo de causis pulsum scriptum ab eo reperimus. Si facultas magnopere sit læsa, modicè remissus vsus, instrumenta duriora euaserint, nō poterunt pulsus nō fieri quam vsus postulat, minores itaque imperfectum simul officium, ac quātò quidem imperfectius, tantò etiam crebrius. Minores ergo redduntur & ob facultatis imbecillitatē, & ob vsum remissum, & duritiem instrumentorum. Hoc tamen pro quantitate alterationis causarum aut singularum, aut binarum, aut vniuersarum, plus, minùsue. Facultatis ad extremum deiectio minimos efficit pulsus, etiamsi molles sint tunicæ instrumentorum & vsus vrgeat, hætenus Galenus: ex quo sexcenta alia

Capite 11.

nostro proposito confirmando peridonea transferre liceret, hoc vnum nobis visum est instar omnium, omnem quippe illius quæ in pulsu accidit diuersitatis & distinctionis causam complectitur. Superest de naturali modo cuius præcipuum munus coctio distributioque alimenti ad debitam nutritionem.

Coctionis signa proferunt urinæ & alui excrementa, sudores quoque, & quæcunque ex qualibet corporis parte regurgitant. Distributionis, singularum partium in statu naturali cōseruatio: vtriusque aut alterius defectu *αἰσθησις* sequitur, & membrorum consumptio.

2. prognost.
2. 5. 6. 7. Quamobrem merito in acutis morbis ad huius virtutis cognitionem assequendam ægroti vultum ante omnia intuetur Hippocrates, siue similis aut dissimilis sui. Ex similitudine bonum auguratur: ex dissimilitudine malum, eò grauius, quò grauior à naturali statu recessus: qui vel ab aliqua causa oritur consumente & corrumpente carnosas animalium partes (si Galeni credimus commentario) vel ob natiui caloris debilitatem, qui quaqua uersum in extrema protèdi nequit, sed in intimis solum visceribus asseruatur exiguus: aut denique tanta in ambitum corporis non influit sanguinis spiritusque copia quanta habentibus per naturam. Vno verbo impeditæ corruptæve nutritionis indicatiū est. Præter vultus similitudinem mollem requirit ventrem & corporatum idem Apollo

noster his verbis: in omnibus morbis partes ad vmbilicum & imum ventrem fitas crassiores esse melius est, plurimum verò extenuari & contabescere malum: & vt signum, & vt causa.

2. prognost.
19. 2 Apho.
35. & ibi
Galenum.

Signum quidem debilitatis partium macie extenuatarū. Causa verò quò minùs probe fiat in ventre ciborum coctio, & in iecore Chyli in sanguinem mutatio, non hasce partes ambas sua fouent crassitie incubantia corpora. Mox ad deiectiones quoque & vrinas oculorum acie conuertit. Deiectiones damnat, aut admodū aquosas, aut candidas, aut valdè croceas, aut virides, aut liuidas aut nigras, aut versicolores, aut spumantes, aut exiguas glutinosas aut opimas, aut foetidas. Harum nonnullæ cruditatis notas exhibent, aut obstructionis meatus Cholidochi: quædam magni prouentus croceæ bilis, vel Æruginosæ, vel atræ, vel variorum humorū vel flatuum, aut cōsūptionis, aut putredinis: omnes, afflictæ naturalis virtutis. Ad eandem classem refert vrinas aut tenues & aquosas aut nigras, crassasque, aut crassioris farinæ, aut squammularum aut furfurum speciem referētes, aut quibus pingue innatat, aut foetentes. Vel enim coctricis facultatis imbecillitatem demonstrant cruditatēque, aut innati calidi extinctionem, aut calorem febrilem absumētem. Hæc satis superque studiosis lectoribus, meo iudicio, plura ex ipsis fontibus haurient, quò tutius certiūque

2. prognost.
t. 20 21. 22.
23.

2. prognost.
t. 28. & seq.
& ibi Gale-
num.

ex facultatum luculenta dignotione victui
evacuationibusque modum præfinit.

Verum ne in scopulos impingant, proprii
honoris & conscientiae, atque adeo vitæ
ægotantium naufragiū facturi, illud in pri-
mis intelligant propositorum indiciorum
veritatem multis rationibus eludi. Exempli
causa, si ex vnius alicuius partis vitiata actione
illicò facultatis principium à quo illa pro-
cedit in iudiciū vocent, explosi causa cadēt:
neque enim ex particulari *καχεξία* aut tabe,
vel deperditomotu, sensuve, aut putrefacti-
one insigni atque corruptione, malè cor
affici, aut iecur, aut cerebrum protinùs exis-
timandum est, subest persepè in affecta par-
te prima mali labes: vt puta cæcitatis cau-
sa in oculo: *ἀποφίας*, Paralyseos, sphacilif-
mi, atque extremæ perfrigerationis & mortis,
in brachio, crure, aut alia quavis particula.
Nō aliena certè foret ab arte suspicio, quan-
do plures simul eandem paterentur cladem,
suspicari defixas eius esse altius in principi-
bus membris radices.

Addo signorum quædam esse æquiuoca
quæ aut plurium partium affectus, aut diuer-
sarum causarum signant effectus: vrinæ verbi
gratia, partium hepatis Gilbarum, renum-
que & vesicæ affectionem monstrant, ac va-
sorum sanguinem continentium, & virtutis
succos generantis tum robur, tum infirmi-
tatem.

Quàm facilè igitur in tanta partium va-
rietate

rietate incautos falli. Hoc intuitus summus Hippocrates, ijs quæ de vrina paulò antè adduximus tandem subiecit. Ne te decipiat si vesica ipsa ægrotans talem reddiderit vrinam, non enim totius sed ipsius per se vesicæ indicium est. Quam sententiam alui quoque excretionibus applicuit Galenus, cùm vtrique secretioni commune sit & promiscuum totius corporis admittere excrementa, & illarum quoque partium per quas excernuntur. Is ipse Hippocrates de facie loquutus, quam ab eius nomine Hippocraticâ vocant, perscrutandum monet, cùm ab initio morbi hæc apparuerit, vigiliæne præcesserint, aut alui larga solutio, aut fames, minus ab his tali in casu periculum: grauius, si à morbi violentia & feritate tâta vultus mutatio maximè circa initia dependeat.

2. prognost.
2. 37 & ibi
Galenus

Ampliùs aduertant iuniores prudentia & grauitate Medica indignum esse, statim melioribus apparentibus indicijs, in certâ melioris euentus spem erigi, & victus libertatem ægrotis permittere; aut contrâ vulgari-um more desperatione mox premi illis in praua commutatis. Perpendèdum antea nuncquid subsit aliqua sufficiens talis mutationis causa. Quicquid præter rationem euenit instabile est & infirmum, neque diù perseuerare consuevit.

Gal. de cri.
Capit. 15

2. Aphorif.
27

Sed neque præcedentia neque concomitantia negligenda, vt certò de indicijs statuamus. Redduntur Criticè nonnunquam nigra

tum per vtinas, tūper aluū. Dysenteria Critica meminit in Epidemijs Hippocrates, Vrina crassa si colorem habeat naturalem (inquit Galenus) duplicē sortitur euentū interdū ad mortem, interdū ad salutem propinquā, vti multa alia præter naturā, quibus corpus expurgatur. Indicatione instante nox quæ accessionem præcedit molesta est; vrgent tum temporis, sitis feruorisque impetus, inquietudo, corporis iactatio, deliria, tremores, ventriculi morsus, anhelitus, difficultates, aliaque id genus quæ gnarū & diligentem Medicū non turbarint, cum accuratē prius validum naturæ robur ex pulsibus, ex animalibus actionibus, ex coctione depræhenderit.

Præterea curiosē distinguendum vtrū apparentes debilitatis coniecturæ à resoluta procedāt vel oppressa virtute. Virtutem sanguinis copia premi demonstrant, quæcunque Plethoræ ad vires indicia protulimus. Plethoram ad vasa cum virium integritate consistere ex Galeni auctoritatē pro confesso supponimus. Cacochymia produnt corpori infestam & grauē, quæcunque reliquorum humorum notas exhibent, ex prioribus repetēda. Vim exolutam tum ex affectus violentia conijcimus, tum etiam ex causarum & Symptomatum maligna prauitate & concursu quæ exoluere illā solent: vigilijs puta, Hæmorrhagia, vberoque alui profluvio, lōga inedia, magnis animi perturbationibus, labo-

2. prognost.

1. 32

2. Aphorif.

13.

3. Aphorif.

quæst. 4.

2. Aphorif.

quæst. 4.

ribus diuturnis, & peregrinationibus sub ardēte firio, venenatis humoribus aut assump-
tis, & si quæ alia id genus. Sua cuique pe-
culiaris est vitæ regula, sua præfidiorū forma
dinerfa quippè ac etiam contraria indicatio.
Pressa facultas onere leuanda, quod exuber-
rat detrahendum purgatione, sectione venæ,
balneis, frictionibus, inedia, exoluta refouen-
da potius quiete, & conuenienti alimonia,
nulla euacuatione, aut importuna abstinētia
deprimēda, Symptomata leniēda; maligna &
venefica Alexipharmacis retondenda atque
coercenda.

Denique circūspecti Medici est nō. modò
præsentem virium statum intueri, sed futu-
rum quoque prouida mente contemplari, &
conijcere vtrum ad morbi vsque indicatio-
nem possint illæ subsistere, quemadmodum
in Aphorismo docemur. Huic ergò disqui-
sitioni sequentem quæstionem impendamus.

*Undenam futuri virium status
nota haurienda?*

QVAESTIO QUINTA

Prolatorum exemplorum nōnulla, tum
præsentis, tum futuri virium status con-
iecturas præbent, sed lubet facilioris doctri-
næ gratia futuri prænuntias ad duo capita re-
uocare, ad ipsam videlicet facultatē, & vim

durationemque morbi Ex amborum collatione nullo negotio intelliges quod inquirimus.

Aphorismo duodecimo

Produnt facultatem, temperies, habitus naturalis, ætas, consuetudo, cōceptus. Morbi vehementiam & durationem, ipsa morbi species, morbificæ causæ, Symptomata, & alia de quibus inferius: singula breuibus quantum instituti ratio postulat explico.

Qui temperie sunt calida & sicca, vel raro habitu assidue in auras digeruntur: illos si fame torqueas facile in hæcticam febrem induxeris, hos confestim exolueris: utrosque si accedat puerilis ætas, tanto grauius læseris, quanto plura concurrunt alimenti exhibitionem indicantia. Perpetuo fomite indigent pueri (ut probabitur postea) quemadmodum & decrepiti: illi quidem præ caloris copia: Hi præ eiusdem inopia.

5. Aphor. comm 30.

Celsus lib. 2. cap. 10.

Multis & frequentibus ferculis assueti omnem sibi alimoniam subtrahi non ferunt. Grauidis acuta febre correptis si ex longo interuallo cibum offeras foetum destrues. Quamobrem æstimandæ vires & ex ætate & conceptione colligendum possit nec ne superesse quod vel puerum, vel senem, vel in una muliere duo corpora sustineat. Sed augebitur interim febris (inquies) accessione nutrimenti, adaucta febre vis percelleretur vehementius, ab imminutio ne virtutis iterum auctior indicabitur victus, tandemque fiet in exitium processus. Grauidam idcirco acuta

febre corripit lethale interpretatur Galenus, & meritò: nam si habita fœtus ratione victû intempestiuè obtuleris, fiet maternæ vitæ dispendio; sin tenuiter cibaris, fœtû exstinxeris. Exstincto fœtu superstes esse mater potest, matri acuto morbo consumptæ superuiuere fœtus non potest. Vtrum ergò præstat vnà cum matre fœtum emori, an matre salua hunc interimiri? si secundum admiseris sumptam à conceptione victus indicationem pariter sustuleris.

Ardua sanè huius nodi solutio, imò verò arduus proposito casu ægrotantis status, in salebris vndique situs & angustijs. Concedere virtuti vix quicquam potes quin morbum augeas, neque morbo deferre, quin illam atteras, cedit vtrumque iacētis interitu. At præferenda tamen virtutis intentio ex cuius casu, vitæ casus; & qua superstite, in acutissimis passionibus quantumuis dubia, affulget tamen aliqua expectatio salutis. Neque verò Fuchsio lubens subscripserim tenuiore victu seruare fœtam, vtcunque inde fœtui periculum immineat, volenti potius, quàm pleniore & fœtum & matrem interimere. Terroris & periculi plena hæc assertio, ne quid grauius dicam. Præstat media quadam via quid futurum sit experiri, quam deliberata huius clade incertam sibi illius sanitatem polliceri. Dictum Fuchsij admitterem si certus vnà ex parte foret vtriusque interitus, ex altera certa prægnantis salus.

5. Aphorist.
comm. 30.

4. *Aphorif.*

19.

Fuchfione sic indubitata tam fallacis euētus
 prænatio? Hippocrati tam fallax sic indubi-
 tati exitus prædictio? in acutis morbis non
 omninò tutæ Hippocrati prænuntiationes ad
 salutem aut mortem: Fuchfio tutæ? Ille ge-
 rentes vtero acuto morbo corripi lethale
 tanquàm ex tripode pronuntiauit: certā hic
 grauidis prænuntiet salutem? An igitur à so-
 lo victu pleniore metus, nullus ab ipsa fe-
 bre? Dices ab vtroque simul, quā ab altero
 grauior. Sit ita, ideòne certā mors? Si incer-
 ta; certi se criminis reum facit quisquis te-
 nellum embrionem aut fœtum aperto peri-
 culo scienter exponit, Neque verò maternæ
 mortis inedia vel tenuis alimonia timorem
 eripit, auget potius, auget fœtus exitium
 materni periculi grauitatem. Sugit ille ra-
 pitque è venis proximis assidue quantum li-
 cet, ab his in alias continuatione procedit
 fuctio, vt tandem necesse sit in summa fœ-
 tus penuria matri deesse aliquid, quantum-
 uis prouidam & auaram finxeris singularum
 partium naturam: ab hoc defectu vis infir-
 mior nequit absque cibo paulò pleniore in
 plures dies subsistere, accedentibus potissi-
 mum febrili ardore, doloribus, vigilijs, ali-
 jsque Symptomatis languidam funditus dis-
 soluentibus. Quotidiana docet experientia
 quantam grauidæ mulieres probè etiā consti-
 tutæ debilitatem sentiant, si vel in aliquot
 horas tardiùs differantur epulæ. Vt reliquæ
 tacet quæ hinc emergunt incōmoda. Emor-

tui verò fœtus labes extrema perniciæ redun-
dat in maternum caput. Quam citò is cor-
rumpitur, & putrescit, quàm maligna putre-
dinis Symptomata toto materno corpore
excitat, nisi quàm citissimè excludatur; at
quanta difficultate excluditur, proh dolor!
quàm frequenti ruina.

In tali ego hæsitazione & metu lōgè con-
sultius iudico, moderationem quandam ad-
hibere, paulò vberiorè quàm morbus postu-
lat diætam præscribendo, quemadmodum
Aphorismo quinto ex Hippocratis mente
docuimus: hac instituta lege neque matrem
copia opprimes, neque penuria fœtum ex-
olues. Habes studiosè lector vt victus indi-
catio à conceptione limitetur, ac vicissim
vt hæc limitatio ad futurum virtutis statum
pertineat.

Iam nunc ad morbi magnitudinem & du-
rationem, quod alterum nostræ disquisitionis
caput statuimus, vt potè cùm fieri non pos-
sit vt longam victus tenuitatem tutò quis
sustineat. Vtriusque inuestigandi primum me-
dium ex propria morbi cuiuslibet idea peti-
mus, particulari morborum tractatione lu-
culenter à practicis expressa. Sub idea mor-
bi Typum, accessionum durationem, & re-
cursum hoc loco collocamus. Ex Typo quar-
tanario autumno potissimum breuitatem spe-
rare non licet.

3. Aphorif.
25.

Accessionum longitudo multum crassum-
que mali fomité denotat. Firmam stabilem-

4. *Aphor.*
30.

que febris causam & solutu difficilē portendit accessionum eadē semper hora reuersio. Secundum inuestigationis præsentis medium à causis deducimus externis, internisque præcedentibus & concomitantibus. Externæ sunt victus ratio, vitæ institutum, cælum, solumque anni tempestates, cæteraque in genus. Internæ quas antea recensuimus, ætas, temperies, habitus, humores. Externas quidem ad virtutem quoque referre licet, quatenus eandem vel fouent, vel destruunt sed vtrasque modò ad morbificas causas referimus, quatenus scilicet pro earum varietate ad varios affectus paratiores euadimus. Morbi (inquit Hippocrates) omni tempore, omnes fiunt, sed quidam magis pro ipsius varietate, sic & naturarum aliæ ad alia tempora regiones & ætates magis minusue natura aptæ sunt. Hi speciatim singularum effectus: à frigidis longi, lentique affectus expectandi, quibus obnoxia senectus, hyems, frigidior temperies, & frigidorum vsus largior & frequentior. Frigidorum crassorumque humorū resolutio, aut euacuatio cita esse nequit. A calida oriuntur contrarij, & quò plures eiusdem ordinis causæ vna conspirarint, eò longiores aut breuiores pariet morbos. Multa consultò prætermitto, quæ suoapte genio facile supplebit curiosus lector, & in posterum fusius & ex professo tractabuntur.

4. *Aphor.*
37

Vltimò ex Symptomatis passim morbi durationē colligit Hippocrates is ex variegata

deiectione, & frigidis sudoribus (quæ Symptomata sunt in exeunte mutato) in mitiore febre longitudinem prædicit. Multi sudores frigidi, humoris quoque frigidi multitudinē ostēdunt. Deiectio versicolor varios subesse humores palam facit. Vtrumque longo temporis tractu indiget ad coctionem. Rursus ubi toto corpore mutationes accidunt, ut si corpus iterum refrigeretur vel calefiat, vel calor alius ex alio oriatur, longitudo morbi significatur. Variæ nāque affectiones diuturniores esse solent, quàm quæ uniusmodi, plures exiguo tempore natura non cōficit, subigitque dispositiones. De violentia facile cuique est apud se statuere, iam tandem ut coronidis loco præfata omnia in Aphorismi sensum traducantur, nostra conclusio est, ex præsentī futuroque virium statu cum morbi diuturnitate, & vehementia collato definiendum, possit necne agrotus cum præscripta victus forma ad usque morbi solutionem perdurare. Sūmi interim traditi à summo Hippocrate documentī recordemur, neque primis diebus quavis sorbitione privemus eos quibus futurū est ut paulò post quibusvis sorbitionibus indigeant. Et hic quidem proprius fuit de virtute agendi locus, de constitutionibus morborum erit duodecimus Aphorismus. Nonnulla tamen in iuniorum gratiam censuimus in præsentī delibanda, ac veluti prægustanda,

1. prognost.
r. 26. 2. prognost. r. 23.

4. Aphor.
40.

2. acut. 3.
41.



Ὅκόσοισι μὲν οἷον αὐτίκα ἢ ἀκμῇ, αὐτίκα
λεπιῶς διαίτῃαν.

Ὅκόσοισι δὲ ἐς ὑπερὸν ἢ ἀκμῇ, ἐς ἐκείνου,
καὶ πρὸ ἐκείνου μικρὸν ἀφαιρετέον ἐμπεσοῦεν
δὲ πωλίεργως διαίτῃαν ὡς ἀν' ἐξαρκέσει ὁ νο-
σέων.

Quibus igitur statim vigor,
statim instituenda tenuis di-
æta.

Quibus verò posteriùs in
ipso, & antè ipsum paulatim
subtrahendum; sed antea ple-
niùs alendum vt æger suffi-
ciat.

Commentarius.

Dixerat Aphorismo septimo noster
Hippocrates peracutis morbis sta-
tim initio victum tenuissimum impe-

randum, hac fultus ratione, quod statim labores habeant extremos, hoc est, statim vigeant, id quod tali confecerat Enthimemate. Morbi peracuti statim vigent statim ergò victum tenuissimum exigunt, illud pro confesso supponens quod præsentī docetur Aphorismo, morbis qui statim vigent, statim instituendam tenuissimam diætā. Ex hac quippè enunciatione vniuersali pro maiori supposita particularis illa conclusio optimè deducitur. In hac porrò sententiā duplex constituitur victus indicans, morbi tempus, & virtutis robur, quemadmodum à nobis fusiùs suprà explicatum fuit: virtus quidem tantam alimonie copiam requirit, quanta opus est, vt morbi impetum sustineat, quò igitur longior morbus, eò sit copiosior victus necesse est, quò ille breuior, eò hic tenuior. Longiùs namque protracta aut inedia, aut tenuitas ciborum vires grauiùs ferit, tandemque funditus proster nit. Morbi verò tempus quo circa coctionem natura distinetur, valideque à symptomatis distorquetur, suadet non distrahendā à coctione naturam neque addendam afflictionem afflictæ (vt est in prouerbio) hoc est nouam mor-

645 *APHORISMUS DECIMVS*
 bificæ causæ adiectionem additione ali-
 menti. Morbi itaque respectu in vigore
 & ante vigorem paulatim subtrahen-
 dum: virtutis ratione, quò tardiùs fu-
 turus est vigor eò vberius nutriendum.
 Quamobrem in vniuersum accipienda
 est præsentis Aphorismi decisio, vt mor-
 bis quibuscunque conueniat seruata in
 singulis proportionem. Non enim vox
 illa *πιωτέρος* hoc est plenius, absolutè in-
 telligenda, sed cōparatè, sua enim cui-
 que victus competit forma, non eadem
 initiò acutorum, eadem initiò longo-
 rum, vt nec in progressu. Idem iudici-
 um esto de voce *λεπτώς* id est tenuiter,
 quæ peracutis, acutis & longis affecti-
 bus suo cuique modulo applicāda. Hæc
 quāquā in superioribus annotata, de-
 nuò fuere repetēda, ad pleniorē Apho-
 rismi intelligentiam, qui fere nihil am-
 pliùs continet, quā dictorum in præ-
 cedentibus repetitionem.

Questionum series & ratio.

Hic Aphorismus nihil aliud docet, quā
 quod præcedentibus est proditum, qua-
 re noui nihil disquisitione dignum videtur,

duo tamen perquiremus: primum circa ipsius contextus verba quomodo scilicet intelligi debeat καὶ πρὸ ἐκείνου μικρὸν ἀφαιρέσειν. Alterum quod maximè ad praxim facit, utrum in longorum morborum principijs victu plenior sit utendum? quod affirmatiuè concludere videtur noster Aphorismus.

Quomodo intelligenda sint hæc verba καὶ πρὸ ἐκείνου μικρὸν ἀφαιρέσειν.

QUÆSTIO PRIMA.

Manifestū est in his verbis Hyperbatō, quod ex dictionis μικρὸν transgressione nascitur, quam prioribus vocibus aut posteriori pro arbitrio copulare licet: cum prioribus quidem μικρὸν πρὸ ἐκείνου significat paulò ante ipsum. Cum posteriori μικρὸν ἀφαιρέσειν paulum, vel paulatim, auferendum, perindè ac si dixerit καὶ αὐτὸ μικρὸν ἀφαιρέσειν. Qui priori non adstipuletur interpretationi vidi hætenus neminè: inter cæteros Philothe⁹ μικρὰν πρὸ αὐτοῦ (inquit) τούτεσι πρὸ δύο ἢ τριῶν ἡμερῶν. Paulò ante ipsum, id est duobus tribusve diebus. Eidem interpretationi assentitur ratio, si enim simpliciter ante vigorem subtrahendum monuisset Hippocrates, erroris ansam præbuisset incerti-

2. Aphorif.
31.

tudo spatij, in longioribus præsertim affectibus, in quibus temporum latitudo præproperam cibi subtractionem vetat. Quorsum verò paulum paulatimue subtrahendum iusserit. An quia quod paulatim fit tutum, præsertim vbi quis ab altero ad alterum progreditur? sed hic statim tenuiter alit cum statim futurus est vigor. Et septimo præcedenti Aphorismo; statim initio extremè tenuissimum victum imperat: vbi progressus fit ab extremo ad extremum immediatè nimirum à sanorum victu qui plenus est, ad omnimodam inediam. An potius quia in Chronicis ad eam deuenire tenuitatem prohibemur quæ acutorum est propria paulum adimendum dixit? faceret hæc restrictio particularem orationem quæ communi doctorum calculo generalis est, & quod de morbis in genere dictum est longis dumtaxat tribueret.

Subtrahendum ergò simpliciter voluit Hippocrates in vigore, & paulò ante ipsum, ea tamen limitatione quam septimo Aphorismo audiuius, tantum scilicet de extrema tenuitate victus remittendo, quantò morbus extremis fuerit leuior.

Stant ex altera parte rationes, in primis farentur omnes symptomatum & coctionis causa, cibum in vigore imminui: ergò ante vigorem cum paulatim ad coctionem & symptomata fit progressus paulatim imminuendus cibus, hæc indicationum vis, quas

nusquam non studiosè obseruauit Galenus; in febribus enim continuis, quarum totius morbi status vltra septimum est futurus, vel non vltra septimū quidem, at infirmæ sunt vires, ab initio solidiori cibo reficit, at propè statum tenuiori; cum iam adest status, tenuissimo: deinde rursus solidiori, sensimque simile illi augmentum efficit, quod ante statum fiebat decremento. In hoc senis sapientissimi documentum sequutus qui repentinæ ad contraria mutationes passim improbauit, idque in victu maximè: neque in ægris solū, verum etiam in sanis. Consentaneum igitur est, vt vocem hanc *μικρὸν* vbi de victus ægrorum mutatione agitur, ad ipsam mutationis formam referamus: nam si ad præcedentia ipsa pertineat, quid noui perdisceamus quod vel tironibus sit ignotum? illamne particulam *πρὸ ἐκείνου* totum augmenti tēpus includere quisquā putabit? quin statim agnoscat dicendum potius fuisse in augmento & vigore hac vitæ norma procedendum? itane parū in Therapia exercitati inueniuntur qui quod vigori peculiare est longè antè censeāt ad praxim reuocādum? quid quod indicanti respōdere vnde quaque debet quod indicatur? ea ergo proportionē augeri debet cibus & imminui qua cætera tempora ad vigoris cōditionē accedūt, aut ab ea recedūt. Id cum sensim fiat quidni & sensim victus ratio immutetur? id cum non æquali tempore in omnibus morbis eueniat, & aliquando prius

1. ad Glau.
senem ca-
pite 13.

2. Acut. m.
18. textu
ad 52.

quandoq; posteriùs à pinguiore victus norma sit deflectendum, quidni vocem hanc eo intelligamus modo qui omnibus sit communis? atque id in præfenti docuisse diuinum Hippocratem hoc argumento quis facillè sibi persuadeat, quod ex hac interpretatione nullus scrupulus emergat; nihil enim refert si vel parum, vel multum ante vigorem fiat subtractio, dummodò ea proportionè fiat, quã & coctionis modus, & Symptomatum ferocitas suadebunt, quorum gratia de imminutione alimonix cogitamus. Quamobrem satis superque fuit iunuisse non in vigore solùm; sed & ante ipsum eò deueniendum, sine additione particulæ μικρόν, vt significet paulò ante ipsum: maximè cum iuxta nostram interpretationem posteriori voci addita præcedenti orationi præfiniat modum, ac longè vtiliorem, minus tamen à plerisque aut obseruatam, aut cognitam, contineat doctrinam, neque verò est quod ab hac opinione nos auocet communis acceptio obsistente ratione: non ipsa ratio debilibus innixa fundamentis. Habet illa quidem quæ in contrarium opponitur verisimile aliquid, at hæc vltima vberius & firmitus documentum, minus est in errorem prona.

Quod enim obijcitur errare in longis affectibus facillè eos posse, & longè ante vigorem parcius quàm par est nutrire ægrotantes, qui non animaduertent esse breue id spatium

spatium, sapius à nobis inculcata voce *μικρόν* limitatum; nos constantes negamus subesse quicquam periculi, aut incommodi quamdiu pedetentim fiet imminutio obseruata indicationum lege & natura: è contratio si, vt interpretatur Philotheus, duorum triumue dierum interuallo circumscribatur id spatium his verbis *πρὸ ἐκείνου μικρόν* hoc est paulò ante ipsum, vti cum Philotheo cõmuniter explicant, expressum, inter longissimos affectus & acutos (quibus vtrisque communis est huius Aphorismi doctrina) vnus diei erit discrimen. In acutis verbi gratia bidduò ante vigorem subtrahendum, in illis triduò; quod non modò absurdum est, sed Medicinam vix sapit.

Horum namque alterum necessariò consequitur ex Philotheo, vel vt indicationes negligamus, vel vt eadem semper æquali spatio concurrant; quorum illud cum legitima praxi, istud cum experientia & sensu stare nequit.

Ad priorem instantiam in qua docetur ex hoc ipso, & septimo præcedenti Aphorismo non semper paulatim progrediendum. Respondeo necessitati cedere naturæ legem. Omne nimium naturæ inimicum, præsertim cùm ab altero ad alterum fit progressus; ac iubet necessitas extremæ corporis mutationi, extremam illicò in victu mutationem opponere. Quare peracuti illi, in quibus statim ad extrema deuenitur. sub hâc nostram

sententiam non cadunt. Cæteri quicunque tandem sint affectus, non tam præcipiti feruntur motu quin veluti per gradus recipiant in victu mutationem.

Ad secundam instantiam nostræ abundè satisfaciunt rationes. Et hæc circa primam Aphorismi partem meo iudicio non inutilia: nunc circa alteram inquirendum.

*Vtrum in longorum morborum
principijs victu pleniore sit
utendum?*

QVÆSTIO SECUNDA.

Affirmatiuè quæsito satisfacit in hoc Aphorismo noster Hippocrates. & rationem addit, vt æger possit perdurare: si enim tenuiore victu in ipsis principijs ægrotautes exhaustas, qui fieri poterit vt totum morbi decursum superstite vita perferant? Sibi infensum hostem validè adoriantur, & edoment, quem ne integris quidem viribus, vix nisi conuenientibus præsidijs adiuti, & longo ac difficili conflictu sint euituri? Denique ad eam postmodum tenuitatem traduci non poterunt, quàm vigor postulabit: summū itaque cum eodem Hippocrate statuo documentum, ne primis diebus debita sorbitione priuentur ij, quibus futurum po-

steà vt quacunq̃e sorbitione indigeant.

Contrarium nihilominus multis & probabilibus argumentis tueri licet; licet & experientia, atq; auctoritate confirmare, enim uerò si coctionis & Symptomatum gratia nutrire in statu prohibemur, quidni & in principio? an tum feriatur natura? an nō quantum in se est crudum adhuc & planè incoctum humorē aggreditur, qui, vt copiosior est, quàm procedente tempore sit futurus, maius negotium faceffit; vt minus elaboratus, coctioni magis est rebellis. In vigore certè magna ex parte est imminutus, euacuationibus præcedentibus tum natura, tum arte factis, longè quoque quàm initio elaboratior, magisque naturæ obsequens redditus, & ad expulsionem paratus, Quamobrem imminuenda circa principia victus tenuitate morbifica materies, adiuuanda coctio; crudiores succi, quibus scatēt plerumque ægrorum corpora, statim inedia absumendi ne augeatur morbus aucta cibus cruditate; simulque in longum prorogetur.

2. Aphor.
30.

Addo vt plurimum lōgiore morbos à crassioribus & frigidis humoribus generari, quibus quæcunq̃e abundant animalia nullo aut leuiore detrimento longam inēdiam ferunt. Horum etiam nonnulla plures menses sine exteriorē alimonia in latibulis degunt. Neque nouum est inuentos fuisse vtriusque sexus homines qui integros annos vitam incolumes sine cibo ducerent, quidni in malè af-

fectis corporibus adaucta materiæ copia victus necessitatem imminuat; imminutum natiui caloris robur parcimoniæ indigentiam adaugeat? Nunquid in alimentum facessit pituita? Quid ergo est quod ab huiusmodi opere in quotidianis febribus quæ omnium ferè sunt longissimæ, naturam distractam noua veluti sarcina opprimas eo potissimum tempore quo grauior est redundancia. Quid est quod eodem ipso tempore purgatione & venæ sectione vasa depleas, cibus repleas? Quod ad Symptomata attinet, perpetuum non est circa initia leuiora esse, in statu autem vehementissima; neque si leuiora sint importuno victu adaugenda. Istud spectauit Auicennas cum tenuiore victu primum vsus est in quartana ad tres vsque septimanas, postea deuenit ad pisces, oua sorbilia, pullos, gallinas, aliaque firmioris nutrimenti. Asclepiades verò in febribus conuellendas vires ægri putabat luce, vigilijs, fici ingenti, sic vt ne os quidem primis diebus elui sineret. Vbi ægrum per omnia fatigarat, quarto die cibo destinabat. Asclepiadis de conuellendis ægri viribus intentionem Celsus reprobatur, quoniam summum ex imbecillitate periculum est; Abstinentum tamen à cibo primis diebus ægrum non improbat, & in luce habendum, nisi infirmus sit interdium, quoniam corpus ista quoque digerit.

Quasnam modò sic dubijs in rebus sectabimur partes? Præstat equidè in summi dicta-

*Lib. 4. feb.
2. tract. 2.
Capite 65.*

*Celsus Lib.
3. Cap. 4.*

toris castris consistere, quam aliena non satis tuto duce ingredi. Summū summi illius viri studium in virtutis tutela: ipsa deiecta, in minimis, penè dixerim in securis, periclitamur, in grauioribus desperamus. Hæc ipsa valens omnia contemnit & tolerat infirma vel à quouis offenditur. Virtutis est morbum & causam propulsare (naturas ideò curatrices vocamus) Medici eiusdem conatus promouere, ipsam quò suas vices expleat, tueri: hostem tutò conficere satius quàm citò: sat citò, si sat tutò. Eidem sententiæ subscribit Galenus, quam breuibus dilucidè sic explicat.

*Galenus 10
Methodi.*

Tres sunt primi scopi qui nobis in putridis febribus agendorum indicationem præbent: primus febris ipsa: alter effectrix eius causa: tertius vis naturalis, Priores duo submouendi, tertius seruandus, Si indicationes pugnent, quæ valētior est, hanc magis sequere, cæteris non neglectis: ex hac nāque discretionē doceberis primum causam febremque profligare, vbi videlicet cōijcies harum remedia vires posse sustinere, rursus primum roborandam facultatem, vbi hæc imbecillior est, quam vt causæ, febrisque remedia sufferat.

*10. Metho-
di 2.*

Idem ipsemet in praxi accuratè obseruauit. In cura namque tertianæ nothæ cum videret morbo & viribus prouidere simul arduum & difficile esse? si quidem quantum ad morbi coctionem mediæ conferunt, tantum

*1. ad Glauc.
c. 10.*

vel etiam ampliùs robori officiunt, cui longiori tempore laborandum est: & quantum ægroti robur adaugent cibi, tantum remorantur coctionem ea inspiciēda monet, quæ maius auxilium postulant, inedia quidem audaciùs vtendum in valentioribus viribus, & morbo coctu difficili: largiori cibo in debilibus, morbo non admodum coctioni rebeli.

Age nunc isto veluti septo muniti aduersam aciem infringam⁹. Coctionis gratia (inquit illa) in statu nutrire prohibemur, ergo & in principio, negatur cōsequētia. Ad probationem negat Auerrhoës naturā in principio materiam tractare. Et si verò concedatur incipere in initijs coctionem, manifestari in augmento aliaque concurrere quæ victus tenuitatem requirant, præualet nihilominus indicatio virtutis, quæ longo tempore tantam parcimoniam morbo lacessita atque dissoluta non feret. Si tamen confideremus validam illam futuram, vt puta copiosa naturali pituita quæ in sanguinem facile vertitur sustentatum, commodum fuerit, quantum per ipsam licet detraxisse dum humor exuberans coquatur, ad Symmetriam reuocetur, ac penitus absumatur. Hæc Auicennæ mens fuit, si eius verba expendantur quæ sic habent. Rectiùs est vt inclinetur regimen quartanam patientium in primis septimanis, vsque ad tres septimanas ad sub-

collig. 9.

*loco supra
citato*

tem. Ecce vt in quartanis victum non simpliciter tenuem sed quodammodo tenuem imperat, hoc est tenuiorem aliquantò quàm morbi diuturnitas exposcat, sed cum virtutis moderatione. Addo non tam morbi ratione subtiliorem circa initia ab Arabū principe diætam inoperari, quàm cruditatū absumendarum gratia quæ primas vias occupant, quibus alimenti coctio distributioq; impeditur.

Asclepiadis, Themisonis, aliorumque ex eorum familia nimis seueram & exactam in quibuscunque febribus, triduana abstinentiam, tanquam importunam, & summo discrimini obuiam, à Medicorum scholis iamdiù explosam, perpetuo exilio damnamus. Celsi interpretationem restrictionēque admittimus, qui & si in febribus ad initium cibi diem quartum aptissimum censuit, nulum tamē perpetuum temporis præceptum constituit, vnum illud & semper, & vbiq; seruandum cum Galeno præcepit, vt ægri vires subindè Medicus assidens inspiciat, & quamdiu supererunt, abstinentia pugnet, si imbecillitatem vereri cœperit, cibo subueniat, ne aut ægrum superuacanea materia oneret, aut imbecillitatē fami prodat. Sux sententiæ Erasistrati auctoritatem adsciscit Celsus, is quamuis parū docuit, quādò venter, quādò corpus ipsum exinaniretur, dicēdo tamē hæc esse visenda, & tum cibum dandū cum corpori deberetur: satis ostendit,

*loco supra
citato*

dum vires superessent, dari non oportere, ne deficerent, consulendum esse. Ex dictis vnum colligit idem Celsus, quod & si minimè præsens instituti prætermittere non possum: ab vno nempe Medico multos non posse curari, eumque (si artifex est) idoneum esse qui non multum ab ægro recedit. Sed qui quæstui seruiunt, quoniam is maior ex populo est, libenter (inquit) amplectuntur ea præcepta quæ sedulitatem non exigunt, vt in hac ipsa re. Facile est enim dies, vel accessiones numerare his quoque qui ægrum non vident; ille assideat necesse est, qui quod solum opus est, visurus est, quando nimis imbecillus futurus sit, nisi cibum acceperit. Ecce vt nihil hac in parte perperum Celsi decreto; vt victus occasio ex sensus iudicio petenda.

Ad alterum argumentum quo cōcluditur Symptomatum ratione in principio, æquè ac in vigore conuenire victum tenuem, valeat eadem solutio, tantum scilicet sumptæ è Symptomatis indicationi tribuēdū, quantum patiuntur vires; sic in pleuritide, victum initio detrahit Hippocrates, habito Symptomatum respectu. In progressu auget, vt refocillata virtus materiā noxiam, eò facilius & validius expectoret, expectoratione sensim, vt morbus & morbifica causa minuūtur, Symptomata mitescunt. Eandem regulam sectari nefas, in ijs affectibus, quorum materia ad vnam aliquā expulsionem seruat,

quando verendum est ne præcedente abstinentia languidior effecta virtus, tum demum cibis veniar reficienda, quo tempore coctioni perficiendæ tota addicta est, & Symptomata ingrauescunt, & hoc solidum illud est, & præcipuum in hac ipsa materia non semel antea substratum fundamentum.

Si quæ alia spectare ad præsentem videntur Aphorismus fuere in præcedentibus discussa: aggrediamur vndecimum.





Εν τοῖσι παροξυσμοῖσιν ὑποσέλλεσθαι χρεῖ,
τὸ προσιθέναί γὰρ βλάβη. καὶ ὅσοσα καὶ α
περίόδους παροξυνεῖται, ἐν τοῖσι παροξυσμοῖ
σιν ὑποσέλλεσθαι χρεῖ.

In accessionibus abstinere oportet, nam cibum dare nocuum est, & quibuscūque per circuitus redeūt accessiones, in ipsis abstinendum.

Commentarius.

H Actenūs pluribus Aphorismis de indicationibus, quibus legitima cuique morbo victus quantitas decernitur, egit Hippocrates. Nunc particularem conuenientis ad cibi oblationem tēporis aggreditur tractationem, non directe tamen, sed oblique & negative. Docet quippè quo tempore abstinendum, nempe in accessionibus quibuscunque, siue per circuitus ipsæ

redeant, siue non. Ex quo necessario infertur extra accessiones cibandū. Huius eadem ratio quæ sententiæ præcedentis: quoniam, videlicet, distrahi cibis natura non debet, cum circa morificam materiã occupatur: vtriusque simul coctionem perficere commode non potest, extranej scilicet humoris simul & alimenti; tum maxime cū grauius laceffita mutuo morbi cōflictu perturbatur. Vel ergò crudus relinquitur cibus, vel corrumpitur, non sine morbi, eiusque causæ incremento, neque verò solum in accessione abstinendum, sed & cum futura est, eam enim quā modò dicebamus indigestus cibus, vel eiusdem indigestæ reliquiæ tragœdiam excitarent. Debet & hic Aphorismus sub eadem cum præcedentibus limitatione viriū intelligi. Iam quid ipsa accessio sit, & quotuplex, quādo in ipsa, & qua potissimum parte nutriendum; quæ circuituum causa, & si quæ alia ad pleniorē propositi intelligentiam, faciunt, ne quod curioso lectori dubium supersit, in controuersijs quanta poterimus facilitate discutiemus, non tam de breuitate, quā de perspicuitate solliciti.

Questionum series & ratio?

His in accessionibus abstinendum docemur: quod antequā expendamus, videndū in primis quid, & quotuplex sit accessio. Itemque cū de periodorum recursu sermo sit, audiendum, quid periodus, quot eius, quot accessionum tempora.

His ignoratis temporibus, facile in exhibēdi cibi particulari tēpore aberratur. Mox ad generales recursus, periodorum causas orationem cōuertemus: à generalibus ad particulares descendemus. Ac demū Aphoristica sententiæ veritatem, contrariorum oppositione declarabimus.

Quid & quotuplex sit accessio?

QVÆSTIO PRIMA

Quid hoc loco per accessionem intelligendum sit, docet in sequenti Aphorismo Galenus: totius nempè circuitus deteriorē partē, quæ à prima inuasiōe ad vigorem inclusiue protenditur: vigorem sequitur inclinatio, quam meliorem circuitus partē dicere pari ratione conuenit. Haud absimili modo libro de morborum temporibus accessionem definiuit, dum primam

circuitus partem ipsam appellat, secundam verò, remissionem, vel interuallum: liberum cuique permittens omne id spatium quod vigorem sequitur, vel inclinationem, vel remissionem, vel submissionem, vel ablationem, aut interuallum nominare. Ibidē præfatam definitionem nostro applicans Aphorismo, in accessionibus (inquit) abstinendum intulit Hippocrates, docēs nos videlicet solum illud tempus quod accessionem vocat obseruandum. Nunquam enim in hoc nutrimus, verum in reliquo omni remissionis tempore interdum in alia atque alia eius parte, quia ex simplici interim declinatione, interdum ex declinatione, & interuallo constat. Hippocrati cōsentit hæc oratio, simul & rationi. Hippocrates quidem in acutis dilucidē mentem aperiens, sorbitionibus vtitur, sic obseruatis febrium accessionibus, vt nunquam cū adsunt; neque cū futuræ sunt illas exhibeat, sed vel cū cessāt, vel quieuerunt, & maximē à principio recesserunt.

4. ACUT. 38.

Nequis verò solam quietem siue interuallū ab accessionis appellatione secludere Hippocratem putet, subiungit: frigentibus ergo pedibus, neque potum, neque sorbitionem, neque aliud quidpiam huiusmodi dabis, sed maximum existimato, vbi si id tantisper obseruaris donec valdē incaluerint, deinde quod confert exhibe: tempore videlicet summum illum æstum consequente, hoc est in remissione, non enim illa vox (deinde) ad inter-

662 *APHORISMVS VNDECIMVS*
uallum extenditur, sed ad tempus id quod
prædictū feruorē immediatē sequitur. Idem
manifestē comprobatur, ibidem producta ratio,
nempe cū pedes frigidi fuerint, venter de
necessitate calet, fastiditque cibum, intendi-
tur Hypochondrium, iactatur propter inte-
riorem perturbationē corpus, mens fixa non
est, dolet æger, lancinatur, vellicaturque, vo-
mere affectat, si mala vomuerit dolet: ergo
cū calor ad pedes descenderit, curritque
vrina, & si nō sudet, omnia cessant, quo tem-
pore sorbitionem dare expedit, nam aliā
perniciosa existit. Ecce manifestam remissio-
nis descriptionem nō integritatis, eiusdemq;
ab accessione separationē. Dictum verò Hip-
pocratis, non de solo principio, sed de reli-
quis accessionis temporibus pariter audien-
dum, in quibus à concepto interiūs ardore
iactationes, dolores, cœteraque enumerata
Symptomata; quibus sæuiētib; circa ali-
menti coctionē versari natura minimē potest,
itaque si tum illud offeras cruditatum sit ne-
cessariō prouentus magno morbi, Sympto-
matum, & causarum incremento. Contra
omninō in declinatione accidit, repress^o quip-
pē internus calor, & mitior redditus, exequen-
dis naturæ munij; euadit aptior. Accessionis
ergo nomen declinationem non includit.

Duplex ex dictis oritur difficultas: prima
est, malē per circuitum accessionem descri-
bi, eo modo quo totum partium descripti-
onem ingreditur.

Altera est remissionem ab accessionis partibus non debere secludi. Huius decisionem in sequentem questionem differemus.

Quod ad primam attinet dubitationis ansam præbet noster hic Aphorismus, in quo habetur in omnibus accessionibus abstinendum esse, & postmodum abstinendum, in accessionibus quæ per circuitus redeunt, ex quibus evidens est, ex mente Hippocratis, quasdam sine periodis accessiones inueniri: si ergo sine circuitu sunt accessiones, debent & sine circuitu definiri, alioqui nec vniuersalis erit definitio, nec reciproca. Esse autem accessiones sine periodo palam facit synochus, cuius vnica inuasio, nulli reditus, Hanc, si improprie accessionem vocas, & quasi aut veluti accessionem (vt Medicorum nonnulli) quid de inordinatis febribus dices? (quales vt plurimum lentæ sunt) ipsarum exacerbationes quo nomine donaris? si accessiones vocas et traueris, vt potè quæ statos recursus non seruant, quod ipsarum nomen indicat. Nam accessiones, si partes sunt circuitus, ordinatæ sint necesse est; Medici namque approbante Galeno, circuitum appellant, morbi ex ipsdem ad eadem per ordinem recursu. Quam ob causam periodicas febres communi appellatione dicimus ordinatas; illas erraticas, vel cum Celso, vagas.

*Libro de
mor. temp.
c. 2.*

Ad huius nodi solutionem veniunt hæ explicandæ voces, *παραξυσμὸς* accessio, *periodus*: quarum nos implicat diuersa acceptio.

*Libro 3.
c. 3.*

Paroxysmus quidem, si mutationem, atque adeò genuinam significationem spectemus, irritationem denotat, exacerbationem, excandescentiam, disceptationem, prouocationem, hæc quoniam redeunte morbi insultu in nobis sentimus, reditū ipsum morbi, atque adeò vniuersum insultum paroxysmum nominamus.

*a. de diff.
febr. 4.*

Eodem modo accessio à febris aduentu nomen habet, vt vox ipsa sonat. Verum accessionis nomen quemadmodum & paroxysmi, strictius quandoque vsurpatur, quandoque latius. Ex vi quidem verbi tempus id designat quo accedit, siue irritatur morbus siue particularia tempora manifestè contineat, siue non, quo modo synocharum febrium vniuersum tempus vnicam esse accessionem dixit Galenus. Aliàs solam notat exacerbationem temporibus dispersitam, principio, puta, augmento & statu siue ordine recurrit, siue non. Quin etiam in ampla significatione declinationem sub ea collocare nil incōuenit. Quanquā si propriè & strictè loquamur hæc ab accessione excludenda, & quod ampliùs in strictissima acceptione reuersionis ordo supponendus.

*Libro de
finit Me-
dicarum.*

Periodus quoque aliàs de ea dicitur quæ certo reuertitur ordine vt ex Galeno dicimus, aliàs de quacunque siue ordinata siue inordinata, siue reditū habeat, siue non. Hoc sensu à Galeno definitur, tempus morbi ex intensiōe & remissione consistens.

Declarata

Declarata horum nominum Homonymia nulli reliqui plexus in Aphorismo nostro, nulla in allatis argumentis inuolucra. Non enim ambiguum esse potest aliter in prima Aphorismi particula, aliter in vltima paroxysmi vocem vsurpari. In prima quidem cõmunissimè sumitur pro omni febriũ exandescẽtia, quæ cibos offerri vetat, itavt ipsas quoque synochos complectatur, quæ propriè loquendo accessionis nomen obtinere nequeunt, cum nullam temporũ manifestam differentiam habeant, sed talem fere decursum vniuersum, qualis est tertianarum aliquo tempore magnitudo status, proinde totam eiusmodi febrem statum nonnunquam appellat Galenus. In altera de ea tantum accessione dicitur, quæ per circuitus affligit, quorum deterior pars est, & febribus omnibus est communis quæ per circuitus op-
petunt, siue continuæ sint, seu intermittentes, siue ordinatæ, siue inordinatæ, quicquid plerique secũs æstimarint.

*Libro de
mor. temp.
capitũ 5.*

*3. de crisi-
bus.*

Fuchsius quidem inter cõteros vindicari ab errore non potest, dum primam Aphorismi partem de continuis & continentibus interpretatur, alteram de solis intermittentibus falso hoc elusus fundamento.

In febribus intermittentibus nutrire non licet nisi vbi ad integritatem æger redierit, & à febre liber fuerit: Hippocrates ergo per accessiones quæ per circuitum redeunt, particularia quatuor morbi tẽpora designat,

principiū, augmentū, statum, & declinationē.

Supponit hic Fuchsius accessionis nomen æquiuocè sumi in præsentī, quod admittimus, sed alio quàm ipse Fuchsius intellectu: nam in priori parte de Synochis dicitur, in posteriori de cæteris quarum diuersa planè à Synochis ratio, vti docuimus. Sed Fuchsius ad priorē partē etiam cōtinuas refert, quas tamē periodicas esse nemo diffitetur, cum peractis quatuor tēporibus, rursus ad eadem deueniant; cum ergo per circuitus oppetant, quidni ad secundam Aphorismi partē spectabūt? An quia nutrire in declinatione in illis febribus licet, in intermittētibz non licet; & ex consequenti in prima parte accessio dicitur de ea quæ tria tantum habet tēpora; In secunda parte, de ea quæ etiam includit remissionē? sed hoc vtrumque falsum est, cum Galeni doctrina minimè cohæret.

Secluditur quidem ab accessione declinatio, si hæc circuitus secunda pars est, & melior; illa prior & deterior.

An verò ad cibi exhibitionem in intermittētibz semper expectenda integritas? consulat Galenum, qui in nullo squalido affectu commodè finire accessionem existimat, prius quàm illi vel ex lauachro vel humido victu humectatio accesserit. Qui sic afficiuntur decrecente iam accessione illico nutriendos monet, non expectato intervallo. An non cum breue est intermissionis spatium, præstat cibum in declinatione ca-

pere, quò longius futura accessio præueniatur? quanquam offerendo cibo natura sua oportunius intervallum esse non diffitemur. Itaque cum Hippocrates in vltima Aphorismi clausula de accessionibus quæ per circuitus fiunt simpliciter loquatur, credibile est, nullam earum excludi, quæ periodos quascunque tandem illas obtinent, siue ad integritatem perueniant, aut secus.

Ad argumenta contra descriptionem accessionis producta patet ex annotatis solutio: illud scilicet accessionis nomen, vniucè singulis vocatis accessionibus minimè competere. Ac præterea in illa ipsa descriptione, periodi vocabulum non accipiendum esse pro ordinato recurſu ex iisdem ad eadē, sed pro tempore morbi ex intensiōe & remissione constante, siue repetat siue non.

Hæc circa definitionem accessionis. Eiusdem diuisio petitur à diuersis.

Quandoque ab inuasionis modo, siue principio (*ἑκ τῆς ἐπιδημίας* vocant) quod vel manifestum est, vel obscurum. Hinc manifesta dicitur accessio, cuius reuersionis manifesta sese prædunt in pulſu, in vrinis, in caloris motu indicia. Qualia in intermittentibus febribus pulſus contractio, vrinæ cruditas, frigus horror, rigor. Obscura est quæ sine sensu irrepit, aut certè non euidenti. Potest hæc ipsa distinctio à cæteris etiam summi temporibus. Nam lentarum verbi gratia, febrium exacerbationes, inæqualitatem, ac

*Libro de
morb. tēp.
capite 7.*

incrementa sensu nonnunquam agrè deprehendimus. Statum nunquam deficientem vidisse se proficitur Galenus. Aliàs à duratione diuisio sumitur sic breues dicimus tertianæ exquisitæ accessiones: medium tenent quædam non exquisitæ: longæ sunt quotidianæ.

Ab humōris aut caloris motu tardæ aut celeres fiunt, quæ sua tardè, vel citò tempora absolunt & percurrunt.

A morbi, aut symptomatum intentione, vehementes appellantur, aut leues.

A tempore quo inuadunt, nocturnæ, diurnæ, matutinæ, pomeridianæ, vespertinæ. Denique à reciprocationis certo vel incerto, statoque tempore, & modo; ordinatæ, inordinatæ. Et hæc ad institutum satis.

*Quid sit Periodus? Quot eius;
quot accessionis tempora?*

QVÆSTIO SECUNDA

Dictum à nobis præcedenti quæstione periodi nomen diuersimodè à Galeno accipi & definiri. Ampla significatione acceptum dicitur tempus morbi ex intensione & remissione consistens; morbisque omnibus conuenit, siue vnico circuitu terminentur, siue per interualla exasperentur & recurrant: siue quodam veluti Rithmo &

*Libra def.
Med.*

ordine procedant, siue inordinatæ, dūmodò intentionem habeant & remissionem. Hoc sensu propriè videtur à Galeno vsurpatum vbi de typis ex professo pertractat: periodum siquidem à Typo solius ordinis ratione distinguit. Typus (inquit) est ordo intentionum ac remissionum: periodus seu circuitus est tempus intentionum & remissionum in morbis factum.

*Libro de
Typis c. 2.*

Strictiùs tamen aliquando sumitur, itavt ad ordinem, quo à typo discernitur, restringatur. Sic antea describi audiuimus in posteriore ista acceptione periodum, eiusdem ad eadē per ordinē ipsum circulū, seu recursum.

*Libro de
tēp. morb.
Capite 2.*

Nos in latiore potius acceptione vsurpāri hoc Aphorismo existimamus, vt sit generalior oratio, nec ad solas ordinatas periodos referatur, quæ quodam veluti circulo repetunt. Nihilomin⁹ quoniam inualuisse hactenus videtur secunda acceptio, secundam quoque definitionem explicemus. Dicitur recursus, ad eorum affectuum differentiam qui vnico finiuntur insultu, quamvis accessionem habeant & remissionem. Additur morbi: quo nomine non morbus solū, sed & symptomata continentur, quæ ab interioris alicuius causæ motu, sine vllō externo errore, aut appulsu proritantur. Non enim si quotidie ex intemperie in ventriculo contracta, inflatio, aut totius corporis langor, aut gravitas, aut spirandi difficultas, aut quid aliud eiusmodi repetat ab ingesto cibo,

periodicum affectum iurè appellaris. Sed neque periodicos ex hac definitione illos dixeris in quibus ad diuersa fit regressus. Sic tertianæ febris in dolores colicos factam commutationē, quamuis ipso consuetæ exacerbationis tempore, & ab eadem interiore causa, à periodi nomine excludimus: non enim ex iisdem ad eadem. Quamquam dolorem ipsum, si statis temporibus recrudescat, rectè periodicum vocaris.

Postremò status requiritur ordo, qui quoniam in erraticis febribus non inuenitur, periodicas illas nemo appellarit. Porro hic ordo vel præcisè ad horas refertur: quomodo quotidianum circuitum 24. horis circumscripsit Galenus: Tertianum 48. Quartanum 72. Vel ad dies ex proprio cuiusque morbi typo. Sic quotidianus est qui singulis diebus affligit: si vnū intermittat diem non amplius quotidianus erit, sed tertianus: sin plures ad alium circuitum pertinebit. Si modò vnum, modò duos, æquali seruato recursus ordine, non simplicis vnius erit affectus sed cōplicati. Horatū immutatio non hanc circuituum mutationem parit, sed in ipsis circuitibus anticipationem vel postpositionem.

Quocunque modo definita periodus geminas continet partes, accessionē & remissionem. Accessionem diximus deteriorem circuitus partem, qua videlicet cum morbo conflictum grauiorem inicit natura. Remissionem meliorem partem, qua certaminis im-

*Libro de
morb. tēp.
capite 2. 53
aduersus
eos qui de
typis scrip
serunt*

petus compescitur.

Harum partium vtraque subdiuitur, accessio quidem in principium, augmentum, & statum: remissio ipsum etiam sub se continet interuallum.

Principium dicitur, cum calor ad interiora reuocatur; augmentum, cum quaquauersum diffunditur, & augetur. Status cum per omnia mēbra diffusus æqualiter cōsistit, sibi que similis permanet. Declinatio cum manifestè decrescit, & ab intimis rapitur ad extima. Interuallū cum penitus deficit. Sumitur hæc temporum distinctio à caloris motu.

Priora illa tria vno nomine accessionem vocāt: posteriora, remissionē. Id quod dictionum notationi consonat, siue Græcas intueamur, seu latinas. Παροξυσμός enim morbi acutiem, exacerbationem, excandescentiam, irritationem denotat qualis in accessione percipitur: accessio, morbi accessum.

Παρεξιμήν contra langorem & declinationem, quasi ὡς ἔτι ἀνυλῶν, hoc est extra vel post vigorem, qui succedit, & à quo declinat & recedit, iure proinde recessionem dixeris. Quamobrem, vt nomine, sic re quoque opponitur accessioni, remissio: in illa efferatur morbus, in hac mitescit; in illa accedit, augetur, viget: in hac recedit, decrescit, languet. Verum non desunt qui sub accessione remissionem comprehendant.

Id iam antea ex Fuchσιο audiuius; quid verò ex Fuchσιο? immò ex ipso Galeno. Id

Capite 4.

enim prolatus ex 10. Methodi in Fuchsum textus palam facit. Nam si in squalido affectu (vt illic loquitur Galenus) non ante definit accessio, quam illi humectatio accesserit, ideoque decrescente accessione illico nutriendus est æger, accessionis certè decrementū, hoc est remissio, accessionis pars est, aliàs perperam diceret non finiri accessionem ante humectationem quam in remissione imperat. Clarius id 2. de differentiis febrium ultimo, vbi ex affectu in parte relicto, congeri denuò superflua docet Galenus: Ab his noua concepta putredine rursus principium, ascensum, statum & declinationem alterius fieri accessionis, At euidentissimè & ex professo libro de morborū temporibus, totus circuitus in duas partes diuiditur, vnā primæ accessionis, a primo insultu ad extremam vsque remissionē. Alteram quæ in declinationis & insultus secundæ accessionis medio consistit. Et sanè, si ex caloris motu accessionis tempora dispertimus, quatuor omnino reperiemus. Concentratur primū calor: mox diffunditur & augetur: auctus æqualiter toto corpore exterius & interius efferuescit: Tum demum deferuescēs interius, solū ambitum occupat. Si nomina ipsa spectamus morbi accessionem non excludit remissio. Nam si tēpus id omne quo verè adest affligitque morbus accessionem voces, quorsum ab eadem appellatione secluseris remissionem? in qua adest eti-

annum febris calore conspicua & molesta, quam grauis quandoque iactatio, vigiliæ, sitis, anxietas, comitantur. Quamobrem in intensiorem & remissionem diuiditur accessio.

Equidẽ negare non possum quin ita quandoque, sed improprie, à Galeno vsurpetur, verum secus is ipse passim docuit, & æstimauit, vbi agendum exactè fuit & ex professo. Satis superque id probant quæ ex ipso produximus in rem nostram: quæ in contrarium nihil nos morantur. Allegato ex Methodo capite amplè sumitur accessionis vocabulum, vt totum id tempus includit quo febris adest: non erat is distinguendi locus, nihil intererat quocunque accessionis nomen caperetur modo, dummodò euident foret de tempore nutritionis præceptum: quod vox illa (decrecente) sufficienter illustrabat. Eadem est ad allegatũ ex secundo de differentijs febrium responsio.

Difficilior est citata ex libro de morborum temporibus diuisio, in qua mihi persuadere non possum non subesse mendam, aliàs à manifestissima contradictione Galenus vindicari nequit, quæ tamen à nemine quem viderim hætenus fuit animaduersa. Initio quidem capitis remissionẽ subaccessione collocat, & ab interuallo secludit; mox eandem cum interuallo confundit, & ab accessione segregat. Hæc ipsissima sunt eius verba vbi totum circuitum in duas partes secans, &

Galenus lo-
cus illus-
tratus lib.
de morb.
temp. cap.
5.

μὲν (inquit) τὸ τοῦ πρώτου παροξυσμοῦ πτώσις ἀπὸ τῆς πρώτης ἐισβολῆς ἀκριβῶς τῆς ἐλαττοῦς ἀνέσ-
ωσι τὸ δὲ μετὰ μεταξύ ἐς τῆς πύξεως, καὶ
τῆς ἐισβολῆς τοῦ δευτέρου παροξυσμοῦ. Hoc est
vnam partē (supple circuitus) facientes pri-
mæ accessionis, à primo insultu ad vltimam
vsque remissionem: alteram quæ in remissi-
onis & secundæ accessionis medio consistit.
Paucis interpositis subiūgit: & quod ab Hip-
pocrate dictum est in accessionibus absti-
nendum esse, secundū eandem diuisionem
pronuntiatam existimo, docet nos videlicet
solum illud tempus quod accessionem vocat
obseruandum: nunquam enim in accessione
nutrimus, verum in omni reliquo tempore
remissionis, interdū in altera eius parte. Ec-
ce vt diuisionem suam explicans ab accessi-
one remissionem seponit, ac istius duas par-
tes facit. Vtrumque in sequentibus non mi-
nus apertum his verbis. Hæc quidem vnius
circuitus est in duas partes diuisio, alteram
primam eius partem accessionem vocamus:
secundam vel remissionem, vt paulò antè, vel
vt quidam interuallū. Nam interuallum non
pauci Medici vniuersum id quod post statū
est qualicunque natura præditum nominant,
siue id ad integritatem veniat, siue non: verū
nos appellationes prædictas obseruabimus,
vocabimusque omne quod accessionem se-
quitur remissionem. Sed neque prohibemus
si quis ipsum totum nominet interuallum,
vel declinationem vel remissionem, vel sub-

missionem, vel ablationē. Hucusque Galenus. Quid clarius? stare secum ista nequeunt, nisi priore loco producta iuxta legitimam interpretationem ac lectionem restituantur.

Itaque cum accessionē dicit ad ultimam remissionē extendi, intellige exclusivē, ita ut remissio, quam primam declinationis partem constituit, sub accessione non comprehendatur. Cum addit τὸ δὲ μετὰ μετὰ τοῦ ἐστὶ τῆς παρρημῆς legendum ἀρχῆς id est status, ut hic sit sensus; altera quæ in status & secundæ accessionis medio est posita; sic utramque declinationis partem pars hæc altera complectetur.

Verisimile certè videtur librariorum ignorantia aut incuria propter verborum affinitatem errorem irrepisse, neque id mirum apud me, mirū ab eruditissimis viris non fuisse deprehensum. Quamobrem seclusa est Galeni decreto ab accessione remissio: neque obstant contraria argumēta, supponūt enim quamdiu præsens est morbus accessionem vocari, quod negamus. Morbi præsentiam non excludit remissio, nō eius excludit actionem, sed vehementem insultum & acerbitatem. Præsentem morbū supponit, sed abscedentem, agentem & molestantē sed quàm antea remissius.

Quæcunque in declinatione persistunt Symptomata, sunt quàm ante leuiora sed quemadmodum ex graui incendio repressa etiamnum flamma, magnus ad tempus relin-

quitur calor: vehementem quoque statum, cum aut multus mordaxque subest humor, aut malignus, grauis & difficilis inclinatio consequitur, tum ex naturæ lege, quæ transitum ab extremo ad extremum sine medio fieri non patitur, tum ex humorum reliquijs feruore præcedenti acrioribus redditis. Si tamen vera remissio est, si nullus alter complicatus affectus, multum à priorum temporum violentia & ferocia deflectit. Idem de caloris motu dicendum est: nempe ex crescentis caloris motu accessionis tempora distingui, non autem decrescantis, ideoque ad accessionem non pertinet remissio.

Sed quid ad Galenum dicemus? qui tribus enumeratis accessionis temporibus inæqualitatem addit: & à remissione ex professo separat interuallum? senis passim temporibus circumscribit periodum? præstat illius verba adscribere, quantumuis longa, quam ad ipsius libros remittere lectorem. Primum itaque tempus totius periodi exactè est (inquit) quo corpus cum mutationibus pulsus prædictis in alserit, vel ex sanitate vel ex interuallo ad hoc perueniens (de intermittentibus febribus hic est sermo) Aliud ab hoc secundum est quod pulsus & calorem in contraria mutat, donec tota corporis moles æquabiliter concalescat. Post hoc tertium quo calor etiamnum augefcit, pulsibus magnitudine, celeritate & frequentia respondentibus. Quarta constitutio post tres com-

*Libro de
mor temp.
Capite 3.*

memoratas conspicitur, omnibus iam dictis æqualem sibi magnitudinē pro sensus nostri iudicio conseruantibus. Ad hæc quinta alia cū calor iam manifestē decrescit, halitus autem per cutem excernitur, pulsus ad naturalem habitum redit, reiiciens omnia quæ præter naturam ex magnitudine, celeritate & frequentia & duritie conquisserat: hoc tempore plurimis ipsorū sudor oritur. Post hoc interualli tempus sextum ad prædicta peruenit. Hæc Galenus quæ lubēter ad verbum attulimus in iuniorum gratiam, quoniam facilem tēporum internotionem continent, quanquā ad difficultatem præsentem iudicandam tanta series verborum non videbatur necessaria. Præcedenti capite uti & supra allegato, quatuor solummodò tempora percensuit idem Galenus.

Quomodò verò simul hæc vera esse possint, non est quod aliudē quā ab ipso edificamus. Interuallum quidem audiuius sub remissione complecti. Sed inæqualitas: cū à principio maioris solum & minoris ratione differat, iure ad principiū refertur. Quid quod principio inæqualitatem manifestē tribuit Galenus? spectauimus (inquit) nonnullos dum actionem nescio quam obirent paulatim inhorruisse primum, deinde iterum atque iterum inæqualitatem quandam validiorem, horroremque euidentiorem sensisse, si inæqualitati succedebat horror, nondum erat principium exactum, erat ergo in prin-

678 *APHORISMVS VNDECIMVS*
cipio inæqualitas. Quod si principio hæc
quoque conuenit, quid est quod ab ipso se-
paretur? distinctioris tamen doctrinæ gra-
tia solet nonnunquam à principio inæquali-
tas seiungi.

*1. de de-
cret. Hipp.
& Plat.
Capite 2.*

Quæ de inæqualitate diximus facile for-
tasse concesserit quispiam sed ad remissionem,
Imò vel ad morbum, interuallum pertine-
re statim reclamabit.

Nam si quartanis aut tertianis laborant
(inquit Galenus) cum horrent & febricitant
tunc in morbo constituti sunt; cum verò
mutata morbosa illa constitutione nihil hu-
iuscemodi patiuntur, sed in intermissione
quæ appellatur consistunt extra morbum po-
tiri cèsentur. Et sanè, si de essentia morbi est
actionis læsio, alterum sine altero cōsistere non
potest: cum igitur in interuallo illæse appa-
reant actiones, adesse in interuallo morbum
quis putarit? Si non adest morbus, extra
morbi tempora erit interuallum, ideò sic
appellatum quod sit spatium, induciarum
instar inter accessiones interiectum, quietem
proinde nuncupant, aut ἀνωπεξίαν. Id est in-
febricitationem, siue sanitatem inter febris
inclinationem eiusdemque reditum inter-
positam.

Si morbi tempus non est, ergo nec remis-
sionis. Ecce in quas nos dissentientes Galeni
textus, aut res ipsa potius deducit angustias;
quibus facile sese expediet, quisquis intelli-
get. Quod quanquam omnino à morbi con-

tagione plerique ad sensum interualli tempore videntur immunes, remanent in ipsis nihilominus seminaria, & quædam in affecta parte affectio, à quibus per circuitus denuò reuiuiscit febris; subest dispositio quædam ad nouam accessionem proxima. Ac veluti

4. Aphor. comm. 63.

2. de diff. feb. capite ultimo.

Quo semel est imbuta recens seruabit odorem.

Testa diu.

Sic in partibus læsis humorum putredo intemperiem quandam imprimit; à qua, qui ad ipsas influunt humores, immò & ipsum quoque alimentum, quoddam putredinis rudimentum concipiunt: Cùmque euinci exquisitè natiui caloris beneficio nequeant, sensim vberiores cunulati, magis magisque cõputrescunt, vnde nouus paroxysmus, qui tamdiù periodicè efferatur, quamdiù illa dispositio perseverat, dum tandem cùm prima mali labe radicitus extirpentur. Merito idcirco Iurisperiti tertiana aut quartana laborantes, & Epilepticos, ijs etiam diebus quibus ab ægritudine sunt immunes, à sanorum albo subtraxerunt.

Quod si nullam tempore interualli remanere in affecta parte imbecillitatis causam ex Galeno probes, qui temporis id spatium quod primæ accessionis finem, & secundæ principium interiacet: idè sine febre esse asserit, quod facultas membri recipientis superfluitates, sanguinem in se cõtentũ quemadmodum antea elaboret. Respondeo adesse

Eodem 2. de diff. feb. Capite ultimo.

saltem eam cum in mandante, tum in recipiente parte discrasiam quæ primum morbi impetum concitauit, Nusquam enim integra consequetur sanitas (inquit ille) nisi & meatus aperti sint, & facultas vegetior, & corrigatur affectus partis vniuersûque corpus nec multis, nec vitiosis humoribus redundet. Quamdiu hæc subsisterint, tamdiu exacerbationes fieri necesse. Quarum reversionis causam perscrutari tempestiuum videtur, maxime cum eò nos series orationis pertrahat.

*Quæ sit recursus Periodorum
causa in genere?*

QVÆSTIO TERTIA.

Accessiones quasdam per circuitus repetere docet noster Aphorismus, quænam illæ sint intelligendæ aperuimus, causa cur ita fiat inquirenda. In genere quidem præsentî quæstione, quæ sit recurus causa? in particulari postmodum sequenti altera, quæ sit statî recursus causa, puta quotidiani triduanî, quartani?

*s. de diff.
febr. Cap.
Ultimo.*

Prioris solutionem à Galeno mutuabimur, inde sumpto exordio in quo cõcludit. Nempe quod, quæcunque per circuitus ægritudinum accessiones fiunt, ortum habent ex dispositionib⁹ membrorum quæ vel mittunt,
vel

mittūt, vel suscipiūt, vel generāt, vel attrahūt
superflua. Quæ circuitum non habent, in his
nulla est pars corporis quæ præcipue sit of-
fensa, sed qui in venis aut arterijs omnibus
continetur humores: atque si præsertim qui
in maximis, plurimoque calore abundanti-
bus, aut ob aliam quamlibet causam (vt in
Ephemeris) aut ob putrefactionem feruentes
febrem vnā accendunt synochum voca-
tam, quæ à principio nullam habeat inter-
missionem. His verbis nouam humorum col-
lectionem recursus causam facit. Collecti-
onis quatuor profert modos, missionem, sus-
ceptionem, generationem, attractionem:
in quorum explicatione sita difficultatis so-
lutio.

Quatuor hosce modos facilioris doctri-
næ gratia lubet ad duo capita reuocare,
congestionem videlicet & defluxum.

Congestio est humoris in ipsa afflicta par-
te geniti coaceruatio.

Defluxus est eiusdē in vna parte generati
in aliam delapsus.

Congestio fit vt plurimū alteratrice aut
expultrice, harum altera vel vtraque læsa
vel impedita. Istud qua ratione accadat (vt
iuniores intelligant) recolendum memoria
est quatuor in viuentibus facultates nutri-
tioni subseruire. Attracticem, retentricem,
alteratricem, & expultricem: Quarum mu-
nia singulæ ipsarum appellationes sufficien-
ter exprimunt. Si qua occasione à munere

682 *APHORISMVS VNDECIMVS*
deficiant, necessum est, aut cessare penitus,
aut imminui nutritionem, aut depruari pro
diuerso singularum læsionū gradu, & modo.

1. de symp.
causis cap.
1.

Facultatem voco proprie non partium
constitutionem quæ temperiei conformatio-
nique communis est (vt perperā aliqui non
parum docti) sed solam cum Galeno tem-
periem. Læsa enim temperie labefactatam
facultatis substantiam, dicimus: vitiata con-
formatione, dumtaxat impeditam faculta-
tem. Cōformatio sub facultate continetur,
vt sub efficiente instrumentum: quo sen-
su si vtriusque complexum, largiū loquen-
do, virtutem, nomines, haud recuso. Non
aliud sibi volunt ista Galeni verba, propria
virtutis imbecillitas, intemperiem sequitur:
non propria instrumentales morbos. Virtu-
tem Medicam hīc intellige, sensibile id &
materiale actionis principium à quo indica-
tiones sumimus, nō incorporeas illas & im-
materiales animæ proprietates, in ipsa ani-
ma inhærentes, de quibus alias instituta
oratio.

3. de symp.
caus. 2.

Nunc ad rem immodicam excrementi
copiam proferunt alteratricis læsio, & ex-
ternus error. Facultatis læsio vel suæ ipsius
substantiæ culpa accidit, aut morbi alicu-
ius instrumentalis, Substantiæ vitiū intem-
periem diximus alteratiuarum qualitatum.
Instrumentorum vitia, sunt tumores præter
naturam, raritas, relaxatio, condensatioque
partium atque alia id genus.

Externus error triplex constituitur; in excrementis, in cibis, in somni tempore. In cibis quidem, quantitatis, qualitatis, temporis, & ordinis ratione. Quantitas vel pe se immodica est vel ad virtutem membrorum comparata.

Si ergo aberrare alteratricem contigerit, sequitur illico excrementorum prouentus; frigida quidem intemperies (vt Galeni exemplo vtat) acidas: calida nidorosas parit corruptelas. Id ipsum fit & in cibis, & in ipsis etiam excrementis. Acidas enim creant pituitosa, & frigida: nidorulentas, biliosa & calida.

Verum audire mihi videor argutulū aliquem obijcientem malè excrementa, cum interna sint, externis erroribus annumerari. Interna certè vocentur, per me licet, quatenus in corpore residēt, & ad internas causas referūtur: at externa sūt facultati, quoniam ipsius essentiam non attingunt: illorum siquidem interuentu cum suo fine frustratur virtus nec intentum assequitur, quisquis error est, facultati est externus.

*loco antea
citato*

Ad congestionem porro generari humores non sufficit, nisi pariter retineantur. Retinentur verò, quia non expelluntur. Non expelluntur, vel propter expultricis debilitatem puta intemperiem, vel propter conformationis vitiū qualis obstructio: vel propter error e mexternum, humoris nēpe quantitatem immodicam, à qua vis expulsiua

684 *APHORISMVS VNDECIMVS*,
superatur ac velut opprimitur: eiusdem qua-
litatem lentorem, crassitiem, visciditatem,
quibus velut immobilis firmatur; vel deni-
que propter vicinarum partium robur, quæ
aliena non admittunt.

Retentionis non meminit Galenus, vnico
generationis verbo congestionem expressit.
Retentionem pro re manifesta supponit,
clarum enim est non sufficere ad congestio-
nem generationem humoris, nisi is pariter
retineatur.

Defluxum tribus reliquis verbis comple-
xus est: emittunt, suscipiunt, attrahunt: suf-
ficienti vsus enumeratione partium, Nam si
cumulari humor debet, is vel in eo ipso mem-
bro in quo aceruatur, vel in alio quolibet
procreetur necesse est: de priore hætenus:
iam si alibi generetur vt isthuc perueniat vel
mitti debet, vel suscipi, vel attrahi.

Mittitur ergo vel proprio loci mandan-
tis conatu, vel ipso humoris impetu: mittit
pars robustam & validam nacta expultricem
& humorem obsequentem, dum vel copia
premitur, vel qualitate stimulatur. Sponte
depluit humor à sublimi parte in decliuem,
tum maximè cum vel præ copia contineri
nequit vel sua tenuitate meatus quoscunque
obuios permeat. Contrario motu feruntur
vapores, & flatus: calore agitati sponte à
decliuibus partibus tolluntur in sublimes,

Suscipiuntur superflua ab ignobilioribus,
decliuibus, raris, laxis, & imbecillioribus

membris, quæ vel pondere velut oppressa, aut obstructa, aut omniū imbecillima excutere sarcinam & deponere in vicinam non possunt.

Denique attrahuntur propter calorem, aut dolorem. Quomodo autem attrahant calor & dolor, non satis apertè nobis insinuavit Galenus eo quem explicamus loco. Calor (inquit) natura aptus est ad conciliandas recipiendas fluxiones, & proinde in corporib⁹ plenis, aut in quibus redundât excrementa, magna portio ad eas defluit partes quæ incaluerint vehementius, Non parum & ad partes dolentes humoris solet confluere. Dolor quippe fluxiones irritat, vel si rheumatica intemperie æger non afficiatur. Conciliare certè, irritare, recipere, fluxiones attrahere non vocamus. Quo ergo tandem pacto ista trahunt? hoc opus, hic scopulus in quem plerique haud vulgares impegere; in quo hæere etiam nonnulli.

In arte Medica Capit. 90. 1. de compositione secundum genus.

Calorem attractionis causam tripliciter esse vult Mercurialis.

Libro 5. de febris Capite 2.

Primum, quia vacuum generat dissipando & consumendo humores, quod cum abhorreat natura, ad replendum vacuum aliunde, attrahuntur.

Secundò propter rarefactionem, quia rarefactæ partes cum debiles euadant, veluti innitant partes proximas ad deponenda in se se excrementa, & excipiunt quamcunque materiã. Tertio quia ex intemperie pars euadit

686 *APHORISMVS VNDECIMVS*
debilior, proindeque fit susceprix excremen-
torum peregrinorum.

Harum rationum neutra mihi satisfacit: posteriores quidem duæ non attractionis, sed facilioris sunt susceptionis. Vbi notandum valdè κατὰ γένειον dici ab ipso partes proximas imitari ad deponenda sua excrementa in debiliorem. Quasi vel pars debilior reddita in propriam perniciem vicinam exciter: vel vicina infirmitatem illam nosse possit, eaque cognita deponat in infirmam id etiam quo indiget, laudatum quippe sanguinem æquè ac superflua in calentem partem effundunt cœteræ, vnde Phlegmonia oboritur. Prima verò ratio falsum supponit vacui nimirum fuga partes ad attractionem incitari. Absurdum in primis est existimare post illam humorum dissolutionem, quæ à calore oritur, relinqui vacuum id quod tota natura non reperitur, hoc est locum expertem locati; Replentur quippè Aëre vel vapore exinanita loca vel subsident, & in se concidunt. Remanet tamen locus expertis conuenientis locati, hoc est succi, siue alimenti, cuius defectu excitatur naturalis appetitus, ab appetitu postmodum attractrix; attractricis consueque perseverat actio dum is appetitus expleatur: appetitui tandem satisfactum, cum sufficiens alimonia suffecta est, si quid vltèrius affluit, virtuti attractrici nõ debet imputari. Addo naturalem attractionem sensim siue sensu fieri, non autem con-

fertim eoque impetu qui à calore commouetur. Et quæso quis propter intemperiem & rarefactionem debilitatæ attractrici validiorem concesserit actionem?

Relictis aliorum placitis & commentis (quæ nostri instituti non est per censere hoc loco, atque confutare) sic ipse constituo; Neque attractionis causam proximam vel calorem, vel dolorem rectè censeri: neque calori, aut dolori, veram propriamque tribui attractionem, hoc est rei ab vna parte ad aliam tanquàm ad fortiorem raptum. Si tamen improprie & late attractionis nomen accipere velimus, de quocunque humoris motu cuius in recipiente prima inuenitur occasio, nihil obstat quin illud utrique tribuamus.

Ita de dolore loquutus est Galenus; in doloribus incipit quidem causa ab eo quod affligitur, sed quicquid est Phlegmones superpositæ partes efficiunt. Rem postea clariùs explicans, subiungit. Eijcere doloris causam dum properat expultrix vis, Phlegmonem interdum in particula concitat: cum enim primis suis conatibus nihil proficit, vehementiùs aggressa, quod infestat expellere, sanguinis & spiritus aliquid ex superpositis partibus in afflictam simul exprimit. Hinc fit quod ex dolore particulæ confluens in eam humoris portione, in tumorem attollatur.

Verùm de calore secus ibidem æstimauit:

13. Metho-
di 3.

evidenter cernitur quod ad partē calfactam vel trahantur vicini succi, (vt nos censemus, inquit Galenus) vel confluant (vt Asclepiades arbitratur) hæc ille; nos contra non attrahi paulò ante demonstrauiamus, ergò confluant ex Galeni doctrina contra ipsum Galenum.

Attrahi certè simul & confluere quispiam non ineptè dixerit, hoc nēpè modo in parte quapiam adauctus calor rarefacit dilatatque poros, humores fundit & attenuat, tandemque in vapores & halitus resoluit, fusi, & attenuati, solutique per apertos poros effluunt, & in auras dissipantur. Dissolutioni reparandæ alij de nouo trahuntur, & succedunt ex vicinis partibus, ad has persequela modum vicissim alij ex alijs partibus, denique consueque progreditur hic motus, dum ex calfacta particula pondere obruatur, & extuberet, ac illabentis humoris appulso vehementius accensa, inflammetur. Motum hunc adiuuat humorum, quæ à calore fit, attenuatio, & liquatio, non in parte solum recipiente, sed in proximis quoque ad quas caloris sensus & actio pertingit. Pororum verò dilatatio non tantum dissolutionem promouet, sed & humorum appellentium susceptionem, hi enim subtiliores effecti ductis vijs quaquauersum omnem substantiam peruadunt. Dissolutæ substantiæ restituendæ gratia eius quod familiare est attractionem ab ex calfacta parte fieri diximus.

Et hæc naturalis est actio, cuius vim calida intemperies minimè auget, remoratur potius & retundit; ac excitat tamè ex accidenti, dum euacuat; vacuatæ quippè materiæ restituentæ ac instaurandæ vis attrahens incumbit. Huius porro actio vix procedit vltèrius quàm adigat necessitas, quicquid superfluit in alteram præfatam causam reiicimus.

Non alia ratione calida medicamenta attrahunt. Quamobrè id eò exequuntur vehementius quo tenuiorum sunt partiù, quòd altius subeant & toti materiæ melius applicentur: vnde minori negotio postmodum illa liquatur, attenuatur, effluit & affluit.

*Gal. 5. de
Lymph med.
facul. 16.*

Hunc nobis fluxionis modum insinuant illa Galeni verba antea producta, cum inquit calorem natura aptum ad conciliandas fluxiones in corporibus plenis. Nam ratione intemperiei debilitatæ calefactæ partes aptiores sunt humori admittendo; ab eodem calore quod redundat agitaturn, facillè mouetur, tandiuque perseuerat hic motus dum vel magna ex parte imminuta sit plenitudo, vel corporis excrementa, vel arte refractus calor.

Obmitto debiliorem ab intemperie calida partis affectæ coctricem reddi, vnde excrementorum congestio.

Obiecerit Sciolus aliquis, vix ac ne vix quidem calidi medicamenti, vim vltra proximas partes deferri, itaque nec vltèrius fusionem, & attenuationem peruenire, malè

igitur humoris à remotioribus ad effectam particulam influxum ad illa referri. Nobis satis superque est si proximæ tantum partes caloris hos sortiantur effectus, eaque proportionē à cæteris partibus humores attrahant, & per sequelæ modum recipiant, quæ in affectam deponunt.

Haftenus generalis recursus circuituum causas audiuius, congestionem & defluxum: didicimus etiam quo vtrūque fiat modo. Descendamus nunc ad particularia, & inuestigemus.

*Quæ sit definiti Periodorum
recursus causa?*

QVÆSTIO QVARTA

Q Vanquam ad præsentis Aphorismi intelligentiam, parum è re videretur hæc disquisitio, ne tamen in re vsque adeò controuersa & difficili nostram requirat operam studiosus lector, in eius gratiam lubet quid sentiamus proponere. Mutuam hanc gratiam exposcentes, ne tantæ difficultatis agitationem, temeritati potius, quàm discendi docendique studio referat acceptam. In hoc autem versamur maximè, cur febres aliquæ singulis diebus recurrant: Quædam tertio die: Aliæ quarto: quinto, sexto, septimo & si quæ vltèrius. In febribus (inquam) versamur maximè, quoniam manifestiores & fre-

quentiores illarum sunt quàm cœterorum affectuum reditus periodici.

Huius plexus solutio à præcedenti videtur haurienda: ratio quippè communis particularibus cōditionibus & differentijs limitata particulares effectus definit, & determinat. Quamobrem si verum est circuitus omnes ab humorum collectione dependere, consequitur illicò talis circuitus recursum, puta eius qui singulis fit diebus, ab eo humore qui æquali temporis spatio produci potest, exoriri. Cum ergò plurima in dies generetur pituita, quid mirum quotidianas illius esse periodos? Tertianas verò flauæ bilis, cuius parcior quàm illius prouentus? Quartanas melancholiæ, cuius non nisi longiori tempore, & parciore collectio. Parum firma hæc quorundam argumentatio quanquam firmo satis innixa fundamēto. Valeret fortasse si vel in sano corpore hi affectus subsisterent quod repugnat, vel æquali mensura & modo in sanis & ægris cumularētur humores. Aduersa quidem sanitate prædicta proportio nequit obseruari: plurimū is redūdat humor, qui corporis Discrasia qualitate respondet. Sic ab intemperie calida bilem fumosaque excrementa. A frigida pituitā & acida multiplicari, paulò ante ex Galeno accepimus. Imò ne in sanis quidem perpetuus hic est ordo, in iuvene quippe temperamento calido & sicco, habitu gracili, gymnasticis adiecto, vinis generosis assucto, æstate media

bilem maiori quàm pituitâ copia procreari, illæsis etiamnum corporis functionibus negarit nemo. Verum concesso utrobique hoc ordine nondum quæsito satisfactum: remanet adhuc de quintanis, sextanis alijsque id genus circuitibus difficultas, non enim assignari humores possunt diuersi quibus tribuantur. Si ad humoris copiam referas, euersam protinus videbis iam constitutam proportionem. Neque sufficienti argumêto conuinci potest, huius potius quàm illius adauctam vel imminutam copiam hos vel illos circuitus inducere. Si à melancholia sola cum Massa & alijs fieri quintanos, sextanosque asseras, quæram quidni pituitæ vel bilis pariori quantitati efficere idem liceat? quidni ut à melancholia quartana, sextanaque; sic à pituita tertiana? A bile flaua quartana? Nonne ut melancholici humores tam naturales quàm non naturales in sua substantia & qualitatibus varij sunt, ex materiæ & caloris agêntis diuersitate, ita ut substantiâ lapidis fermè referat, & vltimâ siccitatē (Massæ verbis utor) ex qua diuersitate in putredine humoris melancholici diuersæ fiunt aliquando accessiones quæ prorogantur, quoniam non potest ad quartum naturæ materiam crassam resistentem præparare, & colligere, & deinde pellere: nonne (inquam) ex ijsdem causis poterunt cæterorum humorum circuitus variari? nonne & pituita crassescit? Nunquid in gypsum concrescit? nunquid & bilis variæ

species substantia, calore ac reliquis qualitatibus non parum discrepantes? Nonne biliosi persæpè visuntur topi? Mihi certè vnum (quemadmodum & Fernelio) intueri licuit totam vesiculam felleam occupantem.

Si ergo à tenuiore bile fit tertiana, quidni à crassiore prorogata, periodus in quartanam facessat? Hanc quam nos conuellimus opinionem tuebitur fortassè quispiam his Galeni verbis, fingamus primum validam esse particulæ facultatem, interim verò easdem in partibus quæ prius transmiserant rursus aceruatas superfluitates, quãtitate & qualitate pares ijs quas priº immiserat dubiũ, nõ est quin eodem quoque circuitu ad eas expellendas versus imbecilliores partes moueantur quæ immittunt. Vis namque excretoria tum primum ad proprium opus excitatur, cum vel copia premitur, vel qualitate stimulat.

2. de diff.
feb. ultimo

His verbis Galenus circuitus in genere causas exprimit, certi circuitus rationem nullam adstruit. Sed age, demus Galeni dictum particulari quoque conuenire, torqueri mox poterit in aduersarios istud argumentum. Si diuersitatem circuitus horum alteri quantitati nimirũ vel qualitati tribuis, nunquid in bile quantitatis defectũ supplebit acrimonia: & quæ pituitæ copia circuitum profert, proferet & bilis qualitas? at non prius quàm ad tertium diem generatur aggregaturque tanta bilis quantitas, vt naturã ad expellendum possit incitare, si putru-

694 APHORISMUS VNDECIMVS
erit (inquit Massa) laborat enim à prima vs-
que ad secundam diem calor, vt ex chylo
pituita & sanguis fiat: ad tertium in bilem
conuertit & colligit, quæ cum aucta & à
putredine arrepta fuerit, vel ab alia quali-
tate nocua, pellitur; & ex tali motu fit ac-
cessio.

Libro 1. se.
doct. 4. Ca-
p. 1.

Merum commentum risu potiùs quàm
ratione confutandum: si ad sensum prouo-
cem⁹ videbim⁹ τοὺς κατὰ μικροχέλους copiosa
bile saturatas fæces quotidie egerere. Si ad
auctoritatem & rationem, cum à natura de-
mandatum bili sit id munus (auctore Arabum
principe) vt intestinorū nucum & viscidum
phlegma abluat, eademque ad excretionem
proritet, cum naturaliter in plurimis has
partes in dies exequatur bilis, naturaliter in
ijsdem quotidie cumulatur. At pluribus non
moror, venio ad aliorum placita.

Non pauci reciprocas istas periodos occul-
tæ cuidam proprietati acceptas ferunt, non
vno tamen, qui ita autumant suam senten-
tiam interpretantur modo. Quidam nil præ-
ter formam humoris specificam agnoscunt
qualis in succino, & magnete tractionis est
causa. Alij formæ quantitatem humoris au-
xiliarem adsciscunt. Tertij nõ ad humoris ge-
nus referunt, sed ad contractæ putredinis
qualitatisue naturam & conditionem.

Has omnes opiniones in particulari mul-
ti multis spiculis oppetunt, quæ sine tædio
inferi hic fortassè nequeunt; ea proferam

quæ ad rei explicationem magis videntur accommodata.

Istud in printis æquè in omnes contorquetur; vel assignata proprietas, vnica est, vel plures. Vnica certè dicèda est, nisi vnus humoris plures recipiamus formas. Si ergò vna est, vt sua cuiusque humoris species, ita sua cuiusque putredo, vel qualitas, suis cuiusque motus. Tres ergò solù circuitus quotidianus, tertianus, quartanus, totidem humoribus pituitæ, bili, melancholiæ, respondent. Quintanus verò sextanus & reliqui ab Hippocrate enumerati, & à grauissimis viris animaduersi, ad quos humores pertinebunt? si ad horum aliquem, eius certè vt motus sic & multiplicandæ formæ vt etiam occultæ illæ proprietates. Sin plures in vno aliquo concesseris cur in hoc potius: quàm in cæteris? si in omnibus, cur non ab omnibus varij circuitus oriuntur?

*Fern. lib.
de feb. ca-
pite 11.*

Nunc in singulas particulatim agamus breuius, in primam quidem & secundum sic argumētamur. Si à forma humoris specifica provenit status humoris motus debet is in sanis potius quàm in ægris corporibus, in integris quàm putridis humoribus obseruari: quæcunque enim agunt per formam, quamdiù integra ipsa est, & secundum naturam, suas perfectiùs obeunt actiones, vitata forma perit, aut vitiatur actio; qui fit igitur quod in ægrotis tantum, quod in putrescentibus humoribus aut solis, aut maximè, &

696 *APHORISMVS VNDECIMVS*
euentissimè statos hosce motus animadu-
uertimus? dicet fortassis Auerrhois sectato-
res tantam in sanis non subesse copiam, quæ
proritet expultricem.

Subest equidem plerumque sufficiens ve-
rum cum nullâ ex putredine aut aliunde obtine-
at acrimoniam, quieta manet & immota:
non ita mansura nisi aliundè quàm à forma
specifica ad motionem excitaretur, adiuncta
etiam quantitate excedente.

Libro de feb. cap 10 Fernelium modò tertiæ sententiæ aucto-
rem proprijs ipsius armis adoriamur: is sta-
tos motus ad naturam putredinis refert, fa-
tetur nihilominus humores etiam non putri-
dos per circuitus affligere. Hæc ipsius sunt
verba. Sæpè fieri obseruamus tertianam di-
urnam atque quartanam in atrocem cru-
ciatum colico immaniorè desinere, qui non-
nunquam & in artuum dolores, & in para-
lysim facessit. Hic dolor sine febre est, ferè
tamen consuetò accessionis tempore exacui-
tur & exandescit, pristinumque circuitû re-
tinet. En circuitum sine febre, ex conse-
quenti sine putredine, putredinis quippè so-
boles febris. non igitur à putredine circui-
cituû recursus. Si materiè hanc putridam
statuas, quæram, quidni in intestinis cõclu-
sa (quo loco febrium intermittentium latet
fomes apud Fernelium) non etiam febres,
vnà cum torminibus accendit? hanc Ferne-
lij opinionem alijs machinis aggressus est
Mercurialis, sed parû (meo iudicio) validis.

Quærit

Quærit in primis vtrum occulta illa qualitas quæ à Fernelio ponitur, sequatur humorem putrescentem aut locum in quo putrescit aut ipsam putrefactionem, aut hæc omnia simul? cū apertissimè huic dubitationi omnem ansam præcipiat Fernelius hac oratione.

Vis quædam (inquit) seu qualitas in humore genita afficit, vt pituita putrescēs quotidie, bilis flaua tertio, atra quarto die impetum faciat: non igitur locum sequitur non putrefactionem, sed humorem putrescentem, & hæc qualitas ipsa putredo est in tali materia concepta.

At putredo (inquit Mercurialis) passio est præter naturam, quàm efficere certum ordinem est ab omni ratione alienum: nam quicquid contra naturam est ordinatum esse non potest. Præterea si hæc qualitas operaretur esset forma, cū omnis actio sit à forma, sed putredo est præter naturam, nec habet formam. Denique à putredine fieri nequit interuallum quod est pars periodi, ergò putredo periodum non facit, Haftenus Mercurialis.

Sua sponte ruunt huiusmodi argumentationes, neque longa opus habent confutatione. Ad primam & secundam respondeamus, Putrefactionem dicere passionem quandam corporis putrescentis, & actionem caloris extranei à quo aliena qualitas inducitur, quæ suum subiectum disponit ad hoc

698 *APHORISMVS VNDECIMVS*
vel illo modo operandum. Actio ergò qua-
litati tribuitur prout ipsa. Dispositio quædã
est quæ formam dirigit & determinat: pas-
sum attingit immediatè hæc qualitas, for-
ma non nisi mediante qualitate. Nec quic-
quam inconuenit posito præternaturali ef-
fectu ordinato, ponere præternaturalẽ cau-
sam ordinatam. Intercisos interpolatosque
pulsus rithmum sapè & ordinẽ seruare de-
prehendimus, quos præstaret esse inordina-
tos vt potè cùm firmam stabilemque argu-
ant causam. Si ordinata dumtaxat statuere-
mus ea quæ secundùm naturam sensus iudi-
cium funditus euerteremus. Inordinata sanè
vocari possunt, quæ præter naturam, hoc
ipso quod præter naturã, hoc est quod præ-
ter naturæ benè constitutæ ordinem, præter
commodum, præter institutum.

Ad tertium dico accessionis causam esse
putredinẽ positivè, interualli, negatiuè. Hoc
est ad humoris putridi præsentiam exacerba-
ri morbum, intermittere ad absentiam, quæ
tamen dispositiones retinet & fomitem ad
nouum insultum, meritò quorum inter cir-
cuitus partes numeratur interuallum, aliàs
non iam intermissio sed morbi finis dice-
retur.

Verùm propriam ipsius Mercurialis circa
quæsitum responsionẽ audiamus. Is postquam
docuisset rationem ordinis in humorum
congestionem esse positam: in ipsa congestio-
ne quatuor necessariò spectari, materiæ;

qualitates primas & secundas, eiusdē quantitatem, caloris in illam actiones, & fomitem relictū in morbis, qui tum in reliquis materiæ putrefactæ consistit, tum in affectu ea in parte relictō ubi facta est putredo; tandem concludit pituitam, quoniam viscida est crassa, frigida, copiosa, & debilis in eam caloris actio, multum fomitem relinquere; qui deinde iterum & citō & faciliē accenditur, vnde quotidianæ accessiones. Bilem cum calida sit & tenuis, & calor vehementer in ipsam agat, multum qualibet accessione consumi, paucum ideo remanere fomitem, difficiliusque & tardiū accendi, ac tertio tantū die repetere. Melancholiā cum pauca sit frigida, sicca, crassa, & in ipsam validissimē agat calor tanquam in maximum hostem, maximē consumi, paucum superesse fomitem à quo tam citō accessio reuocetur; & prout pauciorē aut paucissimū linquit fomitem, accessionum reuersionem in quintam, sextā, ac vlteriū protelari, Cū autem videret Mercurialis rationem, certi, statique ordinis (tertiani puta, quotidiani quartani) nondum præfato discursu sufficienter expressam, gradus nescio quos quantitatis seu potiū fomitis (quos ipse vocat incognitos) huiusmodi ordinis auctores facit. Sicque ignotum per ignotius explicat. Neque tamen ea effugit tela quæ in eandem sententiam non positis hisce gradibus poterant iactari. Ponamus (verbi gratia) sub tertio

fomitis gradu, bilem tertio die recrudesce-
 re, vltra citràque hunc gradum, vel non re-
 petet febris, vel si repetet, non eo quo pri-
 us Rithmo. Quot igitur fomitis erunt di-
 uersi gradus tot erunt & circuituum à gra-
 dibus dependentiū: vel igitur in vnoquoque
 humore suus præcisus est fomitis gradus, vel
 si plures, ab vnico humore plures conci-
 tantur periodi, quod non magis in melan-
 cholico, quàm cœteris admittendum, Vno
 verbo hæc sententia easdem ferè cum prima
 patitur instantias: ac præterea vnicam vide-
 tur cōstituere reditus causam congestionem
 cū tamen citato ab ipso Mercuriali loco
 Galenus addat & influxum his verbis. Si
 nullam pars inflammata contraxerit imbe-
 cillitatem, neque iterum superfluitates ac-
 cedant, ægritudo finietur, nec rursus homo
 febricitabit. At si illæ mittantur denuò,
 aut ne mittantur quidem, sed adsit sola po-
 tentiæ imbecillitas hominem secundo febre
 re est necesse. Denique multæ hîc veluti fun-
 damenti loco adstruuntur pro veris & in-
 dubitatibus quæ reuocari meritò in dubium
 possunt, & longa indigent discussione. Cur
 videlicet ita facilè & citò accendatur pitui-
 ta? cur citiùs & faciliùs quàm bilis? cū
 crassa, viscida, frigida & copiosa illa sit, hæc
 calida, pauca & tenuis: cū debilis in eam
 calor actio in hanc vehemens, cur hæc ipsa
 tertio potius reaccendatur die, quàm quar-
 to? cur melancholia quarto non autè poste-

2. de diff.
 feb. C. ult.

rius? & si hæc quandoque posterius accenditur, quidni & bilis? quidni & pituita, quarum diuersæ sunt & qualitatibus & substantia species differentes? cur si à tenui bile (exempli causa) tertio die repetit paroxysmus, à crassiore ad quartum non prorogabitur? quorsum quartanæ febres vt omnium longissimæ ita & tutissimæ? si verum est à melancholico humore naturæ infestissimo, ipsas produci.

In hos aliosque id genus scopulos impinget, quisquis in tam procelloso difficultatum pelago doctissimi alias Mercurialis debilem ingreditur cimbam, At quo tandem genio qua arte illos effugiemus? verè Gordianus hîc nodus vt cunque te explices, artius implicat, noui deuinciunt plexus, mentem nihilominus propriam aperio, aliorum esto iudicium.

Illud in primis constitutum volo quod initio quæstionis propositum, causam vniuersalem particularibus omnibus affectibus esse communem, & ad quemlibet in particulari proprijs limitationibus restringi. Si ergo vniuersalis periodorum causa est humorum coaceruatio, erit certè quotidianarum, tertianarum, & reliquarum: hæc vt inter se discrepant, suæque tēpora distincta obtinent & definita, sic vniuersalem illam causam distinctis statisque conditionibus circumscriptam accommodare singulis necesse est. Vltariùs si reciprocationis causam esse velis

702 *APHORISMVS UNDECIMVS*
humoris qualitatem & quantitatem vsque
adeo effrenem vel adauctam, [vt coerceri
amplius, aut contineri nequeat: Tertianæ
periodi causa erit humor, quisquis tertio
quoque die talem acquireret qualitatem, vel
ad eam increfcet molem.

Quæ porro causa tertiani huius prouen-
tus? quæ quotidiani? quæ quartani? an dicen-
dum est cum præcitato Massa, primum gi-
gni pituitam? ex hac deinde si perfectius co-
quatur sanguinem fieri; ex sanguine postmo-
dum caloris vi & exuperantia, bilē: demum
ex huius ardore melancholiam? iamdiu à
Medicorum scholis perpetuo exilio damna-
ta est hæc opinio: simul & semel omnes in
iecore generantur humores, vnus iecoris
calor toti chylo sese æqualiter applicat, in
eius singulas partes pari conatu & robore
incumbit. ex quarum diuersa constitutione,
aduersi humores eodem tempore proue-
niunt; ex efficientis caloris vi, & gradu nec
non ex alimenti materia varietatis plurimum
in humoribus obtingit.

An potius recipiemus quod ab eodem
Massa est proditū, hanc in humorū quātitate
obseruari proportionē vt pituita plurima
cumuletur? parcior bilis, paucissima melan-
cholia? atq; ex proportionē pēdere circuitu-
um ordinem & differentiam?

Istud iam initio quantum satis à nobis est
confutatum: addo tamen bilis minus quàm
melancholiæ in dies cumulari (huius enim

quam illius amplius, est conceptaculum, & in euacuato sanguine plus subsidet lutulenti quam innatet biliosi) concludet itaque hoc argumentum tertianam ad melancholiam, quartanam ad bilem esse referendam.

An recurrendū ad gradus incognitos? minimè gentium: satis superque fuerit ostendisse, quomodo tum qualitatis, tum quantitatis ratione varientur periodi, licet ignoremus sub quo præcisè gradu eiusmodi motum humor efficiat; maximè cum sub diuersa quantitate, diuersè operetur idē qualitatis gradus: an denique vt visum Astrologis, querēda in supernis lationibus horum motuum causa? eadem illicò se se offeret de quintanis sextanisque dubitatio, quam hactenus aperuimus, & longè grauiora quàm ex præcedentibus emergent incommoda quæ longa oratione non pauci demonstrarunt.

Quid dicendum? ignoscant hîc mihi maiorum nostrorum manes si ab eorum communi placito recedo: quod in sola melancholia admittunt cæteri, in reliquis etiam humoribus agnosco, ab vno videlicet humore plures typos exoriri à pituita quidem tertianos, & quartanos, quintanosque à cæteris etiam hos & quotidianos.

Quæ enim est ratio cur à melancholia plures oriantur typi (quod nulli non fateri coguntur) à reliquis tantum vnus? nonne vtab humoris quantitate, crassitie, acrimonia, tenuitate sunt accessionum anticipationes, &

704 *APHORISMVS VNDECIMVS*
postpositiones, ab iisdem causis auctis vel imminutis illæ poterunt vno die accelerari aut retardari? Quid quod tertianas illas aut quartanas, quas duplices aut triplices vocât, iure possis quotidianas vocare, cùm quotidie redeant? At diuersis inquit locis generantur tunc humores, aut diuersis putrescunt, vndè complicatæ febres, hoc indicio sufficienter distinctæ, quod tertia accessio in duplicibus tertianis primæ in hora reditus in symptomatis in duratione & vehemētia ferè respondeat, quinta tertiæ: quarta item secundæ; & quartæ sexta, non autem primæ tertiæ, quintæ, vt neque hæ, illis.

Ita depræhenditur in aliquibus (fateor) at non in omnibus. Et quid quæso vetat quò minùs in affecto loco tantus crassioris bilis relinquatur fomes, vt accedēte praua victus ratione, secundo die ex noua & sufficienti cōgestionē, nouus ingruat paroxysmus? quid vetat quò minùs ab errore aliquo, aut alia qualibet causa in parte amādante, copiosius & promptius cumulatus humor ad putredinis locum extrudatur? Nunquid præter ordinariam proportionem in intemperato corpore maior bilis, vel melancholiæ quàm pituitæ fiet in dies accretio? à quotidiana accretione quotidiana accessio? Quidni etiam parcior pituitæ portio febris reditum in tertium aut quartum remoretur? Quorsum quos melancholiæ crassitie & paucitati deferunt quintanos & sextanos typos, pituitæ

denegant? aut si tam paucā & crassam, quā ad hos requiritur esse negant posse pituitam, cur non ipsi saltem tertianos tribuunt, & quartanos? si tanta perpetuò pituitæ redundantia, quidni perpetuò cum bile complicata quotidianam potius notham quam tertianam parit? præcedentium sanè opinionum nulla hac nostra melius & facilius sese difficultatum omnium plexibus extricat & exoluit.

Si in contrarium vrgeas producta tot sæculorum, tot experientissimorum virorum experientia, qui singulis humoribus singulos typos applicarunt; non inero inficias ita quandoque succedere. Verum vt sæpè non fallit hæc regula, ita nec semper responder. Quot enim quartanas vidimus larga pituitæ vomitione prorsus solutas? Alias etiam vomitione bilis cum pituita, quasi momento extinctas? Quas certè (si Hippocratis de sanatione argumēto credimus) dubium non est ab ijs ipsis excretis exortas fuisse atque conseruatas: in pueris quidem & mulierib⁹ ac pituitosis corporibus, in quibus nulla melācholici humoris suspicio, nasci à pituita crassā quartanas non pauci ante nos æstimarunt. Inter cœteros contertaneus noster N. Piso, cuius viget apud nos minimè tacendum nomen, viget altissimis defixa mentibus principiū memoria, viget (inquam) vnà ac cum singulari virtute ac eruditione in laudatissima, mihiq̃ amicissima prole nunquam in-

*Libro de
feb. Cap. 1.*

termoritura reuiuiscit. Huius opinionis nobis auctor est Auicennas (quem miror hac in parte à multis aut non lectum, aut neglectum, quos Arabicæ doctrinæ video sectatores) is ut plurimum à pituita quotidianos circuitus fatetur accidere, Neque cum unicuique particulatim humori propriam periodum accommodat, aliter intelligendus venit, quàm ut in plurimum, sic enim ipse se explicat. Verum pituitæ circuitus quandoque propter materiæ crassitiem aut paucitatem in tertianos, quartanosque verti proficitur. Neque ideo desinere febrem esse Phlegmaticam; Phlegmatica enim verè est in qua phlegma computrescit, licet singulis diebus non recurat. Quintanam quoque eadem materiæ crassitiei & paucitati tribuit, eandemque ipsi curationem explicat, quam phlegmaticæ quartanæ.

Lib. 4. feb. tract. 2. c. 67. & 68. Concludimus itaque statas periodorum reciprocationes ab humorum generatione & coaceruatione pendere, spectata illorum tum quantitate, tum qualitatibus primis & secundis, tum caloris in eosdem actione, tum fomite in affecta parte reservato, quæ omnia humorum prouentum influxumque renouantur, aut accelerant. Hæc cum in vno eodemque humore variè se habeant, nil inconuenit variorum quoque typorum auctorem vnum eundemque humorem statuere. Præter ea quæ in huius conclusionis confirmationem abundè dicta sunt hætenus, subest

suspicio non levis falsi suppositi in opinionibus contrarijs, quod nihil à quoquam ita firmum & stabile adstruatur, quod à cæteris non illicò destruatur.

Obijciat aliquis hac nostra sententia non modò euertere funditus omnem antiquorum de febribus doctrinam, sed quod amplius in continua nos dubitatione hæsurus, à quo humore febris generetur: neque vnquam à febris specie certam agendorum indicationem peti, cum tamen citra controuersiam videatur passim apud Galenum in tertiana exquisita bilem perpetuò expurgandam, vt in cæteris febribus cæteros humores.

Respondemus illud à nobis in parte pro vero & confesso recipi, quod illi in vniuersum ita esse autumant: negamus tamen ex typo febrili apud illos morbifici humoris speciem statim dignosci. Quotidianus quippè est typus in tertiana duplici & triplici quartana. Signa distinctiua humorum peccantium ab ijs ipsis variari coguntur, à quibus petenda secundo Aphorismo docuimus. Addo ex illorum suppositione fallaces indicationes erui, si enim in puerorum aut mulierum quartanis, quas pituitæ educatione compesci certum est, solam aggrediare melancholiâ quid tum promouebis? Non igitur ab ipsa febris specie humoris peccantis indicatio haurienda, sed à proprijs & familiaribus cuiusque notis. Si cui fortè durum nimis aut absonum videbitur à communi loquendi vsu & con-

708 *APHORISMVS VNDECIMVS*
suetudine deficere, licebit per me quotidiana
à pituita, veram, & exquisitā appellare,
à cœteris humoribus spuriam. Tertianā item
exquisitam à bile: quartanam exquisitam à
melancholia: easdem à cœteris humoribus
spurias.

Ac re postmodum curiosè & attentè con-
siderata, non longè fortassè ab alijs recedere,
proximèque ad veritatem accedere deprehē-
demur. His ita declaratis, nunc tandem no-
stri Aphorismi conclusionem expendamus.

*Vtrum in accessionibus absti-
nendum?*

QVÆSTIO QVINTA.

IN accessionibus abstinentum ita euidens
passim in Hippocratis libellis, vt dubita-
tioni locus nullus relinquatur, ita firmiter
sancitum, vt ne tum quidem cū futura est
accessio cibum is concesserit. Hippocraticā
hanc legē non modò nō improbabit fidelissi-
mus interpret, sed nec longo commentario
illustrandam hoc loco, aut confirmandam
putauit, quasi per se manifestam. Hanc ipsam
suo omnes calculo stabiliunt cum veteres,
tum Neoterici quos operosum & inutile
fuerit particulatim allegasse. Rationem in-
uestigemus potius quæ anima est legis.

Arabum Princeps Auicennas ventrem in

occurſu paroxyſmi cibus omninò vacuum requirit, ne in eorum coctione natura occu-
petur, diſtrahatur à cauſa morbiſicæ coctio-
ne, & expulſione: inualeſcat interim & pro-
trahatur ægri- tudo. Hæ ſunt illæ rationes
nobis pluries in præcedentibus decantatæ,
quæ toti acceſſioni generatim competunt.
Iam ſi tempora eius in particulari perlu-
ſtre- mus, repugnare ciborum oblationi ſin-
gula nullo negotio conuincemus. In prin-
cipio quidem (quod Græci ἐμπαροσία di-
cunt) coguntur in profundum corporis hu-
mores, atque vniuerſus calor: ſi tum nutrias,
eadem quæ à ſomno eo ipſo tempore eue-
nire ſcripſit Galenus, euenient & longè gra-
uio- ra. Diuturniora euadent ſymptomata, æ-
grè- que ad conſiſtentiam febres peruenient:
ac ſi qua inflammatio ſit circa viſcera, ipſam
adauctam iri veriſimile eſt, ſi qui humores
ad ventrem confluant, incocti permanebunt,
crudorumque ciborum permixtione fient
auctiores, ſuberit etiam periculum non leue
ne contractus atque oppreſſus calor penitus
ſuffocetur: idem ferè metus cum paulò antè
inuaſionem cibus ingeritur, ſed eo maior
quo propius ad inſultum, & quo plures eiuf-
dem in ipſo inſultu ſuperſunt in ventriculo
reliquiæ.

Libro 4.
feb. 1.
traſſ. 2.
Capite 8.

2. Aphor.
comm. 1.

Augmenti tempore cibus calorem in am-
bitum mox effuſum intrò reuocat, nouam
iterum inuaſionem parit, nouo quaſi labore
ſyſſiphi lapidem reuoluit. Denique in ſtatu,

710 *APHORISMVS VNDECIMVS*,
cum incensis igneo calore externis internis-
que partibus ciborum odorē, imo & cōspe-
ctum, at longē magis saporem sensus effu-
giant, quis facultatis naturalis sufficientem
vim putet, non dicam coquendis, sed ne ad-
mittendis quidem alimentis? nōrunt omnes
vel arte, vel experientia, vel aliorum relatu,
quanta ex ingestis cibis præfatis temporibus
emerferint incommoda, ut meritō perpe-
tuum id Celsus esse putarit, ad quod omne
cōsiliū dirigi potest, cibum quam maxi-
mē semper ab accessione futura reducere, &
hoc saluo, dare quod integerrimo corpori.

Lib. 3. c. 5.

1. ad Glauc.

34.

Contrarium nihilominus decernit Gale-
nus: ijs qui ex siccitate in principio accessio-
num syncopen sunt incursum duabus aut
tribus ante inuasionem horis iubet exhiberi
cibum. Dices exhiberi quidem at concoqui
facilem & ventriculo idoneum. At quan-
tumlibet coctū facilis supponatur, duabus
aut tribus horis sic perfici non potest atque
digeri, ut vacuo ventre febris irrepat. Adde
quod non modō ante accessionem, sed in
prima ipsa accessionis inuasionē casu propo-
sito cibum offerendum docet, imō ipse of-
fert; iuuenem quippē illum antehac à nobis
commemoratum, diatritariorum inedia iam
penē exanimem, prisana, & vino albo cali-
da mediocriter diluto in principio accessio-
nis ab orci faucibus reuocauit.

10. Meth.

3.

Ibid. c. 4.

Neque solū ut syncopes, verum etiam
ut horroris febrisque remediū in accessionis

principio cibum præbet. Atque ut semel dicam (inquit) quibus incipientis adhuc accessionis aderant symptomata, ijs omnibus panem ex vino diluto ac calente maturè exhibent, & horrorem statim inhibui, & febrem prohibui. Nam cum accenditur febris propter mordentem acrimoniã excalfacti, attenuatique à sole & inedia, & laboribus succi, maximum remedium eius est humidum nutrimentum. Amplius cibum in accessionibus non tantum ut febris præsentis aut instantis præsidium, sed ut hæctices quoque *προφυλακτικόν* imperat. Age verò, si in plures dies prorogetur accessio nulla intermissione, remissione nulla, ut in synochis, nunquid ægroto plurimum dierum inediam iniungemus? id fortasse febris breuitas feret.

Ibidem capite 5.

Ibidem capite 6.

At si (quod in Chronicis accidit) primam accessionem antequam inclinet, secunda excipiat, & hanc tertia, ac ita deinceps nunquamne nutriemus? nunquam certè nisi in accessione: non igitur vniuersale Hippocratis documentum.

Equidem vniuersale est, suas tamen patitur exceptiones, quas facilitatis gratia lubet ad certa capita reuocare.

Primum est quod incultatū sæpius quod sæpius, cum de victu agitur inculcandum. In omni ægro duo spectanda, morbum & vires.

Sub morbo compræhendimus morbificam causam, & symptomata.

Sub viribus quæcunque ipsas quoque mor-

do tueri, aut labefactare apta sunt.

Alterum caput est virtutem sui conseruationem; morbum, & quæcūque ad ipsum referuntur, sui ablationem indicare. Harum indicationum (vt contrariæ sunt) altera ab altera plerumque impeditur, nonnunquam etiam permittitur.

Tertium est, ambas indicationes, cum satisfacere vtrique simul non licet, æquali lance pensitandas, ei quæ præponderat, deferendum. Exempli causa in vigore, ac generatim in accessione abstinendum suadet morbus, vetant vires: estimandum Medico est, utrū à cibo maior subsit metus ex morbi, morbificæ causæ, & symptomatum incremento; an ab inedia ex virtutis decremento. Si ab hac euidentius periculum nutriendum; sin à cibo, abstinendum. Si æqualis ab utroque per *inmixtionem* agendum, vno verbo necessitati seruiendum.

Quartum & vltimum caput est, vtrāque indicationē simul & semel aliquandō compleri, ab vno & eodem morbum adimi, & virtutem sustentari, tum videlicet cum remediij locum cibus obtinet. Sic intemperiem calidam victus frigidus, siccam humidus attemperat & facultatem refouet.

His ita suppositis concludimus nunquam in accessionibus nutriendum, nisi cum aut curantis, aut præseruantis auxiliij locum tenet alimentū, vel facere aliter virtus iubet.

Primam conclusionis partem nostro doce-

mur Aphorismo. Alteram luculenter probant quæ ex Galeno fuere in medium producta.

Quæsito de synochis febribus quæ vnica velut accessione finiuntur, respondemus in ijs toto morbi decursu imperandam inediam, si robori fidimus neque ab erroribus quicquam metuimus.

In longioribus quæ prius exacerbantur, quàm inclinent, necessitate manifesta impellimur ad cibi in ipso paroxysmo oblationem.

Quæret studiosus quispiam quod potissimum tempus eiusmodi casu, cibo sit opportunius? respondet Celsus omnia periculosa, & satius consistente iam incremento febris, aliquid offerre, quàm increscente; satius instante, quàm incipiente: cum eo tamen ut nullo tēpore is qui deficit non sit sustinendus.

*Libro 3.
Capite 5.*

Valet in aliquibus hæc decisio, non in omnibus. Distinctione certiùs res ita definiri potest, vel omnes accessionis partes æqualiter affligunt, vel inæqualiter. Si æqualiter, consueta tempore sanitatis hora natura reficienda; credibile quippè est ipsam sibi solito, & familiari tempore ad recipiendum cibum auidiorem, aut certè paratiorem fore. Sin affligant inæqualiter, pacatiùs ad cibi oblationem tempus deligendum.

Multa hinc inde iactari à multis hoc loco solent, quæ data opera prætermittimus, ne latius quàm par est diuagemur, hæc enim satis superque ad præsentem Aphorismum.



Τοὺς δὲ παροξυσμοὺς καὶ ἱὰς κατασασίας
 δηλώσουσιν αἱ νοῦσι, καὶ αἱ ὥραι τοῦ ἔτους,
 καὶ αἱ τῶν περιόδων πρὸς ἀλλήλας ανταπδόσεις,
 ὥτε καθ' ἡμέρην, ὥτε πὰρ ἡμέρην, ὥτε καὶ
 διὰ πλείονος χρόνου γήγνωνται, Ἄταρ καὶ
 τοῖσιν ἐπιφαινομένοισιν ὅσον ἐν πλευρητικοῖσι
 πύελον ὡς αὐτίκα ἐπιφαίνειται ἀρχομένην
 βραχυῦς, ὡς δ' ὕστερον ἐπιφαίνεται μηκυῖα.
 Καὶ οὔρα, καὶ ὑποχωρήματα, καὶ ἰδρώτες,
 καὶ εὐσπερτα, καὶ δύσπερτα, καὶ βραχέα,
 καὶ μακρὰ ἢ νοσήματα ἐπιφαινόμενα
 δηλοῖ.

Accessiones verò & consti-
 tutiones indicabunt morbi, &
 anni tempora, & circuituum
 inter se incrementa, siue quo-
 tidie fiant, siue alternis diebus,
 siue longiore interuallo. Sed
 & ex ijs quæ mox apparent,
 petuntur indicia: veluti in Pleu-

ritide si sputum initio statim appareat, breuiat: si verò posterius appareat, producit. Et vrinæ & alui excrementa, & sudores apparentes, & indicatu faciles, & difficiles, & breues, & longos fore morbos ostendunt.

Commentarius.

HAbuimus in præcedentibus constitutendæ, totius victus formæ intentiones: eiusdemque debito suo, & peculiari tempore offerendi: illas quidem à morbo seu vigore morbi, hoc est ab vniuersali morbi motu; has à particulari. hoc est ab accessionibus petitas: vtrasque sub limitatione viriū. Multa de ipso virium statu coniectura assequendo, ne temere, aut imprudenter soli morbo intenti, collabescere patientem nostra incuria, vel ignorantia pateremur. De constitutione morbi, ac futuro statu, de reciproca accessionum

exacerbatione prænoscēdis quibus ritè
 mox. Circa initia componendæ vitæ re-
 gula continetur, hætenus nihil. Nunc
 tandem præsentī Aphorismo quatuor
 horum indicia proponuntur. Primum
 ab ipsis morbis petitur: Alterum ab
 anni temporibus. Tertium à successiuis
 circuituum incrementis: postremum à
 mox apparentibus: quæ breuibus co-
 quem proposuimus ordine, ex copioso
 Galeni commentario singula declara-
 bimus.

Illud præmonitum lectorem velim,
 νοσημάτων καταστάσεις (de accessionis
 enim nomine diximus præcedēti Apho-
 rismo) morborum (inquam) constitu-
 tiones οἷοντας ιδέας αὐτῶν veluti ipsorum
 ideas Galeno appellari, seu formas se-
 cundum quas ex talibus & tantis con-
 stituuntur vniuersalibus temporibus:
 siue qualemcunque ex totius morbi tē-
 poribus compositionem. Morbi ergo
 ipsi, hoc est singulæ morborum species
 & differentię proprias constitutiones
 siue ideas, proprios accessionum recur-
 sus & circuitus indicabunt. Familiari
 exemplo me explico: tertiana exquisita
 septem quod summum est circuitibus
 terminatur: hæc ipsa (quod nomen

indicat) tertio quoque recurrit die. Tertianam itaque exquisitā vt primum depræhenderis breuem fore prænuntia, eamque viuendi normam, quam eius requirit breuitas, iniungito: particulares exhibendi cibi horas ex tertiano accessionum recurſu collige & ſelige. Sub morbo, morbi morem, motumque collocamus.

Ad morbos accedunt anni tempora, vt potè quæ conceptam ex ipſorū differentia de constitutionibus & accessionibus futuris opinionem roborant. Supponamus verbi gratia, tertianam, qua de ſermo eſt, æſtate media inuadere, augebitur mox conceptæ breuitatis iuſta ſuſpicio: imò verò & de ipſa morbi ſpecie ex anni tempeſtate oritur cōiectura, eò magis, ſi cætera, quæ ſub tempore comprehendit Galenus, conſentire videantur: Ægri nimirū temperies, ætas, regio, & locus, vitæ induſtria & conſuetudo: Æſtati reſpondent temperatura calida & ſicca, iuuenilis ætas, cœlū ſolumque eandem temperiem ſortita: vitæ ſtudia calori excitando, exſiccandoque corpori accommodata: conſuetudo in cibo & potu, in vigilijs, in motu, in animi pathematis, eiufmodi diſcrasie

Ad cœteras anni tempestates pari portione referuntur hæc ipsa. In summa vt morborum alij ad alia tempora magis aut minus oriuntur, sic & ad alias ætates, naturas, regiones, ad alia exercitia, atque instituta: itemque pro horum varietate plus minusue perdurare solent. Cumulatur quippè interius exteriusque causis humor congener, frigidus, à frigidis: Calidus à calidis: ab hoc breuiores affectus: ab illo, longiores. Quam ob causam senibus non ita vt iunioribus acutæ febres, frigidū quippe eorū corp⁹, inquit paulò post noster Hippocrates.

1. *Apho-
rism. 14.*

Tertio loco posuimus successiua circuituum incrementa quæ tum in anticipatione tum in longitudine paroxysmi, tum in eiusdē vehementia consistunt. Ista, quò magis adaugentur eò nos vltèriùs ad augmentū prouehi, & ad morbi vigorē propiùs accedere palàm faciunt. Sin tardo ferantur gradu lentum, longumque decurrendū stadium denotant. Anticipatio, solitā cibandi horam præueniendam monet: postpositio, differendam.

Addita sunt vltimo ἐπιφαινόμενα, quæ

siue mox apparentia cum Leonicensi
 voces, siue post apparentia, aut super-
 uenientia per me licet, modò illud in-
 telligas, ἐπιφαينوμένον quædam statim,
 nonnulla posterius apparere. Galenus
 in commentario τὰ ἐπιφαινόμενα consi-
 derat, vel in se, quatenus sunt affectus, vel
 in ordine ad alia quatenus scilicet eorū
 quæ in corpore inueniuntur, vel quæ
 futura sunt, statum demonstrent. Priore
 modo spectata, sunt symptomata, poste-
 riore modo signa sunt. Signorum mul-
 tiplices faciunt in medicina differēti-
 as. Quædam Pathognomonica appellātur,
 siue passionem indicantia; Alia præap-
 parentia, alia assidentia, alia postappa-
 rentia, quorum nonnulla decretoria:
 alia cruditis, aut coctionis, alia salutis
 aut mortis, alia lōgitudinis & breuitatis.

Pathognomonica vna cum morbo
 inuadunt, eius essentiam constituunt.
 nec separari ab eo possunt; qualia in
 Pleuritide acuta febris, lateris pungens
 dolor, tussis, spirandi difficultas, tensi-
 uus pulsus. Huius generis signa per se
 quidem solitaria sunt æquiuoca. Et plu-
 ribus affectibus communia. Non enim
 in sola Pleuritide, sed & in Hepatitide,
 Phrenitide cœterisque internarū par-

719 *APHORIS. DVODECIMVS*
tium, inflammationibus affligit acuta
febris. neque quoties aut tussis premit,
aut lateris pungens dolor, aut spirandi
difficultas, illicò adesse Pleuritidē con-
cludendum est: neque etiam solus ten-
sius pulsus Pleuræ affectionem deno-
tat, sed & reliquarū quoque membra-
narum, aut neruofarū partium. Verūm
simul omnia, vniuocum vnum consti-
tuunt signum, cum eo quem designant
affectu, reciproquū: ita vt vbiq̃ue præ-
fata quinque indicia simul inuenias, ne-
cessariò colligendum sit Pleuritidem in-
ueniri, & vice versa Pleuritis sine illis
subsistere non potest. Quamobrē nihil
aliud quicquā de constitutionibus, aut
futuris accessionibus indicant, quàm
morbus ipse, sub quo comprehendi, &
ad quem referri hac in parte debent.
Præapparentium, & assidentium me-
minit Aphorismus in priore parte vt
videbimus in controuersijs. De post-
apparentibus Aphorismi pars est poste-
rior: hæc modò citiùs, modò seriùs ac
posteriùs sese produnt, atque ex diuerso
apparitionis tempore, diuersam morbi
constitutionem.

Habet Aphoristicus contextus non-
nulla horum signorū exēpla, sed Apho-

risticè: tractantur fusiùs & ex professo in prognosticis, quædam hîc breuibus perstringamus, quantû ad facilitẽ auctoris intelligentiam satis videbitur, non aliunde tamen quàm ab ipsiusmet verbis mutuata.

Profert in primis sputum, quod signû Pleuritidis postapparens tum vocatur cûm Pleuritidi. Aduenit licet aliàs alios quoque effectus sequatur, (non enim vnicum solum affectû respiciunt signa superuenientia) at eius tamen affectus cui superueniunt statum futurum prænuntiant. Sputum ergo in Pleuriticis ex tempore quo apparet, Pleuritidis durationem præsignat. Nam cûm rarò obtingat vt alia euacuatione quàm per sputa indicetur Pleuritis, meritò inferemus sputo mox ab initio prodeunte, citò ipsam indicatam iri, vt fusiùs declarabimus postea. Et contrà posterius prodeunte sputo, tardiùs Pleuritidem terminandam. Coctionis quoque & cruditatis signum est sputum, quatenus huius aut illius notas exhibet. Coctio verò breuitatis & securitatis; vt cruditas, longitudinis, & periculi, si præter cruditatem prauum aliquid & malignum præ se ferant sputa, prauum mi-

721 APHORIS. DVODECIMVS
nantur exitum, & ruinam. sin benignū
aliquid & salutare, spem prosperam pol-
licentur & salutem.

Pari modo vrinæ, alui excrementa,
sudores, signa postapparentia earū sunt
morborum quibuscum reperiuntur, vt
futuri indicij notas proferūt, signa sunt
decretoria, vt coctionis aut cruditatis,
horum dicuntur signa. Vt Cacoëthe ali-
quid ac deleterium, vel blandum ac in-
nocuum referunt, signa sunt salutis, aut
mortis. Quæ omnia prudenter in sin-
gulis spectanda, & distinguendum accu-
rate quid, quale, quando, quibus in af-
fectibus, per quas vias, quantumque
educatur, tum ad legitimam victus &
præsidiorum rationem imperandam,
cū ad prognosim certo iudicio stabi-
liendam.

Questionum series & ratio.

Contentarum hoc Aphorismo controuer-
siarum expedita est ratio. Docet Hippo-
crates modum constitutiones prænoscendi,
vana hæc & inutilis doctrina, nisi haberi il-
larum prænotionem posse supponamus. Istud
quoniam Galeni tempore, nostro etiam for-

tasse, à Medicis non paucis in dubium vocatum, imò & constanter negatum, videndum ante omnia, nunquid morborum constitutiones possint prænosci? Hoc affirmatiuè concluso, eiusdem prænotionis notas ab Hippocrate numeratas examinabimus, & primum inquiramus, quibus indicij constitutiones & accessiones prænoscantur: postea, utrùm præter postapparentia possint alia signa proferri quæ constitutiones denotent? Denique ne quid in re difficillima & pulcherrima relinquatur indecisum, difficultates omnes, quæ circa prognosticum occurrunt, quantum per Aphorismi contextum licebit, ad dubitationes aliquot reuocabimus.

Prima erit quid morbi nomine intelligatur in nostro Aphorismo.

Alterà, quibus indicij morbi speciem, magnitudinem, morem, motumque distinguamus?

Tertià, cur virtutem prætermiserit Hippocrates, & an aliquid in rem præsentem cõferat?

Mox ad circuituum incrementa deueniemus, inuestigaturi tum in quo consistant, tum quæ ipsorum causæ? quò faciliùs dubitatione quinta ab his ipsis constitutionis futuræ cognitionem deducamus.

Circa postapparentia versabũtur reliquæ

723 APHORIS. DUODECIMUS
dubitaciones omnes: sexta quidem quid ipsa
pertendant aperiet, breuemque ipsorum di-
uisionem proponet.

Septima, coctionis, & cruditatis signa,
itemque decretoria definiet atque diuidet.

Octaua, quo illa eadem coctionis scilicet,
& decretoria signa, inuicem discrepent, ex-
planabit. Quae reliquae sunt dubitationes ad
particularia descendunt.

Nona quidem Aphoristicum ordinem se-
quuta, praesagia ex sputis depromet.

Decima & undecima circa urinas occu-
pabuntur: illa circa liquorem, haec circa
contenta.

Quid utrumque praesignet cumulatè do-
cebitur.

Deiectionum notas futuri praeunantias
duodecima dubitatione audiemus.

Postrema erit de sudoribus. Ceteras excre-
tionum differentias intactas relinquemus,
quales quae vel per vomitus accidunt vel per
sanguinis effluxus, ne summi censoris nostri
limites praetergressi, aliorum censuram in-
curramus.



*An morborum constitutiones
possint prænosci?*

QVÆSTIO PRIMA.

QUæcunque hætenus de instituenda victus forma fuere prodita hac vna prænotione tanquam basi fulciuntur. Quanam enim ratione intelligas, an statim victu tenui sit utendum, an pleniore? an vsque ad morbi vigorem possit æger cum tali victu subsistere, an verò prius deficiat, nisi morbi ideam, constitutionemque prævideris, & futurum statum? neque verò solum in hac toties repetita doctrina futulis reputandus esset Hippocrates, sed in eo quoque ridiculus, quod signa vigoris & ideæ morbificæ prognostica tradiderit, si illa nos assequi posse diffidisset.

Ex constitutione quidem morbi vigoris tempus definiuit, cum peracutum morbum statim extremos habere labores docuit: licet vice versa ex laboribus extremis illicò affligentibus peracuti morbi constitutionem deducere. Denique constitutionum hoc Aphorismo quatuor perhibentur notæ, quas paulò post ad examen reducemus.

Tantum verò huic cognitioni detulit Galenus, ut certò affirmarit malè omninò ab eo victum institui qui futurum statum igno-

rarit, neque exiguum ex huiusmodi ignorati-
one detrimentum in ægotantem redundare.

*Ibidem ca-
p. 16.*

Quanquàm dignum venia iudicat si qui se-
mel ex tali ignorantia peccarit. Qui ve-
rò nullam futuri prognosin esse putat, hanc
ne minimam artis partē censet assequutum.

Primo enim die cognosci saltem potest
(inquit) quod primo vel secundo quaterna-
rio affectus decerneretur. Quin etiam primo
statim insultu (quod plerisque videri possit
αδυνάτων) integram morbi speciem ac ide-
am in plerisque agnouisse se passim gloriatur.
Plenus est id genus exemplis de præcogni-
tione liber ad Posthumum.

*Gal 1. de
Crisibus 16*

*3. de Crisi-
bus 16.*

At si cui fortassè iactantiæ nomine sus-
pecta Galeni videatur oratio, rationes audi-
amus. Si primo die quispiam acuta detentus
febre salutaria omnia polliceatur, & peri-
culosi nihil, vrinam autem reddat colore
laudabilem & consistentia mediocrem, nun-
quid palam est intra quartum diem crisim
successuram? eoque magis si vel nebula su-
pernatet, aut proba sit suspensio, vel lauda-
ta hypostasis? quid si tēperies corporis, ætas,
tempus, regio, cæli constitutio, victus vitæ-
que ratio & consuetudo, morbus ipse & hu-
mor in frigidam intemperiem conspirent,
nunquid certò de futura morbi longitudine
sententiam ferēs? è contrariò breuitatē pro-
mittes si contrariò modo cesserint? iudicium
firmabunt vrinæ cum prioribus coniecturis
crudæ & aqueæ, cum posterioribus coctæ:

tantoque longior aut breuior expectandus est morbus, quanto indicia in hanc vel in illam partem firmiora. Et hoc quidem praenosse generosi Medici & arte Hippocratica digni officiū est (inquit Galen⁹) cum omnem victus normam ad hoc inspiciens componat.

1. de cris3.

Sunt tamen qui negantem partem tueri audeant, nec opinor absque ratione, Et quæso an præscriptis terminis ita se continēt morbi ut ultra citraque nunquam euagentur? nunquid infra quaternum diem durant acutissimi vel protrahuntur ulterius? an qui hos sequuntur septimum non excedunt? an exactè acuti decimum quartum, aut acuti non exactè vigesimum semper attingunt? quid si ad decimum septimum acuti prorogentur, & medium inter istos spatium decurrant? quo tum donabuntur nomine? cur hoc potius quam illo die certè decimo septimo qui vigesimi est index, iudicari acutos nouū non est, aut in doctrina Hippocratica inauditum: duo fratres qui ad Epigenijs theatrum decumbebāt, Heropitus quoque decimo septimo indicantur? si ergo incerta morbi species, si incertus motus, quæ certa eiusdem constitutio? qui certi status? dic amabō ex quo tandem fonte ista cognitio haurienda? an à coniecturis ratione conquisitis? hæc fallaces: an ab experientia? & hæc σφαλερή periculosa, dubia ac in errorem prona. Fallit exercitatissimos quosque similitudo rerum, & cautissimos quosque adumbrata specie in

in Epid.

errorem trahit. Tanta porro rei quam inquirimus incertitudo est ac difficultas, ut non modò præsciri tēpora negarit Galen^o, sed vel ante sciri quam abscesserint, Non ante (inquit) exquisita principij habetur cognitio quam incœperit ascensus, neque huius priusquam abierit.

1. de crisib.

c. 9

1. de cris. 3.

Sæpè verò in morbis nullum sensibile status tempus inuenitur, sed ut exquisitè dignoscatur, primum declinationis tempus est necessarium.

Quæ verò certa notitia ab incertis infirmisque notis? An hæc qua de sermo est ab vniuocis causis, aut immediatis, ac necessarijs procedit ad effecta? Tales in arte medica vix reperias. An ab effectis pariter progreditur ad causas? Nondum illa apparent cum præuidentur: vel si ex vno effectu apparente futurum alium colligit, certò nihil aliud colligit, quàm incertos effectus, incertasque causas.

Ordine si lubet notas omnes percurramus hoc Aphorismo propositas, vanas compariemus & infidas. Iam de morbis ita esse cōfitemur, de quorum essentia tam anxij, tam dubij inter se, & plerumque contrarij Medici, quàm morbus ægroto.

Petitum à temporibus iudiciū non magis firmum & stabile, quàm ipsa tempora. Hyemem expectas gelu rigidam flantē ab arcto Boream: vel æstate Fauonium, & ardentem Syrium? continuis ambo perflantur austris, madent

madent imbribus, tepescunt; vtrunque humido quodam tempore excessus rigor inhibetur, vt non multo magis hæc quàm illa tempestas in hunc vel in illum affectum videatur procliuis. Quid quod congestæ per hæc tempora morborum causæ per alia se prodant? Ver quidem natura sua saluberrimum pluribus & grauioribus infestari solet affectibus quàm ipsa hyems, quæ illorû materiæ sufficit, Plurimos æstas concipit, quos autumnus parit.

Haud firmior circuituum incrementis habenda est fides: grauis sæpè oritur exacerbatio ab externis causis, quare si à circuitus incremento de futuro statu prælagiat Medicus, leui quandoque assistentium errore cõuincitur erroris.

Nihilò tutiùs reperias depromptum à postapparentibus augurium, leui momento permutantur vrinæ, cœteraque excrementa, instabilis, fallaxque notio cui pro fundamento, tanta mutatio substernitur.

Itaque reduc ad istas coniecturas vt voles singula, nusquam reuerteris ad calculos. Demus certè veras esse omnes ac indubitatas, cùm mutuò quandoque discrepent, veras ac indubitatas contrariorum euentuum proferent notas. Sit morbus (exempli gratia) ex acutorû genere, ætate senili, ac hyeme obrepas: si morbû ipsum spectes breuitatē præ se fert: si ætatem & tempus, longitudinem. Equidem vera simul esse nequeunt ista in-

dicia, quoniam admodum neque simul stare possunt contraria. Modo vera utra sint ut intelligas alijs tibi opus indicijs, & hæc quoque cum incerta sint, alia requirunt: vel ergo dabitur in infinitum processus, vel certi nihil unquam assequere.

Dices quædam alijs potiora. Nodum implicas: hæc ipsa discernere novus labor. Senibus (inquit Hippocrates) non ita ut iuuenibus acutæ febres, frigidum enim eorum corpus. Ecce ut sumptæ à morbi specie coniecturæ præualeat ea quæ à temperie, & ætate. Ait idem Hippocrates, minus illos periclitari quorum ætati, consuetudini, tempori, morbi consentiunt. Ecce ut ex eiusdem sententia morbi quandoque quàm illarum causarum vis est potior: Si ergo inuicem dissentiant, à quibusnam potius futura constitutionis signa erunt deprimenda?

An quisquam est qui hisce rationibus locum nullum esse velit? ad experientiã provocemus, frustra est potentia quæ ad actum non reducitur, inquiunt Physici? frustra quoque istam prædicendi scientiam in Medicis agnoscimus cuius actum non experimur.

Nomina si potes aliquem qui eò processerit artis suæ confidentia ut de futuris lōge antè statuatur. Galenum fortè allegabis Eudemio quartanæ cuiusdam longæ principium instare statim à principio aperientem. Ac alteri cuidam qui circa autumnii principium morbo laborauerat ex quo conualescens febricitare denuò cœperat, quartani circuitus inuasionem illam esse planè dicentem: At

1. Aphor.

1. Aphor.

Libro de
præcog. ad
Posthumum
c. 2. Et in
huius Apho-
rismi com-
mentario.

quot quantique Imperatorij Medici in ferenda de Eudemi quartana sententia turpissime delusi? ut meritò non ex Medica facultate, verum ex diuinatricibus scientijs Galeni prædictiones fuisse palam profiteretur Eudemus. Ac Pythium Apollinem vaticinari ægrotantibus per os Galeni voluisse quibus præsidij reuocari ad sanitatem possent, & qua die perfecte liberari.

*Ibidem
Capite 3,*

Mouent nos istæ rationes, haud tamen à priore sententia planè dimouent, sed vtrunque limitationes adhibendæ, hæc in primis medicam prænotationem sæpè à coniecturis pendere: non ideo tamen id genus prænotio quia coniecturalis vana omninò & errori obuia. Tantus quandoque signorum inuenitur concursus in vnum eundemque finem conspirantium, ut de futuro dubitari non possit, quanquam particularim in se spectata signa dubia omnia videantur.

Nam si non prosunt singula, multa iuuant.

Verbi gratia ex tempestate hyemali, senili ætate, constitutione australi, vel aquilonia, non necessariò concluditur futura morbi longitudo, uti neque ex æstate aut iuuentute breuitas. Ista nihilominus cæteris addita certam conclusionem pariunt. Vox vnius, vox nullius inquit Iurisperiti, vnius tamen vox alteri addita fidem apud illos facit, pluresque simul coniecturæ semiplenam probationem; & apud Medicos plenam quandoque coniunctæ efficiunt, tum maximè cum

mutuo quodam inter se veluti nexu sociantur, sic vt nulla dissentiat, aut certo aliquo signo (τηρητικόν Græci vocant) fulciuntur: diuulsæ, discrepantes, & seiunctæ nihil concludunt. Exemplum illud paulò ante à Galeno in primæ sententiæ confirmationem adductum rem præsentem luculentissimè confirmat. Vt liberè ausim cum eodem Galeno exclamare, tantum abesse vt quid futurum sit penitus incognitum putem, vt sæpè de eo certam haberi scientiam existimè. Sæpè (inquam) vel, vt alij legunt *quandoque*: non enim simul vno veluti concentu & harmonia plura signa perpetuò conueniunt, dissident inter se plerumque. Non etiam perpetuò vllum ita fidele adest, vt exquisitè futura tempora singula præmonstret. Quare artificiosam coniecturam, quâ hanc cognitionem adipiscimur eam vocat idem Galenus, quæ propè ad veritatem accedit. Certa verò scientia certis habetur indicijs, qualia quæ à coctione desumuntur: coctio enim celerem indicationem, securamque sanitatem significat, cruditas verò, aut incoctio, aut in prauos abcessus cōuersio, aut non fore indicationem, aut dolorē, aut mortē, aut horum ipsorū recidiuas ostendit. Et hæc quidem prænotio à causis procedit ad effecta, coctio namque causa est vt morbus solvatur: cruditas, incoctio, in prauos abscessus conuersio, primaria quoque ratione causa est vt virtus exoluatur, illa eadem, at secundariò horum

1. de Crisib.
bus c. 16.

1. de Crisib.
bus 13.

3. Prognost.
Comm. 39.

quoque effectuum signa erunt, & eisdem effectus consequentium.

Illud hoc loco minimè prætermittendum, in signorum contrariorum occurſu non tam numerum, quam cuiusque vim æſtimandam. Docuit me doctiſſimus Hippocrates ſigna ediſcentem omnia indicare vires eorum inuicem comparantem. Nam quæ plurima ſunt non omninò paucioribus virtute præpollēt, validum vnum debilibus multis ſæpè fidelius inuenitur.

2. Prognost.
t. 56. & 3.
prognost.
t. 37. 1. de
Crisib. 13.

Quæret ſtudioſus aliquis quo tandem genio in tanta ſignorum varietate, venire in exactam ſingulorum cognitionem liceat? Duplicem nobis viam deſignat, & præmunit Galenus: experientiam & lectionem. Continua quidem & ſedula ægrotantium inſpectione atque obſervatione illam ſibi comparauit Hippocrates, quam nobis poſtmodum quaſi per Galeni manum tradidit. Vtriusque in opere diligentiam ſectemur, ſcripta perlustremus.

Singula Hippocratis verba tanquã *ἐμφαντικῶς* æqua Galeni lance ponderemus. Iſ pro facultate ſignorum cuiusque tradidit diſciplinam, & peculiarem eorum naturam proprijs adiunctis & appellationibus inſigniuit. Hæc bona ſimpliciter aut mala nominans, illa magis aut minus. Vtrique ſignorum generi valdè nonnunquam adiiciens, quandoque nihil prorſus addens, ijs nimirum quæ neque praua omninò ſunt, neque

omninò à periculo immunia, Horum sedula animaduersione, signorum gradus non difficile distinguemus, quæ optima, quæ pessima, quæ media, quæ optimis aut deterrimis proximiora, quæ fida, quæ infida, quæ perpetua, quæ instabilia, quæ decretoria, quæ longitudinis aut breuitatis, quæ salutis aut mortis: Mala & bona signa expèdentem ex his prædictiones facere oportet, ita enim potissimum veritatem consequetur ait Hippocrates.

*Libro de
indicijs.*

Substratis hisce fundamentis asserimus, certa nonnunquam constitutionis morbi haberi indicia, nonnunquam dubia, sed quæ ad veritatem proximè accedant.

Priorem nostræ assertionis partem probant priore loco adducta argumenta.

Posteriorem solum conuincunt quæ pro negatiua parte afferuntur. Si quæ Medicæ prænotioni fidem vndequaque denegât, non magni est operis refellere.

*s. de crisi-
bus c. 16.*

In primis dum obijcitur morbi speciem frequenter ignorari, si incerta morbi species, ergo & quæ ab ea deducitur constitutionis morbigæ cõgnitio. Respondeo paucorum dierum discrimen, haud magnam in victus ratione mutationem parere. Quare siue decimo septimo terminetur, siue etiam vicesimo morbus is quem simpliciter acutum & decimo quarto terminandum iudicauimus, non multum refert, maximè cùm præstet ad paulò pleniorẽ, quàm ad tenuiorẽ victum

perpetuò inclinare, & paulatim vt ad statum progreditur morbus detrahenda sit alimonia, vt in præcedentibus demonſtrauimus. Verùm ſi quarto aut quinto criſis affutura eſſet, ac talem aliquis victum, præſcriberet, qualis deberetur, ſi quadrageſimo eſſet finiendus, abſurdum foret, & Medico prorſus indignum.

Quod addunt particularia plerūque tempora prius ad vnguem non dignoſci quàm præterierint, admittimus; nam vnus temporis finē ex alteri^o principio internoſci ſæpè experimur. Cui^o duplicē cauſā proferre licet. Prima eſt quod in vnam eandēq; acceſſionem plura aliquando coincidant tempora. Altera quod ex ſignorum mutatione quibus delineantur tempora, mutationem temporum dignoſcamus: cū itaque repente talis obtingit mutatio ex conſequentis temporis notis apparentibus, finem præcedentis colligimus, verùm vt minimè perpetuum iſtud eſt, ita neque perpetuò deſunt indicia quibus motum progreſſumque temporum diſcernamus, neque ſi perpetuum id foret, noſtram aſſertionem euerteret, non enim ex huiusmodi particularium temporum ignoratione, ſequitur vniuerſalis conſtitutionis ignoratio, imò verò ex repentina illorum mutatione morbi breuitatem aptiſſimè coniectamur.

Iam quid ad hæc conferat experiētia, quid allatæ ab Hippocrate coniecturæ dictum eſt,

& sigillatim in sequentibus expendemus, nunc ad ea quæ pro ipsis infirmendis iactantur quàm breuissimè respondendum.

Ad illud de morbo dicimus, ignorata morbi specie reliqua indicia inter se conferenda, & singulorum vires studiosè pensitandas vt vnus defectum alterum suppleat.

3. *Aphor.*

Ad tempora quod attinet, sciendum non solum anni tempestatem aduertendam, sed & coeli statum tam præsentem, quam prægressum quod in Aphorismis fecit admirandus Hippocrates. Circa incrementa circuituum faciliè distinguet peritus Medicus, & prudens, an ex natura morbi, an ex errore, aut aliundè proueniant.

De postapparentibus suis erit locus postea.

In signorum oppositione quæ seruanda sit norma perstrinximus satis dilucidè. Illam quisquis sequetur, aut rarò, aut non multum certè à scopo aberrabit.

Neque verò diuinatoria eiusmodi cognitio censenda est, sed planè Medica, quàm ex Medicorum penu depromimus, cuius veritatè tum Hippocrates, tum Galenus scripto & opere confirmarunt, & à qua pluri mi quibuscunque seculis probatissimi Medici laudem, ægroti salutem acceperunt. Si mihi fas esset de me ipso loqui testes citarem principes & primarios nostræ Lotharingiæ viros & Medicos qui sæpè sepiùs quæ antè de futura ægritudine à me essent præ-

dicta non sine artis admiratione viderunt euadere,

Firma itaque & indubitata remanet nostræ assertionis veritas morborum tempora posse prænosci: nunc quibus notis, perscrutemur.

*Quibus indiciis morborum constitutiones dignoscantur,
& accessiones.*

QVAESTIO SECVNDA.

PRæsentis quæstionis hic est sensus, hæc ratio. Cum in præcedentibus dictum sit cibi plus minusve circa initia indulgendum, quò longior aut breuior futurus est morbus, siue (quod perindè est) quò plus minusve à suo vigore recesserit, itemque in accessionibus abstinendū: meritò nunc constitutionis morbi, hoc est futuræ longitudinis aut breuitatis futuri quoque in accessionibus ordinis indicia perquiruntur, inutile quippè fuerit illa præsciuisse si hæc ignorentur. Supponat verbi causa Medicus febrem acutam detineri quempiam qui longa ægritudine teneatur, nunquid illicò tenuiorem alimoniam iniunget, quam præstaret iniungi pleniorē? supponat idem typum tertianarium qui sit quotidianas, nunquid faciliè in

737 APHORIS. DUODECIMUS
accessionis tempus incidet propositum ci-
bandi? necessaria itaque ad praxim hæc dis-
quisitio, ac veluti præcedentium Aphorif-
morum firma basis: quæ licet in commen-
tario cumulaté satis videtur explicata, ite-
rum tamen sub incudem reuocanda est ad
doctrinam firmiorem, at quoniam satietatis
mater similitudo, ne inani antedictorum re-
petitione lector offendatur hæc agitabitur
quæstio.

*Utrum in quatuor indiciorum
enumeratione defecerit
Hippocrates, an
excesserit?*

DEfecisse equidem videtur, cum inter-
narum causarum ne meminit quidem,
ac inter externas sola anni tempora nume-
rauit, reliquarum oblitus. Quin etiam sym-
ptomata subtrahi ab hoc censu non debue-
rant, non alia signa magis quam postappa-
rentia de quibus sequenti quæstione.

Excessisse videtur cum morbos percensuit,
ac anni tempora, nec non postapparentia:
quorum priora duo ad causas; postremum
ad symptomata non ineptè retulisset, agè
verò æqua lance libremus singula: quod si-
gnum hoc in genere certius internis causis,
quarum hæc ipsa quæ inquirimus sunt ef-

fecta? vnde enim diuersæ morborum conditiones & ideæ? vnde accessionum varietas? nisi ab his causis? quæris in tertiana exquisita breuitatis, & tertianarij recursus causam? ad flauæ bilis substantiam & quantitatem recurre. Miraris in annos protrahi quartanas, & quaternis diebus recurrere? perispecta humoris à quo producuntur natura, mirari desines. Quereris rauim & grauedinem in valde senibus haud maturari, atque ex consequenti in immensum protendi? caloris penuriam accusa. Vides renum & vesicæ vitia ægrè in senioribus curationem admittere? hoc est multo negotio, & diuturno tempore (vt interpretatur Galenus) in renum & vesicæ opus indefinens culpam referto; vel si mauis ad humores acres ad illas partes vndeque confluentes, tanquam ad destinatos aliarum partium euacuationi tubos: vel denique ad ipsam ætatis contractam ex frigore imbecillitatem. Ecce vt constitutionum cognitionem & prænotationem ex causis, causas in intimis corporibus vanamur. Idem antea in accessionibus ostendimus, dum peculiare periodorū causas inuestigaremus. Dicent qui pro Hippocrate disputant, internas hasce causas sub anni tēporibus comprehendendi, qua ratione nos cum Galeno in commentario docuimus: at quo iure cum alterius sint ordinis? quidni causæ potius mentionem fecit Hippocrates, quàm anni temporum? generalis quippè causæ appella-

2. Aph. 40

6. Apho. 6.

739 *APHORIS. DVODECIMVS,*
tio particularia omnia suo ambitu includit;
at non è contra promptè & facilè ex par-
ticulari vniuersale deducimus, tum maximè
cum particularia sub vniuersali contenta
ad diuerfas classes pertinent. Haberet pro-
babile aliquid hæc responsio, si id dumtaxat
supponeret, sub anni temporibus cœteras
externas causas posse intelligi: quanquam
neque istud quidem concedimus.

Nam si ex anni temporibus certò quic-
quam de constitutione morborum præfari
non licet, quorsum anni tempora pro cœte-
rorum norma & exemplo constituimus? an
certa vlla ac inuiolabili lege procedūt tem-
pestates, vt hanc consequentiam quasi cer-
tam ac inuiolabilem admittamus, irrepfit
media æstate hic affectus, brevis igitur fu-
turus est, vt pote à calido & sicco humore
oriundus, præ æstatis caliditate & siccitate?
quid si frigida & humida ipsa sit vt plerum-
que fit? in passiuis certè qualitatibus sæpè
sæpiùs in his regionibus euariat, itavt pro
summa siccitate summam inducat humidi-
tatem continuis imbribus irrorata: at mor-
bi in pluuiarum multitudine magna ex par-
te fiunt febres longæ, in siccitatibus verò,
acutæ. Quamobrem non ex æstate, sed ex æ-
ris temperatura de morbi constitutione ali-
quid inferendum.

3. *Aph. 16*

3. *Apho. 7.*

Aliarum anni partium par omninò ratio,
quarum appellationes frustrà vt morbificæ
constitutionis causas attenderis, si non vt

causas, ergò neque vt signa. Non igitur anni tempus, sed temporis cōstitutionem præstiterat Hippocratem allegasse, pro cuius varietate morbi duratio variatur. Quibus enim temporibus modò calor, modò frigus, autumnales morbos. expectare oportet. 3. Apho. 4.

Denique cùm symptomatum oblitus est Hippocrates sui quodammodò videtur oblitus. Nam alibi ex sola symptomatum vehementia vigoris tempus definiuit. Id in præcedentibus abundè explicuimus vbi peracutos morbos hoc signo demonstrari ostendimus, quod statim extremos habeant labores, hoc est symptomata: & inferiùs circa principia & fines omnia dicuntur leuissima, in statu autem vehementissima, supple cum Galeno, symptomata ex quibus manifestè concluditur ad præcognitionē status non minoris interesse symptomatum quàm accessionum incrementa considerasse. neque ipsa per se spectata symptomata excludi possunt à munero signorum, nam ab his passim Hippocrates, longitudinis & breuitatis indicia depromit. Sudores (qui symptomata sunt in genere exeuntium mutatorum) si die impari febricitantibus accidunt, bonos & indicatorios vocat. Qui autem secus eueniunt laboris indices, & longitudinis, aut recidivæ. Neque verò, vt de futuris constitutionibus sententiam ferret Hippocrates, solos spectauit dies, in quibus erumperent sudores, sed & ipsam sudorum quantitatem 1. Apho. 7.

2. Aph. 30

4. Apho-
ris. 36.

4. Aph. 37
 & 41.

8. Aph. 31.
 & 32.

7. Aph. 51.

& qualitatem. Frigidi (inquit) cum acuta febre mortem denuntiant, cum mitiore longitudinem. Calidi verò & si copiosè & assidue fluant, breuitatē. sed neque solis sudoribus intentus reliquas euacuationes, in hoc genere neglexit: hæc ex vrinis desumpsit, quibuscunque febricitantibus in vrinis sedimina fiunt, veluti farina crassior, longam fore ægitudinem significat; quibus autem biliosa quæ prius tenuia fuere, acutam; & hæc quidem tum rationi, tum experientiæ congruunt. Nam cum vrinæ immediate humores denotent quibuscum miscentur, & hi morbi statum: quidni ut illud ex vrinis, sic & istud quoque deducamus? farinacea sedimina, verbi gratia, crassam indicant materiam; materia crassa, coctionis diuturnitatem; coctionis diuturnitas febris durationem. Biliosa contrarium, ut pote cum acutos morbos bilis perpetuò operetur, inquit Galenus, hoc est à bile non nisi breues affectus producantur. Brevis enim hoc loco acuti nomine intelligendi sunt, aliàs falsò suspicabere sibi minimè constantem Galenum, qui nusquam tertianas intermittentes à sincera bile ortas acutis adscripserit. At quid in his immoror? quæ in symptomatum genere prima æstimantur, læsæ nimirum actionis, in hoc quoque primas obtinent: testem cito Hippocratē, cuius istud ex Aphorismis testimonium.

Quicumque sani dolore capitis repente

capiuntur, & statim muti fiunt & stertunt, ij septem diebus pereunt: nisi febris apprehenderit. Et alibi paulò superius: quicunque tetano corripuntur quatuor diebus intereunt: si verò hos effugerint sani fiunt, utrobique ex læsæ actionis symptomatis morbi durationem præsignat, nempe ex dolore capitis, obmutescencia, stertore, & conuulsione. Si ad mutatæ qualitatis symptomata descendamus, idēmet Hippocrates ex crebra coloris mutatione morbi longitudinē colligit.

Plurima in rem nostram tum ex Aphorismis, tum ex prognosticis, cum aliunde congerere, neque magni operis foret, neque magni ingenij, neque maioris credo utilitatis.

Ad excessum venio quem triplicē agnoscere est: primus dum morbi, alter dum anni tempora: tertius dum Epiphænomena signis annumerantur. Priora duo sub causis complectimur, tertium sub symptomatis. De anni temporibus dictum hæcenus, & monstratum non aliter ipsa spectari quam ut signa sunt earum quas in nobis pariunt dispositionum, hoc est internarum causarum, quæ immediatè eius quem pariunt affectus constitutionem notant. Anni ergò tempora nihil ampliùs nos in præsentī cognitione promouent, quam cæteræ externæ causæ.

De morbis grauior insurgit difficultas, ab his enim certa propriæ conditionis peti vi-

dentur argumenta per se, non autem quatenus vel causæ sunt, vel à causis pendent. Hæcticam in secundo gradu quis non Chronicam æstimarit, Diariam verò breuem? an Chronica illa? an hæc brevis, quia febres? at vnum vt vnum contrariorum per se causa esse nequit. An quia à diuersis pendent causis? desunt vtrinque causæ Diariæ quidem externæ, quæ producto effectu euanescere. Hæctica nihil habet in fieri, tota est in factu esse, quare à causa independens. Non igitur durationis ratio aliundè quàm ab ipsa morbi specie petenda, in se, non quatenus, causa est; neque vt à causa dependet, cum nullam videamus. Idem argumentum valet in alijs plerisque istud sufficiat, vt res declaretur. Implicitus videtur hic nodus; quanquam solutu facilis.

Vltro admittimus morbum ex se significare id non posse ad quod est indifferens, cuiusmodi est duratio. In eundem quippe genere morbum cadunt contrariæ durationis differentiæ. Febris (vt in allegato exemplo persistamus) & si calida & sicca intemperies, ex se breuitatem non dicit, vti neque frigida intemperies longitudinem; vtramque aliquandò citius aliquandò seriùs terminatam vidimus, quin etiam frigidā calida breuius perdurasse, calidam quoque aliàs frigida citius sublatam.

Temporis ergò aliundè quàm à morbo limitatio inquirenda, puta à morbificis causis, maximè-

maximèque ab interno efficiēte & subiecto quorum ambo ad materiam referuntur. Efficiens ad materiem ex qua: subiectū ad materiem in qua. Febri itaque harum causarum alteram si adiunxeris, certò mox de duratione causa cognita statues hūc in modum. Febris est à pituita crassa, viscida, lenta; ergò longa: à bile tenui & syncera, ergò brevis. In habitu radices egit: firmior est, nec nisi longo tempore cessura: in solis est spiritibus accensa, naturalem non prætergreditur diem. Ecce vt morbi significatio sub causa continetur: imò à causa ipsa sumitur. Quamobrem superfluous æquè censeretur debet Hippocrates dum morbi mentionem fecit, vt mancus dum causas tacuit.

Non minus superfluous æstimabitur, si post-apparentium allata in medium exēpla ponderemus, omnia ex symptomatū penu. Quid aliud sunt sputa? quid vrinæ? quid sudores? quid alui excrementa? quam mutatorum excurrentium symptomata? & hæc ex paulò antèdictis clarioraquàm vt longiorem postulent demonstrationem.

Valida certè oppetitur congerie telorum, quæ præuidenda ne feriant. Illud incautum monitum velim lectorem: Aphoristicam doctrinam longam & accuratam singulorum disquisitionem atque explicationem non ferre, aliàs in immensum excurreret, vno verbo, Aphoristica esse desineret: abūdè ipsi est rerum capita adumbrare, ex vno plura in

*Galens in
comm huius
Aphorism.*

memoriam reuocare, vnum ex altero inferre, altiori disquisitioni viâ munire. Ita factum in præsentî vbi sub anni temporibus ea omnia collocat Galenus, quæ singulorum temporum constitutioni & temperaturæ proportionē respondēt, aut pares cum ipsis tēporib⁹ effectus proferāt in corporibus humanis, causas scilicet omnes cum internas tum externas. Quæ enim æstium indicat tempus, eadem quoque natia, aut aduentitia ægri complexio calidior & siccior, ætas in suo vigore iuuenili constituta, locus, regio, corporis, animique motus, & cætera quæ in eandem crasim, conspirant, indicabant,

Minimè verò (quod abijciūt) incerta tempestatum varietas, Aphoristicæ doctrinæ incertitudinem parit. Considerat Aphorismus tempora non vt assiduè mutationi obnoxia, sed in sua temperie naturali, à qua congeneres in nobis alterationes accidunt. Solam hanc temperiem attendit, huic tribuit actionē, non Astrologicæ distinctioni tēporum, non eorundem appellationi, posita illa naturali constitutione temporum, certissima fiet illatio (modò cætera consentiant, quæ ad ipsam retulimus) æstius est morbus ergo brevis: funduntur quippe calore æstiuo humores superflui, quaquauersum in omne corpus feruntur, atque diffantur: diffatis humoribus, si validæ sint vires finiuntur morbi: sin inualidæ in ipsa humorum diffatione exoluuntur. Addidi si cætera consen-

tiant, tanta enim subest quandoque humorum copia priscis temporibus cōgesta, tanta propter crassitiem & lentorem contumacia, tam alta sedes, vt diuelli non dicam ab ambiente aut disceuti, sed neque à grauioribus machinis aut facile, aut citò possint. Quod intuitus *πύλα ἰδών* senex perspicacissimus æstiuas quartanas non simpliciter, sed magna ex parte breues pronunciauit, vt autumnales longas.

Hæc de causis ad quas symptomata reuocamus, nihil enim symptomata indicant nisi quatenus induunt rationem causæ, neque signa immediata esse possunt nisi ipsarum causarum. Id quod vel ex contrarijs argumentis manifestum est. Primum quidem sudores diebus paribus prædecentes longitudinem portendere dicuntur, quoniam vel ab humore alio procedunt quàm bilioso, cuius proprium vt plurimum diebus imparibus moueri: si ab alio humore, ergò vel à pituitoso, vel à melancholico: ab utroque ægritudines diuturnæ. vel si à bilioso, non motu & vi naturæ, sed natura copia pressa atque irritata, alias non nisi ipso exacerbationis die erumperent, hoc est impari: debilis porrò natura magnam copiam ægrè, & multo spatio temporis euincet. Quod additur sudores frigidos longitudinem præsa-gire, calidos breuitatem, verum quoque est, sed mediatè, nam sudores frigidi suam causam immediatè arguunt, nempe frigidorum

3. Aphorif.

succorum redundantiam ad quam morbi sequitur longitudo. Calidi contra materiam tenuem & calidam quā natiuus calor prumptē discusserit, hinc breuitas. Vrinarum ratio in ipsis argumentis fuit declarata. Allegata læsæ actionis symptomata nihil amplius conuincunt, solam enim suarum causarum vehementiam immediatē significant, quibus cognitis, atque suppositis, de futura constitutione apud nos statuimus.

Denique coloris mutatio humoris morbifici varietatem palam profert, ex humoris varietate infertur longitudo, quoniam longo opus est tempore ad coctionem atque expulsionem.

Quod vlteriùs obijcitur, debuiffe Hippocratem circuituum incrementis addere symptomatum incrementa, quandoquidem non minor est horum quàm illorum efficacia in vigore præuidēdo, repugnat Aphoristico instituto; quid enim facilius quàm hæc sub illis intellexisse, cum vtraque pariter augentur?

Superest, vt inuistam excessus notam abstergamus. In primis quod de anni temporibus assertur, contrarium potius concludit defecisse scilicet accuratissimum doctorem cum ex omnibus causis vnicam hanc allegarit. Sed hic antea extricatur nodus.

Quod postmodū probatur nihil de constitutione propria præsignare morbum, nisi quatenus (vt de symptomate admisimus) ha-

bet rationem causæ, vel suam causam immediate notat confutatione non caret. Circa quod illud annotari velim in re Medica cum de causa morborum incidit mentio, perpetuò efficientem intelligi. Subiectū à causæ appellatione remoueri. Quamobrem non satis cumulatè rem videremur explicuisse, si diceremus à causis morborum constitutiones atque accessiones indicari, neque adderemus etiam à subiectis. Subiecta porro commodiùs sub morbi appellatione complectimur, quā sub causis, vt pote quæ morborum non causarum definitionem ingrediuntur, eorumque complent essentiam, nam accidentis esse est inesse: nec aliter ipsum definiri melius potest quàm per subiectū. Ad plures morborum differentias nomen à subiectis mutuari, qualis hectica, pleuritis, nephiritis, hæpatitis. Quemadmodum ergo horum morborum appellatione subiecta connotamus, ita quoque nō ineptè sub morbis subiecta collocamus. Denique morbos plerosque ante nominamus quàm nobis in mentem veniant eorum subiecta, vel causæ: ante quoque ex ipso morbi nomine breuitatem aut longitudinem inferimus; quàm ad subiecta vel causas mentem reflectamus: iure itaque morbos inter signa constitutiones, & accessiones præmonstrantia cum Hippocrate reponimus.

Ad postremum argumentum respondemus postapparantia vocata non hîc spectari vt

symptomata, sed vt naturæ, vel morbi operum indicia; quorum præ se ferunt notas in quantitate, qualitate, substantia, prodeundi tempore & modo. Ex cita namque facili & recta operatione naturæ, ex laudabili & prompta coctione, breuem, facilem, & salutarem affectum, ex contrarijs contraria deducimus.

Elicitur ex dictis neque mancum, neque superfluum fuisse Hippocratem in enumeratione signorum, satis esse præfata quatuor, ad quæ cætera referamus: morbos nimirum, sub quibus reponuntur subiecta, 2. anni tempora, quæ causas omnes internas externasque connotant. 3. successiua circuituum incrementa, quibuscum & symptomata augentur. Naturæ denique & morbi operationes in excrementis conspicuæ postapparentium voce comprehenduntur. Symptomata non ad circuituum solum incrementa referri possunt, sed ad cætera quoque: ab morbos quidem vt pote à quibus fluunt: ad causas vt pote quarum immediata sunt signa. Ad postapparentia, vt quæ à Galeno symptomatum nomine donantur.

Superest de alijs signorum generibus difficultas, quam paucis explicemus.



*An alia signa præter postappa-
rentia futuras morborum
constitutiones
denotent?*

QVÆSTIO TERTIA.

Qui benè distinguit (vt in prouerbio est)
benè docet, nos itaque ad claram &
facilem doctrinam præsentem de signis dis-
putationem à distinctione ordiamur. Illud
in primis monèdus lector, nos indicij, signi,
notæ coniecturæ nomē hīc & in præceden-
tibus promiscuè vsurpare, licet non igno-
remus τοῦ σημείου, ἢ τεκμηρίου diuersam esse
in Galeno acceptionē. τεκμήριον vocat (quod
nos indicium vertimus) certum signum à de-
monstratione petatum. σημείον verò signum
infidum quod ab obseruatione nascitur. Ad-
dita signo certi aut incerti, fidi aut infidi
vox, difficultatem omnem & controuerfiam
eximet. Iam ad rem.

Signum genere triplex est ἀναμνηστικόν,
διαγνωστικόν, προγνωστικόν memoratiuum, de-
monstratiuum, prognosticū. Memoratiuum
quæcunque prægressa sunt memoriæ obij-
cit, quamobrem distinctam speciem in se
quidem efficit, sed cū ad alia ordinetur ad
ipsa videtur referendum, memoratiui quippe

finis est ex præteritorum recordatione nos ad præsentium aut futurorum cognationem traducere. Diagnosticū statum dumtaxat præsentem demonstrat. Prognosticum, futurum præuidet & prænuntiat.

De diagnosticis alibi, de prognosticis nunc instituenda oratio. Horum quatuor genera vulgò statuuntur, quædam sunt coctionis, aut cruditatis, quædam decretoria, quædam salutis aut mortis, alia longitudinis aut breuitatis. De his vltimis suscepta quæstio, vtrum scilicet præter postapparentia alia reperiantur, signa longitudinis aut breuitatis?

Pat. bolag.

Libr. 2. c. 7.

Prognostica non continuò ut morbus inuadit, sed aliquantò post tempore se proferunt (inquit doctissimus Fernelius) hincque mox apparentia & superuenientia nuncupantur. Sola ergò postapparētia signa sunt prognostica, ex Fernelij mente cui suffragari videtur noster Hippocrates in hoc Aphorismo, vbi aliorum signorum quàm postapparentium nominatim nullam mentionem facit. Eidem assentitur commentarius Galeni, in quo tria quidem proferuntur genera signorum Pathognomonica, assidentia, & Epiphænomena, sed cum neque ex Pathognomonicis, neque ex assidentibus vllum conferre ad prognosim quicquam videat, tandem concludit, ex mox apparentibus igitur totā iubet Hippocrates constitutionem coniectari.

At signa temporum morbi prognostica

multæ lectionis & doctrinæ vir Mercurialis in præapparentia diuidit & postapparentia προφαινόμενα vocat quæ vel ante tempora, vel vnà cum ipsis manifestâtur, ἐμφαινόμενα, quæ non antè apparent quàm ipsa abierint. Priora à tribus petit fontibus, à specie nimirum morbi, à tempore, & ab accessionibus. Posteriora subdiuidit in signa coctionis & cruditatis, & decretoria.

Speciem morbi appellat acutiem vel tarditatem, quorum vtrūque ex morbi materia colligit, ex eiusdem motu, atque ex ægrotantis facie & viribus. Hæc Mercurialis opinio.

Quæ sanè in summa distinctione summè mihi videtur cōfusa, vt meritò suspicier multa vndequaque in illius praxim inserta parum fideliter, aut satis oscitanter recognita: quæ ad rem præsentem sunt, in iuuenum gratiam ad examen reuocemus.

In primis allatas præapparentiū & postapparentiū descriptiones admittere nullo modo possum. Præapparentium quidem appellationi repugnat vnà cum morbi temporibus prodire ac præterea assidentia cum præapparentibus hæc clausula confundit, vti ex allegatis exemplis apertè conuincitur.

Nam acuties, & tarditas morbi, & facies ægrotantis, quæ ad præapparētia retulit Mercurialis ex numero sunt assidentium quippe aliquando simul inuadunt, aliquandò superueniunt, nonnunquam neque omninò veni-

unt, nequē enim sunt à morbis inseparabilia neque eorum veluti substantiam cōstituunt sed multorum sunt communia; ad idem planē genus referenda, ac ista quæ à Galeno numerātur; nempe quod vel ad Hypochondriam pertingat dolor, vel ad clauim, vel quod facilius in latus ægrum quam in alterum decumbat Pleuriticus.

Si verò non antè apparent Epiphænomena quàm tempora abierint, quā ratione futurorum temporum erunt prognostica? descripta illo modo Prophænomena ab iisdem fontibus deriuat Mercurialis, à quibus sua signa noster Hippocrates, à morbi nimirum specie, à tempore, ab accessionibus, sed alio sensu quàm interpretetur Galenus. Per morbi speciem, acutiem, aut tarditatem intelligit Mercurialis, non item Galenus, sed propriam cuiusque differentiam, & ita intelligendus Hippocrates, nam ex specie morbi futuras accessiones præuidet, quas ex acutie aut tarditate non benè desumpseris. Quotidiana exempli causa, & quartana, ambæ tardo feruntur gressu, sed hæc quarto quoque die accessiones habet, illa quotidie. Laterali morbo, Phrenitidi continuis, & continentibus febribus adest acuties, at diuersus exacerbationum circuitus, quem probè ex peculiari cuiusque morbi differentia definieris. Longè grauius videtur intricatus dum acutiem & tarditatem ex quatuor indicijs venatur, ex morbi motu, ex materia, ex facie

ægotantis, & viribus: quidni & ex ætate, & ex pulsibus, quæ sub tempore complectitur? Quidni ex tempore ipso, & regione? Cur temperaturæ, consuetudinis, vitæ instituti & aliorum, quæ parem cum prioribus vim habent, nullam mentionem facit? sed confutare exactius singula quid iuuat? Aliam potius quæsitæ solutionem indagemus, & sub alio duce.

Præter præapparentia, & postapparentia, est tertium quoddam signorum genus assidēs nuncupatum, Pathognomonico oppositum, Pathognomonica enim seiungi à morbo nequeunt, simul cum eo incipiunt & desinunt eius essentiam perpetuò comitantur (comitantia idcirco à quibusdam nominantur, & simul apparentia) assidentia contra morbi essentia veluti circumstant, vnde *συνεπόμενα* hoc est circumstantia Græcis dicta: hæc quandoque cum morbo irrepunt, quandoque superueniunt, absunt etiam nonnunquā, quare nec propria sunt, nec inseparabilia. Pathognomonica non vltcrius in morbi constitutionis prænotationem nos promouent, quā morbus ipse ad quem proinde referenda sunt. A cæteris omnibus signorū generibus, puta præapparentibus, assidentibus, & postapparentibus hanc ipsam qua de agitur prænotationem mutuari licet.

Ita fecit hoc loco noster Hippocrates, non enim à lōgitudinis & breuitatis prognosi præapparentia & assidentia exclusit, dum ip-

forum expresse & explicitè nullum habuit sermonem. Morbi & anni tempora ab eo commemorata in præapparentium album adscribuntur, constitutiones enim vel tempore præcedunt vel natura. Morbi quidem vel facti sunt vel in fieri: qui in fieri, futuram constitutionem tempore præcedunt, qui facti natura, saltem: prius enim natura est morbum esse, quàm vel longum esse, vel breuem. Anni tempora, & quæ sub ipsis à Galeno collocantur, præsentem nonnunquam eo quem procrearunt affectu commutantur, non enim præsentia solùm ad hanc cognitionem conferunt, sed vt plurimum quoque antegressa. Accessionum incrementa signorùm assidentium nomine continentur. Hæc incrementa ex anticipatione, longitudine, & vehementia accessionis colligit Galenus, quorum aliqua in ipsa morbi nonnunquam inuasionem summum adipiscuntur augmentum, vt in Paracmasticis vocatis febribus quæ à principio extremam vehementiam nactæ, mox ad finem vsque assidue decrescunt. Superueniunt quandoque aliqua, vel simul omnia: aliàs omninò non adsunt, vt anticipatio in illis febribus, quæ vel manifestis carèt circuitibus, vel quæ vna accessione plura tempora decurrunt. Sed neque alienus est à nostra sententia Galenus, cum Pathognomonicorum & assidentium signorum mentione facta, subiicit ex postapparentibus totam morbi constitutionem ab Hippocrate præ-

nuntiari: hac enim clausula priora illa ab Hippocratis instituto non reijcit, sed solum à posteriore Aphorismi parte, in qua de solis superuenientibus habetur oratio.

Minimè quoque nobis aduersatur Fernelius: is enim prognostica diuidit in signa coctionis & cruditatis, salutis & mortis, & decretoria: nobis de signis longitudinis & breuitatis suscepta tractatio. Illa non continuo vt morbus insilit, sed aliquantò post tempore se proferunt, horum plurima illicò sese produnt, imò & præcedunt. Nos quidem (inquit Galenus) cum statim prima die febrium quartanarum initia sæpè cognouissemus, non expectata secunda accessione summam victus constituimus, tanquàm ad morbum qui longo post tempore esset ad vigorem peruenturus: idem in quotidiana, & tertiana fecimus tempus futuri vigoris in vtrisque secundum proprium terminum metientes: at coctionis signa principium illud terminant, quod totius morbi pars est. Signa salutis aut mortis protinùs se non exerunt, quam ob causam in quiebat Hippocrates acutorum morborum non omninò certa esse signa salutis aut mortis (circa initia intellige) decretoria cum primo exquisitè morborum principio incidere nullo modo possunt. Sola ergò postapparentia ad has prænotiones iure à Fernelio adhibentur.

Multa hoc loco agitari in vtrumque possent circa Aphorismum nostrum valdè im-

757 APHORIS. DVODECIMVS
plicita atque cōtrouersa, quæ paucis & bre-
uibus quantum fieri poterit dubitationibus
lubet perstringere, ne aut longiores consultò
fuisse, aut fidelis interpretis partibus videa-
mur defuisse.

*Prima dubitatio. Quid morbi
nomine intelligamus in
hoc Aphorismo?*

PRæcedenti quæstione Mercurialis opi-
nionē audiuius, & confutauimus: no-
stra est, morbi nomine tria contineri morbi
speciem, morem, & motum ex quorum sin-
gulis eiusdem constitutio innotescit. De spe-
cie diximus.

De more loquutus Hippocrates, simpli-
cissimas ait febres & signis firmatas securis-
simis quarto die aut citius desinere. Deterri-
mas ac signis affligentes difficillimis quarto
die aut citius interimere illas *ἐνθεῖς* vocat
mites & placidas vel boni moris licet appel-
lare. Has *κακόνθεῖς* hoc est prauas, mali moris,
aut maleficas. De motu certum est morbos
quò citius mouentur, citius finire: sic acu-
tissimorum quartus est terminus. Qui de acu-
tis nonnihil remittunt ad septimum progrediuntur: qui non ita velociter feruntur ad
decimum quartum, aut vigesimum. Qui lento
procedunt gradu, ad quadagesimum: qui tar-

diffimo, ad menses & annos protrahuntur.

Quæres, quidni etiam morbi magnitudinem morbi nomine compræhendis? nempe quia ad lûgitudinẽ & breuitatem ipsa ex se est. indifferẽs, nam cum longitudine & breuitate magnitudo morbi, & paruitas complicantur.

Secunda dubitatio. Quibus indicijs morbi speciem, magnitudinem, morem, motumque distinguamus?

Differentiæ morbi cognitionem ex quatuor fontibus eruit Galenus, ex loci natura, excretorum specie, doloris proprietate, & accidentibus proprijs. Quæ hanc certò designant nos demonstratiua & comitantia signa nominauim⁹, Græci παθογνωμικά: quæ si perpetuò caderent in Medici cognitionẽ aut sensum, non ita laboriosè (vt solemus) in idea morborũ peruestigãda occuparemur. Horũ defectu ad cõiecturas artificiales recurrendũ, quæ neq; demonstratiuæ sunt, neque à veritate longè diffitæ, mediũ quoddammodo inter exactam notitiam & omnifariam ignorantiam sortiantur. Pathognomonica Pleuritidis exempli loco hæc in commentario quinque retulimus. Febrem continuam accenso nimirum corde vicinæ ratione. Tuf-

*1. de locis
aff. cap. 5.*

*Gal. 1. de
loc. aff. 1.*

sim, materia sensim in pulmōnes & trachæam exudante: spirationem difficilem, propter instrumentorum compressionē & angustiam, & auctum à vehementi incendio respirationis vsura. Pungentem lateris dolorem, dolorem quidem ab intemperie & distentione. Pungentem quia membranam obsidet. Pulsum durum & inæqualē, serratum vno verbo dixeris: durus est ratione pleuræ quæ dura & sicca est vt potè membranæa. Inæqualis, ob inæqualem arteriarum Discrasiam.

Magnitudinem morbi in triplici genere Aphorismo tertio collocauimus, in ipsa morbi essentia, in symptomatis, in affecta parte. De morbi essentia hæten⁹ satis. Symptomatum vehementia externis sensibus obuia est. Affectæ sedis notas quinque percensuit Galenus, illis enim præfatis quatuor quibus in affectus notitiam ducimur addit actionis læsionem.

2. de locis.
affectis. 5.

Morbi morem, ex symptomatum numero, frequentia, leuitate, vel atrocitate, vel prauitate colligimus. Sic liuidus aut niger color in malignis habentur indicijs, vt quæ natui caloris extinctionem ambo denuntiant.

Liuiditas quidem perpetuò. Quæ linent in febribus mortem in propinquo esse prænuntiant, ait Hippocrates. Nigredo non semper, accidit enim quandoque ex melancholici humoris decubitu. Sic deliria, conuulsiones, vehementes iactationes, aliaque id genus, nisi Criticè eueniant, in febribus acu-

tis Dele-

In coactis 1.
68.

tis Deleteria: sic magna corporis sine manifesta causa consumptio, calorem adurentem; prauosque & malignos succos indicat.

Morbi denique motus ijsdem depræhenditur notis quibus temporum morbi mutatio. Ex veloci quippè & præcipiti circuituum incremento, ex coctione confestim prodeunte, morbum ad vigorem celeri ac præcipiti gressu ferri cognoscimus.

Tertia dubitatio. Cur virtutem prætermiserit Hippocrates, & an aliquid in rem præsentem conferat?

QUod de morbi magnitudine paulò antè statuimus, idem hoc loco de virtute statuendum: vtrumque ex se nullas brevis aut longi morbi notas exhibet: non enim valent simpliciter hæ consequentiæ, magnus est morbus, ergò longus. Valida est virtus, ergò brevis affectus. Non etiam istæ contrariæ. Magnus est morbus, ergò brevis, Debilis virtus, ergò longus morbus. Cadit vtrunque pariter longitudo & breuitas. Qua ergò ratione morbi magnitudinem aut paruitatem complecti sub morbo in præsentia nolimus, eadè motus Hippocrates virtutem à signorum constitutione indicantium numero exclusit.

Adnotent hic iuniores nos morbi magnitudini, & virium robori constitutionis significationem haud quaquàm omni ex parte denegare. In se quidem seorsim spectata nil promouent, secus est si ambo inter sese conferantur.

4. Aph 49

In febre continua si labrum, aut supercilium, aut nasus, aut oculus, subuertantur, si neque videat neque audiat, quodcunque horum acciderit debili iam existente corpore mors in propinquo est, ait Hippocrates, his verbis propinquum interitum non separatim ex morbi aut symptomatum vehementia deducit, non ex sola etiam facultatis imbecillitate, sed ex vtriusque inuicem collatione. Pari modo virtutem cum morbi magnitudine comparantes de constitutione iudicium feremus.

Circa quod aduertendum variè in sua intentione se habere morbum, varios quoque esse virtutis status, variè vtraque inter se copulari, Morbus vel magnus est, vel mediocris, vel paruus. Virtus, vel fortis, & valida est, vel mediocris aut debilis.

Si virtus fortis non magno morbo colluctetur, tantò breuiorem hunc fore sperandum est, quantò illa retundendis eius conatibus atque infrigendis efficacior.

Si cum magno itidem morbo vis sit mediocris, ex impari congressu, vel viriù lapsus vel morbi longitudo expectetur, suas vires explere virtus impar non potest nisi longi-

ore mora. Sin hæc debilis reperiatur, ille vehementer, quæ reliqua spes? propinqua certa- que mors, vel longo interuallo diffita, incerta- que salus; non enim longum stadium cur- sor infirmus citò decurrerit. Tantò verò il- la certior, hæc incertior, quãtò maior vtrin- que ad extrema fuerit recessus.

De virtute forti aut mediocri aut debili ad morbum mediocrem aut paruum com- parata, proportionem Philosophandum. Non ita tamen vt cum virtute forti morbum ne- cessariò breuem fore, ne si exiguus quidem ipse, sit, arbitremur: quartanam enim quam *1. Epid. co.* febriam omnium (putridarum intellige) le- *3. 1. 4.* uissimam ac tutissimam prodidit summus Hippocrates, etiam cum viribus constanti- bus longissimam experimur: sed illud saltem perpetuum & indubitatum censeretur debet, morbum cuius salutaris æstimatur exitus, cum virtute forti, quàm cum mediocri, aut inualida breuiorem fore, morbum lethalem cum validiore quàm cum imbecilli facultate longiorem. Validior quippè vis se non om- ninò ab interitu vindicat, morbo, & mor- bificæ causæ, ac symptomatis diutiùs obsistit, mortis proinde aduentum remoratur. E con- tra vis debiliior vel promptiùs hosti se dat in prædam, vel diuturno spatio ad morbi coctionem solutionemque indiget. Itaque quod de morbi magnitudine asserimus, ad causas & symptomata debet extendi.

Sed longè aliter à nobis sentit Mercurialis: *Lib. 5. pr.*

763 *APHORIS. DVODECIMVS,*
si vires validæ paruo morbo connectantur,
semper inquit, indicant morbum breuem, si
quidē facilē est vt infirmus hostis citò ab ad-
uersariò valido superetur. Si autem coniun-
gantur vires validæ morbo valido, metuenda
semper morbi longitudo, sicut experientia
comprobatur, pugnas inter validos certato-
res longas esse & pertinaces. Contra, si vires
infirmæ copulentur morbo magno, necesse
est, vt citò res finiat, & ideò huiusmodi
casu vires infirmæ semper significant mor-
bum esse acutum, & statum esse proximum;
vt si morbus sit paruus & vires infirmæ po-
tius metuendum de diuturnitate quàm de
celeritate. Hæc ille partim absurda, partim
valdè obscura & inuoluta, vt meritò moni-
tos velim lectores ne ante in eius opiniones
descendant, quàm singula ad amussim excuf-
serint, multa enim eius errore qui hæc ab
auctore non tam dictante, quàm discurren-
te excepta, typis mandauit: præter rationem,
præterque auctoris mentem inserta arbitror.
Ista breuibus expendamus.

Vires validas cum paruo morbo coniunctas
semper indicare morbum breuem, falsum
esse demonstrauimus exemplo quartanæ. Il-
lud sanè admisimus quartanam salutarē cum
valida virtute quàm cum infirmiore fore
breuiorē. Sin lethalis sit (vt in senibus quan-
doque propter debilitatem virtutis, & in iu-
uenibus propter errores (quo firmiores erunt
vires, eò febrem longiorē futuram. Rationem

vtriusq; assignauimus. At infirmus hostis (inquit ille) ab aduersario potenti & vegeto citò superatur. Respódeo quartanam quidem leuem esse & tutam, leuem quoniam longa habet, integraque interualla. Tutam, ex se enim iugulat neminem, imoverò à lepra, melancholia, Epilepsia, cæterisque ab Hippocrate & Galeno commemoratis affectibus vindicat. Est tamen solutu contumax & rebellis: tanta quippe morbifici humoris est crassities cum lentore coniuncta, quantam ne potens quidem vis citò excusserit. Atræ enim bilis inter omnes corporis humores maximè viscida est & summè diuturnas sedes facit, inquit Hippocrates, Quod autè quartanæ atræ bilis sint participes hinc probat, quòd autumno maximè grassentur, & à quinto & vigesimo anno ad quintum & quadragessimum.

Falsum quoque est vires validas cum morbo valido longitudinem perpetuò minari. Claudicat altero pede quæ in confirmationem affertur similitudo, longa nãque inter validos Athletas pugna est, quia valid^o vtrinque congressus & valida resistentia. Validum vtrinque inter validum morbum & valentes vires certamen, sed qui vehementiùs oppetunt morbi, non ijdè reluctàti naturæ, & mutuò agenti vehementiùs obsistunt, inter qualitates quæ magis actiuæ æstimantur minùs sunt ad restituendum idoneæ. Pari modo acutorum violenta promptaque est actio,

materiæ tenuitas aduersum naturæ conatum firma infraçtaque sustinere diu non potest, quanquam est ad nocendum instructior atque paratior. Interim manifesta se prodit hoc loco cõtradiçtio in Mercurialis placitis. Nam si morbus quicũque validus cum valida virtute longitudinem præfagit, hanc ipsam præfagiet acutus vt potè validus. Sed omnis acutus brevis natura sua est, ergo posita virtute forti simul erit longus & brevis; longus, propter facultatis robur; brevis ex propria natura. Dicendum potius è contrario acutum cum valida quàm cum debili virtute hoc ipso breuiore, quod à potentiori quàm infirmiori hoste citius & facilius edometur.

Quod additur necesse est, vt res citò finiatur si quando vires infirmæ cum valido morbo concurrant, parum distinctè pronuntiatum censeo. In lethalibus certè affectibus trãseat: in salutaribus pernègo: virtutis enim infirmitas mora compensatur. Quare hoc casu non semper infirmæ vires acutum esse morbum significant, nisi pariter lethalem supponamus. Et lethali supposito, non semper statum proximum portendunt, nisi forte proximum id appellemus quod nunquam futurum speramus, in validis enim affectibus vis debilis frequenter ante vigorem concidit atque exoluitur.

Vltimo ex virtute debili cum paruo morbo dimicante: perperam infertur diuturnum potius fore morbum quàm breuem, morbi

differentia spectanda est, quæ si ex breuium genere, brevis etiam fuerit cum infirma facultate, longior tamen quam cum valente. Sed hæ longitudinis causæ faciunt nos instituto nostro longiores, cæteras prosequamur.

Dubitatio quarta. In quo consistant circuituum incrementa & quæ ipsorum causa?

Circuituum incrementa in tribus consistere Galeni decreto ratum, sanctumque accepimus, in anticipatione, longitudine & vehementia. Nunc singulorum causæ declarandæ.

Causæ vel internæ sunt vel externæ. Quæcunque circa victus formam committuntur errata circuituum ordinem euertunt. 2. dediff. fe. Ultimo

Quemadmodum enim in ipsis quoque sanis deprauata vitæ ratio ægrorandi occasionem præbet, eodem, vt arbitror, modo, vel etiam magis in laborantibus ex commissis erroribus fiunt accessiones. Quodcunque igitur offensionis genus effatu dignum interuenerit, vel circuitus anticipare, vel alios diuersæ à prioribus naturæ oriri necesse est, à quibus accessionum ordo subuertitur. His Galenus in genere externas causas retulit ad errores. Hi autem vel ad Medicos pertinent,

767 *APHORIS. DVODECIMVS*
vel ad ægrotos, vel ad assistentes vel ad exteriora ex liberaliore potu vini præsertim meracioris, ex importuna cibi oblatione, ex animi pathematis, ex propinato die accessionis cathartico, ex somno circa accessionis inuasionem, inæqualitatem vel augmentum, nunc citius irrepit paroxysmus: aliàs diutiùs protrahitur, aliàs vehementius effertur, aliàs in his omnibus augefcit, nullo tamen futuræ constitutionis augurio. Quamobrem ad internas causas veniamus

Anticipationis causam duplicem agnoscimus, alteram in efficiente, alteram in materia. Efficiens calor est extraneus qui sensim progressu temporis adauctus materiã promptius exagitat. Materia, humor est morbificus qui feruidior, & tenuior redditus celerius excandescit, & proritat expultricem.

Vehementiæ non alias quàm anticipationis causas ponimus. Putredo quidem quò vehementius accenditur, eò maiores tragedias excitat. Humor putridus succensus & incalescens sua acrimonia ferit & furit eò atrocius, quò sese altius in omnes diffundit partes, & quaquauerfum excusso veluti freno partium tenuitate permeans, neque vt antea cohibitus atque coërcitus sua vel substantia, vel tetrivaporibus, offendit vtrumque cum celeriter in morbis cernitur, celerem quoque morbi motum auguratur.

Longitudinis triplicem causam assignat Galenus, materiæ multitudinem, crassitiem

& lentorem; potentia imbecillitatem; & meatuum angustiam. Materia quidem multitudo non ita promptè, vt paucitas edomatur, atque expellitur. Lentor & crassities dissolutionem remorantur. Quò potentia vegetior extiterit, eò promptius alienū onus excutit. Raritas corporis, quod per ipsum defertur non cohibet, aut distinet, quare necessum est vt qui ita fuerint affecti (modò cœtera consentiant) citò à superfluis liberentur. In progressu præter hæc causas duas alias percenset idem Galenus his omnibus communes, quarū vtraque seriò ad prognosim discernenda ne aberremus. Prima est cum humor aliquis transmigrat in alterius naturam: putrescentis nempè sanguinis pars vna in flauam bilem, altera in nigram: quantum enim in ægrotantium corpore transmutantur humores, tantum & accessionū periodi. Altera est cum non eadem humorum species ac multitudo, neque in omnibus partibus æqualiter incenditur atque discutitur.

Ibidem

Nimirum qui putrescere incipit humor in aliquo mēbro alter existit, alter verò ex alijs defluit, qui vel in ipsis solis cōtinebatur, aut in vniuerso corpore redūdabat. In hac humorū diuersitate quæ plura sunt, frigidiora, crassiora, viscidiora, longiores faciunt accessiones, quæ pauciora, calidiora, subtiliora, breuiores. Itidemque promptiores, ac vehementiores, aut tardiores, atque leuiores pro sua cuiusque ratione.

*Quinta dubitatio. Quomodo
ex circuituum incrementis
in futurarum constitutionū
cognitionem veniamus?*

Circuituum incrementa cum ab externis
causis procedunt, nullam hac in cogni-
tione vim conferunt. Si ab humorum varietate
pendeant. Longitudinem potius quam
breuitatem denuntiant, quemadmodum &
ipsa humorum varietas: sin ab humorum
transmutatione eius humoris in quem
commeant sequuntur ideam. Sed neque se-
orsim sumptæ singulæ incrementorum dif-
ferentiæ morbi augmentum necessario com-
monstrant. Sunt sæpè in principio morbi
longiores accessiones quam in progressu,
propter materiæ multitudinē, frigiditatem,
crassitiem, lentorem, quæ in progressu im-
minuitur, incalescit, attenuatur. Sunt in sta-
tu vehementiores, in statu quippe omnia ve-
hementissima; sunt in declinatione promp-
tiores, pauca namque & subtilis materia
promptius agitatur, agitata exacerbationes
parit. Quamobrem simul omnes, aut plures
concurrant oportet.

Dices qui fieri potest ut longior in aug-
mento fiat paroxysmus cum adaucto putre-

dinis, feruore incalescens, atque attenuatus humor citius euanescat? Respondeo minorem in principio pugnam esse, citius proinde terminari. Instabis minus durare violenta.

Instantiam admitto si paria ponantur cœtera; sed in principio vis est vegetior, quam in progressu, morbus autem leuior & quietior, ex impari progressu breuior conflictus. Increcente quidem morbo increcit putredo, nō sola qualitate sed & mole, hinc pugna grauior & diuturnior. Admittendum tamen in aliquibus obiectum argumentum.

Q. Apho.
30.

Aduertendum Colophonis loco circuituū incrementa non solum augmentum, hoc est secundum morbi tempus compræhendere, sed & statum quoque: quoniam in statu summum incrementum morbus consequitur: itaque vt ex summo incremento statum præsentē, ita ex consequenti, citò terminandum affectum concludimus.

Sexta dubitatio. Quid portant postapparentia?

DVo ex postapparentibus in Aphorismo colligit Hippocrates, καὶ δύσκολα (inquit) ἢ ἐνκεῖλα, ἢ βραχέα ἢ μακρά τὰ νοσήματα ἐπιφαίνόμενα δηλοῖ & iudicatu faciles & difficiles, & longos, & breues morbos postapparentia ostendunt. Nos facilioris doctrinæ gratia τὰ ἐπιφαίνόμενα diuidamus

771 *APHORISM. VNDECIMVS*
in signa coctionis & cruditatis, & in *νεῖσμα*,
id est decretoria: vtraque rursus in signa lō-
gitudinis & breuitatis, de quibus in sequen-
quentibus dubitationibus.

*Septima dubitatio. Quæ dicantur
signa coctionis & cru-
ditatis? Quæ decretoria?
Et quotuplicia?*

Signa coctionis dicuntur, quæ notas co-
ctionis exhibent: signa cruditatis, quæ
nullam præ se ferunt coctionem: illa posi-
tiua sunt, hæc negatiua. Coctionis, alia sunt
debilis, alia manifestæ, alia perfectæ: & huius,
alia perfectæ, alia imperfectæ. Signa coctionis
debilis, ea sunt, quæ rudia tantum illius li-
neamenta adumbrant. Manifestæ, cum iam
manifestò sese prodit in excrementis natu-
ræ actio. Perfectæ, cum planè euictæ atque
edomitæ causæ morbiificæ notæ prodeunt.

Et hæc quidem si suis sunt muneris abso-
lutæ, perfectæ vnde quaque victoriæ nos red-
dunt certiores; sin aliquid sit quod deside-
res, non omninò perfectæ.

Ad signa cruditatis negatiua quæ ex sola
coctionis negatione percipiuntur, alia quæ-
dam positiua referimus, corruptionis scilicet
aut prauitatis. Prauitatis qualia in malignis
vulceribus in pure visuntur.

Corruptionis, qualia in Sphacelismo.

Decretoria sunt, quæ vel futuram crîsim, vel præsentem nuntiant: illa præcedentia dicuntur, hæc concomitantia.

Præcedentium alia securitatem pollicentur, vt coctio. Alia diem, tempusque futurum præmonstrant, vt humoris motus, & exacerbatio. Alia instantem notant, vt signa perturbationis Criticæ: quibus enim Crîsis aduenit ijs nox ante accessionem difficilis.

His adderem consequentia, ad quæ refertur hæc vltima modò allati Aphorismi clausula (quæ verò sequitur magna ex parte leuior existit) sed hui⁹ non sunt cõsiderationis. Antecedentium porrò quædam sunt vniuersalia Crîsib⁹ omnibus communia, vt vigiliæ, spirandi difficultas præter rationem, pulsus inæqualitas, sitis vehemens, iactatio corporis, & alia id genus, quæ humorum motum, & inde excitatos fumos consequuntur. Alia sunt particularia & propria, quæ 2. Apho. 13. speciem cuiusque Crîsis exprimunt: vt ructus, flatus, ventris crepitus, & inflatio, lumborum dolor futurum ventris profluuiû denotant. Sanguinis verò fluxum è naribus, faciei rubor, grauis capitis dolor, pulsatio temporum & quæ passim ab Hippocrate annotantur, quæ passim ex prognosticis, & Epidemijs congeret lector curiosus.

Quæ concomittantia appellamus, signa simul sunt & causæ Criticæ, nempe excretio, & abscessus. Excretionum multiplices

773 *APHORIS. DUODECIMUS*
 sunt differentiæ, aliæ namque fiunt per de-
 iectionem, aliæ per vomitum, nonnullæ per
 vrinas, quædam per sudores, aliæ per sangui-
 nis effluxus ex naribus, vtero, hæmorrhoi-
 dibus, Nobis de alui tantum deiectionibus,
 vrinis & sudoribus sermo erit, quoniam de
 his solum mentionem facit noster Aphoris-
 mus; abscessus nomen non de veris solum
 abscessibus debet accipi, sed de Exanthe-
 matis. Ectimatis, papulis, & efflorescentijs,
 aut quibuscunque eruptionibus.

*Octaua dubitatio. Quomodo
 differant signa coctionis,
 & decretoria?*

*Galenus
 in comm.*

*1. Epid.
 sect. 2. 1.
 45.*

COctionis signa nunquam in primo sta-
 tim morbi principio seu tēpore se se
 exerunt, at illud finiunt; quādocunque tan-
 dem supponantur, habenda in bonis, indi-
 cij celeritatem, firmitatemque portendunt.
 Et quò citiùs visuntur, eò promptiùs sani-
 tatem affore promittunt, naturæ quippè va-
 lidam actionem perpetuò demonstrant, &
 victoriam. Cruditis signa diutinū quidem
 morbum ex necessitate significant, ex se ta-
 men neque salutaria, neque lethalia.

*Gal 1. de
 Crisib⁹ 14.*

Crisimæ cum primo exactè morborū prin-
 cipio nusquam inuadūt, sed vel in augmen-
 to vel statu. Infida sunt, & contraria signi-

ficant pro diuersis morborū tēporibus. Alio quidem tempore, & secundū aliam dispositionem Critica sunt; aliās vel symptomata, vel praua signa, vel omninō non decretoria. Capitis dolor (exempli gratia) delirium, vertigo tenebricosa, alui & vrinæ profluvia, sudores, & quæcunque his similia, stabile nihil indicant, decernentia proindē sunt & non decernentia, vel quia nullo modo decernunt, vel quia malō.

Sciscitabitur studiosus aliquis, quibus tandem coniecturis crism perfectam dignoscamus. Huic quæsito satisfacit Hippocrates breuiter & suo more, si qualia (inquit) vacuentur, & quando, & qua parte & quantum opus est. Natam ex ista breuitate studiosis difficultatem breuibus explicemus.

6. Epid.

1. Aphorism.
mus 3.

Per qualia, humoris species denotatur, humoris inquam molestantis, non alterius: nam si talia purgentur qualia purgari oportet, confert & leuiter ferunt, sin minus contra: hoc est si peccantes humores vacuentur laudabilis est Crisis, cuius bonitas ex conferentia & tolerantia tanquam signis consequentibus æstimatur.

Quandō, quatuor complectitur: primo morbi tempus, non enim verē crisima morbi initio possunt apparere, neque si apparent in augmento, certa sunt & tuta: sed eorum qui statim pereunt velociores sunt indicationes, quoniam dolores & continui & fortes. Quæ verō ad melius indicant non sta-

1. Epid.
sect. 1.

tim manifestantur. Secundò tempus coctionis, istud me docuit idem Hippocrates, hæc quam præcedentibus subiungit sententia, quæ præindicata sunt, si crude indicata sint. recidiuæ fiunt? præindicata vocat, quæ ante tempus coctionis.

*1. de morbis
vulg. sect.
3. t. 15.*

Tertiò diem notat hæc clausula, si enim indicatiū fiat extra præscriptos dies, recidiuas fore significat, & fuerit sanè perniciofa: extra præscriptos dies, hoc est extra criticos, quos textu præcedēti enumerauerat. Quartò signa indicatoria, nam quæ sine signo indicatione disparent (ait diuinus senex) malè indicata sunt. Postremum vtrumque signum is ipse in prognosticis vnico hoc textu compræhendit: si quibus febris desinit, non cum indicatijs solutionis, neque in diebus decretorijs, recidiuam expectare oportet.

*3. prognost.
t. 22.*

Quo loco horum duorum alterum adesse satis videtur Galeno. Quoties neutrum adsit eorū quæ dixit Hippocrates, tunc expectanda, inquit, recidiua, non vbi alterum adsit, alterum desit. Hanc autem præsentis sententiæ rationem profert, quoniam quæ non ex ratione leuant recidiuam facere consueuerant, quanquā diebus accidant decretorijs. At verò constat vt hæc non ex ratione leuent. Quæcunque neque cum indicatijs solutionis, neque in diebus desinunt indicatorijs.

In genere pro infidis & periculosis ea reputanda quæ ante tempus prodeunt, humoris enim efferatū impetum potius quam natura

8. Apho. 11.

tura

turæ robur aut conatum arguunt.

Qua parte, familiares naturæ vias denotat, siue loca singularum partium euacuationi destinata, *ξύμφορνα* Hippocrati appellata, quæ à Galeno in arte Medica percensentur.

Quantum opus est, euacuationis modum dicit, & quantitatem. Confertim fieri debet critica vacuatio non paulatim; & vacuationis quantitas, vacuandi humoris quantitati respondere. Quæ paulatim fit excretio debilem naturæ facultatē ostendit, neque paucum quicquam criticum est, omne verò nimium naturæ inimicum. Pauci vomitus, biliosi mali, inquit in prognosticis Hippocrates: ubi excerni pauca in ægris vnū quoddam ex signis æstimat Galenus quæ ex toto prauitatem habent, siue sanguis per nares, siue deorsum per ventrem, siue per vomitus tale quippiam quod superfluum sit excernatur. Idem & in sudoribus, & his quæ per vterum egeruntur, nihil enim eorum quæ decretoria sunt exiguè secerni conuenit. Sed quæ ita vacuantur omnia duorum alterum subeunt, vel quod non queant tolerari ob copiam, vel imbecillitatem ostendunt naturæ expellere superflua proponentis, at impotentis. Hactenus Galenus.

Signa quæcūque Crisima à præfatis legibus subducunt, vel Crisima esse desinunt, aut salutaria. Iam nunc ad particularia descendamus, quorum in Aphorismo quatuor species proponuntur. Sputa, quæ solius thoracis sunt

Capite 24

1. Apho. 5.

1. prog. tex.

2. t. 47. §

ibi Galen.

777 APHORIS. DVODECIMVS
peculiaria & propria: vrinæ, alui excrementa
& sudores, quæ toti corpori expurgâdo sunt
idonea: quid singula proferant expêdamus.

*Nona dubitatio. Quid ex spu-
tis presagiendum?*

2. prognost.
t. 43. &
44.

AD laudabilem screationē tria ab Hip-
pocrate desiderantur, nempe vt citò,
& promptè excreetur, & flaua bilis admo-
dum permista ipsi appareat. Citò hoc est
circa initia ægrotationis. Promptè hoc est
facile & sine dolore: si multo post scretur
flaua aut rufa; aut multam inferens tussim,
aut non admodum permista deterior est, Ci-
ta quidem facilisque excretio à tribus pen-
det, à facultatis motricis robore, à partis
dispositione; à materiæ conditione.

Valida facultas exactè inchoatum opus
perficit, non in media functione subsistit aut
deficit. Probè disposita pars illa est, quæ pa-
rentes habet meatus, itavt humoris effluxus
non intercipiatur: vel quæ non admodum
vehementi dolore infestatur, ratione cuius
ab expulsiōe reuocet & interpellat in ipsa
expellendi contentione ægrotantem. Ex par-
te materiæ requiritur quædā substantiæ mo-
deratio. Quæ viscida & crassa, membris
tenaciùs adhærescit, & ad motum inepta
est. Quæ tenuis admodum & aquæa, vi spi-
ritus elata ad Trachæa latera circumfluit; quæ

impermixta est & syncera (solo excepto sanguine) prauam indicat affectionem.

r. de crisib.

18.

Legitimam porrô consistentiam sputa coctione adipiscuntur. Signa verô cruditatis & coctionis hæc Galenus annotauit. Nihil omninò exspuere, sed sicca tussi premi, tale quiddã est quod in vrinis extremè crudum & aquosum nominamus. Quod si expuatur quidem, sed adhuc tenue, occultæ debilisque coctionis est indicium: sputa pauca cocta manifestam proferunt coctionem. Multa exquisitè cocta, sine difficultate educta, perfectam. Coctionis signa proba sunt perpetuò & probanda: Vim caloris indicant, & materiam obsequentē. Cruditatis non semper improba, sed longitudinis quantum in se est demonstratiua. Praua sunt quæ antea retulimus, flaua & crocea vt potè à flammæ calore oriunda: crassa quoque & viscida: vt quæ coctioni excretionique reluctantur. Spumantia quo solutu difficiliora, eò deteriora; nam & magnam flatus copiam indicant & humores crassos, atque glutinosos. Æruginosa, liuida, nigra, deleteria: illa quidem calorem feruidum vehementer exasstantem: hæc præter assationem, vehementem quoque sanguinis exsiccationem denotant, aut extinctionem atque refrigerationem. Rotunda mentem emouent.

*Hipp 6. Ep.
sect. 6.*

Quæret fortè quispiam, cur sputum statim apparens breuitatem polliceatur. Huic dubitationi satisfacit Galenus his verbis.

In comm.

In quibus inflammationibus quæ non teguntur operculo densiore, vt in ijs quæ externa occupant, quædam sanies exudant ab initio quidem tenues, postea si coctionem accipiant & proficiant in melius, crassiores. Si quæ verò inflammatio, cum tâta sit meatuum angustia, vt extra nihil præterfluat, coctu difficilem illam esse, & longo tempore perdurare censendum est.

At sputa illa statim apparentia cruda sunt inquires, quomodò ergò securitatē & breuitatem ostendunt? maximè cum praua esse decretoria initio statim prodeuntia, paulò antè sit constitutū? respondeo pleuritidis & februm acutarum longè diuersam esse rationem. Decretoria in febribus improbamus, si statim se se exerant, quoniam parata primis diebus ad secretionem excretionemque esse nequæ materia in toto venoso genere contenta. Sputa verò, quanquàm incocta, quò citius excreantur, eò patentiores vias esse declarant, & humores magis fluidos & obsequentes, vnde coctionis facilitas & solutionis breuitas expectanda.

Dubitatio decima. Quæ signa ex vrina liquore depromēda?

Illud in primis aduertendum vrinam iecoris & venarum esse excrementum, iecoris proinde & venarum facultatē indicare

ciusdemque facultatis aut dominiū, aut pugnam, aut debilitatem, aut exolutionem. Ex perfectæ cōctionis signis naturæ victoriam auguramur, tantò certiorē, quantò ipsa perfectiora. Ex imperfectis pugnam, quæ tantò longior est, futura, quantò à perfectione longius recedunt. Ex debilibus debilem virtutis actionem, aut actionis principium. Ex cruditate, vel nullum adhuc naturæ cum morbo congressum, vel naturæ impotentiam, ex deprauationis & fœditatis indicijs virtutis lapsum, ac interitum tantò certiorena quantò illa prauiora. Ne te interim fallat si vesica ægrotans, aut renes talem aliquā reddiderint vrinam (inquit Hippocrates) non enim totius, non iecoris aut venarum, sed ipsius vesicæ aut renum præbebit coniecturam. Addo & expulsionēs críticas accuratè spectandas, nigra criticè externuntur atri humoris permissione suffusa prospero successu, extra crīsim planè exitialia. Neque ignorandum ab externis immutari vrinarū tum substantiam, tum quantitatem, tum colores, tum odores, quæ imprudentis Medici iudicium (nisi ad trutinam exactè reuocet singula) faciliè eludant.

2. prognost.
t. 37.

His ita præfatis duo in vrina spectanda veniant, liquor & contenta in liquore tria, substantia, quantitas, qualitas.

Substantiæ nomine, substantiæ modum intellige, qui vt diuersus est ita diuersas vrinæ differentias parit. Hinc alia dicitur tenuis,

alia crassa: alia mediocris. Ad substantiam referimus perspicuitatē, à quatriplex etiam oritur differentia. Nam vel vrina lara est & perspicua; vel turbida, & opaca, vel inter has media.

*Hippocr. 2.
prognost.
t. 30. & 31.*

*Hipp ibi-
dem t. 34.*

Dum vrina tenuis fuerit incoctum morbum esse significat: quæ si talis excernatur in affectibus diuturnis, periculum est ne perdurare possit æger, donec morbus coquatur; si cætera vt in conualituris indicia affuerint, in ijs abscessum ad sedes infra præcordia expectare oportet. Vrinæ ergo tenuitas ex se bona nunquam esse potest, vel enim cruditatem arguit, vel morbi longitudinē, vel recidiuas, aut mortem. Hæc in febribus continuis accipe, non in ijs affectibus quorum materia extra venas delitescens, nullum sui aut rude admodum incertumque in vrinis specimen exhibet. Gibbam hepatis partem excipio, renes, vreteras, vesicam, in quorū obstructionibus tales eminguntur. In febribus vrinæ tenuitas vel à debili calore naturali oritur, vel ab extraneo excedente. Diurnitatem quoque minatur vrina crassior, aut morbi recursum, aut prauos abscessus, aut ruinam, vt quæ vel ab humorum crassitie, varietate, copia nascitur, vel ab oppressæ naturæ imbecillitate, aut defectu, vel à vehementi frigore quasi concrecente, vel ab exuperantia caloris dissoluentis, exsiccantis, ac veluti assantis.

*Galenus
comm 2.
Prognost.
t. 38.*

*2. prognost.
t. 31.*

Circa vrinæ crassitiem duo annotat Ga-

lenus. Primum est vrinam crassam si calorē habeat naturalem duplicem habere euentum, interdum ad mortem, interdum ad propinquam salutem, vti alia pleraque præter naturam per quæ corpus expurgatur. Alterum crassam ab Hippocrate dici vrinam quæ maximè & supra modum talis habeatur, quæ enim crassior simpliciter quàm naturalis existit, non admodum exitiosa: quæ mediocri, summè laudanda. Mediocrem porro crassæ nomine donauit quandoque Hippocrates, ita intelligendus est Aphorismus septuagesimus sextus quartæ particulæ interpretè Galeno, nam abusiue quandoque & medio & mediocri extremorum nomina tribuuntur, cū & ad maximè crassum, tenue, & ad maximè tenue, crassū nominetur.

Verum audire mihi videor argutulum aliquem dum tenues vrinæ aspernor, ista ex Hippocrate in contrarium obtrudentem, quibus vrinæ, crassæ, grumosæ, paucae non sine febre multitudo veniens ex his tenuis iuuat. Hunc nodum soluit Galenus iuxta præfatam interpretationem tenuium nomine non simpliciter tenues, sed præcedentibus tenuiores intelligens, vrinæ enim grumosæ, & crassæ humorum crassiorum euacuata portione, & residuo concocto euadunt postmodum tenuiores; at non absolutè tenues: quæcumque ex crassis omninò tenues sunt

4. Apher.
69.

In comm.
citatur Aphorif.

Libro de
indicatio-
nibus.

ἡ ἐξ ὀνείλας ἢ ἀβέβαια ἀγρὲ ἰudicantes, & inconstantes vocat idem Hippocrates.

Vrinæ perspicuæ caloris robur indicant, humoris bonitatem, & perfectâ coctionem. Sed ab Hippocrate damnantur, inquires, quibus urinæ perspicuæ, & albæ malæ. Respondeo perspicuæ, simul & albæ urinæ, nomine aquosam significari, quæ reuera extrêmæ cruditatis est index, aut humoris biliosi raptum in caput indicat in affectibus biliosis, vnde phrenitis: à qua cum talibus vrinis neminem vnquam se curatum vidisse testatur Galenus. Nos cum colore laudabili laudabilem perpetuò urinæ perspicuitatē putamus.

Ad turbatam quod attinet neque semper laudata est, neque semper illaudata. Huius triplicem inuenio differentiam: quædā clara mingitur postea turbatur, & hæc iudicio est primum impendere coctionis rudimentum, materiam nempè coctione crassescere, quæ initio erat tenuis: densari enim egestionibus oportet morbo ad indicationem transeunte, quare magna ex parte in febribus ex vrinis ab initio tenuibus, fit ad crassiores conuersio.

Quædam turbata emingitur postmodum inclarescit; hæc indicat spiritus flatulentos adhuc aliquos superesse, crudesque refertas venas humoribus, non tamen cessare naturâ, sed coctioni valenter incumbere, atque mox superiorem fore. Quædam turbida remanet vt redditur. Hæc cum virtute valida morbi longitudinem prænuntiat; cum inualida, perniciem ægrotantis, inquit Galenus. At primam omnium deterrimam censet (puta

4. Apho-
risf. 72.

Hipp. lib.
de indicij
Galen^o 4.
Aphorism.
comm. 42.

Galen^o 4.
de sanit.
tuenda 3.

Galen^o 4.
Aphorism.
comm. 70.

nisi ab externo frigore, aut alia quavis causa externa perturbatio oriatur) nam debet incipere concoqui, quare & longiori tempore, & fortiori virtute indiget ad coctionem. Secundam mitem æstimat, quoniam parum aliquid turbulentia superesse demonstrat: tertiam inter vtramque mediam, quia vigere adhuc quæ est in sanguine agitationem ostendit.

1. de Crisib.
bus 12.

Quæret Hippocratis studiosus, quanam ex his iumentorum urinis similes vocentur, & capitis dolorem aut præsentem, aut futuram significant? Respondet Fuchsius ultimas. Ego secundas tertiasque tales æstimo, nam in vtrisque materia crassa & densa à calore agitur, ex agitatione multus spiritus flatuosus, multi vapores crassi efferuntur in caput. Hæc de urina substantia, nunc ad quantitatem.

Quantitas vel pauca est, vel multa. Si pauca, mala; nisi forte vel ex ficciorum alimentorum usu, vel defectu potionis, vel ad ventrem, aut ad extrema corporis delatum serum deiectione vel sudoribus erumpat. Multa quoque vitiosa est, nisi vel potus copiam sequatur, vel criticè propellatur. Multam quandoque urinam emitti ubi caput nimium incaluerit auctor est Hippocrates. Liquefcit enim in ipso pituita, liquefcens secedit partim ad nares, partim ad os, partim per venas quæ ducunt ad pudendum. Pauca, vel renum debilitatis est soboles, vel mea-

2. de morbis in principio.

tuum vrinatorum obstructions sequitur, vel incendium desiccans atque consumens: Multa vel crudioris succi redundantiam denotat, quam ferre vasa nequeunt: vel acrimoniam stimulantem, vel retentricis imbecillitatem, aut denique colliquationem.

Qualitatis nomine tria continentur, color, odor, sapor. Colores, odoresque satis nobis fuerit contemplari, si qui vel tam sordidi, ut urinae gustu delectentur; vel sic accurati, ut eius molestiam non auersentur, ex saporum differentiis, seri, humorumque permistorum differentias annotabunt. Sed hæc maiestate Medica prorsus indigna. Imò & fœdum ac turpe est fœdos odores palam ac nimium accuratè obseruare: honestè dissimulandū, moxque fœtore depræhensò distinguendum, an fortè ex renum vicinarumve partium vlcere, an ex assumptis quales asparagi. Aliàs ex fœtore superante putredinem perpetuò conijce quo nomine urinae fœtidæ ab Hippocrate improbantur. Inter colores medium tenet citrinus, aut subrufus à moderato calore oriundus: quicunque citra hunc consistunt spiceus, glaucus, albus caloris debilis, & cruditatis, sunt indices. Aquea quidem urina vltimæ est imbecillitatis indicium. Huic proxima quæ mixtam vini tenuis atque albi formam obtinet, post hanc subpallida.

Quicunque supra, croceus, ruber, passeus, viridis, cœruleus, liuidus, niger, calorem

*x. Prognost
t. 42.*

*Gal. 1. de
crisib⁹ 12.*

extraneum indicant, aut humoris alieni permissionem. Tantò deteriores euadunt quantò ad nigrum proximius deflectunt, nisi fortè vel à crisi pendeant vel ab externa causa. Urinas denigratas vsque adeò deleterias & exitiales expertus est Galenus, vt neminem vnquam seruatum viderit qui tales eminxerit. De Chymosi ista sufficiant, nunc ad contenta veniamus.

Loco supra citato.

Dubitatio undecima. Quæ signa ex urina contentis petenda?

VRina optima est si candidum sedimentum fuerit, læueque & æquale per omne tempus dum morbus iudicetur, securitatem enim ac morbum fore breuem significat. Si verò intermittit, atque interdum puram emittit urinam, interdum subsidet candidum ac læue, morbus diuturnior ac minùs securus est inquit Hippocrates. Vbi perfectam Hypostasim, & quæ ab ea significantur exprimit. Imperfectæ signum vnicum proponit inæqualitatem; cætera latius in sequentibus prosequitur: nos facilioris doctrinæ gratia singula ab eo dicta ad propria capita reuocemus.

2. Prognost. t. 26.

Sciendum in primis contenta in duplici esse differentia; vel enim cum urina ortum

in venis perfectionemque adipiscuntur; vel aliundè adueniunt, seroque immista crassamentum veriùs quàm sedimentum deponūt. Quæ prioris sunt generis, quatuor obijciunt nobis attentè consideranda: locum, qualitatem, substantiam, & quantitatem.

Locus triplex est, summus, medius, infimus. Summus est suprema vrinæ facies; medius media; infimus, fundus. Summum tenet nubes: mediū Encoræma siue suspensum. Fūdum Hypostasis, seu sedimentum. Quæ nihil omninò deponit vrina, vel tenuissima est & aquea, sūmæque tenuitatis profert indicatiū: vel cōfusa & turbida de qua paulò superi⁹ egim⁹.

Vegeti caloris argumentum est Hypostasis; non ita validi, sublimamentum, seu appensum; minimè omnium validi, nubecula. Quod enim exquisitè coctum secretumque, est æquale, ac simile, vt potè nullum habens flatum, in fundum descendit vasis vrinam continentis. Quod verò permistū Aëreo & vaporoso quodam flatu, id subductum ab eo quod proportionale sit quantitati subducentis, minusque & magis sursum fertur, ait Galenus.

Qualitatem & substantiam præfato à nobis textu declarat Hippocrates: qualitas laudabilis est vt sit alba: substantia, vt lævis.

Albedo naturæ dominium & victoriam palam facit: vt potè cum solidioribus corporibus coctione quodammodò assimiletur Hypostasis. Læuitas dicit substantiæ modum,

*Galenus 2.
prognost.
comm. 36.*

*Galenus 1.
prognost.
comm. 42.*

qui est vt vnita sit, omnique ex parte co-
hærens, non aspera, non diuulsa: quæ natu-
ræ vis est in cogendo, eadem in coquen-
do. Quorsum (inquit aliquis) cùm tanti
passim hæc coctionis notas æstimet Hippo-
crates, vrinas coctas malas in Prorheticis
asseruit? nullus in Epidemicis obiit, qui co-
ctas vrinas excreuerit: Quonam igitur iure
tales in Prorheticis damnantur? Facilis ex
Galeno solutio, nam vel detrahenda dictio
malæ: vel cum Rufo legendum *ἔργα πύπωνα*
κακὰ hoc est vrinæ quæ cum labore excer-
nuntur malæ, non autē *πέπωνα* hoc est coctæ.
Meliùs adhuc (meo iudicio) fuerit priuatiuâ
particulâ quæ inuenitur, in fine dictionis *ἔργα*
adiecta Apostrophes nota dictioni *πέπωνα*
præfixisse, vt sêsus sit, *ὅτι τὰ πέπωνα κακὰ* vrinæ
incoctæ malæ, tumque nulla reliqua inue-
nietur difficultas.

Quid de alijs sedimentorum coloribus
æstimandum? Si vrina fuerit subrubra, & se-
dimentum subrubrum, ac læue, diuturnior
hic morbus quàm primus, sed maximè salu-
taris. Salutaris, quia humoris integerrimi,
puta sanguinis exuperantiam indicat non ex-
quisita ratione confecti. Diuturnior, quia
humidioris, & magis serosi, qui non nisi
tempore coquitur.

Nigram vitiosam appellat Hippocrates,
Galenus exitialem: quoniam vel ob vehe-
mentem frigiditatem accidit, vnde caloris
extinctio: vel ob insignem calorem, vnde

1. Prorhet.

Hippocrat.
2. prognost
t. 27. &
ibi. Galen⁹

2. prognost
29.
Gal. 1. de
cris 12.

exustio, & colliquatio. Et hæc in febribus sub præfatis limitationibus audienda, itemque ad cæteros transferenda. Ad crassitiem quod attinet, & tenuitatem, respondet vtrūque, victus formæ vel humori dominanti. De quantitate pariter iudicandū, copiosum nāque & crassum sedimentum pariunt crassi, multiq; humores: nullum, aut omninò paucum, & tenue, biliosi: ac ferè nebulam potiùs, aut appensum, quàm sedimentum. Quā ob causam in pueris fermè omnibus, & adultis otiosè degentibus, aut quouis alio modo repletis, satis multam Hypostasim habent vrinæ, quoniam in his redundant cruditates: in pueris propter voracitatem, in adultis etiam propter desidiam. Quamobrem qui vel ex otio, vel ex ingluvie febriçant, si sanitati restituendi sunt, plurimū sedimentum deponant necesse est. E contrario ijs qui ex inedia & labore, nubes, vel suspensio bona sufficit. Quantitas ergò ex se nihil indicat, sed cum pravis signis coniūcta vel cum benignis, eorum vim manifestiùs declarat, pro cuiusque morbi, humoris, ætatis, sexus, cæterorūque his similium ratione. Addidit postremò æqualitatem Hippocrates quæ qualitati est & substantiæ communis. In duobus autem consistit æqualitas.

Primò nempe in singularum partium similitudine & paritate, tum in colore tum in substantia. Secundò in continuitate temporis siue perseverantia, quæ nunquàm evariet.

*Gal. 1. de
cris. c. 12.*

Quæ modò alba est, modò alterius coloris, vel modò lævis nunc aspera, diuturnitatis & minoris fiduciæ ac securitatis præbet augurium. Simili ratione, quæ vna ex parte alba est, ex altera citrina, crocea vel alterius coloris, hinc lævis, illinc aspera & rugosa, hinc continua, & cohærens: illinc veluti fissa atque diuulsa, neque breuitatem, aut facilitatem, neque certitudinem vllam pollicetur, sed vehementem perturbationem.

Hippocrates 7. Aph. 33.

Quæ aliundè adueniunt contenta, seroque permiscuntur, ratione loci nihil à præcedentibus dissident, easdem vrinæ sedes occupant, sed diuersas planè sui primordij causas agnoscunt.

Innatant corona, spuma, bullæ, olei veluti puncta, pinguedo. Coronæ color dominantis humoris colorem exprimit, ex cuius natura de morbi longitudine, & securitate licet coniectari.

Spuma à flatibus, vel humorum ab interno incendio commotione excitatur.

Galenus 2. prognost. comm. 47.

Bullæ quò solutu difficiliores eò magis pertinaces humores significat, à quibus contumaces pariter oriantur affectus. Quippè tenuis humor qualis exquisita aqua habetur, quoties purum aërem compræhendit, diutius non continet sed statim rescissis bullulis in propriam sedem remeare finit: qua de causa promptè in mari spuma soluitur. Crassus verò & glutinosus humor quoties turbulètam & nebulosam substantiam intra se in-

Galenus ibidem.

cluferit, plurimum retinet, quoniam nec illa sursum versus festinat, nec facile rescinditur. Verum non tantum ex bullis solutu difficilibus, sed simpliciter ex bullis morbi longitudinē auguratus est Hippocrates. Quoniam (inquit Galenus) cum flatuosus spiritus vnā cum vrinis excernitur, frigidā ægritudinem indicat: sed frigidum omne ægrē solubile est, & vix coctionem admittit quamobrem in longum protrahitur.

7 Aph. 34.
& ibi Gal.

Hipp. 2.
prognost.
t. 35.

7 Apho. 35

Olei puncta, & telis araneorū similis pinguedo innatans, colliquationem corporis atque consumptionem nuntiant. Oleagineas quidem vrinas prauas nuncupat Hippocrates, prauiores tamen sunt pingues æstimandæ. Notent hinc & alibi iuniores accuratē distinguendum, nunquid particularem renum affectū sequantur vrinæ, nam pingues vrinas νεφεστινάς vocat idem Hippocrates, hoc est renum vitium indicantes: vbi partem affectam discernendi nobis viā aperit vox ἀσπὼν hoc est cōferta. Nam colliquati circa renes adipis partibus transsumptio, ad vrinas celerissima, simulque tota fit non paulatim: in alijs partibus non item, defertur primum pinguedo ad venas proximas, ab his ad alias dum tandem perueniat ad renes. Medium vel fundum vrinæ tenent quædam corpuscula farinæ crassiori similia, vel squammulis aut furfurī, vel capillis, aut pultri, à quibus futuri euentus præsagia nobis cum nostro doctore depromenda. In summa hæc vel

vel renum aut vesicæ particulares effectus minimè quandoque lethales demonstrant: vel totius venosi generis, & in acutis febribus aut longitudinis signa sunt, aut colliquationis, aut mortis.

Si vrinæ sedimentum speciem referat farinæ crassioris malum est ait Hippocrates. Deterius verò si squammularum more consistat: si tenue admodum & candidum est vitiosum est, fursureum deterius. Farinacea quidem Hypostasis verè mala, vt potè quæ diuturnum fore morbum ostendit, multamque requiri coctionem, quam priusquam absoluat natura plurimum morte præuenitur. Addo hanc ipsam duarum simul dispositionum esse indicem grandis scilicet colliquationis, & caliditatis æstuosæ, quæ sanguinem adurit. In ea quæ squammis repræsentat, vasorum partes superficiales omninò resoluuntur atque colliquantur. Similiter in fursurea. Huius particulae tantò sunt squammulis crassiores & minores, quantò squameæ sunt his ipsis tenuiores atque latiores. Tenuis porrò vrina cum eiusmodi crassamento, venas: non tenuis, pati vesicam indicabit.

Sub hac eadem distinctione capillamenta vel in renum vitium, vel in venarum affectum retorquebis. Fiunt autem veluti capilli ex crassa lentaque materia calore in venis incensa atque exsiccata, quod ex eorum colore & mole colligit Galenus, quamobrem & venarum feruorem, & affectus diu-

2. prognost.
r. 38. & 66.
Galenus

7. Aph 3 r.
& ibi Galenus

Gal. 1. de cr.
cap. 42.

4. Aphor.
com. 77.

Galenus 6.
de locis af.
fectis 42.

turnitatem portendunt. Eandem illorum in renibus generationem, ex prægressa causa, & curationis methodo, arguit idem Galenus: nam quidam tale corpus medij cubiti longitudine excreuit, qui toto fere præcedente anno orobum & fabam comederat, sæpissimèq; caseum & tenerum, & siccum, omnesque alij quibus talia mingere contigit, cibis crassioribus vescebantur, contra vero attenuantibus & incidentibus ac victu humectante curabantur.

Solum fundum occupant pus, & pituita. Pus quidem, interni abscessus aut vlceris argumentum. Pituita vt plurimum à cerebro, vel à ventriculo ac intestinis fertur in renes, quantumque ex se est longitudinem minatur: quanquam non istud perpetuum, leui enim Cathartico, sæpè ad anum diuertitur ac integrè expurgatur.

His quæ ad vrinas pertinent declarasse sit satis, in quibus aliquantò fuimus longiores, quod nullum planè aliud eorum quæ intra venas sunt signum habemus euident & manifestum, ex quo certiùs in acutis febribus de futuro euentu, ac de agendis sententiam feramus. In eiectionibus & sudoribus erimus breuiores.

*Galenus 4.
de sanitate
tuenda.*



Dubitatio duodecima. Quæ signa ex deiectionibus promenda?

Diectionis optima est inquit Hippocrates, si mollis constansque coque tempore secreta qui secundum valetudinem affluevit, si copia ex ratione ingesti cibi, si enim talis excernitur, venter inferior bene habet. Addit postea subrufa nec graueolens esto. Quibus verbis deiectionis laudabilis notas ex quatuor fontibus deriuat. Ex substantia, ex secretionis tempore, quantitate, & qualitate, quæ non modo probam ventris inferioris (hoc est ventriculi & intestinorum) dispositionem attestatur, sed præterea nihil in eum ex hepate, liene, vel aliundè incumbere. Itaque præfatis, contrariæ deiectiones, vel prauam ventris constitutionem denotabunt, vel humorum præter naturam ex alijs partibus affluxum.

2. prognost.
13.

17.

Damnat in primis Hippocrates deiectiones crebras & paucas propter desidendi laborem qui insomnium parit. Frequētes quoque & multas, propter, viriū exolutionem.

2. prognost.
14.

Damnat præterea aquosas, vt pote crudas. Spumantes, vt quæ vel affatus copia, vel ab æstu vehementer agitante. Candidas (subrufas enim antea probauerat) quoniam bile

qualitate modica & quantitate pauca tinctæ naturaliter esse debent.

*Ibidem r.
50. 51. 52.
32.*

Si ergo vel propter obstructionem meatus Cholidochi distribui ad intestina bilis nequeat vel aliò rapiatur, alba, aut cineritia erunt excrementa.

*7. Aphor.
6. & ibi
Galenus.*

Damnat quoque versicolores, aut synceras, croceas admodum, portaceas, liuidas, nigras, opimas, foetidas, laues. Versicolores varios tum affectus, tum humores designât, vnde longitudinis & periculi metus. In diuturno morbo synceras deiectiones malum ostendere annotauit idem Hippocrates, nam exustam omnem natiuam humiditatem indicant. Croceæ admodum, aut virides, bilis croceæ permistam copiam. Porraceæ, eiusdem coloris bilem notant. Liuidæ modicum bilem nigram modicè permistâ. Nigræ synceram bilem atram. Opimæ consumptam ab igneo calore: pinguedinem, foetidæ putredinem; laues cõfirmatam ac vniuersalem prauitatem: læue enim redditur quicquid è corpore excernitur, aut quod habeat æqualem coctionem itavt nulla pars naturæ alterationem fugiat, aut propter vehementem consumptionem, vt nulla pars materiæ supersit imperpeffa, vt igitur addita salubribus æqualitas, illa salubriora reddit & firmiora sic prauis adiuncta, deteriora ipsa efficit.

Quæ de vrinis & alui excrementis scriptimus debent sub ijsdem rationibus & limitationibus proportionem intelligi: spectadūque

in primis, num vel ab assumptis, vel aliunde extrinsecus, utrorumque tum substantia, tum quãtitas, tum qualitas immutetur. Num etiã naturæ vi & beneficio quod molestum est criticè expellentis, nam à furore difficultatem intestinorum laudat Hippocrates, & alibi cum in febribus non intermittantibus liuidas, cruentas, foetidas & biliosas omnes excreationes damnasset, mox subiecit, si benè exeant siue per alui excretionem, siue per vrinas, bonas æstimandas: benè exeunt cum apparent coctionis signa, cœteraque præfata laudatæ criseos indicia occurrunt. Amplius nigras deiectiones admodum improbat & cum febre & sine febre: & quo plures deteriores fuerint colores, eò deterius æstimat, non tamen si è medicamento excludantur, sed si spõte naturæ exturbentur: nam multi deiectionum colores præter naturam sponte educti multarum malarumque in corpore dispositionum proferunt notas: sed à medicamento vim habente varia pellicere, nihil absurdi imò verò naturæ victoria & humorum in sequendo facilitas demonstratur. Et hæc gratia exẽpli dicta sufficiant ad cautelam. Sed vereor hæcuros circa petitum à foetore prognosticum non paucos, qui enim fit vt id quod sanis atque ægrotis commune est malo imputetur? an suauem in benè valentibus odorem aliquem spirant alui excrementa, qualis in animantium quorundam deiectionibus percipitur? an non

7. Aph. 5

4. Aph. 47

4. Aph. 21.

potius tetrum, ac perpetuò fœtidum? quid quod qualia assumpta sunt, neque odore immutata si excernantur extremæ imbecillitatis est argumentum? vel ergò perpetua in sanis putredo, si hanc perpetuò fœtor indicat; vel non est ratio sufficiens cur in sanis fœtorem probemus, aut eundē certè in ægrotis potius, quàm in illis improbemus.

Admittimus nos fœtorem etiam in sanis putredinis esse sobolem, sed hic dum ordinarius est, ordinarias etiā causas prodit, sin extraordinarius, extraordinarias. Urinæ & alui excrementa fœtida non appellamus nisi cum à consueto modo deficiunt, & limites naturæ solitos prætergrediuntur. Quæ omni fœtore destituta sunt, calorem ita exiguum esse significant: vt non modò non perficiat sed ne aggrediatur quidem coctionem.

Sed quæ in sanorum fœcibus fœtoris causa? nunquid etiam in excrementis natui caloris actio illucescit? quæ nativo calori & putredini communio? non omnem fœtoris causam in calorem reiicimus, sua est ex parte materiæ culpa, sed neque calorem prorsus à culpa vindicamus. Calorem (inquam) non quidem natium sed extraneum quodammodo: nam quo tempore in ventriculo sit coctio, naturalis calor in omnes ingestis cibis partes se se equabiliter diffundit, homogenea, ab heterogeneis separat atque segregat. Quæ naturæ alendarum partium similia sunt & benefica per mesaraicas venas in iecur,

à iecore per venas in omnem corporis ambitum feruntur. Quæ nutritioni inepta ac inutilia, à tenuioribus intestinis in crassiora depulsa tanquam aliena & extranea à naturali calore negliguntur, atque deferuntur, tum in ea calor continentium partium agere occipit vt extraneus, en prima sœtoris occasio. Altera & potissima est ex parte materiæ, quæ multo humido crudo, atque incocto scatet ac superfluit, humida autem calido loco conclusa facillimè computrescunt.

Dubitatio decimatertia. Quæ signa ex sudoribus desumenda?

VNico textu quæ ad laudabiles & il-
laudatos pertinent sudores complexus
est in prognosticis diuinus senex, atque eorum quinque nobis indicia proposuit.

Primum est tempus: sudor optimus (inquit ipse in Aphorismis) per omnes acutos morbos, si per diem euenit decretorium. Qui autem alijs diebus accidit, laborè significat, morbi longitudinè & relapsum,

Secundum est quantitas causæ morbificæ respondens, quæ hac clausula notatur (*& integrè sedat febrem*) sudoris enim paucitas naturam ostendit vel humorum copiam pressam, vel certè exolutam.

*1. prognost.
26.*

*4. Aphor.
36.*

Sudor exuberans humorum quoque exuberantiam denotat & naturam exolvit.

Tertium est locus : bonus (inquit ille) si ex toto corpore prodeat sudor; at pessimus qui circa caput tantummodo, vultum & cervicem; hic enim cum acuta febre mortem cum mitiore, longitudinem denuntiat.

Quartum est qualitas, pessimum reputat frigidum idē Hippocrates, propter eandem cum precedente rationem; quamobrem si laudabilis calidus sit quoque necesse est. Frigidus enim crassitiem peccantis humoris designat, qui idcirco discuti facile ac superari non potest. Calidus tenuitatem, ratione cuius minus coctioni resistit, & dissipationi. Sudor itaque multus frigidus, aut calidus assidue fluens frigidus quidem longiorem; calidus breviorē affectum prænuntiat.

Quintum, est eruptionis modus his verbis expressus: sudores qui cum guttis fiunt boni sunt. Hoc est qui confertim erumpunt, aliās guttatim non stillarent. Ex conferta eruptione validam naturam coniectamur, ex contraria debilem ac elanguidam.

His absolutam pro modulo nostro arbitramur, proque rerum necessitate, si non pro dignitate, primam nostri propositi partem, in honorem DEI TER OPTIMI, MAXIMI, VIRGINIS QZ DEIPARÆ: in studiosorum commodū, & egrotantium salutem.

FINIS

4. Aphor.
37. & ibi
Galenus

4. Aphor.
42.

Extraict du Priuilege du Roy.

LOVIS par la grace de Dieu Roy de France & de Nauarre. A noz amez & feaux Conseillers tenans noz Cours de Parlements, Baillifz, Seneschaux, Preuosts, leurs Lieutenans, & à tous nos aultres Iuges & Officiers salut, nostre biē amé Sebastien Philippe Imprimeur Iuré à Toul nous a faict remonstrer quil a recouuert vn liure intitulé *Controuersie Theorica Practica in primam Aphorismorum Hippocratis Sectionem. Auctore CHRISTOPHORO CACHETO: Serenissimi Lotharingie Ducis Consiliario & Medico ordinario*, grandement vtile au bien du publicque: lequel il feroit volontiers imprimer & mettre en lumiere s'il ne craignoit que quelque autre Libraire ou Imprimeur voulust faire le semblable, & par ce moyen le fruster de la recompence (que cest œuvre & la despence qu'il y conuient faire) luy promettent. Occasion qui luy a faict nous supplier luy octroyer nos lettres de permission necessaires à ces causes. Le voulant fauorablement traicter, & afin qu'il soit récompencé de ses labeurs & despens, auons de noz grace speciale, pleine puissance, & auctorité Royale, permis & permettos d'imprimer faire imprimer, vendre & distribuer par tout cestuy nostre Royaume, & Seigneurie de nostre obeissance ledit liure, sans que durât

fix ans autre que luy & ceux qu'il vouldra se
puissent entremettre en l'impression, vente
& distribution d'iceluy, soubz quelque pre-
texte & deguifement que ce soit, à peine de
cinq cens liures d'amende, despens domma-
ges & intersts, declairant à ces fins tous les
exemplaires & liures contrefaits acquis &
cōfifqués audict Philippe, qu'il pourra faire
saisir la part où ilz seront nonobstant opposi-
tiōs ou appellatiōs quelcōques. Si vous man-
dons & à chacun de vous tres-expreslement
enioingnons que du contenu en ces presen-
tes vous faictes, souffries, & laissies iouir &
vser plainement & paisiblement ledict Phi-
lippe, ses assocyez & ayant cause, sans per-
mettre qu'ilz y soiēt troublez. Voulons qu'en
mettant au commencement ou fin dudit
liure ces presentes ou vn bref extraict, quel-
les soient tenues pour d'heüement signifiees,
& qu'à la copie collationee par l'vn de nos
amez Conseiller, Notaire, & Secretaire,
foy soit adioustee comme au present origi-
nal. Car tel est nostre plaisir. Donnē à Paris
le dernier iour de Ianuier l'an de grace Mil
six cens douze, & de nostre regne le deu-
xieme.

Par le Roy en son Conseil

DESFORYES.

L Edict Sebastien Philippe a impartty le
 Priuilege à luy octroyé par sa Maieité a
 Claude Louys, & Nicolas Thouuenot Mar-
 châds Libraires, & non à aultres, pour iouyr
 plainement & paisiblement du contenu en
 iceluy, comme appert par le transport sur
 ce faict le 24. Iuillet 1612. Signé. Florentin.

ERRATA OBSCURIORA SIC

*corrige. Prior numerus paginam,
 Posterior lineam denotat.*

4. 18. assistentes. 15. 9. haud multum. 22. ἀθανάτους.
 21. 4. ἀποματι 22. 26. transferimus. 26. 6. γεγενῆ-
 ρων. 17. κελύσω 39. 6. solum. 44. 18. Quorum. 47
 23. habet. 48. 28. παρελίσσι. 49. 2. redundare. 51. 23.
 exinanita. 54. 8. prăditi. 60. 8. enim. 62. 30. proximos.
 63. 1. exercet. 32. origo. 64. 28. Nunc. 67. 17. imperata. 69.
 31. opus. 78. 2. affectus. 83. 32. in. 84. 13. Rhabarbarum.
 85. 27. effatu. 86. 30. commodē. 88. 14. rum quantitatis.
 89. 21. inanitionis. 31. allegato. 90. 22. asserendum. 91. 6.
 solum. 8. vilius. 11. veritate. 12. ipsam. 92. 27. praua. 93. 15.
 Et quidem. 103. 24. quantiratis. 104. 11. hæc. 29. contrarium.
 105. 5. expositio. 106. 19. hæc. 107. 27. consuetudine. 112.
 9. inferiora. 113. 26. mti & 27. Critica. 114. 22. singulari.
 115. 13. expunge. 116. 18. sunt. 24. si. 117. 21. extrudit. 32.
 Neotericis loquendi. 120. 21. infarctus. 121. 2. Pharmaceu-
 tici. 125. 10. indicari. 127. 10. iterum. 19. sumpta. 129.
 32. indicatur. 136. 14. qualitatē. 137. 14. iudicari. 140. 27. vbi.
 143. 13. enematis. 18. iudiciū. 25. argumētis. 29. reidit. 145. 6.
 non. 14. nam. 147. 6. efficiunt. 151. 28. omnes. 153. 19. exposi-
 tio. 155. 16. iudicatur. 159. 30. num. 160. 2. toti. 161. 18.
 paruos. 30. acer 168. 28. refert. 171. 7. adstipulantur. 172.
 9. &. 173. 4. Quod ad. 13. & ὁμφας. 175. 12. iudicassent.
 29. γίνοντ. 176. 18. καρικομένων. 180. 5. fiunt. 181.
 4. ipsi. 14. num. 182. 11. &. 183. 9. faciat. 184. 16. pręcognitio-
 ne. 17. videatur. 185. 25. incidunt. 187. 26. porrecta. 202.

17. affectiones. 205. 3. qualem. 225. 2. affectas. 230. 31.
 quæso. 233. 22. providentiæ effectibus 238. 13. significatiõẽ.
 250. 24. tacitè. 256. 29. nominabimus. 257. 19. proportio.
 266. 20. induci. 266. 30. venarumque. 276. 28. nocumẽto.
 277. 15. genuina. 315. 7. cautiones. 317. 23. defuit. 338. 5.
 verum. 341. 3. dysuria 345. 27. sursum. 352. 3. fit non. 352.
 24. compescendi. 358. 28. secreti illi 372. 7. pollicimur. 408.
 8. externum. 454. 8. subsistunt. 529. 23. conferta. 576. 11.
 minimè. 545. 17. affectu. 549. 6. nam. 517. 9. vniuersalior
 615. 21. effectusque. 628. 11. mentis. 632. 9. nam. 655. 7.
 imperari. 664. 1. notationem. 686. 14. Phlegmone 692. 9.
 efficit. 700. 22. multa. 700. 24. indubitatis. 706. 18. appli-
 cat. 706. 28. remorantur. 717. 9. internis. externis 728. 2.
 tepore. 741. 21. breues. 764. 31. resistendum. 770. 7. con-
 gressu.

